






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.243




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.243





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.243







2.6.243









2.6 24
PH. 23682

842.0.2

2.6.243

2 R.6


2.6.243

B

XXXI

Scioppa
Ecclesia
10.11.

2.11.



2.6.243
CI

GASP. SCIOPPII ECCLESIASTICVS

Auctoritati

SERENISSIMI D. IACOBI
MAGNÆ BRITANNIÆ REGIS

OPPOSITVS.

In quo cū Argumento magnam partem Nouo,
tūm Exemplo nemini adhuc vſitato diſputatur

*De amplitudine poteſtatis & Iuriſdictionis Eccleſiaſticae tam in tempora-
libus quā in ſpiritualibus.*

*De Regum ac Principum Chriſtianorum erga Eccleſiam eiſque Antiſti-
tes ſeu Pralatos officio.*

*De natura & ingenio Eccleſie Rebellium, ſiue Hæreticorum, variisq; eo-
rundem ad Eccleſie obedientiam reducendorum modis.*

*De Charactere, ſiue ſignis ac Notis Eccleſie, ex quibus eam tam Ethnicī,
quā Hæretici à quibuſcumque Hæreticorum conuenticulis queant
internoscere.*



HARTBERGÆ
ANNO CIO. 1731.

GASP. SCIOPPIVS Librum hunc suum S. Romana Ecclesia iudicio
& censura humillimè subycit, & quemadmodum de rebus ac sententiis
Adiaphoris aliquid sibi à ceteris aliter existimantibus concedi fas arbi-
tratur, ita si quid ei per imprudentiam præsertim properanti exciderit,
quod eidem S. R. E. neque cum Catholica fidei, neque cum morum regula
satis congruere videatur, id sese dictum scriptumue nolle, ac mutare, de-
clarare, corrigere, inducere & detestari ex eiusdem Ecclesia præscripto
paratissimum fore sine dolo & fraude profitetur.



MARTINUS

ANNO DOMINI 1681

ILLVSTRISSIMO ET EXCELLENTISSIMO

Sacri Romani Imperij Principi.

D. FRANCISCO GON-
ZAGAE PRINCIPI CASTILIONI,
Marchioni


*MANTVAE ET MEDVLARVM,
Sulpharini Dynasta,*

CÆSARIO APVD REGEM CATHOLICVM
Oratori.

AVREI VELLERIS EQVITI &c.

GASPAR SCIOPPIVS

S. D.



Ristotelem ferunt cū ab aliis Auaritiæ, ab aliis verò Effusionis & prodigalitatis nomine accusari se accepisset, non medicriter ea re gausum esse: quippe qui eam minimè fallacem virtutis illius, quæ in largiendi mediocritate consistit, Liberalitatis notam esse intelligeret. Medij namque argumētum est, alijs aliud extremorū videri. Quem enim timidi audacē, audaces verò timidū dicunt in medio eum versari vereq; Fortē esse iudices licebit. Itaq; Philosophus idem in Politicis, quo loco de paucorū ac populari statu æquabiliter miscendo disputat, hanc iustæ temperaturę ac misionis notam adfert, si ambiguum sit vtro nomine illa æipub forma, Oligarchiæ ne an Democratiæ propriè sit appellanda, cū alij eam aliter vocare soleant. Quapropter bona spe teneor, me hoc meo libro, quē nō tam disputationi & argumētis, quā Auctoritati Serenissimi Britanniæ Regis opposui, officio egregie functum esse, cū alios nimiam meam in Ecclesiæ hostes lenitatem ac verborum moderationem accusaturos, alios vicissim de acerbitate meā, qua me vsum fuisse, neque humanitatis rationem habuisse existimabunt, conquesturos esse

2 2

que

minime dubia sed certa perspicuaq; coniectura pspiciam. Protestan-
tes enim præcipueq; Principes ac proceres, quibus benè longam hoc
libro disputationē impendi, totumq; Lutheranismi vitium in mediū
praxi, ex quo suam quisq; possit partē agnoscere, cum ab animo egri
sint, & q; ipso morbo peius est, ærotare se nesciant, nō modò Medi-
cinam, cuius eis offertur copia, infestis animis aspernantur ac repudi-
ant, sed ijs etiam, quos ad salutē ipsorum verba conferre sentiunt, ve-
lut hostili erga se animo affectos, capitale odiū indicūt. Atq; hoc gra-
uiore & periculosiores sunt animi, quàm corporis, morbi, q; vbi cui
caput, manus, pes, latus aut quoduis aliud membrū condoluit, statim
medicus accersitur, neq; ei vel molesta imperanti parere graue est: sed
qui animo laborat, morbi ferè sensu caret, atque etiam bellissimè &
ex sententia valere sibi videtur, ac ppter ea medicum, qui remediū ipsi
paret, nō secus ac hostē infestissimum insectatur. Eius verò mali spe-
cimen etiam illi corporis morbi p̄bent, qui sensuum stuporē coniun-
ctum habent, q; genus est veternus, morbus comitialis, phrenesis, atra-
bilis & Febres, quæ ardoris magnitudine mentē alienant ac delirium
inducūt. Illis enim morbis affecti nō modo medicinam nō expetunt,
sed omnino neq; conspectum medici sustinent, aut etiam verborum
verberumq; contumelijs eum abigere conantur. Quàm porro ancipi-
ti ac periculoso vesaniæ genere, q; ad Religionis causam attinet, Pro-
testantes teneantur (nam ceterarū rerum neq; prudentiæ, neq; multi-
plicis virtutis laudem illis adimere postulo) ita meus hic liber aperit,
nemini vt dubiū fore putē, quin non in alios magis, quàm in illos hæc
Psalmi verba conferri possint: *Furor illis secundū similitudinē serpentis: sicut
aspidis surda & obturant aures suas, quæ non exaudiet vocē incantantiū, &
venefici incantantis sapienter* Fortassis etiam erunt, qui mihi siue Phrene-
ticorū medicinam paranti, siue serpentum incantationem alios do-
centi illud Ecclesiastici regerendum putent: *Quis miserebitur incantato-
ri à serpente percusso, & omnibus, qui appropriant bestijs?*

Sed profectò insipienter facio, qui subdubitabundus illud affir-
mem, cum neq; tu, Illustrissime & Excellentissime Princeps, ignores,
quàm nonnullis Catholicorum parū omnis illa, quam Germano-
rum Protestantium saluti nauamus, opera probetur, quorum senten-
tia Sophoclaro illi hac in re locus sit:

— ὁ πρὸς ἰατρὸν σοφῶς

ᾠροῦν ἐπὶ δῶδε πρὸς τομῶντι πῆματι.

— non Medici Sapientis est,

Cantu mederi, cum secari res iubet.

Itaque

Itaque fremunt ac ringuntur, cum vlla Protestantibus humanitas
 tribuitur, adeoque vel Reges ac Principes illis honorum titulis vulgo
 consuetis appellari, disciplinæ Ecclesiasticæ dissolutionem clami-
 tant, & si arbitrio ipsorum fiat, ut quemque Protestantium compre-
 hendi posse contigerit, nullo nec ordinis, nec ætatis, nec sexus, neque
 cuiusquam rei discrimine habito recta in Tullianum abducatur, ei-
 que detur optio, utrum Catholicam fidem, quamvis rationes eius
 nondum satis edoctus, amplecti & Heresin eiurare, an ad stipitem de-
 ligatus sarmentis circumaccensis Herculis Oetei fato conflagra-
 re, malit. Meminisse te adhuc arbitror, quæ nonnullorum ex ea nota
 sermones Romæ fuerint, cum Clemens vii. benedictæ memoriæ Pon-
 tifex, ut erat admirabilis illi viro prudentiæ & consilij abundantia pa-
 ri quidam præcipua & charitate iuncta, assensit mihi, ut Protestantes Ger-
 mani sine fraude ac periculo Romam adire, inibique quæ visu digna
 essent, perlustrare possent: insuper etiam Xenij ac muneribus non
 modò Principes ac proceres, sed cæterorum quoque ordinum homines
 liberaliter affectos dimisit. Non fuit scilicet, quod vel Pontificem il-
 lum, vel præcipuos Cardinalium aliosque primi nominis Antistites,
 qui Romæ morabantur, sui Curiaque pœniteret. Nam ut non omnia
 ibi ex voto sint, neque sic se habeant, quemadmodum illo Ecclesiarum
 omnium apice dignum erat, multo tamen ea commodiora Protestantes
 inveniunt, quam sui eis Præcones siue Prædicantes persuaferant
 πάντες ὁσὶν κέρυξί νῆμος, δὲ τόσα πυρρὴ τῶν ἰνομένων. Omnibus enim hic præ-
 conibus mos est, his tanto maiora facere & exaggerare, quæ facta sunt, ait Euri-
 pides. Illud quidē satis mihi exploratum est, neminem esse ex omni-
 bus Protestantibus, qui quidē Romæ fuerit, quin hoc nobis largiatur
 & ingenuè tribuat, nihil Romæ esse vitij, quin idē alijs in ciuitatibus
 paulò celebrioribus vberrimo prouentu inueniatur, nullum verò cō-
 memorare se locū posse, vbi iustitiæ, temporantiæ, modestiæ, huma-
 nitatis, prudentiæ, pietatis, castitatis, liberalitatis, & magnificentiæ æ-
 quē multa & illustria exempla ac Romæ inueniantur. Si qui verò Pro-
 testantes sunt, qui aliter loquantur, aut se pleraque istorum pro virtutibus
 non habere, aut plus cum ijs, qui ad tabernas, lupanaria, omninoque
 meruentia Ædilem loca viam nossent, quam à quibus aliquid libero
 nobiliq; viro dignū disci posset, versatos fuisse fateantur necesse est.
 Porro ferendi non videntur, qui à virtutibus Romanorum propius
 degustandis Protestantes propterea exclusos cupiunt, quod ex inge-
 nio suo ceteros æstiment, cumque maioris alicuius virtutis exemplū à
 se peti

se peti posse diffidant, continuo ne aliorum quidem vita penitus inspe-
cta existimationem Romanæ Curiae sustineri posse iudicent. Ex isto ge-
nere fuerunt, quibus bilē mouit liber meus, quē *Scaligerū Hypobolimaen*
inscripsi, non quo hostē Ecclesię vnum omnium, qui vniquam fuerint,
insolentissimū & audacissimū à me iugulatū concisumq; nollent, sed
quia quē de Protestantibus ibi scripsi, rationi ipsorum vehementer ad-
uersantur, non esse eos scilicet vniuersē ac p̄miscuē vno omnes ordi-
ne habendos, neq; Hæreticos indiscriminatim appellandos, atq; adeo
nec Hæresin eorū, cuius laqueū ignorantib⁹ ipsis vel parentū vel ma-
gistrorū auctoritas impegit, quē nec soluere suo Marte sciant, nec ab-
rumpere, satis iustam, cur inclementius à nobis accipiantur, causam
esse. Et quoniam per tristes istos ac directos Aristarchos non stetit,
quominus liber ille Censoria Inquisitorū notione p̄scriberetur, eius-
que lectio pœna sanciretur, aberit non longē, quin *Ecclesiasticum* hunc
meū, quamuis multo liberius & apertius, q̄ pleriq; balbutientū Theo-
logorū solent, p̄ Ecclesię Summiq; Pontificis auctoritate ac Iurisdic-
tione p̄pugnantē, Edicto notatū, & Romani saltē territorij finibus
p̄hibitum velint. Hocce ut feramus (inquiunt) istum sic Principi-
bus Hæreticis apertē ac palam patrocinari? sui eos Theologi ac Magi-
stri *Sacrilegij* acerrimē postulant, eosq; *raptos, canes, porcos & serpentes*
vocant, quibus non Religio, sed iniustū lucrum religionis velo tectū
cordi sit: atq; ipsi libros illorū, quibus ita describuntur, in ciuitatibus
suis excudi ac vānū exponi sinunt, partim etiam priuilegijs suis mu-
niunt, eoque modo impacta ipsis crimina non obscure agnoscunt &
confitentur. Iste tamen iniuriam eis fieri hoc libro suo contendit, et-
iam q̄ Ecclesiarum bona parentū auorumq; sacrilegio rapta teneant,
exculat, ac p̄ter Religionem, siue Hæresin, non ferē quicquam in ijs,
saltem plerisq; reprehendit, quodq; in Hæresi manent ac pertendunt,
non ipsorum magis, quā Catholicorum culpam interpretatur: hos
armis, si vel plus possumus & omnia secunda habeamus, ad officium
redigendos negat: his datam ac sanctionē pragmatica firmatam, q̄ vo-
cant, *Religionis pacem*, sanctē integreq; à Catholicis seruandam esse pu-
gnat: hos ab ingenio, à literis, ab humanitate, à prudentia, ab omni-
bus denique animi dotibus, quas in Principibus eius Nobilitatis
requiras, tam plena manu laudat, ac tantū non aut Catholicis Prin-
cipibus p̄æfert, aut certē, qui, Catholici sint, digniores esse p̄dicat.
Et tamen isti sunt, qui cū factiosis, perfidis ac rebellibus Catholi-
corū subditis animos addunt, eisq; Consilia, vires ac viros sufficiūt &
suppeditant, cū Papam ipsissimū Antichristū esse cōtendunt, re-

IV

ges principesque Catholicos, velut Antichristi mancipia, neque tollerabilius ipsis Turcis aduersus Christum insanientes & in membra eius sæuientes, omnibus exosos & inuisos reddunt, cum in Catholicorum bona inuadunt, eosque solius Religionis Catholicæ causa patrimonij suis exuunt. tum demum officio se functos putant, tum sibi rem præclarè gestam gratulantur, tum sese habere, cur palàm gloriano & prædicatione magnificè efferantur, existimant. *Carolus* quidem *Sueciæ* ille Tyrannus & alieni regni subseffor, in publicis literis, quas Cæsari omnibusque Christianitatis ordinibus inscriptas & Stocolmi per Christophorum Reusnerum priore anno edidit, *regnum suecorum non optinum, sed hereditarium esse scribit, in quo Regi defuncto, qui sanguinis necessitudine ei sit proximus, succedere soleat. Sigismundum vero Polonia Regem iure suo propterea excidisse, quod à vera Evangelica doctrina defecerit, & Idolatricam* (ista sunt belluæ verba) *Iesuiticam Papisticamque Religionem amplexus fuerit: quod nisi fecisset, nullo iure neque ipsum, neque liberos eius ab hereditario suo regno excludi potuisse.*

Iam de Serenissimo Britannicæ Rege *Iacobo* maxima iisdem reprehensoribus meis historia nascetur. Enimuero hunc esse illum dicent, quo nullus Regum iam inde à Iuliani Apostatæ temporibus plus in Ecclesiam Catholicam qua dolo, qua vi aperta que Tyrannide grassatus fuisse videatur. Hic (inquit) libro palam edito iurare aude, se Catholicos Reges, Principes ac Respub. pro Christianis non habere, quos & cornua Bestiæ, siue Antichristi membra appellat. Hic sanctarum reliquiarum cultum & Imaginum sacrarum adorationem *pro intolerabili Idololatria habere atque abominari se testatur.* Hic Reges Catholicos à Iesuitis ad prelium cum Deo conferendum congregari, horribiles lanienas eorundem impulsu perpetrare, & iisdem magistris peierare, æquiuocare & fidem datam violare discere insimulat. Hic Catholicorum Monasteria, in quibus tot Regum, Principum procerumque liberi, quàm mares, quàm femine, Deo seruiunt, quibus nemo, nisi qui frontem perfricuerit, *stuartum* istum siue nobilitate, siue doctrina, siue virtute ac pietate, parem dicere audeat, in libidinum ac fornicationis carnalis supicionem vocare non veretur. Hic quamuis Angliam sedi Apostolicæ multis sæculis vectigalem, & Hiberniam, Ecclesiæ Romanæ patrimonium, ab Hadriano Papa IV. Henrico Angliæ Regi pactis legibus primum datam fuisse, seque nisi Tyrannus, prædo, & vtriusque Regni mala fide possessor videri malit, sedis Apostolicæ beneficiarium clientem, seu Vasallum, esse sine apertis-

fina

fina impudentia negare nequeat, adeò tamen enixè facit omnia, quæ
 ad vniuersi orbis Christiani populos aduersus Pontificem inflam-
 mandos, omnemque eius potestatem penitus perimendam facere
 putat, vt Cæsaris quoque ac reliquorum Catholicorum Regum atq;
 Principum subditos, modo Papæ ditio minuatur, suæ scriptiõnis
 classico incendi, & ad atrocissimas nefariasque seditiones concitari
 nihil pensi ducat, hancille scilicet habens rationem: *Pereant amici,*
dum vnâ inimici intercidant. Hic sanctissimos Martyres nostros, quo-
 rum sanguinem partim etiam ipse crudelissimè effudit, *Proditores &*
paricidas appellare nihil dubitat, atque adeò ipsum *Thomam Morum*
 non minori stolilitate & amentia, quam iniustitia & impudentia,
 Martirij laude spoliât. *Magnus hic Martyr* (inquit) *non aliam necis causam*
habuit, quam quod refractarium sese Regi Henrico in negotio nuptiarum &
successionis præbuisset, quæ meo iudicio valde carnalis causa martyrij fuit. Itaque
 sapientissimi huius Regis iudicio valde carnalis Martyrij cau-
 sa fuit, cur Iohannes Baptista capite plecteretur, quia nimirum
 refractarius Herodi Regi fuit in nuptiarum negotio, & quemad-
 modum Morus Henrico, *Non licet tibi uxorem habere naturalem tuam*
filiam, supersite præsertim priore uxore, susceptisque ex ea liberis, simili-
 ter ipse Herodi: *Non licet tibi habere uxorem fratris tui.* Et tamen
 eiusmodi fuit illud Henrici Angli cum Anna Bolenia matrimo-
 nium, vt ipse Lutherus, cum quo Legati Regis multum diuque
 frustra egerant, quo minus id probaret, per scripturas sacras veta-
 ri se diceret, velut apud Sleidanum legimus. Huius (ijdem in-
 inquent) iudicio si quis Catholicus Sacerdos aut Clericus in An-
 gliam venit, & si quis eum Laicus recipit, vel quocumque modo
 iuuat, vterque læsæ Maiestatis reus censetur & pœna capitis *perim-*
de ac fur, homicida, proditor & perduellis afficitur. Ista enim Edi-
 cti Parlamentaris verba sunt, quorum iste hodie ad stipulatorem, imo
 custodem & executorem se præbet, neque crudelitatis & immanis
 sequitiæ, veteratoria calliditate iunctæ, priores *Iuliano Apostata* relin-
 quit. *Hic denique quamuis magnificè in libris suis de se profiteatur,*
nihil se non modò editurum, sed neque in secretissimis penetralibus
moliturum, quod si foras sit prolatum, ruboris pudoris suæ necessitatem ipsi af-
ferre possit, multa tamen, quorum compertissima est falsitas, vel li-
 bro illo suo ad Imperatorem, Reges, Principes, Resquepub.
 Christianorum misso proferre audet, quorum nomine, nisi sit im-
 pudentis-

V

pudentissimus, erubescere necesse habeat, siue autem erubescat,
 siue frontem perfricat, fidei palam datæ parum omninò memor
 fuisse rectè videatur. quid enim hoc falsius (inquit) comme-
 morari potest, quod Protestantibus de fidei articulis satis conue-
 nire, neque vlla nisi de apicibus, incertum, quibus, deque rebus adia-
 phoris, dissidia esse scribit? quod apud Catholicos scripturæ sacræ
 libros non modò suppressos, sed etiam ad silentium damnatos,
 & qui Biblia legere aut inspicere auderent, pro Hæreticis combu-
 stos fuisse affirmat ac magnopere aliis persuasum cupit? quod ad
 conflandam sedi Apostolicæ inuidiam, *Alexandrum VI.* Pontificem
 ducenta aureorum millia à *Baiazete* Turcarum Imp. accepisse scribit,
 ut ea mercede fratrem eius *Zemen*, quem tùm Romæ tenebat, nece-
 ret, cum tamèn ipsi Pontificis & Ecclesiæ Romanæ hostes omni eo
 scelere Alexandrum apertissimè absoluant? Legat, qui volet, *Marti-*
ni Crusii, Lutherani hominis *Turcograciam*, in qua *Theodosii Zygomala*,
 Protonotarii Patriarchalis, hominis Græci & schismatici *historia*
Politica Constantinopolitana cõtinetur, cuius pag. 30. hæc de Zema Baiaze-
 tis fratre in Italiam delato perscripta sunt: *varius ibi peragatis locis, tan-*
dem Romam incidit. Vbi cum esset, cum Venetis pacem & amicitiam Sultanus
habens missa Legatione ab eis petit, ut veneno illum de medio tollerent, quod
& ab eis factum est. Nam hominem claro loco ortum (siue Clarissimum)
eius rei artificem, Turcicæ linguæ bene peritum, ad illum allegarunt. Salutare
hic comiter, in amicitiam se insinuare, unâ cibum capere. Hoc victu ita
calente, extinctus iacuit miser, haud obscuris veneni signis apparentibus. Ca-
daver inde Prusam missum. Insequenti tempore munera Venetias missa, gratiæ
amplissimis verbis actæ: benevolentia & amicitia significatio illustris, sed
latebat anguis in herba. Missus & à Venetis in constantini urbem vene-
ficus ille propinator, mortis ipsi Zema structor. Qui ut venit, multis à Sulta-
no muneribus affectus est, equis, aurea veste, & id genus aliis. Venerat autem
nomine & prætectu Legati, quod nihil male suspicionis esset. Hoc modo ibi de-
gens in honore & donis Regius, cum pulchritudine corporis præcederet mul-
tos, die quadam en repertus est repentino mortuus nulla ante antegressa cor-
poris infirmitate, ægritudine nulla. Biberat scilicet bon° vir ex quo miscuerat, eadē
mensura, qua mensus fuerat, recepta vitæq; curriculo emenso. Veneti sublato fra-
tre Sultani, honorè sibi sperabant ab Agarenis & amicitia per omnes dies vitæ
illius, nescientis amicitias Regum esse fucatas & fraudulentas. Hinc
segniter ipsi rebus providere &c. Sic ergò habent omnino Veneti, cur la-
cobo Regi, fa derato suo, multas hoc nomine gratias agant, qui om-

b

nem

nem hanc veneficij culpam ab ipsis in Pontificem transtulerit, sed
& Rex habet, cur eum tam atrocis ac fœdi facinoris, Marte ipsius
confecti (cum haud vllum, pecuniæ saltem Pontifici à Turcis obla-
tæ aut numeratæ, laudare auctorem possit) magnopere pudeat ac
pœniteat.

Ψεύδων γὰρ ὅταν τις ἐμφανῶς ἐφανερωθῇ.

Σιγᾶν ἀνάγκη καλὸν φέρει σέμα.

Nam mentiens cum quis palamprehenditur,

Taceat necesse est quamvis facundissimus.

Et tamen Scioppius (inquit) religioni ac verecundiæ non ha-
bet hominis eiusmodi causam hoc libro tuendam suscipere, ei viri
boni, beneque erga Catholicos Principes affecti laudem asserere, om-
nibus, quæ tam virtutem eius candoremque, quàm amicitiam, &
in Catholicos benevolentiam, suspectam facere meritò possunt, oc-
currere & respondere, contumelias, quas ille Catholicis dicit & fa-
cit, eleuare & ignoscendas dicere, vnius denique Religionis, si-
ue Hæresios, excusatione omnem iustam prætermitti aut migrati
officij reprehensionem minuere, & eorum inuidiam quæ ille in Ca-
tholicos suos subditos crudelissime in alienos, quorum se tamen a-
micum & fratrem profitetur, contumeliose consulit, Zeli cæ-
ciæ scientia destituti commendatioe amoliri, quasi verò vt quis-
que Hæresin, ex animi sententia probat veramque esse credit, ei
quorumnis mendaciorum & quantacunque in Catholicos sæuitiæ
ἀνευθυνία debeat, legitimaque mendaci & homicidæ excusatio sit.
Hæreseos locupletandæ & conseruandæ causa id fecisse. Nam vt
Sophocles ait scilicet,

Καλὸν μὲν ἔν ἐστι τὰ ψευδῆ λέγειν

Ὅτι δ' ὀλεσθροὶ δειδοὶ ἡ ἀλήθει' ἄγχι

Συγγνωστὸν εἰπεῖν ἐστὶ καὶ τὸ μὴ καλόν.

Mendacium quidem haud honeste dicitur

Sed quando multum noxia cuiquam est veritas.

Veniam is meretur, falsa quamvis dixerit

Quis Hæreses à Cacodæmone, spiritu erroris, proficisci nescit?
At enim ille mendax erat, & pater mendacij, & homicida ab initio, & in
veritate non stetit. quis ergo miretur aut indignetur, qui ex patre Diabolo

suus

VI
sunt, eos desideria patris sui velle facere, hoc est mentiri, & querere interficere eos, qui veritatem ipsis loquuntur?

Hæc atque eiusdem modi fore, quæ ad invidiam mihi ac libro meo faciendam ab illo hominum genere disputentur, non leui aliqua coniectura ductus auguror, sed magnam partem re iam expertus loquor. Cùm enim abhinc paulò minùs bienniò R o m æ, quo me serenissimus Archidux Ferdinandus patronus meus de rebus maximis Legatum miserat, inter occupationes non exiguas ipsa L X X X V I. huius libri capita X. hebdomadarum spatio absoluissem (quod quidem complures Cardinalium ac primi nominis Prælatorum testari possunt) & aliquot eorum exempla manibus librariorum transcripta cùm Romæ, tùm in aliis Italiæ & Germaniæ ciuitatibus ab amicis diuulgata, varios passim lectores inuenissent, sic factum est vt ex multorum præiudiciis, de quibus prorsus inter ipsos velut conuenisse videri queat, cuiusmodi cæterorum, si exisset liber, iudicia futura essent exploratissimè iudicare possem.

Verumtamen nimium eos fugit ratio, qui ex eo, quod postquam Legationem renunciaturus Roma Grætium reuersus sum, totum annum aliis curis deditus exegi, neque superioribus illis L X X X V I. capitibus quicquam subtexui, metuere me suspicantur, ne inuidiæ par non sim futurus, qui quidem librum nondum etiam vulgatum, & cui extrema manus non accesserit, vel inter Catholicos non paucos parum propitios & æquos lectores inuenisse sciam. Nec enim is ego sum, qui in iis, de quibus salua pietate & officii religione aliis aliter sentire liberum ac solum est, ad alieni potiùs sensus coniecturam, quàm ad meum iudicium, scribere aut velim, aut debeam: non quò quid reliqui de se sentiant, viro bono negligendum, neque vllius reuerentiam adhibendam putem (id enim cùm *diuadus* & arrogantis, tum omnino dissoluti esse Tullio assentior) sed quia me partim literæ, quas didici (quod quidem perexiguū quiddam esse ipse agnosco) partim non mediocris hominū rerumque vsus eorum quæ rationē non habent improbilē, ignarum & imperitū esse non patitur. Itaque hoc de me cuius recipere ac polliceri possum, si animo vacuo, neque gratia aut inuidia impedito rem iudicandam velit recipere, nullo ei negotio me probaturum, nihil prorsus esse, cur vel Protestantibus

b 2 æquo

æquo inclementius in ipsos dixisse vel Catholicis molli nimis
brachio hostes Ecclesiæ infestissimos agitalse, ac si minus Catho-
licæ fidei, veræ saltem ac directæ rigidæque disciplinæ præuari-
catus esse videar.

Et protestantibus quidem merito satisfecisse, opinor, debeo, si
simpliciter non esse dicam, quod ea scribi à me postulent, quæ ipsis
placeant, cum id ne à suis quidem Theologis, quos ditioni suæ ha-
bent tamen obnoxios impetrare potuerint: à quorum si eius calu-
mnia defendo, plus certè facio quam ab eo, qui se ipsorum Hæresi
hostem implacabilem profitetur, vel per somnium sibi polliceri
posse videantur. Quo accedit, quod ipsi in suis Ecclesiis ac scholis
omnes Catholicos Reges ac Principes, etiam sacratissimum Impe-
ratorem nostrum, Antichristi membra, & Babylonicæ meretricis
amassios, Christum de gloriæ suæ solio perturbare, eiusque loco Pa-
pam reponere molientes, palàm sermone, cantu, stilo & pictorum
penicillo describi, hoc est tam ipsis, quam nobis interpretibus, peio-
rum & atrociorum criminum, quam mendacii, furti, adulterii, fal-
si, insimulari patiuntur, neque quicquam ea re aduersus Pacificato-
riam Religionis sanctionem committi persuasum habent. Itaque
Huius sessionis XIII. Ratisbonensis Colloquii interpellanti Sere-
nissimo & religiosissimo Boiorum Duci Maximiliano: *Vos appella-
tis Romanum Pontificem Antichristum, quæ est iniuria insignis & clarissima,
& hoc nunquam probabitis* velut Dei scilicet seruum ex Apostoli 2.
Tim. 2. præscripto decuit, cum summa modestia respondit: *Serenis-
sime Princeps, oportet scapham scapham, lionem lionem appellare præsertim
in actu confessionis. Et in nostris Ecclesiis id non est iniuria* In quo nihil
eum mentitum esse, neque in Protestantium Ecclesiis (*faciunt enim
uos & vespa, faciunt Ecclesias & Hæretici*, ait Tertullianus) vel atrocis-
sima canuicia in Catholicos iacta pro iniuria haberi, silentium
Principum Protestantium, qui ei Colloquio interfuere, satis decla-
rauit: quos tacitè Hunio suo plaudere scires, qui quidem quod Papi-
stas vrere ac malè habere posset, tam planè ac sine circuitione elatra-
re ausus fuerit, meritusque vt illis Pauli ad Timotheum verbis ei ac-
clamaretur: *O homo Dei, apprehende vitam æternam, in qua vocatus es, &
confessus bonam confessionem coram multis testibus* Quid, quod etiam tot li-
bri in dies à Protestantibus magistratuū suorum permissu concessuq;
vulgantur, quibus Catholicos Imperatores, Reges ac Principes, tantum
quod

V11

quod ab Ecclesiæ Romanic; Pontificis obedientia turpiter desciscere nolint, inauditis verborum contumelijs lacerantur, & subditis eorum rebellandi & ad arma eundi auctoritas datur, animusq; additur? Vno hic Lutheri exemplo contentus ero. Is anno 1531. librum edidit aduersus Decretum Comitiorum anno priore Augustæ habitorum, cui non tantum Carolus Cæsar, sed etiam Electores Principes quinque, reliquorum Principum Ecclesiastici quidem triginta, seculares verò xxiiii. præterea xx i. Anrhistites seu Prælati minorum gentium, Comites ac Barones xxx i. libera Imperij ciuitates xxx i. x. subscripserant. Hoc Decretum tanta cum auctoritate promulgatum Lutherus *Serenissimorum & Illustrissimorum Porcorum Edictum* appellat, ipsaque Comitia turpissima fuisse ait, quibus palam aduersus ius fasque & aduersus Veritatem actum fuerit, cuius rei gratia sit, cur vnumquemque Germanum patriæ suæ merito pudeat pigeatque, cur etiam exteræ nationes Germanos dehinc neque metuere, neq; pro viris bonis habere debeant. Eodem anno Regulam suis præscripsit, ad quam omnia sua consilia, dicta ac facta dirigerent. Est autem huiusmodi: *Quoniam Papiſtas nostros hostes & aduersarios esse palam est, propterea hoc meum verissimum est iudicium in sacra scriptura fundatum & fructibus ipsorum declaratum, eos certissime in animo habere, diesque ac noctes id agere ac moliri, quomodo nos deleant & extinguant. Hoc ipsum, neque melius quicquam, de illis quibus sibi polliceri potest: neque vlla in eo dubitandi est ratio. quod si quam beneuolentiam aut pacem pro se ferant, proditorium id esse oportet ac Iudæ osculam: aut certe metu id faciunt, quia nondum tantum possunt, quantum vellent. Hoc iudicium nostris & orbi vniuerso latum volo, ad quod se, qui velit, conformare nouerit. Scio me nihil hic mentiri, nisi sacra Scriptura mentiatur.* Anno 1530. libellum idem Lutherus ediderat, in quo Cæsari Carolo, quod à Pontifice inauguratus & Imperiali Corona absentibus Germaniæ Principibus redimitus foret, criminis loco obijciebat. Id autem se pro ratione officij sui facere sic ibidem confirmabat: *Sanè non possum quin curam geram pro misera, calamitosa, deserta, contempta, prodita, venditaque Germania, cui certè optima queque ex animo cupio, quemadmodum patrie cupere debeo. Nempe Carolum Cæsarem Germaniæ proditorem & fundi Germanici calamitatem esse non obscure significat, quemadmodum & alijs locis eum fidei data immemorem esse, ac simul cum fratre Ferdinando reuera ac præcipuè non Religionis causam agere, sed Principum Germanorum bonis inhiare, fratre quoque Romanorum Rege renunciando iusiurandum Imperio datum violare, siue, periurum*

rum esse apertè scribere ac dicere ausus est. Electorem Moguntinum
 Albertum Brandenburgicum, Furem, degenerem filium, mendacem,
 effeminatum, timidum nebulonem, perfidum ac decies in patibulo
 suspendi meritum: Georgium Saxoniae Ducem, impudentem & ma-
 nifestè mendacem, furem, contumacem & seditiosum sicarium,
 plenum nequitia & dolo, incarnatum Diabolum, non modò spiri-
 tualiter, sed etiam corporaliter à Diabolo obsessum, totius Saxonici
 Stemmatis dedecus, proditorij fœderis socium appellat, ob aliam
 nullam quàm religionis causam, cùm alioquin ob varias virtutes
 fatiscum laudari posse perspicuè neget. Duces Brunsvicenses na-
 tura & progenie feroces ac truculentos planeque indomitas be-
 stias vocat: Bavariae verò Principes iam à multis sæculis super-
 bos & inflatos semper fuisse & esse censet. Alio loco cùm suam
 fraudulentam Noui Testamenti versionem à Catholicis Princi-
 pibus iussu & auctoritate Cæsaris prohibitam accepisset, sic eos vl-
 ciscitur: *Tyranni in Misnia, Bavaria & Marchia (hoc est, Misniae, Ba-
 variae & Brandenburgici Principis) Edictum promulgarunt de Noui Te-
 stamenti exemplaribus Magistratui exhibendis. Hic subditi, nisi salutis aeternae
 sacrificium facere eis libeat, ita se gerere debent, ut neque unam pagellam, imò nec
 apicem unum eis exhibeant. Isti enim Tyranni agunt, pro eo ac saeculares Mundi
 Principes agere debent. Sunt Principes Mundi. Mundus autem Dei inimicus est.
 Itaq; nomini tituloq; satis facere & respondere eos oportet. Plerumq; sunt omniū,
 quos terra sustinet stolidissimi vel deploratissimi Nebulones, quibus Deus nō aliter
 quam ad fungendum Carnificum Licetorumque munus utitur: in quos conuenit il-
 lud Isai. 3. Dabo pueros Principes eorum, & effeminati dominabuntur
 eis. Incipit iam plebs sapere, & pœna Principum (quae vocatur Contemptus) in-
 crementa in plebe sumit, cui ne resisti non possit, vereor, nisi Principes se gerant,
 quemadmodū Principe dignum est, & prudenter ac moderate praesse incipiant.
 Hoc sciatis, boni Principes, Deus non vult diutius commuere. Vestra Tyrannidem
 & insolentiam diutius subditi non ferent, sed nec ferre possunt aut debent. Opor-
 tet vos alios (siue Lutheranos) fieri, & Evangelio locum dare. Ex quibus
 verbis Protestantes Catholicorum subditi discunt, suos Magistratus
 esse Tyrannos & deploratissimos nebulones, quibus ipsi diutius sub-
 esse nec possint, nec debeant. qua doctrina in Lutheri libris, Principū
 Protestantium auctoritate editis magnificoq; verborum elogio præ-
 dicatis, quomodo non ad rebellandum salua multis moueatur? Sed
 neque Cæsari Carolo omnibusque simul Germaniae Principibus per-
 fidie publicæ crimē Lutherus idem impingere dubitauit, cùm ita scri-
 psit*

psit in eo libro, quem Protestantes simul cum ceteris ab interitu vindicandum ac subinde typis describendū curant: *Wormatiā* veni, quamvis mihi fidem publicam, siue, saluū conductum à *Cæsare* violatum scirem. Principes enim Germani ita nunc edocti sunt, ut nō iam, sicut olim, fidei & integritatis rationem habeant, sed in gratiam *Idoli Romani* eam contemnant, cum summo Germanicæ nationis dedecore & opprobrio. Et quamvis Elector Saxo Lutherum cōmuni totius Imperij Edicto proscriptum (id enim *Cæsar* in ipso Edicto ter testatur) cū eum Caduceator *Cæsarius* *Wittenbergam* *Wormatiā* reduceret, in via publica callidē interceptiendū & omni periculo subducendū curasset, quod hoc modo *Sleidanus* narrat: *Ab ea promulgatione* (Edicti *Wormatiensis*, quo Lutherus omnesq; fautores & receptatores proscribebantur) *Fridericus* Elector è nobilitate nonnullis, de quorū fide compertum habebat negotium dabat, ut in locum quendā secretiorem & ab hominum frequentia remotū deducerent Lutherum, vitandæ causa periculi, quod quidē summa diligentia fuit & taciturnitate administratæ, ausi nihilominus fuerunt Lutherani *Cæsarem* passim inuiolatæ fidei crimen inuidiamq; rapere, ita ut ipse quoq; Saxo, cuius artificis totum illud erat argumentum, dolenter conqueri auditus fuerit, cū Lutherum aduersus datam fidem publicam sic interceptum esse & in vinculis haberi, rem diceret iuri & æquo vehementer inimicam, tum à Maiestate Imperij magnopere alienam. Neque minùs tamen ipse Lutherus *Cæsaris* honorem eo fugillauit, quod complures libros ex illo recessu suo emittens, è *Pathmo* scribere se professus est, quasi ad exemplum *Iohannis Evangelistæ* à Tyranno in *Pathmon* insulam deportati, similiter ipse *Caroli Cæsaris* Tyrannide in eum, quo heluabatur, locum relegatus fuisset, *Heluari* ibi solitum quā verè dixerim, ex his *Iohannis Mathesij* verbis cognosci potest, quibus quid Lutheri factum fuerit, postquam eum prope *Isenacum* Electoris Saxonie homines intercepterunt, commemorat: *Circiter mediam serè noctem* (inquit) *in arcem & arbergensem* haud longè *Isenaco* deueniunt, ibi Lutherus captiuus lautè honesteque acceptus fuit, adeo ut is, qui apotheca vinariæ condus promus erat, magnopere miraretur. quid ni enim miraretur ille magnum illum Germanorum Prophetam, Apostolum & Euangelistam cum discipulis suis Ventri Gulæque Dijs magnis tam religiose sacra facere & quotiescumque veller, perlitare: de quo sodalitio non minùs verè quā de Sponsis illis *Penelopes* dici poterat:

Bovs iepuovres ηγὲ ὅς καὶ πινος ἀγας
Οἶνον μὲν φθινύσκειν ὑπέσβιον ἐξαφύοντες.

Reuerentes-

*Maestantesque boves & oves pinguesque capellas
Immodica ardentis educunt pocula Bacchi.*

Porro audire est operæpretium quanta pietate & religione hic noui generis Iohannes in Pathmo illa sua tempus exegerit, vt etiam de genere *Apocalypseos*, quam dedit illi *Deus suus* palam facere Germanis, exploratiùs iudicari iudicari possit. Sic igitur ipse scripsit tertio ni fallor, exilij sui mense ad Collegam Philippum Melancthonem: *Displicuerunt mihi literæ tuæ, quod me extollis nimis, & erras vehementer, dum tanta mihi tribuis, quasi pro causa Dei adeo sim sollicitus, cum ego insensatus & induratus sedeam in otio, proh dolor parum orans, nihil gemens pro Ecclesia Dei: quin carnis meæ indomitæ vror magnis ignibus (ardenti nempe mero accensis) Summa, qui feruere Spiritu debeo, ferueo carne, libidine, pigritia, otio, somnolentia, ac nescio an quia vos non oratis pro me, Deus à me auersus sit. Octo iam dies sunt quod NIHIL scribo, neque ORO, neque studeo, partim tentationibus carnis, partim alia molestia vexatus.* In eandem sententiam ante biennium ad Staupitium suum Confessarium scripserat: *Homo sum expositus & inuolutus societati, CRAPULÆ, titillationi, negligentia, aliisque molestis præter ea, quæ ex officio me premunt.*] Hæc tertius ille Protestantium Elias.

Quamuis autem istiusmodi Lutheri Spiritus fuerit, tantasque & tam atroces Catholicis iniurias cum ipse fecerit, tum nec hodiè libri eius facere desinant, verecundiæ tamen nõ habent Protestantium Electores, Principes atque ordines libros eius tanquam diuinitus inspiratos in Canonem referre, eamque velut Regulam ac normam omnium fidei controuersiarum constituere. In suo enim Concordiæ libro totidem verbis de Luthero scribunt, quæ nos etiam Ecclesiastici capite 102. in medium protulimus: *Lutherus vir, imò Heros fuit præstantissimus summaque pietate præditus & singularibus excellentissimisque Spiritus sancti donis illuminatus, qui etiam futura in Spiritu præuideret: præcipuus haud dubie Ecclesiarum nostrarum Doctor, ex cuius Didacticis & Polemicis scriptis propria, vera & genuina Augustanæ Confessionis sententia hauriri potest. Itaque ne latum quidem unguem vel à rebus ipsis, vel à phrasibus, quæ in doctrina eius habentur, discedere, sed summa concordia in ea perseverare decreuimus, controuersias omnes ad hanc veram NORMAM & declarationem purioris doctrinæ examinaturi.*

Igitur nihil iam magnopere disputare & ambigere attinet, quem potissimum omnes hodiernæ perduelliones ac rebelliones, illæ in primis, quæ sacratissimum nostrum Imperatorem indignis modis exercent, auctorem & stimulatorem habeant, cum præsertim alijs quoque
ad il-

ad illud Lutheri exemplum quâ stilo, quâ voce classicum aduersus Catholicos canere, eorumque subditis ad rebellandum animos addere per Magistratus liceat, cuius generis est Anonymi libellus, *Kurzer bericht vnder die Spanier*, hoc est, *Breuis relatio aduersus Hispanos*, inscriptus annisque superioribus non semel typis excusus. Hispanos autem vocat omnes Catholicos, præcipue verò Austriaci sanguinis Principes, qui se maioribus suis, Catholicis Hispaniæ Regibus dignos exhibent, propterea quod penes Hispanos hodie summa non minus fidei ac pietatis Catholicæ & erga Romanam Ecclesiam obseruantia quam noui ac felicissimi Imperij omniumque bellicarum laudum maximo ipsorum merito cõmoretur. Ex eo libello pauca quedam veluti gustum, ad quem eius cetera respondent, hoc loco dare non ab re fore opinor. Quoniam (inquit) sine controuersia de extinguendo Euangelij lumine agitur, idque conspirationis & sanctæ Ligæ (Catholicorum fœderis) fundamentum est, velut triste Aquisgranensis ciuitatis exemplum, & Euangelicorum Prædicationum ex Austria relegatio ac proscriptio satis planum faciunt ac tantum non oculis ingerunt: propterea qui uis bona fide Christianus ingentem animum atque interitis capeisset, seq. ad suam, uxorum, liberorum, patriæque defensionem aduersum immanes istos Tyrannos, prædones ac prouinciarum subactores comparabit, eique defensionem corpus, sanguinem, fortunaque omnes promptus ac volens impendet, pro sua ipsius & publica salute ac libertate fortiter ad extremum usque spiritum propugnabit, potiusque honeste occumbet, quam propter ignauiam hostibus istis perfidiosissimis se subiciat, & in potestatem eorum ditionemque concedat.] Iam quomodo ex eiusmodi turbulentis seditiosisque aduersus Imperatorem concionibus aliud, quam quod iam ante oculos est ac patet, oriri ac nasci potuerit, cui tandem in mentem veniat? Si Cæsarem immanem Tyrannum prædonem, hostemque perfidum existimare ius fasque est, idque propterea, quod Aquisgrano atque ex Austria Prædicantes Lutheranos eiecerit (hoc est, quemadmodum ipsi interpretantur, Lutheranismum extinguere molitur, tamquam deterius esse debeat Imperatoris conditio, quam cuiusuis Lutherani Nobilis, qui liber sit neque Principum ditioni subiectus, cuiusmodi nullus est, qui alium, quam suæ religionis Præconem toleret, tanquam etiam continuo de Lutheranismum actum conclamatumque sit, nisi is Aquisgrani quoque & in Austria receptum habeat) quomodo non pias iustasque seditionum ac perduellionum causas habeant, quibuscumque sic se gerere libet, tamquam nullum eis cum Cæsare obedientia vinculum, sed summum discidium esset atque distractio?

¶

Et si

Et si autem omnium concessu vitio nobis Catholicis dari nequaquam posset, si eodem exemplo Protestantes, tractaremus, quæque in ipsos conuicia tamquam de plaustro Prædicantes sui iecerunt, velut exploratè vera similiter in eosdem inorqueremus (πάσχειν καὶ κακὸς ἐχθρὸν ὡς ὁ καλὸς ἐχθρὸν ὁ δὲ καλὸς ἀεὶ καλὸς. Aeschylus, hoc est, Livio interprete, Nemo iuste queritur, se hostilia ab hoste passum. Sunt enim quædam, quæ iure belli ut facere, ita pati fas est) tantum tamen ab eo absum ego, ut ultro etiam aduocationem Protestantibus commodare, quodque à Prædicantibus maxima cum inuidia sæpius eis obijcitur *Sacrilegij crimen*, erroris excusatione defendere conatus fuerim. De cetero, quæ mihi expediendæ salutis ipsorum errorisq; discutiendi ratio in primis probetur, ex animi sententia, seduloq; & minimè insidiosè aperui, eaq; usus sum libertate, quæ non dedecet eum, qui hominum potius utilitati, quàm voluntati seruire studeat. In quo etiam tacente me res ipsa, opinor, impetrare debet, ut quoniam magnus Principum Protestantium est numerus (nam instar cxxx. numerare viuos ac superstites in Imperio posse vide) quorū alij Lutheranæ, alij Calvinianæ sectæ censentur, neq; quominus Catholicam veritatē cognoscant & amplectantur, eadē omnibus impedimenta obstant, ne quod vniuersè à me dicitur, ad se singuli pertinere, seq; à me describi suspicentur, sed à quibus immunes se satis norunt, ea forsitan apud alium quempiam participem suum inueniri posse cogitent.

Quod verò ad Britannię Regem attinet, cur acerbitate verborum, quatenus causæ propter Ecclesiam & patronorum meorum existimationem susceptæ defensio id ferre visa fuit, abstinendum, & quædam inclementiùs in Catholicos scripta & facta, ei ignoscenda censeam, satis hoc libro meo exsecutus fui, quæ quidem cuius equo existimatori probaturum me confido. nam illos nihil moror, qui omnia, quamuis nihil ad fidei Christianæ summam pertinentia, neque bonis moribus aduersaria, ex suo sensu scribi, prorsusque obnoxios habere amicos postulant.

Τεῦτε μὲν ἀνδρὶ μὴτ' εἶναι φίλος πότε,

Μήτε ξυνέην, ὅστις αὐτάρκην φρονεῖ.

Πέποιθε, δούλος τὸς φίλους ἡγούμενος.

Ne me unquam amico illo contingat utier,

Sed nec sodali, qui ipse se censet satis

Sapere, atque amicos esse seruos deputat.

Scd

Sed quamvis ob istam vtriusque generis reprehensionem Medium ferire, quemadmodum à principio demonstraui, rectè videor, rationemq; officij mei intelligentibus lectoribus persolutam confido: quia tamen non tam refert, quo animo quidq; dicatur, quàm quo accipiat, magna que hominum pars non quid, sed quis dixerit, cogitat, nisi omnem propemodum operam ludere ventisque profunderè verba velim, ad stipulatorem & auctorem mihi adoptandum esse intelligo, qui in sua me patiatur auctoritate delitescere, & reprehensoribus meis, tam Catholicis, quam Protestantibus, fidem integritatemque meam præstare, ac pro me spondere cùm velit, tùm possit. Ista videlicet longè certior ac veluti compendiaría fuerit plerisque satisfaciendi ratio, qua multo plus promouero, quàm si quantovis volumine exquisitissima argumenta & inuictissima complectar. Et si autem quæ mihi summi Principes qua viua voce, qua scriptis & consignatis tabulis eam in rem testimonia impertiti sunt (quæ admodum tu, præstantissimè Princeps, præter ceteros testari potes) quæque iidem deinceps quoque ubi res postulare visa fuerit, præbere non grauabuntur, eorum me nequaquam pœnitere debet: tamen qui Auctoritatem, quanta hic mihi est necessaria, parem ac tu præstare possit, omnium Principum esse neminem, ipsis non modò non inuitis, sed etiam volentibus ac propitijs, verè affirmare possum. Cùm enim Auctoritas opinionem notitiæ ac scientiæ eius, quæ agitur rei, tùm magnæ virtutis, postremò erga illos, quibus persuasum volumus, beneuolentiæ requirat: eaque re talis mihi apud vtriusq; generis reprehensores meos Ad stipulator opus sit, quem illi, quis ego sim, & quæ multis iam annis studia consiliaq; mea fuerint, probè scire, neque cuiusmodi sint Protestantium Principes, quos nonnulli à me sic laudatos & defensos nollent, ignorare credant: cuius etiam apud vtriosq; magna sit raræ ac singularis cuiusdam Virtutis opinio: quem deniq; vtriq; bene erga se affectum esse persuasum habeant: facile mihi omnes, spero, assentiètur in te vno sic esse omnia, vt nullum quantumuis magnum Principem, sine perspicuæ fatuitatis nota, potiùs, quàm te, Auctorem optare possim.

Primum enim iam à multis annis, ex quo Romam Cæsarius Orator venisti, non modò in re presenti, quanta meà Protestantium commodis consulendi, non tam cupiditas, quàm contentio foret, cognouisti, sed etiam postea, quàm *Clemens Papa* diem suum obiit, libellum meum, quo Põcifici hodierno, vt paternam Clementis

erga Protestantes benignitatem & hospitalitatem imitari vellet, mihi que Romam accedentes, & modeste ibi agitantes, Inquisitionis terrore liberandi potestatem faceret, persuadere conabar, ipse tam Cardinalibus Inquisitoribus, quam summo Pontifici obtulisti & accurate commendasti: ut ita parum humanitatis habere Protestantes merito videantur, si verba quædam mea, quibus cuiusmodi eos animi morbis affectos putem, quaque medicandi ratione sanatum iri videantur, simpliciter disputavi, in deteriorem partem rapientibus, & Protestantium iniuriam interpretantibus, quam tibi de meo erga ipsos amore tot documentis cognito testanti, potius assentiant. *Meliora sunt vulnera amici, quam fraudulenta oscula inimici*, ait Salomo. Itaque cum de mea erga ipsos optima voluntate exploratum habeant, etiam si mihi de genere morbi, quo medicinæ rectius faciendæ causa teneri eos dico, aliter quam ipsi velint, aut etiam secus, quam in re sit, videatur, non possunt certè, si quis eis reliquus est humanitatis sensus, meam illam censendi libertatem odio ipsorum legare, aut errorem morbi que imperitiâ (si quam in opinione mea hærere iudicabunt) asperius insectari.

Sed etiam Catholici errore illo suo, quo promiscuè omnes Protestantes quacumque laude indignos putant, eoque nomine mihi potissimum succensent, per eundem te liberari possunt. Non paucos enim iam inde à primis adolescentiæ annis, cum in Augusto Cæsaris Pædagogio educabar, familiariter tractasti, ac posteriùs maturatione magis ætate, (quod ita patriæ nostræ rationes ferant) in Principum procerumque Protestantium familiaritatem venisti. Igitur quod meis verbis alioquin multi minùs credituri essent, facile tua eis auctoritas persuadebit, cum quod hominum vltus te docuit, testatus apud eos fueris, homines scilicet in eo genere, præter vnius Catholicæ fidei gratiam, nullius virtutis ac laudis, quæ vel maximum & consummatissimum Regem ac Principem commendare queat, indigentes, & quibus Deus veritatis cognitionem largiatur, quantam quidem homini, exposita modò & aperta intuitu, ducere coniecturam fas est, multo plerisque, qui iam Catholici sunt, digniores inueniri.

Deinde vetò, ut Principes tibi virtute pares reperiri non abnuam, qui tamen equè multos, ac tu, tam multiplicium virtutum cōscios, testes & laudatores habeat, nō temerè quæquam ex omni Christianorum

XI

stianorum Principum numero inuentum iri censeam. Atque id ad fidem minus difficile apud eos fuerit, qui quam varias magnarum rerum publicarum causa Legationes iam inde à X X I. tuæ ætatis anno obieris, dextræque & cum maxima sagacissimi ingenij commendatione confeceris, non ignorent. Prima Legatio tua fuit, quam Sacratissimi D. N. Imperatoris auctoritate, sedandi motus causa, quem suscepta *Admirantis Aragonij* in Imperij fines expeditio minabatur, in Belgica obiisti: qua quidem non modò Principibus Imperij egregiè te ac præclaras istas animi tui dotes Serenissima & Illustrissima *Gonzagarum* familia dignas probasti, sed ipsius quoque Cæsaris de te expectationi ita cumulatè satisfecisti, vt non multis post annis cum extraordinarium Vngariæ aduersus infidelium arma defendendæ auxilium à Clemente Pontifice petendum videretur, nemini rectiùs, quàm tibi tam nobilem Legationem mandaturum se iudicavit. Eam cum ex Cæsaris voto & reipub. Christianæ vsu confecisses, nihil cum iam tibi tam arduum ac difficile committi posse videretur, quod non singularis illa tua ingenij ad excogitandū ἀρχι-*voia* & perspicacia, pari comitate ceterorumq; benevolentiam alligandi gratia & venustate iuncta, feliciter expedire recteque curatum dare posset: ordinarij apud Summum Pontificem Oratoris munus tibi legandum Cæsar idem censuit. In quo qualem te toto quadriennio aduersus omnes exhibueris, quam magnificè, super priorum aliquod sæculorum exempla, Legationis à Cæsare acceptæ amplitudinem ac dignitatem totius Aulæ ac familiæ tuæ splendore sustinueris, quam summis Pontificibus, purpuratis patribus & ceterorum Regum Principumque Oratoribus, Romæ frequentibus, vniuersæ denique Curia, cum gerendorum negotiorum dexteritatem tum animi magnitudinem, illum virtutum omnium, velut Aristoteles censet, apparatus, honestamentū ac splendorem, probaueris, neque me multis commemorare opus est nisi *πρὸς τοὺς*, atque in iis, quæ omnium sermone celebrantur, exponendis putidus videri velim, & consentiens Pontificis Cæsarisque de te iudicium, quod quidem mutuis ipsorum literis declaratum me videre memini, vt etiam ceteri taceant, satis loquitur. Cum enim Cæsar suum de te ad Catholicum Regem legando Consilium cum Pontifice per literas communicasset, propterea quod sibi Oratore, qui auctoritate, prudentia & agendi dexteritate pollens, functionem simul cum dignitate sustinere posset, opus esse diceret: rescripsit ad eum Pontifex, seque

c 3

hoc

hoc eius consilium vehementer probare cum amplissima tua laude confirmavit. Quanti iam *Catholicus Rex*, Regum ille sine controversia maximus, summarum virtutum tuarum nomine te faciat non vno iam perillustri argumento nobis declaratum est. Ut chimæalia præteream ac relinquam, quod te in amplissimum aurei Velleris Equitum Collegium cooptavit, quod ipse per se suisque manibus eius Ordinis Insigne tibi imposuit, quod Hispaniæ Magnatem te renunciavit, nemo nisi rerum imperitissimus non esse eiusmodi intelligit, quibus Rex non magis beneficio augere, quam iudicio suo honorare te voluerit.

Postremò nullum ego ex omnibus, quos probius nouerim Principibus ad stipulatorem nancisci possem, de cuius erga se beneuolentia tam Protestantes, quam Catholici iustiores, quam de tua, bene sentiendi sperandique causas habeant. quem enim maxima quadam erga Deum charitate inflammatum esse ex omnibus eius cum dictis, tum factis appareat, quin ei salus hominum curæ cordique sit, tutoque fides ab aliis habeatur, nullam apud sanos controversiam habere potest. quis porro est, cui quamuis plurima sui in Deum amoris documenta dederit, te si minus præferre, saltem parem facere, & ex æquo componere non audeamus? Si qui sciant quæ ego in præsentire, cum summa animi mei voluptate & admiratione vidi, abs te Monasterium Capuccinorum Ordini Castilione tua ædificatum & instructum, tum Collegium Societati *I E S V* fundatum, aream eius ære tuo emptam, fructus annuos perpetuos ei attributos, suppellectilem atque utensilia donata, præterea Parthenonem seu Virginum Deo consecratarum collegium impensis tuis fundatum & ædificatum, statisque redditibus dotatum atque instructum, Ecclesiam denique Collegiatam itidem, instructam, vectigalibus locupletatam, pulcherrimoque sacræ suppellectilis instrumento luculente ornatam: ista igitur qui tam breui tempore diuini honoris causa te perpetrasse sciant, quomodo tibi, testimonium de meo reip. Christianæ studio dicenti, non plurimum credant, quippe quem ingens ille gloriæ diuinæ Zelus, siue amoris exsuperantia, cum tanto aliarum virtutum, ista generis tui Nobilitate dignissimarum, instrumento & apparatu coniuncta, longe augustiorem reddat, quam de cuius sincera propensaque voluntate, erga homines maxime ordine ac dignitate pares, à quoquam bono dubitari possit?

Accedit

211
Accedit, quod etiam ex paterna, quam populis tibi subiectis
impendere soles cura, minimè fallax promptæ tuæ, aliis etiam be-
ne consulendi, voluntatis argumentum duci potest, qui enim ne in
illos quidem durior esse sustinet, quos sub sua tenet ditione, & in
quos ferme ἀνδράδυνος habet imperium, reddendarum rationum ne-
cessitate solutum, ac propter Deum, quem veneratur, cuiusque lo-
co se filiis eius patrem datum cogitat, omnia consilia, dicta ac facta
sua ad eorum utilitatem & salutem collineat: eum satis certe cau-
sæ est, cur quisque nec in se aliter, quàm beneuolo animo affectum
esse credat, utique cui pietas, & orta inde hominum charitas, quæ
promissionis habere vitæ quæ nunc est, & futura ad omniaque utilis esse ab
apostolo dicitur, iam usque eò fructuosa existit, ut ei vel emolu-
mentum suum φιλανθρωπία, siue hominum amorem, suadere debeat.

Ac pietatis quidem tuæ fructum iam tum simul ex ephebis ex-
cesseras, non penitendum cepisti, cum te incolitum generoso pectus ho-
nesto, ne cui videlicet ab ingentis maiorum virtutis similitudine, na-
turæ malignitatis abreptus esse, atque à prodigiosa Gonzagorum, Hero-
rum illorum semideum, fortitudine degenerasse videreris, quo tem-
pore Cæsarianus miles Caroli Comitis Mansfeldici auspicio atque ductu
Strigonium obsidebat, & ingens Turcarum exercitus, qui nostros
soluere obsidionem cogeret, aduentare nunciabatur, ultro ei mili-
tiæ nomen dare velle perpulit. Cum enim magnis iam impensis,
pro eo ac familiæ dignitas postulare videbatur, ad iter Vngaricum
& ad militiam te comparasses, pleramque etiam Nobilitatem, quæ
tum Aulam Cæsaris frequens obibat, cum gratia, tum æmulatione
quadam, ad imitandum exemplum tuum, inflammasses, ecce tibi
ex transuerso sacratissimus Imperator vitæ tuæ in castris ab inimi-
cis tuis insidias iam comparatas esse, certò comperisse se significat,
ac pro amore, quo te, Aulæ ac disciplinæ suæ alumnum, comple-
ctebatur, ut eo bello supersedeas & in Aula sua vitam tuam munias,
edicit.

Sed non illa tantum vice, tua te pietas tutata est, & penitus ab-
strusas pestium quarundam, alienis bonis auidius inhiantium, insi-
dias elusit. in quo tamen non tam incolumitati tuæ, quàm quod o-
diū eorundem, in summā beneuolentiā, tuique admirationē conuersum,
per magnū diuinæ erga te gratiæ argumentū & indicium exhibet, gratu-
landū videtur. Sic enim ex Prou. 16. discim⁹: Cum placuerint Domino vi-
tæ tuæ, etiam inimicus eius conuertet ad pacem. Subditi certè tui, quorum
tanta

tanta quondam fuit infania, vt eorum odium erga te, pœnè adhuc
puerum, vix etiam cæde tua satiari posse videretur, te iam non reue-
rentur, non amant, sed pœnè dicam adorant,

Εὐχόμενον δ' ἀνὰ δῶν δέδωκ' αἷς εἰσορέεσθαι

Vtique Deum adspectant, tibi cum licet ire per urbem,

In quo nihil eorum falli iudicium cum finitimorum populorum
consensus, tum ipsa ratio planum facit & confirmat. quidni enim
singulari Dei beneficio hunc sibi Principem obtigisse credant, ac ve-
lut diuinum colant, quem sic perpetuò pro salute & vtilitate ipso-
rum animo excubare ac vigilare videant, vt in illo habeat locum
quod est apud poëtarum principem,

Τόσσα δὲ οἱ νομίσθ' ἔχ' ἑὸν ὦς ἐμπεδος ἦεν.

Perpes cura subinde erat illi numinis instar?

Iusti & æqui tam te obseruantem cognouere, vt si omnino *Astrea*
virgo ad superos, vt est in poëtarum fabulis, ex orbe reliquo subuo-
lasse crederetur, tua tamen opera rursum è cœlis deuocata esse, & Ca-
stilioni tuæ domicilium collocasse videri queat. Pietatis verò & reli-
gionis tuæ adeò eos non pœnitet, vt *B. Aloysi* fratris tui natu maioris,

(*Aurea nunc illum stellantis regiæ cœli*

Accipit & numerum Diuorum altaribus auget)

non magis patrimonii, quàm sanctimonix hæreditatem creuisset te
existiment, & quemadmodum illius in cœlis patrocínio, sic tuo in
terris exemplo se iuuari & ad eiusdem pietatis ceterarumque virtu-
tum studia perducere gaudeant. nam illa quamuis per se magna certis-
simumque animi cum excelsi, tum assidue de repub. solliciti argu-
mentum habentia, quod non tantum Arcem Castilionæam iam loco
& opere ac vel maximè fido Hispanorū militū præsidio munitā, va-
lidiori opere magis firmasti, sed etiā tam ciuitatē ipsam, quàm cetera
tuæ ditionis opida amplificasti, & multis rebus ornatiōra reddidisti,
omninoque quod subditorum incolumitati & ornamento inferuire
queat, reliqui nihil fecisti: hæc igitur, ceterarum laudum tuarum cō-
paratione velut minuta, fortasse commemorari non debere videan-
tur: vnum verò præterea tacitus præterire nullo genere nec possum,
nec debeo, ex quo ingens ille tuus magnarum virtutum amor pari-
ter, ac felicitas eorum, qui te principem talem nacti sunt, clarissimè
perspicitur. *Dominicam Calubinam*, virginem Castilionensem, Amator
suus, quem ipsa mutue amabat, cum eoque in matrimonium conue-
nire

nire auebat, quòd posthabita pudori libidine sui copiam sæpius appellanti constanter negasset, amoris impatientia victus occidit. Ibi tu sapientissimè non minùs reip. interesse iudicans tam raræ virtuti præmium, quam eius atrocitatis sceleri pœnam persolui, facinorosi quidem distentum corpus quaternis equis induersa concitatis discerpendum dedisti, Virgini verò insignem statuam, ne pudicitia eius memoria moreretur, in celeberrimo ciuitatis loco cum Elogio posuisti. quæ res haud faciliè dixero, maiores ne in animis subditorum tuorum ad honestatis ac virtutis studia excitandis, quàm in augendis tuis laudibus, & amore omnium, qui rem gestam inaudissent, alliciendo vires habuerit.

Atque ista sunt magnanime ac Generose Princeps, quæ me, vt ex omnibus Principibus te potissimum auctorem & adscriptorem mihi meoque *Ecclesiastico* deligerem, impulerunt. Dedit nempe tibi Deus auctoritatem, quantam ad tenendam eorum gratiam bonamque opinionem sufficere demonstrari, apud quos bene me audire, mea fortasse non multum, ipsorum verò ac reipub. plurimum interest. Neque autem tu eam tibi Dei gratia atque dono obtigisse aut ignoras aut disimulas. *quid enim habes, quod non accepisti?* Ac propterea iniuriam spectatissimæ illi pietati tuæ, summoque benè de rep. Christiana merendi studio facere meritò videar, si, vt libro huic meo ad gratiam & bonam opinionem hominum auctoritate tua suffragari velis, ambitiosius abs te petam. Potius igitur Deum, quod te quoque velle scio, supplex venerabor, vt quoniam *neque qui plantat, est aliquid neque qui rigat, ipse incrementum det*, vt & mihi laboris libro impensi, & tibi ad stipulationis tuæ fructus constet. Tuam ac tuorum salutē precibus meis Deo commendare ne sit arrogantis subuereor, qui vobis non modo fratrem *B. Aloysium*, sed & filium tuum, quem vix à matre natum, & salutaribus baptismi aquis renatum, in ciuitatem cœlitum ac supernam Ierusalem Deus transcripsit, assiduè apud Deum patrocinari exploratum habeatis, tuque non tam orationis meæ meique similitum, parum efficacis, indigere quàm verissima illa gratulatione, cuius verba nobis Propheta præit, prosequendus videaris: *Beatus qui semen habet in Sion, & domesticos in Ierusalem*, VALE.

Prid. Kalend. Septemb. Anni *MD. LXX. XI.*

d

SVM-

Summarium Ecclesiastici
*Quo argumentum singulorum totius libri ca-
 pitum comprehenditur.*

QUoniam Sereniss. Britannia Rex cum alios tum præcipuè Austriae gentis Principes ab Ecclesiæ Catholicæ communione Summæque Pontificis obedientia abducturus, non tantum argumen-
 ris, sed etiam Auctoritate utendum sibi putavit, quod Aristotelem
 plus Auctoritati, quam Argumentis ad persuadendum momenti
 tribuisse sciret: ego eidem Augusta genti fidelis consiliatij operam
 navare cupiens, cum abhinc biennio Legationem apud Sedem Apo-
 stolicam obirem, & Illustrissimi Card. Bellarmini librum, quo ar-
 gumenta Regis refellerentur, sub prelo esse accepissem, has mihi par-
 res sumpsi, ut Auctoritatem eiusdem Regis minuerem, & Austria-
 cis potissimum nihil esse, quod opinione de Regis doctrina, virtu-
 te, & erga ipsos benevolentia ullam in partem moueantur, ostende-
 rem, illis denique qui librum Regis ab Austriacis repudiatum spre-
 tumque esse minus vellent, causam eorum liquido probarem, & ni-
 hil nisi ex officio ab iis ea quidem in re factum fuisse vincerem.
 Cum autem Auctoritas opinionem prudentiæ seu doctrinæ, tum
 virtutis & candoris, postremò amicitia seu benevolentia comple-
 ctatur, satis habui Regi alioquin eruditissimo & prudentissimo in-
 telligentia ac scientia, quantum instituta res postulabat, opinionem
 derogare: ceterum quin eum Austriaci pro viro bono optimèque er-
 ga ipsos affecto habeant, adeò non sum conatus impedire, ut cum
 haud pauca essent, quæ ipsum in hominis recti minusque candidi,
 & alienioris ab Austriacis animi suspensionem vocare possent, ego
 Virtutem eius & Amicitiam, quam erga Austriacos proficitur, ex
 omni suspitione stilo meo vindicandam susceperim. Et ea quidem
 quæ virtutem eius suspectam & sermonibus oportunam facere pos-
 sent, atque ex ordine à me diluuntur, hanc habent summam.

1 Lutherus, Calvinus, alijque primarij novi istius Evangelij Præ-
 cones siue Prædicantes seriò affirmant, vix vllum virum bonum in-
 ter Evangelicos siue protestantes inueniri. Cap. 1.

2 Primarius articulus & caput ac fundamentum fidei Protestan-
 tium non patitur quenquam esse virum bonum. Cap. 2 & 3.

3 Orator Anglicus apud Venetos palàm fateretur, se propterea à
 Rege missum esse, ut eius causa mentiatur. Cap. 4.

4 Rex rectè nimis & ambiguè Fidem suam proficitur, ut varias

d 2

Hæres

Caput

1.

2. 3.

4.

Hæreses verborum suorum amphibolia & æquiuatione occulta-
re videatur. Cap. 5.

5 Idem doli suspicionem mouet, dum se quoties vllum sibi ca-
put religionis, suæ nouum ac recens esse ostendatur, statim ab eo di-
scessurum sponder, cum tamen Lutherus (magno wigandi Flacij
aliorumque protestantium Theologorum assensu) testetur, **TO-**
TAM suam doctrinam nouam esse, & ab Apostolorum vsque ætate
neminem vnum fuisse, qui, velut ipse doceat, crederet, eodemque
modo sacras literas intelligeret ac propterea non ab hominibus, sed
à Diabolo se præcipua sui Euangelii capita didicisse gloriatur. Cap. 6.

6 Idem apertissimam veritatem negat, cum negat vlla inter Pro-
testantes esse dissidia, nisi de rebus indifferentibus friuolis ac Parui
Cap. momenti: quod longè aliter se habere non modo Prædicantes, sed
7. ipsi quoque Protestantium principes palàm testantur. Cap. 7.

7 Idem apud Catholicos sacram scripturam ignominiosè tracta-
8. 9. 10 11. 12. ri, multosque, quod eam legere fuissent ausi, combustas fuisse insi-
13. 14. mulat, id autem verè se dicere numquam probare potest. Cap. 8. 9.
10. 11. 12. 13. & 14. quibus etiam exequor, quæ Catholicorum erga S.
Biblia sit reuerentia, & quanta Lutheri ac protestantium erga ea-
dem impietas.

I AM quæ idem Rex acerbius & contumeliosius in Catholicos
promiscuè omnes maxime verò in Reges ac principes, imprimisque
Austriacos iacere, iisque animm alieniorem proderè videri queat,
hæc sunt:

15. 1 Notat Catholicos fatuitatis, eosque se pro Christianis non ha-
cere iurat. cap. 15.

2 Idololatrias eosdem vocat minimè ferendos & abominabiles.

3 Eosdem Adoratores Bestiæ siue Antichristi vocat.

4 Eosdem siue stuporis, siue malitiæ insinuat qui Iesuitas fo-
ueant, pestes regnorum, cædium auctores, & perfidiæ magistros vbi
& Iesuitas purgo, & quæ in illos Rex iacit, omnia de Luthero ac Lu-
16. 17. theranis verissima esse vinco. Cap. 15. 16. & 17.

5 Illicita matrimonia auctoritate Pontificis contracta libidines-
que Catholicis exprobrat, & vel Poloniæ, vel Galliæ Re-
gem perstringere videtur, Cap. 18. Vbi etiam doceo, Regi non
posse matrimonia illorum illicita videri, cum Lutherus, magister
eius

eius, etiam privatis hominibus plures vxores, imò simul duas sorores ducere permittat.

6. Hispaniæ & Galliæ Reges Simoniam insimulat, qui pecunia Cardinalium suffragia mercentur ad designandum Pontificem, quem ipsi rationibus suis idoneum fore sperent, Cap. 19. & 20. Vbi & Regem excuso, simulque cur sine acerbitate ac verborum contumelia aduersus eum disputandum putem aperio, quanta denique Lutheri in summos Reges ac Principes maledicentia fuerit, exemplis aliquot demonstro.

Cap.
19. 20.

ABSOLUTA Regis defensione aut excusatione, ad minuendam doctrinæ siue scientiæ eius opinionem accedo, sic tamen vt nihil de ingenij eius aut secularis literaturæ prudentiæque laude detrahere, sed cæcitatem ei in rebus diuinis obtigisse demonstrare coner.

21.

Et si autem disputationem Regis longè absurdissimam esse prorsusque à communi sensu abhorrere, aliquibus viginti Parabolis, in sacris literis ab ipso Spiritu sancto præmonstratis, docere constitueram, tamen partim propter temporis angustiam, partim libri molem veritus, tribus Parabolis vt contentus essem animum induxi.

Parabola prima.

ECCLESIA comparatur cum corpore humano. Caput est ordo Ecclesiasticus; anima est religio Catholica; Oculi sunt, qui vident, siue sacras literas intelligunt; Aures, qui rerum occultarum reuelationes habent; Nares, qui discernunt Spiritus, utrum ex Deo sint. Vertex, qui superemus est in Ecclesia, nempe Pontifex, cui totum corpus Ecclesiæ subest. Is vertex binas coronas, ex auro & argento sustinet, ad significandam duplicem Ecclesiæ potestatem, spiritualem siue sacerdotalem, & secularem, siue regiam. Manus siue Brachia sunt Reges ac Magistratus seculares, quia totum corpus alere, vestire, sanare & tueri debent. gladiumque materiale ad capitis nutum & imperium stringere. Hanc parabolam exsequor à capite 22. vsque ad caput 55. & inde sic argumentor.

22. 23. 24.
25. 26. 27.

d ;

Rcx

Rex Britannia negat manus ac brachia capiti subesse oportere, neque oculorum capitis opera uti, neque capiti siue ori cibum ingerere, neque id vestibus tegere & aduersus quamcumque iniuriam defendere: sed magnopere auctor est manibus ac brachiis, ne capiti subesse & ab eo dirigi velint, sed ut ipsa oculorum usum sibi vindicent, & cibo caput prohibeant, omnique tegmine & vestitu spoliatum cæli ac tempestatum iniuriis exponant, & non modò aduersus sicarios & aggressores non propugnent, sed ultro etiam gladium aduersus caput suum stringant.

Apparet ergò cæcitatem, vefaniam & furorem diuinitus ipsi esse obiectum, neque quicquam est, cur quem opinione ingenii & doctrina sue in sententiam suam traducat.

Cap. 28. 29. Ecclesiam semper habere Caput adspectabile in terris, ad quod consulendum omnes Christiani ascendere possint & debeant, Capp. 28. & 29.

30. 31. Petrum à Paulo neque serio, neque simulatè reprehensum fuisse, atque adeò reprehendi nequaquam potuisse, & Paulum doctrinæ suæ confirmationem à Petro & auctoritate eius petiisse, Cap. 30.

32. 33. 34. De titulis omnium regnorum & dominiorum, & cur Petrus ceteris Apostolis prælatus, Caputq; Ecclesiæ datus fuerit, Capp. 32. 33. 34.

35. 36. 37. Christum duplicem potestatem, directiuam & coactiuam, siue Spiritualem & temporalem Ecclesiæ reliquisse, Capp. 35 & seqq.

38. 39. Barbaros noui orbis incolas & Insulanos terrore gladij secularis ab Hispanis Ecclesiæ subijci debuisse, Capp. 38. 39.

40. 41. 42. Christus, tamquam Homo, passione & morte demum potestatem secularem totius orbis acquisiuit & Ecclesiæ reliquit. Capp. 40. & quinque seqq.

46. 47. 48. Varijs eorum argumentis respondetur, qui Christo & Ecclesiæ regnum seculare sententia sua abiudicant Capp. 46. & seqq.

49. De donatione Constantini, eam falsam esse, neque Romam Ecclesiæ à Constantino donari potuisse, & Romæ dominium iure diuino Ecclesiæ competere, Cap. 50. & seqq.

Parabola secunda.

Ecclēsia est ciuitas, siue respub siue regnum Christi, cuius Prorex ac summus Vicarius est Pontifex, in Arce ciuitatis, siue Romæ habitans:

habitans: Duces & Principes sunt Episcopi. Subditi fideles & obedi-
dientes sunt Catholici, & ex his milites, siue defensores, alij gladio
Spiritus pugnant, vt Theologi, alij gladio materiali, vt seculares ma-
gistratus. Subditi rebelles & factiosi, sunt Schismatici & Hæretici.
Hanc Parabolam à capite 55. vsque ad caput 147. exsequor, & inde
huiusmodi argumentum duco:

*R E X Britannia auctor est subditis, in primisque Militibus, ne
iussui Proregis & Senatusconsulto pareant, neque Proregi & Opti-
matum consilio potestatem Leges declarandi, aut noua rerum emer-
gente necessitate supplendi, corrigendi & relaxandi, neque psephisma
aut Ediētum vllum de ijs, qua Lege dilucidis verbis sancita non sunt,
faciendi relinquunt, Sed potius ipsi Proregem & Proceres regnis ad
suum nutum ac ditionem adigant, & Leges, quemadmodum ipsi ve-
lint iubeant, declarare cogant, aut nisi id faciant, in eos ipsos, quibus
dicto audientes esse, quorumque potestatem & imperium tueri debe-
bant, arma sua conuertant, & omni vi Arcem regni siue ciuitatis op-
pugnent.*

*Apparet igitur Regem quamuis ceterarum rerum sapientissi-
mum, hac vna tamen in eo longè maxima non vulgariter insanire,
neque esse, cur quis vllam consilio eius, tanquam ingeniosi & eruditi
Regis, auctoritatem adiungat.*

Gentiles quibus rebus moueant, vt Romanam Ecclesiam potius,
quàm Hæreticorum Synagogas, pro ciuitate Dei habeant, & in ea ci-
ues fieri velint, Capp. 55. 56. 57. 58.

Cap.
55. 56. 57. 58.

In Ecclesia Catholica Dei OPVS ab omnibus, etiam Gentilibus
videri posse, diuinam nempe potentiam, diuinam charitatem siue
sanctitatem & diuinam sapientiam: in Hæreticorum Synagogis ali-
am rem esse, Capp. 59. & seqq. vsque ad finem Parabolæ.

Primum specimen diuinæ potentiæ in Ecclesia sunt miracula, ma-
ximè Antichristi tempore, cuius mendacia miracula, siue præsti-
giæ, veris Ecclesiæ miraculis superari debent, Cap. 59. & 60.

59. 60.

Aliud eiusdem potentiæ specimen est, magna vis, siue violentia
illa: qua plurimi se ipsos castrant propter regnum cælorum, siue, ca-
stitatis votum Deo persoluunt, Cap. 63.

Aliud

61.

Cap. Aliud, est multitudo eorum, qui obedientiam & paupertatem re-
62. ligiosè vouent & præstant, Cap. 62.

63. Aliud humilitas & integritas confessionis peccatorum & satisfac-
tionis siue mortificationis sui ipsius, Cap. 63.

64. Cuiusmodi potentiam apud Protestantès videre Gentiles queant,
Cap. 64.

65. Aliud Specimen est obedientia Catholicorum erga Pontificè & E-
piscopos, quos non aliter, quàm cæci viæ Ducem securè sequuntur,
Cap. 65.

66. Aliud, honorificentia & liberalitas erga Sacerdotes & Monachos,
quæ illustrator contemptu Prædicantium inter suos Protestantès, à
quibus eos vltro etiam spoliari & infames existimari, Lutherus &
Musculus testantur, Cap. 66.

67. 68. 69. Apud Protestantès nihil esse, quod Gentiles diuinum existimare
possint, cum Lutherus ipse fateatur, suam doctrinam miraculis desti-
tui, cumque friuola illa sint, quæ Rex Angliæ Lutheranismi miracula
commemorat, cum denique Lutheri prædictiones de doctrinæ suæ
duratione & inuicem contra dicant, & euentu ipso mendacij conuin-
cantur, Capp. 67. vsque 73.

70. 71. 72. Charitatis diuinæ Specimen in Ecclesia est Martyrium, quod multi
Catholici Sacerdotes vltro inter Gentiles suscipiunt, quia nempe
Deum & proximum perfestissimè amant: sicut contra Hæretici se i-
psos, & suam siue libertatem, siue gloriam amant, ideoque ad Genti-
les non accedunt, neque Dei amore vitam amittunt, sed velut blas-
phemii iustè occiduntur, Cap. 73. & seqq.

73. 74. 75. Quid intersit inter Perseuerantiam Catholicorum, etiam illorum,
76. 77. qui suam sententiam argumentis tueri nequeunt, & inter Hæretico-
rum Pertinaciam: illos quippe in sententia manere propter rationem
& testimonium diuinum, hos partim propter voluptatem, siue, quod
eis in sententia manere iucundum sit, partim propter stuporè partim p-
pter verumque. Voluptatis nouæ causæ exponuntur, Cap. 78. 79. & 80.

78. 79. 80. Protestantium præcipua Pertinaciæ causa est odium Catholico-
rum, cuius tres causas reddo. 1. quia ferè in omnibus fidei capitibus
per suum eis est Catholicos opinionem habere manifestè falsam &
impiam, cuiusmodi est, quod B. Virginem diuinis honoribus à Ca-
tholicis affici credunt. 2. quia suspicantur Catholicos consilia agitare
de ipsis vi aut dolo sub Pontificis iugum redigendis, neque fidem
Hæreticis seruandam existimare. 3. quia se aditu beneficiorum Eccle-
siasticorum

fiasticorum prohiberi, suisque familijs egestatem ex eo obtigisse aut imminere dolent. Vbi & exempla plura Principum Germaniæ Episcopatibus & Prælaturis præfectorū ex historiis recenseo, Cap. 81. 82.

Cap.

81. 82.

Pertinaces ob stuporem, & obstuporem simul ac voluptatem cuiusmodi sint, quantasq; ambitio seu gloriæ spes, & vindicta cupiditas ad animos in sententia obstinandos vires habeat: quodq; eiusmodi pertinacia non nisi metu aut dolore expelli possit: apud stupidos verò etiam auctoritas contraria non parum valeat, Cap. 83. 84. & 85.

83. 84. 85.

Pertinaces disputando non sanari, omnesque Theologorum cum Hæreticis disputationes fugiendas esse, cum neq; quicquam profint, & non parum etiam noceant. nam & Hæreses inde serpunt, & lites generantur. Serpunt quidem Hæreses 1. quia populum decipit auctoritas Hæretici disputatoris vanis quibusdam rebus parta, 2. quia Hæretici ad scripturas & ad populi iudicium prouocant & sic auditorum animos sollicitant. 3. quia hominum vitiis & ad vitia procliuatibus blandiuntur. 4. quia nouitate opinionū homines alliciunt. Vbi quantum reip. noceat, nouis inuentionibus & veterum legū atq; institutorum reprehensionibus aut mutationibus locum dari, ex philosophia sacra ac profana, & ex ipsius Lutheri verbis doceo. Cap. 86. 87. 88.

86. 87. 88.

Lites generantur ex Disputationibus de religione, quia vel ipse Disputator Catholicus est Dyscolus & iracundior, vel ei materia disputationis, vel Aduersarius denique Dyscolia causam præbet. Ipse Disputator Dyscolia causa est, si vel natura sit morosior & iræ paratioris, vel Dialecticam non satis didicerit adeoque propter suam imperitiam victoria sese excidere sentiat, Cap. 89.

89.

Ipsa res seu materia, de qua disputatur, Dyscolia causam præbet, si quæstio vel sit stulta, vel sine disciplina. Stulta quæstio est, vbi scriptum est in sacris literis: cum læpe non ex verbo, sed ex opere Dei fides probari debeat. Cap. 90.

90.

Quæstiones sine disciplina sunt, cum quis Scripturas opponit falso intellectas, ex quibus apparet, opponenti defuisse disciplinam boni magistri. Ex utroque Quæstionum genere iram, Zelum & Dyscoliam exsistere, ac propterea Disputationibus cum Hæreticis super sedendum esse Tertulliani argumentis doceo, Cap. 91. & 92.

91. 92.

Ipse denique Aduersarius siue Hæreticus Dyscolia & iræ causam præbet. 1. si sit stupidior & ea operose probet, quæ vtrò ei conceduntur. 2. si conuictum se sentiens à proposito in aliam materiam deflectat. (Cap. 39.) 3. si Catholicorum dicta aut facta manifestè calumniatur,

93.

c

tur,

Cap.
94.
95.
96.

tur, omnique vi sententiam eis affingere velit, de qua ipsi numquam summiarunt, quod quidem Lutherani faciunt in Sanctorum Inuocatione exagitanda (cap. 94.) 4. si taceat vel ne victus videatur, vel q. Catholicum multo se doctiorem contemnat (cap. 95.) 5. si vel verbis, vel factis in Catholicos sit contumeliosus, Cap. 96.

Cum quare à Disputationibus de religione supersedendum sit, docuerim, quo ergo modo cum Hæreticis agi, & ab ijs in errorem abducti reduci debeant disputo, cuius disputationis tria sunt capita 1. quis, 2. Cui 3. Quid de religionis causa proponere, aut non proponere debeat. Ad primum respondeo, eum debere, cui Deus siue officium pastoris, siue sufficientem Auctoritatem tribuit, hoc est, qui & negotij bene intelligens, & vir bonus, & bene erga illos quibuscum agit affectus videatur. Intelligens videri poterit 1. si sacras literas multum triuerit. 2. si libros Hæreticorum legerit: 3. si multum cum Hæreticis conuersatus fuerit. 4. si & ipse aliquando in Hæresi heserit. 5. si naturam & ingenium Hæreticorum verbis probè depingere sciat, Cap. 97.

97.

Vir bonus ut videatur, omnino necesse est, ut omnem ambitionis & auaritiæ suspicionem ab se segreget, neque Prælatorum vitij aduletur, sed ea ingenuè fateatur ac detestetur, nihil malam eorum gratiam veritus, Cap. 98.

98.

96.

Beneuolus erga illos, quibuscum agat, videbitur 1. si eis sit similis aut æqualis 2. si serij cum eis agat & magnam pro salute illorum sollicitudinem præferat. (Cap. 99.) 3. si eis, cum potest, assentiatur & obsecundet in sententijs scilicet indifferentibus, aut cum sententiam, quam Catholicorum esse falso credunt, oppugnant, aut cum imprudentes suorum magistrorum opiniones insectantur, quod sæpe fieri necesse est ob propriam Hæreticis, in primis Luthero & Augustanæ Confessioni, mutabilitatem & inconstantiam. 4. si commotis non contradicat & disputationem subterfugiat, Capp. 100. 101 & 102.

100. 101. 102.

Ut sciri queat, cui in religionis causa nauari opera debeat distinctè eorum, qui Hæresin docent, tum eorum, quos illi docent, præcipuè Principum ac magistratum mores, naturam & ingenium è facris literis describo: tum in speciem quales sint Protestantium Principes, prius ex Lutheri aliorumq; Prædicantium, deinde ex meam sententiam expono, eosque à Prædicantibus suis iniuste & minis contumeliose

meliosè tractari contendo, cum fures, raptores, sacrilegi, canes & porci appellantur, Capp. 103. 104. 105.

Cap.

103. 104. 105.

Quid Episcopi aduersus Hæreticos suscipere debeant, vitæ nempe innocentia potius, quàm verborum disputatione eos refellere, suos verò subditos ad bonorum operum studium excitare, & fidelem sermonem, qui maximè secundum doctrinam est, docere, qualis sermo est is, qui auctoritatem Pastorum ex sacris literis confirmat. Episcoporum enim auctoritas propter diuini tum verbi, tum operis testimonium fidei nostræ fundamentum esse debet, Cap. 106.

106.

Hæretici omnino disputare volentes ad disputationem admitti non debent, sed sapienter eludi, cum abest potestas secularis gladij, quæ illos coërceat, Cap. 107.

107.

Thuanus, Parisiensis præses, quem in Historiæ suæ præfatione Hæreticis patrocinari, & Austriacorum subditis rebellandi auctoritatem dare non puduit, proinde ut improba eius præuaricatio merita est, à me accipitur, atque Ecclesiæ & Hispanorum erga Hæreticos censoria seueritas defenditur, Cap. 108. 109. 110.

108. 109. 110.

Quia idem Thuanus ad euentum prouocat, & propterea Hæreticis Autonomiam, siue Hæresion libertatem, negandam non esse contendit, quod eam negasse ingens Austriacorum rebus damnum attulerit: propterea alias causas plures enumero, propter quas Austriaci minùs feliciter rem gerant, quarum præcipua est familiamque ducit, quod minùs Hæreticos oderint, nimiumque eis crediderint, & indulserint. Cap. 111. & seq.

111. 112. 113.

114. 115.

Diui Caroli V. Cæsaris honorem aduersus eundem Thuanum tuetur, qui optimum maximum Imp non modò imprudentiæ seu stoliditatis notat, sed etiam periurij insimulat, quasi qui Imperium sibi ac familiæ suæ hereditarium facere conatus fuerit, Cap. 116.

116.

Pacem Religionis Protestantibus datam à Catholicis seruari oportere, neque eos armis, etiam si multo plus possint Catholici, ad Ecclesiam redigendos esse doceo, cum magis nunc, quàm alias vnquam, ad conuersionem accommodati videantur, cuius opinionis causas ex Synagogæ Iudaicæ exemplo reddo. Cap. 117. 118.

117. 118.

Sicut Philistæus Goliath à Dauide, sic Hæretici à Laicis Catholicis gloriosius & certius vincuntur, si faciant ea, quæ Davidis illa pugna mysticè, ac velut ipse Spiritus sanctus docet, alligoricè declarata continet. qua occasione plurima moneo, quæ vtiliter obseruent

seruent

feruentij , qui cum Hæreticis habent negotium , quorum etiam
Cap. 119. 120. 121. ignoratio magnum Hæresibus incrementum afferre solet, Capp. 119.
vsque ad 127.

122. 123. 124. Absoluta Charitate, quam Gentiles in Ecclesia Catholica & apud
125. 127. Proestantes videre possunt, ad Sapietiam accedo, quæ iisdem Genti-
libus admirationem excitare queat. Vbi & moralem & Politicam
Protestantium sapientiam examino , & Melanchthonem de Tyran-
nide intolerabili ex sublata iurisdictione Episcoporum oritura , vera
pronunciassse demonstro exemplo Augustanæ Confessionis toties de-
prauatæ, & Saxonix atq; Electoralis Palatinatus, vbi religio non mul-
tis annis ex Principum nutu sexies aut septies mutata, Cap. 127. vsque
128. 129. 130. ad 121.

Singularis lucet in Ecclesia Catholica Prudentia 1. quod attinet ad
ipsam reipub. formam , ex tribus rectis formis ita mistam & tempe-
ratam, vt eam seruari incolumem omnium ordinum interfit, Cap. 131.
131. 11. quod attinet ad iuris legumq; descriptionem, quæ probabilis , imò
admirabilis est primùm iudicio eorum , qui politicarum rerum habent
scientiam, cum & rectè sint latæ leges, & vt rectè obseruetur cautum
ac prouisum: deinde etiam illorum iudicio, qui non nisi ex effectis at-
que euentis iudicare sciunt.

Rectè latas esse Leges hinc patet 1. quia sunt ad reip. formam acco-
modatæ. 2. quia pleraq; maioris momenti ipsæ definiunt, sic tamen vt
magistratuum ac iudicum prudentiæ quædam relinquunt. Vbi dispu-
to de Æqui ac boni (cap. 132.) deq; Psephismatis siue senatusconsulti aut
132. decreti vsu ac necessitate in Ecclesia (cap. 133.) quodq; Leges non scri-
133. ptæ siue Traditæ parem ac scriptæ auctoritatem habeant exemplo
134. reipub. & iurisprudentiæ Romanæ (cap. 134.) quodq; Ius nõ scriptum sit
iuris scripti interpres, certiusq; ac durabilius, magisq; necessariū scri-
135. pto (cap. 135.) 3. quia qd ad publicum ius attinet , magistratuum, maximè
maiorum creatione ita ordinant, vt magis ex vsu publico nequeat. Vbi
in specie de Papatu dispuo, & cur ad eum Itali præter ceteros idonei
136. (cap. 136.) 4. quia ius priuatum ita describunt, vt & facile disci ac reti-
137. neri, neq; quenquam temerè effugere aut latere possit, Cap. 137.

Vt rectè obseruentur Leges, cautum ac prouisum est 1. per Pædian
siue disciplinam & institutionem iuuentutis priuatam ac publi-
cam. 2. per Tribunalia priuata seu conscientix , & publica
quod ad fidem ac mores attinet. Vbi Episcopos doceo habere
Notionem & Condemnationem noxiorum ad pœnam ignis æter-
ni &

ni & temporalis, esseque simul partem & iudices, ac posse de rebus temporalibus subditorum suorum ad ædificationem eorum dispo-
nere, Cap. 138.

Etiā rerum politicarum imperitiis admirabilem Prudentiam Ecclesiæ videri oportet propter vim & effectum Legum eius nam 1. omnibus toto orbe populis quamuis alioqui mirificè ingenio, more ac natura dissimilibus, ex æquo conueniunt. 2. tot iam sæcula ius priuatum ac publicum perdurauit, inprimisque Papæ Romani potestas, quod ipsorummet Hæreticorum & Schismaticorum Lutheri, Tertuliani & Nicephori testimonijs probo Cap. 139.

Breuis & summaria de Notis Ecclesiæ repetitio, quid nimirum sit illud, quod Gentiles in Ecclesia admiratione dignum videre, eamque Dei ciuitatem seu regnum esse colligere inde queant, ac propterea in ea potius, quam in Hæreticorum Synagogis ciues fieri velint, Cap. 140.

Argumentis eorum, qui sæcularem potestatem & vsum materialis gladij huic ciuitati Dei siue Ecclesiæ abiudicant, respondeo, nihil Regibus Papæ potestatem periculi aut præiudicij afferre, sed v-
tui potius lucroque esse vinco, Cap. 141. vsque ad 146.

Regna infidelium & Gentilium ante Christi aduentum non bene se habebant, & à Christo reformari merebantur. Regis eligendi quæ fuerint conditiones, siue requisita, lege Dei Israëlitis præscripta. Vbi doceo Sacerdotale Tribunal fuisse omnium supremum, à quo nulla esset prouocatio, cui etiam Regem subesse oporteret, Cap. 142.

Cuiusmodi & quantum fuerit Israëlitarum peccatum, Regem sibi à Samuele dari postulantium, aduersus nouitios quosdam scriptores Monarchiæ iniquiores disputo. 1. Deo faciebant iniuriam, cuius ipsi erant peculiaris populus, qui gloriæ suæ causa eos Sacerdotale regnum esse, & miraculosè potius per Sacerdotum preces, quam Regum ductu atque auspicio aduersus hostes defendi volebat. 2. iniuriam faciebant Samueli optimè de ipsis meritò, ita vt vel pessimum & iniquissimum Regem habere, quàm ipsi diutius subesse mal-
lent. Vbi & de vitijs Magistratuum patienter ferendis, deque ratione, quam Pontifices nostri in medicandis Regum Principumque peccatis sequuntur, nonnulla adspargo. 3. faciebant postoris suis iniuriam non quidem quod Regno, sed quod particulosissimæ ac deterrimæ formæ regni, vbi Rex omnia manu regia ex sui libidine administrat, libertatem eorum subiicere vellent: quam tamen regni

143. formam eis non dedit Deus, sed Regem Sacerdotis Ephoræ subiecit Cap. 143.

Nullam fieri Gentilibus Regibus iniuriam, cum fide Christi recepta imperio Papæ tanquam supremi vicarii Christi subiiciuntur, cui etiam quamdiu adhuc infideles sunt, ipso iure subiecti sunt, Cap. 144.

144. Quomodo spiritualis potestas Soli, sæcularis Lunæ sit similis: q; Papa quæ Papa est & totius regni Christi in terris Prorex, minoris momenti res id est sæculares, non æquè in Regum principumque prouinciis, atque in Episcopatus sui peculiari territorio curare possit: quia id scilicet amplitudinem & maiestatem Imperii sui non satis deceat, tametsi ad omnes Episcopos, testantibus & lege sancientibus constantino & Carolo magnis Imp. ac proinde multò magis ad Episcoporum Episcopum in omnibus litibus & causis sæcularibus appellari possit, Cap. 145.

145. Quam ridiculè faciat Rex Angliæ, qui putet Catholicos Reges ac Principes potius sibi, quàm Carolo & Constantino Magnis credituros, quique felicitatem Elisabethæ Anglæ satis idoneum argumentum existimet, ex quo Calvinismum Anglum Deo gratum esse appareat, Cap. 146.

Parabola tertia.

147. Ecclesia est Mandra, siue Grex aut multitudo Iumentorum siue Asinorū clitelliorū, aut Sagmariorum sed intellectu præditorū, on° Christi siue gazæ & thesauros eius ferentiū. Magistrat° sæculares sunt Iumenta cū tintinnabulis ceteros Asinos antecedētia. Agasones siue Muliones sunt Episcopi & pastores, qui etiam ipsi sarcinam humeris suis vehunt, ac iumenta frenant, agunt stimulant, alligant, onerant. Hæretici & Schismatici sunt Asini sine intellectu, effreni & indomiti, qui aduersus Muliones siue Episcopos calcitrant, frenos discutiunt, lorū abrumpunt, iugo collum eripiunt, sarcinam abiciunt, & à Mulionibus profugiunt. Hanc parabolam à capite 147. ad finem vsque libri persequor, & ex ea sic disputo:

R E X Britannia auctor est Asinis, iis maximè, qui ceteros præcedunt sonituque tintinnabulorum ducunt, ut nequaquam eam ingrediantur viam, qua illos sui Muliones agunt, neque se ab illis frenari, alligari, onerari aut stimulari patiantur, sed potius calcibus in eos velitati abiciētaque sarcina procul ab illis fugiant, quemadmodum & se ipsum fecisse gloriatur.

Apparet

XX
Apparet ergò cum non esse intelligens & bona frugi iumentum,
sed factum esse sicut equum & mulum, quibus non est intellectus,
ac propterea non esse, cur quis auctoritatem eius, tanquam magnæ
scientiæ & intelligentiæ præditi, quicquam moretur.

Episcopi & Pontifices charitate quidem excidere possunt, sed
non æquè Fide siue vera doctrina: qua in re multum illi Leuiticis
Sacerdotibus præstant, cum Ecclesia in multò melioribus repromis-
sionibus sancita sit, quàm Synagoga Iudaica. Quomodo nos erga Epi-
scopos improbos & scandalosos exhibere debeamus, & quantopere
Regibus ac Principibus ab Aulicorum Ecclesiasticis iniquiorum af-
sentatione cauendum sit. Cap. 148. & 149.

148. 149.

Quantum ad pariendam Hæresin & Atheian momenti habeat
scandalosa Prælatorum vita, quoque modo bonus & frugi Christia-
nus erga Prælatos improbos gerere se debeat, Cap. 150.

150.

IMPE-

IMPERATOR AVGVSTE
CATHOLICE HISPANIARVM
INDIARVMQVE REX:

Itemque cæteri

SERENISSIMI ET CATHOLICI
AVSTRIÆ ARCHIDVCES.



NON patitur mea erga Maiestates & Serenitates vestras deuotio ac fides, vt neglectui habeam, quicquid ad Augustæ Domus vestræ rationes quoquo modo videtur attinere. Itaque cum ROMAM superioribus hebdomadibus reuersus fama & auditione accepißem de quodam Serenissimi ac Potentissimi Angliæ Regis libro, quem ille *Apologiam pro Iuramento fidelitatis* inscripserit, & cum *Monitoria Præfatione* cum ad alios, tum præcipuè ad vos Austriacæ familiæ Principes ediderit, magnum me subito eius videndi desiderium incescit, vt scilicet, si quid rectè in rem vestram consultum ab eo vidissem, de tanti, tamque eruditi & disertis Regis amicitia vobis ex animo gratularer. Heri demum, hoc est, a. d. viii. Octobris, eius copiam nactus sum, statimque eum translegi, & quod non nisi ad paucas horas eius vsuram petiissem, nonnullis quæ notatu digniora, atque alicubi mihi vsui futura viderentur, cursim excerptis, ei, vnde acceperam, hodie remisi. Et consilium quidem, quod Monitoria eius Præfatio complectitur, hanc habere summam perpexi.

Primum omnium vos hortatur, ut tam docti, tamque sacrarum literarum intelligentes ac periti, quàm ipse est, euadere adnitamini: quam quidem rem non desperare se ostendit, si eadem via incedere, & iisdem, vt ita dicam, Mediis siue adiumentis, quibus ipse vsus est, vti vobis libeat, hoc est, si & sacras literas diligenter volutetis, & verum earum sensum vestro Marte inuenire, eique quod vobis verum esse persuaferitis, velut exploratissimæ firmitatis fundamento omnem fidem vestram imponere velitis, neque eorum, quos DEVS

A

in Ec-

*Occasione huius
commentationis.*

Anni 1609.

*Tria summa
capita Præfationis Regiæ.*
I.

in Ecclesia Pastores ac Doctores constituit, & pascere oves suas scientia ac doctrina iussit, interpretationes quicquam moremini, sed procul in malam rem facessere iubeatis.

Ierem. 3.

II.

Deinde autem suo aliorumque sui similium Principum exemplo vos monet, ut Pontificem strenuè contemnatis, & non solum vos ipsos nulla ex parte inferiores illo ducatis, sed etiam nullam prorsus auctoritatis ullius partem in vestris provinciis ei relinquantis.

III.

Postremo magnopere vobis auctor est, ut quicquid temporalium bonorum Ecclesia Romana possidet, ab ea eripiat. seque ritu Sabinorum (qui quod volunt, somniant) nihil dubitare ostendit, quin velut cornua Bestiae (nam Reges ac Principes Christianos ita appellat, seque ipse cornibus eiusmodi & membris Bestiae annumerat, vobis, opinor, non inuitis, nisi quod vos ab eo admisceri nolle scio) propediem facturi sitis, ut Babylonicam illam Meretricem, hoc est, Ecclesiam Romanam odio habeatis, desertam relinquantis ac nudam, denique carnem eius comedatis, ipsamque igne comburatis.

Reges Christianos Rex Anglus Cornua Bestiae siue Antichristi membra appellat.

Quot modis Rex fidem sibi facere conetur. Auctoritas magis persuadet, quam argumenta.

Atque hoc suum Consilium (quod ipse *pium ac prudens* vocat) non tantum argumentis, sed etiam, & vel maximè, concilianda sibi Morum opinione probare vobis nititur, quippe qui non sit nescius, Aristotelem plus virium ad persuadendum Auctoritati, siue opinioni Morum tribuere, quam ipsis rationum & argumentorum momentis, ex eiusque audire & in cathedra Successore Theophrasto haustum videri peruulgatum illum Menandri versiculum:

Τρόπος ἐστὶ ὁ πείθων τὰ λέγοντα, ὃ λόγος.

Mores loquentis cogunt, non Oratio.

Auctoritas in quibus consistat.

Et quoniam illa Morum opinio, siue Auctoritas, hæc tria complectitur, primum ut quis ab eo, cui persuasum cupit, habeatur rei, quam persuadendam suscipit, gnarus, peritus ac prudens: tum ut vir bonus minimeque tectus, qui scilicet non aliter dicat, quam sentiat: denique ut ipsi amicus, deque commodis eius cogitans (si enim imprudens sit, qui suadet, ait *Philosophus*, ipse falsus alios porro in errorem inducet: aut si prudens sit, sed idem malitiosus, quæ recta & utilia existimat, non proponet: aut si utrumque sit, & prudens & vir bonus, non tamen etiam amicus, consilium ille quidem dabit bonum & fidele, hoc est, sine fraude & dolo, sed minus cogitatè tamen, quam si amicus simul foret: Vnde necessario efficitur, ut qui hæc tria simul habet, dignus iudicetur, cui credatur) propterea Serenissimus Rex, ut talis à vobis habeatur, non minimum laborat.

Opinio Prudentia. Opinio integritatis ac virtutis. Opinio benevolentia siue amicitia.

Et

EXORDIVM.

xxii - 3

Et primùm quidem vt Prudens capitumque Fidei controuersorum benè gnarus videatur, non modò Bellarminum ex professo confutandum, & multiplicis inscitie conuincendum suscipit, sed ipso etiam summo Pontifice nulla ex parte, atque adeò nec in sacram literarum intellectu & interpretatione, inferiorem se proficitur. quid? quod ipsis etiam Prophetis & Apostolis propemodum parem se facere nihil dubitat. Hæc enim ipsius sunt verba: *Vobis, fratres & consanguinei dilectissimi, quorum mentes Deus Opt. Max. Veritatis suæ fulgore nondum illustrauit, cum Eliæo precor, vt oculos aperiat, quò cernatis, quam multi, quamque inuicti Angelorum exercitus ad propugnandum pro Veritate accincti paratique aduigilent: imò cum Paulo opto, vos omnes fieri tales hac una in re, qualis & ego sum.* Sic itaque vos modò pro pueris, modò pro Ethnicis aut Iudæis habet. Pro pueris quidem, quà se Eliæi instar orare dicit, vt vobis oculos Deus aperiat, & Angelos perinde ac sibi clarè conspiciendos præbeat. Sic enim narrat scriptura 4. Reg. 6. *Cum orasset Elisæus, ait: Domine aperi oculos pueri huius, vt videat.* Itaque nihil iam mirum videri debet, quod vestrum se Pædagogum facit, & velut Cathedrarius aliquis passim vobiscum loquitur. Verbi gratia, in Frontispicio libri sui. *Intelligite Reges: erudimini, qui indicatis terram, nempe à me Pædago vestro, qui vos non aliter, quàm custos angustæ veritatis capse, in maioris Magistri scholam plus erudiendos induco.* Pag. 67. *Ad hunc modum docuimus, Romam esse sedem Antichristi.* Pag. 102. *Pseudopropheta, quem Apostolicam Ecclesiam interpretor.* Pro Ethnicis verò aut Iudæis vos habere se ostendit, quà Pauli Apostoli verba Act. 26. ad circumstantes Iudæos & Gentiles facta, sua facit: *Opto apud Deum, omnes, qui audiunt, hodie fieri tales, qualis & ego sum.* Postquam autem semel ad hoc exemplum in Paulum transiit, suo sibi iure facere visus est, si Paulinum illum loquendi modum (1. Cor. 7.) potissimum adamar: *Existimo hoc bonum esse. Beatior erit vidua, si calebs perman-* Rex Paulo A-
ferit, secundum meum consiliu: *puto autem quod & ego spiritum Dei habeam.* postolo similis
Nam ita loquitur pag. 56. *Mea quidem sententia S. Paulus id planius explicat.* Pag. 59. *Iam, vt mea fert opinio, Spiritus oris Domini non aliud est, quàm verbum Dei.* Pag. 89. *Antichristus meo quidem iudicio quater à Iohanne depingitur.* Pag. 78. *Dubius modis Mysterium hoc mea, quidem sententia, probabiliter potest exponi.* Putat scilicet Rex, non minùs, quàm Paulus Apostolus, quod & ipse spiritum Dei habeat, qui docet omnia, vt Christus ait, Ioh. 14, vt Regem meritò pro doctissimo & scripturarum intelligentissimo habendum esse, neque vos sine grandi piaculo ab eius sententia discedere posse intelligatis. Alioquin etiam in hoc Paulizabit:

*Quomodo Ra-
Anglus Præde-
tia opinionem
ancupetur.*

*Regi Anglo ipsi
Angeli se con-
spiciendos præ-
bent.*

*Rex Anglus
Catholicos Re-
ges pro pueris
habet eisq; Pra-
ceptoris operam
sibi nauat.*

*Rex Paulo A-
postolo similis
se facit.*

*Si Rex sit Pau-
lo similis, sine
dubio scripturas
sacras optime
intelligit.*

A 2

Qui

Qui hac spernit, non hominem spernit, sed Deum, qui etiam dedit spiritum suum sanctum in nobis. 1. Theff. 4.

*Quomodo Rex
candoris & Vir-
tutis opinionem
conciliare sibi
sudeat.*

Deinde, ut Virum bonum se vobis probet, non semel accuratè testatur, se ijs, quæ narrat, ingenuum candorem & sinceritatem adhibere, adeoque graviter ijs succenset, qui in Apologia ipsius, quamvis nomen Regis præscriptum non haberet, siue Mendacium, siue Falsum notare ausi sunt.

*Quomodo idem
in Benevolentia
erga Catholicos
opinionem irre-
pat.*

Tandem Amicum & benevolentem vestrum se declarare studet, tantam pro commodis vestris sollicitudinem profitendo, tamq; facilem & expeditam vobis rationem præmonstrando, quâ rem facere, & lacunam, si fortè, fisci vestri explere possitis, Clero nempe opibus suis spoliato, & omnibus Ecclesiarum bonis in fiscum redactis.

*Regis Angli cõ-
silio Catholici
Reges ac Prin-
cipes vti sine
scelere ne-
queunt.*

Hunc Regis animum hesternæ libri eius lectione statim sum odoratus, simulque deprehendi, Consilium illius esse eiusmodi, quo vobis uti nullo modo fas sit, si modò maiorum vestrorum Augustissimorum virtuti respondere, si gloriam apud Deum ac homines Ecclesiæ Catholicæ tuendæ Zelo collectam retinere ac tueri, si vobismetipsis constare, nec multorum hodie leuitatem turpissimam imitari, si vestræ populorumque vestræ curæ commissorum salutis consulere velitis. Itaque cum omnem meæ mediocritatis operam, imprimisque in dandis consiliis fidem ac religionem, Augustæ vestræ familiæ obstrinxerim, omninò ex officio facturus videor, si horas aliquas, quas mihi negotiorum summa vestra & Reip. Christianæ commoda attingentium, fideique & industriæ meæ commissorum procuratio vacuas ac subsecuias relinquit, dissuadendo tam pestifero Regis consilio impertiar. Nam tametsi vestra pietas & constans sedis Apostolicæ reuerentia, penitus mihi perspecta, nihil omninò me dubitare sinat, quin aliorum verè Catholicorum Principum exemplo feceritis, qui allatum ad se sacrum & horribilem Regis librū vel accipere recusarunt, vel statim, intellecto eius ex priuatis ipsius Regis virulentissimis literis argumento, flammis expiaticibus dederunt, ut ita nullum sit periculum, ne quid animorum vestrorum constantiam Regis eloquentia labefactet: non tamen omninò luisse operam videbor, si perficiam, ut ne habeat Rex, quod vestram pertinaciam accuset, qui fidele suum, amici & confederati Principis, imò fratris & consanguinei consilium non modò ad cognitionem non admittere, sed etiam nondum lectis, nec intellectis, multò autem minùs examinatis rationibus, inhumano scilicet præiudicio occupati, reijcere & condemnare volueritis. Quam quidem ad rem nihil attinet,

*Mihi dissuasio
Consilij illius
ex officio in-
sumbit.*

*Non quod peri-
culum sit, ne
Rex Austriacis
persuadeat.*

*Sed ut ne Rex
Austriacos Per-
sinacia Vitio
laborare pu-
tet.*

Consilium meum

tinet, sigillatim eius argumentis contra Catholicæ fidei veritatem in
 medium allatis respondere, cum verba sint plurima, multamque in dispu-
 tando habentia vanitatem (vt ait Salomon Eccl. 6.) quibus tamen Illustris-
 simi Bellarmini liber, qui nunc sub prelo est, ita respondebit, vt ij, qui-
 bus huic disputationi operam dare libuerit, nihil ampliùs desideratu-
 ri videantur. Mihi satis erit illam Morum opinionem in animis vestris
 minuisse, quod Regem ceu magnum Oratorem plus in ea, quàm in
 omnibus suis argumentis, ad vos permouendos spei habuisse intelli-
 gam. Neque tamen ea in re sic versabor, vt Regiæ Maiestatis virtu-
 tem & sinceritatem seu candorem in suspensionem vocem, quasi qui
 consilium minùs fidele vobis dare, aliterque, quàm cum animo suo
 censeat, rei vestræ consulere voluerit: quemadmodum neque Amici-
 tiam & beneuolentiam, quam erga vos profitetur, vobis vlla ex parte
 suspectam reddere studeo. Quin etiam tantum ab eiusmodi consilio
 absum, vt cum haud pauca esse sciam, quæ scrupulum vobis iniicere,
 & de Regis tam virtute, quàm amicitia suspensionem mouere queant,
 vtrò etiam Regis causam agere, hancque Anglis eius operam præri-
 pere cogitem.

non est disputa-
 re contra Regis
 argumenta.

Sed auctoritatē
 eius apud Ca-
 tholicos, minue-
 re.

Non tamen opi-
 nionem Viru-
 rum seu Canda-
 rum.

Neque opinio-
 nem beneuolē-
 tiæ erga Au-
 striacos.

*Sereniss. Regem Angliæ esse Virum bonum, hoc est, ex
 animo loqui, nihilque in consilio illo suo
 simulare.*

CAPVT I.

PRIMUM omnium virtuti Regis & Candori controuersiam
 mouere potest, quod eius sectæ participem atque adeo Propaga-
 torem ac Defensorem se profitetur, in qua vix vllum virum bonum
 reperiri, non Papistæ affirmant (quibus nempe ea de re parum fidei
 meritò haberetur) sed ipsi eius Inuectores, Conditores ac primarij
 quique propugnatores grauitè & seriò testatur. Sunt enim ista Luthe-
 ri ipsius verba in Postilla domestica Ienæ impressa concione secun-
 da primæ Dominicæ Aduentus: *Mundus ex hac doctrina quotidie redditur
 deterior. Iam homines singuli septenis Diabolo obsidentur, cum antea (quando
 adhuc Papistæ fuerunt) unico tantum Diabolo obsessi fuissent. Diabolus iam
 cateruatim in homines ingreditur, vt nunc in tam splendida Euangelij luce sint
 auariores, callidiores, iniustiores, crudeliores, proteruiore, multò denique dete-
 riores,*

Inter Protestan-
 tes vix vllum vi-
 rum bonum in-
 ueniri, ipsi eorū
 Doctores affir-
 mant.

Evangelica Lu-
 theri doctrina
 cuiusmodi faci-
 at discipulos.

*Cuiusmodi sit
hodie Euange-
licorum statum.*

*Diabolica & o-
mnibus seculis
inaudita. Pro-
testantiū ma-
litia.*

*Euangelici non
sunt veri Chri-
stiani.*

*Fides Euange-
licorum.*

*Protestantes se-
rè omnes perfidi
ac fraudu-
lenti.*

*Nemo in toto
orbe Euangeli-
cos sceleribus
superat.*

riores, quàm prius in Papatu fuerant. Et hæc Tomo 6. Germanico Ienen-
si in explanatione Psalmi 101. fol. 162. Apud nos in Germania statum re-
rum maxime *EVANGELICVM* videre licet. Exeunte enim vno Diabolo, se-
ptem peiores in locum eius succedunt, suntque nouissima deteriora prioribus.
In eandem sententiam scribit in Commentario Iohan. 15. Tomo 4.
German. wittenb. fol. 220. b. §. 6. & 221. b. §. 1. siue Tom. 7. Ger. Ie-
nensi fol. 162. b. §. 3. & 163. Tam Diabolica malitia & odium in nullis
vel ethnicorum historiis inuenitur, quanta apud eos exoritur, qui-
bus Christi verbum prædicatur: neque verò non ipsi etiam Nobiles,
Ciues & Agricola nostri tanta malitia affecti sunt, qui cum prius (in
Papatu) hominum multò modestiorum speciem gessissent, iam furo-
re & vesania præcipientes rapiuntur, non aliter, quam si toti Diabolis
pleni forent.] His similia legimus in eiusdem Domestica Postilla
Noribergæ edita in concione octauæ Dominicæ S. Trinitatis fol. 79.
a. §. 2. aut 87. a. §. 3. Vellet nos Deus veros & germanos Christianos fie-
ri, qui non verbo tantum de Fide & Euangelio gloriarentur, sicut
homines iam faciunt, qui *EVANGELICI* esse postulant, multaue de
Christo iactare sciunt. Si tamen intus excutias, nihil in re inueneris.
Itaque maiorem partem ipsi se frustrantur ac decipiunt, etiam illi, qui
Euangelium habent & audiunt, & cum *FALSA* illa sua *FIDE* vadunt ad
Diabolum.] Iam etiam *Calvinum* ad testimonij dictionem admittam-
us, qui in commentario Daniel. XI. versic. 34. totidem verbis scri-
bit: *In exiguo illorum numero, qui se ab Idololatriæ Papatus subdlexerunt,*
MAIOR PARS plena est perfidia & dolo. Præclarum quidem Zelum simul-
lant, si tamen intus excutias, reperies plenos esse fraudibus. Quod de Maio-
re parte dicit, id sic accipiendum est, quod ex decem Euangelicis vix
vnus, qui non fraude, dolo ac perfidia plenus sit, inueniri queat. Sic
enim ipse se Calvinus interpretatur in Commentario 2. Petri 1, 2.
Vix eorum decimus quisque est, qui alio fine Euangelio nomen dederit, quàm ut
solutius in omnem lasciuiam diffunderet. Nunc tertius accedat testis *An-*
dreæ Musculus, Brandenburgensium ille Apostolus, cuius liber de *No-*
uissima die Erfurdie in 8. anno 1560. apud Georgium Baumannum im-
pressus fol. 78. b. hæc continet verba: Quod si, quemadmodum *CO-*
GIMVR, fateri veritatem velimus, tum hoc de nobis Euangelicis te-
stari cogimur, magis, quàm nos, gulosos, scortationibus, vsuris, cir-
cumuentationibus, fraudibusq; deditos in toto iam mundo nusquam
inueniri. Et fol. 81. b. Res ipsa loquitur, & nobis licet inuitis confessio-
nem Veritas extorquet, quod iam peiores, irreligiosiores, ingratiore,
infideliores, petulantiores homines, maioraque scelera & peccata in
vniuerso

C A P V T. II.

7

vniverſo Orbe, ne inter Turcas quidem, aut Iudæos, aut paganos inueniantur, quàm in ijs locis, vbi verbum Dei quàm diligentiffimè prædicatur] *Sed non pratermittenda eſt adhuc luculentior eiſdem conſeſſio, quam in libro de Prophetia Chriſti ibidem loci eodemque tempore typis impreſſo fol. 44. b. legimus:* Iterum COGOR dicere, quia verum eſt, contumaciores homines, in quorum animis omnes omnis virtutis & honeſtatis ſcintillæ ſunt exſtinctæ, & apud quos nihil iam pro peccato habetur, nuſquam nec apud Ethnicos, Iudæos, Turcas, inueniri, quàm inter Euangelicos, apud quos omninò vinculis ſolutus ac liber viget Diabolus: vtque paucis rem omnem eloquar, illud nunc eſt, eoque noſtra Lutheranorum res redijt, vt ſiquis videre cupiat magnam turbam nebulonũ, atheorum, circumſcriptorum, vſurariorum & deceptorum, ei adeunda ſit Ciuitas aliqua, in qua Euangelium prædicatur: ibi ceteruatim id genus hominum inuenerit.

Proteſtantes nihil meliores Turcas, Iudæos, Ethnicos.

Qui Nebulones quat, apud Proteſtantes inuenit.

Quid ergò iam dicemus? an ignoraffe hos Noui Euangelij Triumuiros, qui diſcipulorum ſuorum mores forent? Atqui *cognouit bonus Paſtor oues ſuas, & vocat eas nominatim*, ait Chriſtus Ioh. 10. Neque etiam mentiti videri poſſunt, cum id dedecori ipſis magiſtris neceſſariò futurum minimè ignorarent: quæ cauſa eſt, cur ſibi inuito Muſculus conſeſſionem eiſmodi extorqueri teſtetur. *Nemo enim*, ait Tertullianus, *in dedecus ſuum mentitur, ſed potius in honorem.* Quæ igitur res Regem optimum ſuſpicionem hominũ liberabit, & ne itidem, vt ceteri Euangelicorum, moratus videatur, intercedet? Hæc ſcilicet reſponſio: Cum ijdem Euangeliftæ non impediunt, quo minus aliquos ſaltem viros bonos in ſuorum diſcipulorum numero inueniri credamus, & Caluinus propemodum eos *Edecumari* permittat, iure ſuo cum vniverſè Regale ſaſtigium, tum propriè ipſius Angliæ Regis vitam, cum magna virtutis commendatione adhuc actam, hoc ab omnibus, in primis que à vobis æqualibus ſuis poſtulare, vt *Edecumatis Euangelicis* annumeretur, nihilque ad eum inſciendum contagio morum, quibus ceteri eius participes morati conſpiciuntur, habuiſſe virium creditur.

Quantum iſtis reſtibus credendum.

Deſenſio Regis, qua melior nec Oxonia, nec Cantabrigia excogitari queat.

C A P V T. II.

DICAT fortasse quiſpiam: At enim ne intelligi quidem poteſt, quo pacto quis Euangelio Lutheri nomen dare, & idem vir bonus manere poſſit, cum princeps eius Euangelij articulus omnia prorsus viri boni officia perimat, funditusque tollat. Sic enim verbi gratia

Fundamentum fidei Proteſtantium non patitur quemquã eſſe virum bonum.

Protestantes
fortiter peccare
oportet.

Cuiusmodi pec-
cata Protestan-
tes facere oportet.

Protestantes pro
quibus peccatis
orant.

Lutherus cu-
iusmodi peccata
confiteri fuerit
solitus.
Protestantes nō
possunt dānari,
etiam si velint.

gratia docet Lutherus in Epistola ad Philippum *Tomo 1. Epist. Iena edit. fol. 345.* Si vera est gratia (*per quam à Deo iustificari cupis*) verum, non fictum peccatum ferto. Deus non facit saluos fictos peccatores. Esto peccator, & pecca fortiter: Sed fortius fide & gaude in Christo. Sufficit, quod agnouimus Agnum, qui tollit peccata mundi: ab hoc non auellet nos peccatum, etiam si millies millies vno die fornicemur aut occidamus.] Atque hanc suam doctrinam explanat, sui que Magistri & Confessarij Staupitij verbis cōfirmat in *Colloquijs conuivialibus Islebica editis, sub titulo de Peccato fol. 130. b.* Christus, inquit, est remissio verorum & legitimorum peccatorum, cuiusmodi sunt, parricidium, blasphemia aperta, Dei contemptus, adulterium &c. Hæc huiusmodi vera sunt peccata, quibus plenum Catalogum habere te oportet, si modò à Christo iuari seu saluari cupias: neque debes quicquam de nugis & puerilibus peccatis curare, neque ex vno quoque crepitu ventris peccatum facere. *Similiter in colloquijs Francofurti editis sub titulo de Tentationibus fol. 217.* Oportet vt ad sint vera peccata, non ficta (quæ quis nempe ipse sibi multum meditando confingit) si modò velimus, vt Deus remittat peccata. *His consentaneum est, quod in Comment. Ioh. 17. scribit Tomo 4. Ger. Witt. fol. 305. a. §. 5.* Nos ita dicimus, quod veri & germani sancti debeant esse fortibus & atrocibus peccatis obnoxii (*nempe blasphemia, parricidio, adulterio &c.*) ac tales etiam manere, quos non pudeat orare: *Dimitte nobis debita nostra.*] Nam qui, verbi gratia, furatus aut fornicatus est, eum puderet remissionem peccati sui orare, cum Deus non remittat, nisi vera, atrocia & legitima peccata, furtum verò & fornicatio sint peccata ficta & puerilia, nec in censum eorum peccatorum, quæ Deus remittit, veniant. Itaque talia peccata Lutherus confiteri non solebat. Sic enim loquitur in *colloquijs Islebiensibus sub titulo de Tentationibus fol. 291. b. §. 3.* Doctori Staupitio sæpe confessus sum, non de Mulieribus, sed verò atrocibus & solida facinorosa.] Ac ne quem Papistæ moueant, quouis mortali peccato Dei gratiam amitti docentes, hoc suum oraculum ijs opposuit in libro *de captiuitate Babylonica Tomo 2. latino Witt. fol. 74. §. 4.* Vides, quàm diues sit homo Christianus, vel baptizatus, vt etiam volens non possit perdere salutem suam quantiscumque peccatis: nisi nolit credere. nulla enim peccata possunt eum damnare, nisi sola incredulitas.] Si opponas ei. Tamen in ijs, qui iustificari & saluari cupiunt, Fides requiritur cum dilectione, hoc est, eum obseruatione mandatorum DEI, vt Apostolus interpretatur, siue cum obseruatione Legis, omnia peccata prohibentis. Gal. 5, 6. Gal. 6, 15. 1. Cor. 7, 19. Rom. 13, 8. & 10. Respondet ipse

Tomo

CAPVT. II.

9

Tomo 1. lat. Witt. in Disputatione, *utrum bona opera faciant ad iustificatio-*
nem fol. 361. b & Tomo 1. lat. Ien. fol. 488. Fides nisi sit sine vllis etiam
 minimis Operibus, non iustificat, imò non est fides.] Et Tomo 1. Ger.
 Witt. in comment. Galat. 2. fol. 47. b. Sola fides iustificat, & non Fides, quæ
 dilectionem includit, *sine*, coniunctam habet.] Et fol. 92. §. 3. Sola fi-
 des necessaria est, ut iusti simus: cetera omnia libera, neque præcepta
 amplius, neque prohibita] Dices: quid igitur est, quod Paulus Tit. 2.
 docet, Christum ideò pro nobis passum esse, *ut à peccatis mundati, esse-*
mus sectatores bonorum operum, quodque scriptura passim opera bona à
 fidelibus requirit, ita ut Lutherus ipse eodem Tomo 1. Ger. Witt. in
 comment. Gal. 3. fol. 144. b. §. 2. vel 152. b. §. 3. fateatur, *numerari non posse*
loca scripturæ, in quibus opera requirantur? Huic obiectioni duobus modis
 respondet Lutherus, quorum vnus est, ut neque flocci facias, sed stre-
 nuè contemnas, quicquid scripturæ garriant. Sic enim Papistas con-
 futare docet eodem Tomo 1. Ger. Witt. comm. Galat. 3. fol. 147. vel 155. Tam-
 etsi Papistæ ingentem cumulum locorum scripturæ afferant, in qui-
 bus bona opera præcipiuntur: ego tamen nihil curo omnia dicta scri-
 pturæ, si etiam ijs adhuc plura afferrentur. Tu Papista valde quidem
 fastidis & ferocem te facis cum scriptura, quæ tamen Christo ut Do-
 mino subest. Itaque nihil ea re moueor. Age sanè Famulo nitere,
 quantum voles. At ego nitor Christo, vero Magistro, domino & Im-
 peratore scripturæ. Huic ego assentiar, & scio, eum nihil mihi men-
 titurum, neque me in errorem inducturum esse. Illi honorem habere
 & credere malo, quàm ut omnibus dictis scripturæ vel vnguem la-
 tum à sententia me patiar dimoueri.] Alter respondendi modus hic
 ab eo accuratè inculcatur, ut omnia scripturæ loca, quæ de operibus
 agunt, *ironicè & contra ac verba sonant*, interpreteris. Sic enim scribit in
 comm. Psal. 5. Tomo 3. lat. Witt. fol. 171. b. §. 5. & Tom. 3. Ger. Witt. fol. 143.
 a. §. 5. Hæc tibi norma & regula esto, quam in scripturis sacris intelli-
 gendis sequaris: vbicumque scriptura iubet bona opera facere, tu id
 sic intelliges, quod scriptura prohibeat bona opera facere.] Ita Chri-
 sti verba, *Hoc fac & viues*, ait esse quandam Ironiam siue irrisionem,
 quasi diceret Christus: *Fac modo, si potes. Si feceris, eris mihi magnus Apollo.*
Ad Calendar Græcas facies. In cōment. Gal. 3. Tomo 4. lat. Ien. fol. 89. a. &
 Tomo 1. Ger. Witt. fol. 149. b. aut 158. a. Ad hanc eandē doctrinam per-
 tinet, quod passim contendit, vniuersam Mosis legem, etiam Deca-
 logi præcepta, nihil prorsus ad Euangelicos pertinere. Tomo 5. Germ.
 Witt. in comment. Exodi 20. fol. 212. Principio notandum est, quod ad

Fides Protestan-
 tum iustificat
 sine charitate.

Lutherus fate-
 tur passim in
 scripturis bona
 opera simul cū
 fide requiri.

Papistas ait
 Lutherus niti
 scripturarum
 auctoritate.

Sed Lutherus
 honorem illum
 scripturis ha-
 bendum ne-
 gat.

Clavius David.
 quæ Pio & an-
 tes aperunt
 scripturas.

Protestantes nō
 curant Decalogum.

B

nos

nos Ethnicos & Christianos Decem præcepta non pertineant, sed tantum ad Iudæos. Hoc testatur & cogit ipse Textus, cum ita loquitur: *Ego sum Dominus Deus tuus, qui eduxi te de terra Aegypti, de domo servitutis.* Hoc sanè verum & satis manifestum est, quod nos Ethnici non fuerimus ex Aegypto educti. Ita omnino manifestum est, Iudæis tantum, non nobis data esse decem Præcepta.] *Tomo 1. Ger. Witt. in comment. Galat. 5. fol. 273.* Nos prorsus nec debemus, nec volumus pati, vel vnicam Mosis legem aut vnicum præceptulum ceruicibus nostris imponi.] *Et comment. Galat. 4. fol. 215. a.* Vide ut sis prudens & Mosē cum sua Lege quam longissimè amoliri & in malam rem abire iubeas. neq; quicquam illius terrore ac minis mouearis, sed suspectum cum habeto, ut pessimum Hæreticum, anathematizatum & condemnatum hominem, multoque deteriorem Papa, ipsoque Diabolo.

Protestantes omnino Exleges.

Protestantes Moysen habent pro Diabolo.

Οὐκ ἔτι τοῦ θεοῦ ἀπόστολος.

Repudiato Moysi repudiatur Christus.

Quid consequatur ex contemptu Moysi. Doctrina de sola fide effectus.

At enim ipse quoque Lutherus confitetur, cum Christum per hanc doctrinam rejici, tum latissimam omnibus vitijs & sceleribus fenestram aperiri, neque veros Christianos aut viros bonos esse posse, qui doctrinæ eiusmodi aures præbent, fidemque & auctoritatem adiungunt. *Tomo 2. Ger. Ien. in libro de abusu Missæ fol. 39. §. 3.* Repudiato Moysi, simul repudiatum est Christus.] *In Colloquijs Islebrensibus de Lege & Evangelio fol. 165. b.* Ea nunc sunt tempora iique hominum mores, ut neque fulmine legis Mosaicæ terri, humiliari aut frangi queant. Iam tonato & fulgurato opus est legi Moysi, propter magnam illam securitatem, in qua totus mundus est demersus. Sanè aureo amiculo vestiri, summisque honoribus affici mereretur, si quis facere posset, ut Moses omnino per Christum abrogatus foret. Næ nos insignem rerum omnium faciem visuri essemus. O quam pulchra res spectatu foret? Sed hoc Deus funestissimum omen auertat, nosque ab errore tam fædo seruet.] *Tomo 4. Ger. Witt. in comment. Ioh. 15. fol. 206. b.* Vbi sola fides docetur, sunt falsi Christiani, qui de Fide quidem gloriantur & baptizati sunt, inque Christianorum numero censentur, nullum tamen neque succum habent, neq; fructum edunt.] hoc est, reuera neque pilum hominis Christiani, aut viri boni habent.

CAPVT III.

VIDEAMVS nunc, quo potissimum pacto Regis honos custodiri debeat, ne iusta cuiusquam suspicionē maculari possit. Si Regem

Regem negare velim modò commemoratam Lutheri doctrinam amplecti, nullo negotio honorem eius ab omni suspitione vindicaro. At enim ipse Rex in Apologia pag. 62. Lutherum nominatim SVVM scriptorem vocat, eiusque *preferendum & paulò liberius scribendi* genus S. Ioannis Baptistæ seueritate excusat, vt verisimile non sit, eum in fundamento & capite doctrinæ à Luthero discessisse. Præterea non semel Rex testatur (v.g. Epist. Monitor. pag. 138.) sibi cum ceteris Protestantibus in Fidei negotio conuenire. Recusare igitur non potest, quin Lutheri discipulus habeatur, de quo omnes Imperij Electores, Principes, Proceres, Ciuitates cum octo millibus Prædicatorum, Ludimagistrorum & Aedituorum, in suæ Fidei regula, hoc est, in Concordiæ libro latino Lipsiæ anno 1580. impresso fol. 702. ita scribunt: *Cum D. Lutherus haud dubiè præcipuus earum Ecclesiarum, quæ Augustinam Confessionem amplexæ sunt, Doctor fuerit (cuius quippe TOTA doctrina, tanquam compendio, summam in Augustinam Confessione comprehensa & Imp. Carolo V. exhibita est) profectò eius confessionis propria, vera & germana sententia ex nullius hominis libellis rectius & certius, quàm ex D. Lutheri didacticis & polemicis scriptis hauriri potest.*] Si omnes Euangelici sunt Lutheri discipuli, & TOTA eius doctrinam amplecti se profitentur, profectò negare nequeunt, se credere ea, quæ modò bonis moribus tam inimica, tamque omnes honestatis scintillas exstinguentia ex ipsius Lutheri libris optima fide excerpti, & si opus sit, multò pluribus eiusdem Lutheri locis confirmare possim. Atque hoc minùs id negare eis integrum est, quod Lutherus Articulum de Iustificatione per SOLAM fidem, sine vllis etiam minimis operibus, fundamentum, siue vt Calvinus de eodem loquitur, Instit. lib. 3. cap. 11. Sect. 1. *Euangelicæ religionis sustinenda cardinem esse testetur, seque perpetuò sibi constituisse, nec vnquam, ex quo scribere contra Papam cœperit, sententiam ea de re mutasse seriò affirmet.* In argumento Epistolæ ad Galatas Tom. 1. Ger. Witt. fol. 2. Summa ars & sapientia Christiana est, nescire legem, ignorare opera & totam iustitiam actiuam] Tomo eodem comment. Gal. 2. fol. 95. b. §. 2. Sæpè & crebrò hoc dico, non esse consilium hoc præstantius, neque modum præstabiliorem Hæresibus & sectis obuiandi, quàm vt solus hic articulus de Iustificatione, rectè doceatur. Hoc articulo semel amisso impossibile est, vt vel vni errori aut Hæresi resistatur aut obuietur] *Ibid. comment. Galat. 6. fol. 315. b.* Ego certè hodierna quoque die (anno nempe 1539.) nihil aliud credo & doceo, quàm illud ipsum, quod tum credidi & docui, cum hanc causam

B 2

cœpif

*Rex Anglorum se
profiteatur Lu-
theranum.*

*Regum ac Prin-
cipum Protestan-
tium de Luthero
iudicium.
Augustiniana Cō-
fessio est doctrina
Lutheri.*

*Fundamentum
& præcipuus
cardo Fidei
Protestan-
tium.*

*Summa ars
Protestantium,
nescire officina
Siri lons.*

*Articuli de Sa-
la fide necessi-
tas.*

*Virū Rex An-
glus in eo Arti-
culo Lutherum
sequatur,*

cœpissēm. Sicut enim initio de articulo Christianæ iustitiæ, de Sa-
cramentis, ceterisque OMNIBVS Christianæ nostræ fidei articulis do-
cui, in ea sententia hodie quoque perseuero] *Tomo 5. Ger. Ien. in Ad-
monitione ad suos Germanos fol. 288. b. §. 5. & Tom. 7. Ger. Wit. fol. 478. b. §.*
2. Hunc articulum de Iustificatione Papistæ nullo modo tolerare
volunt, nos autem eo nullo modo carere possumus. Nam si actum
sit de hoc articulo, simul actum est de Ecclesia, ac nulli dehinc errori
resisti potest, cum sine hoc articulo Spiritus Sanctus nobiscum esse
nec velit, nec possit.] Igitur vix videor vllō modo facere posse, quin
Regem etiam in scelerata illa doctrina, quam modò proposui, cum
Luthero scriptore suo sentire fatear: in quo tamen faciliorem tuendi
honoris eius rationem video, quàm si quis cum cum Luthero sentire
neget. Fingamus enim aliquem exulum illorum, quos suos Rex *fugiti-
uios* vocat, tam inuidioso Dilemmate Regis honorem tangere:

Aut assentitur Rex Luthero, aut non assentitur.

*Si assentitur, non potest esse vir bonus. qui enim credit, se saluari non
posse, quàm si omni bono opere careat, & atrocissima quaque
peccata perpetret (velut Lutheri primarius articulus docet) is
sine dubio cauebit omnia viri boni officia, potiusque sceleratissi-
mus esse volet, cum omnes scilicet saluos se velint.*

*Si non assentitur, rursus non potest esse vir bonus, quippe qui se pro-
fiteatur cum Luthero & Lutheranis sentire, & reuera tamen
in ipso capite & primario fidei articulo ab ijs dissentiat.*

*Reges ac Prin-
cipes Protestan-
tium melius Si-
nunt, quàm
credant.*

*Protestantes E-
picuræi similes.*

Non poterit profectò vlli bono Regis factum probare, qui eum de
capite fidei aliter, quàm profitetur, sentire affirmat. At mihi, qui
eum Lutheri sententiæ fauere concedo, in promptu est eius excusa-
tio, qua ante hos quinque annos in præfatione libri mei de *Antichristo*
Protestantium Germaniæ honorem tutatus sum, cum eos *naturæ bo-
nitate* vinci, & ipsa vita Fidei suæ dogmata refellere dixi, eaque in re
Philosophis Epicuræis similes feci, qui cum summum bonum in vo-
luptate corporis situm esse statuerent, plerumque tamen ita viue-
bant, ut ceteros Philosophorum, Felicitatem in Virtute collocan-
tium, morum commendatione multum superarent, eaq; re quod de
illis Cicero scripsit, in hos ætatis nostræ Epicuræos accommodaui:
*Ita viuunt quidam, ut eorum vita probetur, refellatur oratio: atque ut ceteri
existi-*

CAPVT IV.

13

existimantur dicere melius, quam facere, sic hi mihi videntur facere melius, quam dicere.

CAPVT. IV.

ALiuD porrò Telum minimè contemnendum famæ & existimationi Regis ex eo intentari posse video, quòd eius Orator apud Venetos, se propterea, *ut Regis causa mentiatur*, peregrè missum esse adeò non dissimulat, ut id vtrò etiam passim iactitet. Augustæ quidem cum esset, in familiaris sui libro, cui ad consuetudinem Germanorum, nomina sua cum memorabili aliqua sententia in peculiari libro memoriæ causa inscribentium (ex quo *Album amicorum* vocant) hæc verba perscripsit:

*Legatus Regis
Anglia profite-
tur se à Rege
missum men-
tiendi causa.*

*Legatus est Vir bonus. peregrè missus ad mentien-
dum Reipub causa.*

*D. Iohanni Christophoro Fleckamero in amicitia perpetua pignus
hæc posuit Henricus Wotonius, Serenissimi Anglia, Scotia,
Franciæ & Hiberniæ Regis Orator primus ad Venetos Augu-
sta Vindelicorum XVI. Augusti Mensis Anno Christiano
CIC. IO. CIIII.*

Hæc multi primarij viri Augustæ non sine admiratione viderunt, quorum est Illustris MARCUS VELSERUS, reipub. Augustanæ Præfectus, vir acrimonia iudicij, literarum elegantia & morum suauitate nemini secundus. Quod si nunc Legato isti Regio quicquam credimus, (sicut Regem ipsum in suo Diplomate, quod Legato dedit, hoc velle credibile est) abesse certè non potest, quin rectè *viris illis Illustribus* annumeretur Rex, qui dominabantur super populum in Ierusalem, qui dicebant: *Flagellum non veniet super nos, quia posuimus Mendacium spem nostram, & Mendacio protecti sumus, Isai. 28.* Neque etiam vitiosè colligere videbitur, si quis eum Regem, qui Legatos, ut sui causa mentiantur, ad Reges Resquepub. mittit, ne in illo quidem libro, quem Regibus, ac Rebus publicis inscribit, magnam veritatis antiquitatem habere censeat. Sed nempe Legatus iste Mandati Regij fines excessit, & in eo, velut *vir bonus* (eius scilicet generis, quod supra Caluini verbis descripsimus) mentitus est, cum ideò sese à Rege suo, ut eius causa mentiatur, missum dixit, qua quidem re non tam Regem

B 3

suum

*Caluini istarum
malitia & stul-
ticia.*

suum nobis suspectum reddidit, quam stultitiam & fororem eius malitiam (nam Menander has sorores esse prodidit) palam professus est. Quasi per risum, stultus operatur scelus, ait Salomon Prou. 10. qui etiam in genere de hominibus peruersa loquentibus, & relicto recto itinere per vias tenebrosas ambulantibus; hoc est, de Hæreticis Ecclesiæ desertoribus affirmat Prou. 2. Latantur, cum male fecerint, & exultant in rebus pessimis. Id quod etiam Isaias testatur: Peccatum suum, quasi Sodomæ, prædicauerunt, nec absconderunt. Isai. 3.

Enrip.

Ανὴρ γὰρ αἰσχρὸς αἰδέειτ' ὃ φίλιν πότῃ.

Pudere turpem namque non solet virum.

CAPVT V.

*Regis ambigua
& capriosa Fi-
dei confessio.*

*Hæretici sunt,
qui verba Sym-
boli apostolici,
sed malè intel-
lecta credunt.*

*Articulus de
descensu Christi
ad inferos quo-
modo Lutherus
& Caluinus in-
telligant.*

SEd neque non in eo recti duplicisque animi suspensionem Rex mouet, quod ad hoc, vt iniuria Hæreticum se vocari probet, Symbolis Apostolico, Nicæno & Athanasiano credere & subscribere se profitetur, sed de sensu aliud non dicit, quàm quod ita interpretetur Symbola illa, Sicut Patres & Concilia, à quibus sunt condita, intellexerint. Atqui nescire non potest, omnia in hoc esse, quomodo Patres ea intellexerint. nam etiam si quis sanguinis effusione vera esse testetur Symboli Apostolorum verba, si tamen idem vnum modò eius symboli verbum perperam intelligat, non Dei, sed Diaboli Martyr, verusq; erit Hæreticus. Vt enim Salomon ait Prou. 19. Qui tantum Verba sectatur, nihil habebit: qui autem possessor est Mentis (siue, Prudentiæ, vt habent 70.) diligit animam suam. Ex quo discimus, eum, qui Mentem seu prudentiam, siue verum verborum sensum non tenet, etiam si verba sectetur, nihil habere, & animam suam odisse, siue, peccare in animam suam. Itaque si Rex articulum hunc, Descendit ad inferos, perinde accipiat ac Lutherus, Caluinus & Beza interpretantur, quod scilicet Christus extremam hominum in inferno damnatorum pœnam, hoc est, desperationem senserit; malam conscientiam habuerit; de salute animæ suæ timuerit; ne ab æterna morte vt peccator absorberetur, metuerit; inter tentationum fluctus alternis votis quasi vacillaret; inter laudem Dei & blasphemiam fluctuaret; vtrum sibi Deus an Diabolus pater esset, panem nescierit; præ metu Diaboli sanguinem sudaret; se humani generis mediatorem esse oblitus fuerit; præ inuidia panem Deum blasphemauerit; blasphemiam iam iam erupturam vix in semetipso absorpserit, immò verò, vt Caluinus ait, desperationis vocem elabi sibi

bi sibi fuerit : quæ omnia, & ijs magis etiam horrenda, inuenient, qui
 volet inquirere apud Lutherum in commentario Psal. 22. Tom. 3. lat.
 Ien. fol. 329. & seqq. Tomo. 3. lat. Witt fol. 29. & seqq. Tomo. 3. Ger.
 Wit. fol. 213. & seqq. In colloquijs Iſlebiens. de Tentationibus fol. 290. & 302.
 b. de Coniugio, fol. 396. b. de Diabolo, fol. 279. Apud Caluinum in Har-
 monia Matth. 26. & 27. Comment. Ioh. 12. vers. 27. Institut. lib. 2. cap. 16. Sect. 10.
 & 12. In Catechismi parte prima de Fide, Dominica decima. Apud Beza
 in Annot. Noui Testamenti, Matth. 26, 37. & Hebr. 5, 7. Si ergo Rex ver-
 ba Symboli similiter intelligat, nec verum eorum sensum ab Eccle-
 sia discere paratus sit, hoc saltem nomine erit Hæreticus, neque ei
 in Symboli verba iurasse quicquam proderit. Ita si verba Symboli
 Venturus est iudicare viuos & mortuos, perinde intelligat, ac Lutherus,
 qui tantum infideles & hæreticos iudicatum iri, eos autem qui ver-
 ram religionem amplexi fuerunt, nullam omnino vllius facti sui ra-
 tionem reddituros esse docet in Postilla domestica Noribergæ anno 1546.
 edita, in Dominica xvi. Trinitatis fol. 129. Papiſtæ, inquit, Christum
 non nisi pro iudice habent. Hoc Christiani siue Lutherani non fa-
 ciunt, cum sciant Infideles tantum, qui Euangelium nolunt recipere,
 à Christo in nouissima die iudicatum iri. Hoc discamus & bene no-
 temus, ne mortem & extremum iudicium metuamus. nec enim ven-
 turus est Christus, ut nos iudicet : Sed qui non credunt, illos iudica-
 bit.] Hoc nimirum illud est, quod Paulus præcipit Philip. 2. Cum me-
 tu & tremore vestram salutem operamini. Et Petrus 1. Pet. 1. In Timore in-
 colatus vestri tempore conuersamini. Et Salomo Prou. 28. Beatus vir, qui
 semper est pauidus. Prou. 14. Sapiens timet & declinat à malo: Stultus tran-
 silit & confidit. Sed Protestantes æquius est Luthero suo credere, qui
 hoc amplius ita scribit, Tomo 1. Ger. Witt. comment. Galat. 5. fol. 273. a. §.
 3. Cum tibi in mentem venit Christi, velut Iudicis, qui te villicatio-
 nis, siue actæ vitæ rationes reddere iussurus sit, tum pro certo & ex-
 plorato habeas, cum non Christum, sed ipsissimum esse Diabolum]
 Si, inquam, Rex eodem sensu Symboli verba accipiat, quin Hæreti-
 cus à nobis habeatur, recusare nullo iure poterit. Eodem modo cum
 dicit: Credo sanctam Ecclesiam Catholicam, quomodo verba intelligat, ape-
 rire debuit. Si Ecclesiam vocat catum hominum baptizatorum, in quo verbum
 Dei pure prædicatur, & Sacramenta ritè administrantur, rectè omnino sentit.
 Sed si putat, tam verbi, quam Sacramentorum administrationem ab
 ijs posse præstari, qui non fuerint per impositionem manuum, non homi-
 num laicorum, sed Presbyterij missi, & gratia Spiritus sancti donati,
 iam

Articulus de
 Christo ad iu-
 dicium venturo
 quomodo Lu-
 therus intelli-
 gat.

Protestantes nō
 metunt extre-
 mum iudicium,
 suntque de sa-
 lute sua securi.

Articulus de
 Ecclesia quo-
 modo intelli-
 genda.

*Catholica Ec-
clesia quæ?*

*Sancta quæ sit
Ecclesia.*

*Communio san-
ctorum quomo-
do intelligenda.*

*Lutherus ait se
scire, quod sit
Purgatorium.*

iam Hæreticus est. Similiter si *Catholicam* esse putat Ecclesiam, quæ non semper verbi ac Sacramentorum vsum, neq; fidem suam per totum orbem diffusam habuit, sed certo, eoq; breui tempore durauit, neq; intra fines vnus alicuius siue regni, siue imperij continuit, Hæreticus merito reputabitur. Si etiam *sanctam* dici putat posse Ecclesiam, quæ siue doctrinam, siue Sacramenta erroribus contaminata habet, erit sine controuersia Hæreticus. quomodo enim homines sanctificabit, quod ipsum sanctitate caret? quomodo mundabit alios, quod immundum est? Igitur necesse habet, ne huius articuli malè intellecti causa in Hæreticorum sit numero, quatuor illa verba sic intelligere: *Credo catum illum hominum baptizatorum, apud quos Ministri, per impositionem manuum presbyterij ad id vocati, Dei verbum & Sacramenta sine errore administrant, semper in terris esse, & nunquam simul in omnibus locis deficere.* Vel breuius hoc modo, *Credo semper inueniri catum hominum sanctorum, hoc est, eorum quos Christus per Ministros legitime missos suo verbo ac Sacramentis sanctificat.* Etiam quomodo *Communione sanctorum* intelligat, explanatū ab eo oportuit. Si enim neget sanctos cum illos qui adhuc in terris militant, tum qui iam post rem aduersus diabolum, carnem & mundum fortiter gestam in cælis triumphant, tum deniq; qui victoriam quidem, sed minùs gloriosam & cruentam reportarunt, prælioque languidi & viribus defecti excesserunt, & tam diu in Purgatorio, velut in Medicina, curantur, donec videantur cum decore & specie quadam ceteris Triumphum agentibus adungi posse: Si hos, inquam, sanctos omnes eam neget inter se communionem habere, quam vnus ejusdem corporis habent membra, vt scilicet inter se diligant & quibuscumq; possunt modis, alij alios adiuuent, non immeritò habebitur Hæreticus. Mirum verò est, quod idem Rex Pag. 97. de *Purgatorio*, an scilicet in eo campus sit patens & amænus, in quo ipse, si fortè illuc deueniat, aucupio operam dare otiumq; oblectare possit, quod inquam, hoc ex Bellarmino potissimum exquirat quanto enim facilius ex scriptore suo *Luthero* id resciscere potuit? cuius hæc sunt verba in *Informatione ad quosdam articulos* Tom. 1. Ger. Ien. fol. 165. et Tom. 7. Ger. VVitt. fol. 7. De Purgatorio firmiter credendum est, & ego verum esse SCIO, miseras animas ibi intolerabiliter cruciari, nosq; obligatos teneri ad opem eis ferendam] Quibus verbis etiam communem, quam illi cum viuentibus habent, interpretatur, quod hi nimirum illos precibus, ieiuniis, eleemosynis & sacrificiis adiuuent, & hoc modo eos, qui dese-

cere

cere, velut Christus loquitur, in eterna tabernacula recipiant. Sed etiam in articulo de resurrectione mortuorum, quid de mortuis sentiat Rex, asperire debuit. Hæreticus enim nobis erit, si Lutheri sententiam probat, quam eius ad Ambrosdorfum epistola continet Tomo 2. epist. lat. Isleb. edit. fol. 44. De animabus nō satis habeo, quod tibi respondeā, Procliue mihi est concedere tecum in eam sententiam, Iustorum animas dormire, ac vsq; ad iudicii diem nescire vbi sint. In quam sententiam me trahit verbum scripturæ: *Dormiuit cum patribus suis*. Idem de Damnatīs sentio, posse aliquas sentire pœnas statim à morte, aliquas verò separari, vsq; in illam diem. Verisimile est, exceptis paucis omnes dormire insensibiles.] Tomo 6. lat. Witt. Comment. Genes. 25. fol. 351. & Genes. 43. vers. 32. & Tomo 4. latino Wittib. in Commentario Iona 15. Ego puto mortuos sic ineffabili & miro somno consopitos, vt minus sentiant aut videant, quàm hi, qui aliàs dormiunt. Animæ mortuorum ingrediuntur, nec in Purgatorium, nec in infernum, &c. Deus facit nos similes bestiis dormiendo, vigilando, comedendo. Anima enim humana dormit omnibus sensibus sepultis &c. Ita nec mortuorū locus cruciatus vllos habet.] Etiam Remissionem peccatorū frustra credere se Rex testatur, si Deū iam siue immediatè per se ipsum, siue per alios quàm per Sacerdotes manūū impositione cōstitutos hominibus peccata remittere existimat. Nec enim euadet, quin Hæreticus nobis sit, nisi totū illum articulū sic intellexerit: Credo in Ecclesia esse potestatem Sacerdotibus datā hominibus contritis, confessis & satis facientibus seu satisfacere paratis peccata sua remittendi. Postremò Hæreticus quoq; habebitur, nisi articulū de vita æterna aliter, quàm Lutherus intellexerit. Nam in ea nullū nobis cibi ac potus vsum fore dicit, non quia Apocalypf. 7. scriptū est: *Non esurient, neque sitient amplius, quoniā Agnus, qui in medio throni est, deducet eos ad vitæ fontes aquarū*: Sed propterea quia alioquin vno solo quadriennio totū cælū cacando impleturi essemus. Ita enim purissimus ille Euangelista loquitur in colloquiis Islebiensibus de vita æterna fol. 454. b. quo loco hoc amplius dicit: In vita æterna folia, gramen, & flores erunt instar smaragdi, cumq; lateri dixerō, vt in smaragdum conuertatur, simul cum dicto smaragdus erit. Ibi erunt oves, boues, pecora, pisces, aurū, canes, lupi, vrsi, bubones, serpentes, sed omnes insigni specie & innoxij, ita vt cum eis collusuri simus. Ibi formicæ, Cimices, omnesq; turpes & fœtidæ bestiolæ optimum odorem reddent nobisque delectationi erunt: creabitque Deus nouos canes melitæos, pelle aurea, pilis gemmeis.] His consenta sce.

C

nea

*De mortuū
quid sentiat
Lutherus.*

*Anima dormi-
unt, nihilque
prorsus sentiunt
aut sciunt, id
est, omnino non
sunt.*

*Anima Luthe-
ranorum simi-
les bestiis: neu-
tra enim senti-
unt Purgato-
rium.*

*Articulus de
Remissione pec-
catorum quo-
modo intelli-
gendus.*

*Articulus de
Vita æterna
quomodo Lu-
therus intelli-
gat.*

*Mahumedis-
mus Lutheri.*

*Quomodo Rex
Anglus otium
suum in altera
vita sit oblecta-
mentum, hinc di-*

nea scribit Tom. 1. Ger. VVitt. parte 2. Commentar. 1. Cor. 15. fol. 47. b. 47. §. 1. & fol. 55. a. §. 2. & b. §. 1. Et Tom. 6. Ger. len. fol. 235. b. §. 1. et 243. b. §. 2. & 244. a. §. 2. Gramen & herbas, aquas & fontes, & omnino omnes creaturas, nouumq; cælum & nouam terram corporali modo in æterna vita fore, tantam ad oblectationem hominum] Iohannes quoq; Matheſius in XII. concione de vita Lutheri fol. 142. b. hæc de eius sententia scribit: In illo tempore caniculâ Lutheri ante mensam pruriente, fuit, qui quæstionem moueret, vtrum post resurrectionem in altera vita etiam animantes rationis expertes futuræ forent? Omninò, inquit Lutherus nec enim nouum cælum & terra noua vacua erunt, sed pulcherrimis creaturis plena. Vnaquæq; canicula collare aureum habebit margaritis exornatum, & de singulis pilis vnio pendebit.] Hæc si credit Rex, habet certè satis causæ, cur Lutheranam suam Religionem Catholicâ mutare nolit, quippe cui Lutherus non modò ex Aucupio (quod frustra in Catholicorum Purgatorio speret) sed ex ipso etiam cimicum, pulicum ac pediculorum, veluti iucundissimorum collusorum, odore tam incredibilem oblectationem promittat. Verum tamen mihi nullum prorsus est dubium, quia tantum de Symboli Apostolici vero sensu Luthero & nobis dissidium esse Rex partim nescierit (quod tamen cum Maiestatis suæ venia dixerim, quam quicquam harum rerum nescire pænè absurdum videtur) partim etiam animo in alias res intento, & fortasse penitus in explanandis Apocalypſeos mysterijs immerso oblitus fuerit. Hoc sane magis ei honorificū dictu fuerit, quàm eum hominis tecti, suæq; sententiæ inuidiam occultando effugere cupientis suspicione onerari, vtique cum ipse pag. 99. hinc potissimum inuidiam in Iesuitas quærat, quia *Aequiuocare*, siue verborum ambiguitate, quod sentiunt, occultare soleant: cumq; scriptor ej^s Lutherus in *Admonitione ad Francofortenses contra Zuinglianos* Tomo 6. Ger. len. fol. 108. b. eos vocet *Præstigiatores*, qui rogati, quid in Cæna Domini detur, non palam & apertè sententiam proferunt, sed circumrodentes & velut pulte in ore circumacta sic blaterant: Sat s est, si credas corpus illud, quod Christus intelligit. Id verò scilicet est egregiè respondere, ait Lutherus, & rationem reddere ejus quæ in nobis est spei, quemadmodum D. Petrus jubet] De quo hominum genere Salomon loquitur Prou. 16. *Vir iniquus lactat amicum suum, & ducit eum per viam non bonam.*

*Animi tecti ac
dissimulatio
suspicione Rex An-
glia liberatur.*

*Rex odit homi-
nes Aequiuoca-
tionibus tentes*

CAPVT

VENIO nunc ad aliam suspensionem, qua Regis existimationem non nemo forsitan in periculum vocauerit. Scribit nimirum Rex Pag. 55. Ego id ingenuè spondeo, quoties Religionis illius, quam profiteor, vllum caput ostendetur non antiquum, Catholicum & Apostolicum, sed nouum esse ac recens (in rebus scilicet spectantibus ad Fidem) me statim ab eo discessurum.] At enim facetur Lutherus totam suam doctrinam NOVAM esse ac recentem, quippe quæ statim post Apostolorum ætatem obscurata, suppressa & tantum non penitus extincta fuerit, ita vt ipse ex nullius hominis neq; libris, neq; viua voce eam didicerit, sed immediatè siue ex Christi, siue ex Diaboli concubini & conuictoris sui perpetui reuelatione acceperit. *Tomo 8. Germ. Ien. in breui confessione de sanctissimo Sacramento, fol. 181. b. §. 4. Quoniam eo tempore, hoc est, circa annum 1520, ac proximè secutis, Doctrina hæc nostra Nova & supra modum scandalosa erat per vniuersum Orbem, pedetentim progredi cogebam, & propter infirmos multa concedebam, quod posterius non feci.] Tom. 5. Germ. Ien. in libello ad suos Germanos fol. 285. a. & 288. Et Tom. 7. Ger. Witt. fol. 475. & 478. In omnibus Papistarum libris & Doctoribus nulla litera, imò nullus apex de Fide in Christum (hoc est, de nostra Fide Lutherana) inuenitur, nemo etiam in Papatu in Christo fiduciam habuit. Nemo sciuit, quid esset Euangelium, quid Christus, quid baptisumus, quid confessio, quid Sacramentum, quid Fides, quid Spiritus, quid Caro, quid bona opera, quid decem præcepta, quid Pater noster, quid orare, quid Magistratus secularis, quid Matrimonium, quid Parentes, quid liberi, quid domini, quid serui, quid heræ, quid ancillæ, quid Diabolus, quid Angelus, quid Deus, quid Episcopus, quid Parochus, quid Ecclesia, quid Christianus, quid Crux: Summa, nihil penitus sciebatur, quod Christianum hominem scire oportet.] Itaq; non potuit Lutherus doctrinam suam ex Pontificiorum libris haurire, & ridiculè facit Rex, cum toties Veritatem, quam putat, Religionis suæ ex Pontificiis scriptoribus probare nititur. Etiam Sanctorum Patrum libris, qui abhinc mille ampliùs annis vixere, nihil acceptum Lutherus refert, quippe qui & ipsi iam Pontificiorum erroribus obnoxij fuerint. *Tomo 1. Germ. Ien. in præfat. fol. 4. b. §. 2. Nullus Doctor iam inde ab Apostolicis temporibus præcipuos Fidei (eius scilicet, quam nos Lutherani profiteamur) articulos, tam perspicuè ex sacris literis probauit, confirmauit & fundauit, quàm ego feci.**

Regis Angli
pollicitatio fran
dis suspecta.

Lutherus Pro
testantium Re
ligionem fate
tur esse nouam.

De Fide Prote
stantium ante
Lutherum ne
mo mortalium
quicquam sci
uit.

Ridicula Re
gis Angliæ co
natus.

Nullus ex om
nibus Sanctis
Patribus Pro
testantium Fi
dem habuit.

feci.] *Tomo 2. Ger. Ien. de Scholis instituendis fol. 459. vel 464. b.* Totus mundus hoc fateri cogitur, nos Euangelium ferè ram purum putum habere, quàm Apostoli habuerunt, Immo etiam, Euangelium iam omni ex parte in suam in pristinam & natiuam puritatem redactum multoq; iam purius esse, quàm Hieronymi & Augustini temporibus fuerit.] *Eodem Tomo de Præcipua summa mandatorum Dei fol. 480.* Ego NEMINEM scio, qui de fide & operibus rectè iudicare potuerit, exceptis Apostolis ad id ipsum electis, vt eam rem purè docerent, & doctrinæ fundamenta iacerent. In ceteris libris, quot sunt nequaquam id inuenitur, vt ita mirum non sit, eam doctrinam nostris temporibus adeò perijsse & extinctam fuisse.] Hic apertissimè testatur, doctrinam *de sola fide*, hoc est, præcipuum Religionis Lutherancæ caput, prorsus NOVVM esse, nec in ullo alio libro, quàm in Biblijs, (Sed nempe ipsius solius modo & arbitratu interpretatis) inueniri posse, quod ipsum magni inter Protestantes nominis Theologus *Iohannes Wigandus* in libello, quem *Admonitionem de bonis & malis Germaniæ* inscripsit, & Anno 1566. edidit, totidem verbis affirmat Pag. 14. Alterum beneficium, quod Deus Germaniæ in primis exhibuit, est præcipuorum articulorum fidei illustratio, qualis ab Apostolorum temporibus huc vsq; in hoc mundo non est cognita.] Item Pag. 20. in confesso est, totum corpus doctrinæ cælestis simpliciter, dilucidè, propriè, dextrè erutum & traditum esse à Theologis Germaniæ, quale in OMNIVM Patrum scriptis post Apostolos nullum inuenitur. Corpus autem doctrinæ appello, singulorum articulorū accuratam & ex fundamentis scripturæ haustam explicationem, qualis in Lutheri libris continetur.] Hic idem *Vuigandus* cum *Matthia Flacio*, ceterisq; Collegis Ecclesiasticam historiam XIII. Centurijs complexus est, vt Rex nihil habeat, quod indignè ferat, si *Vuigandum* in Ecclesiasticæ historiæ peritiā ei præferamus. Fatetur autem *Vuigandus*, in articulo *dè libero arbitrio*, (quem *Lutherus* in Assertionē articulorum à Leone damnatorum artic. 26. articulum optimum & rerum suarum summam vocat) iremque de *Iustificatiōe* omnes secundi sæculi Patres ac Doctores. hoc est, qui ab anno Christi nati centesimo ad ducentesium vixerunt, Papisticè, non Lutheranè sensisse, siue, sacra Biblia, non sicut *Lutherus*. sed sicut Pontificij hodie interpretantur, intellexisse. Sic enim loquitur *Centuria 2, cap. 4. columna 59.* Eodem modo *Clemens* liberum arbitrium ubiq; asserit, vt appareat in ejusmodi

In omnium San-
ctorum Patrum
libris nihil de
Protestantium
Fide legitur.

Omnes sancti
Patres à Prote-
stantiū doctri-
na dissentiant.

Omnes sancti
Patres in fun-
damento Fidei
Papista fuerunt

modi TENEBRIS non tantum fuisse OMNES eius sæculi Doctores, verum etiam in posterioribus eas subinde creuisse & auctas esse.] *Et max colum. 60.* Doctrina de Iustificatione negligentius & obscurius ab his Doctoribus tradita est.] Sed etiam prius colum. 55. in genere dixerant, *Doctrinam Christi & Apostolorum hae etate non parum capisse obscurari.* Cum igitur omnes Ecclesiae Doctores ab Apostolorum tempore vsque ad Lutherum in Tenebris errorum fuerint, hoc est, scripturas non rectè intellexerint, fieri certè non potuit, vt Lutherus ab vilo homine sui Euangelij lucem acceperit. Itaque se pro Euangelista haberi postulauit. *Tomo 2. Germ. len. in Epistola ad Electorem Saxoniae fol. 79. & Tom. 9. Germ. VVitteb. fol. 147.* Quod ad causam meam attinet, Clementissime Domine, siue id sciat Celsitudo vestra, siue nesciat, hoc ei affirmo & notum esse volo, quòd Euangelium non ab hominibus, sed tantum ex caelo per D. N. Iesum Christum habeam, adeò vt iure potuerim (sicut etiam posthac faciam) gloriari ac scribere me Dei ministrum & Euangelistam.] Nihilominus in hoc non sibi satis constat. Nam alias quicquid in suo Euangelio sit boni, ab hominibus sibi traditum, alias omnes veras scripturae Interpretationes à Diabolo singulis noctibus secum disputante & in corde suo colloquente inspiratas fuisse dicit. De hominibus quidem extat eius confessio in libro *ad binos Parochos de Anabaptismo, anno 1528. Tom. 4. Germ. len. fol. 320. & Tomo 2. Germ. VVitt. fol. 279. b.* Nos fatemur sub Papatu multa esse bona Christiana, immò omne bonum Christianum, atque inde etiam ad nos Lutheranos peruenisse. Nempe fatemur in Papatu veram esse scripturam sacram, verum baptismum, verum Sacramentum altaris, veras clauas ad remittenda peccata, verum Prædicandi officium verum Catechismum. Imò dico, in Papatu veram esse Christianitatem, imò verum nucleum Christianitatis, multosque magnos Sanctos.] *Et anno 1538. in Comment. Ioh. 16. Tomo 4. Germ. VVitt. fol. 227. b. & seq. Tomo 7. Germ. len. fol. 169. b. §. 2.* Est argumentum, quod omnino difficulter Papistis eripi potest, imò mihi ipsi perquam difficile est ad soluendum & refutandum, cum præsertim COGAMVR ipsis tam multa largiri & concedere, quæ vera sunt, in Papatu scilicet esse Dei verbum, Apostolatam, nosque sacram scripturam, baptismum, Sacramenta & Prædicandi officium ab ipsis sumpsisse. Alioquin quid de istis omnibus nos sciremus? &c. Cogimur ita dicere: Credo & certus sum etiam in Papatu Ecclesiam

*Tenebra Papæ
sica quam sibi
antiqua.*

Lutherus gloriatur se non ab hominibus, sed ex caelo Euangelium suum accepisse.

Hic contra fatetur, se quicquid boni habeat, à Papistis sumpsisse.

C 1

Christi

Christi permanfisse] De Diabolo verò non vno in loco fatetur In Collo-
quijs Islebiensibus de Verbo Dei fol. 23. in Francofort. fol. 18. Meam Theolo-
 giam non totam simul & semel didici, sed necesse habui quotidie
 magis ac magis in ejus profunda me demergere: quam ad rem tenta-
 tiones meæ me adegerunt. &c. Quod Sacramentarij sine Calvinista
 sacram scripturam non intelligunt, hæc causa est, quia verum Oppo-
 nentem, nempe Diabolum, non habent, qui demum benè docere
 eas solet. Ita Diabolus S. Paulum coëgit diligenter in sacra scriptura
 studere. Ita & ego Diabolum collo meo affixum habui, qui me coë-
 git ad Biblia recurrere. Ita factum est, vt Biblia diligenter legerem,
 & verum earum sensum tandem assequer. Quando Diabolum eius-
 modi non habemus, nihil nisi speculatiui Theologi sumus.] Hoc
 ipsum multis verbis persequitur in præfatione *Tom. 1. Ger. VVitt. A.*
2. b. vbi se fatetur Diaboli tentationibus acceptum referre, quod
 tantus Doctor euaserit, qui in conscribendis egregijs libris nulli neq. Patrum, neq.
 Conciliorum quicquam concedat. In concione Dominicæ Reminiscere,
 quæ exstat inter 27. conciones Anno 1523. VVittenbergæ & Ar-
 gentinæ in 4. vt vocant, impressas fol. 19, a. ita gloriatur: Ego Dia-
 bolum intus & in cute noui, quippe qui cum plus vno salis modio
 comederim, meq; vicissim Diabolus probe pernoui.] Rursum in Col-
 loquijs de Lege & Euangelio fol. 124. vel. 158. Diabolus multò propior
 mihi in lecto accubare solet, quàm vxor mea] Et in Colloquijs de Tenta-
 tionibus fol. 199. vel 255. b. Singulis noctibus cum euigilo, præsto mihi
 est Diabolus, meq; conatur disputando fatigare] Et fol. 214. vel 274.
 Mihi quidem sic vsu venit: noctu cum euigilo, confestim adest Dia-
 bolum, mecumq; disputat, & varias mihi cogitationes facit, donec
 somno prorsus deterfo alacrior factus ei dico: Osculare mihi culū]
 Et fol. 216. vel 275. b. Diabolus mecum in Dormitorio deambulare so-
 let: habeo vnum atq; alterum, qui valde me obseruant, suntq; mirè ri-
 diculi & festiui Diaboli] *Tom. 3. Ger. Ien. in libro de firmitate verborum, Hoc*
est corpus meum fol. 388. a. §. 3. & Tom. 2. Germ. VVitt. fol. 122. a. §. 3. Væ
atq; iterum Væ omnibus nostris Doctoribus & Librorum scriptori-
bus (in quorum iam censu Serenissimus Rex nosler nomen suum profitetur)
 qui tam securi incedunt, & quicquid in buccam eis venit, euomunt,
 nec prius decies de commento suo in consilium eunt, vt sit ne id
 commentum ex Deo, an à Diabolo inspiratū, certò scire possint: qui
 Diabolum interea otiosum cessare, aut in Babylone alias res agere pu-
 tant

*Lutherus hic a-
 si se Theologia
 suam Diabolo
 Magistro didi-
 cisse.*

*Lutherus Dia-
 boli consistor et
 concubinus.*

*Lutherana Dia-
 bolo responden-
 di formula,*

*Lutherus cuius
 modi Angelos
 custodes habue-
 rit.*

*Lutheranorum
 in scribendo se-
 cutum.*

rant, neq; cogitant miseri, Diabolum vndiq; venenata tela ignea ipsis immittere, quæ tela nihil sunt aliud, quàm cogitationes multò pulcherrimæ scripturarum testimonijs obductæ & exornatæ, ita vt latentem sub eis fraudem veneni animaduertere nequeant. Quod si quis id nescit, experimento facto id discat licet: Ego quidem aliquid eo in genere expertus videor: Sed nemo mihi credet, donec similiter experiatur.] Quod hic in genere de cogitationibus à Diabolo sibi immisiss & inspiratis ait, id narratione cuiusdam nocturni sui cum Diabolo colloquij confirmat in libro de Missa angulari Tomo 6. Ger. len. fol. 82 & Tom. 7. Ger. Witt. fol. 480. Tomo 7. lat. Vit. fol. 228. Scribit enim, eo tempore, quo adhuc Papista erat, & Missas quotidie deuotè celebrabat, panemq; in corpus Christi transsubstantiari credebat, adfuisse sibi quadam nocte Diabolum, secumq; contra sacrificium Missæ tam terribili voce disputasse, vt sibi sudor eruperit, cor totum contremuerit, ipse denique præ timore (quod & aliàs PERSÆPE sibi contigisse ait) animam pene efflauerit. Disputationis deniq; illius euentus hic fuit, vt Diaboli quinq; argumentis victum se Lutherus fateretur, & in ipsius sententiam, scripturæ verbis obductam, concederet. Ea porro hos duodecim Articulos complectitur, quos Lutherani & Calvinistæ hodie, velut Symboli Apostolici articulos, profiteri nequaquam sibi religioni ducerent.

Cuiusmodi Lutherani tela Diabolum immittat.

Lutherus à Diabolo de Vera Religione instructus.

Symbolum fidei Protestantium, quam Diabolus vna nocte Lutherum docuit.

- I. Credo Papistarum religionem nihilo Turcica meliorem esse.
- II. Credo nihil credendum esse, quod non disertim in sacris Bibliis sit expressum.
- III. Credo Christi corpus & sanguinem non adesse in Sacramento Eucharistia, sed nudum panem & vinum.
- IV. Credo Papistas nullam in Christo fiduciam habere, sed Christum velut iudicem metuere, ideoque ad alios adiutores confugere.
- V. Credo Sanctos non esse inuocandos.
- VI. Credo sacrificium Missæ esse horrendam Idololatriam.
- VII. Credo chrisma & unctionem Sacerdotum nihil esse.
- VIII. Credo omnes Christianos esse Sacerdotes.

IX. Credo

- IX. *Credo Sacramentum Eucharistia non esse adorandum.*
 X. *Credo Sacerdotes Papisticos non consecrare,*
 XI. *Credo Missam non esse celebrandam, nisi premissa concione
 & si adsint communicaturi.*
 XII. *Credo Fidem indiuidualem, qua sibi quis gratiam Dei & vi-
 tam aeternam certissimè pollicetur, ad salutem omnibus esse
 necessariam.*

*Lutherus modo
 à Christo modo
 à Diabolo didi-
 cisse se tactus.*

*Quia Diabolus
 in Christum sa-
 pe se transfor-
 mat.*

*Quomodo Regis
 Angli Protestan-
 tio fraudis su-
 spicio liberetur.*

Hos duodecim articulos non credidit Lutherus priusquam illam nocturnam Diabolus disputationem secum habuit. nam loca scripturæ, quibus ad eos probandos usus est Diabolus, numquam intellexisset Lutherus (quippe quæ nullus hominum iam inde ab Apostolicis temporibus sic interpretatus fuit) nisi à Diabolo de media nocte sic illuminatus fuisset. Dices: Atqui suprà in epistola ad Electorem Saxonie gloriatus fuit, se immediatè de cælo per Iesum Christum, suum Euangelium accepisse: quomodo igitur hic se Diaboli in corde suo secum colloquentis magisterio doctum ait? Respondet cum ipso Luthero *Tomo 1. Ger. VVitt. in commentaria Galat. 1. fol. 28. a. §. 1. & 3.* In spiritualibus peccatis (in quibus Satan non ater, neq; terribilis apparet, sed candidus & talos à vertice pulcher ad imos obrepit, in Angelum lucis, imò in Deum se transfigurans) ibi demum tam artificiosè vafritiem occultare potest, seque ipsum dolis architectum superat, vt letale ac pestiferum suum venenum pro mera gratia, pro verbo Dei, & pro ipsissimo Christi Euangelio venditet.] Nempe Diabolus modò in gloriosa Christi forma, modò in sua specie, qualisq; videri cœlicolis quantusq; solet, non visu facilis, nec dictu affabilis ulli Luthero apparuit, eiq; sensum aperuit, vt intelligeret scripturas eo modo, quo nemo totis quindecim sæculis in vniuerso Orbe intellexit. Dices: Quomodo igitur Rex, quem tu hic tuendum purgandumq; suscipis, ingenuè, nedum Regiè loqui credendus est, qui se ingenuè spondere dicat, si quod ei Religionis sue caput ostendatur nouitum esse ac recens, non antiquum, Catholicum & Apostolicum se statim ab eo discesserum? Cum Lutherus non vnum modò caput, sed totam suam doctrinam NOVAM esse, neq; ullam ejus partem in vllius Patris ac Doctoris libro inueniri, cum se propterea in discenda Theologia nocturno Diaboli magisterio usum esse dicat, & nouitatis testimonium Doctrinæ Lutheri

Lutheri ipsi etiam Magdeburgenses Centuriatores prolixè præbeant: qua fronte Rex eandem doctrinam antiquam, Catholicam & Apostolicam videri postulat? Respondeo, cum Rex sit Dei Vicarius velut non semel ipse de se prædicat, certè non videtur saluo officio aliam, quam Dominus eius, in subducendis rationibus Arithmeticam sequi posse. Iam verò unus dies apud Dominum sunt mille anni, & mille anni sicut dies unus, vel ipso S. Petro teste 2. Petri 3. quare cum Papiſtarum Religio iam mille & quingentos annos habeat, rectè Nova reputabitur, tanquam quæ non nisi altero die ad meridiem durauerit. Lutherana vicissim nonaginta iam annos nata, rectè quouis Tithono antiquior, prorsusq; vetustate Edentula & Capularis meritò dicetur. Noua quidem certè dici nequit, cum perspicuè & disertim testetur Salomon Ecclesiastæ 1. *Nihil est sub Sole nouum, nec valet quisquam dicere: Ecce hoc recens est: præcessit enim in sæculis, quæ fuerunt ante nos.*] Et hoc quidem propriè de Lutherana fidei articulis verum esse, ipse etiam Belarminus de notis Ecclesiæ capite nono accuratè docet, nullumq; ferè Lutheranis articulum esse, quem non priscorum Hæreticorū aliqui crediderint, luculentè probat. Præterea cum Diabolus sit antiquus serpens, sit Angelus siue Apostolus (nam vtraq; vox Missus siue Nuncium significat) & iam inde ab Adami & Eux temporibus, quibus primam concionem de Suggestu arboris contra Ieiunium siue Abſtinentiam habuit, perpetuò aliquos habuerit, qui de nonnullis articulis idem, quod hodie Lutherani sentirent: nihil peccasse Regem puto, cum Diaboli doctrinam Luthero inspiratam rectè censuit Antiquam, Apostolicam & Catholicam vocari. Omnia nempe in eo sunt, vt quo sensu Rex vocabulis vtatur, etiam atque etiam cogitetur. Atque hoc modo ne illorum quidem quisquam, de quorum immodestia, quod scilicet Mendacij se insimulare fuerint ausi, pagina 16. & 18. Rex conqueritur, vsq; eò infantiæ progredietur, vt Regem in eo mentitū velit dicere, quod Inuocationem Sanctorum nouitium ac nuperum fidei articulum vocat, recen-
ter in Romanæ Ecclesiæ officina cūsum, & ante quingentesimum Christi annum in Ecclesia non visum, non auditum. Sine dubio enim Rex ibi de cæcis & surdis verba facit. Nam de ijs, qui oculis & auribus capti non fuerunt, aliter Magdeburgenses Centuriatores credere nos iubent. Nam Centuria 2. columna 63. fatentur, quamuis inuiti, B. Virginem à S. Ireneæ iam ante 1400. annos virginis Eux aduocatam dictam fuisse. Centur.
3. col. 83. Videas, inquiunt, in Doctorū huius sæculi scriptis non obscura (ergo clara & illustra) vestigia Inuocationis Sanctorū. Habes eius for-

Quomodo Protestantium Religio sit Antiqua.

Quomodo eadē sit Catholica & Apostolica.

Rex Inuocationem Sanctorum ait esse nouitiam.

Sed contrarium testantur Lutheranæ Theologi.

D mulam

*Formula inuocacionis Sancto-
rum circa an-
num Christi
300.*

*Lutherani fa-
tentur, Atha-
nasium docuisse
Sanctorum in-
uocationem.*

*S. Athanasij o-
ratio ad B. Vir-
ginem.*

mulam apud Origenem sub finem libri secundi super librum Iob : O beate Iob, ora pro nobis miseris, vt in tribulationibus nostris terribilis Dei misericordia nos protegat] Sed etiam quarta Centuria omnes eius seculi Doctores Inuocationē Sanctorū probasse, adductis ipsorum patrū verbis probant. Et columna quidem 295. sequentiae eorum verba legimus: *Athanasius*: Si adoras hominem Christum, eō quod ibi inhabitet Dei verbum, vna opera adora quoq; Sanctos ob Deum, qui in illis domicilium habet.] Mirum autem est, tantum Doctorem sic scripsisse, cum sit diuersa ratio. Nam de Christo mandatū Dei exstat, de sanctis verò non. Et in *Euangelio de Sanctissima Deipara Inuocationis Mariæ exemplum recitat*: Audi filia Davidis & Abraham, & inclina aurē tuam, in preces nostras, & ne obliuiscaris populi tui. Ad te clamamus, recordare nostri Sanctissima Virgo, & retribue nobis pro exiguis istis eloquijs magna dona ex diuitijs tuarum gratiarum, tu quæ gratia plena es. Et: Ave gratia plena, Dominus tecum: intercede hera & Domina, & Regina, & mater Dei pro nobis] Ista prorsus Idololatriam spirant.] *Hæc illi*, cum quibus Regē congruere qui non videt, nihil videt.

CAPVT VII.

*Rex Angliæ co-
peritissimā veri-
tatem negare
audet.*

*Lutheri de Cal-
uinisti iudicia.*

SED quo tandem modo illud excusabo, quod Rex ea, quæ in confesso sunt, atque apud omnes peruulgata, nihilominus negare audet: Scribit enim Pag 138. *Arbitror, quotquot iam veræ illi fidei, cui adhe-
reo, nomen dedistis (quamquam inter vos nec dum de Apicibus nescio quibus
conuenerit) facile ad pium hoc ac prudens consilium erigi ac adduci posse.*] Et mox: *Ne patiamini fanatico Concionatorum seruiore atque inanibus super rebus
Adiaphoris altercationibus discerpi ac dissipari mysticum illud corpus, cuius
partes ipsi estis*] Ain tandem, Rex Serenissime, Apices tibi resque adia-
phoræ videntur, de quibus inter Protestantes, nec inter Lutheranos tantum & Calvinistas, sed inter illos ipsos quoque, qui Augustanæ Confessioni pariter subscribunt, dirisq; Calvinistas deuouent, hodie quoque litigatur? Atqui longè aliter ipsi credere nos iubent, quorum res præcipuè agitur. Lutherus quidem Calvinistarum Religionem Diabolo auctore introductam ait, neq; ea vllam Hæresin magis nefariam adhuc exortam. Sicut ipsi me Diabolo plenum putant, inquit, ita dico ego, Diabolum per illos loqui. Pacem à nobis petunt, sed eiusmodi pax & concordia sit maledicta. Alterutrū, aut me, aut Zuingliū Diaboli proprium esse oportet: nullum est tertium. Melius est Papi

stam

stam esse, quàm Zuinglianum, cùm Zuinglius septies tantò deterior euaserit, quàm prius fuerat, cùm adhuc Papista esset. Nullus Princeps salua conscientia in prouincijs suis tolerare Zuingianos potest, & ipsius Spiritus Sancti consilium est, quod eos expelli iubet.] Hæc & alia eiusdem verba annotatis simul Lutheri libris in libro meo, quem *Humiliationem Protestantium* inscripsi, pag. 56. b. lector inueniet, vbi simul Caluini Luthero gratiam referentis verba leguntur, in quibus Lutherum cum suis *crassos comeftores vocat*, *monstraque in cerebris suis fabricari, veritatis lucem extinguere*, *fastuosè morosos esse, terrena sapere, & præpostero seruire temerè abripi*, & sine dubio *Diaboli fascinatione occæcatus* dicit. Eiusdem in secunda defensione aduersus westphalum hæc de Lutheranis verba legimus pag. 155. *Tam virulento odio in nos crepant, ut citius illis pax cum Turcis futura sit, & cum Papistis fraternitas, quàm nobiscum inducia*. Iohannes quoque wigandus in libro, cuius supra mentionem feci, de bonis ac malis Germaniæ pag. 60. diffidiorum inter Lutheranos ita meminit: Neque verò de rebus friuolis & ineptis disputatio est, sed de summis capitibus doctrinæ cœlestis: ac verè possumus cum Dauide conqueri, quod ipsum Fundamentum præstigiatores nonnulli pelle ouilla contecti nefariè euerant.] Idem Nicolaus Gallus Ratisbonensium Apostolus in fine Thesiõ & Hypothesiõ suarum complorat, *negatque dissidia inter Augustanæ Confessioni addictos de summis fidei capitibus nata vllò modo componi posse, cum meræ sint contradictiones*. Hoc ipsum Nicolaus Selneccerus explanatione Psalmi 131. dolenter queritur: hoc Iacobus Andreæ, hoc alij. Ac ne Regi illuc confugere liceat, vt nihil istis fanaticis Concionatoribus fidei habendum dicat, ipsi Germaniæ Electores atque Principes, qui Concordiæ libro subscripserunt. fol. 255. b. Dreldensis editionis, quo loco suas Ecclesias grauissimis & perniciosissimis dissidiis agitari fatentur, disertim affirmant, *lites non esse, quod quidam putare possent, de vocabulis, quia scilicet alij alios minus intellexerint, sed de arduis grauisimisque rebus, quæ tales sint, ut alterius & errantis partis sententia in Ecclesia Dei nequeat tolerari, nullo autem minus excusari aut defendi*. Neque est, quod Rex ista Protestantium dissidia illo ipso Concordiæ libro sublata aut composita fuisse dicat. Præterquam enim quòd adhuc cum Caluinistis dissident Lutherani, tum verò eorum quoque, qui Concordiæ libro nomina dederant, alij alios de Hæresi publicis scriptis postulare minimè dubitarunt, id quod Regi ex lectione Colloquij *Quedlinburgensis* obscurum esse nequit: quemadmodum neq; Chemni-

Caluini de Lutheranis iudicium.

Inter Lutheranos ipsos quantitas sit Concordiæ.

Ipsi Lutherani Principes contra Regem Augustum testantur.

Concordia liber Lutheranos nondum redegit in Concordiam.

*Chemnitij &
Smidlini Con-
cordia auctoriū
concordia.*

tio & Iacobo Andreæ, duobus libri Concordiæ Architectis de hac sententia conuenit: *Maria filius est Deus, non secundum assumptam, sed secundum æternam naturam.* Hanc enim Chemnitius probat, alter autem Hereticissimam esse clamat, omniq; vi contendit, ut dicatur: *Caro est Deus, velut in relatione colloquij Herzbergensis fol. 150. & seq. videre licet.*

*Regi turpe est
nescire statum
Ecclesiæ Prote-
stantium.* Quæ Colloquia si Rex minùs legit, historiam certè Ecclesiasticam Lucæ Osiandri abhinc septem annis editam videre debuit, cum ad Confessionem de Reepub. dādum caput sit nosse Rempub. nisi quidem videri velit de proximis momenti rebus, quas ipse neque cognitas habuerit, neque adeò cognoscere laborarit, Protestantium Principibus consilium suppeditare voluisse: quod haud scio ego an minùs turpe illi sit, quàm scientem prudentemq; aliquid falsi affirmasse. Claudius quidem Imperator apud Senecam cum cædes aliorum se nesciente factas excusasset, à D. Augusto meritò audiit: *Nescio, inquis? Dy tibi malefaciant: adeò istud turpius est, quod nescis, quàm quod occidisti.* Et M. Tullius pro Balbo, cum accusator Cn. Pompeium inscientem quiddam fecisse dixisset, quod per leges & instituta Romanorum minùs liceret, nihil ea excusatione Pompeij culpam minui rectè refellit. *Quasi vero lenius sit (inquit) cum in tanta Reepub. versere, & maximis negotijs præsis, facere aliquid, quod scias non*

*Osiandri testi-
monium de dis-
sidij Lubera-
norum, qui Cō-
cordia subscri-
perant.*

licere, quàm omnino nescire quid liceat. Scribit autem Osiander inter anni 1583. gesta: *Sed & Theologi quidam, qui libro Concordia subscriperant, eumque approbauerant, mutata animi sententia eum reprehendere cæperunt, inter hos erant præcipui Theologi Brunsvicensis.* De euentu porrò Quedlinburgensis Colloquij, Principum Augustanæ Confessioni deditorum auctoritate componendi dissidij causa instituti, sine ullo fructu disputatum fuisse, neque in hodiernum usq; diem hoc Schisma ad concordiam reduci potuisse narrat. Herzbergense quoque Colloquium anno 1585. sine fructu solum fuisse refert: quæ omnia cum mecum recogito, nō possum quin de isto tot sectarum tam confidenter sub Augustanæ Confessionis velatitantium dissidio hæc Isai. 4. prædicta fuisse credam: *In die illa apprehendent septem mulieres virum unum, dicentes: Panem nostrum comedimus, & vestimentis nostris operiemur: tantummodo innocetur nomen tuum super nos (siue, à te denominemur, nomine tuo appellemur) aufer opprobrium nostrum.* Sicut enim Ecclesia Christi Mulier & Christi Sponsa dicitur, cuius vestimenta dicuntur populi ei adherentes, Isai. 49. *Tena in circuitu oculos tuos & vide: Omnes isti congregati sunt, venerunt tibi: Vno ego, dicit Dominus, quia omnibus his velut vestimento vestieris & circumdabis tibi eos quasi Sponsa.* Similiter Sectæ siue Hæreses etiam ipsæ

Mulie-

Mulieres dicuntur, de quibus paulò ante Isaias priore capite ita locutus fuerat: *Populum meum exactores sui spoliauerunt, mulieres dominatæ sunt eis. Popule meus, quæ te beatum dicunt, ipsi te decipiunt, & viam gressuum tuorum dissipant*, id est, religionum dissensionem inter vos inducunt. Quæ de Pseudoprophetais ac falsis verbi diuini interpretibus accipienda esse, hic Isai. 9. locus docet: *Disperdet Dominus ab Israel caput & caudam. Longæuus & honorabilis* (siue Magistratus) *ipse est caput: & propheta docens mendacium, ipse est cauda. Et erunt, qui beatificant populum istum seducendo, & qui beatificantur, præcipitati.* Earundem mulierum Isai 27. mentionem facit: *Mulieres venientes* (sine legitima vocatione) *& docentes eos, non est enim populus Sapiens.* Et Ezech. 13. *Pone faciem tuam contra filias populi tui, quæ prophetant de corde suo* (libitu suo verbum Dei interpretantur) *quæ cõsumunt puluillos sub omni cubito manus, & faciunt cervicalia sub capite vniuersæ ætatis ad capiendas animas, mentientes populo meo credenti mendaciis.* hoc est magistratibus sæcularibus blandiuntur, eorumque cupiditatibus indulgent. Hos enim dici *Capita* non tantum ex modo laudato Isai. 9. Sed etiam ex hoc Amos 6. loco discimus: *Optimates capita populorum, qui dicitis: Numquid non in fortitudine nostra assumpsimus nobis cornua?* Eisdem porro sæculares Magistratus etiam *Brachia* ac manus appellari, non vno scripturæ loco doceri posset. Itaque mulieres istæ siue Hæreses capitibus ac brachiis puluillos molles subiiciunt, ad capiendas mendaciis suis credulorum populorum animas, siue sæcularibus magistratibus assentantur, eisque quicquid ipsi velint loquuntur, & caput suum eos constituunt, ex quo Isai. 3: sic eis cõminatur: *Decaluiabit Dominus verticem filiarum Sion*, id est, Magistratus, quos Hæreses pro capite ac vertice suo habent, implebit ignominia simulque *Caput & caudam*, hoc est magistratum cum Hæresios doctore disperdet. De eodem mulierum genere Prou. 2. ita scriptum legimus: *Si scientia seu vera religio anime tuæ placuerit, ita vt eam voces amicam tuam ac veluti vxorem ducas* (Prou. 7.4.) *tunc seruabit te, vt eruaris à muliere aliena*, siue à filia Dei alieni, id est Hæresi & ab extranea, qua mollis sermones suos, id est, à via mala, & ab homine qui peruersa loquitur, vt abducatur discipulus post se, Act. 20. Septem igitur eiusmodi mulieres, hoc est, plures diuersæ Hæreses apprehendunt virum vnum & auferendi opprobrii causa, siue, ad vitandam infamiam, denominari volunt, eo tamen pacto ac lege, vt suum quæque panem comedat, & suo vestimento operiatur, hoc est, vt verbum Dei aliter, atque ceteris placet, interpretari (nam verbum Dei rectè declaratum est

Caput & Cauda Hæresion.

*Magistratus
sæculares sunt
Capita Hæresion.*

Vide infra cap. 25.

Infra cap. 103.

Hæreses mulieres alienæ & extraneæ.

panis vitæ, sed idem falsa interpretatione deprauatum est panis mendacii, quem qui comedunt, non plus habent, quam qui dormiens comedere se somniat, *Isai. 29.*) suos etiam discipulos proprios ac peculiare habere possit. Quis iam ætatis nostræ Hæreses, Vbiquitarum, Adiaphoristarum, Flaccianorum, Synergistarum, atque adeo ipsorum Calvinistarum, ad Augustanam confessionem confugientium & ab ea denominari contendentium, non intelligat illo *Isaiæ* loco describi? Ac de ceteris quidem Osiandri ipsorumque Principum Concordiæ libro subscriptorum testimonia iam audiuius. De Calvinistis, quam & ipsi Augustanæ Confessioni addicti videri cupiant, vel Caluini in vltima admonitione ad westphalum prouocatio ad Philippi tum adhuc viuentis sententiam satis declarat.

Rex testimonio Primarii Principis Lutherani conueniunt.

Sed ne idem Rex defendere queat, non se nescire quanta sint fanaticorum Concionatorum inter ipsos diffidia, cum tamen ipsi Principes ac Magistratus amicè conspirent, eundemq; de omnib. Fidei articulis sensum habeant: libet mihi hoc loco Principis cuiusdam Germani ea de se testimonium referre, cuius neq; regiæ generis nobilitatē, neq; ingenium, literas & hominum rerumq; vsum, singularem quoque animi magnitudinem & candorem, omnibus iam quæ Catholicis, quæ Protestantibus Imperii ordinibus perspectissimum, non modò Britannia Rex, sed neque qui sit illo maior, præ suis ornamentis contemnere queat. Is non ita pridem in suasoria ad Saxones de rebus Iuliacensibus missa hoc argumento scripsit.

Principes Augustana confessioni dedicati.

Plures habent de religione controuersias. Calvinizantes Germania Principes.

Quoniam præter familias Saxoniam, Brunsvicensem & Lunaburgensem, Pomeraniam, Mechelburgicam, aliasq; paucas, quæ adhuc Augustanæ Confessionis adhererunt atq; etiamnum adherent, & sententiis in religionis causa conspiciunt, EXCEPTIS ALIQUOT de vbiuitate ALIISQVE controuersis, reliqua Electorum Principumque & primariorum Comitum familie atque ciuitates, tanquam Electorales Palatina & Brandeburgica, VVirttembergica, Onolsbacensis, Badensis, Hassica Cassellensis, Anhalina, Nassouia aliæque plures Calvinianam, siue reformatam, quam dicunt, Religionem amplectuntur: non possum equidem decernere, ipsos (Caluinistas) propterea à beneficio Pacis religioni datæ submotos omninoq; exclusos esse, id quod Catholici vnicè spectant.

In quo

CAPVT VII.

37

In quibus verbis duo quædam sunt, quæ nos Catholici
vtrò nobis à tanto Principe dari gaudemus. Vnum; no-
stros Catholicos Fœdere suo, in cuius societatem Saxonix
Electorem nēnulli pertractum volebant, id vnicè spectare,
vt pax religionis integrè ac bonâ fide seruetur: Nam Augu-
stanæ Confessionis articulus Decimus *aliter docentes*, hoc est,
Zuinglianos siue Calvinistas perspicuè cōdemnat. Iā verò
lippi ac rōsores norūt, Pacē publico Imperii Decreto anno
1555. Augustæ Vindelicorum non nisi Catholicis & Augu-
stanâ Confessionē amplectentib. datâ esse. Itaq; vel confes-
sionem Princeps hic nunquā legit, cui ramen subscribere
se proficitur: quod ipsum pleriq; omnibus Lutheranis v-
luenire scio, apud quos adeò locū habet illud Christi ver-
bum: *Vos adoratis quod nescitis*: vel conditiones, quibus Reli-
gionis Pax in Germania cōuenit, ignorat: vel deniq; pro-
pter Catholicæ religionis odium, cuius iustas se causas ha-
bere perpetâ existimat, Calvinistas, quos ab Augustana Cō-
fessione cōdemnatos non ignorat, inuito Pōtificatorio E-
dicto, tolerare, ac pacis publicæ beneficio cōmunicare ni-
hil pensi ducit, quod quidem *hōs & ingeniū* ante hos 1400.
annos in Hæreticis Tertullianus sic notauit: *Pacem cum om-
nibus miscēt: nihil enim interest illis, licet diuersa trahantibus, dum
ad vnius veritatis expugnationem conspirent.*

Alterum, quo bene idem Princeps de nobis meretur,
mihq; propriè aduersus regem Iacobum aduocationem
commodat, illud est, quod non modò Lutheranos à Cal-
uinistis diuersam religionem tueri significat, sed etiam in-
ter Lutheranos ipsos, qui Augustanæ Confessionis etiam-
num adhærent, non de *Apicibus & rebus adiaphoris* (quod
Rex affirmat) sed de articulis fidei, ac nominatim de vbi-
quitate corporis Christi controuersias esse apertè te-
statur

*Principis Lutheranis de bona Catholice-
rum fidei esset
in omnium.*

*Caluinistas
Aug. Confessio
condemnat.*

*Nihil ergo ad
illos Pax reli-
gionis attinet.*

*Vide infra ap-
18.*

*Hæreticorum
Syncretismus
de quo vide
cap. 146.*

*Lutheranorum
de apicibus
sed de fidei
articulis inter
se dissentiant.*

*Caluiniani
Principes Lu-
theranismum
tolerāt.*

*Aut putant
Caluinianā &
Lutheranam
fidem simul ef-
se veram*

*Aut credunt
falsa quoque
fide homines
saluari.*

statutur. Quod utinam tertio quoque beneficio nos de-
vincire ac docere voluisset, quid argumēti habeat, & in quā
partē non à me (nam neq; me in tantorū Principū negotiis
curiosū esse par est, & ipsos, quid ego infimatū vnus existi-
mē, nō multū morari debere vltro fateor) (sed verò à vobis,
Augusti Principes, ceterisq; Catholicis imperii Principib.
atq; ordinibus accipi debeat, quod Principū illorum, quos
ipse Caluinianam religionem amplexos dicit, pleriq; Lu-
theranæ fidei Præcones, & nonnullos qua voce, qua scri-
ptis acerrimos Caluinistarum hostes in Aulis ac prouinciis
suis tolerant. Si enim Lutherana quoque Religione homi-
nes saluari posse existimant, aut vtramque Lutheranam &
Caluinianam fidem pariter veram esse, aut etiam falsa fide
homines saluari fateantur, necesse est. Vtramq; pariter ve-
ram esse dicere non audebunt, aut si dicant, fidē non inue-
nient. nam Fides, quæ saluos facit, vna est, Ephes. 4. Et Lu-
theranæ fidei articulus decimus, Caluinianam, vt falsam,
siue Hæreticam condemnat. An ergò tam sunt fatui, vt
veræ & apertæ contradictionis vtramq; partem veram esse
existiment? Et verò si Lutherana fides est vera, quid atti-
nuit ipsos ab ea discedere, & cum offensione tam Luthe-
ranorū, quam Catholicorum Caluinistas fieri, ac periculū
excidendi beneficio Pacis Lutheranis datæ adire? Sin
autem falsa quoque fide saluos fieri posse credunt, sanè fe-
rendi non sunt, qui nullam ob causam idoneam tantas in
Imperio turbas concitent, neq; in Catholica, quam falsam
putāt, Religione maiores suos præclarissimos imitati per-
maneant. Nos quidem Catholici, si quēquam Lutheranū
aut Caluinistam saluari posse crederemus, statim valere
iussa auita Religione, ad ipsos commigraremus, saltem vt
aliquando finem tot tam feralia ac luctuosa dissidia accipi-
ant. Sin autem ne ipsi quidem Lutherana fide quenquam
omnium

omnium saluari credunt, quid est, quod ea subditos suos imbui ferant & Lutheranismi Prædicantes tolerant? Vtrum, quia illos eiicere, & Calvinismum in prouincias suas inducere non possunt, an quia non volunt? Sed prius nequaquam eis affirmare tutum foret. Si enim non possunt, aut Vis aut Ius eos impediatur necesse est. Vis adeo nulla est ut vtrò ipsi terrorem aliis denuncient, externis eorum auxiliis freti, cum quibus contra leges ac morem maiorum conspirarunt. Si iure aut Lege prohiberi se dicant, nempe Pacem Religionis nihil ad ipsos pertinere, rectè Catholici contendunt. Sin autem ut eiectis Lutheranis Prædicantibus subditi veram religionem doceantur ac salui fiant, non volunt rursus aut id ad officium suum pertinere putant, aut non, putant. Si non putant, vicerunt Catholici, qui non Principibus secularibus, sed Episcopis curam pascendi gregis à Christo commissam, & ab his, non ab illis, rationem animarum exactum iri credunt, Principesque munus Episcoporum inuadentes, neque per ostium in o-mne ingressos pro furibus ac latronibus habent. Sin autem sui muneris esse putant, subditos in vera fide, quæ sola saluos faciat, erudiendos curare, neque tamen, quin eos Lutherani falsa religione imbuant, cum possint, impediunt: cuiusmodi tandem principes existimari debent?

*Caluiniani
Principes pos-
sunt Lutherana-
nismum è prouin-
ciis suis eiicere.*

*Cur non velint
id, quod possunt*

Sed valere iussu tam diuturno Dilemmatum odio (quo facile supersederi poterat, nisi vestra quoque Catholici Principes, existimationis non mediocriter interesset, Fæderis vestri aduersus Calvinistarum molitiones necessitatem & iustitiam tam luculento primarii inter Lutheranos Principis testimonio doceri) ex diuerticulo ad Serenissimum Regem nostrum redeo.

Qui quidem quanta sit Puritanorum cū Angliæ Calvinistis concordia, ipse viderit. nobis satis est, in Germania aliter, atq; Rex dicit

E rem,

*Quomodo in
Rege excusari
queat, quod in
apertè verum
negarit.*

*Utrum Prote-
stantes de Ba-
bylone exierint*

*Hæretici sunt
adificatores
turris Babylo-
nica.*

*Regis Saulis
& irritum co-
natus inten-
tanda Prote-
stantium Con-
cordia.*

*Inuidia Regis
erga Catholi-
cos prophetici
verbi confuta-
tio.*

rem habere ostendisse, neque tamen quicquam propterea eum in-
culamus. quin immò laude prudentis oratoris hanc ipsam ob-
rem affici me iudice meretur, qui cum Protestantes ad concor-
diam faciendam & tollenda omnia de fidei articulis dissidia cohör-
tari statuisset, iam initæ concordie sublatorumque dissidiorum no-
mine laudare eos voluerit. *Prodest enim, ait Cicero, laudare eum, quem
cohörteris* Quod autem id Rex Pag. 138. omnes eos de Babylone exis-
se dicit, qui sese ab Ecclesie Romanæ communione abruperunt, eis-
que cetera discordibus, huius saltem vnus rei consensum gratu-
landum putat, nã ille prudentia & eruditione sua digniùs censuisset,
si eos Babylonem potius venisse, & propter linguarum varietatem,
qua cõmunicare alii cū aliis animi sensa prohibentur, turris aduersus
Ecclesiam Romanam excitari cõptæ exädificationem frustra moli-
ti dixisset: de quibus Catholicus quiuus Psalmi LIV. cū votum, tum
testimonium rectissimè vsurpauerit: *Præcipita Domine, diuide linguas
eorum: quoniam vidi iniquitatem & contradictionem in Civitate.* Ceterum
monendus videtur Rex, cum adeò satagat Protestantes diuersis se-
mitis ambulantes congregare, & concordiam ad pestem Ecclesie
Romanæ comparandam inter eos sancire, vt nec ad humilitatem
hominum de Schola descendere, & contentioso libro edolando o-
peram tribuere grauetur, quod minùs ex Maiestate Regia esse ne-
que ipse dissimulat: vt etiam atque etiam videat ne suæ erga nos in-
uidiæ dicta sint, quæ Isai 57. legimus.

Ornasti te Regi vnguento, & multiplicasti pigmenta tua (quasi
dicat: multis verborum ornamentis Imperatori Caluinisimum tunum probare stu-
disti) Misisti legatos tuos procul (qui se dicunt, vt tua causa mentiantur,
missos esse) & humiliata es vsque ad inferos (Prædicantes quippe & Lu-
dimagistri, à quibus eiusmodi libros scribi æquius fuerat, sunt imi subsellii homi-
nes) In multitudine viæ tuæ laborasti (vt scilicet omnes, qui Pontificis non
sunt, in vnã viam redigas) non dixisti: Quiescam. Vitam manus tuæ
inuenisti, propterea non rogasti me (quia didicisti literas, adeò vt libros
scribere queas, cumq; id facis, te demum viuere & immortalem reddi credis,
propterea parum humilitatis habes, neque me, vt veritatem discas, precaris)
Pro quo sollicita timuisti? (id est, frustra tantum operæ sumis, vt in concor-
diam Protestantes redigas) quia mentita es, & mei non es recordata neque
cogitasti in corde tuo, siue quia falsæ religioni patrocinaris, neque eorum,
quæ Ecclesia mea promisi, meministi.

CAP.

POSTREMÒ hinc quoq; non nemo inuidiam in Regem volet quærere, & candorem ipsius vobis suspectum reddere, quod de Catholicorum erga sacram scripturam impietate conqueri audet, quasi eam contumeliosè appellare, aut etiam prorsus suppressere nulla eis esset, aut superioribus saltem sæculis fuisset Religio. Sic enim Scribit. Pag. 79. *Papistæ ad minuendam scripturæ auctoritatem eiusmodi dictis vtuntur, Nasus cereus, mortua litera, Lesbia regula, sexcentis alyis, probri & ignominie plenis.* Rursum Pag. 80. *Quid de scripturæ suppressione dicam? quot sæculis populus Christianus in tanta cecitate & salutaris doctrinæ ignoratione detentus est, cum Laici scripturam attingere (vt quibus hoc interdictum esset) non auderent, maxima pars Clericorum in illius lectione versari aut nollent, aut non possent?* Postremo Pag. 81. *Quid dico suppressos? imò ad silentium damnatos, vt pro Hæretico combureretur, qui in manus sumere auderet, aut inspicere?* Enimuèrò hæc in Rege tolerari non videntur posse, non modò quia si ei probandi, quæ dicit, necessitas contingeret, turpiter obmutescere cogeretur (quo quidem nihil euenire Regi potest turpius) sed etiam quia res ipsa in propatulo posita contrà vociferatur. Quis enim tot antiquos Bibliorum cōdices, quot passim hodie in Bibliothecis, etiam in Anglia, reperiuntur, tam accuratè descripsit? Papistæ. Quis etiam ante Lutherum Biblia Germanicè vertit, & in vsum indoctorum (nam doctis nullus eorum vsus futurus erat.) Augustæ, Noribergæ, alibi typis imprimenda dedit? Papistæ. Quis non semel Bibliorum in varijs linguis editionem tam ingentibus impensis curauit? Papistæ. Quis Luthero Biblia tradidit, & ijs verbum Dei contineri persuasit? Papistæ. nam ita contententem ipsum Lutherum supra audiuimus: *Cogimur Papistis multa concedere, quæ vera sunt, in Papatu scilicet esse Dei verbum, Apostolatam, nosq; sacram scripturam ab ipsis accepisse alioquin quid de illa nos sciremus?* Itaq; quicquid Rex de Biblijs suppressis, de lectione eorum Laicis prohibita, deq; combustis ijs, qui ea tangere & legere fuissent ausi hoc loco tanta cum inuidia commemorat (cùm aliud nihil sit quàm falsum testimonium, propter quod, nisi se non modò vt Regem, sed etiam vt Lutheri, Euangelicos à Decalogi quoq; obseruantia liberantis, discipulum, legibus solutum putat, pœnas à sese aliquando expetitur iri meminisse debet, quas propriè ipsi videtur Deus comminari Psalmo 49. *Quare tu enarras iustitias meas, & assumis testamentum meum per os tuum?* (quasi dicat: quomodo audes tu in libro tuo scripturas interpretandas suscipere?) si videbas furem

Rex sacras literas contumeliosè a Catholicis tractari insinuat.

Sed id nunquā probare poterit.

Catholici quam bene de S. Bibliis meriti.

Lutherus fateatur se à Catholicis Bibliam accepisse.

Quæ Rex ab alijs deceptus dicit, sunt falsum testimonium.

(Lutherum, qui ingressus non est, vt pastor, in Ouille per ostium, sed vt fur & latro aliunde ascendit) *Currebas cum eo : & cum adulteris portionem tuam ponebas* (participem eis te faciebas, qui ambulant in astutia, & adulterant verbum Dei, 2. Cor. 4.) *sedens aduersus fratrem tuum loquebaris, & aduersus filium matris tue, ponebas scandalum* (falsis criminibus Catholicos onerabas) *Hec fecisti, & tacuisti.* Propterea existimasti inique, quod ero tui similis. *Sed arguam te, & statuam contra faciem tuam*) quicquid igitur hic peccat Rex, nequaquam eò valere debet, vt virtus ejus & candor alijs in rebus, quæ causam Religionis non attingunt, propterea in suspicionem vocetur. Feruor enim & Zelus Religionis. quam ex animi sententia veram esse credit, faciliè vt ijs, quæ mendacibus auctoribus acceperat, fidem adiungeret, eademq; porro pro explorata & comperta veritate vendicaret, perfecit. Itaq; sicut Zelus eius magnopere se nobis probat, qui ex eo, velut ex indole, quantus fidei Catholicæ, si quando, quod opto, eam amplectatur, Defensor futurus sit, colligimus : ita credulitas ipsius, quodq; parum cauet, ne fictis inimicorum nostrorum rumoribus decipiatur, excusationem meretur, nostram certè misericordiam potius, quàm odium, prouocare debet.

CAPVT. IX.

CETERUM si rationem in consiliū parumper adhibere Rex velit, facillimè quanto maiori apud nos honore sit sacra scriptura, quàm apud ipsum ceterosq; suos participes, perspiciet. Cum enim firmissima fide omnes teneamus, eum ipsius Dei librum esse, à Spiritu sancto sanctis hominibus, Prophetis, Apostolis & Euangelistis inspiratum, longè eundem augustiorem, difficilioremq; esse credimus, quàm vt humana eum debilitas assequi possit, si vel omnes, quotquot vniuersus orbis habet, habuit, aut habiturus est ingeniorum acumine & literarum abundantia præcellentes, in vnum conueniant, omnemq; suam operam ad explananda & euoluenda mysteriorum eius inuolucra conferant : tamet si multarum rerum gestarum narrationem historicam, nec pauca, quæ ad morum emendationem vitamq; rectè instituendam pertinent, illa deniq; quæ monstrant, vnde verus ceterorum, quæ occulta sunt, & vel fidei mysteria vel rerum futurarum vaticinia continent, peti sensus debeat, à nemine, qui modò linguā scripturæ non ignorat, non facile intelligi posse, adeoq;

Quanti S. scriptura fiat à Catholicis.

Putant esse intellectui difficillissimam.

Quadam tamē esse satis perspicuam.

adeoq; diligenter excerpti, & omnibus legenda (sicut in multis no-
strorum libris factum apparet) rectè proponi confitemur. Itaq; ma-
gna cum humilitate in ijs legendis versamur, neq; nobis tantum arro-
gamus, vt sola lectione nostra, quantumuis accurata, & cum litera-
rum linguarumq; peritia coniuncta, mysteriorum eius intelligenti-
am consequi nos confidamus, sed omninò necessarium putamus, vt
Deus Spiritus sui sancti gratia sensus & corda nostra illuminet, &
mentis oculos alioquin ad diuinæ sapientiæ lucē caligantes aperiat.
Eam gratiam precum humilitate, ieiunio, abstinentia, aliisq; carnis
mortificationibus, sanctorum virorum exemplo, obtineri non dif-
fidimus. Sic Euauchus Act. 8. non modo scripturā vel in itinere di-
ligentissimè legit, sed etiam Hierosolymam vsq; ex Aethiopia ado-
randi causa venit, neq; tamen quia id faciebat & Hebraicè intellige-
bat, confestim se scripturam satis intelligere sibi persuasit, sed igno-
rantiam suam quærenti Philippo, vtrum ea, quæ legebat, intelligeret
simplicissima confessione sic statim aperuit: *Et quomodo possum intel-
ligere, si non aliquis mihi ostenderit?* Itaq; obtinuit à Deo, quod desidera-
bat, vt scripturæ scilicet abditos sensus interpretante Philippo per-
disceret. Similiter Dauid Rex tametsi Hebræus esset, nequaquam
satis habuit Dei verbum nocturna versare manu, versare diurna, sed in su-
per donum Intellectus assiduis precibus & carnis afflictatione impe-
trare à Deo conatus est, velut hæc ei⁹ verba fidē faciunt: Ps. 118. *Præue-
nerunt oculi mei ad te diluculo, vt meditarer eloquia tua. Dilexi legem tuam, to-
ta die meditatio mea est. In toto corde meo scrutabor mandata tua. In
mandatis tuis exercebor, & considerabo vias tuas. Declaratio sermonum
tuorum illuminat, & intellectum dat paruulis. Da mihi intellectum, vt di-
scam mandata tua. Da mihi intellectum & scrutabor legem tuam. Reuela ocu-
los meos, & considerabo mirabilia de lege tua. Psal. 17. Tu illuminas lucernam
meam: Deus meus illumina tenebras meas. Psal. 68. Operui in ieiunio animam
meam, & posui vestimentum meum cilicium Psal. 118. Spes me consolata est in
humilitate mea. Humiliatus sum vsquequaq; Domine. Vide humilitatem me-
am, & eripe me.] Similiter Daniel ad impetrandum rerum abdita-
rum intellectum se comparare consuevit, velut Dan. 10. legimus:
*In diebus illis ego Daniel lugebam trium hebdomadarum diebus: panem deside-
rabilem non comedi, & caro & vinum non introierunt in os meum, sed neq;
unguento unctus sum, donec complerentur trium hebdomadarum dies. Et vi-
di Angelum, qui dixit ad me: Daniel vir desideriorum, noli metuere: quis ex
die primo, quo posuisti cor tuum ad intelligendum, vt te affligeres in conspectu Dei**

*Humilitas Ca-
tholicorum in le-
gendis S. Bibliis.*

*Gratiam intel-
ligendi Biblia
quis in medijs
obtinere potest
Catholici.*

*Quid Dauid fa-
ctus fuerit face-
re, & verbū Dei
intelligere.*

*Danielis media
ad intellectus
sens scientia de-
num consequi-
dum.*

*Quomodo Epi-
scopi & sacerdo-
tes gratiam in-
telligendi conse-
quantur.*

tui, exaudita sunt verba tua, & ego veni ut doceam te, & annunciem tibi, quod expressum est in scriptura veritatis.] Hoc ergo modo qui se com-
parant, simulq; ea adhibent, quæ alij prioribus sæculis eadem stu-
dendi ratione vti ex spiritus sancti reuelatione didicerunt, suisq; li-
bris complexi sunt, eos sibi spem adipiscendæ ejusdem gratiæ facere
posse credimus, si præfertim aliorum docendorum prouinciam legi-
timè per impositionem manuum presbyterij susceperint. Itaq; sic Ti-
motheum Paulus monet: *Admoneo te, ut non negligas, sed resuscites gra-
tiam Dei, quæ data est tibi per impositionem manuum presbyterij. Attende
lectioni, tibi & doctrinæ: insta in illis. Confortare ingratia. Formam habe sa-
norum verborum, quæ à me audisti. Permane in ijs, quæ didicisti, & credita
sunt tibi, sciens à quo didiceris. Bonum depositum custodi per spiritum san-
ctum, qui habitat in nobis. Dabit tibi Dominus in omnibus intellectum: & teip-
sum saluum facies, & eos, qui te audiunt.*

CAPVT. X.

*Protestantium
erga sacras liti-
ras reuerentia.*

*Eas ob omnibus
intelligi putant.*

*Exceptis Catho-
licis Theologis
Hebraica et Gra-
ecè doctissimis.*

*Lutheri de pri-
mo Concilio Ni-
cæno sententia*

*Item de omni-
bus conciliis.*

*Privatum Lu-
therum Spiritum
sanctum habere
quædam Concilia.*

ATQVE hæc nostra est erga sacram scripturam reuerentia: vide-
amus nunc quo in honore apud Lutheranos esse soleat. Primum
nemo est illorum, quin, si modo in vernacula sua lingua eam legerit,
sensu eius se perspicere persuasum habeat, nullusq; sartor, sutor aut qui
cumq; opifex, imò ne muliercula quidè ulla tam malè de se existimat,
vt minùs eam intelligere sibi videatur: Episcopos certè Catholicos
cum omnibus nostris Theologis, quamuis Hebraicè & Græcè doctis-
simis, quin immò tota Concilia iam inde ab Apostolorum temporibus
habita, penitus cecos fuisse, neque scripturæ verum sensum asse-
curos esse ita credunt, vt de ijs pronunciare nihil dubitent, quod de
sanctissimo Nicæno Concilio primo Lutherus: *neminem in eo fuisse, qui
vel paululum modo de Spiritu sancto olfecerit*, in Postilla wittemb. domi-
nica prima post Trinit, fol. 114. a. §. 2. qui etiam in genere de omnibus
Conciliis ita statuit in libro, *utrum Papa potestatem habeat confessionem
præcipiendi* Tom. 7. Ger. Witt. fol. 262. b. Inter maxima Christianitatis ma-
la numeranda est, perniciosissima & abominabilis illa opinio, qua
putantur Concilia Spiritum sanctum habere.] Itaque non satis pro-
bat ipse Decretum Concilij Hierosolymitani, cum id Apostoli Act.
15. sic concipiunt: *Visum est Spiritui sancto & nobis &c.* ac propterea in
Commentario illius capitis Tomo 4. Germ. Witt. fol. 553. scribit: Non
sefe in Conciliis futurum Spiritus sanctus promisit, sed in cordibus
Christia-

Christianorum quos nouit.] Sic ergo Spiritu sancto pleni, & velut Lutherus ipse in *Postill. Vvitt. Domin. octaua post Trinit. fol. 118. §. 3. & Domin. 10. fol. 130. §. 2.* de nonnullis suis discipulis loquitur, toti transpirati, non aliter quam si Spiritum sanctum totum, quantus est, una cum plumis & pennis deuorassent, omnē omnium Episcoporum & Conciliorū auctoritatem pedibus proterunt, nō quod Episcopis & Concilijs loca scripturæ desint, quibus suam sententiam probent (nam illi aequē ac nos de Deo & verbo eius gloriantur: & pariter utrimq; scripturas citamus, ac de ijs nobis cōuenit, sed de re ipsa deque sensu longissimē inuicem dissidemus, ait Lutherus in *Comment. Ioh. 16. Tomo 7. Ger. Ien. fol. 179. b. §. 3.* Et de iustificatione quidem innumera pene scripturarum loca contra nostram sententiam Papistæ adducunt, quibus complectendis peculiaris liber conuenit, ait idem loco supra laudato) sed quod æquius eis videatur, cum utrimque afferuntur scripturæ verba, ut Episcopi in Concilio cōgregati potius priuati cuiusque sententiæ se subijciant, quā hic illis vel hoc vngue concedat. Ita nempe eos Lutherus instituit in libro, quem inscripsit: *Rationes, cur Ecclesia siue auditorum cœtus potestatem habeat omnes doctrinas iudicandi*, Tomo. 2. Ger. Ienensis: cuius folio 243. b. aut 254. ita scribit: Sinimus Episcopos & Concilia statuere & decernere, quicquid eis visum fuerit. Sed quando Dei verbum pro nobis habemus, tum penes nos, non penes illos esse debet iudicium veri, ipsique nobis cedere debent, nostrisque verbis obedire.] Sed quibus tandem Lutherani vtuntur Medijs (hoc enim verbo velut hodie trito uti deinceps libet, quamuis Latina non desint, quæ idem significant) ad gratiam Spiritus sancti tam vberem & abundantem consequendam, ut quiuis de medio eorū plus, quā omnes eruditissimi & sanctissimi Episcopi in Concilio congregati videre in sacra scriptura possit? Num vsque adeo attendunt lectioni, aut ea precum humilitate & assiduitate Deum fatigant, aut ieiuniorum deniq; austeritate & victus castigatione tantam sancti Spiritus gratiam Deo extorquent? Haud vidi magis, cum Bibliorum lectionem non alio magis tempore instituere pleriq; omnes soleant, quā cum epulis exempta fames mensq; remota, siue ut Tertulliani verbis utar, cum totum illud domicilium interioris hominis escis stipatum, vinis inundatum, de coquendis iam stercorebus aestuans, præmeditatorium efficitur latrinarum, in quo nihil tam in proximo superfit, quā ad lasciuiam sapere. Ieiunare quidem, humi cubare, cilicio indui, demisso capite ambulare (quibus rebus Achab Rex humilitatem suam Deo testari studuit, itaque probauit, quamuis nulla Idololatriæ pœnitentia ductus, ut placatus

Cur Lutherani Concilia & Papistas contemnunt.

Cum tamē Papista aequē ac ipsi scripturis nitantur.

Imo plures scripturas habeat, quā ipsi.

Concilia Lutheranorum iudicio se subijcere debent.

Quia Lutherani scripturas magis intelligunt.

Lutheranorum attentio & assiduitas in legendis Bibliis.

Humilitas, qua Deo placet.

placatus

placatus Deus diceret Eliæ 3. Reg. 21. *Nonne vidisti humiliatum Achab coram me? quia igitur humiliatus est mei causa, non inducam malum in diebus eius*) illa igitur tam sunt Lutheranis omnibus inusitata, vt neque ab homine sine naturæ vitæque detrimento, neque ab Euangelico sine officij migratione seu peccato fieri posse existiment. Igitur nullum vnquam Lutheranum vidi, sed neque de vlllo, qui ieiunaret aut cilicio indueretur, inaudiui. Vnum tamen excipio *Illustrissimum & Excellentissimum Principem Georgium Fridericum Marchionē Badensem*, quem singulis Sabbatis ieiunare solere cognata eius Illustrissimi Iohannis Georgij Comititis Zollerani Coniux, spectatissimę pietatis femina mihi retulit. A reliquis autem ita viuatur, quemadmodum Lutherus, Musculus & Smidlinus testantur. Luther^o Tomo 2: *German. in sententia de vtraque specie fol. 103. a. §. 3. & Tomo 7. Germ. VVitt. fol. 362. b. §. 3.* Volumus nos huiusmodi rebus Euangelicos probare, quod sub vtraque specie communicamus, imagines demolimur & dei ieiunamus, carnes voramus, nihil ieiunamus, nihil oramus, & similibus. Sed fidem & charitatem nemo vult tenere, quæ tamen sola sunt necessaria, illa verò non item. Sed est hæc Diaboli fascinatio, qui tali modo eò ducit homines, vt à Papa deficiant, nec tamen ad Christum adpirent.] Tomo 3. *Germ. Ienen. de vtraque specie fol. 519. a. §. 2. & Tomo 4. Germ. VVitt. fol. 382. a.* Hinc fit, quod neque coronas clericales, neque caputia, neque ieiunia, neque quicquam aliud ex nugis Papistarum tolerare aut obseruare, neque vllam cum ijs communionem habere aut ijs similes esse volumus, sed alacribus animis in despectum eorum committimus & omittimus, quicquid eos vrere ac male habere potest.] Tomo 6. *Latino VVit. in comment. Genes. 29. fol. 401. b. & in Colloq. IIsleb. de Fanaticis siue Suermeriis fol. 356. a. §. 4. de Christo fol. 113. a. §. 4. de mundo fol. 80. b. de operibus Dei fol. 32. a. §. 3.* Ego olim in Monachatu longè eram sanctior, quàm nunc sum, quoad externam laruam (id est, plus lucebant opera mea bona coram hominibus, velut Christus præcipit Matth. 5.) plus orabam, vigilabam, abstinebam, macerabam carnem meam. Iam vero (postquam factus sum nouus Euangelista & Apostolus ac tertius Elias, & velut discipulus meus Iacobus Anglia Rex de me censet. Iohanni Baptiste Secundo *Eliæ non dissimilis*) comedo & vestio generali & vsitato modo: nihilq; præcipuum aut singulare in vita mea eminet. Possum iocari, potare, frontem exporrigere, ridere: sum cōmodus & facerus Conuiuator, cumque vnum Bixæ siue Ceruixæ cantharum teneo, statim dolium ipsum totum cōcupisco, sapiusq; bene bonum haustū facio in Dei gloriam, pro eo itaq;

Nullus Lutheranus ieiunat aut cilicio induitur.

Character siue nota veri Euangelici Lutherani.

Veri Euangelici prorsus nihil cum Catholicis commune habere debent.

Lutherum qualis fuerit in Monachatu.

Qualis idē postquam à Papistis desinit.

pro eo, quod prius macerabam siue macrum faciebam corpus meum
 mox cum mortuus & in capulo repositus fuero, vermibus ventrio-
 sum beneq; crassum Doctorem escam dabo.] *Tomo 7. Latino VVitemb.*
in sermone de abusibus exterminandis fol. 275. b. §. 4. gloriatur, se multo
 plus, quam omnes Principes & Imperatores, Papatui intulisse dam-
 ni perpotando cum Collegis Philippo & Ambsdorfio.] *Rursum in*
comment. Genes. 49. Tomo 6. lat. VVitt. fol. 665. Ego non possem ferre
 IAM (postquam Papista esse desij) LABORES, vigiliis & macerati-
 ones illas, quas olim monachus sustinui.] *Tomo 3. Ger. VVitt. parte 2. in*
comment. Psal. 45. fol. 48. b. §. 3. Cum adhuc essem monachus, ferè quin
 decim annos continuos quotidie me occupabam & cruciabam sacri-
 ficando, ieiunando, vigilando, orando &c. nec putabam fieri ullo
 modo posse, vt eam vitæ rationem umquam dediscerem, iam verò
 (Deo gratia) probè dedidici.] Eat nunc Rex Iacobus, & de Mona-
 chorum Catholicorum otio ac libidinibus quærat cui persuadeat, si
 tamen vllum, cui sanum sit sinciput, inuenire potest, qui plus Regi,
 quam Luthero, Monacho, de Monachorum vita credendum putet.
 Sanè nisi Lutherum mendatij suspectum reddere, seq; mendacis ma-
 gistri discipulum videri velit, debeat censeo, & de libro suo circum-
 scribat verba hæc, quæ pag. 93. leguntur: Fornicatio carnalis apud Pa-
 pistas frequentior est, tam propter matrimonium Clericis interdictum, quam
 propter tot OTIOSORVM Monachorum ac sanctimonialium greges. Oti-
 um enim esse maximum incitamentum atque illecebram libidinis, usus vi-
 tæ quotidianæ docet.] Quàm frequens inter Lutheranos sit forni-
 catio, saltè in Germania (nam de Anglis, imò Angelis, qui neq; nu-
 bunt, neq; nubuntur, vel minimum suspicari nefas esse aiunt, qui om-
 nia istius scortis & adulteris, si superis placet, vacare affirmant) negat
 Musculus in libro supracitato de Nouissima die fol. 78. b. neces-
 sarium esse verba fieri, cum ipsa res satis loquatur. Sed Erasmus Sarceri-
 us magnus in Lutheri patria superintendens in libro de Disciplina
 Islebiæ edito apud Vrbanum Gaubischi non potuit, quin etiam ingen-
 ti conuicio Fornicationes Lutheranorum contestaretur. Folio qui-
 dem 39. b. legimus: Fieri omninò necesse est, vt Libidines inter nos
 vigeant, cum Fornicatio & Adulterium vix iam pro peccatis habe-
 antur (Didicimus quippe à Luthero, nullum in mundo esse peccatum aliud, quàm
 Incredulitatem, imò vero neminem saluari, qui non bene magnum Catalogum a-
 dulterij, alysq; atrocibus peccatis compleuerit, velut suprà cap. 2. Lutheri verba
 in eam sententiam recitavi) cum etiā tam multa passim habeamus libi-

*Lutherus quam
 potens fuerit in
 bibendo.*

*Lutheri adhuc
 Monachi quoti-
 dianæ operæ.*

*Lutherus ipse
 Regis testimoni-
 um renunciat.*

*Aut Rex est mē-
 dacis magistri
 discipulus.*

*Aut iniuriā
 Monachis factā
 tenetur recantare.*

*De Lutheranor-
 um fornicatio-
 nibus testimoni-
 um Musculi.*

Et Sarcerii.

*Incitamenta li-
 bidinis apud Lu-
 theranos.*

F dinis in

*Adulteria inter
Lutheranos fre-
quentia.*

dinis incitamenta. Crapulantur enim & compotant quā senes, quā iuuenes: exiliunt, saltant, molles ac turpes choreas agitant &c.] *Et fol. 40.* Apud priscos Germanos rarissimē auditum fuit Adulterium: Sed quid nunc inter nos eo est frequentius? quod peccatum hodie maiora sumit incrementa? quin imō pro ludo & ioco habetur tæterrimum adulterij vitium, fitq; persæpe, vt Adulteri maiore sint honore, quā homines verecundi & honesti.]

CAPVT XI.

*Vbi reperiantur
magis otiosi ho-
mines.*

*Lutheri examē
conscientia.*

*Nocturna Lu-
theri opera, coire
& dormire.*

*Lutherus quam
amans otii sui
fuerit.*

*Lutheranorum
mortificationes.*

*Lutheri assidua
& feruens deuotio.*

*Totū octo die-
bus nihil orabat*

QUOD si Rex scire velit, vbi reuera OTIVM hominibus libidinē sit illecebra (nam Monachos ea suspicione & insimulatio-
ne ipsius Lutheri testimonium absoluisse debet) in eundem scripto-
rem suum Lutherum intueatur censeo, qui non putauit sibi commit-
tendū, vt eius cū *examen conscientia*, tum iterata sæpius *confessio* nobis
lateret. In *Colloquijs Islebiensibus de Creatione fol. 70. a. §. s.* ita secum actæ
diei rationes subducit: *Quid hac tota die egi? Duabus horis hic cacavi,
tribus horis cibum sumpsi, tum quatuor horas OTIOSVS exegi.*] Puto
reliquas tres horas diurnas legendis Biblijs eum occupasse. Nam
noctu nihil studere solitum, non ex eo tantū colligo, quod Catha-
rinæ suæ maritale debitum exigenti lentum nomen esse minimē vo-
luerit, sed etiam quia se fatetur diuino præcepto tam ad nocturnam
quietem, quam ad diurnos labores teneri, In *ysdem Colloquijs de Tentati-
onibus fol. 286.* In eandem sententiam pro se suisq; discipulis confite-
tur in *Colloquijs eisdem de Fanaticis fol. 356. a. §. 2.* Ego non ita sum
affectus, vt Papæ causa meum OTIVM, cibum ac potum, & recreati-
onem velim corrumpere] Et in *Colloquijs de Creatione fol. 59. b. §. 5.*
Nos voramus ad mortem, potamus ad mortem, voramus & potamus
ad egestatem & ad infernum, cacamus deniq; ad mortem.] Et in *Col-
loquijs de Mundo fol. 70. a. §. 5.* Voramus & potamus ad mortem, dor-
mimus, visimus, pedimus ad mortem] *Tomo 1. Epist. latin. Ienæ editar. fol.
334.* Insensatus & (*ex tentigine scilicet*) induratus hic sedeo in OTIO,
parū orans nihil gemens pro Ecclesia Dei: quin carnis meæ indo-
mitæ vr̄or magnis ignibus: summa, qui feruere spiritu debeo, ferueo
carne, LIBIDINE, PIGRTIA, OTIO, somnolentia. Octo
iam dies sunt quod nihil scribo, neq; ORO, neque studeo.] Sed
neque quo pacto tantum carnis feruorem ex OTIO & satietate
exortum.

exortum, restinguendum putaret, nos calare voluit. Nam in iisdem Colloquiis de Coniugio fol. 411. multum ridet SS. Hieronymi, Benedicti, Bernardi & Francisci stoliditatem, qui carnis feruorem precibus, ieiunio, aliisque violentis corporis afflictionibus restinguere tam vehementer laborarint, cum tamen longe facilius restinguendi ratio in promptu sit, modo ne puella mulieresque desint: nam mulierculam domesticam presentissimum esse huic morbo remedium, & verum tali ulceri emplastrum, ac propterea puellam id habere, quo puella est, ut amicum iunet, velut ibidem fol. 396. 389. & 410. b. legimus. Quod si nunc Lutherus, in quem omnes Imperii Electores ac Principes, concordiae libro subscripti, hoc elogium consentiunt: singularibus & Excellentissimis Spiritus sancti donis illuminatum, Heroa & virum praestantissimum summamque pietate praeditum fuisse, ac futura quoque in Spiritu prauidisse. (Edit. Libl. latin. Anno 1580. fol. 699. §. 3. & in Praefat.) quem Ambrosius sanctum hominem Dei, verumque, tertium ac postremum Eliam vocat: quem Cyriacus Spangenbergius Christo & Paulo proximum adiungere hoc suo disticho ausus est:

*Carnis feruorem
quomodo restin-
guant Papistae.*

*Quomodo Lu-
theriani.*

*Protestantium
Principum de
Luthero elogium.*

Christus habet primas, habeas tibi Paule secundas:

Sed loca post illos tertia Luther habet.

cui Calvinus in Institutionibus in libris aduersus Vuestfalum, aduersus Pighium, & de reformatae Ecclesiae ratione haec vltro impertitur elogia, fuisse eximium & praeclarum Dei seruum, & fidelem Ecclesiae Doctorem, imò Euangelistam, Apostolum, sanctum & magnum Dei Prophetam, qui Ecclesiam ab Antichristi defectione reduxerit, per cuius os Deus fulminauerit: quem Beza in Iconibus, in responsione ad repet. Sainctesii, in libro de pæna Hæreticorum, fortissimum Heroa fuisse dicit, toto ore diuinitus inspiratum, eximium Dei Organum, seruum Domini & quidem eximium ac valde excellentem, virum admirandum in diebus nostris, in quo qui Spiritum Dei non sentiat, eum nihil sentire.] Si ergo Lutherus non aliter ad Spiritus Sancti gratiam impetrandam se comparare fuit solitus, quid de cæteris Lutheranis multo scilicet Luthero inferioribus existimandum sit, nemini non iudicare promptum est. Ieiuniorum quidem quam amantes sint, præter ea, quæ diximus, ex Musculi quoque testimonio disci potest, qui in libro de Abusu Sacramenti cap. 14. ita scribit: De Ieiunio, ne operam ludam, chartamque & atramentum perdam, nihil dicere constitui, similiterque ceteris, ne frustra operam collocent, tacendum

*Lutheranorum
ieiunia.*

F 2 cenſeo.

cenſeo. Nihil de Ieiunio Germanis (*hoc eſt, Lutheranis*) curæ eſt, ſed de SOLA (*non Fide, ſed*) helluatione atq; crapula. Qui de Ieiunio mentionem iniicere audeat, tametſi ſolidis & irrefragabilibus ſcripturæ fundamentis nitatur, eum conſeſtim Papiſtam, vel etiam Hæreticum eſſe oportet.] Idem Smidlinus in quinta ſua de Planetis concione fol. 191. teſtatur: Poſtquam, inquit audiuiſimus (*nempe ex Luthero noſtro*) Papiſtico more ieiunare nec opus bonum eſſe, nec Deo placere, ſtatim NOS, hoc eſt, MAIOR PARS ſimul cum abuſu verum Ieiunij uſum ſuſtulimus, & Ieiunij loco conuiuia ſumptuoſa & compotationes inſtituimus, adeoq; res redijt, vt qui ad ſuadendum Chriſtianum Ieiunium verba contulerit, reuertendi ad Papatum hominibus auctor eſſe videatur.] De precum porro ſeruore & aſſiduitate, quamq; demiſſe & humiliter, Dauidis ſcilicet exemplo, gratiam luminis & Intellectus petere à Deo Lutherani ſoleant, facillimè collegerit, qui quæ ipſis huius rei præcepta Lutherus dederit, non ignorat. Primum iuuentur breues eſſe in orando, nec idem ſæpius à Deo petere, ne de ipſius prompta iuuandi voluntate diſſidentium ſpeciè præbeant: deinde vel oris habitu, geſtuq; corporis ſpem exploratâ impetrandæ rei præ ſe ferre: poſtremum preces ipſas diris & exſecrationibus miſcere. Hæc enim ſunt Lutheri verba in Poſtilla Wittemb. in Euangelij explanatione dediuite epulone & Lazaro fol. 92. a. §. 2. Promiſit Deus, ſe preces noſtras exauditurum. Poſtquam ergo ſemèl iterumq; oraueris, te exauditum eſſe credere, neq; plus deinceps orare debes, ne Deum tentes eiſq; audiendi patientia abutaris.] *Tomo 2. Ger. Ien. in Epistoſola ad Baronem de Starenberg fol. 459.* Si pro eadem re ſæpius oremus, nempe parum nos Deo credere ſignificamus, adeoq; incredula oratione noſtra magis etiam Deum offendimus. Nam quid hoc aliud eſt, cum idem peto ſæpius, quàm quod in prioribus orationibus nō fuerim exauditus, & ita contra promiſſiones Dei orauerim?] *Tomo 4. Ger. Ien. de bello Antiturcico fol. 435. a. & Tomo 2. Ger. Witt. fol. 540. b. §. 2. docet, non multis verbis cum Deo agi debere, ſed breues eiſmodi formulas ſufficere: O iuua nos Deus pater: Miſerere noſtri Domine Ieſu et.*] In Poſtilla Witt. fol. 62. b. In Papatu omnes iam Concionatores ſtolidè occupantur in docenda ratione, quomodo uia Domini præparanda ſit orationibus, ieiunijs, corporis afflictationibus. Sed ſpiritualis ſit oportet præparatio, quæ in eo conſiſtit, vt agnoſcas et fatearis, te tuaq; opera omnia nihil eſſe. Hoc demū verè eſt via Domino præparare, tametſi interea nihil faceres quàm creticū vinū biberes, per roſas incederes

*Lutheranorum
in orando ratio.*

*Sunt breues, nec
idem ſæpius præ-
cantur.*

*Qui multum o-
rat, Deum tentat.*

*Qui ſæpe orat,
non credit.*

*Quomodo Papi-
ſta ſiam Domi-
ni præparare ſoleat.*

*Quomodo Lu-
therani.*

incederes, neque verbum vllum orares.] *Tomo 2. Germ. VVitt. de oratione aduersus Turcas fol. 475.* Oraturus memento vt audacter & fronte perfrecta siue adites, siue genua flectas, hocque modo Deum appellas: Domine Deus, rogo, vtque annuas volo, vt Ita & Amen esse debeat & oporteat: Sic, inquam, & non aliter: alioquin neque te oro, neque oratum volo.] *Tomo 4. Germ. VVitt. in Comment. Matth. 5 fol. 37.* Nemo Pater noster rectè precari potest, quin simul diras & execrationes admisceat. Nam Pater noster sine diris & execrationibus rectè non oratur] sic ergò nihil mirum est, quod apud ipsos tandem orationis locum Diræ, blasphemie & execrationes occuparunt, velut Smidlinus testatur *in quarta concione de Planetis fol. 141.* Nulla apud nostros Euangelicos morum emendatio conspicitur, sed turpis, bestialis & Epicuræa vita, crapula, vfura, superbia, blasphemia diuinique nominis profanatio: vtque totus mundus videat, eos Papistas non esse, neque bonis operibus fidere, nullum bonum opus faciunt penitus. In loco Ieiunij, dies noctesque potant. Pro Precibus, diris alios deuouent & execrantur, ipsumque Dei nomen tam indignè blasphemant, vt ne apud Turcas quidam talia audiantur. Atque hæc omnia oportet esse Euangelica, & audent adhuc miseri sibi persuadere, se bonam fidem erga Deum in cordibus suis habere, Deum sibi propitium, seque Idololatricis istis Papistis haud paulò meliores esse.

Lutheranorum gestus & humilitas in orando.

Lutherani orare non possunt sine diris & execrationibus.

Quomodo Lutherani ostendunt se non esse Papistas.

Euangelicorum magna fides.

CAPVT. XII.

ATQUE huiusmodi ferè sunt Media, quibus Lutherani Spiritus sancti gratiam ad intelligendam scripturam consequi se longè habet persuasissimū, vt iam quod supra dixi, longè maiore honore ac reuerentia à nobis, quàm ab ipsis, sacram scripturam affici solere, nè Rex quidem deinceps dubium sit habiturus. Neque verò ei illuc confugere est integrum, vt qua animorum præparatione ceteri ad tractanda S. Biblia accedant, nullam in partem sua interesse contendat. Cùm enim sese in Lutheranismò à puero altum & educatum fuisse fateatur, negare certè non potest, se in omnibus fidei articulis, de quibus nobiscum dissentit, non eas scripturæ interpretationes, quas ipse suo Marte inuenerit, sed quas eius Præceptores & Concionatores ex Lutheri, eiusue discipulorum libris, Lutherus porrò, vt supra docui, ex ipsius Satanæ reuelatione primùm acceperat, pro veris & à Spiritu sancto inspiratis amplecti. Sed etiam si ei hoc largiamur & conceda-

Rex Anglorum est Lutheri discipulus, & est, nolit.

F 3

mus

Rex tam Aucupio deditus quibus medijs scriptura intelligantur.

Spiritus sanctus non est auis, quae ab aucupibus capi queat.

Quam contumeliosè Lutherani scripturas tractent.

Lutheri contemptus S. Bibliorum.

Vocat ea librum Hæreticorum.

mus, longè maiori religione, animi submissione & reuerentia eum ad sacrorum voluminum lectionem, quàm ceteros Lutheranos, accedere solere, adhuc tamen valdè se ipsum amet oportet, si tam *Aucupio* deditus, quàm ipsius aduersus Bellarminum verba declarant, repentè aduolaturam sibi Spiritus sancti gratiam putat, quàm tot millia Episcoporum & Theologorum nostrorum omnem vitam in voluendis S. Bibliis eorumque sanctissimis & eruditissimis, qui vnquam fuerunt, Interpretibus consumentium, neq; precum assiduarum, cilicij, ieiunijq; humilitate impetrare queant. Si putat Rex, Spiritum sanctum ex eo auium genere esse, cui rete tendi, quodque Aucupio regio in potestatem redigi queat, nã ille multum fallitur, haberque quod eum quantum in aucupio profecerit, pœniteat, quippe qui *Columbam* illam solis Presbyterij manibus certò capi, quod nos supra S. Pauli maximi ex hac nota Aucupis, ad Timotheum verbis docuimus, nondum didicerit. Verum enimuero non ex præparatione tantum, qua Lutheranos uti solere ostendimus, sed ex ipsa quoq; lectione & S. Bibliorum vsu, quàm parum præ nobis Sacra scriptura reuerentes sint, apparet. qua de re rursum nullius magis, quàm ipsius Lutheri, cum exemplo, tum testimonio ab omnibus rectè credi existimamus. Primum de se suisq; discipulis in *Colloquijs Illebiensibus de verbo Dei fol. 22. b. & 23.* ita confiteatur: Secta hinc nascitur, quod scriptura cogitur vniciusq; arrogantia, persuasioni, petulantia & presumptioni subiecta esse, & pati ut eam quisque pro libitu suo in ordinem redigat, TORQUEAT & interpretetur. A nobis quidem contemnitur, in ordinem cogitur, adulteratur, irridetur & exagitur.] Ac ne quis eum more Prophetarum, se quamuis innoxios in peccatorum confessione cum alijs coniungentium, non tam suum hic, quàm aliorum peccatum confiteri existimet, multis passim documentis, quã ab huiusmodi Societate excludi nequeat, nobis probauit. Quid enim est verbum Dei contemnere, si hoc non est, quod S. Biblia vocat *librum Hæreticorum*, & fontem, ac scaturiginem omnium Hæreson, quia nimirum ab omnibus Hæreticis, velut *Nasens cerens*, in quã volunt partem duci soleat? in *Colloquijs Illeb. de Fanaticis fol. 369. a.* Tollantur de medio Decem præcepta Dei, & cessabunt omnes hæreses. Nam Decem præcepta sunt fons, ex quo velut ex scaturigine Hæreses omnes emanant. Nam sacra scriptura est omnium Hæreticorum liber.] Ita etiam in *Postilla Vitt. in 2. Conc. Oclauæ Dominica post Trinit. fol. 118. b.* Verum est, quod sacra scriptura sit liber Hæreticorum, quia Hæretici plurimum ad eum librum prouocare solent, neq; vlla vnquam Hæresis tam pestifera tamq; infulsa exorta

exerta est, quæ non scripturæ velo se occultare conaretur.] Non minore scripturæ cōtemptum præferunt verba illa, quæ iam supra citauimus, quibus vti Lutheranos iubet, cūm eis Catholici tam multa scripturæ loca pro necessitate bonorū operū obijciunt, vt scilicet dicant: *Nihil curo omnia scripturæ dicta, etiamsi eis adhuc plura afferres. Ego cum Christo sentio, & scio cum nihil mihi mētiri.* quo nō obscurè fatetur, putare se, quod scripturæ mentiri possint. In quā sententiā quoq; scribit, quod *Apostoli errare & falsum docere potuerint*, adeoq; ipsimet de veritate doctrinæ suæ quotidie dubitarint, vt videre est in Colloquiis IIsleb. de Christo fol. 96. §. 3. In Cōcione funebri Electoris Tom. 1. Ger. Witt. parte 2, fol. 190. b. §. 2. & Tom. 5. Ien. fol. 500. §. 1. In colloquiis de Spiritu sancto fol. 125. a. §. 6. Et de Tentationib. fidei fol. 288. b. & in libro de Missa angulari Tom. 6. Germ. Ien. fol. 86. b. & Tom. 7. Germ. Witt. fol. 483. b. §. 3. Quid porrò est adulterare scripturam, si hoc non est, quod vt verbi gratia paucula adducam, quo iam ante 1300. annos Ecclesia gladio longe fidissimo & efficacissimo Arianos & Antitrinitarios iugulare fuit solita, eum nobis de manibus extorquere conatus est, cūm hæc 1. Ioh. 5. verb. ex Bibliis eiecit: *Quoniam tres sunt, qui testimonium dant in cælo: Pater, Verbum & Spiritus sanctus: & hi tres vnum sunt.*] Similiter ne Christi diuinitatem aduersus Iudæos asserere possemus, locum hunc Isai. 9. intolerabili malitia adulterauit: *Parvulus natus est nobis, & filius datus est nobis, & vocabitur nomen eius admirabilis, consiliarius, DEVS, fortis, pater futuræ sæculi, princeps pacis.*] Vocabulum quippe DEVS fraudulentè suppressit. Ita neque hæc verba in Bibliis suis reddidit Marci. 11. *Quod si vos non dimiseritis, nec pater vester, qui in cælis est, dimittet vobis peccata vestra.*] Similiter in loco illo 2. Petri 1. *Quapropter fratres magis satagite, vt per bona opera certam vestram vocationem & electionem vestram faciatis*] hæc tria verba. Per bona opera, dolosè extriuit, quod ijs, quemadmodum & proximo Marci loco suum primarium Articulum euertere sciret, quo docet, qui tantum credat, eum non posse damnari, si vel maximè non dimittendo aliis peccata & nulla bona, omnia autem mala opera faciendo damnari velit. Atq; hæc ipsa causa eum impulit, vt locum Rom. 3. adulteraret: *Arbitramur iustificari hominem per fidem sine operibus legis*] Nam Biblia eius dicunt *Per solam fidem.* Cumque postea hanc eius fraudem Catholici notassent, fidem Poëtæ verbis hisce fecit: *—nihil est audacius illis Deprensus, iram atque animos à crimine sumunt.* Nam in Epistola de sanctorum intercessionibus Tomo 5. Germ. Ien. fol. 141. a. §. 2. & Tomo 4. Germ. Witt. fol.

Lutherani putant S. Biblia posse mentiri. Et Apostolos falsum docere potuisse.

Lutherus quomodo scripturas adulterauit.

*Lutherus quo-
modo Bibliorū
corruptelam
tueatur.*

475. b. ita insanit : Si Papista vester multa vult expostulare propter verbum SOLAM, confestim ei dicito : Doctor Martinus Luther vult sic habere, & dicit, Papistam & Asinum esse rem eandem. Sic volo, sic iubeo, sit pro ratione voluntas. Sum quippe Doctor Doctorum omnium in toto Papatu. Valde bene sciui, quod in Græco & Latino textu vox *solam* non reperiatur, & nihil attinuit, id me à Papistis moneri. Pœnitet iam me, quod non similiter addiderim voces, *Omnibus & omnis*, hoc modo. *Arbitramur iustificari hominem per solam fidem sine omnibus operibus, omnis legis* : vt tanto plenius rotundiusque expressum esset, neque mihi Papistæ, si vel ad insaniam redigerentur, ea rursus ex Bibliis meis eximerent.]

CAPVT XIII.

*Lutheri de li-
bro Iudith cen-
sura.*

IAM quid est contemnere, in ordinem cogere, & arrogantia ac libidini sua subijcere, si hoc non est, quod librum Iudith, quem vt S. Hieronymus in eius libri præfatione testatur, Nicæni Concilij Patres pro Canonico habuerunt, ex Canone Lutherus eijcit, neque inter libros plenæ auctoritatis numerat. Et quamuis Rex satis eum excusatum putet, propterea quod eum librum simul cum ceteris Hagiographis in Bibliis suis reliquerit, intelligentibus tamen adeo factum Lutheri non probat, vt se ipsum simul deridendum præbeat. Quid enim refert, librum illum in Bibliis Lutheri legi, cum de eo in præfatione Lutherus ita censeat: *Si narratio Iudith ex locupletibus, certis & probatis Historiis confirmari posset, sane peregre liber foret, qui merito in Bibliis contineri deberet. Sed difficulter id tolerari potest &c.* Addit præterea, sibi videri esse Drama aut Fabulam, instar Comediæ ab egregio aliquo Poëta fictam: quod idem de Tobia libro sibi videri testatur. De Prophetia Baruch. quam ante 1400. annos, vt scripturam diuinam, ad fidem faciendam Clemens Alexandrinus, tum etiam SS. Cyprianus, Hilarius, Cyrillus, Ambrosius, Basilii, Chrysostomus, Augustinus, Theodoretus, Eusebius, alij modò Ieremiæ, modò ipsius Baruch nomine citarunt, ita in præfatione Lutherus censet, vt librum minimè magni pretij esse dicat, nihilque propius fuisse factum, quam vt idem ei faceret, quod tertio & quarto libro Esdræ fecit, quos quia cum AEsopi fabulis nequaquam comparandi sint, noluit interpretationis suæ opera dignari, neque in Biblia sua referre. Quod si ergo iam ex sinu diuitis Epulonis comiteatu accepto ad nos rediret, & Apologiam Regis nostri videret, cuius frontispicio Regem hæc

*Et de Prophetia
Baruch,*

*Deque libris
Esdræ:*

hæc 3. Esdræ 4. verba præscribere nihil puduit : Omnes populi clamauerunt & dixerunt : Magna est veritas & preualet : aut omnia me fallunt , aut eum huius discipuli , tametsi Regis , multum puderet , qui quidem non Æsopo potius , quàm Esdræ libro , honorem tantum habere voluerit. Iam de Epistola ad Hebræos hanc contumeliosissimam dicit sententiam , eam nihil nisi lignum , fœnum & stipulas fidei fundamentum superadificare , neque Apostolicis Epistolis parem censi posse. S. Iacobi Epistola ipso iudice est straminea , nullamque penitus Euangelicam habet indolem. S. Iudæ Epistola est inanis & superuacua. De Apocalypsi in veterioribus Bibliorum Lutheri editionibus huiusmodi censuram legimus : De Apocalypsi non impedio , quo minùs quisque sentiat , quod ei bonum atque commodum videtur , neque meo iudicio ceteros obligare volo. Tantum dicam , quod ego sentio. Non pauca igitur sunt , quæ in eo libro desidero , vt neque pro Prophetico , neq; pro Apostolico habere possim. Primùm omnium & potentissimum est , quod Apostoli non occupentur visionibus , sed claris perspicuisque verbis vaticinentur , sicut Petrus , Paulus , etiam Christus in Euangelio , faciunt. nam & Apostolico officio conuenit , perspicuè , sine imagine aut visione de Christo eiusque factis loqui. quin imò neque Prophetarum quisquam est in veteri , nedum in nouo Testamento , qui sic ex toto visionibus agat , vt propemodum nihilo melior mihi videatur quartæ Esdræ libro (in quo nihil prorsus est , quin eo meliora in Æsopo , vel etiam in libris adhuc vilioribus inueniri queant , ut ait in Præfatione Baruch) neque quicquam cùm in omnes me partes verto inueniam , cur à Spiritu sancto profectum credam. Præterea in eo intemperans atque immodicus videtur , quod plus quàm alij libri Sancti , in quibus multò maius est momeatum , suum hunc librum commendat , minaturque si quis de illo diminuerit , futurum vt auferat Deus partem eius de libro vitæ : rursum beatos fore , qui seruent verba prophetiæ huius , cùm tamen N E M O S C I A T , quid sibi velit , nedum vt eam seruet , vt iam perinde sit , ac si eam penitus non haberemus : cumque multò nobiliores habeamus libros , qui seruari debent. Multi quoque Patrum hunc librum olim reiecerunt , tametsi S. Hieronymus mirificis eum laudibus tollit , aitque omnem laudem merito eius inferiorem esse , totq; habere , eum sacramenta , quot verba. Sed hoc tamen verum probare nequit , & alias sæpe laudationū suarum modū non habet. Postremò tanti quisq; faciat , licet quantū ei Spiritus suus dicabit. Meus quidem Spiritus in eo acquiesce.

Ex quibus tamen Rex testimonium citare non dubitat.

Lutheri de Epistola ad Hebræos censura.

De epistola S. Iacobi.

Et S. Iudæ.

Et de Apocalypsi.

Atqui sunt Patres , qui ante 1500. annos eum pro Apostolico habuerunt , cum quibus Concilia faciunt.

Lutheranorum potestas de libris scripturae indicandi.

G

quiesce.

quiescere non potest. Atq; hoc mihi causæ satis est, cur non sanè magni eum faciā, quòd in eo Christus neq; docetur, neq; agnoscitur, quòd tamen ante omnia facere Apostolus debet, sicut ipse Christus iussit Act. 1. *Eritis mihi testes.* Quare in illis libris ac quiesco, qui mihi Christum perspicuè pureque tradant.] Hactenus Lutherus.

Hoc loco vix temperabunt, scio, Regis fugitiui quoniam Rex in Apologia Dilemmate magis, quàm aliis argumentandi formis vti se ostendit, ne scilicet eius, cuius se Vicarium vocat, Christi Dialecticam spernere videatur, quin tale Dilemma Regi mittant muneri:

Serenissime Rex,

Aut Spiritus mendaci, aut Spiritus veritatis Lutheri mentem & manum rexit, cum eum in Apocalypsi non sinit acquiescere, sed tam ignominiosè librum hunc tractare, & eius auctoritatem cuius priuato subijcere iussit.

Si eum rexit Spiritus mendaci, fuit Satanae Apostolus & impostor, eiusque doctrina mendax: Maiestas autem tua, qua Lutherum suum scriptorem vocat, eiusque doctrinam cum ceteris Protestantibus sequi se profitetur, non dehinc Fidei, sed Perfidie & Hereseos Defensor rectè censebitur.

Si autem Spiritus veritatis, oportet vt hoc Lutheri iudicium de Apocalypsi verum sit. Et sic Apocalypsis non erit scriptum Propheticum aut Apostolicum, neque omninò à Spiritu sancto profectum, sed eiusdem pretij ac Æsopi fabellæ: NEMO etiam erit, qui quid sibi velit, intelligat. Magno ergò conatu Maiestas tua magnas nugæ dixit, neque librum suum ab omnibus fere Catholicis Regibus ac Principibus non sine irrisione & contumelia reijci, neque ad cognitionem admitti ferre indignè debet. Cui enim bono legerent huiusmodi librum, qui propè totus in Apocalypsi interpretanda occupatur? Turpe est difficiles habere nugæ, & stultus labor est ineptiarum. Itaque iam omnes malent, vt vel in illo patente Purgatorij campo M. T. aucupio dei operam, quàm eiusmodi sibi studia proponat.

Quid

Quid Regis scutigeruli, quorum ille terrorem suis censoribus denunciat, huic Dilemmati reponant. ipsi viderint. Mihi quidem argumentis vicisse sat est, contemptū S. Bibliorum non apud nos, (qui nequaquam priuati cuiusq; Spiritui, imō nec totius Ecclesiæ iudicio libros sacros subijcimus, tantum Ecclesiæ testimonium de illis recipimus) sed apud illos ipsos Regis participes reperiri.

CAPVT XIV.

VT autem quod dixi multo adhuc fiat manifestius, & omne prorsus hac de re dubium & incertum discutiat, subijciam hoc loco verba Lutheri ex Præfatione, quā veteriores Noui Testamenti editiones præferunt. Ex his, *inquit*, iudiciū de scripturæ libris ferre, quiq; eorum ceteris præstent, discernere potes. Nimirum Iohannis Euangelium & Pauli Epistolæ, in primis quæ est ad Romanos, Petri denique Epistola prior, verus demū nucleus sunt ac medulla præ omnibus libris, ac propterea primum tenere locū meritō deberent. Suaferim igitur vniciq; Christiano, vt illos primū omnium & plurimū legat, & quotidiana lectione tā familiares sibi reddat, quā est panis quotidianus. In his enim non multum audis de Christi operibus & miraculis, sed graphicē scriptū legis, quomodo Fides in Christū cum peccato simul mortē & infernum vincat, vitamque, iustitiā & salutē tribuat, quæ vera demū Euangelij natura est. Si enim alterutro carendū esset, vel operibus, vel verbis Christi, modis omnibus mallem Christi factis, quā verbis priuari. Nihil enim mihi facta eius profunt, sed verba dant vitam. Quoniam igitur Iohānes perparū de Christi operibus, plurimum verō de cōcionibus eius scribit, sicut vicissim ceteri tres Euangelistæ plus in eius operibus, quā verbis scribendis occupantur propterea *Iohannis Euangelium est solum verum & præcipuū Euangelium*, ceteris tribus longē longeque ad honorē anteferendum. Ita etiam S. Pauli & Petri epistolæ multū Matthæi, Marci & Lucæ Euangelij præstant. Summa, S. Iohannis Euangelium & prima epistolarum, Epistola S. Pauli, in primisque Romanis, Galatis & Ephesiis scriptæ, tum prior S. Petri epistola, eiusmodi sunt libri, qui tibi Christum intento velut digito demonstrent, omniaq; te doceant, quæ scitu sunt ad salutem necessaria, tamen si nullum alium neque librum, neque doctrinam videas siue audias.]

Lutheri de libris noui Testamenti censura.

Christi facta nihil prodesse Lutherus ait.

—Dei hominumque fidem? Si quis hæc talia Pontifex vñquam

G 2

scribere

*Probatuꝛ Spiri-
tus Lutheri, &
trum ex Deo sit.*

*Christi opera
quid nobis pro-
sint.*

*Apostoli Pauli
de veteris testa-
menti libris iu-
diciuꝛ.*

*Christi de iisdē
testimoniū.*

scribere fuisset ausus, quas non historias Regis, omniumque Luthera-
norum porrecto iugulo audire cogeretur? quantū ei & quā assiduum
à cunctis conuicium fieret? quæ enim hæc Luciferiana est superbia &
audacia, cum opera & facta Christi tam contemptim conterere &
proculcare, tum odiosissima diuinorum librorum inter se compara-
tione illud agere, vt maior eorum pars vix lectione digna iudicetur?
quæ ista tam inaudita impietatis vox aures nostras accidit, nihil no-
bis opera, facta & signa Christi prodesse? An igitur hoc nihil est,
quod fidem in nobis excitat? quod Christo diuinitatis testimonium
præbent? sicut ipse Iohannes testatur, ideò signa quæ Christus fecerit,
perscripta esse, vt credamus Iesum esse Christum, & vt hoc credentes vitam
habeamus: Ioh. 20. quam etiam ob rem Christus ad opera sua Iudæos
prouocabat Ioh. 10. *Opera, quæ facio, testimonium perhibent de me.* Et nihil
tandē est, quod quæ Christus fecit & passus est, non modò erga ipsum
salutis nostræ auctorem charitate nos inflammant, sed etiam, quales
alij erga alios esse debeamus, nobis præmonstrant? *Exemplū dedi vobis,*
inquit Ioh. 13. *vt quemadmodū ego feci vobis, ita & vos faciatis.* Sed nihilo
minoris impietatis est, Apostolos & Euangelistas inter se cōmittere,
& tanquā reliqui non eque Spiritu sancto inspirante scripserint, eos
nullo pæne numero putare. quāto aliter Paulus? qui omnes, etiam ve-
teris Testamēti libros, velut eodem auctore Spiritu Dei scriptos, pari
laude afficit, nec alios alijs longe longeque præfert. *Ab infantia* (inquit 2.
Tim. 3.) *sacras literas nosti, (nempe veteris Testamenti libros) quæ te pos-*
sunt instruere ad salutē per fidē in Christum. Omnis enim scriptura diuinitus in-
spirata (non tantū Euangeliū & epistola Iohannis, Pauli; ac Petri e-
pistolæ, postea demum maiori ex parte scriptæ) *utilis est ad docēdū, ad*
arguendū, ad corripiendū, ad erudiendū in iustitia, vt perfectus sit homo Dei
(hic Episcopus) ad omne opus bonum instructus. Sic Rom. 15. *Quæcumq;*
inquit, scripta sunt, ad nostram doctrinā scripta sunt, vt per patientiam & con-
solationem scripturarum spem habeamus.] 1. Cor. 10. *Hæc omnia in figura,*
contingebant illis: scripta sunt autem ad correptionem nostram, in quos fines se-
culorum deuenerunt.] Quin imò Christus ipse veteris Testamenti li-
bros hanc habere vtilitatem testatur, quod ipsum demonstrent & vi-
tam nobis tribuant. *Scrutamini, inquit, scripturas, quia putatis in illis habe-*
re vitam æternam. Et illa sunt, quæ de me testantur: Et de me Moyses scripsit &c.
Atqui hac laude omnes veteris, plerisque etiam noui Testamēti libros
Lutherus priuat. Et nihilominus eum Principes Cōcordiæ libro sub-
scripti *Excellentissimis Spiritus sancti donis illuminatum fuisse volunt, & Rex*
suum.

CAPVT XV.

53

sciam scriptorem vocare non erubescit, quod tamen minus foret intolerabile, si non vltro etiam, quæ Lutherus & Lutherani peccant, nos Catholicos luere, quod in ipso est, cogeret, hoc est, inuidiosâ insimulatione sacrarum literarum contemptim ac probrosè habitatum oneraret. De quo tamen polliceri nobis audeo, si quemadmodum nunc meo iudicio Lutheri erga scripturas sacras impietate primùm cognouit, ita nostrum, de qua mox infra, in proponendis et interpretandis S. Bibliis ratione rectius didicerit, sedulo posthac operâ daturum, ut ne auctoritatem fidemque illis tribuendo, quæ inimici nostri ex sua libidine de nobis confingunt, suam ipsius existimationem in simile periculum adducat. Nunc quidem certè eius, quam veram putat, pietatis Zelus & nostræ religionis odium simul cum lacte nutricis haustum, meritò nobis eum, ut iam dixi, excusare, & ab omni suspitione eumentiti conuicii scienter in nos iacti dimittere, opnor, debet. *Alienati sunt peccatores à vultu, errauerunt ab utero: locuti sunt falsa,* ait Psalmus LVII. de his, qui proinde ac Rex noster, cum lacte errorem combibunt & extra Ecclesiam educantur. Sequitur, quales adulti postea euadant: *Furor illis secundum similitudinem serpentis, sicut aspidis surda & obturantis aures suas: ne exaudiat vocem incantantium, & venefici incantantis sapienter.* Sed auertat Deus omen, potiusque cor Regi optimo, velut Lydiæ illi purpurariæ aperiat, intendere his, quæ à nobis si minùs sapientibus incantatoribus, fidis certe monitoribus dicuntur.

Regis excusatio.

*Serenissimum Regem vobis, quibus consue-
lit, amicum esse.*

CAPVT XV.

NEGARI, fateor, nequit, nonnulla in libro Regis contineri, quæ suspicionem animi minùs beneuoli mouere vobis possint, cuius generis sunt loca illa, quibus contumeliose sanè & peracerbè vos accipit, dum siue stolidæ simplicitatis vos non obscure insinuat. Pagina quidem 77. scribit: *Nimis anxie studioque hanc futilem & sanè anilem fabulam* (de Elia & Enoch Antichristo regnante in sæculum redituris, quemadmodum S. Irenæus ex Apostolorum traditione scripsit) *refutauit, cui tantum abest, ut credam, ut contra isto tam erudito sæculo, hoc*

Rex Anglus in Catholicos Principes contumeliosus.

G 3

qui

*Iurat Rex se Ca-
tholicos pro Chri-
stianis non habe-
re,*

*Habet eosdem
pro Idololatriâ.*

*Pro Antichristi
adorantibus.*

*Regis Iesuitas
inueniunt.*

qui credat (Deum testor) non modò pro magni nominis Theologo, sed ne pro Christiano quidem habeam] Sic ergo Rex Deo teste & iuratus affirmat, se nequaquam pro Christianis vos habere, quippe qui tam fatui sitis, ut illud, quod ex Apostolorum traditione profectum omnes in hodiernum usq; diem crediderunt Catholici, *fulilem & anilem fabulam* esse nondum hoc præsertim *tam erudito seculo*, quo vel Reges atq; Principes Grammaticorum & cathedrariorū hominū partes inuadunt, peripiciatis. Similiter vos, velut Idololatrias, minimè ferendos sibi videri ita Pagina 43. testatur: *Cum Reliquiarum, tum Imaginum adorationem pro intolerabili Idololatria habeo atq; abominor*] Apparet ergò, quàm vos amet, qui colendis Reliquijs & Imaginibus sanctorū, nemini conceditis. *Bestiæ adoratores Cæsares Regesq; vocat, qui Papæ pedes exosculari non detrectant*, paginis 96. & 97. cum tamen vel ex interpellatione Serenissimi D. Maximiliani Bauariæ Ducis in colloquio Ratisbonensi facta (Ses. 13.) haud ignoraret, eam vobis insignē, & clarissimā iniuriā, in omnes Catholicos redundantē visum iri, cum ipsi eo honoris genere Romanæ Ecclesiæ, eiusq; Antistiti saltē per oratores uestros submissionē vestrā profiteri adeò nihil dubitetis, ut vestra potissimū opera prophetiæ fidē impleri & promissa Dei representari gaudeatis, quæ Isaiæ 49. legimus: *Reges te videbunt, & consurgent honorē habituri Principes, et adorabunt* (non modò Dominū, sed etiā te) *propter Dominū, quia fidelis est & propter sanctum Israel, qui elegit te. Erunt Reges nutricij tui, & Regina nutrices tue: vultu in terram demisso adorabunt te, & puluerem pedum tuorum (eos exosculando) lingent*] Illa porrò quid habent argumenti, quæ in Iesuitas tam atrociter inuehens scribit Pagina 103. & 109. *Eorum secta omnibus regulis & legum nexibus soluta, & ut ita dicam, incomprehensibilis. Benè eos Apocalypsis Ramunculus assimilat. Sunt enim aquibet, qui possint in utroq; elemento cā terra, quā aqua vivere. Quamuis enim professione sint Ecclesiastici, tamen artibus hominum politicorum, cum opus est, utuntur, REGES adeunt terra, quos ad prælium magni diei, & ab Omnipotente Deo constituti congregent. Quæ cades, quamq; horribiles in multis orbis Christiani regionibus lanienæ eorum impulsu perpetratæ sint, & quā malè cesserit Regibus, qui illorum dictis audientes fuerunt, omnes non iniqui temporum nostrorum Historici satis testantur. Quisquis autem Rex & Respub. illos non admitterit, illisque non obtemperauerit, exterminari illum Regem, euerti illam Remp. arma alia si desunt, vel sulfurato puluere oportet*] Et Pagina 99. *Nemo fidem seruare tenetur Hereticis (qui scilicet Iesuitas audit) ullumue contractum cum illis ratum habere: imo æquiuocare (ipsorum verbo*

verbo vtor) & peierare aduersus illos Romano Catholico licet] Quid hæc, inquam, habent argumenti, nisi vos Augustos Austriacæ stirpis Principes, neq; minus Christianissimū Galliæ, & inclitū Poloniæ Regem ac Serenissimos Bauariæ, Sabaudia, ac Lotharingæ Duces, quibus Sacerdotes Societatis Iesu multis nominibus charissimos esse constat, aut velut Phrygas serò sapere, nec vos ipsos in præliū aduersus Deum cogi, & regna uestra lanienis & cædibus cōpleri tot iā licet exemplis doctos animaduertere, aut sanguinarijs hominū omni humano generi scilicet infestorū consilijs faciles aures præbere, & perfidiā atq; verborū fraudes & imposturas istis magistris addiscere, quorū utrū Rex videri velit sensisse, non magis certè Iesuitas, quā vos eorū patronos, vel dicam filios, supra modū contūeliosè tractauit, neq; amici, quem videri vult, munere functus est: quamquam, si verum quærimus, neminis existimationi peius, quā suæ, hoc pullatæ turbæ accersito è triuijs conuicio consuluit, cū eius præsertim falsitatem non ipsi modò Iesuitæ aliq; viri docti, sed etiam Rex Christianissimus tam factis, quā dictis accerrimè confutarint. Ait Rex, eos omnibus regulis & legum nexibus solutos esse. Haud vidi magis, cū obedientia demum sit illud, quo plerique Societatis eius institutum præ ceteris Religioforum ac Monachorum sodalitatibus alioquin adamantes, ab eius ingressu absterri solent, eamq; rem iam lippi & tonsores norunt, neq; ipse Rex opinor, nescit, si quis Iesuita siuè à Pontifice, siuè à Præposito suo in Angliam proficisci iubeatur, eum ex voto, quò se ad parendum obstrinxit ac velut Sacramento dicto auctorauit, confestim illuc ad paratam sibi crucē mortemq; perspicuā abiturum. Quòd si nunc eum tanta sua obedientia tamen omnibus regulis & legum nexibus soluti ac liberi vocandi sunt, quid de se ipso tandem deq; suis Euangelicis Rex dicet, quos negat Lutherus, velut supra bellæ verba audimus, passuros, ut vel minimum præceptulum Moysis, etiam ex Decalogo petittum suis cernicibus imponatur? Magnum verò crimen illud est, & in homine scilicet Ecclesiasticum vitæ genus professo minimè ferendum, quod Reges adeunt Iesuitæ, hoc est, ijs maximè familiares & grati student esse, per quos ad illud, cui se potissimum operamq; suam omnem consecrarunt, ad conseruationem scilicet & propagationem fidei Catholicæ, quā rectissimè & veluti quadam cōpendiaria ad spirare se posse animaduertunt: quod nisi sic facerent, nā Rex ipse, lat scio, eos nescire literas iudicaret. Mirum verò prorsus est, nisi *Dauidi* quoque Rex hic noster in crimine ponit, quod priusquam

*Rex per Iesuitarum
latus ipsos
Reges ac Principes
Catholicos pe-
tit,*

*Magis tamen se
bi ipsi, quam illis
nocet.*

*Societatis Iesu
obedientia.*

*Lutheranorum
libertas.*

*Recte ne regibus
ac Principibus fami-
liaribus esse studeant,*

*Dauidis exem-
plum.*

priusquam Regio culmine potitus esset, & priuatum etiam ageret, nihil Reges adire dubitarit, quemadmodum de se confitetur Psalmo 118. *Loquebar de testimonijs tuis in conspectu Regum, & non confundebar.* Sicut etiam parum ab incitiæ & fatuitatis reprehensione abfuturus videtur propterea, quod filium Salomonem confessario suo propheta Natham educandum dederit, 2. Reg. 12. 25. & post infamem Architophelis mortem, Sacerdotem Abiathar & Ioiadam Leuitici generis in sanctius suum consilium receperit, velut 1. Paral. 27, 34. legimus. Atq; haud scio an *Ezechias* rex huic nostro satis sit purgaturus, quod Episcopum siue sacerdotem *Eliam* super domum suam constituit, siue Aulae Magistrum ac supremum Cubiculariorum fecit, velut Isai 36. 3. scriptum est, tametsi id Dei voluntate factum Isai 22. 21. discimus. *Elisæus* quidem certè vix euadet, quin conuicio eius vapulet, quod cum Monachus esset, aulicis nihil ominis negotijs immisceri, & Regem amicorum causa adire fuerit ausus. Nam 4. Reg. 4. Sunamitiden diuitem & præpotentem matronam (apud quā frequenter diuerterat non apud pauperē aliquā de ima plebe, ut mirer, nisi & illum Rex Iesuita fuisse dixerit) memorem hospitem se præstare cupiens sic compellat: *Quid vis, ut faciam tibi? Habes negotium, & vis, ut loquar Regi, siue Principi militia?* Sed non hoc Iesuita postulant, ut *Elisæo* tanto Propheta sanctiores habeantur. Si ergò nihil *Elisæus* eiusque virtus damni fecit, quando Regis Principumq; & Palatinorum gratiam vitæ sanctimonia collectam priuatæ quoq; amicorum vtilitati impendit: quæ hæc tandem inuidia est pati nolle ut Iesuitæ sinè famæ detrimento ad iuuandam publicam religionis causam Regum Principumq; beneuolentia vtantur? Nemo certè quemquam Iesuitam suum negotium agere, & sub colore vtilitatis publicæ priuato suo emolumento velificari dicet. Nam si vel Societati suæ aliquid eorum impetret, quæ ad habitationis, victus, studiorumq; commoditatem pertinent, adhuc tamen nihil sua causa facit, quippe qui sibi, quod crastina die ibidem loci mansurus, & impetrato beneficio simul cum ceteris perfruiturus, neq; à Præposito suo Generali relictis rebus in Indias, aut ad Antipodas abeundi mandatum accepturus sit, prorsus nequeat polliceri.

CAPVT XVI.

*An Iesuitarum
consilia sint tur-
bulenta & san-
guinea.*

QUOD porrò Rex iacit, *Iesuitas* alijs perfidia, seu fidei, etiam inuisi-
randi religione sacrata, cadisq; ipsis quoq; Regibus intentande auctores
ac magistros

ac magistros esse, id vna nobis opera persuadebit, si eos Lutheranos esse demonstrauerit. Siquidem hæc Lutheri doctrina est, quam ille non ex Pontificiorum libris ac Scholis hausit (nam in ijs neq; vnam apicem fidei suæ, quam Lutheranos, & in ijs Regem hunc nostrum, seruare docuit, inueniri posse, ipsa eius verba, quæ supra cap. VI. protulimus, gloriatur) sed à nocturno illo suo magistro, de quo ibidem cui se acceptum referre ait, quod tātus Doctor euaserit, non difficulter didicit: De quo etiam meminit in Colloquijs Islebientibus de Diabolo fol. 274. b. *Quoties me Diabolus offendit solum, docet me MORES*] Lutheri doctrina seditiosa & comment. Genes. 31. fol. 135. & Tomo XI. Ger. Wittemb. fol. 214. b. §. 2. Ego perfidia Magi- DOCEO Principem nostrum non obedire Cæsari, & absoluo eum ab omni obedientia non tantum Papæ, sed & totius Imperij & Cæsaris] Similiter aduersus Episcopum Naumburgensem Tomo 8. Ger. Ien. fol. 7. docet, non debere Episcoporum subditos ullam Episcopis obidientiam præstare, tametsi sint iurati eorum ut Principum sæcularium subditi, sed potius adniti, ut Episcopatibus suis exuantur. Et Tomo 2. Ger. Ien. aduersus falsò nominatos Ecclesiasticos fol. 120. aut 132. b. & Tomo 7. Ger. Witt. fol. 340. Doctoris Lutheri Bulla & Reformatio: omnes qui inuerint, vitam, opes atq; famam eò contulerint, ut Episcopatus deuastrantur, & omne Regimen Episcopale penitus tollatur, ij demum sunt dilecti Dei filij veriq; Christiani.] Et Tomo 3. Ger. Ien. in consultatione de sedanda seditione fol. 195. per Euangelium (id est, per meam doctrinam) omnes Episcopatus, cum eorum moriuntur Episcopi, vacant, & ipso iure ad Fundatores, siue ad Imperium recidunt] Si quis ei opponat, hanc doctrinam iuri Cæsareo, foundationibus, Imperij consuetudinibus, & paci religionis iureiurando sancitæ aduersari, ac propterea perfidos fore & rebelles, qui eam sequantur: respondet ipse in epistola ad Electorem Saxonie Tomo 2. Ger. Ien. fol. 53. aut 65. aut 94. Misi ciuitati Aldenburgensi Magistrum Gabrielem, discipulorum meorum non postremum, ut pastorem ciuium agat, eosq; Euangelium doceat. Iam verò cum ex ipsius literis, tum ex aliorum sermonibus fio certior, eum populo quidè gratum & acceptum esse, sed hoc vno impediri, quod Canonici Regulares, qui ius patronatus istic habent, eum tolerare nolunt. Itaq; senatui illi hoc dedi consilii, ut etiam inuitis Canonici Gabrielè retineant, cum Canonici nullam eius rei potestatem habeant. Nam Deus ipse OMNEM MAGISTRATVM & omne ius ac potestatem iam abrogauit, quamprimū contra Euangelium

H

agit, Catholicis.

agit, (sive, cum obicem ponit nostræ doctrinæ, eiusq; cursum sistit et impedit) 2. cor. 10. & 13. Non est potestas à Deo data ad destructionem, sed ad ædificationem. Item Act. 5. Oportet Deo magis obedire, quam hominibus] Itaq; senatus Aldenburgeris & Ill.^{ma} Celsitudo vestra in conscientia tenentur impedire falsos Prædicatores, aut saltem curare seu tolerare, vt verus Prædicator ibi constituatur: neq; contra valet vllum figillum, litare, consuetudo, aut vllum Ius, nisi vis aliud facere cogat. nam contra Deum nullum figillum, ius, mos, aut magistratus quicquam potest. Ergo omne canonicorum illorum ius, potestas, census & magistratus iam expirauit, cum apertè nostro Euangelio sint contrarij. Nec senatus à proposito suo debet desistere, nisi per Tyrannidem aut sæcularem potestatem impediatur, quam vim pati quidem, sed nequaquã approbare, neq; consentire debet.] Itaq; nullam iam Lutherani fidem seruare, quamuis iureiurando tabulis vconsignatis firmatam, sed nec magistratui parere possunt aut debent, vbi- cumq; fidei ipsorum propagatio vel minimum impeditur: imò Cæsar ipse tum definit esse Magistratus & in Tyrannum conuertitur, cum potestate ad impediendum Lutheranismi progressum vtitur, quẽ iam arma eo fine sumentẽ quiuis Lutheranus occidere non modò potest, sed etiam ex officio debet. Ita enim nominatim de Cæsare scribit Lutherus Tom. 3. Ger. Ien. in consultatione de vi per vim repellenda fol. 284. b. nullo modo tolerandum esse, si Cæsar Papam tueatur, hoc est, si Catholicos Imperij ordines à Lutheranorũ Principũ oppresseione tutos præstare velit, sed debere eum simul cum Papa ab omnibus obtruncari & occidi.] Hoc consilium in signi scelere & perfidia iunctum Elector Saxonie & Hassiæ Landgravius secuti recteq; se facturos rati (sumptis armis Imperiũ Carolo Cæsari abrogare, eumq; omni Germania expellere sunt conati. Et si verũ Rex fateri velit cuius tamen rei necessitatẽ nõ is ego sum, qui Maiestati ipsius imponere postulem) non alia sanè causa fuit plerisq; omnib⁹, qui nostra & patrũ memoria arma in magistrat⁹ suos mouerunt, quàm quod adamata pestifera ista Lutheri sententia, se iure suo vt, recteq; Tyrannis Lutheranissimi incrementa prohibentibus resistere crediderunt. quæ autẽ Iesuitarũ in eo culpa est, nisi quod exẽplo Davidis de testimonijs Dei in conspectu Regũ loquuntur, eisq; constantiã in auita & patrita Religione suadent? Si etiam eos monent, vt ne Lutheranũ istud Euangeliũ in prouincijs suis regnisq; toleret, propterea quod ex eo, vel ipso confitente Luthero, homines septies tanto reddantur deteriores, quippe cuius primarius articulus solam fidem saluari

*Catholici Magi-
stratus nullum
habent insupra
subditos Luthe-
ranos.*

*Cæsar Lutherani-
smum impedi-
ens sit Tyrannus
& potest à quo-
cumq; subdito
occidi.*

*Ex doctrina Lu-
theri nata aduer-
sus Cæsarem re-
bellio & bellum
Smalcaldicum.*

*Iesuita laudat,
quod suadent
Principibus con-
stantiam in Ve-
teri religione.
Et disuadent Lu-
theranismo tole-
rationem.*

saluari cupientibus necessariam, reliqua omnia, ut furta, adulteria, parri-
cidia &c. libera esse docet (velut supra multis Lutheri verbis docui)
næ illi, quouis ethnico aut Turca iudice, bonorum virorum officium
facere se probabunt, neq; si Lutherani postea, superiorem illam Lu-
theri doctrinam secuti, in periculosam seditionem exardent, tumul-
tus & colluisionis auctores Iesuitæ dici, aut excitati motus cædiumq;
in eo factarum inuidia onerari debent: cum præsertim eos Lutherus
ipse satis purget, dum suam doctrinam, vel post exitum suum è vita,
perpetui aduersus Catholicos belli Tubam fore vaticinatur, quemad-
modum etiam quo ad vixit, nihil sibi seditionibus & rebellionib⁹ anti-
quius fuisse aperitissimè semper tulit. Tomo 5. Ger. VVitt. in comment. Ge-
nes. 16. fol. 97. §. 7. et Tomo 4. Ger. Ien. fol. 97. b. §. 2. Hoc Deus auertat, ut
Euangelium sine seditione prædicemus. Nam si non turbas concitare-
mus, omniaq; pacata & tranquilla essent, actum iam esset de nostro E-
uangelio. Oportet enim, Euangelium turbas excitare, quocumq; venit: hoc
si non faciat, non est verum Euangelium] Tomo 1. Ger. Ien. contra responsum
Capri Lips. fol. 365. §. 4. et Tomo 7. Ger. VVitt. fol. 147. Quod verum Dei ver-
bum doceam, eius rei aliud efficacius argumentum aut miraculum non ha-
beo, quam quod tam citò in vniuersum Orbem (excepta Asia, Africa,
Ameriaca et longè maxima Europa parte) peruasit, tantasq; discordias &
tumultus commouet. Hoc enim nisi faceret, iam diu desperassem &
defecissem] Tomo 9. Ger. VVitt. in actis comitiorum vormaliensium fol. 109. b. §. 3.
et Tomo 1. Ger. Ien. fol. 444. a. §. 2. Nihil omnium rerum ita mihi visu
iucundum est, tantaq; me afficit lætitia, quam cum propter Euangelium
dissenfiones ac tumultus exoriuntur.] Tomo 8. Ger. Ien. aduersus Papatum à
Diabolo fundatum fol. 245. a. §. 2. et Tomo 7. Ger. VVitt. fol. 610. a. §. 3. Vide,
vide, quam æstuat sanguis meus, & caro mea? quam cuperet ex punito
Papatu lætitiā percipere?] Qua pena, queris? Id ibidem sic explanat: sit spiritu prædi-
tus Lutherus, et
Possis quidem eorum merito ipsis imprecari, ut fulmine de cælo tacti
igne infernali tosti (non sulphureo, quem sibi Rex Iacobus à Catholicis
Lutherano consilio usis paratum tam grauitè, nec immeritò, conqueritur)
pestilentia, morbo Gallico, lepra, anthrace, alijsq; malis affecti,
mali malè pereant: Sed hæc omnia nihil adhuc essent aliud, quam
caput eis demulcere, blandèq; subpalpari.] Quis umquam putaret
his tantis malis homini ab homine, quid dico ab homine? imò à Dia-
bolo peius optari posse? Lutherus tamè peius aliquid sibi videtur in-
venisse, quod Catholicis imprecacetur, nempe bellum & seditionem.
Sic enim votum illud suum interpretatur Tomo 1. Ger. Ien. aduersus

Lutherus suam
doctrinā fatetur
esse seditionem.

Miraculum, quod
Lutheri doctrina
Confirmatur.

Lutheri soluptas
ex turbis & sedi-
tionibus.

Vide, Vide, quo
sit spiritu prædi-
tus Lutherus, et
quid Catholicis
precetur.

H 2 Siluestrum

*Lutheri consiliū
de modis propa-
gandi Euangelij
armis nempe,
non verbis.*

*Seditiones Luthe-
ri risu tantum
dignas putat.*

Siluestrum Priariatē fol. 60. b. & Tomo 9. Ger. Witt. fol. 24. b. Propemodum nullū melius consiliū & remedium videtur Papistarū progres-
sus reprimendi, quā ut Cæsar, Reges ac Principes VIM pararent &
armati hos perniciosos homines aggrediantur, & fabulæ huic armis
non verbis finē aliquando imponant. Si enim fures laqueo, homici-
das gladio, Hæreticos IGNE punimus: quare non multo magis hos
pestilentissimos Doctores omni armorū genere adorimur, & in ipso-
rū sanguine manus nostras lauamus?] *Tomo 2. Ger. Ien. aduersus falso no-
minatos Ecclesiasticos fol. 121. b. §. 2. & Tomo 7. Ger. Witt. fol. 331. b.* Res risu
tantum digna foret, si qua insignis & benè robusta concitaretur sedi-
tio, quæ magistratus Ecclesiasticos de mundo exstirparet]

CAPVT XVII.

*Bellum rusticū
ex Lutheri doctri-
na natum.*

*Rustici didicer-
unt à Lutheri, se
nō debere Catho-
licis obedire.*

*Catholici nisi si-
ant Lutherani à
rusticis occidendi.*

*Lutherus docet
Principum opes
esse perdendas,
velut Latronum.*

HIS ita à Lutheri editis & ab omnibus passim lectis, exorta fuit
in Germania *Rusticorum rebellio*, omnibus tam sæcularibus, quā
Ecclesiasticis Principibus, extremorum malorū terrorem denunci-
ans. Ibi alium Lutherus librum edit, quē *cohortationem ad Pacem* inscri-
bit: in quo tamen si pacis componendæ studium præ se fert, reuera
tamen, neq; id obscurē, Rusticos ad seditionem cœdemq; Principū,
nisi Lutherani fiant, inflammat. Hæc enim sunt eius libri verba *Tomo*
2. Ger. Witt. fol. 73. & Tomo 3. Ger. Ien. fol. 14. b. §. 2. Hoc sciatis, boni
Domini: Deus ita procurat, ut non velint, rustici, nec possint, nec
DEBEANT vestram Tyrannidem diutius ferre. Non iam
(postquam ego docere cœpi) Mundus est, sicut olim, cum homines fera-
rum instar agitaretis. Oportet vos alios fieri, & Euangelio locum
dare: Si non feceritis amico voluntarioq; modo, facere vos oportebit
inuitos. Si non coegerint vos isti rustici, cogent alij nam etiam si
omnes occideretis, adhuc tamen salui, nec occisi erunt. Deus enim
alios suscitabit: Si quidem vult vos percutere, & percutiet. Non ru-
stici sunt illi, qui vobis rebellant, sed deus ipse est, qui vos oppugnat
ad castigandam vestram Tyrannidem] Ac ne Rusticos Maiestas
Regū atq; Principū animis perculsos forsan à furore & scelere cogi-
tato deterret, id in primis egit, ut eos nihil furib⁹ ac latronib⁹, vel
certē licitorib⁹ & carnificib⁹, ipsis deniq; Porcis & Turcis meliores di-
gnioresq; faceret uideri. *Tomo 1. epist. lat. Ien. editarū fol. 350. b.* si cui⁹ quā
opes perdendæ sunt, Principum perdendæ sunt, quod Principem esse
& non aliqua parte latronem esse, aut non, aut vix possibile est, eoque
maiores

maiolem latronem, quo maior Princeps fuerit.] *Tomo 2. Germ. Ien. de magistratu seculari fol. 200. §. 3.* Plerumque Principes sunt omnium, quos terra sustinet, stultissimi & deterrimi nebulones : ita vt semper pessima quæque, & parum boni, in rebus maxime diuinis, animarum salutem attingentibus, expectare ab ipsis oporteat : sunt nempe Dei lictores & carnifices, quibus ira diuina ad puniendos improbos & ad conseruandam pacem externam vti solet. Magnus Monarcha Deus est : itaque huiusmodi quoque nobiles, Illustrissimos & ditissimos Carnifices ac Lictores habet, placetque diuinæ eius voluntati, vt suos Carnifices clementissimos Dominos appellemus, eos adoremus, humillimeque ipsis subiecti simus] *Eodem libro foliis 194. §. 3. & 596. §. 3.* Cum videris deesse Carnifices, Lictores, iudices, Barones aut Principes, tuq; te officijs eiusmodi idoneum esse compereris, tua sponte operam tuam offerre Reipub. debes] *Ibidem fol. 197. §. 2. & 598. b. §. 2.* Hoc loco quæri potest, an ergo & Lictores, Carnifices, Iurisconsulti, Aduocati, & si qui sunt eiusdē farinæ (intellige, Principes ac Barones) Christiani esse queant, & in eo statu viuant, qui salutis aditum non præcludant] *Ibidem foliis 199. §. 3. & 600. §. 4.* Nihil aliud possunt Principes, quam excoriare populos & deglubere, ac vectigal aliud post aliud imponere, & simul cauere, vt neque ius vllum, neque fides, neque veritas apud ipsos inueniatur, ita denique se gerere, vt ne latrones quidem ac facinorosi talia audeant] *Tomo 2. Germ. Ien. de vtraque specie fol. 94. §. 3. & Tomo 7. Germ. Witt. fol. 355. b. §. 3.* Oportet sanè ita manere, sicut fuit iam inde à principio, vt nullus status tam multos producat fatuos, quàm status Magnatum, quemadmodum Græco pro- uerbio fertur: Aut Regem, aut fatuum nasci oportet] *Eodem Tomo 2. Germ. Ien. aduersus duo Mandata Cæsaris fol. 424. b. §. 1. & Tomo 9. Ger. Witt. fol. 190.* Turpe dictu est, Cæsarem ac Principes palàm mendacijs grassari. Pol illos ebriosos, temulentos & vesanos Principes esse oportet. Deus mihi, quantum video, non cum hominibus ratione præditis, sed cum *Germanicis Bestiis* negotium esse voluit. Ab ijs, si modò dignus habebor, discerpi me oportet, perinde ac si me Lupi suesque lacerarent] *Eodem libro foliis 435. b. & 197.* Ad extremum omnes Christianos oro, vt simul ipsi orent pro tam miserè excæcatis Principibus (quos in ira sua magna, vt nos affligeret, Deus nobis dedit) ne sequamur eos vlllo modo bellum Turcis inferentes, neue ad id bellum pecunias contribuamus : quandoquidem Turca decies prudentior probiorque est Principibus nostris. quid fatuis huiusmodi contra Tur-

Principes plerū- que pessimi Nebulones.

Sunt illustris- simi Carnifices & Lictores.

Officium Prin- cipis & Carni- ficis sunt simi- lia.

Principes men- daces, ac latro- nibus peiores.

Principes sunt maxime fatui.

Cæsar & Impe- rij Principes mē- daces, ebriosi, insani.

Sunt Germani- ca bestia.

Lutherani non debent Catho- licis aduersus Turcas auxi- lium ferre.

*Carolus Caesar
impudens, quia
Fidei defensorem
se vocat, Va Re-
ge Anglo!*

*Caesar & Prin-
cipes serenissimi
Porci.*

*Sanguinaria
Lutheri concio.*

*Lutherani fun-
dendo sanguine
cælum meren-
tur.*

*Lutheri imma-
nitas.*

*Centum millia
Rusticorum cõ-
siliũ Lutheri
secutorum occi-
sũ.*

cam prosperè succedat, qui Deum vsq; adeò tentant & blasphemant?
Hic enim vides, quomodo miser mortalis vermium Saccus, Carolus
Caesar, qui vitæ suæ nec vno momento certus est, IMPUDENTER se
glorietur verum ac supremum esse FIDEI Christianæ DEFEN-
SOREM. Deus nos ab eiusmodi stolidis, fatuis, insanis, furiosis &
amentibus Morionibus liberet, aliosque per gratiam suam det no-
bis Principes, Amen] Non minori honore Cæsarem omnesque
Imperij Principes anno 1530. Auguste in Comitij congregatos af-
fecit, cum eos Serenissimos & Illustrissimos Porcos vocauit, Tomo 6. Germ.
VVitt. in Glossa Ediçti Cæsarei fol. 164. b. §. 3. & Tomo 5. Germ. Ien. fol.
297. a. §. 3. Cùm autem tam tumultuosus suis scriptis excitatos Ru-
sticos eo loci postea redactos vidisset, vt eos omninò Principum
armis superatum ac perduellionis penas meritas ab ipsis expeti-
tum iri apparet, veritus ne sibi quoque non postremo seditionis il-
lius stimulatori res ea fraudem capitalem crearet, repente stili acu-
men infelicium Rusticorum iugulo intentat, eorumque crudelissi-
mè trucidandorum Principibus auctor est. Tomo 3. Germ. Ien. aduersus
Rusticos fol. 124. a. §. 3. & Tomo 2. Germ. VVitt. fol. 82. b. §. 2. Hic
cædat, iugulet & transfodiat clam aut palam, quicumque potest]
Et mox foliis 125. b. & 84. a. §. 1. & 85. a. §. 1. Videntur Diaboli nul-
lo apud inferos relicto simul omnes in Rusticos ingressi esse. Iam
mira nunc sunt tempora, vt Principes sanguine humano effunden-
do faciliùs cælum mereantur, quàm alij orando. Interficiat hic cæ-
sim, punctim, quicumque potest. Sin autem & occidaris in tali co-
natu, ô te beatum! Beatiori certè mortis genere defungi non
datur: Siquidem verus Dei Martyr moreris.] Et in huius sui libellũ
Apologia Tomo 3. Ger. Ien. fol. 137. 140. 141. 142. & seq. Et Tomo 2. VVitt.
fol. 262. & seq. magis etiam animos omnium ad infeliciũ cadem exacuit:
Dicent mihi, inquit, me parum esse Misericordem. His respon-
deo: Valeat Misericordia: Ego misericordiam hic non audio.
Talibus discipulis talis debetur Virga. Excipias ictus, necesse est,
& sine vlla misericordia moriaris &c.] Quid postea secutum
fuerit, nemo, qui historias legerit, ignorat. Ipse quidem Lutherus,
plus centum millia Rusticorum immaniter cæsos scribit in margine Com-
mentarij Exod. 20. Tomo 5. Germ. VVitt. fol. 223. a. §. 4. Si quæras ex
eo, penes quem tantę cladis culpa resideat, non Iesuitas, aut quem-
quam Clericum (quod Rex noster persuasum fortè cunctis cu-
peret) sed se ipsum ingenuè nominabit. Hæc enim eius ver-
bain

ba in Colloquijs Iſlebiensibus de Concionatoribus fol. 250. §. 5. legimus: *Ego omnes Rusticos ſeditioſos interfeci, quia vt interficerentur iuſſi: ſanguis eorum omnium ſuper caput meum.*] At enim, dicat quiſpiam, non niſi quæ viuo Luthero rebelliones, turbę & cædes exortę fuerunt ſcriptis & dictis eius imputari debent: quæ verò ſublato ipſo acciderunt, ad alios pertinent. Sed longe aliter rem ſe habere non bellum modò Smalcaldicum eius adhuc viui ſuaſu conflatum, ſed etiam ſæpius repetitum eius vaticinium vociferatur. *Tomo 2. Germ. Ien. fol. 130. a. §. 3. & fol. 388. b. Et Tomo 3. Ger. VVitt. fol. 66. b. §. 4. & Tomo 7. Germ. VVitt. fol. 338. in Epiftola conſolatoria ad Miltenbergenses, & in libro aduerſus falſò nominatum ſtatum Eccleſiaſticorum: Si viuo, inquit: pacem præ me non habebunt Papiſtæ: Sin morior, decies tantò minus pacem habebunt.*] *Tomo 5. Germ. Ien. in admonitione ad ſuos Germanos fol. 275. a. §. 1. & Tomo 7. Germ. VVitt. fol. 466. §. 2. Vita mea Papiſtarum Carnifex eſto: Mors mea, eorundem Diabolus: ſic, inquam, & non aliter: idque experientur* [*Tomo 6. Germ. VVitt. in reſponſo ad Regis Anglię ſatyram fol. 448. §. 2. & Tomo 3. Germ. Ien. fol. 331. Doctrina mea debet clamare & verberare: hic modò nullam Deus mihi det patientiam aut manſuetudinem. Hic clamo, Non, Non, Non, quamdiu ſpiro, vt vel Cæſari, Regibus, Principibus, Diabolis & quibuſcumque ilia rumpantur.*] Ex his omnibus nemini non promptum ac perſpicuum eſſe opinor, non modò culpa vacare Ieſuitas, ſed laudem quoque mereri, cum Reges ac Principes ad tumultuoſam Lutheri doctrinam regnorum ſuorum aditu prohibendam cohortatione ſedula impellunt, neque eos ſeditionum, turbarum, cædiumque concitatores haberi poſſe, niſi quis Luthero eam ſibi laudem vindicanti, de rebus etiam apertiffimis & recentiffimis nihil habendum fidei putet, ſive, meridie lucere neget.

Lutherus ſelamina illius cauſam fatetur.

Lutherus decuplo ſeditioſior poſt obitum, quam cum viueret.

Nam ſi uis erat tantum Carnifex: mortuus verò eſt Diabolus.

Doctrina Lutheri tuba belli aduerſus Cæſarem, Reges ac Principes.

Reſtè ergò Ieſuita aditum ei præcludere laborant.

CAPVT XVIII.

SED redeo ad Regem noſtrum, cuius verba, non deerunt, ſcio, qui aliquid monſtrialere ſuſpiciuntur, quæ pagina 108. exſtant: *Chriſtiana Roma interitum deſtine Reges, quos illa honorificis nominibus titulisque ornavit, veniamque eorum libidinibus atque illicitis matrimoniis indulſit*] Fuit, fateor, Henricus VIII Anglię Rex hoc titulo ab Eccleſia Romana pro libro aduerſus Lutherum ſcripto affectus, vt DE-

Rex Anglus pungit Reges Catholicos

FENSOR

*Summ titulum
à Papa accepit.*

*Apostasia Hen-
rici Anglia Re-
gis.*

*Non est Verifi-
mile Regem Po-
lonia à Rege
Anglo perstrin-
gi.*

*Nam Lutherus
duas sorores si-
mul eidem nu-
ptas esse posse
docet.*

*Vtrū Rex An-
glus Gallie Re-
gem perstrin-
gat.*

*Lutherani si-
mul Sxoribus
& ancillis Ss
possunt.*

*Incestus quan-
do Lutheranis
licitus.*

DEFENSOR FIDEI diceretur, quo hic quoq; Rex hodie sibi placet, neq; eo vti religioni habet, tamen si non nesciat iam ex ijs, quæ modò in medium adduximus, non dubitasse Lutherum *impudentie & vesanie* notam Carolo Cæsari inurere, propterea quod sese Fidei Christianæ DEFENSOREM professus esset. Sed de Henrico illo hic minimè vt apparet, sermo est, nam is non alia sanè re ab Ecclesia Romana defecit, quàm quia veniam libidini suæ atque illicito Annæ Boleniæ matrimonio à Pontifice non poterat impetrare. Est ergo nonnullorum suspicio, Serenissimum Poloniæ Regem hic occultè describi, cui coniugis piè defunctæ sororem ducere, summa Reip. Christianæ utilitate sic suadente, hodiernus Pontifex permisit. Sed mihi duobus nominibus id nequaquam fit verisimile. Nam primum nullo peculiari titulo Poloniæ Rex ab Apostolica sede est affectus. Tum facere non potest Rex Iacobus vt id matrimonium pro illicito habeat, cum Lutherus scriptor eius cuius priuato, nulla cuiusquam id utilitate excusante, *binas sorores simul in matrimonio habere ius fasque esse* doceat in commentario Genes. 29. Tomo 4. Germ. Ien. fol. 162. b. 163. a. & Tomo 5. Germ. Witt. fol. 151. b. 152. a. Alij Christianissimum Galliæ Regem notari suspicantur, quod is & titulo *Christianissimi* à Romana Ecclesia ornatus sit, & Pontificis permisso, prius Regis cum *Margareta Valesia* matrimonium pro nullo & irritum habèdum pronunciantis, *Mediceam* duxerit. Sed vix induci possum, vt Anglo Galli matrimonium videri illicitum credam, eumq; huiusmodi sua sententia nouarum rerū in consanguinei & fœderati Regis regno semina iacere suspicer, cum præsertim, si vel minùs ei probarentur causæ, quibus adductus Pontifex matrimonium Galli cum Valesia nullum & irritum fuisse declarauit, saltè Lutheri sui auctoritate ad probandum Mediceæ matrimonium cogi eum sciam. Lutherus enim tantam non modò Regibus, sed etiam priuatis quibuscumque libertatem largitur, velut partim ex verbis eius supra positis, *quibus omnia Christianis libera & arbitraria facit, neque eos vlla lege teneri docet*, partim ex his, quæ sequuntur, apparet. Tomo 2. Germ. Ien. de *vita Coniugali* fol. 168. b. §. 3. aut 152. & Tomo 6. Germ. Witt. fol. 177. Quando vxor marito debitum coniugale negat, aut cohabitare cum eo recusat, tum tempus est, vt dicat ei maritus suus: si tu non vis, erit alia, quæ volet: si neget vxor, dabit ancilla. Repudiata Vasthi Assuerum imitatus maritus accipiat Esther. *Ibidem* foliis 164. a. aut 147. Et 173. a. Si cui mulieri maritus frigidus, caballus ille in cliuo scilicet, aut lorū in aqua obtrigit, potest illa à marito cum ipsius

ipſius patre aut agnato proximo concubendi licentiam poſtulare, ad eamque permittendam maritus tenetur. ſin recuſet, ius ſasque eſt vt mulier ab eo in alias regiones profugiat, ibique cui velit, nubat] *Ibidem foliis 168. a. aut 176. a. docet*, ſi alter Coniugum adulterium committat, poſſe ſine peccato altrum, non aliter, quam ſi mors ei coniugem admiſſet, cum alio contrahere: id quod ſimiliter docet in libro de rebus matrimonialibus Tomo 5. Ger. Ien. fol. 254. & Tomo 6. Ger. Witt. fol. 281. Quin etiam Chriſtianis Polygamiam ſiue multarum ſimul vxorū poteſtatem facit Tomo 4. Ger. Ien. in com ment. Genes. 16. fol. 95. & Tomo 5. Ger. Witt. fol. 95. Quod Abraham, inquit, duas ſimul vxores habuerit, ſic defendi à nobis debet, vt ne cui parū ſimpliciter & candidè deſenſus fuiſſe videatur. Hoc enim ſine vlla dubitatione verum eſt, quod Qvæcumque Patriarchas veteris Teſtamenti exterius feciſſe legimus, integra & LIBERA eſſe, nec prohiberi debeant. Sic abrogata eſt circumciſio, non tamen vt continuò peccatum eſſet, ſi hodie quoque ſeruaretur. ſed libera eſt, neque peccatum, neque bonum opus. Sic agnum Paſchalem comedere, & quæ ſunt eiſdē generis omnia, dummodo ne fiant opinione iuſtificationis conſequentæ, quomodo neque Patriarchæ ea fecerunt. OPORTET igitur inter cetera Patriarcharum exempla hoc quoque numerari, quod plures ſimul vxores habuerunt, vt id etiam prohibitum non ſit, ſed liberum[*Et mox: ſed non prohibitum eſt, plures ſimul vxores habere: neque ego id hodie prohibere poſſem, ſuadere tamen non vellem*] Hoc ipſum pluribus libris ſuis inculcat, vt operoſum ſit loca omnia hic recensere. Atque hanc eius doctrinam ſic probauit Philippus Hæſſia Landgrauius, vt ſibi quoque Patriarchiſſare, binasque ſimul vxores, alteram Principem natam, Equeſtris loci alteram, habere permetteret. quam rem cū ei Catholicus Princeps Henricus Dux Brunſuiciſis probri cauſa obieciſſet, puduit quidem Lutherum ſe auctore id factum confiteri, potiusque libidini Principum rem omnem imputare conatus eſt, tamen ſi nihil dubitare ſe oſtendit, quin Landgrauio facti ſui rationes conſtent. Sic enim ſcribit Tomo 7. Ger. Ien. aduerſus Hans Vorſt fol. 438. a. §. 3. de Landgrauio multis verbis hic diſputare non conſtitui. Landgravius ſatis ipſe ſuam rem ſapere nouit, & ſecum habet homines eruditiffimos (*qui ſcilicet etiam ſine me factum ſui Principis tueri poterunt*) Ego vnā tantū noui Landgrauiam Hæſſiæ, quæ eſt & vocabitur Domina & Mater in Hæſſia, neq; alia, quā ipſa, Landgrauios pariet ac nutriet. Loquor de filia Georgij Saxoniz Ducis. Quod autem partim Principum

Duos Coniuges quando ſimul quæ habere poſſit.

Polygamia Lutheranis libera.

Oportet eſſe liberum plures vxores ſimul habere.

Hæſſia Landgrauius ſecundum Lutheri doctrinā duas vxores habuit.

pum à recto tramite auertimini (*hoc est, quod plures simul uxores habetis; velut Landgraninus*) fecistis, proh dolor! exēplo vestro, vt iam ferē neq; ipsi rustici plures uxores ducere sibi religioni ducant, aut in eo se peccare credant] Sic itaque fieri non potest, vt Serenissimus Angliæ Rex matrimonium Regis Christianissimi controuersum facere, ac nonnullis qui *Gallia Delphino* Nataliū controuersiam motam aliquando cuperent, auctoritatem dare velit, nisi parū sibi constet, & verba illa sua, quibus Lutherum, S u u m scriptorem, seq; eorum, qui Lutherum pro Euangelista, Apostolo & magno Dei Propheta habent, participem profitetur, turpiter recantet. Itaq; mihi persuadeo, eum vetus aliquod matrimonij minū legitimē contracti exemplum, de quo mihi non constat, verbis illis suis perstringere voluisse.

CAPVT XIX.

POSTREM ō non mediocrem tibi, Rex Catholice ac Gallia Regi iniuriam in eo facit Anglus cū tæterrimi *Simonie* peccati nō obsecrē vos postulat, cū scribit Pag. 124. Collegiū Cardinalium, quibus solis eligendi Pontificis ius est, in duas easq; prepotentes factiones discessit, nec iam coniectu sortium, sed prægrandi annua pecunia in amidas aliquot Cardinalium fauores coniecta hæc ad Principum nutu partibus studentium Comitia peraguntur] Nempe credulam ijs aurem præbuit, qui Regiam vestram beneficentiam calumniantur, quasi non alio fine Ecclesiarum quarundam, quæ in vestris sunt regnis, fructus annuos, aut certē delibatam inde partē, quam *Pensionem* dicūt, nonnullis Cardinalium tribuere soleatis, quā vt ij postea toti ex nutu vestro pendeant, & in Comitijs potissimū sacris ei ad Pontificatum suffragentur, quæ vos vestris rationibus priuatis maximē accommodatum putare sciant: quæ calumnia quā inanis & vana sit, neminem fugit, qui res Romanas paulō peritiū introspexerit, neq; ignoret, eum plerumque Comitiorum illorum exitum esse, vt eorum acumen, qui videri cupiunt tantū non diuinatione quadam futurum Pontificem prospicere, vehementer delirare, neque rei quouis sortium coniectu incertioris euentum aliunde, quā ab ipsius Dei providentia pendere appareat. Sed non heri demum aut nudius tertius aurum Hispanicum Romanis inuidiam conflare & calumniis variisque sermonibus ansam dare cœpit, cū apud S. Bernardū in tertio de Consideratione legam: *Quid Legati Apostolici, qui tam sepe in Hispaniam eunt & redeunt, adhuc boni cum illis egerint, nec dum audim-*

Rex Anglus Reges Hispania & Gallia Simonie insinuat.

Liberalitas Regis Catholici in calumniam rapta.

In eligendo Pontifice nihil sanæ factiones.

audiuimus. Et forſitan audiſſemus, niſi præ auro Hiſpaniæ ſalus populi viluiſſet. Vt autem Regi, quod de Cardinalibus auro auctoratis venditisq; iacit, largiamur, adhuc tamen ſudet multum fruſtrag, laboret, ſi cuiquam ſano perſuadere velit, non poſſe Spiritum ſanctum malorū quoq; hominum ſenſus & cogitationes eò dirigere, quod in rem Eccleſiæ ſuæ, cui ſe numquam defuturum promiſit, maximè conſueturum nouerit. Vos cogitaſtis de me malum (ait ad fratres Ioseph, qui eum ex odio vèdiderant Genef. 50. ſed Deus vertit illud in bonum, vt exaltaret me, & ſaluos faceret multos populos. Non veſtro conſilio, ſed Dei voluntate huc miſſus ſum Genef. 45. Neq; ignorare Rex poteſt ex lectione Ioh. 11. etiam Caiphe ſclerataſque linguam & mentem ita Spiritus ſancti nutu gubernatam fuiſſe, vt inſciens illud conſuleret, quod manus Dei & conſilium eius iam inde à diebus æternitatis fieri decreuerant. Quid ergo impedit, quominus idem Spiritus Dei etiam corruptas auro voluntates hominum ad cõmunem Eccleſiæ vtilitatem ſelectat ac torqueat, tametſi ipſi longè aliud habeant propoſitū, neq; de eo, q̃ Deus per ipſos facere intendit, vel minimū ſuſpicari poſſint? Sed nihil mirū eſt, hoc difficilius Regi noſtro perſuaderi, cum Lutheri ſe diſcipulū profiteatur, cuius ſupra verba reddidi, quibus in ſanctiſſima Nicæna Synodo negat quẽquam fuiſſe qui vel minimum Spiritus ſancti odore ſenſiſſet, ac ne Apoſtoliſ quidẽ ſatis concedit, vt de Spiritus ſancti præſentia in Concilio ſuo tam certò affirmet, ne dum Cardinales ſubrogandi Pontificis cauſa ſacra Comitia agitantẽs à ſancto Spiritu gubernari ac ſelecti credat. Itaq; ſi falſa illa, q̃ amplexus tenet, religione nihil ipſius erga vos beneuolentiam & amicitiam creditis impediti (q̃ quidẽ rectè vos credere cẽſeo, neq; quin vobis Rex ſimul cum Hæreſi ſua eadẽ omnia, quæ ſibi exoptet, bona ex animo cupiat, dubitandū puto) non debetis certè, quẽ in vos ab eodẽ inclementiùs dicta ex ipſius libro adhuc ppoſui, veſtri poti⁹ odio aut contumeliæ assignare, quàm ingenti religionis ſuæ Zelo, & maximè vos ad eandẽ ſiue argumentorū momētis, ſiue verborū cum indulgentia, tum acrimonia, traducendi cupiditati tribuere. Docet Apoſtolus 2. Cor. 3. mentes in religione errantiū à Principe ſæculi huius exæcatas eſſe, vt eis illuminatio ac ſplendor veritatis nequeat affulgere. Quemadmodum igitur inhumaniùs facere videatur, ſi quis cæco, propterea quod in ſe incurrerit ſequẽ offenderit, ſuccenſeat: ita bonitate veſtra indignum foret, quædam non bona dicta, quæ Regi ſuus error expreſſit, grauiùs accipere, aut ad contumeliã interpretari. Mihi, vt imagine vtar, idem in Rege contingere videtur, quod ijs vſu

Deus etiam malos homines dirigit, quo ipse vult.

Lutherus in Concilio Nicæno non credidit fuiſſe Spiritum sanctum.

Ita Rex non credit eſſe in Concilio Cardinalium.

Regi Anglo-Catholici Principes merito ignoſcunt.

venit, qui vitreos orbiculos colore aliquo tinctos naso imponunt, vt omnia scilicet, quæ per Orbes illos contemplantur, eodem, quo illi, colore contacta eis appareant: quos nisi remotis illis sine errore in res singulas intueri frustra iubeas. Nam Rex similiter ex peruersa illa, quam puer combibit, religione non prius Catholicorum, in primis, quæ Ecclesiasticorum dicta ac facta inuidiosius interpretari desinet, quam suam de cōtrouersis fidei capitibus sententiam mutauerit, cum præsertim iustus dolor ex atroci illa coniuratione hominum Catholicorum, sed ea in re Lutheri potius, quam vel Pontifici, vel Bellarmi- no dicto audientium conceptus, & alta mente repostus eirò ἀπιστεῖν, vtque non temerè deinceps credat, in primis inculcare videatur. Ita- que mihi *Consilij Regis Dissuasione* ad vos instituenti, eandemque ad aliorum quoque vtilitatem Typis in publicum emittere cogitanti illud in primis fuit propositum, vt non frustrà legisse me demonstrarem, quod S. Paulus oportunè monet 2. Tim. 2. *Seruum Domini non oportet litigare, sed mansuetum esse ad omnes, docilem, patientem, cum modestia corripientem, eos, qui resistunt veritati: Si quando Deus det illis penitentiam ad cognoscendam veritatem, & respiciant à Diaboli laqueis, à quo captiui tenentur ad ipsius voluntatem.*] Quid secutus fuerim, dixi. Fuerim ne autè id, quod volui, affecutus, aliorum facio iudicij, maximè qui, quantæ sit temperantia, eum, qui in suæ Religionis hostem dicat, abstinere maledicto, facto vel semel tantum periculo didicerunt. Si quod mihi verbum excidit, quo videatur Potentissimi Regis honos secularis fugillari, (nam quæ suscepta eius, quam ex animi sententia veram iudicio, Religionis propugnatio postulauit, nullum sibi precatorem quærunt, nec ignosci sibi petunt) id ego nō ad vllam contumeliam dictum videri, sed potius imprudentiæ meæ assignari etiam atque etiam rogo. Neque hanc, puto, veniam grauabuntur, quibus nequaquam fiet verisimile, vt qui tot iam annis meum non tantum erga plebeios aut Equestris modò loci Nobiles, sed etiam erga complures Procerum atque Principum Protestantium, qui superioribus annis ex Germania Romam venerunt, meque familiaris vfi sunt, cultum, studium, obseruantiam & benevolentiam factis ipsis pro virili mea parte declarauim, is nunc verborum intemperantia & acerbitate gratiam officijs meis collectam simul omnem effundere, & ex contumelia tanti Regis, cui alioquin etiam inimici Virtutis raræque vel in homine priuato doctrinæ & eloquentiæ laudem tribuere coguntur, iustum ceterorum Principum odium suscipere velim.

CAP.

*Mihi propositum
fuit sine verbo.
rum acerbitate
cum Rege age-
re.*

*Difficile est ini-
mico Religionis
sua non male-
dicere.*

*Mea erga Pro-
testantes.
προποπία.*

ET quidem vt nulla esset res alia, quæ mihi verborum aduersus Regem modestiam suaderet, hoc vnum nempe mihi satis fuerit, quod vix posse videor ad certiore & probabiliorem regulam omnia mea scripta, dicta ac facta dirigere, quàm si Luthero per omnia dissimillimus esse studeam. Is autem ingenium moresq; suos ita nobis depingit *Tomo 1. Epistola. latin. Ienæ edit. fol. 291. b.* Non possum timere præcitem & indoctam istam inuidiam (*eorum scilicet, qui acerbis simorum maledictorum frequentiam in me reprehendunt*) Sic me Deus rapit, qui viderit, quid faciat per me, cum mihi sim certus, nihil horum (*tam atrocium conuictorum*) ex me quæsitum aut petum, sed omnia alieno furore mihi extorqueri.] *Et fol. 292.* Negare non possum, me esse vehementiorem, quàm oporteat: quod cum illi *Papistæ* non ignorent, me *iracundum* CANEM irritare non debuerunt. Quàm sit difficile calori & stilo temperare, vel ex te ipso discere potes.] *Et mox:* Ego & calidus sum, & stilum habeo non penitus obtusum. His monstris vltra modestiæ decorum feror] *Eadem pagina auersa:* Video ab omnibus in me peti modestiam, maximè ab hostibus, qui minimè tamen omnium eam præstant. Ego si immodestior sum, simplex tamen & apertus sum, quo illis me puto præstare.] *Et Pag. 304.* testatur malle se inueniri *superbum, auarum, adulterum, homicidam & omnium viti-
orum reum,* quàm vt non strenuè conuiciando pro Dei sui causâ propugnet & cornua in Pontificiam Religionem erigat, hacq; confessione sese ab omnibus peccatis absolutum iri sperat. *Tomo 5. Ger. Ien. aduersus nebulonem
Dresdensem fol. 309. §. 4. & Tomo 9. Ger. witt. fol. 465. a.* Nihil curo, quod queritur in libro meo ferè tertio quoq; verbo nominari Diabolum, & conuicijs ac maledictis omnia plena esse. Hæc mea debet esse gloria, meusq; honor, & sic etiam habere volo, vt deinceps de me dicatur, quod plenus sim maledictis, criminibus & execrationibus in *Papistas*. Volo & de cetero me aduersus nebulones istos exercere criminationibus, diris & imprecationibus usq; ad sepulturam meam, neq; ullum bonum dictum aut placidum verbum ex me audient. Ego meo tonitru ac fulmine sic eis ad sepulturam compulso.] Quanta ei seruandæ fidei in eo, quod hic promittit, cura fuerit, omnes eius libri vociferantur, quos conuicijs atrocissimis, & post homines natos omni memoria inauditis referat, nulla prorsus vel maximorum Regum atq; Principum, etiam in rebus nihil ad religionis causam spectantibus, sed merè sæcularibus & ciuilibus ratione habita, adeo vt etiam gloriatur, se illum esse, qui primus conuiciandi Regibus, an-

*Etiam propterea
moderationi stud-
ui, & esset Lu-
thero dissimilli-
mus.*

*Lutherus fatetur
se esse maledictum.*

*Fatetur se esse ca-
nem iracundum*

Et Immodestum

*Lutherus glori-
atur se esse ma-
ledictum.*

*Et minatur se
talem semper fu-
rurum.*

*Lutheri scripta
videntur à Di-
abolo profecta.*

*Lutherus morā
Principibus ma-
ledicendi indu-
xit.*

*Eius in Carolū
Caesarem male-
dicta*

*In Regem Fer-
dinandum.*

*In Henricum
Anglia Regem*

*In Georgium Sa-
xonie Ducem.*

tea tangi infuetis, morem induxerit. *Tomo 2. Ger. ten. in epistola ad Iohannem à Plauri fol. 207. b.* Non me fugit, ferè omnia mea scripta eius fuisse notæ, vt primum à Diabolo profecta viderentur, & metus esset ne propter illa statim cælum rueret. Sed postea conuersa est rerum facies & mutata ratio. Alia iam sunt tempora (*postquam ego scilicet discipulos post me abduxi*) vt iam Magni Principes prius insueti, liberè tangantur: quidque Deus per hanc rationem facere cogitet, suo tempore apparebit.] cuiusmodi verò *Tangendi* libertatem dicat, ex his, quæ subijciam speciminibus, perspicuè cognoscetis. De *Dino Imperatore Carolo V.* iam supra quid contumeliæ causa Lutherus scripserit, audiuius: Ipsum scilicet cum ceteris Imperij Electoribus ac Principibus Serenissimum Porcum, Germanicam bestiam, apertè mendacè, impudentè, temulentū, insanū & furiosum appellat. Alibi de eodem scribit, non Monarcham esse, sed Tyrannū, qui cum Fratre Ferdinando datam fidem non seruet, quin imò perfidè iusiurandum Imperio datū violet, & reuerà nequaquam Fidei Catholicæ defensionē, sed Principum Germanorum bona quærat, astuta, iniqua & turbulenta consilia agitet, neq; quiquam à quouis priuato latrone differat. De Rege Romanorū *Ferdinando* ita iudicat: nihil eum habere Principe dignū, sed esse seruilis naturæ, adeoq; minimè eius opera aduersus Turcas vtendum esse. *De Henrico Octauo Angliæ Rege:* probrum & dedecus generis humani, apertè mendax, nequaquam vir bonus, non modò mentitur vt leuissimus nebulo, sed etiam cuius sceleratissimo nebuloni præferri meretur, quod ad sæcularem honestatem attinet, indignus, qui corrigiam calceamentorum Lutheri soluat, perfidus, ne pilum quidē Regis habet, nequaquam bona fide aut conscientia Angliam possidet, ac propemodū eodem iure Regnum suum tenet, quo Papa suum Papatum (*quomodo igitur Rex Iacobus tantopere ius suum zelat, cum Apologie suæ Pagina 65. ad oram scribit: Longè facilius probatio est, me Maioribus meis successisse, quàm Papam sancto Petro?*) neque vnum modò verū verbum loqui potest, effeminatus homo, sub regio titulo mendacissimus nebulo, indoctus Asinus, Percus, Sacrilegus homicida, falsarius, infelix librorū scriptor, quibus merebatur, vt nō Rex Henricus, sed *Magister Henricus* diceretur, leuissimè mentitur & muliebriter insanit. Ad optimum Principem *Georgium Saxonie Ducem* sic in epistola scribere audet: Noui Inclementiæ suæ agrestia mendacia, & vanitatē eius perspexi: neq; enim nunc primū Inclemētia sua de me mentita est, meq; falsis & fictis criminib^o onerauit.] *Eiusdem sic alijs*

alijs locis meminit: Stamineus, Papyrace^o Tyrannus, Porcus, Canis, Dedecus Saxonica domus, fur, agrestis, plenus scelere & nequitia, proditor, seditiosus latro, de quo nihil honorifice cogitari, dici aut scribi queat, meus inclementissim^o Princeps Georgius, cuius ira sic me perterrituit, vt panè mihi ventris crepitus erumperet. Reuerendus & doctissim^o Doctor Dux Georgius, Asinus ad lyram, impudenter & aperte mendax &c. *Henricum Ducem Brunsvicensem* sic describit: Effeminat^o et ignau^o Nebulo, scortator & Adulter, qui merebatur à carnifice interfici: turpissim^o & deterrimus omniū, quos vmquam sol illuxit, qui corā mundo honestè Princeps appellari nequit: mille annis quærare debet priusquam vel vnū pilū honoris sui inueniat: tam sceleratus, vt multi Rotæ supplicio afficiatur, qui vix vnū alterūq; quotidianorū eius peccatorū fecerint: non deberet librum scribere, nisi prius Scropham veterē ventris crepitum emittentem audisset: tum deberet ore contrā hiantē dicere: Gratias tibi, mea Lusiniola: hic tandem Textum pro me inueni: deberet esse Eunuchus, & morionis vestitu indutus, fiabellumq; manu tenens mulierū pudenda custodire ac muscas inde abigere: crudelissimus Mezentius, natura & progenie (hoc est *In totam stirpem Ducem Brunsvicensium*) ferox & truculentus. *Bavaria Ducem Brunsvicensium* ab antiquo superbos, inflatos & arrogantes fuisse dicit: sicut & hoc, & superiora maledicta omnia, indicatis libris & paginis, *In Ducem Brunsvicensium* inueniet, qui librum meum *De auctoritate Lutheri eiusq; doctrina Germanica lingua scriptum & Grætij typis impressum legerit.*

Atque talis cum fuerit Lutherus, tamen ne audebit Rex eum cum S. Iohanne Baptista, quo maiorem inter natos mulierū surrexisse Christus negat, inuidiosè conferre, eiusq; maledicentiam obscenitate iūctam, ac neq; in improbiſſimo scurra tolerandā, sobria hui^o grauitate tegere ac defendere: neq; se auctoritatē mihi ceterisq; dare animaduertet eadē in ipsum verborum contumelia inuehendi, qua in tantos Cæsares, Reges, Principesq; Lutherum inuehi solitum docuimus? Si enim nihil Luthero sua ingens conuiciandi libido nocuit, quin eum Rex scriptorem suum adoptaret, & vel cum S. Iohannis laude coniungeret, non videtur certè nobis pertimescendum, ne eadem rabie aduersus Regem pro publica Ecclesiæ causa efferari nobis fraudi sit, & exhausti pudoris frontisq; perfrictæ reprehensionem pariat, cum præsertim neq; Rex ipse imperare sibi potuerit, vt grauissimis in Bellarminum maledictis abstineret, neq; eum toties impudentiæ, falsi ac mendacij, & ledicti, quidem nullo ipsius merito insimularet, Sed facile intelligimus, non esse

In Henricum Ducem Brunsvicensium,

In totam stirpem Ducem Brunsvicensium, Bavaria Ducem Brunsvicensium, In Ducem Brunsvicensium,

Rex Anglus Lutherum cum Iohanne Baptista comparat.

Regis Angli in Bellarminum maledicti,

Catholici quales esse & velint.

esse nostrum neq; ad Regis, neq; ad scriptoris sui Lutheri exemplum componi, sed potius sanctos Christi Apostolos imitari, eorumq; dicto audientes esse 1. Cor. 4. *Imitatores mei estote, sicut & ego Christi. Maledicimur (ego ceteriq; Apostoli) & benedicimus : blasphemamur , & obsecramus.* Roma. 12. *Benedicite persequentibus vos : benedicite , & nolite male dicere. Nulli malis pro malo reddentes: provideñtes siue provide facientes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes &c.* Colos. 3. *Deponite iram, indignationem, malitiam, blasphemiam, turpem sermonem de ore vestro : propter quod venit ira Dei super filios incredulitatis. Tit. 3. Admone illos Principibus & potestatibus subditos esse, neminem blasphemare, non litigiosos esse, sed modestos, omnem ostendentes mansuetudinem ad omnes homines.]* Itaq; clamet Lutherus, quantum volet, illud ipsum, quod se facturum promittit, in responsione ad Regis Angliæ Satyræ Tomo 6. Ger. Witt. fol. 448. §. 2. & Tom. 3. Ger. Ien. fol. 331. *Doctrina mea debet clamare & verberare : hic modo nullam mihi Deus det patientiam aut mansuetudinem : hic dico : Non, non, non, quamdiu ipso, vt Cæsari Regibus, Principibus, Diabolis & quibuscumq; illa rumpantur] Sic, inquam clamet licet, seque à Deo ad maledicendū rapi, idq; sibi gloriæ ducere vociferetur, frustra vt hoc ei credamus Rex noster laborabit. Maior & Sanctior nobis est Iacobi Apostoli, quam omnium Iacoborum Regum auctoritas, neq; eius epistolam Luthero stramineam videri quicquam moramur. Itaq; studemus, tametsi non satis id assequimur, vt ad hanc Iacobi doctrinam velut ad normam actiones nostras dirigamus. Quis sapiens & disciplinatus inter vos? Ostendat ex bona conseruatione operationem suam in mansuetudine sapientie. Quod si Zelum amarum habeis, & contentiones sunt in cordibus vestris : nolite gloriari, et mendaces esse aduersus veritatem (quasi dicat. Nolite dicere. Hæc mea gloria esse debet, quod sim conuicator in Papistas, et Deus sic me rapit) Non est enim ista sapientia deorsum descendens, sed terrena, animalis Diabolica. Vbi enim Zelus & contentio : ibi inconstantia, & omne opus prauum. Iacob. 3.*

Serenissimum

CAPVT. XXI.

73

*Serenissimum Anglia Regem, alioquin oculatissimum
ac prudendissimum, hac una in re, quam vobis suadet,
omnino cacum, eiusq. Consilium perabsurdum
esse, ac prorsus communi sensu
carere.*

CAPVT. XXI.

QVONIAM igitur Regem à vobis pro viro bono & amico vestro
haberi adeo non impedio, vt vltro etiam omni suspicione eum
exsoluerim: reliquum nunc est, vt quod de Prudentia ejus & intelli- *Rex in primis
capit pro intelli
gente haberi.*
gentia, dicturum me recepi, tandem persoluam: Si quidem Regi plus
de illa, quàm de Candore atq; Amicitia, curæ fuisse intelligo. Sed hoc
loco primum omnium testor, nequaquam id mihi esse propositū, vt
literarū, ingenij ac doctrinæ laudē Serenissimo Regi adimā, quē ego
ijs nominib⁹ tanti facio, vt plurimū sæculo nostro de hoc tanto orna-
mēto gratulandū putē. Sed neq; Prudentiæ, cujus in regēdis conseruan-
disq; regnis ac rebus publicis vsus est, expertem videri postulo. nam
tantam ei huius virtutis laudem tribuendam censeo, vt sicut eum
eruditissimo Imperatori Iuliano τῷ παραβατῇ nihil literis & po- *Rex Iuliano
Apostata in qui
b. rebus similis.*
litiori humanitate concedere existimo (alia enim eius Imperatoris
non attingo, neq; Regi comparationis invidia molestiæ esse volo)
ita neque Pharaoni illi Aegyptio, de quo in Exodo fit mentio, ad rati-
onem atq; prudentiam gerendæ & conseruandæ reipub. parem fa-
cere dubitem. Ac ne cui similitudine vti videar, quæ vel vtroq; pede
claudicet, vel omnino pedibus capta sit (quod in Bellarmino
Rex deprehendisse se credit) adductis parumper scripturæ verbis,
quàm hic noster Pharaonem reddat, manifestum vobis faciam.
*Surrexit Rex NOVVS super Aegyptum, & ait ad populum suum: Comparatio Re
Ecce, populus filiorum Israel multus, & fortior nobis est. Venite, sapien-
ter opprimamus eum, ne forte multiplicetur &c. Quis non eandem
in hoc Nouo Rege sapientiam animaduertat, quo loco Regibus, *gis Angliæ cum
Pharaone.
Primus pes si-
militudinis.*
Principibus ac Rebus publicis auctor est, opprimendi Cleri siue
Ecclesiasticorum? Quod si (inquit) potentissimus quisque vestrum
altē serioque recogitet, pene tertiam partem populi solique vestri Ecclesiæ
dicatam esse: nonne illius, quæso iacturæ sensus animos vestros percutiet,
quæ tantum hominum fundorumque vestro iuri subtrahat, vt ubique Pontifici
Colonie*

K

Secundus pes.

Colonia provinciaeque constituantur? Est tamē adhuc illud, quo nihilo eidem Pharaoni dissimiliorem se noster probat. Cum enim summi Sacerdotes Moyses & Aaron ingressi ad Pharaonem dixissent: *Hac dicit Dominus Deus Israel: Dimitte populum meum, ut mihi sacrificet in deserto.* Pharaon statim, qua erat scilicet perspicacia, eos OTIO abundare animaduertit. Respondit igitur: *Vacatis otio, et ideo dicitis: Eamus et sacrificemus Domino.* At enim eodem prorsus modo Rex noster cultum, quem nostri

Tertius pes.

clerici ac Monachi Deo exhibent, OTIVM interpretatur, velut ex verbis ipsius supra cap. X. constitit. Hoc amplius, indignum putauit ille, Moyse Deo suo (sic enim loquitur Deus ad Moysen Exod. 7. *Ecce constitui te Deum Pharaonis, & Aaron erit propheta tuus*) eiusque Prophetæ obedire, quod scilicet populum Israël suum seruum esse, crederet, neque quemquam se superiorem agnosceret. *Nescio Dominum,*

Quartus pes.

inquit, *& Israel non dimittam* Exod. 5. similiter hic noster, Catholice Religionis exercitium Anglis suis non permittit, neque Pontifice, quem Deus, ipse Deum, siue Pastorem ac magistratū constituit, *vlla ex parte inferiorem ducit.* Præterea Pharaon, ut miraculi à Moysis Propheta Aaron facti diuinitatē eleuaret, per sapientes & maleficos suos simile quiddam patrandum curauit Exod. 7. Eodem pacto Rex Iacobus facturum se minatur, si Pontificis Propheta Bellarminus, aut alij, ad asserendam diuinam, siue à Deo acceptam, Pontificis auctoritatem, quippiam ediderint: *sat certus sum* (inquit Pag. 119.) *nequaquam ex subditis meis de fustibus, qui scriptoribus illis, meisque censoribus fuisse copioseque respondeant.* Et hætenus quidem pulchrè ambobus istis populi Dei oppressoribus conuenit, neque habet, quod hanc Rex Parabolam pedibus captam esse iudicet, quam nos quadrupedem induximus. Faxit modo Deus, ne quintus aut sextus ei pes accedat, quod fiet, si Rex obstinationē Pharaonis imitatur malo tandē leto malè in æternū perierit.

Quintus & sextus pes.

Cuius sapientia opinionem Regi adimere studeam.

Cum igitur sapientiæ ac Prudentiæ opinionem Regi adēptam cupio, non nisi de illa loquor, quam Apostolus in mysterio reconditā dicit 1. cor. 2. id est, veram & germanam sacræ scripturæ interpretationem ac sententiam: *quam, inquit, nemo Principum huius sæculi cognouit: nobis autem* (pastoribus ac doctoribus, qui Legatione pro Christo fungimur 2. cor. 5. per impositionē manuum Presbyterij ad munus illud assumpti 1. Tim. 4. & Act. 13.) *reuelauit Deus per spiritum suum.* Hanc non sibi solū Rex arrogat, sed vobis quoque eiusdē adsciscendæ & arrogandæ auctor est: quo ego consilio nullū dementius, absurdius, magisque abhorrens, homini non prorsus communis sensus experti in mentē venire posse existimo: non quo vobis S. Biblia non diligentissimè legenda

Consilium Regis est absurdissimum. Reges ac Principes deberēt multum S. Biblia legere.

&

& relegenda esse putem (nam, vt Salomon ait Prouerb. 25. *Gloria Dei est calare verbum suamq; sapientiam in mysterio recondere, et gloria regum est inuestigare sermonem, & à Sacerdotibus non ipsum modò scripturæ textum ac volumen, velut Deuter. 17. 18. iubentur, sed verum quoque sensum & interpretationem exquirere. Aggæi 2. Interroga Sacerdotes Legem Malach. 2. Labia Sacerdotis custodient scientiam in mysterio reconditam. & Legem requirent ex ore eius, quia Angelus seu Legatus Domini est*) Sed quia Rex tantum sibi sumit, vt non modò quia Græce ac Latine scit, continuò omnia scripturæ mysteria sibi aperta, plana & perspicua esse putet (nam disertim de Apocalypsi dicit Pagina 74. eam omnibus sanctis Patribus, ac Doctoribus obsignatam fuisse, & nihilominus eius aperiendæ & interpretandæ peritiam de se pollicetur) verum etiam vobis, quos adhuc cæcos putat, suam Ducis ac magistri operam profiteatur, vt nempe sic fides constet Christi verbis illis : *Si cæcus cæco ducatum præstet, ambo in foueam cadunt.* Matth. 15. Loquor autem de illo Cæcitatibus genere, quod *Hypocritis montem Sion oppugnantibus*, hoc est Hæreticis Christianos quidem se perhiberi volentibus, sed veræ tamen Ecclesiæ Christi inimicis Deus comminatur apud Prophetam Isai. 29. *Miscebit vobis Dominus spiritum soporis, claudet Oculos vestros : Prophetas siue Theologos & PRINCIPIES vestros, qui vident visiones (qui Visiones Apocalypseos se videre putant & alijs etiam interpretari conantur) operiet. Et erit vobis visio omnium (siue, scriptura Prophetica) sicut verba libri signati, quem cum dederint scienti literas, dicent : Lege istum : & respondebit, Non possum, signatus est enim. Ecce ego addam vt admirationem faciam populo huic, miraculo grandi & stupendo : peribit enim sapientia à sapientibus eius, & intellectus prudentium eius abscondetur, hoc est, faciam, vt Principum alioquin doctissimorum & prudentissimorum in sacra scriptura interpretanda stuporem nemo satis mirari possit. Hoc ipsum apud Iobum spiritus sanctus eis futurum denunciat. Iob. 5 & 12. Apprehendit Deus sapientes in astutia eorum, & consilium prauorum dissipat (cuiusmodi est hoc Regis nostri consilium, quo vobis Pastorum vestrorum spernendorum auctor est) Per diem incurrent tenebras, & quasi in nocte, sic palpabunt in meridie, hoc est, etiam in illis scripturæ locis, quæ luce meridiana claria sunt, nihil prorsus intelligent. Immutat Deus cor PRINCIPVM populi terræ, & decipit (siue propter eorum superbiam decipi permittit) eos, vt frustra in-*

Sed verum sensum à sacerdotibus discere.

Rex Anglus se omnibus sanctis Patribus præfert in Bibijs intelligendis.

Hæretici Principes sunt cæci, neq; S. Biblia intelligunt.

cedant per iunium, siue, *timere non trito*, vt Ier. 18. loquitur, aut vt nouis scripturæ interpretationibus subscribant. *Palpabunt quasi in tenebris, & non in luce, & errare eos faciet, quasi ebrios.*] Quod autem Rex huiusmodi prophetiarum fidem consilio isto suo impleuerit, idque vobis suaferit, ex quo eum oculis pariter, ac mente captum esse quiuis perspiciat, id ego me ex ipsis sacre scripturæ verbis tam planum, vel potius tam expressum, tamque perspicuum & euidentem facturum recipio, vt quemadmodum Isaias loquitur Cap. 29. *vel surdi verba Libri audiant, & cecorum Oculi de tenebris & caligine videant.* Vos modò, Augustissimi & Serenissimi Dij terræ, attendite, & *inclinate aurem vestram in verba oris mei.* *Aperiam in PARABOLIS os meum loquar: propositiones occultas ab initio.*

*Regis Anglia
stupor incredibi-
lis diuinitus ei
immissus.*

CAPVT XXII.

PARABOLA PRIMA.

*Ecclesiæ cum
Corpore hu-
mano similitu-
do.*

ECCLĒSIA siue cætus Christianorum in terris militantium est *Corpus* (velut ipse quoq; Rex pag. 138. confitetur) cui Christus terram relinquens, suo loco CAPVT dedit, Pastores & Doctores, siue ordinem Ecclesiasticum. *Anima* huius corporis & spiritus vitalis, quem vniuersa membra trahunt est Religio Catholica, cum sua triplici, quam vocant, facultate, Fide, spe & Charitate. Hæc anima est tota siue integra in omnibus membris. *Brachia & Manus*, sunt Reges ac Principes sæculares, quia totum corpus alunt, & ab eo, quæ sunt noxia, gladio ferreo, siue sæculari potestate depellunt, ad capitis nutū atq; imperium. Membra capitis sunt, vt *Oculi*, qui nempe vident verū scripturæ sensum. *Aures*, siue Audientes, quid in ipsis loquatur Deus, qui rerū occultarū reuelationes habet: *Os* in quo Deus verbum suū posuit, qui nempe docent siue Prædicant: *Nasus*, qui discernunt spiritus & probant vtrum ex Deo sint: *Vertex*, qui præest, & cui totum corpus subiectum est. Ei vertici binæ coronæ sunt impositæ, altera ex Auro, altera ex Argento, ad significandam duplicem potestatem, spirituale scilicet & sæcularem, siue Sacerdotium & Regnum. Itaq; duplicem quoq; habet *Gladium*: alterum, qui de ore exit, qui est gladius spiritus siue Verbum Dei, quo caput occidit & manducat: alterum, qui accingitur super femur, & in manib⁹ portatur, hoc est, à magistratu sæculari

lari exercetur, ad vindictam eorum, qui nec audire, nec subiungere volunt. *Vestis* huius corporis exterior & in omnium oculos incurrens, est triplex: *Decor*, siue sanctitas morum: *Fortitudo* siue magna potentia & in specie quidem potestas ac dominium rerum secularium: postremo *Varietates*, siue variae artes ac disciplinae, de quibus proxima parabola commodior erit differendi locus. Hæretici, qui ex Ecclesia exeunt vel eiiciuntur, sunt velut alui excrementa, & Hæresis est velut helleborum, antimonium, aut aliud violentum catharticum medicamentum, & Hæreticorum conuenticula nihil aliud sunt, quam Latri-næ seu reliquiarum & effusorum receptacula. Hæc omnia iam sigillatim sacræ scripturæ verbis docebo.

Ephef. 1. Christus Deus dedit caput supra omnem Ecclesiam, quæ est corpus ipsius.

Ecclesia corpus Christi.

Ephef. 4. Obsecro vos, ut dignè ambuletis vocatione, qua vocati estis, cum omni humilitate & mansuetudine, cum patientia, supportantes inuicem in charitate, solliciti seruare vnitatem Spiritus in vinculo pacis. Vnum corpus & vnus Spiritus, sicut vocati estis in vna spe vocationis vestræ. Vnus Dominus, vna fides, vnum baptisma. Vnus Deus & Pater omnium. Vnicuique autem nostrum data est gratia secundum mensuram donationis Christi. Ascendens nempe Christus in altum, dona dedit hominibus. Et alios quidem dedit Apostolos, quosdam autem Prophetas, alios verò Euangelistas, alios autem Pastores & Doctores, ad consummationem sanctorum, in opus ministerij, in ædificationem corporis Christi, donec occurramus omnes in vnitatem fidei & agnitionis filij Dei: ut iam non simus paruuli fluctuantes, & circumferamur omni vento doctrinæ in nequitia hominum, in astutia ad circumventionem erroris. Veritatem autem facientes (siue veræ doctrinæ consentaneum) in charitate, crescimus in illo per omnia, qui est caput Christus, ex quo totum corpus compactum & connexum per omnem iuncturam subministrationis (siue, subministrato Spiritu) secundum operationem (Dei) in mensuram & iuxta rationem vniuscuiusque membri, augmentum corporis facit in ædificationem sui in charitate.] Horum verborum summa est, ut sint inter se concordantes, velut eiusdem corporis membra: hoc futurum, si humiliter suis Præpositis siue Pastoribus subiaceant & obediant, tamquam ijs, quos Christus suo loco caput Ecclesiæ, vel capitis membra fecerit, ut illis sua dona, quæ acceperunt, in cetera membra diffundentibus, ædificetur & augmentumumat corpus Christi, & non

Omnes Christiani veri habent vnum Spiritum & eandem fidem.

Diversas autem habent functiones.

Omnes Christiani, aut Episcopi, & Capiti, subesse debent.

K 3

destrua-

destruatur à falsis Doctoribus. quamdiu enim membra cum capite suo coherent, eiusq; influxum recipiunt, & suo quodq; munere fungitur, crescit & augetur. Cum ergo Christus Ecclesiæ suæ caput & Pastor (de quo prædictum fuerat *Ezech. 34.* suscitabo super oves meas Pastorem VNUM, qui pascat eas. *Et Ezech. 37.* seruus meus David Rex super eos & Pastor VNUM erit omnium) in altum adscendens suo loco quosdam constituerit, qui caput & Pastores essent, in primisque VNI dixerit: *Pasce oves meas, confirma fratres tuos &c.* (quemadmodum cum Deus populi Hebræi caput esset, Regē tamen cōstituit, qui caput foret. *1. Reg. 15.* *Vnxit te Dominus in Regē super Israel,* & CAPUT in tribubus Israel factus es. *Psal. 17.* *Constitues me in caput gentium, subdes populos sub me.* *Isai 1.* *A planta pedis vsq; ad VERTICEM non est in eo populo sanitas. Omne seu totum CAPUT languidum.* Vbi CAPUT sunt Principes, de quibus mox: *Principes tui infideles.* Horum Vertex est Rex) cum igitur Christus Ecclesiæ caput & verticem suo loco dederit: oportet vt quicumque membra corporis & oves ouilis Christi esse volunt, huic capiti suo non minùs, quàm ipsi Christo, subsint, & cum Pastoribus vnitatem Spiritus in vinculo pacis cum omni patientia & humilitate seruent, siquidem ipsius Christi Spiritus, eiusdem Christi verbum, per huius capitis & horum Pastorum os loquitur. *Matth. 10.* Non vos estis, qui loquimini, sed Spiritus patris mei, qui loquitur in vobis. *Iohan. 14.* & 16. Spiritum Veritatis mittet vobis Pater: ille vos docebit omnia & suggeret omnia, quæcumque ego dixero vobis. Ille manebit vobiscum in æternum (ad consummationem vsque sæculi, *Matth. 28.* non modò donec vos Apostoli viuatis) & in vobis erit. De meo accipiet, & annuntiabit vobis. *Luc. 10.* Qui vos audit, me audit: qui vos spernit, me spernit. *Iohan. 13.* Amen, Amen dico vobis, qui accipit, si quem misero, me accipit, 2. *Cor. 13.* An experimentum queritis eius, qui in me loquitur Christus? 1. *Thess. 4.* Qui hæc spernit, non hominem spernit, sed Deum, qui etiam dedit Spiritum suum sanctum in nobis, *Isai. 59.* Cum venerit Sion redemptor eius. hoc fœdus meum cum eis, dicit Dominus: Spiritus meus, qui est in te (*Christe*) & Verba mea, quæ posui in ore tuo, non recedent ab ore tuo, neque ab ore seminis tui (*Apostolorum*) neque ab ore seminis tui (*Episcoporum*) à modo & vsque in sempiternum] 2. *Cor. 5.* Deus erat in Christo (loquens, cum ipse Christus adhuc interris Caput & Pastorem ageret) & posuit in nobis verbum reconciliationis (postquam in cælum adscendit) Pro Christo ergo Lega-

*Vnus Pastorum
est sicut Ver-
tex capitis, cui
etiā caput sub-
est.*

*Spiritus Chri-
sti, loquitur.
Verbum Christi
per os Capitis.*

*Spiritus ille nū-
quam auferetur
ex ore Capitis.*

Legatione fungimur, tamquam Deo exhortante per nos.] Ac propterea passim iubet Apostolus, ceteros Pastoribus siue Episcopis subiectos esse, obedire, subiacerere, credere, non contradicere. *Hebr. 13.* Obedite Præpositis vestris, & subiaccete eis, *tamquam membra capiti.* Ipsi enim peruigilant, tamquam rationem reddituri pro animabus vestris. *1. Thess. 5.* Rogo vos, ut noueritis eos, qui laborant inter vos (*verbo scilicet & doctrina*, *1. Tim. 5.*) & qui Præsunt vobis in Domino, seu loco Domini. Pacem habete cum eis, *id est, non contradicite illis, sed obedite velut capiti.* *1. Cor. 16.* Obsecro vos, ut subditi sitis omni cooperanti & laboranti, nempe in verbo & doctrina. Cui autem quis est subditus, illius caput est. *Ephes. 5.* Mulieres viris suis subditæ sint, sicut Domino (*id est, habeant viros pro capite loco Dei, qui omnium hominum caput est*) quoniam Vir caput est mulieris, sicut Christus caput est Ecclesiæ. Et Ecclesia subiecta est Christo.] Itaque nemo iam est, quin videat, eos qui præsent in Domino, siue Præpositos, siue Episcopos, quos Spiritus sanctus posuit REGERE Ecclesiam (*Act. 20.*) rectè dici caput Ecclesiæ, cum eis Ecclesia subdita & subiecta esse, obedire ac subiacerere, & pacem cum illis habere iubeatur *1. Cor. 14.* Spiritus Prophetarum Prophetis subiecti sunt. Non est enim dissensionis Deus, sed pacis.] Ergo is habet pacem cum Episcopo seu Pastore, qui ei subiectus est, siue non contradicit, sed cum omni humilitate & silentio credit. Nam ibidem dicit Apostolus: Mulieribus non permittitur in Ecclesiis loqui, sed subditas esse.] *1. Tim. 2.* Mulier in silentio dicat, cum omni subiectione.] *Rom. 10.* Non omnes obediunt Euangelio. *Isaias* enim dicit: Domine quis credit auditui nostro?] Ergo obedire est credere, non contradicere. Itaque *Rom. 16.* dicit, *Euangelium patefactum ad auditionem fidei.* Et ibidem: Obedientia vestra in omnem locum diuulgata est. *hoc est, ut Rom. 1. dixerat, Fides vestra annuncietur in vniuerso mundo.*] Cum ergo iubemur Episcopis obedire, subditi & subiecti esse, pacem cum illis & vnitatem habere, mandatum accipimus, eis credendi, bonum, verum & diuinum esse, quicquid ipsi scripturæ sacræ consentaneum esse dicunt: eaque subiectione illos caput nostrum esse pfitemur, verorumque Memborum officium facimus, quod hoc ad Ephesios loco Apostolus præscribit, quemadmodum & *Colos. 2.* Inflatu sensu carnis suæ non tenens Caput, ex quo totum corpus per nexus & coniunctiones ministratum & constructum crescit in augmentum Dei.] Sin autem aliter faciamus, hoc est, si Episcopis, ut capiti subesse, subiacerere & obedire

Reliqua membra Capiti subiacerere debent. Nam caput vigilat.

Oportet pacem habere seu subditum esse ijs qui præsent.

Capiti oportet subditum seu subiectum esse sicut Domino.

Oportet obedire, credere, non contradicere Episcopis.

Quantum mali faciant, qui non obediunt Episcopis, & Capiti.

Gladus Episcoporum, quo inobedientes puniunt, duplex.

Gladus spiritalis & utraque parte acutus.

Qui Episcopis contradicunt, sunt blasphemii.

Pauli Apostoli cum Hæreticis controuersia de resurrectione mortuorum.

Paulus fuit simul pars litigans & Index.

obedire siue credere sensuque carnis nostræ & proprijs opinionibus inflati tenere caput nolimus, sed de sensu & intellectu scripturæ eis contradicamus & resistamus, tum non gerimus nos velut membra vnius eiusdem corporis & eod. em Spiritu prædita, sed schismati causam præbemus, & ædificationem atque augmentum corporis impedimus. Nam Episcopi, velut Caput, duos habent Gladios *ad vindictam* siue inobedientium pœnam. Vnus est *gladius Spiritus, qui est verbum Dei* (Ephes. 6.) qui ex ore Christi & consequenter Episcoporum exit (nam Christi verbum in ore Episcoporum positum esse modò didicimus.) Apocal. 1. *De ore ipsius gladius utraque parte acutus exhibit.* Et altera quidem parte interficit ad internecionem pertinaces; ex altera verò ad salutem eos, qui pœnitentia erroris ducuntur. *Isai. 51.* Citò veniet gradiens ad aperiendum, & non interficiet vsque ad internecionem, nec deficiet panis eius.] Hac gladij parte interfecit Paulus incestuosum illum 1. Cor. 5. Iam iudicauim eum tradere Satanæ in interitum carnis (*ut occidatur in eo caro seu peccatū carnis*) ut Spiritus saluus sit in die Domini nostri] Altera verò occidit Hymenæum, Philetum & Alexandrum, quos (inquit, 1. Tim. 1.) *tradidi Satanæ, ut discant non blasphemare.* id est, gladio Spiritus abscidi eos à corpore Ecclesiæ, siue excommunicauim & condemnaui, ut eorum exemplo alij deterreantur à blasphemando, siue Pastoribus contradicendo, cum ijsque litigando, & Spiritum Dei in illis loquentem mendacij arguendo, quæ est blasphemia. Quantum porò ex 2. Tim. 2. & 4. coniectura possumus assequi, in eum tres isti errorem inciderant, ut resurrectionem mortuorum futuram non putarent, omniaque scripturæ loca, quæ mortuos reuicturos dicunt, allegoricè de iustificatione siue resurrectione animarum à peccatis, aut etiam de Synagogæ iam mortuæ resurrectione interpretarentur, cum Deus ipse illam Ezechielis visionem de ossibus aridis, quæ reuixisse videbantur, sic interpretari docuerit, Ezech. 37. Itaque valdè Paulo restiterunt, cumque is more suo sententiam suam ex scripturis probaret, huiusmodi allegoria conatum eius eluserunt. Iam quem putabimus huius controuersia iudicem fuisse? Respondebunt Lutherani, ut solent, ipsam scripturam. Sed iam nos ex ipsius scripturæ verbis didicimus, Paulum velut Iudicem condemnationis sententiam in istos, qui eise submittere & scripturæ sensum ab eo discere volebant, tulisse, velut in lætæ Maiestatis reos. nam & Iudas in epistola sua, de Hæreticis hoc ipso sensu dicit, eos *Maiestatem blasphemare*, siue blasphemare ea, quæ non intelligunt. Nam interpretatio scripturæ,

pturæ. quam Episcopi docent, est ipsius Spiritus sancti vox, omnia eis suggerentis. Itaq; Heretici eam nō intelligētes & improbant, ipsum Spiritum sanctum contumelia afficiunt. Quemadmodum igitur sēculares quoq; Reges, Maiestatis suæ læsē reos ipsi condemnant, simulq; Partis & Iudicis munus obeunt (nam Consilium vel Parlamētum Regis locum tenet) similiter Episcopi quos Spiritus sanctus posuit regere Ecclesiam (Act. 20.) eos, qui Maiestatem ipsorum blasphemant, sua sententia rectē condemnant. Ac ne Lutheranis id nouum & iniquum videatur, Deus ipse apud Isaiam hoc seruis suis hereditariū ius tribuere se dicit, vt suorū sint Aduersariorum Iudices. Isai. 54. Ecce ego creauī fabrum sufflantem in igne prunas & proferētem vas (sive, instrumentū) in opus suum, & ego creauī interfectorem ad disperdendum, id est, ego permitto surgere Hæreticum, qui falsam scripturæ interpretationem comminiscitur, eaque velut gladio acuto aut sagitta simplices & credulos interfacit. Hoc vas Isai. 32. sic explanat: Fraudulenti vasa pessima sunt. Ipse enim cogitationes concinnauit ad perdendos mites in sermone mendacij] Itaq; Zach. 11. vocantur vasa Pastoris siue Doctōris stulti, hoc est, eos, qui suū Spiritum in scriptura interpretanda sequitur, cū legitime missus non sit, neq; Spiritum Dei per impositionem manūū Presbyterii, vt ait Paulus 2. Tim. 1. acceperit. Ezech. 13. Vē Prophetis insipientibus, siue, Pastoribus stultis, qui sequuntur Spiritum suum, & nihil vident, cū Dominus nō miserit eos.] Hos ipsos describit Paulus Rom. 16. Qui dissensiones & offendicula faciunt contra doctrinam, quam vos Romani didicistis, & ventri suo seruiētes per dulces sermones & benedictiones, id est, per falsas, sed in speciem plausibiles scripturæ interpretationes seducunt corda innocentium seu credulorum Prou. 14. Innocens credit omni verbo.] 2. Pet. 3. In Pauli epistolis sunt quædam difficilia intellectu, quæ indocti & instabiles deprauant, siue, perperā interpretantur, ad suam ipsorū perditionem, & simplicium quoq; illorum, qui se ab ijs non custodiunt, ne insipientium seu stultorum Pastorū errore traducti excidant à propria firmitate] 2. Cor. 4. Non sumus sicut quidam ambulantes in astutia & adulterantes verbū Dei, per falsas interpretationes. Itaque astuta verba Dei adulteratio & falsa interpretatio est Vas siue Gladius aut sagitta Fabri, siue Hæretici, simplicibus & credulis eadē machinantis. Iob. 5. Per diem incurrent tenebras, & quasi in nocte sic palpabunt in meridie, id est, astuti Hæretici etiam clarissima scripturæ verba non intelligent. Porro saluum faciet Deus egenum à gladio oris eorum, siue, liberabit à falsa Hæreticorum doctrina. Psal. 58. Ecce loquentur in ore suo, & gladius

Reges sunt simul pars & Iudices.

Episcopi sunt Reges Ecclesia.

Recte ergo sunt aduersariorum suorū Iudices.

Vasa siue instrumenta Hæreticorum.

Falsa ac plausibiles scripturæ interpretationes.

Falsa scripturæ interpretatio est gladius in ore non Episcoporum, sed Hæreticorum.

L

dus

*Eadem quoque
est Laqueus.*

*Quomodo sacra
scriptura fiat a-
licui in Laque-
um.*

*Iudaicus popu-
lus olim Pseu-
doprophetarum
laqueo captus.*

dius in labijs eorum. *Psal. 56.* Dentes eorum arma & sagittæ, & lingua eorum gladius acutus: laqueum parauerunt pedibus meis. *Psal. 63.* Pro-
teges me à conuentu malignantium, qui exacuerunt vt gladium lin-
guas suas: intenderunt arcum, vt sagittent in occulto simplicem: fir-
mauerunt sibi sermonem nequam. *Psal. 139.* cogitauerunt iniquitates
in corde: acuerunt linguas suas sicut serpentis: venenum aspidum sub
labijs eorum: cogitauerunt supplantare gressus meos, absconderunt
laqueum mihi.] *Laqueus* porrò nihil est aliud, quàm Verba scripturæ fal-
sò interpretata, siue à Pseudopphetis astutè adulterata. Ica Paulus
de Iudæis ait Rom. 11. *Factam esse eis mensam* seu cibum eorum *in laqueum,*
in captionem, in scandalum, id est, vt ipse interpretatur, *obscuratos esse oculos*
eorum, ne videant, neq; scripturas de Messia loquentes intelligant, quia
scilicet Scribæ eorum verum scripturæ sensum eis non aperuerunt,
& in scientiam volentes intrare prohibuerunt, vt Christus ait Luc. 11. Ita-
que tametsi scripturas scrutarentur, & in ijs, velut in mensa Dei, pa-
nem vitæ siue vitam æternam inuenturos se sperarent, quia tamen à
scribis didicerant, verba scripturæ, de Messia regno, copijs, opibus &
splendore sæculari vaticinantia, statim sub aduentum eius impleri o-
portere, nulla præmissa cruce aut passione, illis ipsis scripturæ verbis
velut laqueo capti fuerunt, vt in Christi humilitate scandalizaren-
tur, neq; eum Messiam esse crederent. Similibus laqueis quondam in
Iudaico populo Pseudopphetæ utebantur, qui Dei promissiones,
Abrahæ, Dauidi & Salomoni de populi & Templi conseruatione
perpetua factas, sic interpretabantur, vt eas absolutè & sine vlla con-
ditione aut pacto factas dicerent, neque peccatis populi irritas reddi
posse persuaderent. *Jerem. 5.* Inuenti sunt in populo meo impij, insi-
diantes quasi aucupes, laqueos ponentes & pedicas ad capiendos vi-
ros. *quomodo?* Prophetæ prophetabant mendacium, & sacerdotes ap-
plaudebant manibus suis. *osæ 9.* Prophetæ laqueus ruinæ factus est
super omnes vias populi.] Est ergò Laqueus idem, quod Gladius, siue
vas Hæretici, Fabri & Interfectoris, Verba nempe sacræ scripturæ a-
dulterata, deprauata, seu falsò interpretata:

CAPVT XXIII.

*Episcopi sunt
suorum aduer-
sariorū in Con-
cilio iudices.*

QVOD autem Episcopi cum Hæreticis de vero scripturæ sen-
su disceptantes, eorum Iudices esse debeant, superiori Isaïæ loco
ita Deus docere pergit: Omne vas, quod fictū est contra te, nō dirige-
tur,

tur, & omnem linguam resistantem tibi in iudicio, iudicabis. Hæc est hereditas seruorum Domini, & iustitia eorum apud me, dicit Dominus.] Hoc ipsum quoque; Isai. 28. sic eisde promiserat: In die illa erit Dominus corona gloriæ & sertum exultationis residuo populi sui (id est, *Sedentes super iudicium habet*) & Spiritus iudicij erit sedenti super Iudicium, id est, dabit Episcopis Spiritum *Spiritum iudicij* suum, quo iudicent & puniant linguas sibi resistentes. Itaque Paulus Tit. i. duplicem Episcopo potestatem tribuit: Exhortari in doctrina sana, & contradicentes, inobedientes, vaniloquos & seductores, siue scripturam falsò & aliter, quàm Episcopi, interpretantes, arguere, Vtrumque autem fieri cum omni imperio debere sic Tit. 2. docet: Hæc loquere, & exhortare & argue cum omni imperio. Et hac duplici de causa Timotheum Ephesi Episcopum constituit. i. Tim. i. primum ut denunciaret quibusdā, ne aliter docerent, hoc est, ut scripturam falsò interpretantes docere prohiberet: deinde ut omnes reprimeret ab audiendis fabulis & vaniloquiis eorum, qui volebāt esse legis doctores, cum Legem tamen non intelligerent. quod Tit. i. aliis verbis sic interpretatur: Increpa illos durè, ut sani sint in fide, nō intendētes Iudaicis fabulis & mandatis hominum auersantium se à veritate.] De hac potestate sibi ceterisq; Episcopis, velut capiti, secundū mensuram Spiritus Dei, vnicuique membro sicut vult gratiam siue charisma meritis, impertita, loquitur Apostolus 2. Cor. 10. In carne ambulantes, non secundum carnē militamus (id est, tametsi nos Episcopi homines sumus in facie humiles siue contemptibiles videri, tamen potestatem & gladium quauis humana potestate & imperio maiorem exercemus, ipsis scilicet animis, non modò corporibus & fortunis siue externis bonis imperantes. Nam arma militiæ nostræ non carnalia sunt, sed potentia Deo ad destructionem munitio- num (id est, ad subiciendos eos, qui suas opiniones falsas multis scripturarum locis munire conantur) quibus destruimus consilia & omnem altitudinem extollentem se aduersus scientiam Dei (qui ex superbia nolunt Episcopis obedire, nec velut oves à Pastoribus scientia & doctrina pasci, quo sine Deo Pastores dedit, Ierē. 3. &) in captiuitatem redigimus omnem intellectum in obsequium Christi (cogimus etiā intelligentissimos nostrā scripturæ interpretatione amplecti, velut à Christo ipso in nobis loquente profectam) & in promptu habemus vlsceri omnē inobedientiam, cum impleta fuerit vestra obedientia.] Hic est gladi⁹ Spiritus, quo Episcopi velut Magistratus vtuntur ad Vindictā eorū, qui nolunt ipsis obedire. Nihilomin⁹ adhuc aliū gladiū, aliamq; potestatem Episcopis datam esse, ad vlsciscēdos inobediētes, sic statim significat: & si ampliùs aliquid gloria-

Sedentes super iudicium habet Spiritum iudicij

Episcopi potestas.

Episcopus habet omne imperiū in aduersariū.

Arma Episcoporum qualia?

Non imbecilla, sed potentissima.

Gladius Spiritus.

Gladus materialis.

Quare Apostolus potestate seculari non fuerit & sus.

tus fuero de potestate nostra, quæ dedit nobis Dominus in ædificationem, & non in destructionem vestram, non erubescam.] Hic loquitur de Virga ferrea, siue de materiali gladio, quæ Christus à Patre acceptum (velut mox docebo) Pastoribus porro dederat, velut capiti ex eorum nutu, Manus siue secularis Magistratus opera distringendum, velut Psalm. 149. predictum legimus: Exultationes Dei in gutture eorum (*hic est gladius spiritus, seu verbum Dei ex ore, siue capite exiens*) & Gladij ancipites in manibus eorum, ad faciendam vindictam in nationibus, *capiti scilicet siue Pastori non obedientibus.* Sed de hoc paulo post. Hunc illud aduertamus licet, quod dicit Apostolus, se potestatem quidem huius Gladij habere, sed eo propterea non uti quia Corinthiorum obedientia nondum erat impleta, hoc est, neque omnes Corinthij fidem Christi receperant, & eorum, qui iam Christo nomen dedissent, plerique adhuc imperfecti, carnales & in fide pueri erant. Itaque apud utrosque intempestius fuisset eius potestatis usus. nam neque horum imbecilla fides ac scientia creuisset, & illi vi potius humana, quam veritate & Dei virtute, Christianam fidem proptagari credidissent, quod fuisset crucem Christi euacuare & gloriam Dei minuire, cui per stultitiam predicationis placuit saluos facere credentes, velut 1. Cor. 1. scriptum est. Impediui scilicet secularis potestatis usus ædificationem corporis Christi tum primum coeptam. Ea igitur Paulus Episcopis minimè vtendum censuit: tametsi eius rei plures causas habuit, quas infra exponam.

CAPVT XXIV.

Vnumquodque membrum debet suo munere contentum esse.

Episcopi accipiunt officium, & præsent.

ROM. 12. Dico omnibus qui sunt inter vos. Non plus sapere, quam oportet sapere, sed sapere ad sobrietatem: & unicuique sicut Deus diuisit mensuram fidei (*hoc est, ita sapite, sicut iubet distributio diuersorum officiorum quam Deus fecit per fidem siue Religionem Christianam, Ecclesie Animam*) sicut enim in vno corpore multa membra habemus, omnia autem membra non eundem actum habent: ita multi vnum corpus sumus in Christo, singuli autem alter alterius membra: habentes donationes secundum gratiam, quæ data est nobis, differetes: siue Prophetiam, secundum rationem (*seu conformiter*) fidei: siue Ministerium, in ministrando: siue qui docet, in doctrina: qui exhortatur, in exhortando: qui tribuit, in simplicitate: qui PRÆEST, in sollicitudine: qui misereatur, in hilaritate.] Præesse est capitis siue Episcoporum. 1. Tim. 5. Presbyteri qui præsunt, *hoc est, Episcopi*, duplici honore digni habeantur. Sic 1. Thess. 5. Noueritis eos, qui Præsunt vobis in Domino.] Hos Præpositos vocat

eat *Heb 13*. Obedite Præpositis vestris, & subiace-^{te} eis, *sicut capiti cor-*
pus totum subiacet. Qui caput non sunt, ij non debent vsurpare sibi
 officia, quæ sunt capitis & membrorum eius propria. Verbi gratia
 non debent hoc sibi sumere, vt prophetent siue scripturas interpre-
 tentur [nam hoc ait Lutherus esse *Prophetare*, in glossa Bibliorum 1.
 cor. 14.) neq; vt doceant, siue prædicent, quia non omnia membra
 eundem actum habent, sed suum quoq; munus accepit, quod obeat
 oportet. Aliter si facit, sapit plusquam oportet sapere, siue, superbia
 inflatur 1. *Tim. 6*. si quis aliter docet, & non acquiescit sanis sermo-
 nibus (quos docet *Episcopus*) superbus est, nihil sciens, sed languens, &c.
 Ac propterea, nisi relinquitur, velut membrum putridum, vtroq; gla-
 dio a corpore præciditur, ne ceteris scilicet membris contagio eius
 noceat, velut mox pluribus disputabitur.

1. Cor. 12. sicut corpus vnū est, & mēbra habet multa, omnia autem
 mēbra corporis cum sint: multa vnū tamē corp⁹ sūt: ita & Christ⁹
 Christi Ecclesia. Etenim in vno siue eodē spiritu omnes nos in vnū corp⁹
 (siue, vt sumus vnum Corpus) baptizati sum⁹, siue Iudæi, siue Gentiles, siue
 serui, siue liberi. Nam & Corpus non est vnum membrum, sed
 multa. Si dixerit pes: Quoniam non sum manus, non sum de Cor-
 pore: num ideo non est de corpore? Et si dixerit auris: Quoniam non
 sū ocul⁹ nō sū de corpore: nū ideo nō est de corpore? Si totum corpus
 oculus, vbi auditus? Si totum auditus, vbi odoratus? Nunc autem
 posuit Deus membra, vnumquodq; eorum in Corpore sicut voluit.
 Quod si omnia essent vnum membrum, vbi corpus? Nunc autem
 multa quidem membra, vnum autem corpus. Non potest autem
 Oculus dicere manui: Opera tua non indigeo: aut iterum CAPVT
 pedibus: Non estis mihi necessarij. Sed multo magis quæ videntur
 membra corporis infirmiora esse, necessaria sunt. (hoc est, vt Regis
 nostri scriptor Lutherus totidem verbis explanat in Colloquijs Islebiensibus de
 Doct⁹ sol. 529. b. In facie sunt honestissima membra, & tamen Latrinam siue
 Nasum ori impostam & Oculis subiectam esse oportet. Potest homo vitalis esse
 etiam Oculis, ore, manibus pedibusq; captus: sed sine culo viuere nullus mortalis
 potest) & quæ putamus ignobiliora membra esse Corporis, his hono-
 rem abundantiorē circumdamus (siue, ea diligentius vestimus) & quæ
 inhonesta sunt nostra, abundantiorē honestatem habent (à vestitu)
 Honesti autem nostri nullius egent (honoris ex vestitu) sed Deus tem-
 perauit corpus, ei, cui deerat, abundantiorē tribuendo honorem
 (vestiēdo) vt nō sit schisma in corpore, (vt hac illis non inuideant neq; eo-
 rum

*Lai non debēt
 munus Ecclesia-
 sic vt in mem-
 bre,*

*Omnes bapti-
 zati acceperūt
 Spiritum Chri-
 sti, & sic Ecclesia
 membra facti
 sunt.*

*Lutheri hone-
 sta scriptura in-
 terpretatio.*

*Paria munera
diuersis mem-
bris data.*

*In Ecclesia sunt
alia membra ali-
is honestiora.*

*Ecclesia habet
suos Guberna-
tores siue caput
cuius officium est
regere praeesse,
vigilare.*

*Caput, Rex &
Fundamentum
metaphoricè de
eadem re dicen-
tur.*

rum partes inuadant) sed id ipsum pro inuicem sollicita sunt membra. Vos autem estis corpus Christi, & membra de membro (sive ut est in Græco: & membra ex parte, id est, suo quisque loco) Et alij quidem membro datur sermo sapientiæ, alij sermo scientiæ, alteri fides (excellens & magna, sicut muliercula illius Cananeæ Matthæi 15. & centurionis, Matthæi 8. 10. qua perpetrantur miracula, 1. Corint. 13. 2.) alij gratia sanitarum, alij operatio virtutum: alij Prophetia: alij discretio Spirituum: alij genera linguarum: alij interpretatio sermonum. Has omnes gratias operatur vnus atq; idem spiritus, diuidens singulis pro ut vult.] Et infra: Quosdam quidem posuit Deus in Ecclesia primum Apostolos, secundo Prophetas, tertio Doctores, deinde virtutes seu miracula, deinde gratias curationum, opitulationes (Syriace: Adiutores, qui sunt seculares Magistratus, de quibus Isai. 60. scriptum: Reges eorum ministrabunt, siue ut ministri adstant tibi) Gubernationes (Presbyteros, qui Præsunt, siue Episcopos) genera linguarum, Interpretationes sermonum. Numquid omnes Apostoli? numquid omnes Prophetæ? numquid omnes Doctores? numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur?] His discimus, in Ecclesia alia membra alijs honestiora & inhonestiora, siue magis & minus honoratata officia sortita esse, non minus tamen hæc, quàm illa, necessariò ad usum corporis requiri. Rex noster negat, Christum suo loco CAPVT Ecclesiæ dedisse sed perspicuis huius loci verbis refellitur. Nam quosdam in Ecclesia positos ait Apostolus GUBERNATIONES siue Gubernatores, qui PRÆSVNT, vt modò Rom. 12. dixerat. Ad quos est eiusdè Apostoli cohortatio act. 20. Attendite vobis & vniuerso gregi, in quo vos spiritus sanctus posuit Episcopos regere Ecclesiam Dei: propter quod vigilate] Ecce, dicit eos à spiritu gratias singulis distribuyente accepisse Episcopatum siue donum gubernandi, pascendi, regendi: & eorundem officium esse Attendere, siue oculos apertos & intentos habere, & Vigilare: quæ qui capitis munera esse negat, ipse profecto caput & cerebrum non habet. Scriptura quidè Regem, Fundamentum & caput pro eodem usurpare solet, vt Habac. 3. Percussisti caput de domo impij: denudasti fundamentum eius usq; ad collum: maledixisti sceptris eius, capiti bellatorum eius] Psal. 2. Ego, ait Christus, constitutus sum Rex Et Psalm. 17. Constitues me in caput gentium. Mich. 6. Audiant montes iudicium Domini, & fortia Fundamenta terræ Hoc ipsum Mich. 3. sic interpretatur: Audite

Audite Principes Iacob & Duces domus Israël *Isai 31. Petra eius (ita Hebraicus textus, et Lutheri versio, pro quo vetus Interpres: Fortitudo eius) à terrore transibit, & pauebunt fugientes Principes eius]* Hoc loco Lutherus ad oram Bibliorum notat, *Petrā siue Fundamētū, idem esse quod Regem* qui etiam comment. Psal. 82. Tomo 3. Lat. Witt. fol. 548. b. scribit: *Quemadmodum Christus appellatur in suo regno lapis angularis, petra & fundamentū Ecclesiæ: ita quilibet Princeps suæ terræ, sui populi fundamentum & Lapis angularis est. Nam hæ sunt figuræ sermonis, quibus scriptura sancta utitur, ut Reges & Principes vocet Petras & fundamenta, quibus tota resp. nititur: sicut Isaias Regem Aegypti vocat Petram populi] Isai. 7. caput Damasci erit Rasin, ubi caput Regem significat & ibidem, Caput Syriæ Damascus dicitur pro metropoli aut primaria ciuitate Syriæ, quemadmodum rectè Concilium siue ordo Ecclesiasticus caput Ecclesiæ, & caput Concilii siue Ecclesiasticorum Papa dicitur. Episcopos porro Ecclesiarū Reges & Fundamenta esse, in posterioribus Parabolis demonstrabo. Deinde Apostolus hoc loco de tali CAPITE Ecclesiæ loquitur, quod non possit pedibus dicere: Non estis mihi necessarij Sed hoc de Christo falsum est. Aliud ergo Ecclesia caput habet, præter Christum, ab ipso tamen Christo corpori præpositum. Ad hæc commemorat Apostolus odoratum & auditum, id est, nasum & aures, itemque oculum. Et Oculi quidem sunt, qui uident, intelligunt atq; interpretantur scripturas, quibus datus est sermo scientiæ: de quibus legimus Isai 32. Non caligabunt oculi videntium, hoc est, Ecclesia semper habebit sacerdotes, qui rectè scripturas intelligant. Ita Sadoc Sacerdos à Dauide videns vocatur 2. Reg. 15. 27. Isai. 34. Ecce videntes clamabunt foris, Angeli pacis amare flebunt. Hic videntes & Angeli Pacis iidem sunt, nempe Sacerdotes. nam Sacerdos Angelus Domini exercituum est, Malach. 2. qui scilicet homines peccatores Deo reconciliet. Ita de Hæreticorum Doctoribus dicitur Isai. 29. Prophetas vestros, qui vident visiones, operiet, id est, excæcabit eos, qui scripturas intelligere suo Marte volunt. Aures porro sunt qui occultas à Deo reuelationes habent. 1. Cor. 14. siue quis vestrum apocalypsin seu reuelationem habet, siue linguam, siue interpretationem, omnia ad ædificationem fiant. Isai. 32. Aures audientium diligenter auscultabunt, quid scilicet in eis loquatur Deus. Act. 26. Audiui vocem loquentem mihi Psalm. 84. Audiam, quid loquatur in me Deus Psalm. 48. Inclino in parabolam aurem meam, id est, audiam quale oraculum per me Deus sit editurus. Sic enim*

Lutherus

*Ecclesia habet
visibilia capitia
membra: habet
ergo caput visi-
bilia.
Oculi Ecclesiæ
non caligant sed
semper vident.*

Aures Ecclesiæ.

Lutherus Parabolam interpretatur Numeri 23. vbi dicitur propheta Balaam *assumpsisse Parabolam suam, irruente in ipsum Spiritu Dei & Deo verbum ponente in ore eius.* Numeri 12. Si quis fuerit propheta Domini, in visione apparebo ei, vel per somnium loquar ad illum *Iob. 4.* Ad me dictum est verbum absconditum, & quasi furtiuè suscepit auris mea venas susurri eius, in horrore visionis nocturnæ, quando solet sopor occupare homines. *Iob. 33.* semel loquitur Deus per somnium in visione nocturna, quando irruit sopor super homines. Tunc aperit aures virorum. *Ezech. 3.* Ingressus est in me spiritus Dei, & locutus est mihi *Zach. 1.* Respondit Dominus Angelo, qui loquebatur in me, verba bona, verba consolatoria. *Zach. 4.* Et reuersus *sine rursu in me ingressus* est Angelus, qui loquebatur in me, & suscitauit me, & dixit. &c.] Sunt ergo *Aures Ecclesiæ*, Prophetæ quibus occulta reuelantur, cuius rei exempla neq; in Nouo Testamento defunt, vt *Act. 18. 9. & 27. 23. & 16. 9. & 11. 28. & 21. 4. 9. & 11. & 20. 23. & 1. Thess. 5. 20.* *Nasus Ecclesiæ* sunt, qui habent *discretionem Spiritum*, vt hoc loco Paulus loquitur, siue, *qui probant Spiritus doctorum, utrum ex Deo sint*, deq; veris & falsis scripturæ interpretationibus iudicant *1. Ioh. 4.* *Os Ecclesiæ* sunt Doctores, in quibus *Deus verbum reconciliationis posuit*, *2. Cor. 5.* Itaq; iam alterutrum Rex fateatur necesse est, aut Ecclesiam habere caput ad spectabile seu visibile, cum Os, oculos, aures & nasum eius videre possimus: aut eam huiusmodi membra non in capite, sed in alijs corporis partibus, ac fortasse os in dorso, oculos in Manibus, aures in pedibus, & nasum in uentre habere.

Nasus Ecclesiæ.

Os Ecclesiæ.

CAPVT XXV.

Rex Angliæ Oculos Ecclesiæ non in Capite, sed in manibus esse contendit.

Manus ac Brachia Ecclesiæ sunt Reges ac Principes.

AC de ceterorum quidem membrorum sede ipse Rex deinceps viderit. Ego quidem Manus oculatas iam ab eo factas deprehendi. Sic enim ad vos scribit *Pag. 139.* *Opto ut velitis scripturas peruolutare, ex his credendi normam petere, neq; super aliorum incertis opinionibus, sed vestra ipsarum certa scientia, Fidei fundamenta collocare: quando iustus sua fide uiuet, & unusquisq; sit propria fide saluus.* Hortor etiam vos, ne quenquam Deo minorem, vobis in vestris ditionibus maiorem esse patiamini.] *Manus ac Brachia Ecclesiæ sunt Reges ac Principes*, siue sæculares Magistratus, quos *Opulationes* siue adiutores hic Apostolus appellat. *Isai 51.* Propè est iustus meus, egressus est Saluator meus, & Brachia mea populos iudicabunt.] Nam hic Magistratus sæcularis significari,

cari, ex his *Psalmi 2.* verbis discimus: Et nunc Reges intelligite: erudi-
 mini, qui iudicatis terram, *sive, populos terræ.* Vocantur autem *Brachia*, quia corpus siue Ecclesiam nutriunt, capiti siue Clero cibum
 præbent, reliqua membra protegent, & oues Christi colligunt, *Isai 51.*
 In umbra manus meæ protexi te *Isai. 49.* Erunt Reges nutricij tui, &
 reginæ nutrices tuæ *Isai 60.* Aedificabunt filij peregrinorum muros tu-
 os, & Reges eorum ministrabunt tibi. Suges (*ore scilicet tuo*) lac gen-
 tium, & mammilla Regem lactaberis. Pro ære afferam tibi *per Reges*
meos aurum, pro ferro argentum, pro lignis æs. pro lapidibus ferrum
Isai 61. Vos Sacerdotes Domini, Ministri Dei nostri, fortitudinē gen-
 tium comedetis, & in gloria earum superbietis. *Isai 40.* In Brachio suo
 congregabit agnos, & in sinu suo leuabit. Itaq; rectè hoc loco Paulus
 dicit: *Non potest oculus* (neq; vllū capitis mēbrū, imò nec totū caput, aut
 totus ordo Ecclesiasticus) *dicere Manui: Opera tua non indigeo.* Neque
 enim caput se totumq; corpus reliquam alere & tueri sine manuū o-
 pera, hoc est, sine sæculari potestate posset. Multo autē minus Manus
 aut Brachia capite capitisq; membris carere possunt, quod tamen
 Rex persuasum vobis cupit, cum auctor vobis est, vt neminem
 pro capite habeatis, & ipsi scripturas intelligere, hoc est, cum
 Manus & Brachia sitis, munere oculorum fungi, neq; capitis vestri
 oculis, videre velitis: quod quàm furore & dementia plenum sit,
 cum Apostoli tam longa disputatio nobis ostendit, tum etiam Salo-
 mon nos docet *Eccles. 2.* *Oculi sapientis in capite eius. Stultus in tenebris*
ambulat. Nimirum cæcum esse & in tenebris palpare oportet, qui cum
 oculū ipse non habeat, oculis tamen capitis sui vti non vult, sed ocu-
 los se ipsum habere sibi persuadet. Qui autem sapit, capitis sui oculis
 vtitur, ab eoque regi se finit. Sapienter ergo vos Catholici Reges
 Principesq; facitis, cum velut Ecclesiæ brachia, non ipsi oculorum
 munus inuaditis, neq; vobis intellectum scripturæ uindicatis, sed
 simpliciter ei obeditis, quem Christus loco suo *Regem super Sion*
 siue Ecclesiam constituit, vt prædicet præceptum eius, neque quicquam
 dubitatis, quin fidem in eo seruet Deus, quod se Ecclesiæ *Oculos*
non caligantes (*Isai. 32.*) daturum promisit, hoc est, vt *Ierem. 3.*
 explanar, *Pastores iuxta cor suum, qui pascant oues scientia & doctrina. siue, intellectu*
 Itaq; memores præcepti illius: *Apprehendite* (brachia ac manus) *dis-*
ciplinam, ne quando irascatur Dominus, & (propterea, quia oculis capitis
vti recusatis, velut cæci) pereatis de via: humiliter eum scripturæ
sensum recipitis, quem Sacerdotes, oculi vestri, docent. Labia Sacer-

Os Ecclesia siue
clerus sugit lac
gentium.

Sacerdotes sunt
os comedens for-
titudinē gentiū

Caput manibus
indiget.

Sed multo ma-
gis Manus capi-
te,

Rex suadet Ma-
nibus, & lumi-
ne oculorum ca-
pitis neſtiantur
Stultus est, qui
non vtitur ocu-
lis capitis

Catholici Reges
capiti obediunt

Manus Ecclesia
apprehendere de-
bent disciplinā,
siue, intellectu
scripturæ disci-
pline a Sacerdoti-
bns,

*Rex Anglia con-
temnit Reges
Catholicos tam
quam cecos &
non oculos.*

*Omnibus Chri-
stianis datur
donū Fidei, tam
quam omnib.
necessarium.*

*Sed donū intel-
ligendi scriptu-
ras non est om-
nibus necessari-
um.*

dotis custodiunt scientiam, & Legem requirent ex ore eius, quia Angelus
sive Legatus Domini est. Malach. 2. Quem autem misit Deus, verba Dei
loquitur, Iohan. 3. Hanc vestram simplicitatem à Rege derideri, mo-
lestè ferre non debetis. Iam diu enim is inter homines mos fuit, vt
quod *Prov. 14.* ait Salamon, ambulans recto itinere, & timens Deum, de-
spiceretur ab eo, qui infami graditur via. Via stulti, ait idem, recta in oculis
eius (quos ipse scilicet, cum nullos habeat, affingit) qui autem sapiens est,
audit consilia.] Quod si autem & Cæcos vos Rex propterea iudicat,
nempe vobis promissionem illam factam intelligitis *Isai 42.* Ducam
CÆCOS per viam, quam nesciunt, & in semitis, quas ignorant, am-
bulare eos faciam: ponam tenebras coram eis in lucem, & praua in
recta: hæc verba faciam eis, & non derelinquam eos.] Nam quod
Rex sua quemq; vera fide saluari oportere contendit, verissimum est,
neq; nos aliter censemus, sed dicimus omnibus Christianis in baptis-
mo simul cum Spiritu sancto dari Fidem, Spem & charitatem, sine
quibus nemo nec viuere, nec saluari possit. *Ephes. 1.* In quo credentes
signati estis spiritu promissionis sancto, qui est pignus hereditatis no-
stræ *Ephes. 4.* Nolite contristare spiritum sanctum Dei, in quo signa-
ti estis, in die redemptionis sive Baptismi vestri. *Rom. 5.* Charitas Dei
diffusa est in cordibus nostris per spiritum sanctum, qui datus est no-
bis *2. Cor. 1.* Deus signauit nos, & dedit pignus spiritus in cordibus
nostris.] Appellatur autem *spiritus promissionis*, quia Deus cum
nobis simul cum aqua baptismi datum iri promisit *Ezech. 36.* Effun-
dam super vos aquam mundam, & mundabimini ab omnibus iniqui-
tamentis vestris, & dabo vobis cor nouum, & Spiritum nouum po-
nam in medio vestri (in corde vestro) & faciam, vt in præceptis meis
ambuletis. *Matth. 28.* Qui non crediderit condemnabitur. *1. Cor. 9.*
Debet in spe, qui arat, arare: & qui triturat in spe fructus percipiendi
1. Iohan. 3. Qui non diligit, manet in morte *1. Cor. 13.* Nunc manent.
(in ijs, qui saluandi sunt) Fides, Spes, charitas, tria hæc: maior autem
horum charitas, *Coloss. 1.* Oramus pro vobis, audientes Fidem vestram
in Christo Iesu, & Dilectionem, quam habetis in omnes sanctos, pro-
pter spem quæ reposita est vobis in cælis.] Igitur hæc tria omnib⁹ Chri-
stianis ad salutem necessaria esse affirmamus, sed non item cetera illa
quæ Paulus recensuit, dona, in quibus est interpretatio sermonum sive in-
tellectus scripturæ, & discretio spirituum, sive iudiciū de veris ac falsis
interpretationibus: sicut omnibus membris corporis necessaria est
anima, neque tamen omnia oculos aut nasum habent. Ad Fidem
porro

porro Christiano saluari cupienti, satis est, credere & intelligere ea, quæ Apostolorum Symbolo continentur, dum tamen sic animo paratus sit, vt neque recuset credere, si quid præterea loco Dei Ecclesia seu Pastores se doceant. Nam sic Act. 2. legimus baptizatos, qui vnam tantum S. Petri, eamque perbreuem concionem audierant: Sed baptizati postea erant perseverantes in doctrina Apostolorum, siue plus discebant. Et S. Paulus cum primum Corinthiis prædicauit Christum, prima tantum elementa sermonum Dei (velut Hebr. 5. loquitur) ac velut pueriles literas eos docuit, sicut scribit 1. Cor. 3. Ego non potui vobis loqui, quasi spiritualibus, sed quasi carnalibus. Tanquam paruulis in Christo, lac vobis potum dedi, non escam, nondum enim poteratis, sed nec nunc quidem potestis: adhuc enim carnales estis] Itaque multa ad huc eorum Fidei deerant, sine tamen salutis periculo, cum etiam reliqua suscipere & discere parati forent. Talis quoque fides, imperfecta scilicet, erat Thessalonicensium, ad quos scribit 1. Thess. 3. Nocte ac die abundantius oro, vt videam faciem vestram, & compleam ea, quæ defunt fidei vestræ, ad perfectionem scilicet, non ad salutem. Atque huiusmodi imperfecti Ignorantes vocantur, & contrario nomine spiritualibus opponuntur 1. Cor. 14. Si quis videtur Propheta esse aut spiritualis, cognoscat, quæ scribo vobis. Si quis autem ignorat, ignoret, id est, velut Ignorans, se gerat, neque sibi nimirum sapere permittat, aut ea, quæ non ipsi, sed alijs membris data sunt, arroget. Igitur nihil adhuc attulit Rex, cur uos Ecclesiæ manus, id quod Oculorum est officij, inuadere, & oculati esse, ac scripturas sine oculis capitis vestri videre, & intelligere. velitis.

Quid ad Fidem Christiano sufficiat,

Quibusdam satis est scire prima elementa sermonum Dei qui sunt abecedarij,

Quidam Imperfecti & Ignorantes.

CAPVT. XXVI.

SED cum dicat Apostolus, ea corporis humani membra, quæ inhonestiora videtur, magis coli ac vestitu honorari, quam honestissima membra, oculos, aures, os, manus &c. idque propterea, ne schisma sit in corpore, sed vt inter se ament membra, & alia aliorum curam gerant: quomodo tandem illi Christiani honorantur, qui nullum eximium spiritus sancti donum sortiti sunt, nec Apostolatū, nec Prophetiam, nec Doctoratum, nec Gubernationem, nec miracula, nec opitulationem, & vt summatim dicam, qui non sunt spirituales sed ignorantes & Idiotæ atque agrammati? quid isti de donis spiritus sancti participant, vt

Inhonestiora Ecclesiæ membra quomodo honorantur.

*Dona Fidei, spei
& charitatis re-
liquis donis ex-
cellentiora,*

*Charitatis ex-
cellentia,*

*Charitas su-
pereminet scien-
tia.
Spiritus Chari-
tatis est Spiritus
principalis.*

*Spiritus prophe-
tia potest, habe-
re etiam ab ijs,
qui non habent
Spiritus chari-
tatis.*

æquo animo esse possint, neq; inuidia ad faciendū schisma conciten-
tur? Hoc eodem extremo capite 1. cor. 12. docere sic incipit : *Æmu-
lamini* (seu studiosè expetite) *charismata* siue dona *meliora*. Et adhuc excel-
lentiorē viam vobis demonstro. Id est, iam vobis ostēdam, quæ dona sint
istis omnibus vtiliora, nimirum dona Fidei, spei & charitatis, de qui-
bus statim proximo capite loquitur, in primis de chritate, quam tri-
bus Argumentis, docet quouis Apostolatu, quauis sapientia & scrip-
turarum peritia, quouis deniq; superius enarratorum charismatum
præstantiorē esse docet, *Primum*, quia qui charitatem habet, sine illis
saluatur, sed qui habet illa omnia, nequaquam sine charitate. *Deinde*,
quia reliqua desinūt in hoc sæculo, charitas autē durat in vitam æter-
nam. *Postremo*, quia reliqua omnia sunt imperfecta, charitas verò vel
in hac vita perfici potest. Ergo qui charitatē habet, numquam faciet
schisma in Ecclesia. *Charitas enim non inuidet, non agit tumultuose non infla-
tur* (aduersus Præpositos Sacerdotes) *omnia credit*, quæ scilicet creden-
da sunt, tametsi eorū scientiam non habeat, *omnia sperat*, quæ speran-
da sunt, vt etiam, cuiusmodi alterius vitæ status sit futurus, minus
nouerit, *omnia suffert*, quæ scilicet ei à Pastoribus imponuntur. Igi-
tur rectè Paulus Ephes. 3. *Charitatem supereminere scientia dixit*,
siue multum ei præstare, adeoque spiritum charitatis Dauid spiritum
rectum & principalem vocat Psalm. 50. *spiritum rectum innoua in vi-
sceribus meis. Spiritu principali confirma me*. Eum nempe per peccatū ami-
serat, quamuis spiritum scientiæ & Prophetiæ retinuisset, velut hæc
eius verba significant: *In certa & occulta sapientiæ tuæ manifestasti mihi*. Sic
Propheta Baalam, quamuis charitatem Dei non haberet, sed Idola
coleret, & propter auaritiam aliis etiam Idololatriæ auctor esset (Nu-
mer. 31. 16. Apol. 21. 14.) fuit nihil ominis magnus propheta & auditor
sermonum Dei & visiones Omnipotentes videbat, Numer. 24. Hunc igitur
spiritum principalem, hoc charitatis charisma vos, Augustissimi
Principes, æmulamini, quo impetrato non erit, cui nedum huius
Regis, sed etiam summorum Theologorū Catholicorū scientiæ vel
minimum inuideatis.

CAPVT XXVII.

*Hæretici exeunt
ex Ecclesia.
Alij sponte sua,*
ISA 1. 49. Venerunt structores tui (Episcopi, seu pastores dati
ad adificationem corporis Christi Ephes. 4.) destruentes te &
dissipantes à te exhibunt.] Isti sunt Hæretici siue Lupi, qui di-
spargunt seu dissipant gregem. Hi exeunt partim sponte sua per fal-
sam

fam doctrinam, siue prauas scripturæ interpretationes, quæ sunt velut violenta Ecclesia remedia 1. Cor. 11. Audio scissuras esse inter vos, & ex parte credo. Nam oportet Hæreses esse, vt & qui probati sunt, manifesti fiant in vobis.] Scilicet illi tantum Hæresi inficiuntur & ex Ecclesia exeunt, qui charitatem non habent. 1. Tim. 1. Finis præcepti est chrirtas de corde puro, & conscientia bona, & fide non ficta: à quibus quidam aberrantes, conuersi sunt in vaniloquium siue Hæresin, volentes esse legis doctores, id est, ex ambitione scripturas interpretandas suscipientes. Et infra: Habens fidem & bonam conscientiam, quam quidam repellentes circa fidem naufragauerunt. Prouerb. 5. Quare seduce- ris, fili mi, ab aliena (id est, à falsa sapientia, siue Hæresi) & foueris in sinu alterius? Hoc eò fit, quia respicit Dominus vias hominis, & omnes gressus eius considerat. Iniquitates suæ capiunt impium, & funibus peccatorum suorum constringitur (id est, propter peccata ipsius, Deus illum in Hæresin incidere permittit, sicut Prouerb. 13. Impietas peccatorem supplantat, iustitia custodit innocentis viam. Et Paulus Iudæis ait scripturam factam esse in laqueum & in retributionem siue penam, Rom. 10.) Ipse morietur, quia non habuit disciplinam (noluit à Pastoribus discere, neque eis obedire) & in multitudine stultitiæ suæ decipietur, quia nempe ingenio & doctrinæ suæ nimium fesus est, nec se errare posse credidit. Isai. 47. Sapientia tua & scientia tua hæc decepit te. Prouer. 28. Qui confidit in corde suo, stultus est. Prouer. 12. Qui confidit in cogitationibus suis, impiè agit.] De huiusmodi sponte ex Ecclesia exuntibus, loquitur Iudas in Epistola: Hi sunt, qui segregant semetipsos, animales, Spiritum non habentes. Et 1. Ioh. 4. Nolite omni Spiritui credere, sed probate Spiritus, si ex Deo sint: quoniam multi pseudoprophetæ exierunt in mundum. Et in secunda epistola: Multi seductores exierunt in mundum. Et 1. Ioh. 2. Ex nobis prodierunt, sed non erant ex nobis. nam si fuissent ex nobis, permanissent vtique nobiscum.] Alij verò ab Episcopis non propter falsam doctrinam, sed propter inobedientiam, & quia subiacere Præpositis nolunt, eiiciuntur, velut facere iubentur. Presb. 22. Eijce derisorem, & exhibit cum eo iurgium, cessabuntque causæ & contumeliæ] Derisor, ait Lutherus in Glossa Prouer. 9. est inobediens, contemptor & refractarius. Sic ergò apparet, Hæreticos & Schismaticos nihil esse nisi alui excrementa, & eorum conuenticula, non Ecclesias, sed Latrinas meritò vocari.

Psal. 35. Non veniat mihi pes superbiæ, & manus peccatoris non moueat me. Ibi ceciderunt, qui operantur iniquitatem: expulsi sunt,

M 3

nec

Qui charitatē
amittunt, ab
Hæreticis seduci
cuntur.

Propter Peccata
permittit Deus
homines ab Hæ-
reticis perueriti.

Maximè quia
nolunt discere à
Sacerdotibus &
quia se sapere
putant.

Alij Hæreticò
eiiciuntur ex
Ecclesiis.

*Iniquitas saepe
in scriptura pro
falsa doctrina
ponitur.*

*Dua causa ob
qua sunt Ha-
ereses.*

nec potuerunt stare] *Operari iniquitatem* saepe in scripturis dicitur, qui falsam doctrinam siue inuenit, siue inuentam sequitur. Sic Rom. 2. Non acquiescunt Veritati, credunt autem iniquitati. 2. Thess. 2. Qui non crediderunt Veritati, sed consenserunt iniquitati.] Air ergo Dauid causam, cur quidam ex Ecclesia expulsi fuerint, esse duplicem. Prior, quia pedē siue ingressum superbum habuerunt, nimisq; sibi ipsis fisci sunt. Deinde, quia mouit eos manus peccatoris, hoc est, ut Ierem. 8. ait, *stilus mendax scribarū*, siue falsa scripturae interpretatio. Itaq; orat Propheta, se ab utroq; custodiri, sicut etiam Psal. 143. Eripe me de manu filiorū alienorum, quorum os locutum est vanitatē, & dextra eorū, dextra iniquitatis. Psal. 139. Custodi me Domine de manu Peccatoris, & ab hominibus iniquis eripe me, qui cogitauerunt supplantare gressus meos: absconderunt superbi laqueum mihi, *ut scilicet eo indutus caderem, & ex Ecclesia expulsus stare non possem.*

CAPVT XXVIII.

O S E R. I. Et erit in loco, ubi dictum est eis: Non populus meus vos: dicitur eis: Filij Dei uiuentis. Et congregabūtur filij Iuda & filij Israel pariter (*id est, Iudaei & Gentiles, ut Paulus interpretatur Rom. 9.*

*Ecclesia habet
Caput vnum,
quod ipsamet
sibi ponit, & ad
quod adscende-
re potest.*

in unitatem fidei conuenient, vnumque corpus conficiet) & ponent sibi met CAPUT VNUM, & adscendent de terra] Hic loquitur de vno totius Ecclesiae capite, quod ipsamet Ecclesia sibi P O N I T, per electionem scilicet vnus ex medio Ecclesiae, ad quod etiam adscendi potest, ut interrogetur scilicet, cum quē obscura & in explicabilis quæstio inciderit. Hoc enim per verbum *Adscendere* significatur. Deuter. 17. si difficile & ambiguum apud te iudicium esse perspexeris inter sanguinem & sanguinem, causam & causam, lepram & lepram: & iudicū intra portas tuas videris verba variari: (*quia scilicet sensus legis obscurior est, neque legem eodem modo omnes intelligant*) surge, & A D S C E N D E ad locum, quem elegerit Dominus Deus tuus: veniesq; ad sacerdotes Leuitici generis & ad Iudicē qui fuerit illo tempore, queresq; ab eis, qui indicabunt tibi iudicij veritatem. Et facies quodcumq; dixerint, qui præsunt loco, quē elegerit Dominus. & iuxta sermonem legis quem te docuerint (*Sic enim est in Hebræo textu: id est, iuxta id, quod illi dicent Lege ge contineri, siue, iuxta sensum Legis, quē illi verum sensum esse dicent*) sequerisq; sententiam eorum, nec declinabis ad dextram, neq; ad sinistram. Qui autē superbierit, nolēs obedire Sacerdotis imperio qui eo tēpore ministrat

*Sacerdoti non
obediens in in-
tellectu scriptu-
rae, occidendus.*

ministrat Domino Deo tuo (id est summi Pontificis) nec decreto Iudicis (si scilicet eo tempore Gladus seu potestas secularis non sit in manu Pontificis) morietur homo ille, & auferes malum de Israel, cunctusque populus audiens timebit, ut nullus deinceps intumescat superbia.] Tametsi in populo Iudaico non semper ius vite ac necis in manu Pontificis futurum Deus sciebat (nam Num. 27. officium Moysi Regium & Sacerdotale ita diuiditur, ut partem eius habeat Iosue, alteram partem Eleazar, utque Iosue ad verbum Eleazari cum toto populo egrediatur & ingrediatur, & Dei voluntatem ab Eleazaro exquirat) voluit nihilominus semper ultimam controuersantiū Appellationem apud Pontificem residere, eosque ut superbos & Schismaticos occidi, qui ei subiacere nollent, neque Legem ita, ut ipse docebat, intelligere vellent. De hac Pontificis potestate insignis est locus 2. Paral. 19. In Ierusalem constituit Iosaphat (ex precepto Dei, Deut. 16, 18.) Leuitas & Sacerdotes, & Principes familiarum ex Israel, ut iudiciū & causam Domini iudicarent habitatoribus eius, dicens: Omnem causam, quę venerit ad vos Fratrum vestrorum (ad vos appellantiū) qui habitant in urbibus suis (in quibus iam iudices partim Sacerdotes, partim ex ceteris tribubus delecti constituti fuerant, quod ex superiori loco Deuter. 16, 18. & 19, 17. discimus) inter cognitionem & cognitionem, ubicumque questio est de Lege, de Mandato, de Cerimonijs, de iustificationibus, ostendite eis, ut non peccent in Dominum (id est, quis sit sensus legis, ut faciant, quod lex recte intellecta postulat) Amarias autem Sacerdos & Pontifex vester, in his, quę ad Deum pertinent, præsidebit: porro Zabadias, qui est Dux in domo Iuda, super ea opera erit, quę ad Regis officium pertinent, habetisque magistros Leuitas coram vobis] Sic ergo discimus, in omnibus iudicijs interfuisse Sacerdotes ac Leuitas tamquam Iurisconsultos, etiam in ciuilibus siue secularibus, id quod planum quoque facit locus Ezech. 44. Populum meum docebunt, quid sit inter sanctum & pollutum, inter mundum & immundum. Et cum fuerit controuersia, stabunt in iudicijs meis, & iudicabunt leges meas &c. Quod si quis iam in causa, quę merè secularis esset, neque ullam obscuritatem aut ambiguitatem ex verbis Legis haberet, appellare vellet, ad Ducem Iuda, Regis Vicarium seu Legatum appellabat. Sin autem verba Legis ambigua viderentur, neque Magistris Sacerdotibus, qui Iurisconsulti erant, de vero sensu liqueret, res ad Pontificem remittebatur, velut ad Dei Legatum: qui propterea dicitur in his PRÆSIDERE, quę ad Deum pertinent, quasi scilicet Deus per os eius loquatur, quemadmodum Moysi dicit Deus Exodi 4. Pone verba mea in ore Aaronis: & ego ero in ore tuo (immediate) & in ore illius

Potestas secularis & Sacerdotalis apud Iudæos quibus finibus distincta,

Sacerdotes erant Iudæorum Magistri ac Iurisconsulti.

Ultima appellatio apud Iudæos fiebat ad Sacerdotem: a quo non licebat pronocare.

Quia Deus per
os Sacerdotis se-
ipsum locuturus
dixerat.

illius (mediate) Ipse loquetur pro te ad populum. & erit os tuum: tu autem eris
ei in his, quæ ad Deum pertinent. Et Num. 27. Iosue audiet omnis Synagoga fi-
liorum Israel. Pro hoc, si quid agendum erit (id est, si quis dignus vindice
modus occurrerit, ut nesciat Iosue, rectè ne faciat, an secus) Eleazar
Sacerdos consulit Dominum. Ad verbum eius egreditur & ingreditur Iosue
& omnes filij Israel cum eo. id est, facient quod Sacerdos iusserit, qui in
his præsidet, quæ ad Deum pertinent, in cuius ore Deus ipse loquitur.
Itaque qui scire cupiebat, quis sermo legis Dei esset, siue quomodo
Deus Legem suam intelligi vellet, ASCENDEBAT ad summum Sa-
cerdotem, & quærebat. Malach. 2. Labia Sacerdotis custodient scientiam, &
Legem requirunt ex ore eius, quia Angelus seu Legatus aut Vicarius Domini

Cur Sacerdoti
summo inobe-
diens capite ple-
xus fuerit.

Superbia dissol-
uit vincula rei-
pub.

Decreta Sacer-
dotum à Ponti-
fice confirmata
conseruant
Synagogam.

Synagoga ha-
buit unum Pa-
storem loco Chri-
sti pro Capite.

est. Vtraque porrò inobedientia seu superbia tam erga Sacerdotem,
quam erga Iudicem siue Ducem sæcularem, capitalis erat: quod Deus
ideò sanciuir, ut Respub. siue Synagoga Iudaica esset durabilis. Cunctus
populus, inquit, audiens timebit, ut nullus deinceps intumescat superbia. Nam
superbia est, quæ diffidia & contentiones parit, & societatem nexus
ac rerump. vincula dissoluit. Prou. 13. Inter superbos semper sunt iurgia. Se-
neca 1. de Clem. 4. Tamdiu à periculo aberit populus, quamdiu sciet ferre fre-
nos (id est, obedire Magistratui) quos si quando abruperit, vel aliquo casu
diffusos reponi sibi passus non erit, hæc unitas & hic maximi Imperii contextus
in partes multas dissiliet: idemque huic urbi dominandi finis erit, qui parendi
fuerit. Quam diu igitur nemo sic superiuit, ut imperio sacerdotis obe-
dire nollet, sed simpliciter eius sententiam omnes secuti sunt, nec ad
dextram nec ad sinistram declinantes, pulcherrima fuit Synagoge fa-
cies. Itaque monet Salomon, ut valere iussis multorum libris, illud
firmiter quisque teneat, quod concilij Sacerdotum, à summo Ponti-
fice confirmati, Decreto præceptum nouerit. Ecclel. 12. Verba sapien-
tum sicut stimuli, & quasi clauis in altum defixi, quæ per Magistrorum Concilium
data sunt à Pastore vno. His amplius sili mi ne requiras. Faciendi plures libros
nullos est finis, & frequens meditatio, carnis afflictio est, quasi dicat: Te ipsum
legendo fatigaueris, si omnes libros velis legere. Itaque satis tibi ha-
beas scire, quid Sacerdotes per Pontificis auctoritatem in Concilio
decreuerint. Nam huiusmodi Decreta, velut clauis in altum defixi,
Tabernaculum Dei seu Synagogam conseruant, ut nullo variæ do-
ctrinæ vento diffilari, dissolui aut dispergi possit. Est ergo Pastor hic v-
nus, siue supremus Sacerdos, velut Vertex capitum Synagoge, id est, Con-
cilij: quomodo Diabolus Hæreticorum Vertex dicitur, cui capita o-
mnia Hæresion (nam vnum visibile caput non habent) subiecta sunt.

Psal.

Pfal. 67. *Deus confringet capita inimicorum suorum, Verticem capilli, perambulantium in delictis.* Et quia idem Pontifex dicitur Præesse ac Præsidere in his, quæ ad Deum pertinent, vnusq; omnium tam Sacerdotum & Leuitarum, quàm reliqui populi Pastor est, rectè non modò Concilij Sacerdotum, sed etiam totius Synagogæ caput appellari potuit, tametsi non minùs Synagoga Christum caput habuerit, quàm nunc habet Ecclesia. Nam *Iesus Christus heri & hodie* (caput omnis Principatus & potestatis, *Colos. 2.*) *ipse & in secula* *Hebr. 13.* Neque nos magis per gratiã ipsius saluari credimus, quàm illi *Act. 15.* Similiter Sacerdotes omnes Pastores erant, & tamen summus Pontifex *Vnus Pastor* à Salomone dicitur, quia nempe ipsos etiam Sacerdotes pascit ac regit. Quod si autem Synagogæ caput siue vnum Pastorem dedit Deus propter durationem, vt ne scilicet intestinis dissidijs eorum, qui plus ceteris sapere solique, Legem rectè intelligere volebant, velut tempestate conuelleretur & concideret: longè absurdissimum foret, eum non itidem Ecclesiæ suæ caput dare voluisse, ad quod omnes de terra *Adscenderent*, & de ijs, quæ ambigua ac difficilia incidunt, sententiam eius exquirent: vtq; cùm Ecclesiam non sicut Synagogam aliquando collabi, sed ad consummationem vsq; sæculi durare vellet. *Zach. 8.* Non iuxta dies priores ego faciam reliquijs populi huius (siue Ecclesiæ) sed semen pacis erit, dicit Dominus. *Aggæ 2.* Adhuc modicũ est, dicit Dominus, & Veniet desideratus cunctis gētibus, & implebo domũ istam gloria. Magna erit gloria domus istius nouissimæ (Ecclesiæ) plusquam primæ, id est, Synagogæ. *Ezech. 36.* Habitari vos montes Israel faciam sicut à principio, bonisq; donabo maioribus, quàm habuistis ab initio] Ergò si Tabernaculum Dauid, siue Synagoga, habuit clauos altè defixos, vt difficulter euelli possent, idq; propterea ne vento dissiparetur aut tempestatis impetu victa collaberetur, hoc est, si habuit vnum Pastorem seu caput, qui sententiam ceterorum Pastorum vel Sacerdotum in Concilio congregatorum probaret & tenendam omnibus præciperet, idque propterea, ne populus omni ventò doctrinæ, circumferretur, aut ab Hereticis in partes diduceretur: multò firmiores, & multò altius defixos esse oportet clauos, qui Christi Tabernaculum siue Ecclesiam continent, ne id ipsum ei vsuueniat, quod sibi Synagoga apud *Ieremiam* queritur euenisse *cap. 10.* Tabernaculum meum vastatum est, omnes funiculi mei dirupti sunt: filij mei exierunt à me, & non subsistunt: non est, qui extendat vltra tentorium meum, & erigat pelles meas: quia stultè egerunt Pastores.

Synagoga Deus caput dederat propter durationem.

Ergò multò magis Ecclesia tale caput habet.

Cum Ecclesia diutius durare debeat.

Synagoga quare dissoluta & collapsa.

*Ecclesia Christi
nō potest dissol-
ui nec collabi.*

*Quia clauī eius
ita altē infixi,*

*Qui sint Clauī
Ecclesia.*

*Petrus est vnus
Pastor Ecclesia.*

*Pastores cur Ec-
clesia dati.*

res, & Dominum non quæsiuerunt. Propterea non intellexerunt, & omnis grex eorum dispersus est.] Hic discimus causam, cur hoc Tabernaculum collapsum dissipatumque fuerit, hanc fuisse, quia clauī eius extracti & ablati, ac funiculi disrupti, id est, quia tandē Sacerdotum concilium directione Spiritus, sancti priuatum fuerit. Itaque ne id ipsum Tabernaculo Christi vsu veniret, ita cōsolidari clauos & funiculos eius oportuit, vt in æternum nec funiculi rumpi, nec clauī euelli possent, hoc est, vt Decreta Conciliorum à summo Pastore confirmata perpetuō Spiritus sancti inspiratione gubernarentur: quod quidem sic futurum perspicuē Deus promissit *Isai 33.* Respice Sion ciuitatem solennitatis nostræ: oculi tui videbunt Ierusalem habitationem opulentam: Tabernaculum, quod nequaquam transferri (neque vlla tempestate dissolui) poterit: nec auferentur aut extrahentur clauī eius in sempiternum, & omnes funiculi eius non rumpentur. Populus, qui habitat in ea, auferetur ab eis iniquitas] Hem tibi causam, cur Ecclesia non possit ita dissolui, dissipari, & vi venti siue Hæresios transferri, sicut Synagoga factum est: quia scilicet clauī huius Tabernaculi ita altē defixi sunt, vt in sempiternum extrahi nequeant, hoc est, quia quodcumque conueniunt Pastores videre de verbo siue controuersia quapiam, accedente summi Pontificis confirmatione, aliud quā Veritatem decernere nequeunt, semperque verē cum Apostolorum Concilio *Act. 15.* affirmant: *Visum est Spiritui sancto & nobis.* Consule enim ipsum Spiritum sanctum, qui sint clauī Ecclesiæ, & respondebit tibi, vt modo auditum est: *Clauī Ecclesiæ sunt verba, quæ per Magistrorum Concilium data sunt à Pastore vno.* Cum his verbis conferantur nunc illa: *Tu es Cephā siue saxum, & super hoc saxum adificabo Ecclesiam meam: & porta inferi non præualebunt aduersus eam. Quacumque tu solueris aut ligaueris in terra (ecce funiculos) erunt ligata in cælis, Tibi dabo clauēs regni cælorum. Tu pasce Oues, siue, esto Pastor ouium mearum.* Pro te rogavi, vt non deficiat fides tua. Tu confirma fratres tuos. Certē Veruex aut Hircus sit oportet, qui adhuc dubitat, vtrum Petrus sit VNUS ille PASTOR, cuius auctoritas Magistrorum seu Pastorum Concilio adiuncta, horumq; sententiam probans & cōfirmans, Tabernaculū Christi firmiter consolidatum teneat neq; falsis Hæreticorum doctrinis subuertere & transferri sinat. Paulus quidem in superius citato loco *Ephes. 4.* idē Pastoribus ceteros cum omni humilitate vnitos esse monet, quia Christus in altum adscendens eos suo loco dederit, vt ne oves omni vento doctrina circumferrentur, siue quauis Hæresi abriperentur.

rentur. Sed sine dubio potissimam huius rei vim in Pastorem Hierarchia collocauit, velut ea, quæ in declaratione illorum verborum supra dixi, aduincunt. Et Isaïas capite 23. disertim *Ecclesiæ Regi ac Principibus in iudicio præsidentibus*, hoc est, Concilio, summi Pastoris auctoritate confirmato, tribuit, quod omnes Christiani à vento & tempestate, siue à fraudulenta & stulta doctrina tuti sunt: Ecce in iustitia regnabit Rex, & Principes in iudicio præerunt. Et erit vir (id est, *quiuis, illi Regi illisque Principibus obediens*) sicut qui absconditur à vento, & celat se à tempestate. Non caligabunt oculi videntium (id est, *Sacerdotum, vt supra dixi*) & aures audientium diligenter auscultabunt. Et cor stultorum (*qui prius stulti fuerant ante cognitum Christum, siue etiam, qui à Mundo stulti putantur propter prædicationem Crucis, 1. Cor. 1.*) intelliget scientiam, & lingua balborum velociter loquetur & planè (*sicut Paulus se imperitum sermone dicit, sed non scientia*) Non vocabitur ultra is, qui insipiens est, Princeps (*non erit Episcopus, qui legitime vocatus non fuerit. Ezech. 13. Væ Prophetis insipientibus, qui sequuntur Spiritum suum & nihil vident, cum Dominus non miserit eos*) neque fraudulentus (*in astutia ambulans & adulterans verbum Dei, 2. Cor. 4.*) appellabitur Maior. Stultus enim fatua loquetur, & cor eius faciet iniquitatem (id est, *falsam doctrinam seu falsum scripturæ sensum comminiscetur*) vt perficiat simulationem & loquatur ad Dominum fraudulenter, & vacuam faciat animam esurienris & potum sitienti auferat (id est, *Pastores stulti, siue seductores, perfecte simulant, se doctrinam suam homines ad Dominum adducere, & puro puto Dei verbo pascere, cum tamen sit panis mendacij*) Fraudulenti Vasa (*siue instrumenta, hoc est, loca scripturæ ab ipso interpretata*) pessima sunt. Ipse enim cogitationes concinnauit ad perdendos mites in sermone mendacij. Princeps verò ea quæ digna sunt Principe cogitabit, & ipse super Duces stabit] Sic ergo omnis Ecclesiæ securitas ab Ecclesiastica Hierarchia dependet. *Principes siue Duces qui præsunt in iudicio*, hoc est, Pastores & Doctores velut membra capitis Ecclesiæ, alij oculi sunt, qui non cæcutiunt, sed vident siue scripturas intelligunt; alij aures, qui diligenter Deum in ipsis loquentem auscultant; alij os seu lingua, qui planè & velociter verbum Dei prædicant. Rex autem siue Maior, siue Princeps, qui super Duces stat, est Vertex capitis siue summum Ecclesiæ caput, qui regnat in iustitia siue iustè, & ea cogitat, quæ Principe digna sunt, hoc est, ita vt oportet, docet, nec falsò scripturas interpretatur, Hæretici cōtra sunt stulti & fraudulentis simulators, & cogitationes concinnant ad perdendos mites,

*Principes &
Duces Ecclesiæ.*

*Rex Ecclesiæ
qui super Duces
stat.*

hoc est, vt Paulus ait, *ad seducēda corda innocentium*, ac velut vētus siue turbo, & sicut tempestas Tabernaculum Dei euertere & dissipare moluntur, sed frustra quia, vt dictum est, clauī eius ita altē defixi sunt, vt in æternum auferri nequeant. Clauī porro sunt Decreta Principum aut Ducum, à Rege super Duces stante, confirmata.

CAPVT XXIX.

ATQ U E hoc ipsum satis perspicuē nos hęc Isai. 30. verba docent: Non faciet auolare à te vltā Doctōrē tuum (ò Ecclesia) & erunt oculi tui videntes Præceptorem tuum, & aures tuæ audient verbum (Doctōris tui) post tergum monentis: Hęc est via, ambulate in ea, & nō declinetis neque ad dexteram, neque ad sinistram] sicut Christus in altum adscendens Ecclesię dedit Pastores multos, & tamen vni dixit:

*Ecclesia habet
vñū Præceptōrē
supremū, sem-
per vñsibilem.*

Pasce oues meas, & hoc modo vñum Pastorē siue caput Pastorum constituit: ita etiam dedit Doctōres multos, tamen vñs sit summus Doctōr ac Præceptor, qui numq̃ auolat, sed semper videtur, & post tergum, hoc est, in fine Conciliorū auditur, cum reliquorum Doctōrū decreta confirmat, eisq; omnes Christi discipulos credere & parere iubet. Atque ad hunc Doctōrem, qui semper videri potest, ad hunc Regem super Duces stantem, ad hunc Pastorem vñum, in his quę ad Deum pertinent præfidentem, ad hunc Sacerdotem, qui præest loco, quē elegit Dominus, ad hoc caput, q̃ Ecclesia per electionē sibi posuit, oportet

*Ad quem oportet
adscēdere.
si quis scriptu-
ras velit intel-
ligere.*

ADSCENDER E, omnes, qui Iudicij veritatem siue verum scripturæ intellectum scire cupiunt. Hoc vt omnes Christianos facere doceret, S. Paulum quoq; Spiritus Dei ad S. Petrū adscendere iussit, non vt aliquid ab eo disceret (quippe qui extra ordinem ab ipso Christo Euangelium suum iam didicerat) sed vt Euangeliū suum, cui alioquin multi non credidissent, propterea quia de circumcisione alijsq; Moisaicis Cēremonijs aliud, quā ceteri Apostoli, docere videbatur, à Petro CONFIRMARI, & collatione siue Examine præmissō APPROBARI faceret. Sic enim legimus *Act. 15.* Quidam descendentes de Iudęa docebant fratres: quia nisi circumcidamini secūdum legē Moysi, nō potestis saluari. Facta ergo seditione nō minima Paulo & Barnabæ aduersus illos (quia nempe utraque parte scripturas pro sua sententia allegante, utra melior esset, dijudicari non poterat) statuerunt Christiani Antiōchiæ, vt

*Cur Paulus ad
Petrū adscē-
dere necesse ha-
buerit.*

ADSCENDER ENT Paulus & Barnabas & quidā alij ex alijs (*id est, ex contraria parte*) ad Apostolos & Presbyteros in Ierusalem super

hac quæstione &c.] Et ipse Paulus eadem de re sic scribit *Galat. 2.* Iterum ADSCENDI Hierosolimam cum Barnaba, assumpto & Tito. Ascendi autem secundum reuelationem (*id est, à Spiritu sancto iussus*) & contuli cum illis Euangelium, quod prædico in Gentibus, seorsum siue in primis autem cum ijs, qui videbantur aliquid esse, ne fortè in vacuum currerem aut cucurrissem (*ne alij mihi cum Apostolis non conuenerent suspicantes, nihil mihi crederent, & doctrinam à me acceptam dereliquerent*) Ab ijs autem, qui videbantur esse aliquid (quales aliquando fuerint, nihil mea inter est, Deus personam hominis non accipit, *id est, nihil curo, quod Apostoli prius idiotæ & rudes piscatores fuerint*) mihi enim qui videbantur aliquid esse nihil contulerunt.] Quasi dicat: Non ut aliquid ab Apostolis discerem, adscendi (tamen si haud contumeliæ causa id feci, quod eos velut homines quondam indoctos contemnerem) sed ut Euangelium meum ab ipsis recognoscendum & confirmandum curarem, eoq; pacto calumniandi mei ansam ijs, qui meam doctrinam cum ceterorum Apostolorum dissidere dicunt, præriperè, omniq; scrupulo discipulos meos liberarè. Nominat quidè tres simul Apostolos, quos ait tantæ auctoritatis apud omnes fuisse, ut pro *Columnis haberentur*, Petrum, Iacobum & Iohannem, sed sine omni dubitatione Petri potissimum causa Hierosolimam adscendere à spiritu sancto iussus fuit. Nam primùm Petrum totius ouilis sui Pastorem Christus constituerat sine vlla exceptione: *Pasce oues meas: Pasce agnos meos.* Itaq; nemo ante Petrum Gentilibus Euangelium prædicare ausus fuit (Nam quod *Act. 9.29.* de Paulo legitur: *Loquebatur quoq; cum Gentibus, & disputabat cum Græcis*: illud, cum gentibus, neq; in Græco, neq; in Syriaco textu legitur: & Græci hic sunt Iudæi Græcificantes siue in Græcia nati, siue ut Syriacus textus habet: *Iudæis, qui sciebant Græcè*) sed demum *Act. 10.* per reuelationem iussus est Petrus Gentes quoq; ad ouile Christi adducere. Itaq; *Act. 15.* sic in Concilio Petrus ipse loquitur. *Vos scitis, quoniam ab antiquis diebus Deus in nobis elegit per os meum audire Gentes verbum Euangelij, & credere.* Est igitur Petrus vnus ille Pastor, de quo Christus loquitur *Ioh. 10.* Alias oues habeo, quæ non sunt ex hoc ouili (*nempe Gentes*) & illas oportet me adducere (*per os Petri, quem ex ceteris Apostolis ad hoc elegi*) & vocè meam audient (*quia Spiritus meus in Petro loquens de meo accipit, Ioh. 16.*) & fiet vnus ouile & vnus Pastor, nempe supremus & ordinarius hac de causa conueniens iudicauit spiritus sanctus, ut Paulus extraordinarius Pastor ad vnum illum ordinarium adscenderet, & ab eo confir-

Petrus causa Paulus ascendit Hierosolimam.

I.

Quia Petrus totius Ouilis pastor erat.

Nullus Apostolus ante Petrum audebat Gentibus prædicare.

Christus loquitur per os Petri

N 3 maretur,

II.
*Solus Petri fides
non deficit, &
ipse reliquos con-
firmat.*

III
*Petrus confir-
mauit doctrinā
Pauli voce &
scripto.*

maretur, vt scirent oues, se eodem ipso Dei verbo à Paulo pasci, quod Petrus à Christo acceperat. Deinde, pro Petro solo rogauit Christus, vt fides eius non deficeret, ceteris ab eo confirmari satis fore significans. Itaq; præcepit Petro: *Tu aliquando conuersus CONFIRMA fratres tuos.* Vbi conuersus attentum significat, velut illud Psalm. 84. *Deus tu conuersus viuificabis nos.* Itaque à Petro potissimum confirmari Euangelium suum Paulus voluit, adeoque ipsius causa magis, quàm Iacobi aut Iohannis Hierosolymam adscendit. Postremo cum opus ipsum loquatur, Pauli doctrinam à Petro, nec uiua solùm voce sed etiam scriptis confirmatam & approbatam esse, nullus certè dubitandi videtur locus relinqui, quin Paulus Doctrinæ suæ confirmationem impetraturus, ad Petrum potissimum adscenderit. De uiua voce testatur totum caput Act. XV. nam Petrus in Concilio sententiam secundum Paulum dixit, non esse scilicet Gentes, ad fidem Christi conuersas, Mosaicæ legis iugo onerandas, quia iustitia & salus non ex operibus legis, sed ex gratia Christi per fidem detur. De scriptis, videatur posterior Petri epistola capite postremo, quo loco sapientiam Pauli commendat, & Epistolas eius velut in sacrorum librorum Canonem recipit, itaq; Fratrem Paulum, vt veritatis Doctorem & Apostolum confirmat,

CAPVT XXX.

*Rex Angliæ Pe-
tri primatū con-
trouersū facere
conatur.*

*Magdeburgenses
Prædicantes pro
Catholicis ad-
uersus Regem
testantur.*

HOc autem loco Regem nostrum parumper audiamus, cen-
seo. Is Pagina 52. & 53. scribit: *Aperissimè constat, Paulum
non satis in hac nupera ac nouitia doctrina (de Primatu Petri) fuisse
institutum, qui cum Petro tam parum comiter egit, vt illi se non
æquaret modo, sed etiam anteferet.* Galat. 2.

Primum quàm verum sit, quod nostra de Petri primatu sententia
sit nouitia ac nupera, testantur inimici nostri Magdeburgenses cen-
turiatores, cum centuria tertia columna 84. ita scribunt:

Tertullianus in libro de Pudicitia (quem inimicus iam Romane
Ecclesie & in Montani Hæresin lapsus scripsit, neque certè Romanis adula-
ri voluit) non sine errore sentire videtur, clauēs soli Petro com-
missas & Ecclesiam super ipsum exstructam esse. Cyprianus lib. 4.
epist. VIII. nominatim ait, idque sine vlllo fundamento scripturæ,
Romanam Ecclesiam ab omnibus pro matrice & radice Catholicæ
Ecclesiæ agnoscendam esse, quemadmodum & lib. 1. epist. 1. Prin-
cipalem

cipalem vocat Ecclesiam Petri Cathedram, à qua vnitas sacerdotalis exorta fit. Alibi passim dicit super Petrum Ecclesiam fundatam esse. Et *Origenes* tractatu quinto in Mattheum dicit, Petrum meruisse fieri Ecclesiae fundamentum, & fuisse principem Apostolorum] *Hactenus Magdeburgenses.*

Quod si hanc sententiam, quæ iam 1400. annos habet, pro nupera ac nouitia haberi Rex postulat, recusare certè non potest, quin eum pro filio vnus anni, sicut de Rege Saule scriptura loquitur 1. Reg. 13. aut etiam pro quasi modo genito habeamus. Ipse vtrum velit, viderit. Nobis satis est inimicorum testimonio Antiquitatem sententiæ nostræ docuisse, & ad Mosis exemplum (Deut. 32.) cantare posse: Non est noua Religio nostra, vt Religio eorū: & inimici nostri sunt iudices.

Quod deinde Rex apertissimè constare dicit, *Paulum non modò se Petro equare, sed etiam anteferre ausum* in Epistola ad Galatas: e- quidem mihi non constare, qui sint illi, quibus id constet, vtrò fateor. Illud quidem scio, in ea plerosq; omnes sententia esse, quod Petrum Paulus reprehenderit, sed vtrum meritò, & seriò ne an simulatè id fecerit, nondum satis conuenisse. si mihi Rex sententiæ dicendæ ius relinquat, tantum abesse censeo, vt in illo ad Galatas loco Paulus Petro se prætulerit, vt maiore ei honorem, quàm narranda illa de Petri simulatione historia, nequaquàm habere potuisse existimè. Nam pseudapostoli circūcisionis necessitatē docētes hoc potissimū modo Paulo & doctrinæ ej' fidē & auctoritātē abrogare conabatur, vt eius Euangelium ab eo, quod Petrus Apostolorū Princeps prædicabat, discrepare contenderent. Contra illos igitur toto capite secūdo id agit, vt suam doctrinā ab Apostolis, in primisq; Petro, confirmatā & approbatam esse probet: quo ipsi maximè sanè Petrū extollit. Quatuor porò modos, quib' eam Petr' confirmauit, recenset. *Primus* fuit sententiā in concilio secūdū Paulū data, quæ Titū circūcisionis necessitate liberauit. Et de hoc modo iam satis dixi. *Alter* fuit signū, nēpe porrectio dextræ & Societatis atq; concordie professio. *Tertius* fuit ipsū factū, cum cibū vna cum Gētilib' sumpsit, & ita legem Mosaicam minime necessariam esse, id quod Paul' prædicabat, docuit. *Postremus* mod' fuit silentium, siue tacitus Petri assensus, cum Paulo se admonenti aliorumq; querelā exponenti nihil contradixit. Ex his omnibus perspicuè Galatis apparere potuit, Euangelium Pauli nequaquam, vt pseudapostoli iactabant, à Petri doctrina dissentire, sed magnoperè ab eodem probari. Igitur Palus etiam cum summo Petri honore hi-

*Petri primasie
ante 400 annos
fuit creditus*

*An Paulus Pe-
tro se equauerit
vel prætulerit,*

*Pseudapostoli
iactabant Paulū
doctrinā à Petri
doctrina discre-
pare.*

*Paulus contra
eū à Petro con-
firmatū probat.
Quot modis Pe-
trus Pauli doctri-
nā confirmauit.*

*Paulus summo
honore Petri
afficit*

*Virum Paulus
Petrum repre-
henderit.*

storiā illam narrat, cum finem narrationis aliū non habeat, quam suū Euangelium Petri cum factō, tum silentio cōfirmatū probare. At enim Petrum reprehendit, inquit: quid tum? non continuō quē quis vno aliquo in factō reprehendit, eo maior est, aut ei se præfert, sicut neque Herodise prætulit Iohannes, cum eum ob Herodiaden reprehendit. Sed ego Petrum à Paulo reprehensum esse, quo magis confidero, minū inuenio. Tota Pauli narratio his verbis absoluitur:

Cū venisset Cephas Antiochiam, in faciem ei restiti, quia reprehensus erat (ita enim habet Græcus textus, & Lutherus ipse non alio sensu Germanicè reddidit, quam vitio fuisse datum Petro ab alijs, fuisse aliquos, qui eum reprehenderent, sicut & Syriaca versio transtulit: quoniam offendeantur in eo) Prius enim quā venirent quidam à Iacobo (id est, cum tantum adessent Christiani gentiles, non ex Iudaismo conuersi) cum Gentibus edebat (cibos scilicet Lege Moysi vetitos, non tamen sanguinem aut suffocatum aut idolothyta, velut alias historia Ecclesiastica non satis memor putauit) Cū autem venissent (illi Iudaizantes Christiani, qui gentiliū ciborū esu scandalizabantur) subtrahebat & segregabat se (nec amplius cum gentilibus edebat, ut putaretur Legem Moysi seruare) timens eos, qui ex circumcisione erant (sive eo fine, ut parceret Iudaizantium illorum infirmitati, timens eis, sive sollicitus pro eis. Ita Galat. 4. Timeo vos, ne sine causa laborauerim in vobis- id est timeo vobis, sollicitus sum pro vobis. Sic Isai. 7. 16. Derelinquetur terra, quā tu detestaris. Ibi 70. Interpp. terra, quam times. pro cui times, pro quā sollicitus es. Nam chaldæus paraphrastes reddidit: Terra, pro quā tu tribulationem pateris. Sic Isai 57. 11. Pro quo sollicita timuisti? Ibi 70. interpp. Quid times? Chaldæus: De quo anxius es. Itaq; Petrus timebat Iudaizantes, sive de illis anxius erat, sollicitus pro illis timebat, eisq; velut infirmis parcere cupiebat) Et simulationi eius consenserunt ceteri Iudæi (id est, abstinnerunt à cibis prohibitis, ut legem Moysi obseruare, & necessario obseruandam credere viderentur) ita ut Barnabas ab eis duceretur in illam simulationem. Sed cū vidissem, quod non rectè ambulaurent (Iudæi illi) ad veritatem Euangelij (hocque Petri exemplo posthac ad probandam Legis necessitatem, & ad euertendam doctrinam meam vsuri essent) dixi Cephæ coram omnibus: Si tu, cum Iudæus sis gentiliter uiuis, & non Iudaicè, quomodo cogis Gentes Iudaizare? id est, tum tu ipse natus sub Lege, Legem non seruaueris paulò ante, quando cum Gentilibus cibos Lege vetitos commedebas, quomodo potest tuum exemplum iam cibis vetitis abstinentis Gentiles ad Legem seruandam obligare?

Hæc

Hæc Paulum ideo commemorasse Rex putat, ut se Petro non modo parem, sed etiam superiorem esse ostenderet. Ego autem eius consilium sic interpretor, quod suam doctrinam Petro cum facto, tum assensu tacito confirmatam demonstrare voluerit, & hoc ipso Petrū velut pastorem ordinariū, cuius esset ceteros confirmare, se maiorem agnouerit. Quod autem priore loco dicit: *Restiti ei in faciem, quia reprehensus erat*, id posterius ipse sic interpretatur: *Dixi ei coram omnibus, Quomodo cogis Gentes Iudaizare, cum tu ipse paulo ante nō Iudaizaueris?* Et Petr^o silentio suo, assensū declarauit, neq; gentib^{us} Iudaizandū esse annuit. *Restiti ei in faciem*, id est, corā stans ei in faciē dixi, quid? quia reprehensus erat, id est, quod reprehenderetur ab alijs, quod ei vitio daretur simulatio, propterea quia eius factū videretur Gentilibus Legis seruandæ necessitatē imponere. *Quia autē tū Quod per Enallagen dici solere*, nemo nescit, qui vel semel S. Biblia inspexerit. Vt: *Credo quia tu es Christus Audiuimus, quia Christus manet in æternum. Sciens Iesus, quia venit hora eius.* Non igitur Paulus ipse Petrū reprehendit, sed tantū eum admonuit, eiq; quid alij in ipso reprehenderent, significauit, tametsi eum iniuria ac sine vllō suo merito reprehendi satis intelligeret. Et verō in his ipsis verbis, quæ tanta cū inuidia ab Hæreticis contra summam Petri auctoritatē iactantur, singulari quadam *εμφασι* honorem ei à Paulo habitum aduerto. Perinde enim videtur ac si dixisset: *Tantū mihi sumpsi ac tam audax fui, ut stans corā Petro eum admonere, & quid alij in ipso reprehenderent, ei significare non dubitarem* quo pacto satis innuit, neminem alium hoc facere ausurum fuisse. Similiter se Petri discipulis siue Romanæ Ecclesiæ excusat, *Rom. 15.* Certus sum, fratres mei, & ego ipse de vobis, quod & ipsi (*non minus scilicet, quàm ego*) pleni estis dilectione, repleti omni scientia, ita ut possitis alterutrum monere (*adeoque mea admonitione non indigeatis*) Audacius autem scripsi vobis fratres ex parte (*non tamquam Petri prædicatione non satis doctis, sed*) tamquam in memoriam vos reducens] Quod porro Paulus iudicauit, iniuria Petrū à nonnullis reprehēdi, id nullo negotio docere ac probare possū. Nam verba illa, quæ summā omnis reprehensionis cōtinēt: *Si tu cum Iudæis sis gētiliter viuus, et nō Iudaicē: quomodo Gentes cogis Iudaizare?* Hæc, igitur, verba aut illud pri^{us} in Petro reprehēdūt, quod cū Iudæus esset, cum Gentibus tamē edere fuisset ausus: aut hoc posterius, quod Gentes Iudaizare cogeret. Sed prius reprehendi non potuit, quia Petr^o de cælo iussus fuerat ad Gētiles accedere, & cum ijs manducare, *Act. 10. 14. et 28.* Idq; suū factū Iudæis secū altercanrib^{us} cumulatē probauit.

Quomodo Paulus Petro restitit in faciem.

Paulus non reprehendit Petrū

Quam humiliter Paulus cum Petri discipulis egerit.

Paulus finit Petrū reprehendi non posse.

Non enim peccarat edendo cum Gentibus.

0 Act. 11.

*Neq; cogebat
Gentes Iudai-
zare.*

*Quo consilio Pe-
trus Iudai-
zauit.*

*Petrus peccasset
nisi Iudai-
zasset.*

*Nam sic facien-
dum Paulus do-
cuit.*

*Et sic Paulus ip-
se fecit.*

*Sic etiam docu-
it faciendum Ia-
cobus Apostolus*

Act. 11. 18. Fuit ergo reprehensū posterius, quod Gentiles scilicet Iudaizare, & à cibis lege Mosaica vetitis abstinere cogeret. Sed in eo magnam Petro iniuriam fieri, nequaquam ignorare Paulus potuit. Si enim Gentes coëgit Petrus Iudaizare, aut doctrina siue verbo coëgit, aut vita siue exemplo, seu facto. Sed id neutro modo fecit: quod ipse Paulus hoc loco testatur. *Non doctrina*, confirmauit enim in concilio Pauli sententiam, & gentes lege Mosaica non teneri docuit. *Non facto siue exemplo*, quia paulò antè ipse cum Gentilibus comederat, & sic non necessarium esse Iudaizare docuerat: & deinde autem, quando Iudaizauit, & abstinendo à cibis vetitis se Legē Mosis seruare simulauit, nequaquam eo consilio aut fine id fecit, vt exemplo suo Gentiles Iudaizare cogeret, sed potiùs vt infirmitati Christianorū ex iudaismo conuersorum parceret. *Timebat eos* (ait Paulus) *qui ex circumcisione erant*, pro timebat eis, sollicitus erat pro eis, ne scilicet eos suis ciborū vetitorum vsus scandalizaret aut contristaret. Sic eadem epistola *cap. 4.* de se ipso Paulus fatetur: *Timeo vos* (pro timeo vobis) *ne forte sine causa laborauerim in vobis.* Atq; hic timor, hæc cura, hæc sollicitudo ita Petrū decuit, vt nisi sic timuisset, hoc est, nisi ex cautione scandali simulasset, grauiter peccaturus fuerit. Sic enim Paulus ipse *Rom. 14.* scribit: Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Si propter cibum frater tuus contristatur, iam non secundum charitatem ambulas.] Ergo contra charitatis legem commisisset Petrus, si postquam superuenerunt infirmi fratres, cibis vetitis vesci cum Gentibus perrexisset. Fecit igitur, quod se ipsum fecisse Paulus gloriatur *1. Cor. 10.* Siue manducatis, siue bibitis, siue aliud aliquid facitis, omnia in gloriam Dei facite; sine offensione estote Iudæis, & Gentibus et Ecclesiæ Dei; sicut & ego per omnia omnibus placeo, non quærens quod mihi utile est, sed quod multis, vt salui fiant *1. Cor. 9.* Iudæis factus sum tamquam Iudæus (*id est. Iudai-ani*) vt Iudæos lucrarer: ijs qui sub lege sunt, quasi sub lege essem, vt eos, qui sub lege erant, lucrifacerem (*sicut cum Timotheum circumcidi, itaq; me Legem Mosis seruare simulauit* *Act. 16.*) ijs qui sine lege erant (*Gentilibus*) tamquam sine lege essem, vt lucrifacerem eos qui sine lege erant. Factus sum infirmis infirmus, vt infirmos lucrifacerem. Omnibus omnia factus sum, vt omnes facerē saluos.] Atq; huius Paulini moris & instituti peregrinum legim⁹ exemplum *Act. 21.* Iacobus & seniores dixerūt Paulo. Vi-des frater, quot millia sunt in Iudæis, qui crediderūt, et omnes æmul-
lationes

latores sunt Legis (putant Legis Mosaica obseruationem necessariam esse, quā-
 nis non ad salutem, tamen ad perfectionem in illis præcipuē, qui Iudæi nati sunt)
 Audierunt autē de te, quod discessionē doceas à Mose eorum, qui per
 Gentes sunt, Iudæorum, dicens non debere eos circumcidere filios
 suos, neq; secundum consuetudinē ingredi, Quid ergo est: utiq; oportet
 conuenire multitudinem: audient enim te superuenisse. Hoc
 ergo fac, quo tibi dicimus. Sunt nobis viri quatuor, votum habentes
 super se. His assumptis sanctifica te cum illis, & impende in illis, ut
 radant capita: (*Sed quo fine sic Iudæi abit Paulus?*) & scient omnes, quod
 falsa sint, quæ de te audierunt, cum & tu ipse ambules custodiens legē
 (*Ecce, quā consulatur Paulo, ut se Iudæizare et legē seruare simulet.*) De his
 autem, qui crediderunt ex Gentibus, nos scripsimus indicantes, ut ab-
 stineant se ab Idolis, immolato, & sanguine & suffocato & fornicatio-
 ne (*quasi dicat: cum ijs Christianis, qui Gētilēs fuerūt præceperimus in gratiam
 infirmorū Christianorū ex Iudæis conuersorū aliqua legis Mosaica capita obserua-
 re, certē tu Iudæus natus multo plura in eorū dē gratiā merito facere debes*) Tum
 Paulus assūptis viris postera die purificatus cū illis intrauit in Tēplum
 annūciāns expletionē dierū purificationis, donec offerretur pro vno-
 quoq; eorū oblatio *sive sacrificiū* Cum igitur Paul^o, qui præcipuē non
 Iudaicorū Christianorū, sed Gētiliū curam gerebat, tamen in gratiam
 Iudaicorum tam multa tamq; grauiā sibi faciendā censuerit, quanto
 iustius Petrus, qui præcipuē Iudaicorum regendorum prouinciā sibi
 reseruauit, rem tam exiguā, à cibis nempe gentilibus abstinentiā
 gratificari eorū imbecillitati debuit: Itaq; tantum abest, ut in eo pec-
 cauerit, ut etiam singularis charitatis nomine plurimū commendari
 meruerit. At enim (dicit Rex) Christianos Gētilēs illa sua simulata
 Legis obseruatione offendit & contristauit, eoq; ipso non secundum
 Charitatem ambulauit. Sed ego etiam charitati erga Gētilēs abunde
 ab eo satis factum puto, quod quamdiu id sine Iudaicorum scandalo
 potuit, Gētilib^o fact^o fuit tamquam gentilis, & cibis Legis vetitis si-
 mul cum ipsis vesci voluit. Postea verò quā se sine Iudaicorum cō-
 tristatione ampliū id facere nō posse intellexit, prudētissimē, potius
 ut Iudaicis parceret, se cōparauit. Nam Gētilib^o iam non vna via con-
 sultū. Primum enim ipsi^o Petri sentētia & Concilij decreto à Legis ob-
 seruatiōe liberatos se sciebant. Deinde eundē Petrum iam modò si-
 bigratificatum, & secū simul cibis vetitis vescientem viderant Atq; ad
 huc satis datum Gentilibus; de hinc etiam infirmitati Iudaicorum
 aliquid indulgendum putauit, cum præsertim propter ea, quæ iam

*Paulus Iudæi-
 zar.*

*Relius ergo
 Iudæi zar Petro*

*Petrus non offē-
 dit Gētilēs.*

*Non erat Veris-
 mile Gētilēs Iu-
 dæiz ante Petro
 scandalum ac-
 cepturos.*

dixi, nullum metuendum videretur periculum, ne quid Gentilibus scrupuli inijceret, si Iudaizare eum viderent, maximè qui Paulum & Barnabam secum haberent, à quibus, si quid forte sua Legis obseruatione offenderentur, de vero suo consilio, quod scilicet tantum Iudaicorum imbecillitati consultum cuperet, doceri poterant. Quod autem res aliter, ac putarat, cecidit, eiusque posterius factum non modò Iudæi ceteri, sed ipse quoq; Barnabas Gentilium Apostolus, imitari, & Iudaizare cibisq; vetitis abstinere voluerunt, id à Petro nullo certè modo præstari potuit. quomodo enim præuidere, imò vel suspicari Petrus potuit, futurum vt suum exemplum auctoritati totius Apostolici concilij, & Pauli ac Barnabæ exemplo præferretur, in primis cum nemo ignoraret, eum non solum doctrina in Concilio, sed iam paulò prius proprio etiam exemplo Christianorū à lege moysis libertatem docuisse? Nihilominus id euenit, quod humana perspicacia præuideri non potuit, vt eius Iudaizantis exemplū pro lege acciperetur, quasi eo scilicet ceteros quoque obstringere & ad Iudaizandum cogere voluisset. Verum in hoc nullum Petri, sed tantum eorum, qui prudendissimum eius consilium minùs intellexerunt, culpam in esse, nemo non ex hac mea disputatione perspicere potest. Si ergò Gentiles nec doctrina, nec facto Iudaizare Petrus coegit, nihil in eo fuit, quod Iure posset reprehendi: ac proinde nihil aliud fecit Paulus, quàm vt Petrum, quid alij in ipso reprehenderent certiolem faceret, quod quidem summo artificio præstitit. Sic enim concepit Admonitionis suæ carmē siue formulā, vt neq; vllam Petro, qui nihil peccarat, iniuriam faceret, & simul tam Iudaizantiū, quàm Gentiliū errori omnem ansam præriperet. Cum enim dicit Petro coram omnibus: *Si tu, cum Iudæis sis, gentiliter viuas, & non Iudaicè: quomodo Gentes cogis Iudaizare?* Hoc nempe dicere videtur: Reprehenderis, Petre, à nonnullis, quod tuo nunc exēplo Gentiles Iudaizare cogas: sed ego eū finē tibi propositū esse non credo: alioqui paulò ante, cum Iudaicorū nemo adesset, nequaquā nobiscū cibos Lege vetitos comedisses. Sic certe nihil in Petro reprehēdit, Gentiles quoq; eum, ab ipsis iniuria reprehendi docet: Iudæis autem, ne hoc Petri exēplo ad veritatē Euangelij subuertēdam vtī possent, viam præcludit. cum suā doctrinā ipso Petri facto paulò prius confirmatā fuisse, et nūc denuò eiusdē silētio ac tacito assensu confirmari ostēdit. Atq; ita plusquā mathematicè demonstrasse videor, Petrū ad quē Paul⁹ doctrinæ suæ confirmationem impetraturus ADSCENDIT fuisse vnū illum Pastorem cuius

Petri factū maioris auctoritatis, quam omnes Apostoli totūq; Concilium.

Prudentissimū Petri concilium ab alijs non intellectum.

Pauli artificio.

Paulus ad Petrum & elus summu Pastorem ascendit.

cuius verba per Magistrorum siue Apostolorum Concilium data, velut Clauis altè defixi Tabernaculum Christi siue Ecclesiam continebant, vt nullo falsæ doctrinæ vento aut turbine dissipari posset: siue fuisse VNUM illud CAPUT, ad quod filios Iuda & filios Israel, hoc est, tam Iudaicos, quàm Gentiles Christianos, ADSCENSUROS esse superiori Osee loco prædictum didicimus.

CAPVT XXXI.

MICH. 2. Congregatione congregabo Iacob totum te: in VNUM conducam reliquias Israel: pariter ponam illum, quasi gregem in ouili, quasi pecus in medio caularum: tumultuabuntur, siue, perstre-pent, strepitum dabunt à multitudine hominum. Adscendet enim pandens iter ante eos: diuident & transibunt portam, & ingredientur per eam: & transibit REX eorum coram eis, & Dominus in CAPITIBUS eorum] Hic duo discimus. Primùm Christianos, quamuis ingens eorum sit multitudo, tamen summam inter se cōcordiam & animorum coniunctionem, non tantum in vno, altero, pluribusue articulis, sed omnino in omnibus habituros esse. Congregabo te TOTUM, inquit. Hoc ipsum docens Apostulus Rom. 12. Multi, inquit, vnum corpus sumus in Christo. Et 1. Cor. 12. Omnes nos in vnum corpus baptizati sumus. Psal. 67. Deus in habitare facit vnus moris in Domo, id est in Ecclesia, quæ est domus Dei viui, 1. Tim. 3. Jerem. 32. Congregabo eos, & dabo eis cor vnum & viam vnā. Sophon. 3. Reddam populis labium electum, vt inuocent omnes in nomine Domini, & seruiant ei humero vno, siue vt verterunt 70. Interpp. & seruiant ei sub iugo vno, hoc est, sub obedientia vnus Pastoris & Capitis. Psal. 123. Ierusalem ædificatur vt Ciuitas, cuius participatio in id ipsum, id est, vt Lutherus vertit, ciuitas in qua simul habitari, seu concorditer viui oportet. Itaque hanc Ecclesiæ Vnitatem à Deo patre orauit Christus Ioh. 17. Non pro eis Apostolis rogo tantum, sed & pro eis, qui credituri sunt per verbum eorum in me, vt OMNES VNUM sint, sicut tu Pater in me, & ego in te, vt & ipsi in nobis vnum sint.] Ad eam Corinthios cohortatur Apostolus 1. Cor. 1. Obsecro vos, vt id ipsum dicatis omnes, & non sint in vobis Schismata: Sitis autem perfecti in eodem sensu & in eadem sententia.] Deinceps autem & hoc ex Micheæ loco discimus, causam huius tantæ tam multorum Christianorum Vnionis & Concordiæ hanc esse, quia Vnum siue Pastorem, siue Regem, siue Caput habent,

*Christiani quā-
uis multi, tamē
vnum sunt.*

*Christiani ser-
uiunt Deo sub
iugo vno, siue
sub obedientia
vnius Pastoris.*

*Causa Vnitatis
& Concordiæ in
Ecclesia.*

Quia omnes & in quo quia Dominum ipsum gregis, loqui persuasum habent (Non enim vos estis qui loquimini, ait Christ^{us} Matth. 10. Sed Spiritus Patris vestri, qui loquitur in vobis. Et de se ipse Paulus. 2. Cor. 13. An experimentum, inquit, re Christum loqueritis eius, qui in me loquitur Christus?) eiusque ut precederet Pastoris vocem sequuntur, velut Christus quoque docet Ioh. 10. Pastor ouium intrat per ostium. Huic ostiarius (Spiritus nempe sanctus per impositionem manuum Presbyterij datus) aperit, & cum proprias Oves emiserit, ante eas vadit, & Oves illum sequuntur, quia sciunt vocem eius.]

Pascere & Regere pro eodem accipiuntur.

Rex pro Doctore suo Pastore Ecclesie,

Est ergo Pastor idē, qui Rex, sicut etiam pascere & regere pro eadem re in scripturis passim vsurpantur. Psal. 77. Elegit David seruum suū pascere Israel hereditatem suam: & pavit eos in innocentia cordis sui, & in intellectibus manuum suarum deduxit eos, Isai. 44. Qui dico Cyro: Pastor meus es, & omnē voluntatē meam complebis. Mich. 5. Ex te mihi exiet Dux, qui regat, siue ut est in Græco, qui pascat populum meū Israel:] vnde intelligimus, Pascere esse regere seu Dominari, & Pastorem, Regē. nam de eodē Angelus dixit: Regnabit in domo Iacob in æternū. Similiter Apocal. 19. de eodē Christo dicitur: Ipse reget eos in virga ferrea. Vbi Græcus text^{us} habet: Ipse pascet eos. Est igitur Rex ille, qui ante homines domus Iacob iter pandit, supremus Ecclesiæ Pastor, qui omnes Christi oves precedit, quem Oves sequuntur, eiusque vocē audiunt, neque quicquid dubitant, quin Dominus ipse sit in hoc eorū capite & per os eius loquatur: Neque potest Rex Anglus ad Hebraismum cōfugere ac dicere, in Capite, nihil esse aliud, quā in principio: Nam Regem hoc loco pro Pastore Ecclesiæ dici, satis constat. Et Lutherus ipse Psalmo 67. Apostolos & Episcopos Reges dici fatetur. Nam hæc Psalms verba: Dominus dabit verbum Euangelizantibus virtute multa. Rex virtutum dilecti: & speciei domus diuidere spolia. Dum discernit cælestis Reges super eam, nunc dealbabuntur in selmon. Sic in Germanicis suis Bibliis reddidit: Dominus dat verbum, in magno numero Euangelizantes. Reges exercituum inter se diligunt, & speciei domus diuidit spolia. Cum Omnipotens passim Reges inter eos constituit, lux oritur, ubi caligo fuerat. Et in glossa dicit, sermonem hic esse de Ecclesia, Christi sponsa, deque Apostolis concorditer docentibus. Idque verē ab eo dici, quæ statim in Psalmo consequuntur, planum faciunt: Adscendisti in altum, donā accepisti in hominibus. Nam hæc Donā Paulus ad Ephes. 4. interpretatur, Apostolos, Euangelistas, Prophetas, Pastores & Doctores, quibus Christus dixit: Vos estis lux mundi, postquam ego scilicet in altum adscendero. Quamdiu enim sum in mundo, lux sum mundi, Ioh. 9. Similiter quamdiu Christus

stus erat in mundo, erat Rex & Pastor Ecclesię. *Ascendens verò in altu,*
dona dedit hominibus (ita enim citat Paulus, cū Hebręa Psalms verba
 potius dicant, *dona accepisti ab hominibus*. quo Spiritus sanctus docere
 voluit, Ecclesię Doctores & rectores non immediatē, sed per ele-
 ctionem humanam à Christo datum iri) & passim constituit Reges
 super eos, qui luce & splendore verbi diuini ceteros illustrent. Sunt
 ergo Reges isti Ecclesię Pastores, quorum vnum aliquem **CAPUT**
 fore, satis supra hisce Isaię verbis docui: *Princeps digna Principe cogita-*
bit, & ipse super Duces stabit. Nam Duces esse Pastores & Doctores, et-
 iam ex *Zach. 9.* discimus: In die illa ponam Duces Iuda, sicut cami-
 num ignis in lignis, & sicut faciem ignis in feno: & deuorabunt ad
 dextram & ad sinistram omnes populos in circuitu: & habitabitur
 Ierusalem rursus in loco suo in Ierusalem.] Vbi ignis est prædicatio
 verbi diuini, de quo Christus Luc. 12. *Veni ignem mittere in terram.* Ie-
 rem. 23. *Nonne verba mea sicut ignis, dicit Dominus?* Itaque Duces Iuda,
 qui habent ignem in ore, sunt Pastores & Doctores qui populos o-
 mnes Christo per Euangelium subiiciunt. *Ierem. 5.* Ecce ego do ver-
 ba mea in ore tuo in ignem & populum istum in ligna, & vorabit
 eos.] De his ipsis Ducibus loquitur *Psalmus 44.* Pro patribus tuis
 (ò Ecclesię) nati sunt tibi filij: constitues eos Principes super omnem
 terram.] Patres sunt Apostoli, qui Christo per Euangelium filios
 primos genuerunt, velut Paulus de se ipso ait 1. Cor. 4. Post hos
 Ecclesię ipsa sibi Episcopos passim constituit, per eos scilicet, qui eam
 prouinciam sortiti sunt per impositionem manuum Presbyterij. Et
 Rex, qui super hosce Duces Principesque stat, siue, qui præsidet in
 his, quæ ad Deum pertinent, non Dominus est gregis Christi, sed
 Pastor tantum. Itaque cū Micheas dicit: *Transibit Rex eorum coram*
eis, & Dominus in Capita eorum, docemur Regem illum non Domi-
 num esse Ecclesię, sed caput in quo tamen capite Dominus ipse ha-
 bitet. De hoc ipso est locus *Ierem. 30.* Ecce ego conuertam conuersio-
 nem tabernaculorum Iacob, & tectis eius miserebor, & ædificabitur
 Ciuitas in Excelso suo (id est, velut infra pluribus docebo, fundabitur Ecclesię
 Romę) Et erunt filij eius, sicut à principio, & Cætus eius (siue Ecclesię)
 coram me permanebit: & erit Dux eius (ex cætu Iacob, siue ex Ecclesię) &
 Princeps de medio eius producet: & applicabo eū, & accedet ad me.
 quis enim iste est, qui applicet cor suū vt appropinquet mihi, ait Do-
 minus?] Hic Dux nō est Christus. nam Christus nō fuit de medio cæ-
 tu siue Ecclesię pductus, sed ipse demū cōstituere cætū cæpit, & ve-
 lut

*Episcopi sunt
Duces Ecclesię.*

*Ignis, prædicatio
Verbi diuini.*

*Apostoli Patres
Ecclesię.*

*Episcopi, Prin-
cipes.*

Papa, Rex.

*Idemq; Caput,
in quo est Do-
minus.*

*Dux & Prin-
ceps Ecclesię
summus.*

*Vnus Ecclesia
Rex.*

*Papa vnus Pa-
stor & Prin-
ceps Ecclesie.*

lut Iohannes loquitur Ioh. 11. *mortuus est, vt filios Dei dispersos congregaret in vnum*: deinde Christus sua sponte, non attractus, applicuit cor suū, vt Deo appropinquaret. *Oblatus est, quia ipse voluit*, ait Isaias cap. 53. At enim hic talem Ecclesiæ Ducem commemorat, qui ex medio Ecclesiæ productus sit, nempe per electionem, quique sua sponte nequam animum ad Deum applicaret, nisi ab ipso attraheretur. De hoc ipso Rege, Duce, seu Principe siue capite legimus *Ezech. 37*. Hæc dicit Dominus. Ecce ego assumam filios Israel de medio nationum, & congregabo eos vndique, & faciam eos in gentem vnā in terra in montibus Israel (*id est, in Ecclesia*) & Rex vnus erit omnibus imperans: & non erunt vltra duę gentes, nec diuidentur amplius in duo regna] *Et mox*: Seruus meus Dauid Rex super eos, & PASTOR VNUS erit omnium eorum. *Et rursum*: Dauid Seruus meus Princeps eorum in perpetuum] Non est dubium, quin Christus sit Rex, Princeps & Pastor vnus Ecclesiæ, quoniam adscendens in altum VNUS suo loco Pastorem dedit: *Pasce Oves meas*: quod paulò prius satis executus fui, vt eadem hic repetere minimè attineat. Similis locus est *Ezech. 34*. Suscitabo super eas Pastorem vnum, qui pascat eas, Seruum meum Dauid: ipse pascet eas, & ipse erit eis in Pastorem: ego autem Dominus ero eis in Deum: & Seruus meus Dauid, Princeps in medio eorum] Hic ergo de tali Ecclesiæ Rege ac Pastore, qui non sit Deus, neque ab Ecclesia vt Deus colatur, sermo est, vt perspicuum sit, hunc Dauid non esse ipsum Christum (siquidem de illo *Psal. 44* legimus: *Concupiscet Rex decorem tuum, o Ecclesia: quoniam ipse est Dominus Deus tuus, & adorabunt eum*) sed filium Dauid, siue Christi, hoc est, vnum ex ijs, quos Christus per Euangelium genuit. Itaque se ipsum Deus sic interpretatur. *Ierem. 33*. si irritum potest fieri pactum meum cum die, & pactum meum cum nocte, vt non sit dies & nox in tempore suo: & pactum meum irritum esse poterit cum Dauid seruo meo, vt non sit ex eo filius, qui regnet in throno eius, & Leuitæ & Sacerdotes ministri mei. *Et mox*: si pactum meum inter diem & noctem, & leges cælo & terræ non posui: equidem & semen Iacob & Dauid serui mei proieciam, vt non assumam de semine eius PRINCIPES seminis Abraham, Isaac & Iacob.] Quod hic Dauid sit Christus, discimus ex *Isai. 55*. Feriam vobiscum pactum sempiternum, misericordias Dauid fideles. Ecce testem populis dedi eum (*Dauid*) Ducem ac Præceptorem gentibus.] Promittit ergo Deus, semper vnum aliquem de semine, siue ex filiis Dauid futurum Pastorem vnum, siue Regem super Duces ac Principes

pes stantem, hoc est caput Episcoporum & Sacerdotum: Siquidē hoc Ieremię loco, quos prius Sacerdotes & Leuitas dixerat, postea *Principes seminis Abraham* appellat, cū se promittit de semine Dauid, siue de Christianis, assumpturum Principes, quod *Isai. 66.* hoc modo explanat: *Et assumam ex eis in Sacerdotes & Leuitas, dicit Dominus.* Cur autem eosdem Principes seminis Abraham vocet, ibidem declarat: *Et ponam in eis signum & mittam ex eis, qui saluati fuerint, ad Gentes in mare, in Africam & Lydiam: in Italiam & Graciam, ad Insulas longē, ad eos, qui non audierunt de me, & non viderunt gloriam meam. Et annuntiabunt gloriam meam gentibus, & adducent omnes fratres vestros de cunctis gentibus &c.* Nimirum ex omni terra aliquos conuertunt & Christi semen faciunt isti Sacerdotes, eaque re Principes seminis Christi, filij Abraham, rectē appellantur. Sed ne Imperium Ecclesię Aristocraticum potius, quā Monarchicū videretur, disertim Deus dixit pręter hos Principes, Leuitas & Sacerdotes, etiam vnum semper fore Regem super Principes stantem, vnum Pastorem Christianorum omnium, qui in throno Christi regnet, qui ante Oves omnes iter pandat, & corpori velut caput pręsit.

Episcopi Principes seminis Abraham.

Imperium Ecclesię plus Monarchicū, quā Aristocraticū.

CAPVT XXXII.

IOH. 21. cū prandissent, dicit Simon Petro Iesus: Simon Ioannis, diligis me plus his? Dicit ei: etiam Domine, tu scis, quia amo te: Dicit ei: Pasce agnos meos: Dicit ei iterum: Simon Ioannis diligis me? Ait illi: Etiam Domine, tu scis, quia amo te: Dicit ei: Pasce agnos meos. Dicit ei tertio: Simon Ioannis, amas me? Et contristatus est Petrus, quia dixit ei tertio, Amas me? Et dixit ei Domine, tu omnia nosti: tu scis, quia amo te. Dicit ei: Pasce oues meas. Amen, amen dico tibi, cū esses iunior, cingebas te, & ambulabas, vbi volebas. Cū autem senueris, extends manus tuas, & alius te cinget, & ducet quo tu non vis. Hoc autem dixit, significans qua morte clarificaturus esset Deum.

Petrus Christus totius Ouis sui Pastore fecit.

Pastor bonus pro salute Ouis moriparatus esse debet.

Cū primū Christus Petrum vidit Ioh. 1. nomen ei cōmunicauit, & Cephā siue Lapidem, Saxum, Petram deinceps vocari iussit, ipse nempe Christi nomine. Siquidem ipse se Lapidem à Spiritu sancto appellari docuit Matth. 21. vbi Psalmi verba hæc adducit: Lapidem, quem reprobauerūt edificantes, hic factus est in caput anguli. Et Paulus ac Petrus Rom. 9. & 1. Pet. 2. Christū dicunt esse Petram illam, de qua

Christus suum nomen cum Petro cōmunicat.

P

Isai

Isai. 8. & 28. prædictum fuerat: *Ecce pono in Sion lapidem summum, angularem, pretiosum, & Petram scandali &c.* Cum ergo Simonem Christus suo ipsius nomine affectit, & Petram siue Lapidem dixit, simul eum sibi Vicarium, & suo loco Ecclesiæ Regem ac Pastorem vnum fore significauit, velut etiam bis ante passionem suam ei promisit. Primum Matth. 16. Ego dico tibi, quia tu es Cephass (siue Lapis aut Petra. nam Christus neque Græcè neque Latine locutus est, sed Syriacè Cephass dixit, quod est Petra) & super hanc Petram, super hunc Cephass ædificabo Ecclesiam meam, & portæ inferi non præualebunt aduersus eam. Et tibi dabo clauēs regni cælorum. Et quodcumque solueris super terram, erit ligatum & in cælis, & quodcumque solueris super terram, erit solutum & in cælis.] Deinde Luc. 22. vbi postquam docuit Iesus, cuiusmodi inter Christianos imperium esse debeat, nempe non dominicum & violentum, (quale est Regum gentilium, qui dominantur, siue austerè & crudeliter imperant, & sicut illi olim Iudaici populi Pastores, qui cum auctoritate imperabant omnibus & cum potentia, Ezech. 34. Nam hoc significat Dominari, vt Ierem. 31. Ego sum Dominatus eorum, quia irritum fecerunt pactum meum, id est, non iam, vt prius paternè, sed vt contumaces seruos heriliter eos tractaui, & velut Lutherus interpretatur, *vide eos coëgi.* Vult ergo Christus vt inter Christianos non modò Clericos, sed etiam Laicos, non sit eiusmodi violentum seu Despoticum aut Herile imperium) sed benignum & paternum, & eum, qui Maior siue Magistratus ac Dux futurus sit, quomodo se Magistratus officio adhibere debeat, admonuit, vt se scilicet eorum, quibus præest, vtilitati seruire, omniaque ad alienam vtilitatem referre oportere meminerit (nec enim prohibet, quo minùs aliquis inter Christianos sit Maior ac Præcessor, tantum cuiusmodi esse ac non esse Maior debeat, præcipit) ad extremum, quis Maior ac Præcessor siue Doctor ceterorum esse debeat, hisce verbis explanat: Simon, Simon, ecce Satanas expetiuit vos (omnes Apostolos ceterosque in me credentes) vt cribraret sicut triticum (id est, vt vos fide in me excidere faceret) Ego autem rogaui pro Te, vt non deficiat fides tua: & tu aliquando conuersus confirma fratres tuos,] hoc est, quando ego in cælum assumptus fuero, tunc volo vt te ad homines Ecclesiæ meæ conuertras, eosque in fide confirmes, siue tuæ fidei firmitate ceterorum fidem corroborea. Quod ergo his binis ante passionem locis Petro promisit, hoc ei in illo Ioh. 21. loco re ipsa contulit ac repræsentauit,

Christus promittit Petro, eum fore fundamentum Ecclesiæ suæ.

Christiani Magistratus non dominantur, sed seruiunt subditis.

tauit, hoc est, Petrum suo loco Ecclesiæ caput, Regem seu Pastorem vnum constituit, eique non modò Agnos, id est Laicos Iudæos & Gentiles, sed Oues quoq; , quæ Agnos pariūt, hoc est, Clericos & Episcopos pascendos commisit. Sed vt id fiat planius, neq; cuiquam hac omni de re dubium aut incertum esse possit, quæ causa fuerit, cur Christus de Amore Petrum tam accuratè percunctatus fuerit & examinaret, paulò altius ordiri, & velut à capite omnis Dominij atq; Imperij iura titulosq; repetere constitui.

Cur Christus de Petri amore titulum sciscitari voluerit,

CAPVT XXXIII.

AC primùm quidem illud apud omnes in confesso est, quod is demum verè dicatur Dominus *de iure ac de facto*, qui rebus utitur, tamquam suis quocumque velit modo & tempore. Et sic solus Deus est Dominus vniuersi, quippe à quo solo res omnes habent, quicquid sunt, aut fiunt. *Deus, qui fecit mundum, & omnia quæ in eo sunt* (ait Paulus act. 17. in Areopago) *hic cæli & terræ est Dominus: ipse dat omnibus vitæ, & inspirationē, & omnia: fecitque ex vno omne genus hominum inhabitare super vniuersam faciem terræ, definiens statuta tempora & terminos habitationis eorum. In ipso viuimus, & mouemur, & sumus.* Hoc suum Dominium nunquam in vllam creaturam transfert Deus, nisi ex parte tantùm & cum conditione, ad vsum scilicet ab ipso præscriptum, ita vt secus faciens, restituere rem teneatur (Isai. 48. *Ego Dominus, hoc est nomen meum: & gloriam meam alteri non dabo.*) Ita qui oculis, manibus, glad o aut re quacumq; abutitur, siue plus minusue, aut alio loco, tempore & modo, quàm Dei Lex æterna, naturalis aut scripta permittat, utitur, eum restituere Deo rerum illarum Domino oportet siue pœna, siue pœnitentia, quæ est pœna voluntaria. Igitur à Deo est omne imperium & dominium, quo nemo afficitur, nisi rei quam possidet aut gubernat, bono aliquo diuino præstet. Nam in exsuperantia siue excellentia boni, seu per gratiam Dei propriam, seu per Naturam communem dati, omnes Imperiorum ac Dominiorum tituli consistunt. Itaque non gregi Capere aut Aries imperat, neq; armentis Taurus, sed Opilio aut Bubulcus, diuiniore nempe bono, hoc est ratione præditus: eaque re bestiarum, quæ Regem superioris generis non habent, aliæ in anarchia & sine vlla imperij forma viuunt, cuiusmodi sunt leones, vrſi, lupi, passerres, aquilæ &c. aliæ Democratiam seu popularem statum imitantur, vt Locustæ (Proverb. 30. *Regem locusta non habet, & egreditur vniuersa per turmas suas*)

Dominus propriè quis dicatur.

Deus solus Dominus vniuersi.

Deus quomodo & quatenus suum Dominium.

Omne dominium & imperium est à Deo.

Tres omnis imperij tituli,

Qua res inter homines alteri alteri subijciat aut preficiat.

Moses quomodo Deus Pharaonis.

Nabuchodonosor quo titulo ceteras nationes subiugauit.

Tyranni quos habeant imperij titulos.

Ratio status.

Gradus varij naturalis imperij.

Grues, Formicæ &c. Apibus, quæ Monarchia vtuntur, Regem Natura dedit, excellentioris generis, quippe reliquas colore & magnitudine superantem. Eadem Piscium nonnullorum est ratio, qui regem habent à natura coronatum. Omnia porro bona, quæ alterum alterius dominio aut imperio dignum habilemque reddunt, ad horum trium aliquod referuntur, Potentiam scilicet siue Vires, sapientiam siue Prudentiam, & Amorem siue Bonitatem, quæ in dilectione Dei & proximiconstitit. Aquila columbis imperat, quia maiores ei Natura vires tribuit. *Manus fortium dominabitur*, ait Salomon Prou. 12. Elephantis & Equis multò se fortioribus Homo dominatur propter Sapientiam. Filijs imperat Pater, quamuis & robustioribus & prudentioribus, propter Amorem: nec enim minùs eos diligit, quàm se ipsum, neque vllus ab eo dolus aut fraus in regendis filiis adhiberi potest. Hinc intelligitur, neminem hominem alterius hominis Dominum à Deo constitui, sed neque patrem, ducem, Rectoremue alteri præfici, nisi vel alter infra hominem se abijciat, & velut à conditione humana in belluam degeneret (quemadmodum hæc Salomonis verba significant Prou. 11. *Qui stultus est, seruiet sapienti*) vel hic priùs supra hominem extollatur, diuino aliquo bono siue naturæ, siue gratiæ affectus: Ita Mosen constituerat Deus *Deum ac Dominum Pharaonis*, cum ei iam sapienti & bono Potentiam faciendi miracula insuper attribuit. Nabuchodonosor autem acceptis à Deo viribus ceteras Nationes sibi subiecit, velut Dei carnifex eos, qui per Idololatriam aliaque scelesti ab humana natura & recta ratione defecerant, castigans. Atque huiusmodi sunt omnium Tyrannorum imperia, violenta scilicet & robore corporis nixa, tametsi nonnulli assimulatam sapientiam & fictum Amorem siue fucatam bonitatem aut Hypocrisim adiungant. Sicut enim verum & legitimum regnum super animi robur, Prudentiam & boni publici Amorem siue veram Virtutem ædificatur: ita Tyrannis in suis satellitumque viribus corporis, itemque in Astutia, quæ est priuatæ suæ vtilitatis perspicendiæ & procurandæ solertia (*ius status*, siue, *Ragion di stato* vulgò dicta) postremo in adumbrata quadam Virtute simulatoq; Dei & sibi subiectorum amore consistit. Atq; ex istis Naturalis Imperij gradus cognoscere licet. Est nempe primus & optimus, cum qui præest, ceteros animi robore, sapientia & amore seu bonitate antecellit: cuiusmodi fuit apud Romanos Antoninus Philosophus, apud Hebræos Dauid, de quo Psal. 77. legimus: *Pauit eos, siue regnauit, in innocentia cordis sui, & in intellectibus manuum suarum deduxit*

duxit eos. Quæ verba duos modò Imperij titulos, Amorem & sapientiam complectuntur. Sed de ipsius Potentia cum animi, tum corporis, alijs locis Scriptura testatur, vt Pſal. 17. *Deus præcinxit me virtute, docet manus meas ad præliũ & posuit vt arcũ arcũ brachia mea.* Proximè accedit, qui ceteris est fortior & sapientior, velut Iulius Cæsar. Tertium locum tenet, qui præstat sapientia, velut Vlisses sed huius generis homines plerumq; Natura, non Fortuna sunt Principes, vt Socrates, Cato, Pythagoras: sicut è diuerso nonnulli & natura & fortuna, siue, iure & facto imperant, velut Alexander, Cæsar &c. alii partim natura, partim fortuna, vt Annibal, Scipio, Camillus: quidam deniq; Fortuna, non natura, velut ij plerumq; sunt, qui quarto loco imperant, ceteris nempe robustiores, vt Cambyſes, Attila, Dionysius &c. quibus Deus, vt dixi, carnificibus ad expetendum peccatoribus supplicium vt solet, tamenſi ipſi de hoc Dei confilio nec suspicentur. Verũ enim uero pro rerum humanarum conditione, quæ vix producit hominem æq; fortem, sapientem ac bonum, satis à Deo ad Imperium habilis factus videtur, qui sapientiam animi viribus non destitutam, & malitiæ expertem, sortitus fuerit: Si quidem vnum quemq; in eo, quod plus alijs sapit & intelligit, imperiò vt videmus. *Melior est Sapientia fortitudine, & melior, quam arma bellica,* Ecclæ. 9. quia *Ciuitatem fortium adſcedit sapiens, & destruxit robur fiducia eius.* Prou. 21. Tutor quidem certè pupillis, licet Nobilioribus & ditioribus, imperat, tantum quia plus iis videt ac sapit *Seruus sapiens,* ait Salomon Prou. 17. *dominabitur filijs stultis.* Nauclero ob rei nauticæ peritiã, inprimisq; cum mari magno nauis iactatur, Sacerdotes & Reges ipſi parere & dicto audientes esse sibi salutare putant. Pædagogus vel Principum liberos ferula cædit, tantum quia est doctior. Medicus postremò *mixtum & merum,* præbendis potionibus, omninò in omnes ægros, etiam Reges imperium exercet, quod morbum melius perspicere, & quid remedii postulet, plus scire videatur. Sed cum sæpe sapientiam in Astutiam conuerſi contingat, vt is demum sapere sibi videatur, qui omnia priuato suo bono siue iucundo, siue vtili, seu deniq; glorioso metitur, cumq; Principes ipſi nonnumquam alias res agant, seu minus in rem præſentem cogitatione intenti ſint, interdum etiam affectibus transuerſi agantur, & ab ipſius sapientiæ regula deſectant: propterea sapientiam Publici siue Communitatis Deus dedit, ad quam cum Princeps in imperando, tum subiecti in parendo, velut ad normam ac regulam se componerent, eaque LEX dicitur, & est vel diuina, vel

Sapientia malitia experta sufficiens Imperij titulus.

Sapientia in Astutiam degenerans.

Sapientia Societatis siue publicæ, hoc est, Lex.

*Lex diuina sem-
piterna-* Humana. Diuina vel æterna, vel Naturalis. Lex æterna est Verbum
siue Sapientia Dei, per quam ducit, nec tamen cogit, omnes creaturas
ad præscriptos à se fines, aliterque *Fatum & Fortuna* in euentibus
*Lex diuina Na-
turalis.* humanis dicitur. Lex diuina Naturalis est participatio illius
æternæ, quam post Adami præuaricationem Deus amicis suis
reuelauit, & rursus postea obscuratam Moyse declarauit, per
Christum denique suppleuit ac perfecit: & continetur in veteris
ac noui Testamenti libris. Lex humana est vel æternæ illius per na-
turalē legem declaratio, vel vtriusque *καθόλου* siue vniuersæ præcipi-
entis ad peculiaria tempora, loca personasque accomodatio: quæ
quidem tanto rectius posita videtur, si, quæ præuideri possunt, om-
nia definiat ac decidat ipsa, quam fieri potest paucissima arbitrio ac
potestati eorum, qui iudicijs & consilio præsumt, relinquens, quem-
admodum pulchrè Aristoteles *1. Rhet. 11.* disputat. Promulgatur
autem Lex siue ab omnibus è Societate promiscuè; siue tantum à Sa-
pientissimis Dei auctoritate commendatis, qualis erat Moyses; siue
ab ijs, qui eam auctoritatem à Societate acceperunt, vt Solon, Lycur-
gus, Numa; siue quibus potestas illa partim à Deo, partim ab homini-
bus data est, qualis est Papa. Et huiusmodi Lex humana cum prop-
ter bonum aut malum præsens, siue instans lata est, mutationi est
*Lex humana
mutabilis.* obnoxia, rursusque abrogari potest. Sanctio verò legi naturali
repugnans, Lex esse non potest, sed Regula à Tyrannis aut inpietibus
contorta aut deprauata, neque ea quisquam obligatur. Cum
igitur sic in medio sit communis sapientia siue Lex, omnes iam Im-
perij titulos habere rectè videbitur, si quis saltem Amore Dei ac
proximi, seu virtute, ceteris præcellat. Nam quod viribus Princi-
pi deest, Societatis potentia suppletur, dum tamen animus ei adsit,
ceteros Societatis viribus ad legum obseruationem, si opus sit, co-
gendi. Ipse quidem nulla suæ siue gloriæ, siue vtilitatis ratione ha-
bita, sed omnia ad Dei gloriam, & ad subiectorum, velut Dei filiorum,
emolumenta referens, neque quicquam non illorum potius causa,
quàm sua, vt sibi scilicet suo ipsorum bono pareant, exigere ab ijs so-
litus, periculum non erit, ne minùs sit sapiens, tametsi literarum ac
disciplinarum non æquè gnarus aut peritus sit. Nam Lex, commu-
nis Sapientia, minimè ab eo Legis tam studioso & obseruante igno-
ratur: cumque Lex sit perpetuò sui similis, neque affectibus aut
morbis subiaceat, semper vt sit sapiens necesse est: (*qui custodit Legem
filius Sapiens est*, Prou. 28.) vt præteream, numquam eos, qui verè De-
um

*Et à Deo peculi-
ariter regitur.*

um amant, ita gratiæ diuinæ exsortes fieri, quin quo sua aliorumque utilitas postulat, sine errore deducantur, cum præsertim Reges Christiani cum regno ab Episcopis inaugurantur, & oleo precibus Ecclesiæ benedicto perducuntur, Gratiâ Spiritus sancti ad fungendum munus suum necessariam accipere soleant, sicut de Iosua Deut. 34. legimus: *Iosue repletus est Spiritu sapientiæ, quia Moyses posuit super eum manus suas.* Atque tunc locum habet illud Prou. 16. *Disinatio in labijs Regis, in iudicio non errabit os eius.* Sed quantas Sacerdotalis benedictio ad impertiendam Regibus sapientiæ ac Fortitudinis gratiam vires habeat, quoque modo eam Reges gratiam subinde resuscitare possint, alio loco pluribus exsequemur.

CAPVT XXXIV.

ATQVE ex his apparet, quo consilio Christus Petro vniuersi sui ouilis curam, siue supremum Ecclesiæ regimen committens, tam accuratè, vtrum se plus, quàm ceteri Apostoli, amaret, percunctatus fuerit. Nempe non tam Petrum officij admonere, eumque ad diligentissimam ouium suarum custodiam cohortari, quàm ceteris Apostolis dispensationis suæ iustitiam declarare voluit. Quomodo enim non iustè Petrus ceteris præferretur, qui & sapientia ceteris par esset, Potentia verò & Amore omnes superaret? De sapientia, in confesso est, nam pariter omnes Legem siue voluntatem Dei ex Christo didicerant (Iohan. 17. *Manifestaui nomen tuum hominibus, quos dedisti mihi de mundo. Verba, quæ dedisti mihi, dedi etiam, quàm in eis: & ipsi acceperunt, & cognouerunt verè, quia à te exiui, & crediderunt quia tu me misisti.*) & postea interpretationem Legis veteris ac Prophetarum ex eiusdem Christi iam glorificati ore audierunt (Luc. 24. *Tunc aperuit illis sensum, ut intelligerent scripturas*) ut autem quæ Deus generatim & vniuersè siue æterno suo decreto, siue naturali lege præceperat, pro re nata ad certa loca, tempora, hominumque genera accommodare siue applicare sine errore possent, Spiritus sancti gratiam omnibus ex æquo Apostolis distribuit, velut eis Christus promiserat: Iohan. 16. *Adhuc multa habeo vobis dicere, sed non potestis portare modò. Cum autem venerit ille Spiritus veritatis, ducet vos in omnem veritatem.* Iohan. 14. *Paracletum dabit vobis Pater, Spiritum veritatis, qui apud vos manebit, & in vobis erit. Ille vos docebit omnia, & suggeret vobis omnia, quæcumque;*

*Dne causa cur
Christus Petrus
de Amore per-
cunctatus fue-
rit.*

*In Petro non e-
rat minor sapi-
entia, quàm in
ceteris Apostolis*

cumq; dixerō. vobis *id est*, quę ego in genere præcepi, eā vos rectē ad peculiaria loca & tempora docebit applicare. *Matth. 10.* Non vos estis, qui loquimini, sed spiritus Patris mei, qui loquitur in vobis] Itaque ex æquo omnes Apostoli in Concilio congregati lege lata faciunt *Act. 15.* Visum est spiritui sancto & nobis, nihil vltra imponere vobis oneris, quā hęc necessaria, vt abstineatis vos ab immolatis simulacrorum, & sanguine, & suffocato & fornicatione] Igitur sapientia Petrus reliquis Apostolis par fuit, tametsi Gubernandi & ipsos quoq; Apostolos pascendi scientia, tanquam ad exercitationē muneris ipsi commissi necessaria, excelluisse eum oportet, cum *Isai. 28.* promissū fuisse legam: *spiritus iudicij erit sedēti super iudicijs* quibus verbis docemur, vnicuiq; membro donum spiritus, quo ei in fungendo munere suo usus est, tribui Potentia certē & Amore Apostolis Petrus præstitit. *Potentie* quidem eius exsuperantia non ex eo tantum colligitur, quod Christus ei suum nomen *Petra* seu *Cephas*, quod est nomen fortitudinis ac potentie, impertiri, ab eoq; fratres confirmari & corroborari, siue vires accipere voluit, sed etiam quod miraculorum ac virtutum efficacia magis in ipso exsplenduit. Nam *Act. 5.* Ananiam cum vxore solo vocis suę sono interficit, ægros autem umbra suā sanos reddit. Quod verō etiam *Amore* ceteros superarit, ex superioribus Christi verbis planum fit. Ideo enim Imperium in gregem suum ei committit, quia plus ceteris ipsum amet: ex quo maximē paternum eius regnum fore intelligi poterat.

Sapientia gubernandi & pascendi Petrus ceteris Apostolis superior.

Petrus maiorē ceteris Apostolis Potentiā habuit.

Maiorem quoq; Amorem.

CAPVT XXXV.

ET adhuc quidem vnum à Christo Pastorem constitutum esse, qui Ecclesię totius, loco ipsius Christi, CAPVT fit, siue qui capitis, hoc est, totius Cleri supremum locum velut Vertex teneat, cumulatissimē ex scripturis probavi. Nunc de Duplici Corona, quam vertice sustineri, deq; gladio duplici, quorum alterum ore, alterum manu Ecclesię teneri dixi, scripturę loca in medium afferam. *Zach. 6.* Factum est verbum Domini ad me, dicens: sūme tibi aurum & argentum, & facies coronas (*nempe duas, auream & argenteam*) & pones in capite Iesu filii Iosedec, Sacerdotis magni (*qui vir portendens erat, vt Zach. 4. legimus, hoc est, Iesum Christum Sacerdotem maximum præfigurabat*) & loquēris ad eum, dicens: Hęc ait Dominus exercituum dicens: Ecce Vir, oriens nomen eius (*id est, veniet vir, qui voca-*

Prophetia de spirituali ac sacrali potestate Ecclesię.

etur

tur Oriens, nempe Christus, de quo Luc. 1. Visitauit nos Oriens ex alto. Et Isai 60. super te Orietur Dominus, & gloria eius in te videbitur) & subter eum orietur, & ædificabit Templum Domino Et ipse extruet Templum Domino (id est, Ecclesiam congregabit) & ipse portabit gloriam (id est, utramq; Coronam) & SEDEBIT (in sede regia & Sacerdotali) & DOMINABITVR (sive regnabit) super solio suo, & erit Sacerdos super solio suo, & consilium pacis erit inter illa duò. id est, pulchrè utrique potestati, spirituali & seculari in Christo conueniet, nec alteram altera impedit. Et mox: Et qui procui sunt, venient, & ædificabunt in Templo Domini.

Hinc duo discamus licet. Primum, Christum non esse tantum Sacerdotem, sed etiam Regem, hoc est, spirituali & seculari potestate præditum: id quod etiam Psal. 109. significat: Iurauit Dominus, & non panitebit eum: Tu es Sacerdotes in æternum secundum ordinem Melchisedech, hoc est, ut Hebr. 7. 15. explicatur, secundum similitudinem, siue instar Melchisedech, qui panem & vinum velut Sacerdos obtulit (Genes. 14. 18.) & simul Rex secularis fuit. Itaque ne tantum ut Sacerdos Melchisedechi similis Christus videretur, propter simile scilicet sacrificium, disertim Psalmus idem Regni commemorat: Virga siue sceptrum virtutis tue emittet Dominus ex Sion, dominare in medio inimicorum tuorum &c. Deinde discimus, hanc de Christi regno & Sacerdotio prophetiam in membris eius impleri. Quod enim priori loco de ipso Christo dicitur, eum Domino Templum ædificaturum esse: hoc posteriori alijs tribuitur, quos nempe Christus in alio ad sedes suo loco Pastores ac Doctores dedit in ædificationem corporis Christi, Eph. 4. Itaque modò citat Isai. 60. locus Christi gloriam siue duplicem potestatem in Ecclesia visum iri affirmat: super te orietur Dominus, et gloria eius (orientis) in te videbitur. Et Isai. 61. perspicue Sacerdotibus huiusmodi duplex gloria tribuitur: Vos autem Sacerdotes Domini vocabimini: Ministri Dei nostri, dicetur vobis: Fortitudinem Gentium comedetis, & in gloria earum superbi-
etis (regia potestate conspicui eritis. Mat. 6. Nec Salomò in gloria sua cooper-
tus est sicut vnus ex istis Gen. 45. Nunciate patri meo vniuersam gloriam meam, id est, regia similè dignitatè) Pro confusione vestra duplici & rubore, laudabunt partem suam: propter hoc in terra sua duplicia possidebunt, lætitia sempiterna erit eis. Hoc est, quia à Sacerdotibus eiectionis & ludibrio habitis, à seculari vero Regum & Præsidum potestate vexati & oppressi fuistis, utroque & Sacerdotio & Regno potiemiini, & eritis, quod Christianis S. Petrus tribuit 1. Pet. 2. Sacerdotale Regnum siue Regale Sacerdotium, de quo Apo. 1. Iohannes testatur, cum dono & gratia Christi, Principis regum terrarum, Domini Dominorum & Regis Regum (Apocal. 17.) nos Regnum & Sacerdotes factos dicit.

Christus Sacerdos & Rex.

Instar Melchisedech.

Christus Regno & Sacerdotio per suos ministros, Episcopos fungitur.

Sacerdotibus Deus dat suam gloriam.

Gloria pro dignitate Regia

Q Caput

CETERVM quia non modò Hæretici, omni sæculari Dominio & imperio Ecclesiam exuere contendunt, sed etiam Catholicorū nonnulli regiam siue sæcularem potestatem à Christo Ecclesiæ, & propriè quidē Vicarijs suis, summis Sacerdotib⁹, relictam, exiguis spatijs circū scribūt ac definiūt, idq; propterea, quòd neq; Christū ipsū quā homo fuit, vllam sæcularē potestatem habuisse existimēt: allatis nūc in mediū scripturæ locis, Christi & Ecclesiæ regnandi ius, nullis omninò terminis, nisi orbis terrarū, definitū, à malignis illis circū scriptoribus vindicabo.

Christus duplici titulo Dominus est totius orbis.

Primū omnium duplici titulo Christum totius Mundi verū Dominū ac Regē fuisse & esse contendo, titulo nempe creationis & conseruationis, tū Redēptionis & instaurationis. Cum enim sit Dei sapientia & æterna ratio, per quam Deus Mundū creauit & adhuc conseruat: cumq; vniuersū Orbē terræ, homo postea fact⁹, sanguine suo emerit, omnesq; Reges, quomodo ad suam & aliorū salutē regno vti debeant, docuerit, eoq; modo Regna omnia iā deprauata correxerit atq; instaurarit: vt rous certè modo toti⁹ mūdi Imperiū nequaquā ei negari potest.

Omnes Reges etiam Gentiles Christo subiecti.

Prou. 8. clamat ipse Christus Patris sapientia: Per me Reges regnant, & legū conditores iusta decernunt. Domin⁹ possedit me ab initio viarū suarū, antequam quicquam faceret à principio. Cum eo eram cuncta componens] Igitur null⁹ Rex est aut Domin⁹, ne in lege quidē naturæ, quin à Christo suū i⁹ aut titulū mutuatur fuerit, nam sine Lege nullū est Dominiū nec Imperiū. At est Lex participatio primæ sapiētiae, quæ est Christ⁹, velut non multo antè in exponēdis Imperiorum titulis disputauim.

Christus Dominus omnium ratione creationis.

Ioh. 1. Deus erat Verbum, siue Christus, Omnia per ipsū facta sunt &c. Et verbum caro factum est] Hoc loco vterq; Imperij titulus in Christo coniungitur, creationis scilicet & redemptionis.

Item ratione redemptionis siue mortis.

Coloss. 1. In Christo condita sunt vniuersa in cælis, & in terra, visibilia & invisibilia, siue throni, siue dominationes, siue Principat⁹, siue potestates: omnia per ipsū, & in ipso creata sunt: et ipse est ante omnes, et omnia in ipso cōstant. Et ipse est caput corporis Ecclesiæ (tā triūphantis, quā militantis) primogenit⁹ ex mortuis, vt sit in omnib⁹ ipse prima tū tenēs etc. Pacificans per sanguinē crucis ei⁹, siue quæ in terris, siue quæ in cælis sunt.

Christus Caput omnium regnorum.

Colos. 2. Christus est caput omnis Principat⁹ et potestatis] Duplici nempe illo titulo, de quorū posteriore, nempe Redēptione, ibidē sic loquitur: delens quod aduersus nos erat Chiographū decreti, ipsum tulit de medio affigēs illud cruci: et exspolians Principatus et potestates

tes

tes traduxit confidēter, palam triūphans illos &c.] *Arg. Isai. hoc 41. prædictum iam fuerat:* Dabit in conspectu eius gentes, & Reges obtinebit.

Ephes. 1. Proposuit Deus instaurare omnia in Christo, quæ in cælis, & quæ in terra sunt &c. suscitans illū à mortuis & constituens ad dextram suam supra omnē principatū, & potestatē, & virtutē, & dominationē, & omne nomē, quod nominatur non solum in hoc sæculo, sed etiam in futuro. Et omnia subiecit sub pedibus eius: & ipsum dedit caput supra omnē Ecclesiam] Hic perspicuū est titulo instaurationis & Redemptionis Regnū Christo tribui, non modò spirituale, sed etiam sæculare: si quidē Psalmi octauī verba citat: *omnia subiecisti sub pedibus eius*, quo loco non tam de Animis, quàm de bonis fortunisq; hominum loquitur. Sequitur enim: *Oues & boues uniuersas &c.*

1. Cor. 15. Deinde finis erit, cū tradiderit Regnum Deo & patri, cū (prius ante nouissimum diem) euacuauerit omnem Principatū, & potestatem, & virtutem. Oportet autem illum regnare, donec ponat omnes inimicos sub pedibus eius. Nouissima autē inimica destruetur mors. Omnia enim subiecit sub pedibus eius] Ergo titulo redēptionis omnia Regna & Imperia Christus euacuat, siue cessare facit, nō vt nō sint, sed vt libera non sint, verū ipsi Christo subiecta, si minùs de facto (vt loquuntur) saltē de iure. Omnia enim sanguine suo emit Christ⁹ Amore suū, præstantissimū, vt dixi, omnis dominij ac regiminis titulū morte obsignās. Regū certē null⁹ est, quin libetē propopulo suo mortem oppeteret, modò se in uitam reuocatū iri sciret: quippe qui titulo omnium optimo Regnū tenere se veller, quo scilicet sine controuersia animos prouincialium, et consequēter corpora, et quæ ijs comitantur bona fortunasq; sibi deuinctum ac subiectū iri intelligeret. Cum ergo omnia etiam Infidelium regna sint à Christo empta (quæadmodū ipse Zach. 10. verbis hīce Gentilium conuersionē prædicens affirmat: *Sibilabo eis, & congregabo illos, quia REDEMI eos, et multiplicabo eos, & seminabo eos in populis: et humiliabitur superbia Assur, et sceptrū Aegypti recedet id est, Infidelium regna, quæ prius Ecclesiam oppresserant ei subijcientur, et ita Regna esse delinent)* certē Pontificis, velut Proregis officio conuenit, vt eos de Christi supra ipsos iure certiores faciat, et Christo subijcere se recusantes, gladio materiali Regū Christianorū compellat velut deinceps Scripturarū verbis docebitur. Isai. 9. Multiplicasti gentē, et magnificasti lætitiā. Lætābūtur coram te, sicut qui lætauntur in messe, sicut exultant victores capta præda. Ingū enim oneris eius (gentis regū gentilium nā, siue Ecclesie) & virgam humeri eius, & sceptrum exactoris eius superasti (Hebraice: *confregisti*) sicut in die Madian (id est, sicut

Christus habet etiam regnū & dominū rerum secularium.

Christus delcuit omnia regna gentium.

Quia iam sunt Christo subiecta

Mors præstantissimus regni consequendi titulus.

Christus morte sua emit omnia etiam Infidelium regna.

Papa Christo regna cuncta subijcere debent.

Exemptio Ecclesie à potestate gentis regū gentilium

Q 2 populum

*Ecclesia nullus
Rex dominari
potest.*

*Cum Christum
habeat Regem:*

*Qui regnū Cru-
ce meruit.*

*Christus Et De-
us. Homo om-
nes habet impe-
rij titulos.*

*Ecclesiaprins e-
rat affligenda,
quam ex potesta-
te gentiliū exi-
meretur.*

*Christus Heres
vniuersorum.*

populum Israel per Gedconem à Madianitarum tyrannide liberaſti ſimili-
ter Eccleſiam eximes ex ſeruitute Infidelium) Quia omnis vio-
lenta prædatio cum tumultu, & veſtimentum miſtum ſan-
guine, erit in combuſtionem, & cibus ignis (Eccleſia nulli Ty-
ranno præde erit, nullus imperio ſubiacebit, ſaltem de iure : quod
declaratur, cum dicitur cibus ignis fore ſceptrum exactoris & violen-
ta prædatio, hoc eſt, damnatum iri, qui Eccleſia more gentium do-
minari velit. Cauſa vero eſt, quia Eccleſia alium habet Regem, de
quo ſequitur :) Paruulus enim natus eſt nobis, & filius da-
tus eſt nobis (nempe Chriſtus) & factus eſt Principatus ſu-
per humerum eius (id eſt, Principatum ſeu Regnum meruit paſ-
ſione, quia Crucem, qua fixus fuit, humero portauit) & vocabi-
tur nomen eius Admirabilis, Conſiliarius (ſue magni conſily
Angelus) Deus, Fortis, Pater futuri ſæculi (ſue, æternita-
tis) Princeps pacis. Multiplicabitur eius Imperium, & pacis
non erit finis : ſuper ſolium David & ſuper regnum eius ſe-
debit (vt Rex ſecularis) vt confirmet illud & corroboret in
iudicio & iuſtitia amodò & vsque in ſempiternum] Hic
omnes Imperij tituli Chriſto tribuuntur. Prius dicitur Deus:
deinde vt Homo natus, vocatur Fortis, conſiliarius ſiue Sapiens :
poſtremò Pater, quo Amor designatur, cuius ſigillum quoque
exprimitur Crux ſiue Paſſio. Cùm autem Meſſis fit mentio
(latabuntur Chriſtiani, ſicut qui latatur in meſſe) ſignificatur
ſæculare & in hominum oculos incurrens Eccleſiæ imperium non
ita ſtatim à principio appariturum, ſed priùs in lacrimis ſeminan-
dum fore *Psalm. 125.* In conuertendo Dominus captiuitatem Sion
(id eſt, cum Eccleſiam Deus à perſecutione omninoque à dominio Romanorum
liberaſſet) facti ſumus ſicut conſolati ſue ſomniantes & vix nobis met-
iſſis præ latitia credentes. Tunc repletum eſt gaudio os noſtrum, & lin-
gua noſtra exultatione. Tunc dicent inter Gentes: Magnificauit
Dominus facere cum eis etc. Qui ſeminant in lacrimis, cum
exultatione metent. Euntes ibant & flebant mittentes ſemina ſua
(incipientes prædicare Euangelium) venientes autem venient cum exul-
tatione portantes manipulos ſuos.] Hos autem Manipulos, ſiue,
conuerſos Gentiles ſæculari Eccleſiæ poteſtati ſubiectum iri, infra
cap. LII. ex Mich. 4. docebitur.

Hebr. i. Locutus eſt nobis Deus in filio, quem conſtituit hæredem
vniuerſorum, per quem fecit & ſæcula: qui purgationē peccatorum
faciēs (ſiue, purgatione, facta, nepe per Paſſionē) ſedet ad dextrā maiestatis
in

in excessis] Hoc loco rursum omnium rerum dominium duplici titulo Christus accipit.

Hebr. 2. Non angelis subiecit Deus orbem terræ, de quo testatus est Dauid: *Omnia subiecisti sub pedibus eius*. In eo enim quod omnia ei subiecit, nihil dimisit non subiectum ei. Nunc autem nec dum videmus omnia subiecta ei] Itaque Christus habet dominium terræ, siue terrenum, nempe bonorum quoque externorum, quamuis possessionem ipse non ceperit, nisi paulatim procedente tempore per suos Vicarios.

Matth. 28. Data est mihi omnis potestas in cælo & in terra. Euntes ergo docete omnes gentes, baptizantes eos, & docentes seruare omnia, quæcumque mandavi vobis: & ecce ego vobiscum sum omnibus diebus vsque ad consummationem sæculi] Hic docet, se iam per passionem suam Ius omnis Imperij consecutum esse, & Vicarios siue Legatos constituit, qui hoc suum ius omnibus regnis & nationibus promulgent, suisque Legibus ac ditioni omnes homines subijciant. quod quoniam sine potestate fieri non potest, certè dubium esse nequit, quin omni armorum ad id necessariorum genere eos ornarit & instruxerit. Sic enim Paulus de se ceterisque Christi Vicarijs loquitur 2. Cor. 5. & 10. Nos Legatione pro Christo fungimur, ad gentes scilicet, quas emit, ipso facto ei subijciendas. Arma porro militiæ nostræ (quibus contumaces ad officium cogimus) non carnalia siue imbecilla sunt, sed potentia Deo (siue, Dei virtute) ad destructionem munitiorum, quibus cõsilia destruimus, & omnem altitudinem extolentem se aduersus scientiam Dei, & in captiuitatem redigentes omnem intellectum in obsequium Christi, & in promptu habentes vlscisci omnem inobedientiam, cum impleta fuerit vestra obedientia. Et si ampliùs aliquid gloriatus fuero de Potestate nostra, quam dedit nobis Dominus, non erubescam.] Habent ergo Episcopi potestatem armis potentissimis infideles Christo subijciendi, & eos, qui iam crediderunt, sed peccando rursus iugum excutunt, vlsciscendi. Itaque scribit idem 2. Cor. 13. Prædixi & prædico, quoniam si venero iterum, non parcam. Hæc absens scribo, vt non præsens durius agam secundum Potestatem, quam Dominus mihi dedit.] Et 1. Cor. 4. Quid vultis? in Virga veniam ad vos, an in charitate & Spiritu mansuetudinis?] Nimirum non Directiuam modò Potestatem Christus Ecclesiæ dedit, qua scilicet, quid, quare, quomodo & cuius boni gratia fieri debeat, docetur, sed etiam coactiuam, qua populus ad legem

Christi dominio subijci debet Orbis terræ, tamquam Heredis vniuersorum.

Christus Legatos constituit, qui suo loco Hereditatem Orbis adeant.

Quibus etiam vires & arma necessaria tribuit.

Arma Episcoporum, quibus Orbem terræ Christo subijciunt.

Potestas Episcoporum Directiua: Et Coactiua.

gem obseruandam obligatur, ac pœna violatoribus infligitur. Cuiusmodi porro armis hanc Ecclesia potestatem vtramque exercent, iam apparebit.

CAPVT XXXVII.

PSAL. 2. Fremuerunt gentes & populi meditati sunt inania: adstiterunt Reges terræ (*Herodes & Pilatus*) & Principes (*populi Iudæi*) conuenerunt in vnum aduersus Dominum, & aduersus Christum eius: Dirumpamus, inquit, vincula eorū, & proijciamus à nobis iugum ipsorum (*id est, ne recipiamus fidem Christianam*) Ego autem Christus constitutus sum Rex à Deo super montē sanctum eius, prædicans præceptum eius (*Hæc est potestas Directiua*) Dominus dixit ad me: Postula à me, & dabò tibi Gentes hereditatem tuam, & possessionē tuam terminos terræ. (*quid si autem nolint se mihi subycere, qua potestate eos cogam?*) Reges siue Palces eos in virga ferrea, & tamquam vas figuli confringēs eos.] Cū vtrumque ad Christi officium ac potestatem pertineat: Prædicare præceptum Dei de obedientia ipsi exhibenda, & Pascere ac comminuere virga ferrea siue gladio refractarios (alioquin Legislator foret mancus & imperfectus ad instar Platonis, cuius Leges rationibus tantū actimōre futuri sæculi suadentur, non etiam Virgæ terrore vindicantur. Esse autem Virgam nihil aliud quàm secularem siue coactiuam potestatem, ex *Isai. 14.* discimus, vbi sic de extincto Chaldæo Rege loquitur: contriuit Dominus baculum impiorum, VIRGAM Dominantium, cēdentē populos in indignatione plaga insanabili, subijcientē in furore gentes, persequentē crudeliter] & pariter se facturum Christus minatur *Michæ. 5.* Faciam in furore & in indignatione ultionem in omnibus gentibus, quæ audire me noluerint] Cū ergo vtrumque ad Christi officium pertineat, Prædicare præceptum, siue Legem promulgare, & eos, qui audire nolunt, Virga ferrea pascere, siue ultionē aduersus eos in furore facere) ipse vtrumque postquam in cælum adscendit, per eos, quos constituit Episcopos REGERE seu PASCERE Ecclesiam Dei (*Act. 20.*) exercet, in primis autem per S. Petrum, cui soli dixit: *Pasce Oves meas.* quibus verbis omni necessaria potestate, directiua scilicet & coactiua eū donauit, vt reliquas oves siue Gentes adducere, vnumque ouile facere posset, velut supra demonstraui. Sicut misit me Pater (ait ipse,) ita ego mitto vos. Iam verò missus ipse fuerat, vt non modò præceptum Dei gentibus prædicaret, sed eas etiam virga ferrea

Christi potestas Directiua.

Eiusdem potestas Coactiua.

Virga est potestas secularis.

Vtramque potestatem Christus Petro dedit.

ferrea pasceret, ita tamen, vt morte prius suum illum præstantissimum Imperij titulum, nempe *Amorem*, obsignaret. *Luc. 24.* Hæc oportuit pati Christum, & ita intrare ingloriam suam. *Psal. 109.* De torrente in via bibet (*sive patietur*) propterea exaltabit caput, *vt scilicet gloriam portet*, velut Zacharias ait, hoc est, vt omnem potestatem exerceat, ceteras autem potestates & principatus omnes euacuet. *i. Pet. 1.* Prænuntiavit Spiritus in Prophetis eas, quæ in Christo sunt passionēs, & posteriores glorias, quas scilicet Ecclesiæ suæ reliquit, sed procedēte demum tempore manifestandas, postquam scilicet ad iustam ætatem adoleuerit. Nam corpori humano assimilatur Ecclesia, quod contemptū & imbecille est, donec ex adolescentia in virilem ætatem ingressum vires ad se tuendū oportunas acquisierit, & lacertos ac brachia roborarit. Idem argumenti habet illa Christi Parabola *Marci 4.* cū Ecclesiam *Grano seminato* similem facit, quod primū fructificat herbam teneram ac delicatam, deinde sensim spica siue culmo geniculato erigitur, tum vaginis iam quasi pubescens includitur, postea contra auicularū aliarumq; bestiarum morsus vallo aristarum munitur. Itaq; nō oportet, quæ de Christi regno ac potestate super imperia terrena passim in scripturis legimus, ad prima Ecclesiæ exordia referre, sed ad ea, quæ ipsi matura iam ætate contigisse scimus, dirigere; quo facto fidem Prophetiis omnibus constituisse, neque rectē secularē potestatem ab Ecclesia abiudicari comperiemus. Hoc ipso certē Psalmo secundo prius fremunt & aduersus Christum conspirant *Reges ac Gentes*, & posteriū demum apprehendunt disciplinam, nisi virga ferrea pasci & conteri malint. Sed idem ex ijs, quæ iam producam, scripturæ locis, multo adhuc clariū apparebit.

*Christus prius
fuit moriendū,
quā Regnū
orbis terræ con-
sequeretur.*

*Ecclesia paula-
tim debuit ma-
iores vires ac-
quirere.*

*Prophetia de
Christi regno
seculari quomo-
do intelligenda.*

CAPVT XXXVIII.

PSAL. 44. Diffusa est gratia in labiis tuis, propterea benedixit te Deus in æternum. Accingere gladio tuo super femur tuum, potentissime. Sedes tua Deus in sæculum sæculi: virga directionis, virga regni tui] Vtrumq; hic Christo Regi Gladiū tribui videmus. Prior est *gladius spiritus*, siue *verbum Dei* (*Ephes. 6.*) qui est in labijs, siue exit ex ore, *Apocal. 1.* Et hæc est *virga directionis*. Alter est Gladius, qui accingitur super femur, siue Virga ferrea aut coactionis, quem euaginat & dstringit in vindictam eorum, qui obedire nolunt, sicut ipse Mich. 5. comminatur: *Faciam in furore ultionem in omnibus gentibus, quæ*

*Christus habet
virumq; gla-
dium.*

nota

non audierunt. Existimandum verò est ab ipso Christo fieri, & eius loco & potestate facit Ecclesia: sicut Ecclesiæ persecutionē pro sui persecutione accipit, cum Paulo dicit: *Saule quid me persequeris?* Itaq; quod Mich. 5. de ipso Christo dicitur: *Et stabit, & pascet.* Hoc Isai. 61. de Sacerdotibus & Episcopis intelligendum esse discimus: *Et stabunt alieni, & pascunt pecora vestra.* Virga nempe Christi ferrea, siue gladio quam Virgam emittit Christus ex Sion, siue, ex Ecclesia, ut dominetur in medio inimicorum suorum. Psal. 109. Itaque eodem loco Michæ de Episcopis dicitur: *Pascunt Assur* siue infideles in gladio & in lanceis eius, nempe Assur siue Assyrij, à quo gladius & lancea ad Christum transferentur.

Psal. 149. Exultabunt sancti in gloria, lætabuntur in cubilibus suis (hoc est, Christiani non modò in cordibus suis læti, sed etiam seculari potestate ac gloria conspicui & illustres erunt) Exaltationes Dei in gutture eorum (id est, ore siue predicatione Evangelij Deum exaltabunt) & Gladij ancipites in manibus eorū, ad faciendam Vindictam in nationibus, increpationes in populis, ad alligandos Reges eorum in compedibus & nobiles eorum in manicis ferreis: ut faciant in eis iudicium conscriptum: gloria hæc est omnibus sanctis eius] Omnes sancti sunt Ecclesia Christi: huius est hæc gloria, siue vtriusque Gladij potestas. sed priorem, nempe spiritualement, Guttur siue Os, hoc est, caput Ecclesiæ: alterum seculari, Manus Ecclesiæ, siue secularis Magistratus exercet, Dei nempe Minister, vindex in iram ei qui malè agit. Rom. 13. Itaque cum Indiani & Americani malè egissent, Legem Christi primæ Rationis violantes Idololatria, Sodomia & Anthropophagia, fecit inter eos Christus vindictam, & manu Ecclesiæ suæ, quæ est Rex Catholicus Hispaniæ, gladio seu virga ferrea eos pavit & contriuit: id quod etiam Isaias. 30. futurum vaticinatur: Ecce nomen Domini venit de longinquo (ex Europa scilicet) ardens furor eius, & grauis ad portandum. Labia eius repleta sunt indignatione (non, ut prius, diffusa gratia, idque propter anthropophagiæ atrocitatem) & lingua eius quasi ignis deuorans. Spiritus eius velut torrens inundans vsque ad medium colli, ad perdendas gentes in nihilum (ut desinant esse gentiles, erroribus valere iussus Christiani facti) & ad perdendum frenum erroris, quod erat in maxillis populorum. Et audiam faciet Dominus gloriam vocis suæ (id est, predicabitur Christi fides inter Indos) & terrorem brachij sui ostendet in comminatione furoris & flamma ignis deuorantis (Rex Catholicus, brachium Ecclesiæ, perterrebit Indos & Americanos igne tormentario nuper in vento) Allidet infideles velut, in turbine, & in lapide grandinis. A voce enim Domini pauebit

Ecclesia siue Episcopi & Virgæ Christi gladium exercent.

Ecclesia felix status.

Gladius spiritualis.

Gladius materialis.

Americani gladio materiali Ecclesia subiugandi erant.

Euangelium ex Europa ad Americanos allatum.

Terror Regis Catholicus in Americanis.

pauebit Assur virga percussus (*hoc est, infideles Americani prius perterriti & metu domiti, verbum Dei recipient & pauebunt ad Dominum & ad bonum eius, velut Ose. 3. scriptura loquitur*) & erit transitus virgæ fundatus, quam requiescere faciet Dominus super eum (*super Assur scilicet sine Gentilitatem*) in tympanis & cytharis: & in bellis præcipuis expugnabit eos.] Id est, Gladius Ecclesiæ, per manum siue Regem Catholicum in Americam translatus, inde non eiicietur, sed ibi quiescet, omnesque eas gentes in Ecclesiam intrare compellet, cum summa Christianorum omnium lætitia. *Sequitur in Isaiâ.* Preparata est enim ab heri Tophet, à Rege preparata, profunda & dilatata. Nutrimenta eius ignis & ligna multa: status Domini, sicut torrens sulphuris succendens eam.] *Tophet* locus erat in valle Hennom prope Ierusalē, vbi parentes Idolis filios immolabāt. Significat ergo Deus futurū, vt sibi quoque Americanorum filij interficiantur, siue, certatim cōsecrētur, cum ipse verbi efficacia eos tali desiderio inflammet. q̄ etiam supra laudatus *Zach. 12.* locus docet: In die illa ponam Duces Iuda sicut caminum ignis in lignis, & deuorabunt *sive occident* ad dextram & ad sinistram omnes populos in circuitu.] Idem prorsus aliis verbis *Mich. 4.* Sic Ecclesiæ Deus promittit: Surge & tritura filia Sion (*boni trituranti similis*) quia cornu tuum ponam ferreum, & vngulas tuas ponam ereas: & cōminues populos multos, & interficies Domino rapinas eorum, & fortitudinem eorum Domino vnuerse terræ.] Hic rursus aduertendum est, q̄ Ecclesiæ potestas secularis tribuatur, per *Cornu* significata, sed id in capite residet, postquam scilicet iam adoleuit & vitulus esse desijt. Sicut ergo Vitulus nouellus, nondum quidem re & actu Cornua vngulasq; triturando habiles & robustas habet, sed ita vt habere possit, certoq; cum ætatis maturitate habiturus sit, item Ecclesia secularem potestatem, simul ac congregari cœpta est, à Christo accepit, sic tamen vt ea tum demum, postq̄ adoleuisset, vteretur. *Vngula* huius bouis sunt iudices tam seculares, quàm spirituales, quos Ecclesiæ iam tum viuentibus Apostolis habuit. *1. Tim. 5.* *Aduersus Presbyterū accusationē noli recipere, nisi sub duobus aut tribus testibus.* Ex quibus verbis Episcopalis audientia, siue Iurisdicctio super Ecclesiasticos exerceri solita colligitur. *1. Cor. 6.* Audet aliquis vestrum habens negotium *sive litē* aduersus alterum, iudicari apud iniquos & non apud Sanctos? (*id est, Turpe est, vos litigare & iudicio contendere coram infidelibus Ethnicis, ac non potius Christianos constituere litium & causarum secularium iudices*) An nescitis, quoniam Sancti *sive Christiani* de hoc mundo iudicabunt? Et si in vobis, *sive per*

R

vos

Barbari virga percussi conuertunt se ad Christum.

Hispanorū imperium in America stabile ac fundatum.

Ecclesia similis Vitulo siue boni trituranti.

Eius cornu scilicet potestas secularis est in Capite.

Vngula siue Iudices Ecclesiæ.

Episcoporum iurisdicctio.

Secularis prima Ecclesiæ iurisdicctio.

Cur Paulus nō
ad S. Petrum
sed ad Cæsarem
prouocauerit.

Qui foris sunt,
non possunt eij-
ci, sed compelli,
ut intrent. pos-
sunt.

Ecclesia nascē-
tur debuit si
compellere infi-
deles ad intran-
dum.

vos iudicabitur mundus, indigni estis, qui de minimis, *sive de litibus ci-
uilibus* iudicetis? Nescitis quoniam Angelos iudicabimus? quanto ma-
gis secularia?] Sed utræq; istæ *ungula* tum nondum *area*, nec ad tritu-
randas gētes satis firmæ, hoc est, tam secularium, quàm Ecclesiastica-
rum causarum iudices necessaria ad cogendos iniquos ac rebelles po-
testate nondum instructi erant, & Caput siue S. Petrus Cornu adhuc nō
pmiserat. Itaq; ut à Iudæorum calumnia & Festi præsidis iniustitia se
vindicaret Paulus, non S. Petrum Christianorum caput, sed Cæsarem
appellauit. *Coactus sum*, (ait Act. 28.) *appellare Cæsare*. Atq; hæc ipsa causa
est, cur Ecclesiæ iudicium super Gentiles cōuenire neget 1. Cor. 5. Scri-
psi vobis, Ne cōmiscēmini fornicariis (*id est, ne cōmunionem habeatis cū
fornicariis, sed eos excommunicetis & de medio vestri auferatis*) nō utiq; forni-
cariis huius mundi (*sive ethnicis, infidelibus*) aut avaris, aut rapacibus, aut
idolis seruientibus: alioquin debueratis de hoc mundo exiisse. Nunc
autē scripsi vobis non cōmisceri, si is, qui Frater *sive Christianus* nomi-
natur, est fornicator, aut avarus, aut Idolis seruienti, aut maledicus, aut
ebriosus, aut rapax, cum eiusmodi nec cibum sumere. Quid enim mi-
hi de ijs, qui foris sunt iudicare? (*id est, quid opus est Ethnicos excommuni-
care?*) Nonne de ijs, qui intus sunt, vos iudicatis? nam eos, qui foris
sunt Deus iudicabit. Auferte malum ex vobis ipsis.] Nondum
scilicet completa fuerat hominum obedientia erga Euangelium: itaq;
si cōmunicatio aut familiaritas cum vitiosis hominibus phibita tum
fuiſſet, prorsus ex mundo exire necesse habuissent, propterea q̄ capiti
Ecclesiæ, Cornu, siue potestas gladij secularis ad vindictam, nondum
esset enatum, neq; ungulæ eius ad tritrandum, siue, ad refractarios vi-
cogendos, duratę forent. Nam Christus Luc. 14. docet, se primum mitte-
re seruos, qui vocent homines ad cœnam: deinde qui introducant, postremo demq;
qui intrare compellant, ut domus eius siue Ecclesia impleatur: vnde discim⁹
exercitium potestatis *Coactiue*, siue secularis gladij, tum demum in Ec-
clesia futurum fuisse, cū iam multi potestate *Directiue* siue prædica-
tionis ministerio in eam introducti essent. Quod etiam Ierem. 16. non
obscure significatur: Ecce dies venient, dicit Dominus, & reducam fi-
lios Israel in terram suam, (*id est, Gentes conuertam. Sed quomodo?*) Ecce e-
go mittam Piscatores multos, & piscabuntur eos: & posthęc mittam
eis multos Venatores, & venabuntur eos de omni monte, & de omni
colle, & de cauernis petrarum] *Piscatores* prius mittuntur, qui prædi-
cando præceptum Dei, homines capiant. Sed posterius adulta iam Ec-
clesia mittuntur *Venatores*, id est, Episcopi seculari brachio, velut Cani-
bus

bus Venaticis adiuti, qui etiam nolentes in retia cogunt. Itaq; de Christo vaticinatur *Isaias* 42. Non clamabit neque vox eius audietur foris. Nō erit tristis, neq; turbulentus, donec ponet in terra iudicium: & legē eius Insulæ expectabunt.] Nam prius sine armorum strepitu Terræ hereditatem cretus sine aditus innuitur, sed postea Insulas Indiæ & Americam, quæ nihil est, nisi Insula, non eadem tranquillitate, verum magno cum terrore à brachio Ecclesię occupatum, & Legi, siue fidei Christianæ subiectum iri colligimus, velut suprà *Isaias* prædixit: Audiam faciet gloriam vocis suæ, & terrorem brachij sui ostendet in comminatione furoris & flamma ignis deuorantis.

Quando & Sibi Ecclesia vim secularē aduersus Infideles adhibere debuerit.

CAPVT XXXIX.

HOc ipsum etiam *Isai.* 59. ita prædictum inuenimus: Indutus est Dominus vestimentis ultionis, & opertus est quasi pallio Zeli. Sicut ad vindictam, quasi ad retributionē indignationis hostibus suis, & vicissitudinem inimicis suis. Insulis vicem reddet (*barbaric Insulanorum puniet, nempe eos sibi vi ac terrore subiungendo: quo facto erit id, quod sequitur*) Et timebunt, qui ab Occidente (*sive Occidentales Indiæ*) nomen Domini, & qui ab ortu solis, gloriam eius] Hoc etiam est Zacharię vaticiniū capite nono: Ecce Rex tuus venit tibi, iustus & Saluator. Et loquetur pacem gentibus, & potestas eius à mari vsq; ad mare, & à fluminibus vsq; ad fines terræ (*sicut autem non ipse, sed per suos Seruos Gentibus pacem prædicauit, sic nempe non ipse, sed Serui ac Vicarij eius tam amplam potestatem exercent. Ideo sequitur.*) Et suscitabo filios tuos, Sion (*Christianos*) super filios tuos Græcia (*super Ethnicos*) & ponam te quasi Gladium fortium (*id est, ius gladij fortiter exercebis per filios tuos*) Et Dominus Deus super eos videbitur (*prosperitatem eis largietur*) & exhibet vt fulgur iaculum eius, & Dominus Deus in tuba canet, & vadet in turbine Austri. Dominus exercituum proteget eos, & deuorabunt, & subijcient lapidibus fundæ] Si non velit Rex Anglię auctoritatem in eo defugere, quod pag. 74. Scribit: *In omnibus Prophetis certissima est Regula, nunquam eas satis intelligi posse, vsque dum compleantur:* facilē meam huius loci interpretationem, rei scilicet iam gestæ euidentiā comprobata, ei me probaturum confido: Catholicos scilicet milites Austriacæ domus auspicijs fidem Christianam inter Americæ Insularumque gentiles Bombardarum igniuomarum fulmine perterritos promulgasse, & vi in Ecclesiam intrare compulisse. Cū enim propter immanitatem, qua in odium totius generis humani, & ad concedendas carnes

Americani & Insulani erant ad fidem compellendi.

Amplitudo Ecclesiæ, vt sit Catholica.

Christiani Sibiribus pollentiores ethnicis.

Regis Angliæ Regula de intellectu Prophetiarum.

Hispanis reseruata erat Nomis Orbis ad fidem conuersio.

Quare Hispani & aduersus Americanos tendendum fuerit.

Bombardarum terror Americanos ad recipiendum Euangelium praepra- rare debuit.

Infideles conuertendi erant per sacerdotes & Leuitas, non per Prædicantes.

Soli Regi Hispaniarum debatur Insularum. Nonique Orbis imperium.

Ecclesia seruire debet aurum Novi Orbis.

humanas efferati erant, prædicatione verbi parum eos commotum iri appareret, nouo Bombardarum & sclopetorum inuento domandi fuerunt. Itaque Psalmo 96. quem Paulus *Hebr. 1.* de primo Christi in orbem aduentu interpretatur, ubi de Gentilium conuersione sermo est; Ignis quoque fit mentio: Dominus regnauit, exultet terra: latentur Insulae multae. Ignis ante ipsum præcedet, & inflammabit in circuitu inimicos eius. Illuxerunt fulgura eius orbi terræ: vidit, & commota est terra (seu barbara natio) Montes seu primates eorum sicut cera fluxerunt &c. & viderunt omnes populi gloriam eius. Confundantur omnes, qui adorant sculptilia &c.] *Et Isai. 66.* Ecce Dominus in igne veniet, & quasi turbo quadrigæ eius, reddere in indignatione furorem suum, & increpationem suam in flamma ignis: quia in igne Dominus diiudicabit, & in gladio suo ad omnem carnem, & multiplicabuntur interfecti (nempe non ad internecionem, ut supra dixi, sed ad vitam, hoc est, ad fidem conuersi) Venio ut congregem omnes gentes & linguas: & venient: & videbunt gloriam meam. Et ponam in eis signum, & mittam ex eis, qui saluati fuerint (eos nempe, de quibus mox infra: Assumam ex eis in Sacerdotes & Leuitas. Hos ergo mittam) ad Gentes in mare, in Africam & Lydiam, in Italiam & Græciam, ad INSULAS longè, ad eos, qui non audierunt de me, & non viderunt gloriam meam. Et annuntiabunt gloriam meam gentibus, & adducent omnes fratres vestros de cunctis gentibus donum Domino &c.] Hic primum notandum est, quod modò se ipsum, modò suos Sacerdotes & Leuitas Ecclesiam ex omnibus gentibus congregare dicit. nam eo satis docet, suum opus esse, quod sui Vicarij, qui pro Christo Legatione funguntur, faciunt. Deinde, quod conuersionem Gentium non tantum annuntiatione verbi fieri significat, sed etiam gladij & ignis terrore. id quod per Regem Hispaniæ, Ecclesiæ brachium, in Insulis præsertim longè distitis conficiendum fuisse superius laudata scripturæ loca docuerunt: quibus addatur licet locus hic Isai. 51. Egressus est Saluator meus, & Brachia mea populos iudicabunt (id est, Reges Christiani populis iura dicent in terra scilicet. Sed) Insulæ me expectabunt & Brachium meum sustinebunt, hoc est, nouissimis demum temporibus Rex Hispaniæ fidem Christianam in Insulis promulgandam curabit, easque suæ ditioni subijciet. Isai. 60. Me enim Insulæ expectant, & naues maris in principio, ut adducant filios tuos de longè (ut Insulani, siue Americani, ad Ecclesiam adducantur) argentum eorum & aurum eorum cum eis nomini Domini Dei tui, & sancto Israel, quia glorificauit te.] Quis nescit Indiæ nouiq; orbis Insulas, cum ferè mille quin-

le quingentos annos expectassent, opera demum Hispanorum simul cum auro suo ad Ecclesiam conuersas esse? Tametsi autem Gallicanus ille Herodorus & Hæreticorum nutricula THVANVS, nihil Hispanis de Americanis ad Ecclesiam Dei conuertendis, sed tantum de auro eorum exhauriendo curæ fuisse persuasum habet, nihilo minus ipsi Christum Nouo orbi intulerunt, & inscientes in fida vaticiniorum implenda Deo se instrumentum præbuerunt: qua quidē re quin Imperium amplissimum meruerint, non dubitabit, qui meminert, quanta Nabuchodonosori & militibus eius pro opera, quam Deo, inscientes tamē, in expugnāda et puniēda Tyro nauarunt, merces à Deo persoluta fuerit *Ezech. 29. & 30.* Nabuchodonosor Rex Babylonis seruire se cit exercitum suum seruitute magna aduersus Tyrum: omne caput militum ei⁹ decaluatum, & omnis humerus depilatus est: & merces non est reddita ei, neq; exercitui eius de Tyro pro seruitute qua seruiuit mihi aduersus eam. Propterea hæc dicit Dominus; Ecce ego dabo Regem Nabuchodonosor in terra Aegypti, & accipiet multitudinem eius, & deprædabitur manubias eius, et deripiet spolia eius: et erit merces exercitui illius. Confortabo brachia eius, daboq; gladium meum in manu eius, & confringam brachia Pharaonis.] Nimirum Deus operam quamcumque sibi nauatam eo ipso, quod operarius spectat, bono remunerari solet. Si ergo Nabuchodonosor spe consequendi cælestis regni Deo seruiisset, sine dubio eius compos à Deo factus fuisset, ac fortasse simul regnum totius orbis terrarum accepisset. Sed quia propterea tantum Deo seruiit, vt mundanorum regnorum fieret Dominus, non nisi hanc, quam spectabat, mercedem retulit. Ceterum si omnino auri cupiditate illi, velut *Thuanus* insimulat, Christi fidem Insulis illis intulerunt Hispani (quod quam credibile sit, bellum tot annis in Belgica gestum clamat, quod quidem superfederi ac lucrum ducentis millionibus auri contra minime vile fieri ab iis poterat, nisi summa eis fuisset Catholica fidei tuendæ antiquitas ac religio) verum tamen si omnino aurum Indicum, non Religio Catholica ipsis cordi fuit, Apostolico illi uerbo simile quid rectè dixerō: *Quidam propter inuidiam & contentionem, non propter bonam voluntatem Christum prædicant. quid tum?*

Dum omni modo, siue per occasionem, siue per veritatem

Christus annuncietur, & in hoc gaudeo

Philip. i.

Thuanus de Hispanis calumnia.

Qui etiam inscientes Deo seruiunt, mercedē accipiunt.

Quomodo Deus operam sibi nauantes remunerari solet.

Hispanorum zelus Catholica fidei.

*Perpetua succes-
sio Pontificum.*

ISAI. 53. si posuerit pro peccato animam suam, videbit semen lori-
gæum (longam seriem & successionem Vicariorum suorum, à quorum ore
neque verbum, neq. Spiritus Dei recedere potest ex iuncti cum Ecclesia sœderis,
Isai. 59.) Pro eo, quod laborauit anima eius, videbit & saturabitur,
siue ad satietatem manducabit, & in sui corporis succum sanguinemque con-
uertet, hoc est, Ecclesiæ subiciet, velut de gentilibus conuertendis dictum
Petro legimus: Occide & manduca.] Quæ verba Rex noster pag. 22. sic
absurdè & ridiculè à Cardinali Baronio, sanctæ & immortalis

*Manducantur
à Sacerdotibus,
qui ad fidem
conuertuntur.*

*Baronius à Re-
gis Anglicanæ
defensus.*

*Christus & Ho-
mo totius orbis
Dominus.*

*Quare Christus
denu post mor-
tē saculare re-
gni suscepit.*

*Christo prius
populi contradi-
cere, postea de-
mū ei velut ca-
piti subijci debe-
ant.*

memoriæ viro exposita dicit: Age, Papa, confice Venetos, penitusq.
disperde. Apparet Regem alienæ fidei simpliciter nimis credidisse.
nam Baronio talis sensus nunquam nec per somnium in mentem ve-
nit. Rectè igitur Rex ei, quem hic auctorē secutus est, dicam Mendacij
impingendam & calumniæ notam ad caput adfigendam curabit. Sequi-
tur apud Isaiam: In sciētia sua, siue, per sapientiam suam iustificabit ipse ser-
uus meus multos, & iniquitates eorum ipse portabit. Ideo possi debet
plurimos (nempe terminos terræ, Psal. 2.) & fortium diuidet spolia.] Hic
rursus Orbis terræ dominium Christo tribuitur, cum triplici perfectis-
simi iuris titulo. Nam primū commemoratur eius scientia siue sapi-
entia: deinde potentia, qua fortes spoliatur, hoc est, qua Diabolo forti ar-
mato & Principi huius mundi, vniuersa arma, in quib. confidebat, aufert
& spolia ei distribuit. Luc. 11. Postremū Amor, qui pro totius mundi
peccatis mori nō dubitauit. Itaq. vtriq. generis Regnū, saculare scilicet,
& spirituale etiam titulo Redemptionis obtinuit: quæ causa est,
cur nō ante mortem suam, velut Amoris sui pignus & sigillum, & op-
timi ac præstantissimi sui Tituli documētum, Regnum suscipere, sed
post resurrectionem demum per Legatos suos hæreditatem omniū
gētium adire, & possessionem capere voluerit. Zach. 2. Hæc dicit Do-
min⁹ exercitū, id est, Christus: Post gloriam misit me ad Gētes, quæ spo-
liauerunt vos.] Id est, post resurrectionem, & velut Iohannes cap. 7. 39
& 12. 16. loquitur, postquam glorificatus fuit, misit me Deus Pater, vt
Gentes, quæ Ecclesiam meam persequuntur, mihi subijciam Rom. 14.
In hoc sen propter hanc causam Christus & mortuus est & reuixit, vt &
mortuorum & viuorum dominetur. Psal. 17. Eripies me de con-
tradictionibus populi, (id est, prius mihi Reges ac populi contradicent,
sed postea) constitues me in CAPVT gentium, & quidem in ca-
put Cornutum siue saculari potestate præditum. Psal. III. Dispersit, dedit
pauperibus, iustitia eius manet in sæculum: Cornu eius exaltabitur in
gloria.] Quæ verba de Christo accipienda esse docet Paulus 2. Cor. 9. de
quo

quo etiam canit Zacharias *Luc. 1.* Exaltauit cornu salutis nobis in domo Dauid pueri sui. Et *Psal. 131.* Producam cornu Dauid: inimicos eius induam confessione, quos scilicet *Dauid siue Christus cornu suo ventila-* *Cornu siue potestas secularis Christi.* *bit.* *Psal. 43.* In te inimicos nostros ventilaui cornu] Quæ Christi-anorum verba esse Paulus *Rom. 8.* docet, quo loco Psalmum hunc citat *Psal. 148.* Exaltatum est nomen eius (*Christi*) solius: confessio ei⁹ super cælum & terram, & exaltauit cornu populi sui.] Esse autem capita cornuta, Principes sæculares, *Annos 7.* docemur. Væ qui opulenti estis in Sion, & confiditis in monte Samariæ, Optimates, capita populorum ingredientibus popatice, qui dicitis: Numquid non in fortitudine nostra assumpsim⁹ nobis cornua?] Id est, qui nequaquam Deo, sed vestræ potentie acceptum refertis, quod Reges & Principes facti estis, nam de iisdem *Osæ 8.* sic loquitur. Ipsi regnauerunt, & non ex me: Principes exstiterunt, & non cognoui] Id est, non aliter se gerit Rex Ieroboam & Principes ei⁹, quam si me inscio nec consentiente suis virib⁹ regnum sæculare Israël Regi Iudæ ademptum tenerent, adeoq; nec pactas leges siue conditiones, quibus eis regnum dedi, seruant. Itaq; quod hoc *Psal. 17.* dicit Christus; Constitues me in caput gentium: comminuam eius (*cornu meo*) vt puluerem ante faciem venti] Hoc idem alijs verbis dicit *Psal. 2.* constitutus sum Rex, pascere gentes in virga ferrea & confringere eas tamquam vas figuli.] Et quod *Colos. 2.* dicitur *Christus CAPVT* omnis Principatus & potestatis: hoc *Apocal. 17.* sic declaratur, quod sit *Rex Regum & Dominus dominantium*: quemadmodum etiam *1. Reg. 15.* Saul modo CAPVT, modo REX super Israël dicitur. Alijs etiam verbis eandem rem Psalmus nonus sic complectitur: Exurge Domine, non confortetur homo. (*id est, non dominentur Infideles Christianis*) iudicentur Gentes in conspectu tuo: Constitue Domine Legislatorem, super eos (*à quo iudicentur. nam Hebraice est: Pone eis Domine terrorem hoc est, Da Legislatorem, qui eos terreat, & potestate coactiua siue seculari peccata eorum coerceat*) vt sciant gentes, quoniam homines sunt] Vt non committant ea peccata, quæ omnis humani moris & sanguinis expertes eos arguant, cuiusmodi est *Americanorum Anthropophagia.* *Christus modo caput, modo Rex regum gentium dicitur.* *Christus Legislator terrenis barbarorum.*

CAPVT XLI.

ITAQVE constitutus est quidem Christus in Legislatorem gentium terrentem & iudicantem, in Regem cum virga ferrea, & in caput gentium cornutū; hoc est, in sæcularis quoq; potestatis Principum, sed prius

*Christus prius
pater & contradi-
ctiones sustine-
re debuit quam
orbis Rex fieret.*

*Quomodo Re-
gnū Christi non
sit de hoc mūdo*

*Christus post
mortem demū
adire debuit He-
reditatē suam.
Qualē potesta-
tē Pilatus super
Christū habue-
rit.*

*Quare Christus
noluerit, litē de
Hereditate de-
cidere.*

*Christus Index
vivorū & mor-
tuorū.*

prius tamen *positus* fuit in *signum* cui contradiceretur Luc. 2. Et patien-
ter contradictiones populi sufferendo, vt in caput gētium constitue-
retur Rexq; fieret, meruit. quo diligenter obseruato omnibus eorum
argumentis, qui Christo regnum sēculare sententia sua abiudicant,
nullo negotio responderi potest. Verbi gratia cū illa Christi ad
Pilatum verba opponunt *Iohan. 18.* Regnū meum non est de hoc mun-
do. Si ex hoc mundo esset regnum meum, ministri mei vtique de-
certarent, vt non traderer Iudæis. Nunc autem regnum meum non
est hinc] Nec enim hoc loco Christus quale suum Regnum sit,
spirituale an sēculare, exprimit, sed tantū de regni sui titulis ac fun-
damentis loquitur, quasi dicat, se quidem ad hoc in mundum venisse
vt regnum magnum instituat, non tamen vt id humano more armis
paret (nam si hoc quæsuisset, ministrorum armatorum copias Iudæ-
is opponere debuerat) neq; etiam ad regnum se adspirare, sicut in
mundo solet, per electionem, puta aut successionem, sed requum iam
se tenere solo iure diuino tanquam Mundi creatorem. Nunc autem
regnum meum non est hinc. id est: Nunc quidem totius mundi Rex
sum solo creationis titulo : mox autem vbi passus fuero, etiam Re-
demptionis iure Rex ero. *Ioh. 12.* Ego si exaltatus fuero à terra, siue
Crucifixus, omnia traham ad me ipsum] *Id est*, adibo hæreditatem
gentium & possessionem capere incipiam finium terræ. Quod au-
tem. *Ioh. 19.* fatetur Christus, se Pilati subiectum esse potestati, non ni-
si de permissione diuina intelligi debet. Non haberes potestatem ad-
uersum me ullam, nisi tibi datum esset de super quasi dicat : Meo ipsius
permisso habes hanc potestatem : ego me sponte mea tibi subieci, vt
per te morte affectus, Regnum orbis terrarum etiam Redemptionis
titulo acquiram. Similiter Luc. 22. Iudæis ait : Hæc est hora vestra
& potestas Tenebrarum siue Diabolorum. neq; tamen sequitur, Diabo-
los ullum in eum ius habuisse. Neque etiam sēcularem potestatem
Christo adimit, quod Luce 19. ipse iudicem fratrum de hæreditate di-
uidenda litigantium agere recusat : *O homo, quis me constituit iudicem
aut diuisorem super vos ?* Dixi enim, sēcularem regnandi & iudicandi
potestatem morte demum fuisse ab eo acquisitam. *Psal. 2.* Constitu-
tus sum Rex super Sion, prædicans præceptum eius. Hoc præcedit, postea
sequitur *virga ferrea* seu sēcularis gladius, quo inobedientes pascendi
erant. Itaq; Petrus *Act. 10.* Præcepit nobis, inquit, prædicare & testi-
ficari, quia ipse est, qui constitutus est à Deo Iudex viuorum & mor-
tuorum.] Quemadmodum scilicet spiritus sanctus prædixerat *Psal.*

71. Deus iudicium tuum Regi da: iudicare populum tuum in iustitia Iudicabit pauperes populi, & humiliabit calumniatorem. Libera-
bit pauperem à potente: animas pauperum saluas faciet (*an tantum à peccato? non, sed etiam*) ex vsuris & iniquitate (*potentiorum*) eri-
piet animas eorum &c. *Ierem. 23.* Suscitabo Dauid germen iustum:
& regnabit Rex, & sapiens erit, & faciet iudicium & iustitiam IN
TERRA *Isai. 16.* Emitte Agnum Dominatorem terræ &c. Et
præparabitur in misericordia solium, & sedebit super illud in veri-
tate in tabernaculo Dauid, iudicans & quærens iudicium, & veloci-
ter reddens quod iustum est.] Cum ergò Nicodemo dicit Christ^o *Ioh. 3.*
Non misit Deus filium suum in mundum, vt iudicet mundum, sed
vt saluetur mundus per ipsum] Iudaicum eius errorem reprehendit,
ne scilicet putet Messiam ideo potissimū venisse, vt iudicia de rebus
mundanis exercent, & regnū temporale instituat. Dixerat enim Chri-
st^o: *Exaltari oportet filiū hominis*, siue crucifigi & mori. Et quia obijcere
Nicodemus poterat, sicut & alij Iudæi fecerunt *Iohan. 12.* Nos au-
diuimus ex legē, quia Christus regnabit Rex & faciet iudicium & iu-
stitiam in terra vsque in sempiternum: quomodo ergò tu dicis: oportet
exaltari seu crucifigi & mori filiū hominis? Propterea addit Chri-
stus, Messiam mitti nō vt iudicia terrena exercent, sed vt Mundū sal-
uet. quasi dicat: Venit quidē Messias vt regnet ac iudicet in terra, sed
nō is primari^o & vltimus eius finis est. nam etiam regnum ipsum pro-
pterea tenebit, vt omnium gentium ac populorum legibus per suam
Legē de Amore Dei ac proximi correctis, totus mund^o salu^o fieri pos-
sit. Illud autē regnum diuino modo acquireret, nō humano, quia regnū
omnium sæculorum instituere debet. Itaq; nō per electionē, successi-
onē, donationē, neq; etiam iure belli aut armorum vi illud obtinebit,
sed Amore: & sui sanguinis effusione totius mundi imperium à Dia-
bolo, cui Adam^o illud per peccatū vēdiderat, redimet. Non ergò con-
sentaneū erat, prius iudicij exercendis occupari Christū, quàm illud
Imperij & Iurisdictionis Fundamentū posuisset, hoc est, quàm morte
crucis summū suū generis humani Amore obsignasset. Similiter *Mat.*
15. cum dicit Christ^o: *Non sum missus, nisi ad oues, quæ perierunt domus Is-*
rael] Non negat se quoq; Gentium conuersendarū causa missum esse,
sed loquitur tantū de eo, quod prius, & per ipsū fieri debebat. nam
Gentes posterius, & per S. Petrū, vnū totius ouilis Pastore, conuersu-
rus erat. *Ioh. 10.* Habeo adhuc alias oues, quæ non sunt ex hoc ouili,
& illas OPORTET me adducere, & fiet vnū ouile & vnus Pastor

S

Act. 15.

*Christus etiam
de sæculi rebus
iudicat.*

*Quomodo Chri-
stus non venter
iudicare mun-
dum.*

*Iudæi putabant
Messiam nō pas-
surū, sed statim
regnaturum.*

*Christus morte
regnum sæcula-
re mereri debe-
bat.*

Act. 15. Vos scitis, ait Petrus, quia per os MEVM eligit Deus audire Gē-
tes verbum Euangelij & credere] Sicut ergo nequaquam recte colle-
gerit, qui Iesum aut Bonum aut Deū se haberi nō voluisse dicat, pro-
pterea quod *Luc. 18. et Mat. 19.* Principi illi adolescenti roganti eū: Ma-
gister bone, quid faciam, vt vitam æternā percipiam, *responderit*: Quid
me dicis bonū: nemo bonus, nisi vnus Deus.] Eodē modo perperam
argumētatur, qui ex verbis illis: *Quis me constituit iudicē super vos?* iudi-
candi potestātē Christo conuenire negat. Cū enim alijs in locis di-
fertim & perspicuē Iudiciū in terra spirit⁹ sanct⁹ ei asserat, velut iam
ex scripturis docui, & Christus ipse id affirmet *Ioh. 5.* Pater omne iudi-
cium dedit filio, vt omnes honorificent Filium (vbi non de spiritua-
li solū & illo extremo Iudicio, sed etiam de seculari eum loqui, hęc
Psalmi 17. verba declarant: *Adorabunt eum omnes Reges terræ, omnes
gentes seruient ei: quia liberabit pauperem à potente, ex usuris & ini-
quitate redimet animas pauperum.* Ergo Christus hoc eodem sensu
verba illa protulit: Honorabitur & adorabitur filius, quia tam pau-
peribus, quā potentibus ius reddet, siue iudicium & iustitiam in ter-
ra faciet) quomodo verisimile est eum verbis illis: *Quis me con-
stituit iudicem?* potestatem reddendi ius sibi non conuenire, credi
velle? Igitur hęc vera demum est verborum istorum sententia:
Tametsi vt Deus, & vt homo diuinus: omne iudiciariam potestatem
habeo: tametsi etiam Homo factus sum, vt Regnum in terra institu-
am: tamen non conuenit, vt relicto grauiori & præcipuo meo mu-
nere, illud quod leuius est & posterius siue secundarium, obeam, iam
verò præcipuē missus sum, vt hominibus euangelizem regnum Dei,
Luc. 4. 43. Secundariò autem & minus præcipuē, vt reddam vnicuiq;
quod iustum est, *Isai. 16.* Itaq; non est, quod me relicto Euangelizandi
munere iam priuatis vestris litibus operam daturum, tuæque auari-
tiæ adiutorem fore speres, cum præsertim nondum exaltatus fuerim,
neq; ea, quæ de Messia prædixerunt Prophetæ, impleuerim. Simili-
ter non dubito, quin Paulus nonnumquam Baptizari se ab eo volen-
tibus responderit: *Quis me constituit Baptisten super vos?* Sic enim
de se scribit *1. Cor. 1.* Neminem vestrum baptizauī, nisi Crispum &
Caicum, & Stephanæ domum. Non enim misit me Christus bapti-
zare, sed euangelizare] Quomodo? dicet quis. Non misit Christus
Apostolos baptizare? quid ergo sibi volunt illa *Matth. 28.* *Euntes
docete omnes gentes, & baptizate eos?* Et si non misit Paulum bap-
tizare, quare ergo quosdam saltem baptizauit? Respondeo: Mis-
sus

*Paulus negat
se missū ad bap-
tizandum.*

fus fuerat Paulus ad vtrūq; sed ad Euangelizandum præcipuè, minus præcipuè vero ad baptizandum. Itaq; hoc officium minus præcipuè etiam per alios obire poterat. Eodem modo cum Christus vtriq; rei causa missus esset, Euangelizandi & Iudicandi, illi priori loco & præcipuè incubuit, alterum munus secundariò, & per suos administratos ac Vicarios gerere voluit. Et ante quidem quàm exaltatus esset, Cæsare ceterisq; Regibus ac Magistratibus sæcularibus, Vicarijs utebatur, quippe qui Dominus omnium foret siue, *Caput omnis Principatus & potestatis*, Colos. 2. titulo & iure Creationis. Per me inquit, Prou. 8. *Reges regnant, & legum conditores iusta decernunt: per me Principes imperant: quia meum est consilium, & æquitas, mea est prudentia, mea est fortitudo.* Hoc est, quia omnium quæ inter Gentes sunt, regnorum tituli, nempe potentia & sapientia meo beneficio habentur. Postquam verò glorificatus siue resuscitatus fuit, iam etiam vt Homo titulo emptionis siue redemptionis totius Orbis Dominus esse coepit, in caput Gentium, in Legislatorem populorū, & in Regem super montē sanctū Sion, velut supra didicimus, constitutus. Vicarios porro suos ac Proreges constituit Apostolos, quos ius suū morte acquisitū per totū Orbē promulgare iussit, vt discerent scilicet Gētes, se nō de hinc sui iuris, sed Christo, tamquam Mundi toti emptori, à Deo subiectos esse. Et quia futurū erant, vt gentes fremerēt, Regesq; ac Principes de abiiciendo huius noui Imperii iugo coniurarent, siue vt nō omnes Euangelio obedirēt (Ro. 10, 16.) neq; Legibus huius Regis vti vellent, *Virgam virtutis sue in Sion siue Ecclesia reliquit*, hoc est, Potestate coactiua suos hosce Proreges instruxit, quæ quidē non semper debebat esse vniusmodi. Nam principio, vt diuinitas huius imperii magis luceret, Miracula ac prodigia faciebant Marci 16. Euntes in mundū vniuersum prædicate Euangeliorum omni creaturæ. qui crediderit & baptizatus fuerit, saluus erit: qui verò non crediderit, condemnabitur. (*Hic dat eis potestatem Directiuam, qua promulgarent Christi Legem, & quid, quomodo, cuius deniq; boni causa faciendum sit, docerent.* Iam propter eos, qui Euangelio obedire & Christum pro Rege recipere nollent, adiungit potestatem coactiuam) signa autem eos, qui crediderint, hæc sequētur: In nomine meo (siue, nullo alio medio, neq; humano, neque diabolico, sed sola inuocatione mei nominis adhibita) Dæmonia eiicient: linguis loquentur nouis: Serpentes tollent: et si mortiferum quid biberint, non eis nocebit: super ægros manū imponēt, & bene habebunt 2. Cor. 12. Signa Apostolatū mei facta sunt SUPER VOS (*id est, ad vos Euangelio subijciendos*) in omni patiē-

Ita Christus negat se missum ad exercenda iudicia secularia.

Cæsar ac Reges ethnici erant Vicarij Christi.

Vicarij ac Proreges Christi post resurrectionem.

Christi potestas Coactiua est in Ecclesia.

Ea consistebat primum in Miraculis.

*Petrus maiorē
potestatem co-
gendi habuit,
quam reliqui
Apostoli.*

*Posterius Pote-
stas coactiua cō-
tinebat etiam
vīu materialis
gladij*

*Reges Christo-
belles ab Eccle-
sia iudicantur
ac perduntur.*

entia, insignis, & prodigijs & virtutibus.] Et S. Petro quidem primo atq; ordinario eius Proregi ac Vicario iam supra potestatis tantū dixi datam fuisse exsuperantiam, vt sola vmbra sua ægros sanaret, & solo verborū sono peccatores interficeret. Deinceps autē, cum iam completa esset Christianorum obedientia, siue cum Ecclesia, Christi corpus, ad maturam ætatē adoleuisset, *Virga ferrea* siue Gladio sæculari eam accinxit, ad faciendam vindictam in nationibus, increpationes in populis, ad alligandos Reges eorum in compedibus, & nobiles eorum in manicis ferreis, vt faciant in eis iudiciū conscriptū Psal. 149. siue, vt eos secundū ius regium & ex præscripto Legis Christi iudicent, id est, cum Christi Legem recipere, eumq; pro Rege suo habere nolunt, vt eos regno & vita simul exuant. Nam hoc iudicium conscriptum est in Lege Christi *Isai, 60.* Aperientur portę tuę iugiter, die ac nocte non claudentur, vt afferatur ad te fortitudo gentium, & Reges earum adducantur. Gens enim & Regnum, quod non seruiert tibi, peribit, & Gentes solitudine vastabuntur.] Sed hac de re cū supra dixi, tum plura posterius in medium ex scripturis afferam. Nunc alia, quib⁹ nonnulli sæculare Christi Regnum controuersum facere moliantur, persequemur.

CAPVT XLII.

*Quare Christus
à Iudæis popu-
lo noluerit Rex
creari.*

ADDVCUNT ergò locum *Ioh. 6.* Cū cognouisset Iesus, quia venturi essent, vt raperent eum, & Regē faceret, fugit in montē solus.] Hinc enim cogunt & efficiunt, Christum nō voluisse Regno sæculari potiri, ac proinde Regem sæcularem non esse. At ego quicquam aliud ex eo cogi posse nego, quam quod tali titulo, electione scilicet infimæ plebis, esca delinitæ, & inertem vitam atq; otii sectantis. potiri Regno noluerit. *Sequitur me* (inquit) *non quia vidistis signa, sed quia manducaſtis de panibus.* quasi dicat: Cuperetis me Regē facere, non quia me Deū esse creditis, sed quia futurū speratis, vt vobis sub eiusmodi Rege sine omni manū labore & in otio ignauis viuere, & nihilominus bene pastis esse liceat. Vt igitur aliā nō fuissent (cuiusmodi est, quod vt Regnū velut Homo obtineret, prius oportuit illū pati, & ita intrare in gloriam suam Luc. 24. quodq; aliis exemplo esse debuit, vt virtutis via ad imperium grassarentur, idq; etiam morte sua acquirere nihil dubitarent sicut ipse hoc declarans *Ioh. 10.* *Bonus Pastor*, inquit, *dat animam suam pro ouibus suis,* eaq; re Petrum ouilis sui Pastore constituens, mortis, genus, quo Deū glorificaturus esset, denunciatur, Sed vt etiam ista nō fuissent, hanc

hanc certè ob causam, per populi tumultum & colluuiem Rex fieri nō debuit, ne deteriore titulo, quàm pleriq; Gentium Reges, regnum obtineret. Quod porrò Christi verba nobis opponunt *Marci 10.* Filius hominis nō venit vt ministraretur ei, sed vt ministraret, & daret animam suam redemptionem pro multis.] Eandem prorsus, quæ superiora ad Nicodemum verba *Ioh. 3.* rationem habent: Non misit Deus filium vt iudicet mundum, sed vt saluetur mundus per ipsum.] Nempè regnum totius orbis propter vtilitatem hominum institui à sese oportere, & obedientiam siue subiectionem vsq; ad mortem, hoc est, summum Amorem huius sui regni titulum esse significat. quasi dicat: Veni quidem vt Dominus (*Vos me vocatis Magistrum & Dominum, & benè dicitis. Sum etenim. Ioh. 13.*) quā tamen Homo sum, ius dominandi seruendo, & me ipsum hominibus subijciendo, acquirere debeo: (*Vir obediens loquetur victoriam, Prou. 21.*) & ipsum meum Dominium, siue Imperium, nihil aliud est, quàm ministerium: quia regendo hominum vtilitati inseruio. Simul ergò Apostolos & omnes Christianos Magistratos, quā seculares, quā Ecclesiasticos, docet, vt suum officium non tam Dominium esse sciant, quàm laborem & seruitutem, quam sibi subiectis exhibere debeant. Scitis, quia hi, qui videntur Principari Gentibus, dominantur eis (*herile, non paternum imperium exercent*) & Principes eorum potestatem habent ipsorum (*id est, violentè eis imperant, siue non subiectorum vtilitat seruientes*) Non ita est, autem in vobis (*Christianorum imperia paterna esse debent, & super Amorem boni publici fundata*) sed quicumq; voluerit fieri maior siue Magistratus, erit vester Minister: & quicumq; voluerit in vobis primus esse (*seu Primatum obtinere*) erit omnium seruus. Nam & filius hominis (*quamuis Maior vester omniumque hominum Dominus*) non venit vt ministraretur ei, sed vt ministraret, & daret animam suam redemptionem pro multis.] Atq; hæc summis Pontificibus causa est cur se seruos seruorum Dei appellent, exemplo S. Pauli, qui *Coloss. 1.* corporis Christi Ministrum per dispensationem Dei se factum dicit, & *2. Cor. 4.* se Seruum Corinthiorum proficitur, quo tamen nō negat paternum suum in eos imperium de quo *1. Cor. 4.* scribit: *Vos vt filios meos charissimos moneo. nam in Christo per Euangelium ego vos genui. quid vultis? in virga veniam ad vos, an in charitate & spiritu mansuetudinis?*] Igitur Imperium Episcoporum est seruitus, non quod nō virgè aduersus contumaces adhibendæ potestatem habeant, sed quia eam potestatem ad hoc, vt subditis seruiant siue profint, acceperunt. Eam ob rem Apostolus Episcopatum, *bonum opus*

Quomodo Christus nō venerit, et ei ministraretur.

Quia ministrando mereri debuit, et sibi ministraretur.

Inter Christianos nullum despotiæ siue herile imperium habet locum.

Omnes Christiani Magistratus sunt serui, nō domini rei publicæ.

Papa seruus seruorum Dei.

Episcopatus nihil aliud quam seruitus.

Et tamen Episcopi regunt, sunt præspositi & præsunt.

Quid differant Regere & Dominari.

Tyrannus Lupus similis.

Magistratus non Pastores, sed Mercenarij qui?

Quid sit Lupus?

Mercenarius stultus Pastor.

Principis Machiaveli sine Mercenarij descriptio.

esse dicit i. Tim. 3. hoc est, munus multæ ac molestæ seruitutis, quod eius sit etiam tum, idque vel maximè, vigilias agitare, quando ceteri dormiunt. 2. Tim. 4. Tu velut Episcopus vigila, in omnibus labora, opus fac Euangelistæ, ministerium tuum imple, id est, nihil intermitte, quod ad seruendum alienæ utilitati pertineat. Et tamen Act. 20. Episcopos super gregem ait esse positos, regere Ecclesiam Dei. Hebr. 13. vocat eosdem Præpositos, quibus ceteri obedire & subiacere debeant, cum illis vigilare & rationem pro animabus ceterorum reddere necesse sit. 1. Thess. 5. eos alijs in Domino seu loco Domini præesse dicit. Ex quibus omnibus discimus, Regere, Præesse, & imperare secundum naturæ & Christi regulam nihil aliud esse, quam Ministrare & publicæ omnium subiectorum vtilitati seruire: Dominari contra esse vi potestatis cogere & opprimere, non ad subiectorum, sed ad propriam ipsorum, qui præsunt, vtilitatem, sicut Lupus Ouis imperat, aut etiam sicut præest Mercenarius. Tyrannus enim nullum imperij sui ius aut titulum habet, nisi falsam potentiam, hoc est, vires corporis siue suas, seu suorum: & falsam sapientiam, siue Astutiam propriâ vtilitate omnes actiones suas dirigentem. Itaq; velut Lupus, quo quisq; subiectorum est opimior, hoc est virtute, sapientia & opibus eminentior, eos deglutit aut de medio tollit. Reliqui, qui non quidem præstantiores tollunt, sed vtilitatem modò ex subiectis percipiunt, nihil interea de ipsis conseruandis ac tuendis solliciti, sunt Mercenarij, quorum naturam sic describit Christus: Mercenarius, videt Lupum venientem & dimittet oues, & fugit: & Lupus rapit & dispergit Oves Mercenarius autem fugit, quia Mercenarius est, & non pertinet ad eum de Ouis, siue, quia eius non sunt Oves propriæ.] Lupus est hostis, siue quicquid subiectorum animis, corporibus aut fortunis nocet: cuius generis sunt bellum, pestis, fames, inundatio, in primisq; Hæresis seu falsa Religio. Ab his vt subiectos tueatur ac saluos præstet, nihil Mercenario curæ est, neque vllum subiectorum causa periculum adire animum inducit, ac propterea stultus Pastor à Deo vocatur Zach. 12. Dixit Dominus: Adhuc fume tibi vasa Pastoris stulti (verbi gratia, lanceam aut gladium, quæ vasa siue instrumenta minime Pastori conueniunt: quid autem huiusmodi Vasa portendant ac significent, sic statim explanat:) Quia ecce ego suscitabo Pastorem in terra, qui derelicta non visitabit, dispersum non quæret, contritum non sanabit, id quod stat, non enutriet, sed carnes pinguium comedet, & vngulas eorum dissoluet. O Pastor

stor & Idolum, derelinquens gregem: gladius super brachium eius, & super oculum dextrum eius: brachium eius ariditate siccatbitur, & oculus dexter eius tenebescens obscurabitur.] Describitur hoc loco Princeps Macchiauellæus: vtrum sæcularis, an Ecclesiasticus, adhuc in ambiguo habeo. *Oculus dexter Principis*, est vera sapientia, qua, velut ait Salomon Sapient, 6, 14. *disponi: populos, & nationes habet subditas.* Huius partes sic idem Salomon recenset: *Si multitudinem scientiæ desiderat quis, scit sapientia præterita, & de futuris æstimat* (hæc est praxis historica, siue prudentia historiarum lectione comparata) *scit versutias sermonum* (Rhetoricen) *& dissolutiones argumentorum* (Dialecticen) *signa & monstra scit, ante quam fiant, & euentus temporum & seculorum*, id est, scit Astrologiam & Prophetiam, illam saltem, de qua 1. Cor. 14. legimus: *Potestis omnes per singulos prophetare*, hoc est, ea quæ Prophetis Spiritus sanctus de rebus futuris reuelauit, intelligere. Ad cuius Prophetiæ studium nos S. Petrus ita cohortatur 2. Pet. 1. Habemus firmiorem propheticum sermonem, cui bene facitis, attendentes tamquam Lucernæ lucenti in caliginoso loco.] Et S. Paulus 1. Cor. 14. *Æmulamini spiritualia, magis autem vt prophetetis.*] Et 1. Thess. 5. *Spiritum nolite extinguere, prophetias nolite spernere.*] quasi dicat, non esse continuo explodendum, si quis prophetias scripturæ interpretari, & ex ijs de futuris euentibus diuinationem eruere velit. *Spiritum enim, ubi velit spirare, & donum intelligendi prophetias, cui velit, tribuere.* Qualis autem & quàm necessarius Principi sit Astrologiæ ac Prophetiæ vsus, proxima Parabola demonstrabitur. Hoc loco satis est, quis sit oculus dexter Principis, explanasse, habitus nimirum variarum scientiarum, quæ ad rectionem & conseruationem Reipub. requiruntur. quibus cum Princeps, de quo Zacharias vaticinatur, instructus non sit, oculo dextro captus esse dicitur: tamen si sinistro vti non negatur, qui nihil est, aliud, quàm compendiosa illa Macchiauelli scientia, quæ *Ius Imperij*, siue *Ratio status* vocatur, & est astutia, siue priuatæ utilitatis per fas ac nefas conficiendæ solertia, quàm legendis historijs Principum præteritorum, in primisque Tyrannorum, sibi nostræ ætatis Pseudopolitici parare solent, ac tum demum, cum simulando & dissimulando, fraudibusque componendis ad vota sua adspirare didicerunt, sibi sapientissimi videntur, Pharaoni illi, de quo supra, similes: *Venite, sapienter opprimamus eos.* qua tamen sapientia eò tandem redactum se sensit, vt à subiectis suis Moyse

*Oculus dexter
Principis.*

*Prophetia qua-
lin Principi sit
necessaria.*

*Oculus sinister
Principis, siue
Ratio status.*

*Pharaonē Ra-
tio status per-
didit.*

& Aaro-

Princeps rationem status sequens quid facere soleat.

Episcopi status rationem sequentes cuiusmodi sint.

Macchiauel- laorum Principum & Episcoporum dextrum brachium arefactum.

Sinistro tantum brachio stantur.

Ratio status nihil aliud, quam stultitia.

Inter Christianos nullus Rex dominari potest.

& Aaron penitus perimeretur. Hoc sinistro oculo uti stultum Pastorem siue Mercenarium sic declarat Propheta, ut eum dicat, *carnes pinguium comedere*, hoc est, sua ex subiectis commoda comparare, siue priuato suo ac suorum propinquorum emolumento & honori seruire, ceterum ubi nihil id sua referre putat, aut etiam unde aliquid molestiæ, laboris, aut periculi oriturum suspicatur, *gregem derelinquere*, id quod stat non enutrire (siue de conseruando, quod integrum remansit, minus curare, verbi gratia, si Prophetiam de Principe Ecclesiastico accipiamus, Catholicos non dirigere, neque operam ad retinendos eos conferre) quod derelictum, non visitare (de infidelibus, Iudæis & Mahumetanis ad Christi ouile adducendis parum pensi habere) dispersum non querere (ut à Lupis siue Hereticis & Schismaticis peruersos ad Ecclesiam reducat, curæ non habere) contritum non sanare, id est, Catholicis peccatoribus indulgere, neque eis, quamuis ea committant, propter quæ damnari eos certò oportet, pœnarum & censurarum Ecclesiasticarum denunciatione molestum esse velle. Huiusmodi Pastoris stulti *Brachium exaruisse* dicitur, quia non facit, quod verus Pastor, ut scilicet vadat querere ouem, quæ errauit, & eam in brachio suo congreget, inque humeros sublatam ad gregem reportet, *Isai. 40, 11. Luc. 15, 5.* Sinistrum tamen Brachium illæsum ei esse credamus licet, quo nempe se ipsum ac suos pascit, quemadmodum Christus monens, ne bona nostra opera ad nostram potius, quam Dei gloriam referamus: *Te faciente*, inquit, *Eleemosynam, nesciat sinistra tua, quid faciat dextra tua*] Nam sinistra nobis propriè: Dextra verò siue Deo, siue propter Deum communiter Ecclesiæ sapimus ac laboramus. Ecclesiastæ. *10. Cor sapientis in dextra eius, & Cor stulti in sinistra illius.* Stultus porro Pastor huiusmodi dicitur propterea quod Imperium suum sine Amore, soli Astutiæ inædificatum, durare, sequi perditio grege adhuc saluum esse posse persuasum habet. Atque hoc erat *Dominari Regum Gentilium*, quo Christus vniuersè omnibus Christianis, non tantum Ecclesiasticis, interdixit, suoque exemplo veri Regis ac Pastoris officium nos docuit, ut scilicet qui regit, Imperium tam seculare, quam Ecclesiasticum super Dei filios, suosque Fratres sibi commissum, paterno animo exerceat, utilitati eorum seruiat, pro ipsis vigilet, & vitam denique, si res poscat, pro eis ponere paratus sit.

CAPVT

CONTRADICITUR etiam à quibusdam, Christum fuisse pauperem ac sepe omni prorsus dominio caruisse, neque sui quicquam habuisse: adeoque Dominum aut Regem secularem non fuisse cogunt. Sed sæpe iam dixi, Christum venisse, ut prius prædicaret præceptum Dei *docendo & faciendo* (velut Lucas ait. *Act. 1.*) animaque pro Mundo posita Regni Ius acquireret, & tum demum regnaret siue ut prius paupertatem, contemptum & mortem ipsam pateretur, & ita intraret in gloriam suam. Luc. 24. qua responsione illud quoque diluitur, quod quidam negant Christo temporalem potestatem vtilem, quin potius impedimento futuram fuisse, propterea quod hominibus contemptum gloriæ, deliciarum, opum & omnium rerum terrenarum persuadere debebat. Nam & ego adhuc, ut prædicaret, præceptum Dei, nullum ei Virgæ ferreæ usum futurum fuisse assentio, sed ad regendas gentes & ad faciendam vindictam in nationibus, velut copiosè iam disputavi. Amplius hoc modo contra sententiam meam disputatur: Christus potestatem sæcularem nunquam exercuit. Ergo nec habuit, cum frustra sit (aiunt) potentia, quæ numquam redigitur in actum. Respondent nonnulli, exercitam hanc potestatem à Christo fuisse cum ad Templum venit; & inde eementes ac vendentes flagello eiecit, quam rem Christus ipse potestate Dominatoris se fecisse significat, cum rogantibus Principibus Sacerdotum, in qua potestate id fecisset, quæstionem de Iohanne Baptista opponit. quasi diceret: si Iohannes à Deo missus fuit & veritatem docuit, credere ei debetis, cum Messiam me esse dixit. Iam verò de Messia prædictum fuit, venturum eum ad templum, velut Dominatorem siue potestate imperandi præditum. *Malach. 3.* Ecce ego mitto Angelum meum (*Iohannem*) & præparabit viam ante faciè meam. Et statim veniet ad Templum suum Dominator, quem vos quæritis, & Angelus Testamenti, quem vos vultis.] Nihilominus potestatem illam regiam non ut ab homine, sed tamquam à Deo exercitam fuisse fateor. Sed non propterea quia nec ante, nec post resurrectionem seculari potestate usus fuit, nullam eiusmodi potestatem habuit. Satis enim est, eum per suos Legatos ac Vicarios ea utriusque modum neque gentes docuit (*Matth. 15.* *Non sum missus, nisi ad Oves, quæ perierunt, domus Israel*) neque tamen propterea potestatem docendi Gentes non habuit. Alioquin falso dixisset ipse: Habeo alias Oves quæ non sunt ex hoc ouili, & illas oportet me adducere, & fiet vnum ouile & vnus Pastor.] Satis

T

scilicet

*Christus patient
do paupertatē
totius orbis He-
reditatem me-
reri debuit.*

*Quam ad rem
Christo neces-
saria sit sac-
ularis potestas.*

*An Christus &
Homo singulari
exercuerit sa-
cularem pote-
statem.*

*Nihil necesse
fuit Christum
ipsum & sui sac-
ulari potestate.*

scilicet fuit, Petrum Christi loco id effectum dare, velut ipse in Concilio ad ceteros Apostolos verba faciens docet. Vos scitis, quia elegit Deus per os **M E U M** audire Gentes verbum Euangelij & credere.] Sicut autem non propterea Christo maior est Petrus, quod longè maiorem gregem, quàm Christus congregat, ita neq; Pontifices Christo maiores sunt, quia potestate temporali, qua Christus vñs non fuit, vtuntur: siquidem non sua, sed Christi virtute, quam per Spiritum suum in ipsis operatur, siue Gentes, prædicando eis Dei præceptum, ad Ecclesiam adducunt, siue virga ferrea & brachij sæcularis gladio intrare nolentes pascunt. Nam & miracula nonnulli maiora, vel certè plura, quàm Christus fecerunt, velut ipse prædixerat *Iohan. 14.* Amen, amen dico vobis, qui credit in me, opera quæ ego facio, & ipse faciet, & maiora horum faciet: quia ego ad Patrem vado.] neque tamen propterea Christo maiores sunt, eo quod non suo, sed Christi nomine ac virtute opera cuiusmodi fecissent, quia Christus ad Patrem adscendens dona dedit hominibus per Spiritum suum, quem à Patre misit, & per eum gratias varias membris corporis sui siue Ecclesiæ descripsit ac distribuit: qua quidem re Christi gloria non minuitur, sed augetur, quippe qui non ipse modò per se, sed per suos etiam ministros ac Vicarios opera diuina patrare possit. Itaque Petrus *Act. 3.* claudo sanato ad populum admiratione plenum: Quid, inquit, miramini in hoc, aut nos quid intuemini, quasi nostra virtute aut potestate fecerimus hunc ambulare? Deus glorificauit filium suum Iesum, & fides, quæ per eum est, dedit integram sanitatem istam &c.] Similiter Christi gloriam illustrat, quod etiam ministrorum ac Legatorum suorum operà ipse ablens & ad dextram Patris confidens, *dominatur in medio inimicorum suorum, virga virtutis sue*, siue sæculari potestate *ex Sion siue Ecclesia in totum Orbem emissã.* An enim nescitis, ait *Paulus 1. Cor. 6.* quod sancti siue Christiani de hoc mundo iudicabunt? Nescitis, quod Angulos iudicabimus? quanto magis sæcularia?] Quibus verbis nos respondere ijs docet, qui nullum Ecclesiæ sæculare ius à Christo relictum dicunt, sed tantum potestatem remittendi ac retinendi peccata, non solum ante, sed etiam post resurrectionem, verbi gratia *Iohan. 20.* Sicut misit me Pater, & ego mitto vos. Accipite Spiritum sanctum: quorum remiseritis peccata, remittentur eis: & quorum retinueritis, retenta sunt.] Si enim animas & conscientias potestati eorum subiecit, quanto magis corpora? Si corpora, quanto magis fortunas, illorum accessio.

*Pontifices non
sua, sed Christi
potestate vtun-
tur,*

*Christo glorio-
sum est, quod e-
ius Vicarij po-
testate vtuntur
super regna.*

*Potestas remit-
tendi peccata est
omnium ma-
xima,*

accessionem? quod ex eo quoque fit manifestius, quod si nemo peccaret, directiua potestas satis foret, Cum autem omnia humana negotia peccata subiaceant (peccant enim in suo quisque munere, tam Reges in gubernando, quam populi in parendo) nemo à iurisdictione Ecclesiæ eximitur, quin eius virga virtutis, siue virga ferrea pasci, & ad vindictam, siue ad supplicium expeti possit. Itaque Petro exsuperantiam, huiusce potestatis promittens primum (Tibi dabo clauis regni cælorum: quodcumque tu solueris aut ligaueris in terra, erit solutum aut ligatum in cælis) tum post resurrectionem repræsentans. (Pascite Oves & Agnos meos) nullum omnino Regem ab eius potestate ligandi & pascendi excepit: quod etiam Psalmo 149. satis perspicue docetur: Exaltationes Dei siue prædicatio verbi in gutture Christianorum, & gladii accipientes in manibus eorum, ad faciendam vindictam in Nationibus (Ideo enim gladium Magistratus portat, quia Dei minister est, vindex in iram ei, qui male agit. Rom. 13.) ad ALLIGANDOS siue vi cogendos Euangelio inobedientes Reges eorum, ut faciant in eis iudicium, siue ut Nationum quoque siue Infidelium Reges iudicent. Hoc ipsum Psalmi 109. verba ista docent: Dominus à dextris tuis per virgam virtutis suæ ex Sion emissam confringet in die iræ suæ Reges, qui scilicet Ecclesiæ subesse & promulgatam apud ipsos Christi legem recipere nolunt: Iudicabit in Nationibus, implebit ruinas (ut nempe his regnis, quæ per peccata veram Fidem amittere meruerint, alia regna substituatur.) conquassabit capita in terra multorum] Perperam igitur faciunt, qui Christum quidem tam infidelibus, quam fidelibus præfuisse, sed Perro non nisi Oves suas, id est, fideles commisisse dicunt. Nam modò in Psalmis disertim Nationes & Reges eorum (quæ non audierunt de me, & non viderunt gloriam meam, ait Deus Isai. 66.) iudicari, confringi, conquassari, alligarique virgâ virtutis ex Sion emissâ, siue gladiis non tantum oris, sed & manus hoc est, sæcularis potestatis, audiuiimus, & Christus perspicue Oves suas vocat Gentes siue Infideles nondum ad Ouile adductos (Ioh. 10.) eosque Petro non minus, quam Fideles, commissos esse ex supra citatis Petri verbis discimus: Vos scitis, quia elegit Deus per os meum audire Gentes verbum & credere. Sed id ea, quæ post ex scripturis afferentur, multo adhuc clariùs aduincunt.

Quia omnes hominum actiones ei potestati subijciuntur.

Petrus omnes Reges ligandi potestatem accepit.

Ecclesiæ habet Virgam ad cõminuendos Reges inobedientes.

Petrus potestatem etiam super Infideles accepit.

*An Petrus re-
tine & sū fūerit
gladio.*

*Christus noluit
Petrū gladio
uti propter res
circūstātiās.*

*Vsum gladij Ec-
clesia accepit in
edificationem,
non in destru-
ctionem.*

*Ecclesia nascēs
quare gladio &
si non debuerit,
ad cogendos in-
fideles.*

*Quare Christi-
anos Petrus Re-
gibus ethnicis
obedire iussit.*

*Ecclesia nascēs
quare Ethnicis
Regibus se sub-
iecit.*

IA mijs respondebo, qui Ecclesię ius sæcularis gladij propterea non conuenire pugnant, quia Christus Petrum *gladium suum in vaginam suam recondere iussit* Matth. 26. Nam sine dubio non eum reprehendit, quod gladio sui defendendi animo cinctus incederet (alioquin dicentibus Apostolis: *Ecce duo gladij hic*, non respondisset Christus: *satis est*, sed Nimum est) sed ut tempus præsens non ferre vsum gladij doceret. Primum enim passionem suam impediri nolebat: *Calicem, quem dedit mihi Pater, non vis, ut bibam illum?* Ioh. 18. Deinde Petrus, necessarius ad resistendum viribus non instructus, à Iudæis occidi poterat, itaq; iustè propter temeritatem cesus fuisset. *Quicumque acceperit gladium* (temerè scilicet, siue sine ratione) *gladio peribit.* Præterea si vel maxime vsum gladij tum ei Christus interdixisset, tamen neq; Christus, ut Homo, ante passionem, velut sèpè dixi, potestatem illam acceperat, neq; nisi à resurrectione demum Petro eam tribuit, *in edificationem* tamen, non *in destructionem*, velut Paulus potestatem Apostolis datam interpretatur 2. Cor. 13. In destructionem verò fuisset, si nondum completa Christianorum obedientia, sæcularis gladius fuisset in inobedientes districtus, vel obedientia gentilibus Magistratibus prematurè negata. Suspicionem enim mouissent, velle se Euangelij colore ac prætexto libertatem consequi, & omne Magistratus iugū excutere, neq; quicquam homine maius in Christo esse, cuius Lex nisi humano more, gladij nempe terrore, promulgari nequeat. Hoc fuisset *crucem Christi*, ut supra ostendi, *euacuare*, & *Euangelio offendiculum ponere*. Itaq; nascens & adolescens Ecclesia potestate sæculari non nisi ad cognoscendas lites vsa fuit, velut ex 1. Cor. 6. iam docui, & S. Petrus ipse Regibus etiam gentilibus Christianos obedire iubet, non quod ipsa Ecclesia libertatem & ius sæcularis potestatis non haberet, sed quod eo tempore, sine scandalo & offensione, iure illo suo nōdum uti posset. Ita Paulus decimas ab ijs, quibus Euangelium prædicabat, non exegit, nec recepit: neq; tamen eas Ecclesię nō deberi, inde conficitur. *Non quasi non habuerim potestatem eos, quos docebam grauandi* (ait ipse 2. Thess. 3.) *sed ut me ipsum formam aliis darem ad imitandum me.* Et 1. Cor. 9. *Non usus sum hac potestate, sed omnia sustineo, ne quod offendiculum dem Euangelio Christi.* Cum liber essem ex omnibus, omnium me seruum feci, ut plures lucrificerem. Similiter cum libera esset Ecclesia, Regum Gentilium se seruam fecit, omniaq; sustinuit, ut eos lucrificeret, ac velut Christus vitandi scandali causa faciendū docet Matth. 5. *auferenti Pallium etiam tunicam*

tunicam reliquit, tametsi optimo iure vtriq; dominium haberet. Huius ipsius rei exemplo Christus fuit Matth. 17. qui Cæsari tributū soluit, non quod non liber esset, sed ut non scandalizaret publicanos, hoc est, ne suspicionem eis moueret, Euangelium hominibus licentiæ & inobedientiæ auctoritatem dare. Ita Paulus cum licentiam haberet comedendi carnes Idolis immolatas, de se nihilominus sic promittit 1. Cor. 8. *Si esca scandalizat (siue ab Euangelio alieniorem reddit) fratrem meum, non manducabo carnem in aeternum, ne fratrem meum scandalizem.* Sed posteaquam completa fuit hominum obedientia, siue, cum iam adoleuisset, & accessione Regum ac populorum aucta fuisset Ecclesia, neq; periculum iam esset, ne quid sæcularis gladius Euangelij cursum retardaret augmentumue impediret, iure suo uti, & virgam ferream aduersus contumaces expedire cepit, velut à Prophetis iam olim prædictum fuisse, cum supra demonstraui, tum pluribus scripturarum locis posterius testatum faciam.

Quare Christus Cæsari tributū dependit,

Quando Ecclesia potestatem sæcularem exercere debuerit,

CAPVT XLV.

Nunc vni adhuc argumento, quo sæcularis Christi potestas à nonnullis in dubium vocatur, respondebo. Sic ergo disputant: Ieremiæ 22. de Rege Iechonia sic legimus: *Hec dicit Dominus, scribe virum istum sterilem, virum, qui in diebus suis non prosperabitur. Nec enim erit de semine eius vir, qui sedeat super solium Dauid, & potestatem habeat ultra in Iuda.* At enim Christus fuit vir de semine huius Iechoniæ, velut Matth. 1. legimus. Non igitur Christus fedit super solium Dauid, nec potestatem habuit in Iuda, nempe regiam sæcularem; quamuis potestatem regiam Spiritualem habiturum eum esse Angelus Luc. 1. prædixerit: *Dabit ei Deus sedem Dauid patris eius, & regnabit in domo Iacob in aeternum, & regni eius non erit finis.* Respondeo, hoc argumento rectè uti eos, qui Christo regnum sæculare hereditariæ successioni iure conuenisse negant: in quo etiam me suæ sententiæ fauentem habent, qui Christi regnum non de hoc mundo fuisse, siue nequaquam mundano more, aut visitato alijs Regibus titulo, cuiusmodi est hereditas aut successio, sed Redemptionis iure ei obtigisse affirmo. Itaq; non habuit regnum Dauid, quale Dauid ceteriq; Iudæ Reges obtinuerunt, (& illud nemo ex Iechoniæ posteris recuperaturus erat, sicut hic Deus comminatur) sed quale Deus Dauidi, siue semini eius, daturum se promisit. Dauidis porrò regnum fuit sæculare tam-

An Christus Rex sedeat super solio Dauidi.

Christus Rex sæcularis est non tamen iure hereditariæ successionis.

Quale sit regnū Dauid, quod Christo habet.

T 3 tum,

1. Sacerdotale.

2. Vniuersale.

3. Aeternum.

*Quomodo Eccle
sia sit regnū Da
uidis.**Hofes regni Da
uidis.**Advocati iuriū
huius regni pra
uaricantur.*

tum, & Palæstinæ finibus circumscriptum, & aliquando desitutum. Sed regnum Dauidi, promissum fuit, primū Sacerdotale secundum ordinem Melchisedech, cum vtrāq; potestate: deinde vniuersale seu Catholicum, quod totum Orbem complecteretur, omniaq; alia Imperia funditus deleret: postremò æternū, quod numquam desineret, neq; ad aliam gentē transferretur. Cū ergo Ecclesia regnū Dauidis dicitur, nō eo dicitur, quia ei^o modi regnū Dauid aliquando possederit, sed quia spes talis regni ei à Deo facta fuerit, & quia Christus, Mysticus Dauid, id regnum in terra instituerit. Ac tametsi horum omnium trium capitum veritas plus satis iam à me demonstrata videri debet: quia tamen plūs hoc sæculo, quàm vñquam aliàs, Regno Dauidis à Satana eiusq; Apostolis, Hæreticis & Macchiauellæis Politicis, controuersiam moueri, ac primarios quoq; nostros Theologos, eius iusta tueri promittētes, nefariè susceptæ causæ præuaricari intelligo: nō vereor ne cui putidus aut *περίεργος* & in superuacuis operosior videar, si iurium Regni eius documenta accuratè conquisita diutius publico debere nolim, sed simul omnia Lectorum oculis subiiciam.

CAPVT XLVI.

PSAL. 109. Dixit Dominus Domino meo (*id est, Christo, semini meo secundum carnem, Matth. 22.*) sede à dextris meis, donec ponam inimicos tuos scabellum pedum tuorum (*denec omnia regna, principatus & potestas per tuum regnū euacuentur, seu tollantur, 1. Cor. 15.*) Virgam virtutis tuæ emittet Dominus ex Sion: dominare in medio inimicorum tuorum (*tu quidem interea ad dextram meam in calis sedebis, sed Sion, siue Ecclesia tua, in terea virga, seu gladio tuo, inimicos tuos, Reges ac populos contra te frementes & conspirantes, tuamq; Legē recipere nolentes, tuo imperio subijci-*) Iurauit Dominus & non pænitebit eum: Tu es Sacerdos in æternum secundū ordinē Melchisedec (*tu regnum Sacerdotale ad finem vsq; mundi duraturum habebis*) Dominus à dextris tuis confringet in diē iræ suæ Reges (*inobedientes*) iudicabit in nationibus, implebit ruinas (*aliū populū post aliū Ecclesia inseret, & ruinā huius, illius conuersione compensabit*) conquassabit capita in terra multorū (*delebit ac disperdet Reges illorū populorū, qui Multi sunt, siue, qui nolunt vñū fieri, neq; in vnitatē fidei conuenire, Ephes. 4.*) De torrente in via bibet (*id est, priusquam regnum accipiat, patietur*) propterea exaltabit caput.

*Regnū Dauidi
promissū est æ
ternū.*

Psal. 88. Dixisti Domine: Iuravi Dauid seruo meo: vsq; in æternum præparabo

præparabo semen tuū, & ædificabo in generationē & generationē sedem tuam. In æternū seruabo illi misericordiam meam, & testamētū meū fidei ipsi. Et ponam in sæculū sæculi semē ei⁹, & thronū eius, sicut dies cæli.] Hic regnum Dauidi promissum æternū esse discim⁹.

Psal. 17. Eripies me (*hoc est, Christum, mysticum Dauidem*) de contradictionibus populi: constitues me in caput gentium. Populus, quē nō cognoui, seruiuit mihi. Deus qui das vindictas mihi (*ut faciā scilicet per Vicarios meos, in quorū manibus sunt gladij ancipites, vindictā in nationibus,* Psal. 149.) & subdis populos sub me. Faciens misericordiam Christo tuo Dauid, & semini eius vsq; in sæculum.] Hic discimus Regnum Dauidi promissum esse vniuersale & æternum.

Psal. 71. Deus iudicium tuum Regi da, & iustitiam tuam filio Regis (*id est, Christo Regi & Regis filio*) Iudicabit pauperes populi, & permanebit cum sole, & donec auferatur Luna (*Ecce regnū æternū*) Et dominabitur à mari usq; ad mare, & à flumine usq; ad terminos orbis terrarū. Coram illo procident Aethiopes, & inimici eius terram lingent. Reges Tharsis & Insulæ munera offerent: reges Arabum & Saba dona adducent. Et adorabunt eum omnes reges terræ: omnes gentes seruient ei.] Ecce regnū vniuersale, quod cetera omnia tollit. nec enim propriè Rex est, qui vllū hominē se ipso superiorē agnoscit, quod illi faciunt qui Christo, vt Homini, seruiunt, seu subiecti sunt, quippe qui eos sanguine suo sibi peculiare emerit. Itaq; de se ipso dicit Aggæi 2. *Conteram fortitudinē regni gentiū, subuertam soliu regnorū, id est, delebo Imperium Romanū. nam Roma Græcè Fortitudinē significat, & habebat regnū super reges terræ, Apocal. 17. Iam sequitur in Psal. 71. Quia liberabit pauperem à potente: & animas pauperum saluas faciet non modò ex peccato, quod est Spiritualis potestatis, sed etiam ex vlturis & iniquitate (potentiorum) redimet animas eorum (Hæc est potestas indicandi secularia: sequitur nunc potestas Spiritualis seu Sacerdotalis)* Et benedicentur in ipso omnes tribus tetra: omnes gentes magnificabunt eum: replebitur maiestate eius omnis terra.

Zach. 6. Sumis tibi aurum & argentum, & facies coronas (*duas nēpe, auream vnā, alterā argenteā*) & pones in capite Iesu Sacerdotis magni (*ad portendendum Christi Sacerdotale regnum. Nam Christus*) portabit Gloriam suē vtramq; coronam, & SEDEBIT & dominabitur *sive Dominus ac Rex erit super solio suo, & erit Sacerdos super solio suo, & consiliū pacis erit inter illa duo, id est, neutra potestas alterā impedit, sed amicè vtrūq; regnum, Spirituale &ulare, in Ecclesia conspirabit.*

Amos

Amos 9. In die illa suscitabo tabernaculum Dauid, quod cecidit
*(pro seculari regno Dauidis in Iechonia vel Zedechia extincto, aliud regnum
 Dauidicum instituiam)* & reedificabo illud, sicut in diebus antiquis
*Ecclesia habet
 Strag. potestate
 Super omnes
 nationes.* *(in lege nempe natura, cum Patriarcha simul Reges & Sacerdotes essent, velut
 Adam, Noe, Moyses & Ietro socer eius, Melchisedec, alij)* Ut possideant reliquias Idumæ & omnes nationes, eò quod inuocatum sit nomen meum super eos. *Id est, non modò Palestinam, sed omnes etiam gentes regno suo subiciant meo nomine ac loco, quia Christiani sunt, & potestatem à me acceperunt, qui morte merui, ut constituerer caput gentium.*

Isai. 9. Paruulus datus est nobis, & filius natus est nobis. Multiplicabitur eius imperium, & pacis non erit finis: super solum Dauid
*Regnum Dauid
 dis aeternum.* *(id est, Dauidi promissum)* & super regnum eius sedebit, ut confirmet illud & corroboret in iudicio & iustitia, amodo & usq; in sempiternum.

Zach. 12. In die illa ponam Duces Iuda sicut caminum ignis in lignis, & deuorabunt ad dextram & ad sinistram omnes populos in circuitu: & habitabitur Ierusalem rursus loco suo in Ierusalem. Et saluabit Dominus tabernacula Iuda, sicut in principio *(quando scilicet Sacerdotes regnabant)* ut non magnificè gloriatur Domus Dauid & gloria habitantium Ierusalem *(sive Iudaicum regnum)* contra Ierusalem *sive Ecclesiam.* In die illa proteget Dominus habitatores Ierusalem *(sive Christianos)* & erit qui offenderit ex eis, quasi Dauid *(qui peccauerit, dicit cum Dauid (2. Reg. 12.) ad Nathan sive Confessarium suum: Peccauit Domino: & respondebit Natham seu Sacerdos: Dominus quoq; transtulit peccatum tuum, non morieris id est, a peccatis eum absoluet)* & domus Dauid erit quasi Dei, sicut Angelus Domini in conspectu eorum, *id est, Ecclesiastici aut Sacerdotes in domo Dei, sive in Ecclesia erunt quasi dij, & angeli seu Legati, Domini pro Christo legatione fungentes 2. Cor. 5. Labia Sacerdotis custodient scientiam & legem requirent ex ore eius quia Angelus Domini exercituum est, Malac. 2.*

Zach. 14. Et erit Dominus, Rex, *(non modò super duodecim tribus Israel, sed etiam)* super omnem terram: in die illa erit Dominus Vnus, & erit nomen eius Vnum, & omnis Terra reuertetur Ierusalem *(sive, Ecclesia subiecta erit, adeoq; nullus propriè in terra Rex erit, cum omnes Reges homine Christo inferiores sint, Et Ecclesia si minus de facto, saltem de iure subiaceant)* Et hæc erit plaga, qua percutiet Dominus omnes gentes, quæ pugnaverunt aduersus Hierusalem: Tabescet caro vnus cuiusque stantis super pedes suos *(super persuasionem suam, non super pastorum Decreta suæ Fidei fundamenta collacantis)* & oculi eius contabescant in foram

raminibus suis, & lingua eorum contabescet in ore suo (id est, excæbuntur & obmutescant, qui suo Marte scripturas intelligere & interpretari volent, nec Ecclesiam audient) In die illa erit tumultus Domini magnus in eis, & apprehendet vir manū proximi sui, & conferetur manus ei^o super manum proximi sui (id est, fremant gentes, adsistent reges terræ & principes conuenient in unum, & consociatis viribus Ecclesiam oppugnabunt) sed & Iudas (scilicet populus Iudaicus) pugnabit aduersus Ierusalem, & congregabuntur diuitiæ omnium gentiū in circuitu, aurum & argentum, & vestes multæ satis (id est, omnes opes suas ad exugnandam Ecclesiam conferent) Et sic erit ruina equi, & muli, & cameli, & asini, & omnium iumentorum, quæ fuerint in Castris illis, sicut ruina hæc. (id est, bestie illæ & asini, Ecclesiam oppugnantes, corruent) Et omnes, qui reliqui fuerint de vniuersis Gentibus, quæ venerunt contra Ierusalem, adscendant ab anno in annum, vt adorent Regem Dominū exercitū, & celebrent festiuitatē tabernaculorū, id est, electi ex Gentibus Christiani fient.

Taludai quā
Gentiles Eccle-
siā oppugnant,

CAPVT XLVII.

NVMERI 24. Orietur stella ex Iacob, & confurget virga de Israël (nempe Christus) & percutiet Duces Moab, vastabitq; omnes filios Seth (totū mundū sibi subijciet) Et erit Idumæa possessio eius, hereditas seir cedit inimicis suis. Israël verò (siue Ecclesia) fortiter aget. De Iacob erit, qui dominetur, & perdat reliquias Ciuitatis. Id est, Christus etiam Romani imperij sæcularis Domin^o erit. nam reliquias Ciuitatis illius magnæ, quæ habebat regnū super reges terræ (Apo. 17.) siue Romani ad Christū conuersi, se Christo Domino ac Redēptori suo subijcient, & Ecclesiæ ministrabunt, eamq; vultu in terram demisso adorabunt. Esse autem hæc de Romanis intelligenda, hæc eiusdē prophetæ verba declarant: Venient intrinsecus de Italia (chald. de Romanis) superabūt Assirios, vastabūtq; Hebræos, & ad exrēū etiā ipsi (Romani) peribūt] hoc est, sicut Romani Assirios & Hebræos regno spoliarūt eisq; Leges imposuerūt, ita etiā ipsis per Christū eripietur Imperiū Legesq; imponētur: nō quod null^o futur^o sit Roman^o Imperator summa sæculari potestate prædit^o, sed quia se Christi vt Domini beneficio, regnare credet, ac velut Ecclesię brachiū, eam nutriet & defendet gladiumq; siue potestatis sæcularē, ad capitis siue Ecclesiastici ordinis nutū distringet. Nam Respublica Christiana vnū est corpus, nō multa, & omnes Christiani ei^o dē corporis mēbra sūt. Nā in eo nō est gētilis et iudeus, circumciso

Christus Domi-
nus Romani Im-
perij & totius
orbis-

Romanū Impe-
rium quomodo
per Christū de-
lectum.

Omnia Ecclesiæ
membra etiam
Reges ac Impe-
& ratores sunt sub

et præputium, Barbarus & Scythæ, seruus & liber, sed omnia & in omnibus
Christus Colos. 3. Itaq; omnia membra in omnibus, quæ ad vtilitatē
 ac salutē, cum toti° corporis, tum singulorū eius mēbrorū capitis iudi-
 cio pertinere visa fuerint, subesse, subiacere & obedire capiti suo de-
 bent. nam *ex capite totū corpus compactum & complexū per omnem iuncturam*

Omnia Regna
Legibus Christi
stuntur.

subministrationis secundū mensuram vniuscuiusq; membri augmentum corpo-
ris facit in ædificationem sui in charitate Eph. 4. Et quoniam supra docui,
 nulla Lege homines teneri, nisi quæ Christi Legi siue æternæ, siue
 hominibus aut naturalis luminis beneficio, aut Prophetarum & Apo-
 stolorū opera declarata consentiat, & eam siue explanet, siue ad certa
 & peculiaria loca, tempora, hominumq; genera applicet atq; accom-
 modet, propterea quod siue sanctio, siue consuetudo, quæ Legi illi ad-
 uersatur, nequaquam Lex vocari debeat, sed Regula siue Tyranno,
 siue ab insipiente deprauata: certē vel hoc quoq; nomine omnia regna
 & imperia tam gētiliū, quàm Christianorū, Sacerdotio subiecta sunt:

Non potest esse
Lex, quæ Chri-
sto aduersatur.

Sed Legis sensū
à Sacerdotibus
oportet discernere.

siquidē scientiam siue veram Legis ac voluntatis diuinæ interpretati-
 onē, utq; sciri possit, quid ei consentaneū sit, vel aduersetur, in ore Sa-
 cerdotum De° posuit, eorūq; imperio omnes subiecit, & obedientiam
 eis negantes interfici præcepit. Et in veteri quidē Testamento quoties
 Regnū à Sacerdotio diuisum esset, Legis interpretationē, siue summi
 Sacerdotis sententiam, magistrat° sæcularis exsequebatur, & eos, qui
 obedire Sacerdoti nollēt, interficiebat, velut supra demonstraui. Sed
 cum aut vtraq; potestas Sacerdotalis & regia in Sacerdotio coniuncta
 esset, aut à Sæculari magistratu nullam Sacerdos sententiæ suæ, ex-
 secutionem sperare posset ipse Sacerdos ius gladij erga noxios
 exercebat, hoc est, potestātē legis diuinæ, siue interpretandæ, siue ad
 certa tempora, certosq; homines accommodandæ, eorum pæna, qui
 sibi dicto audiētes esse nollēt, vindicabat. Hoc nō modò Heli & Sa-
 muelis Sacerdotale imperiū, sed Ioiadæ quoq; summi Pōtificis histo-
 ria docet. Is enim contra Socrū suam, Athaliā Reginā Iudæ, quod
 & Hæretica esset, & tyrannicē imperaret, cum centurionibus &
 militibus clam coniuurauit, eam interfici præcepit, Ioan quoq; cognati
 sui filium, Regē inaugurauit, pactis tamen legib°, ut populū, Domini
 esse, siue Domino seruire, & à Sacerdotibus gubernari non impedi-

Quomodo in ve-
teris sæcularibus
Sacerdos sum-
mus imperet.

ret. Sic enim narrat scriptura. *4. Reg. 11. & 2. Paral. 23.* Athalia regna-
 uit super terram annis sex. Anno autem septimo confortatus Ioiada
 Pontifex assumpsit centuriones & milites, & iniit cum eis fædus, &
 adiurans eos, ostendit eis Ioan filium Regis, dixitq; ad eos: Ecce filius
 Regis regnabit, sicut locutus est Domin° super filios David (*Hic Legem*
seru

Seu Verba Dei ad certum tempus & hominem applicat, quasi dicat: Scriptum est, David & semini eius regnum esse datum. Iustum ergo est, Ioan filium Regis regnare & auiam eius Hæreticam, regno & vita pariter spoliari) & PRÆCIPIT illis dicens: iste est sermo, quem facere DEBETIS (iam suam sententiam, siue Legis interpretationem de inaugurando Rege & occidenda Regina exsequi incipit) Tertia pars vestrum obseruet excubias Regis &c. Et dedit eis hastas & arma Regis Dauid, quæ erant consecrata in domo Domini, produxitq; Ioan, & imposuit ei Diadema & Testimoniū (siue Regium habitum, qui Regē esse testaretur) deditq; in manu eius tenendam Legem (hoc est, iussit eum iurare, quod Legis & Sacerdotum sententia Defensor futurus esset) & unxit eum (veluti nouum & electum à populo Regem. nam alioquin Regum filij non ungebantur) fecitq; eum Regem, vt esset populus Domini. (Hoc loco Ioiadas inter S E, regem ac populum, sed Reg. 11. inter DOMINVM & inter Regem, & inter populum, vt esset populus Domini, & inter regem & populum sædus pepigisse dicitur, quo docemur, Regem & populum iurasse Sacerdoti, velut ipsi Deo, obedientiam, tum Regem & Populum mutuis fœderibus deuinctos fuisse) Egressus autem Ioiada Pontifex ad centuriōnes & Principes exercitus dixit: Educite Reginam extra sœpta templi, & interficiatur foris gladio. Et fecerunt iuxta omnia, quæ PRÆCEPERAT eis Sacerdos, & interfecerunt eam, ingressiq; domum Baal (Ecclesiam Hæreticam) destruxerunt eam, Mathan quoq; Sacerdotem Baal (siue Prædicantem) interfecerunt ante aras. Regnauit ergo Ioas, fecitq; rectum coram Domino cunctis diebus, quibus eum docuit Ioiada Sacerdos. Postquam autem obiit Ioiada, ingressi sunt Principes Iuda, & adorauerunt Regem (id est, supplices ab eo Libertatem Religionis, atq; deinceps Sacerdotibus parere non cogerentur, petierunt) qui delinitus obsequijs eorum, acquieuit eis (id est, Iurisdictionem Sacerdotum impedivit, & Libertatem Principibus Protestantium concessit) Et dereliquerunt Templum Domini, Dei patrum suorum (impingentes, vt ait Ieremias Cap. 18. in vijs suis, in semitis seculi, vt ambularent per eas in itinere non trito, hoc est, à veteri Religione descuerunt & sibi quisque nouam elegit, ante non tritam) seruieruntque lucis et sculpeilibus, et facta est ira contra Iudam propter hoc peccatum. Mittebatque eis Prophetas, vt reuerterentur ad Dominum, quos PROTESTANTES illi audire non leabant] Hæc omnia, ait Paulus 1. Cor. 10. contingebant illis in figura, scripta sunt autem ad correptionem nostram, in quos fines seculorum denenerunt. Itaq; satis hoc vno exemplo, quanta Sacerdotij Christiani sit potestas, doceat, cum præsertim id nō Leuiticum, sed secundum ordinē seu si-

Primum docet;

quid sit facien-

dum declarata

Dei Voluntate

siue Lege.

Deinde execu-

tionē militibus

committit.

Eos armis in-

struit.

Regem iurare

facit defensionē

Vere religionis.

Et sic Regem e-

um Constituit.

Populum extra-

rare facit.

V 2 multitudinem

Populus non potest Reges suos a Sacerdotum potestate eximere.

Nam populus non est sui iuris sed Christo subiectus.

militudinē Melchisedech esse oportere, supra probauerim, eiq; Deus ipsoꝝ quoq; Regū subiectionē, ministeriū & adorationē promiserit, velut ex ijs, quæ posterius afferam, cognoscetur. Non est ergo, quod quis Reges à populo regnum accepisse iure naturæ, ac propterea Sacerdotio non subiectos esse dicat. Christus enim ius regnandi super omnes populos, & quicquid ipsi habēt, sanguine suo emit, & facultatē ius illud promulgandi eiusq; possessionē capiendi Sacerdotibꝯ tribuit utq; id facere possent, nō modò gladiū Spiritus ad prædicantū præceptū eius, sed virgam quoque ferream ad faciendam vindictam in nationibꝯ, & ad ipsos quoq; REGES alligandos, ac iudiciū in ijs faciendū, eis reliquit. Cū igitur Populus ipsi Lege Christi & Pontifici subiectus sit, non potest potestatem talē in Regē, quē eligit, conferre, ut is ab obedientia erga Christi Legē & Vicariū exemptus ac solutus sit. Iam verò Lex Christi potestatem, qua Reges gentium dominantur, penitus de medio tollit, & inter Christianos exerceri prohibet Matt. 20. Scitis quia Principes gentiū dominantur eorum, & qui Maiores siue potēiores sūt, potestatem exercent in eos (hoc est, velut Ezech. 34. loquitur, cum auctoritate imperant eis & cum potentia) Non ita erit inter vos: sed quicūq; voluerit inter vos Maior siue magistratus fieri, sit vester minister: sicut filius hominis non venit ministrari, sed ministrare & dare animam suam redemptionem pro multis.]

CAPVT XLVIII.

Imperia Christiana debent pro fundamento habere Amorem. Et Sapientiam.

Regibus inter Christianos quid nō liceat,

Hæresin nullus Rex tolerare potest.

IGITUR nullum inter Christianos verum & legitimū est Imperiū, quod nō sapiētiae potiùs & Amoris, quam Potestatis viriūq; titulo innititur. Iam amoris est, populo Christiano seruire, omnia ad eius utilitatē referre, vitā deniq; pro salute populi ponere paratū esse. Sapiētiæ verò est, secundū Legis præscriptum imperare, cumq; Legis sensus ambigu⁹ est aut obscurior, ut quid sit iustum, & salutē publicā, in magni momēti rebus, conducibile, non ita promptum sit peruidere, suppremi Sacerdotis sententiam consulere (oculi enim Sapiētis in capite eius Eccl. 2. hoc est, qui sapit, capiti suo velut oculato paret, nec ipsi sibi sapere permittit) Nullus ergo Christianus Rex populo dominari seu violentē præesse, eum opprimere, vita fortunisq; spoliare, neq; vectigalibus imponendis onerare, sed neq; Regnum, aut partē ei⁹, quouis titulo alienare, multò autē minùs Hæresin sectari aut in regno tolerare, aut docendam permittere potest, quod illa non solū Amori, sed etiam sapiētiæ plurimū aduersetur. Si enim populū amat, non aliter

aliter, quàm filijs pater, vtilitati eius inseruit. Si *sapit*, Hæreticus neque ipse est, neque alios esse aut fieri permittit. *Hæresis* enim falsa est sapientia, siue, vt Paulus vocat 1. Tim. 6. *falsi nominis scientia*, hoc est, falsa Legis Christi interpretatio, aut *verbi Dei*. vt 2. Cor. 4. dicitur, *adulteratio*, siue pellis ouilla, qua Lupus occultatur. Qui ergo tolerat Hæreticos, Lupis cum ouibus commorandi potestatem facit. quod quanto cum ouium periculo fiat, si nescit, certè insanus est & velut furiosus merito à summo Pastore vinculis alligatur. *Lupus enim*, ait Christus, *rapit & dispergit Oves*, hoc est, animorum diuisionem in ouibus, siue dissidia & contetiones inducit, primumque & potentissimum Imperij vinculum dissoluit. Itaque Princeps, propria saltem vtilitatis causa, si minùs propter Deum, omni ope, ne quid in Religione antiqua nouetur, prouidere debet. Cum enim primo loco & omnium validissimè animos hominum colligatos teneat Religio eadem, quo vinculo Pontifex Europæ, Asiæ, Africæ, Americæque Christianos sub ditione sua coniunctos habet: sicut secundum Reipub. vinculum est, colligatio ac cõsociatio corporum, qualis in Imperio Turcico videtur, quod Mahometanos, Iudæos & Christianos pariter completitur, quamuis animis Religionum diuersitate dissidentes: tertium verò coniunctionis locum Fortunæ siue externa bona possident, quemadmodum Turcarum Imperator tam Ragusæis, quàm Turcis imperat, cum tamen nec animis, neque corporibus alioquin colligati sint, quod illi Christiani sint, & corporum libertate perfruantur, hi verò Mahometani & Sultani sui mancipia: Sicut etiam Rex Catholicus Hispaniæ, non minùs Genuensibus, quàm Mediolanensibus dominatur, quod illi quamuis corporibus liberi, suas fortunas priuitas, quibus plus, quàm publicis opibus student, in Regis Catholici sicut Ragusæi in Turcarum Imperatoris provinciis teneant (*Vbi enim est thesaurus tuus, ibi est & cor tuum* Matth. 6.) cum igitur religione velut arctissimo modo deuinciri hominum animos colligariq; cõtoret, fieri nisi armorum terrore & vi maxima nequit, quin illi, qui per religionis mutationem à Principe suo animis seperantur, etiam corpora fortunasq; eiusdem ditioni eximant. Cum enim populi, qui Principem viribus numeroq; superant (nam de illo subditorum genere non loquor, qui tyrannicè seruorum more comprimuntur & inermes victitant, velut apud nos, & olim in Ægypto Iudæi, & hodie inter Turcas Christiani, & in Triremibus nauales pedes, siue compediti remiges) cum, inquam, ij qui Principe suo fortiores sunt, atq; adeo viribus suis

Pastor, qui Lupos cum ouibus commorari permittit, insanit.

Vincula Societatum & Reipub.

I.
II.

III.

Religionis dissidium dissoluit contextum Reipub.

V 3

Princi-

*Eadem & na Re-
ligio quantum
Regib. ac Prin-
cipibus proſit.*

*Subditi diuer-
ſam à Principe
ſuo religionem
habentes facile
rebellant.*

*Stultitia Prin-
cipis, qui nouari
aliquid in Re-
ligione permit-
tunt.*

*Macchiauelli.
eos Principes e-
uentus ſtultitia
conuincere ſo-
let.*

Principem confirmant, eandem, quam Princeps religionem ſequun-
tur, non eſt periculum ne capiti, cum quo religione, velut anima, col-
ligantur, rebellēt, tamenſi veſtigialium iniquorū impositione, rei pri-
uatę ac publicę dilapidatione, iuris reddendi negligētia, alijsq; modis
grauari opprimi; ſibi videantur. Facit enim religio, vt mala illa ve-
lut diuinitus immiſſa æquiore animo tolerant, cumq; Principē Dei
miniſtrum & Vicarium eſſe perſuaſum habeant, ſit vt Principi rebel-
lantes, Deo rebellare putent, populi peccata per Principem punientis,
ſicut *Amoſ. 3. & 4. & 6.* ſcriptum eſt de Principibus & capitibus populo-
rum *Israel*, qui calumniā faciebant egenis & contrebant capita pauperū: *Non
eſt malum in Ciuitate, quod Dominus non fecerit.* Sed cū à Principe de re-
ligione diſſentiunt, iam cum pro Dei inimico habere incipiunt, neq;
vilo conſcientię ſcrupulo, quin ei rebellent. cōtinentur, maximē ſi a-
liquo plaufibili colore (verbi gratia, quod iuſtitia minūſ Principi cu-
ræ ſit, q; Priuilegia prouincialium no obſeruentur, quod peregrini in-
digenis præferantur) ſeditionem ſuam tueri, & apud alios purgare
queant. Apparet igitur inſipientiſſimē facere Principes, ſibi que
iſis & vtilitati ſuæ priuatæ peſſimē conſulere, qui vel aliquid in
Religione nouari permittunt, vel ijs, qui iam nouis opinionibus af-
ſenſerunt, religionis ſuæ palām exerecendæ, pluriumque ad ean-
dem inducendorū, & à Principe alienandorū potēſtatem fa-
ciunt: Si tamē aliter facere iſis ſit integrum. nam de ijs hoc lo-
co non loquor, quibus id prohibere, cū cupiant, minimē licet, quod
fieri neceſſe eſt, cū principio, ne quid nouaretur, minūſ prouiſum
fuit, eorū ſcilicet opera, qui aliter Imperium deſperant, niſi Re-
ligionis nouatores & adulteratores, fenestra ijs aperta, in Socie-
tatem adſciſcant, *Eteoclis* illius Euripidæi ſapientiam imitantes, qui
cū fratri *Polynici* regnum ſpreta iuriſiurandi religione eriperet, hac
memorabili & Macchiauello iudice verē aurea ſententia factum
ſuum defendit: *Si violandum eſt ius, regnandi cauſa violandum eſt:*
in ceteris rebus pietatem colas. Sed euentus, ſtultorum magiſter, con-
ſilij eius inſipientiam declarauit, cū ſe ipſum, fratrem, po-
pulum, iplasque Deorum patriorū aras & focos in perpetuum
perdidit & afflixit: quod omnibus iſta Macchiauelli ſapientia im-
butis Principibus vſu veniſſe hitorię loquuntur, & ſacrę lite-
ræ in Ieroboamo id accuratē notant. Iſ enim vt regnum Roboa-
mo per rebellionem ereptum retineret, primū animaduertit,
ſi ſubditi ſui eandem, quam Rex Roboam, Religionem reti-
nerent,

nerent, diuturnam esse rebellionem non posse; deinde vt secum etiam religionis communione coniunctos retineret, nouam religionem induxit. 3. Reg. 12. Dixitque Ieroboam in corde suo: Nunc reuertetur regnum ad domum Dauid, si adscenderit populus iste, vt faciat sacrificia in domo Domini in Ierusalem: & conuertetur cor populi huius ad Dominum suum Ieroboam, regem Iuda, interficientque me, & reuertentur ad eum. Et excogitato consilio fecit duos vitulos aureos, & dixit populo: Nolite vltra adscendere in Ierusalem. Ecce Dij tui, Israel.] Nihil nempe credebat Macchiauellæus iste, nulliusque religionis erati: alioquin si Deo quicquam credidisset, facile scupulum hunc ex animo ciecisset. Prædixerat enim illi Deus per Ahian Siloniten Prophetam: Si feceris quod reatum est coram me, edificabo tibi domum fidelem & tradam tibi Israel. Sed ipse casu, non Dei voluntate illam Israelis à rege Iuda alienationem accidisse ratus: (Osee 8. *Ipsi regnauerunt, & non ex me: principes exstiterunt, & non cognoui: argentum suum & aurum suum fecerunt sibi idola. hoc est, non mihi, sed Idolis regnum suum acceptum retulerunt*) prudentia illa, quam *Rationem status* hodie vocant, sibi ad regni conseruationem vtendum statuit, fecitque sana *rationem status* in excelsis, & sacerdotes de nouissimis siue de ima fæce populi, qui non *induxit religionis mutatione.* erant de filiis Levi, ita vt quicumque vellet, impletet manum suam siue victimam in manus fumeret, fieretque sacerdos excelsorum. Quis autem Macchiauellæi huiusce consilij euentus fuerit, sic scriptura declarat: Propter hanc causam peccauit (id est, punita est, vt Isai. 24, 6.) domus Ieroboam, & euersa est, & deleta de superficie terræ. Sed etiam populus semel à Deo per falsam religionem alienatus, adeo binis illis vitulis contentus non fuit, vt suum quisque Deum sibimet ipsi poneret, totque colendi Deum genera, quot hominum capita inuenirentur, donec tandem Assyriorum rex, religionum varietate diuisos, simul omnes armis subactos in captiuitatem abduceret. Ierem. 11. Secundum numerum viarum tuarum posuisti aras confusionis. Osee 10. Vitis frondosa seu palmities multos habens est Israel: fructus adæquatus est ei, id est, æque numerosus est. Secundum multiudinem fructus sui, multiplicauit altaria: iuxta vbertatem terræ suæ exuberauit simulacris. Diuisum est cor eorum: nunc interibunt. Nunc dicent: Non est Rex nobis: non enim timemus Dominum: & Rex quid faciat nobis? Quasi dicant: Caput non habemus, qui nostra dissidia componat, quia falsas religio-

THOMAS

NES

*Ieroboam
Macchiauellæi
cum consilio.*

*Ieroboamus ob
rationem status
induxit religio-
nis mutatione.*

*Mutationis
eius euentus.*

I.

*Ieroboami do-
mus fuit extin-
cta.*

II.

*Vnusquisque
subditorum pe-
culiarē religio-
nem sibi elegit.*

III.

*Regnum totum
in se diuisum
hosti externo
præda fuit.*

nes sectamur, ac tamen si nobis caput constitueremus, nihil tamen nobis prodesset, cum vnusquisq; suam religionem veram putet, nec alteri velit cedere?

CAPVT XLIX.

Sic ergo manifestum est, sine certissima regnorum ac rerum publicarum perniciē Hæresin siue religionis nouationem nec induci, nec tollerari posse: cumq; Lex Christi, Reges ac magistratus non dominari, sed seruire, hoc est, potestate non aliter, quàm ad populi salutem vti iubeat, non potest certè tantam populus in regem, si vel maximè cupiat, potestatem conferre, quæ ipsum imperio Christi, eiusq; Vicarij eximat, & obligatione standi sententia Pontificis de eo, quod populi salutem attingit, liberet. Etiam si autem Rex quispiam de facto potestatem eiusmodi teneret (nam de iure nec Gentilis Rex vllus eam habere potest, cum etiam Lex naturæ id Reges curare atq; illuc omnia referre iubeat, vt qui sunt eorum in imperio, sint quàm beatissimi velut scitum illud docet: *Salus populi suprema Lex esto*) sed tamē si tam iniquam super se potestatem regi populus tribuisset, Christi fidem amplectens Rex, ea se abdicare cogeretur. Per fidem enim & Baptismum in Ecclesiam recipitur, membrumq; corporis Christi efficitur, adeoq; fieri nequit, vt potestatem ceteris membris nocendi retineat, sed Regia potestate, velut brachium aut manus, ad vniuersum corpus alendum, & à frigore, fame, siti, hostiliq; iniuria defendendum vti de hinc tenetur, ad capitis nempe imperium, tamen si charitas, quæ Christianos omnes inter se deuincit, sua sponte, quæcūq; corpori vtilia sunt, facere eum impellat. Atque hoc est non tam regnare, quam seruire, eamq; regum seruitutem Ecclesiæ Deus apud Isaiam promissit cap. 60. Filij tui de longè venient. Tunc videbis, & afflues, mirabitur & dilatabitur cor tuum, quando conuersa fuerit ad te multitudo maris, fortitudo Gentium venerit tibi. Me enim Insulæ expectant, & naues maris in principio, vt adducant filios tuos de longè: argentum eorum & aurum eorū cum eis nomini Domini Dei tui & sancto Israel, quia glorificauit te. Et ædificabunt filij peregrinorum muros tuos, & Reges eorum (peregrinorum, siue Ethnicorum) ministrabunt tibi. Gens & regnum, quod non seruiert tibi, peribit, & gentes solitudine vastabuntur. Et venient ad te curui siue humiles filij eorum, qui humiliauerunt te (id est, Successores Ethnicorum Imperatorū) & Adorabunt

Populus nō potest Regi suo potestatem tribuere Imperio Pontificis exemptam.

Rex tantam potestatem adeptus Christi fide suscepta eam mittere tenetur.

Reges Christiani sunt serui, nō Domini reipub.

Reges Ministrant & seruiunt Ecclesiæ. Humiliter adorant Ecclesiam.

RABUNT vestigia pedum tuorum omnes, qui detrahebant, tibi, & vocabunt te Ciuitatem Domini Sion sancti Israel. Pro eo quod fuisti derelicta (prius) & odio habita, & non erat, qui per te transferret, ponam te in superbiam sæculorum (seu, multis seculis duraturam) gaudium in generationem & generationem : & suges lac gentium, & mamilla Regum lactaberis. Pro ære afferam aurum, & pro ferro afferam argentum : & pro lignis æs, & pro lapidibus ferrum : & ponam Visitationem tuam (Visitatores siue Episcopos tuos) Pacem, & Præpositos tuos iustitiam.) id est, tam sæculares, quam Ecclesiastici Principes tui in vinculo pacis vnitatem Spiritus inter membra omnia conseruabunt, & iustè, non, vt Gentiles, violentè præerunt. Huic consentaneam promissionem apud eundem Prophetam legimus cap. 49. Hæc dicit Dominus ad contemptibilem animam, ad abominatam gentem, ad seruum Dominorum (ad Ecclesiam prius tyrannide oppressam & ab omnibus odio habitam) Reges videbunt (TE) & confurgent honoris habendi causâ Principes, & non modò Dominum, sed etiam Te adorabunt propter Dominum, quia fidelis est, & propter sanctum Israel, qui elegit te. Ecce leuabo ad Gentes manum meam, & ad populos exaltabo signum meum. Et afferent filios tuos in vlnis, & filias tuas super humeros portabunt. Et erunt Reges nutricij tui, & Reginae nutrices tuæ : vultu in terram demisso adorabunt te, & puluerem pedum tuorum, dum eos exosculantur, lingent] Hoc utroque loco obseruari debet, quod futurum Ecclesiæ prædicitur, vt prius odio habeatur, dominis siue Regibus Gentilibus seruiat, omnibusque contemptui & abominationi sit, sed postea demum à Regibus ac Principibus honoretur, nutriatur, lactetur, diuitijs augeatur & propter Deum humillimè adoretur. Illud nempe est, quod iam non semel dixi, sicut Christum prius oportuit pati, & ita intrare in gloriam suam Luc. 24. Similiter Ecclesiam in sua adolescentia, cum Gentium obedientia nondum completa foret, oppressionem & persecutionem perpeti, post demum adultiorem sæcularis quoque gladij, siue imperij potestate, vt debuisse. Id quod etiam Isai. 54. docemur. Lauda sterilis, quæ non parit (Ecclesia, quæ primum valde exigua & verè pusillus grex eras) quoniam plures filij desertæ (Ecclesiæ) quàm quæ habet virum, siue Synagoga. Ad dextram & ad læuam (ad Orientales & Occidentales Indias) penetrabis, & semen tuum gentes hereditabit, & Ciuitates desertas inhabitabit. Quamuis autem futurum sit, vt principijs tuis omnes Reges & populi sese opponant, tamen Noli timere, quia

*Ecclesia prius à
Regibus affligi,
postea adorari
debeuit.*

*Ecclesia adole-
scentia plena
confusione.*

*Ecclesia Sene-
ctus plena glo-
ria.*

*Reges ethnici
ad Ecclesiam
conuersi quid
perdant & lu-
crentur.*

*Perdunt impe-
rium despoticu
siue dominatio-
nem in subditos.*

non confunderis, neque erubescas: non enim te pudebit, quia confu-
sionis ADOLESCENTIÆ tuæ obliuisceris, & opprobrij viduitatis
tuæ non recordaberis amplius: quia dominabitur tui, qui fecit te, &
redemptor tuus, Deus omnis terræ vocabitur (*etiamsi prius pauci
erunt Christiani, postea tamen totum mundum Ecclesia occupabit*) Quia
ut mulierem derelictam & marentem Spiritu vocauit te Dominus,
& Vxorem ab ADOLESCENTIA abiectam dixit Deus tuus. Ad
punctum in modico dereliqui te, & in miserationibus magnis con-
gregabo te.] Hoc ipsum *Psalmus 128.* docet: sæpe expugnauerunt
me à iuuentute mea, dicat nunc Israel, etenim non potuerunt mihi.
Supra dorsum meum (*cum humi iacerem oppressa*) fabricauerunt pec-
catores, prolongauerunt iniquitatem suam. Dominus iustus con-
cidet funes peccatorum, confuadentur & conuertentur retrorsum
omnes, qui oderunt Sion &c.] Talis ergo Ecclesiæ adolescentia,
iuuentus & media ætas esse debet: de Senectute *Psalmus 91.* disci-
mus: Inimici tui Domine peribunt & dispergentur omnes, qui
operantur iniquitatem. Et exaltabitur sicut Vnicornis Cornu me-
um (*secularis Ecclesia potestas erit in gloria*) & SENECTUS mea
in misericordia vberi. Et despiciet (*ex alto*) oculus meus inimi-
cos meos, & in insurgentibus in me malignantibus audiet (*pœnam*)
auris mea. Iustus ut palma florebit, sicut cedrus Libani multipli-
cabitur. Plantati in domo Domini, in atrijs Domini Dei nostri flo-
rebunt: adhuc multiplicabuntur in SENECTA vberi, & bene patientes
erunt, ut annuncient.] Id est, Ecclesia etiam cum iam senuisse vi-
debitur, viridis ac florida erit, & per annunciationem Euangelij
plurimos Christianos efficiet, nempe in INSULIS, de quibus supra
Dei verbum audiuius: *Me insule EXPECTANT* (vsque ad sene-
ctutem tuam scilicet) & *naues maris in principio, ut adducant filios tuos
de longè &c.* Cum ergo Rex quispiam per Baptismum Ecclesiæ in-
teritur, non ei regnum eripitur, sed ad fungendum Brachij seu Manus
munere obligatur, ut scilicet Ecclesiæ seruiat ac ministret, eam
nutriat atque ab omnibus noxijs, in primis autem ab Hæresi tueatur.
Sin etiam aliquid Gentilitatis Regnum eius habuit, hoc est, si vel
consuetudine, vel populi consensu, potestatem herilem in subie-
ctos exercuit, illud omne propter Christum ac regnum cœlorum
relinquere tenetur. Simile est enim regnum cœlorum thesau-
ro abscondito in agro, quem inuenit homo, abscondit & præ gaudio
illius vadit & vendit vniuersa, quæ habet, & emit agrum illum. Ite-
rum

rum simile est regnum cœlorum homini negotiatori quærenti bonas margaritas. Inuenta autem vna pretiosa margarita, abiit & vendidit omnia, quæ habuit, & emit eam *Matth. 13.* Si ergo Reges hunc thesaurum, regnum nempe Christianum, quod ex præscripto Legis Christi gubernatur, & nihil nisi seruitus est, quæ Ecclesiæ ac membris eius exhibetur, possidere, hancque pretiosam margaritam emere cupiunt, siue, si Ecclesiæ brachia fieri volunt, necesse habent, vt, herilem illam in Subditos potestatem vendant, seque Christo, & quem ille suo loco caput Ecclesiæ suæ militanti dedit, subiiciant, idque nutrant, colant & adorent. neque enim Christus in corpore suo Brachium tolerat, quod reliqua membra cædendi ac vulnerandi potestatem habere velit. *Reges Gentium dominantur & potestatem exercent: Vos autem Reges Christiani non sic.* nec enim Ecclesiæ meæ capita vos constitui, sed Brachia: non Dominos, sed Ministros. Atque hoc modo impleta est Balaami prophetia, quæ Romanum Imperium post extincta cetera Orbis Imperia, etiam ipsum periturum, & à Christo vastatum siue sublatum iri cecinit: quia Christo scilicet subiectum, & recepta eius Lege, Gentile regnum esse desijt, & potestatem, qua prius in populos tyrannica siue herili utebatur, in paternam, omnia scilicet subiectorum vtilitate metientem, commutauit.

Lucrantur regnum Christianum.

Romanum Imperium quomodo à Christo deletum.

CAPVT L.

DA N I E L. 2. In diebus regnorum illorum suscitabit Deus regnum, quod in æternum non dissipabitur, & regnum eius alteri populo non tradetur: comminuet autem & consummet vniuersa regna hæc: & ipsum stabit in æternum.] Hic docemur regnum Dauidis, siue Dauidi promissum, non modò æternum, id est, quod ad alium populum non transferatur, sed etiam sæculare esse oportere, quod scilicet cùm reliquas Monarchias, tum Romanum Imperium de medio tollat & conterat, quam contritionem non modò *prædicando præceptum Dei*, sed etiam *pascendo virga ferrea*, nec tantum *exaltationibus Dei in gutture*, sed etiam *gladius in manibus*, hoc est, non tantum spiritali, sed sæculari quoque potestate perfici oportere iam sæpius probaui, & hunc quoque *Aggæi cap. 2.* locum iam supra produxi: *subuertam solum regnum,*

Regnum Christi æternum & sæculare.

Christiani à iugo Regum infidelium liberi.

Reges Gentiles facti Christiani iure pro Dominis sunt serui.

Sed seruitus illa longe quauis dominatione est gloriosior.

Christus Rex post Adscensionem factus omnis terra.

Reges qui Ecclesie se subiciunt, exaltantur.

Christi regnum vniuersale & æternum.

rum, & conteram fortitudinem regni gentium, id est, regnum romano-
rum, quod gentibus & regnis ceteris dominatur, delebo. *Ierem. 30.*
In die illa, ait Dominus exercituum, conteram iugum eius de collo
tuo, & vincula eius dirumpam, & non dominabuntur ei amplius alie-
ni: sed seruient Domino Deo suo, & David regi suo, quem suscitabo
eis?] Hic videmus in regno Dauidico omnes Deo & Regi suo siue
Pontifici seruire, ceterum ab omni iugo & obedientie Gentilium re-
gum liberos ac solutos esse. *Alieni*, siue Gentiles Reges Christianis de
iure (vt aiunt) dominari nō possunt. Sed quid si Alieni esse desinant, &
Christiani fiant quid tum facient? an Domino suo excident? Respon-
det Deus per *Isaiam*: cap. 61. *stabunt ALIENI* (vt Ministri. *Isai. 60.* Reges
alienorum ministrabunt, siue, vt est in *Chaldeo*: *adstabunt, id est, vt mi-*
nistri adstabunt tibi) & *pascent pecora vestra*: & *filij peregrinorum agri-*
cole & vinitores vestri erunt, hoc est, non domini Christianorum, sed
ductores erunt, qui eis ministrent, & regendo nihil, nisi vt eis be-
nè sit, propositum habebunt. Hoc ergo est conterere & subuertere
regna gentium, facere nimirum, vt Reges quidem mancant, sed
Christo tamen subiecti sint, & vtilitati Ouium eius inferuiant. quo
reuera nihil de dignitate eorum deminuitur, quippe qui, *pro Dominis*,
Patres populorum euadant, adeoque Imperium meliori titulo, ac funda-
mento, nempe *Amore* nixum, capebant, id quod *Psalmo 46.* docemur:
Rex magnus Dominus (*Christus iam glorificatus*) super omnem terram.
Subiecit populos nobis (*Christianis, per quos regnat*) & gentes sub pedi-
bus nostris. Elegit in nobis Hereditatem suam: speciem Iacob, quam
dilexit (*id est, nos elegit, quibus Gentes hereditatem suam subiceret, & Eccle-*
sie dilecta speciem siue gloriam tribueret: tum autē hoc facit quādo) Adscendit
Deus in iubilo. *Psallite*, quoniam rex omnis terre Deus (*nam ei data est*
omnis potestas in cælo & in terra) regnabit Deus super Gentes: sedet su-
per sedem sanctam suam (*ad dextram Patris, donec euacuauerit omnē prin-*
cipatum & potestatem, (1. Cor. 15.) Principes populorū congregati sunt
cum Deo Abraham: quoniam Dei, sunt, fortes terre, vehementer ele-
uati sunt] *id est, quia Reges terra Deo Abraham se subiecerunt, seque Christi*
esse profitentur, propterea Imperium eorum multo factum est sublimius.

Daniel. 7. Adspiciebam in visione noctis, & ecce cum nubibus
cæli quasi filius hominis veniebat, & vsque ad antiquum dierum per-
uenit. Et dedit ei potestatem, & honorem & regnum: & omnes po-
puli, tribus & lingue ipsi seruient: potestas eius, potestas æterna (*id est,*
talis) quæ non auferetur, & regnum eius, quod non corrumpetur]

Quod

Quod hic de ipso Christo dicitur, statim sic de Ecclesia interpretatur: Quatuor bestiae, quatuor sunt regna, quae confurgent de terra. Suscipient autem Regnum Sancti Dei Altissimi, & obtinebunt Regnum usque in saeculum & saeculum saeculorum.] Et rursum: Regnum & potestas & magnitudo regni, quae est super omne caelum, dabitur populo sanctorum Altissimi: cuius (populi siue Ecclesiae) regnum, regnum sempiternum est, & omnes Reges seruiant ei et obediant.

*Populo sancto-
rum siue Ecclesiae
datum est regnum
Christi.*

Ierem. 33. in diebus illis germinare faciam Dauidi germen iustitiae, et faciet iudicium et iustitiam in terra (per Petrum scilicet, qui quod in terra ligat aut soluit, similiter in caelis ligatum aut solutum manet) Non interibit de Dauid vir, qui sedeat super thronum domus Israel. Et de Sacerdotibus et Leuitis non interibit vir, qui offerat holocausta omnibus diebus etc.] Hoc loco rursum Ecclesiae Sacerdotale imperium secundum similitudinem Melchisedech in aeternum promittitur.

*Christus Rex
terra.
Semper habet
in terra Vicarium
seu Proregem.*

Ezech. 37. Ecce ego assumam filios Israel de medio nationum et congregabo eos vndique et adducam eos ad humum suam. Et faciam eos in gentem vnam in terra, et Rex vnus erit omnibus imperans, et non erunt ultra duae gentes, nec diuidentur amplius in duo regna. Et seruus meus Dauid Rex super eos, et Pastor vnus erit omnium eorum] Hic Regnum Dauidi promissum vniuersale esse discimus de quo etiam Christus loquitur: Et alias oves habeo, quae non sunt ex hoc ouili (ex populo Iudaico, sed Gentiles) et illas oportet me adducere, et fiet vnum ouile, et vnus Pastor.] Iam vero Christus ipse Gentes ad ouile suum non adduxit (non enim missus erat, nisi ad oves, quae perierant, domus Israel) sed post resurrectionem Petro totum ouile commisit, et post Ascensionem per uisionem eidem, ut Gentibus adductis vnum ouile facere inciperet praecipit. Itaque de se ipso Zachar. 2. dicit: Post gloriam siue resurrectionem misit me ad gentes, quae spoliauerunt vos. Ex quo consequitur, cum Petrus electus fuerit, per cuius os gentes Euangelium audirent & crederent. (velut ipse de se Act. 15. in concilio profiteretur) eum Regem esse, vnum omnibus Christianis imperantem, et Pastorem vnum ouium omnium, sub cuius vno Iugo simul omnes Deo seruire debeant. Sophon. 3. Expecta me, dicit Dominus, in die resurrectionis meae in futurum, quia iudicium meum (id est, quia iudicauimus iam sensu decretum habeo) ut congregem gentes et colligam regna: et effundam super eos indignationem meam, omnem iram furoris mei

*Christi regnum
vniuersale.*

*Petrus Rex vni-
uersi
loco Christi.*

(id est, ut per Apostolos ira mea ob peccata ipsorum eis denunciata, in unitatem Ecclesia congregentur quemadmodum Psalm. 109. Dominus confringet in die ira sua Reges, indicabit in Nationibus) in igne enim Zeli mei deuorabitur (seu conuertetur à S. Petro, cuius erit occidere & manducare) omnis terra. Quia tunc reddam populis labium electum, ut inuocent omnes in nomine Domini, & seruiant ei humero vno, siue ut habent 70. Interpp. & seruiant ei sub iugo vno. Ultra fulmina Aethiopiae (Chald. India) inde supplices mei: filij dispersorum meorum deferent munus mihi.

CAPVT LI.

AGGÆI. 2. Hæc dicit Dominus: Adhuc vnum modicum est, & ego commouebo cælum & terram, & mare, & aridam: & mouebo omnes Gentes, & veniet desideratus cunctis gentibus (Christus) & implebo domum istam (Ecclesiam) gloria. Meum est argentum, & meum est aurum, dicit Dominus. Magna erit gloria domus istius nouissimæ, plus quàm primæ, dicit Dominus.] Hic Regnũ Dauidi p̃ omissum vniuersale & sæculare futurũ significat. Ecclesiam enim gloria plenam, multoq; Synagoga Iudaica splendidiorem fore pollicetur, ac ne quis spiritualement tantum gloriam promitti putaret, argenti & auri commemorat, tamquam de eadẽ Gloria intelligi velit, quam Zacharias Christũ portaturum scribit, Coronas scilicet duas, auream & argenteam, ad portandam Regis & Sacerdotis potestatem. Cũ autẽ multo maiore Ecclesiæ quàm Synagoga Gloriam futurã dicat, necesse est vt multo plus Christianis Sacerdotib⁹, quàm Leuiticis, Decimæ debeantur. Itaq; sup̃racitato Isaia 60. loco, tantas Ecclesiæ diuitias promittit: Pro ære asseram aurum, pro ferro argentum, pro lignis æs & pro lapidibus ferrum. Et Isai. 61. Sacerdotibus Christianis duplicia pollicetur: Vos autem Sacerdotes Domini vocabimini: Ministri Dei nostri, dicitur vobis: Fortitudinem gentium comedetis, & in GLORIA earum, id est, in gloria & splendore gentium, superbietis: duplicia in terra (non tantum in cælo) possidebitis lætitia sempiterna erit vobis.] Cũ Deus hanc Sacerdotibus gloriam & lætitiã propriam seu perpetuã fore promittat, tamen ne id contendat Rex Angliæ, vt eam Reges ac Principes rursus Ecclesiæ eripiant? Sic enim in Præfatione ad Principes resque pub. pag. 110. scribit: Vt illa non nisi alis vestris in tantam altitudinem subuolauit, tam titulos suæ magnitudinis & honores à vobis mutuando, quàm vestra munificentia, quicquid temporalium

Regnum Christi
sæculare &
vniuersale.

Ecclesia Christi
longe gloriosior,
quàm olim Synagoga.

Sacerdotes Ecclesiæ
quantã habere gloriam debeant.

Regis Angliæ
solutum est
vobis missum.

poralium possidet, perfruendo: Ita si quisq; vestrum ab illa rursus, quod sibi ereptum est, repetet, breui, ut ait poeta, stabit furtius nudata coloribus, decisisque humilis pennis, idque propter *SVPERBIAM* suam.] Hoc perinde est, ac si diceret: *Si asinus volat, habet pennas.* Deus Sacerdotibus discretim promittit, fore ut non tantum in cælo, sed etiam IN TERRA duplicia possideant, ut fortitudinem gentium comedant, ut in gloria ac splendore gentili *SVPERBIANT*, ut sempiterna lætitia perfruantur. Itaq; inania meditatur Rex Anglus, cum id sua facundia impeditum iri, aut impediri saltem posse consomniat. *Sta Balac, & ausculta, audi fili sephor. Non est Deus, quasi homo, ut mentiatur: nec ut filius hominis, ut mutetur.* Dixit ergo, & non faciet? locutus est, & non implebit? Numer. 23. Quam porro, verum sit, quod Rex iacit Ecclesiam scilicet, temporalia, quæ possidet, Regibus eripuisse aut furatam esse, vel ex hoc ipso Aggæi loco iudicari potest. Omne enim aurum & argentum Christi est, quo Ecclesiam glorificaturū se pollicetur. Itaq; Psalm^o octauus, *Omnia Christo subiecta esse* dicit, *Oves & boves universas*, siue bona externa quæcumq;. Est ergo Christus non solum ut Creator, sed etiam ut emptor, omnium regnorum ac bonorū seculariū Dominus siue proprietari^o. Ceteri omnes, quicquid possident, non nisi utendū fruendū Christi beneficio acceperunt. Itaq; si propriè loqui velim^o nemo Deo aut Ecclesiæ quicquam donare potest: tantum erga Deum bonam suam voluntatē testatur, cum vsu rei à Deo sibi tributæ se ipse abdicat: etiam cum vsu siue regni, seu patrimonij, pecuniæ aut fundi, Ecclesiæ cedit (proprietas enim cedere nō potest, cum nulli res vlla mancipio, sed vsu tantū à Christo vero proprietario detur) nōdū sed aut suos heredes iure vtendi fruendi spoliatur, siquidē cuius, clerico aut Monacho fieri, quin etiam ad Episcopālē & Pōtificiam dignitatē virtutis & doctrinæ via adspirare licet: atq; adeo ista bonorū communicatio, seu voluntaria publicatio, omne ferè conseruandarū rerūpub. momentū possidet. Nam Nobiles, cum eorum numerus augetur, filios suos Ecclesiastico vitæ generi destinant, qui ut Beneficia Ecclesiastica consequantur, virtutū literarūq; studio incūbunt, & ita plebeij atq; agricolæ minus à Nobilitate opprimuntur. Et cum in multitudine sapientū, velut ait Salomō Sap. 13, *sit sanitas Orbis terrarum*, habent homines excellentib^o ingeniis præditi, quib^o alioquin res angusta domi facultatē emergendi negaret, vnde sumpt^o in studia faciant, si Sacerdotiis aut Beneficiis Ecclesiasticis afficiantur. Iam etiam in eo non minimū reipub. commodat Ecclesiarum & Monasteriorū opulencia, quod

Verum Ecclesia Romana suas opes Regibus sacrata fuerit.

Christus solus est proprietari^o siue Dominus omnium bonorū.

Christo & Ecclesiæ nihil donari potest.

Ecclesiarū opes quātū rebusq; proficiunt.

*Cur clerici libe-
raliores esse so-
leant,*

quod ab ijs multi pauperes aluntur, quos alioquin fames ad furta & latrocinia impelleret. Cùm enim Clerici neq; labore suo opes illas redditusq; annuos pepererint, & vxores liberosq; non habeant, quib; hereditatem relinquant, fit vt tantò in erogandis eleemosynis liberaliores sint, neq; coaceruandis pecuniarum cumulis incumbant. Itaq; vsu venisse in Germania videmus, vt in Monasterijs, priusquam ea Lutherani Principes occupassent & in Fiscum redeissent, in dies singulos trecentis aut quadringentis Scholasticis, opificibus, operarijsque pauperibus cibus ordinariè præberetur, & Aduentores hospitio liberaliter acciperentur, quæ iam præter vnum aliquem Præfectum siue Oeconomum, & vnum fortasse alterumq; Venatorem cum canum venaticorum Mandra vix quemquam alunt & vsum hospitio aduentores accipiendi penitus ignorant. Postremò cùm Clerici alienare Ecclesiarum suarum bona Canonibus vetentur, fit vt omnia illa bona quoddam reipub. depositum videantur, quo respub. in extremas difficultates coniecta iure suo vti possit. Ita sanctos viros, cum alia pauperum egestatem subleuandi & captiuos ab hostibus infidelibus redimendi facultas non suppeteret, Ecclesiæ thesauros aperuisse & vel sacros Calices conflagasse legimus: nec profectò pænitentiam Venetis vtilitatem hodiè affert Decimas à clero suo exigendi potestas, à Pio Quinto Pontifice ideò ipsis facta, vt lacunam fisci, bello nauali cum Turcis anno 1571. gesto factam, explere possent. Sic ergò perspicuū est, Ecclesiæ bona reipub. thesaurum esse, neq; Ecclesiæ quicquam ab ijs, qui rerum suarum vsum ei cedunt, donari, cùm quia Christus Ecclesiæ caput solus omnium bonorū est dominus (quod et David sua populiq; munera ad ædificandum Templum collata Deo consecrans hoc modo simpliciter confitetur 1. Par. 29. *Tua sunt omnia, & quæ de manu tua accepimus (vt enda) dedimus tibi. Omnis hæc copia, quam parauimus, vt ædificaretur domus nomini sancto tuo, de manu tua est, & tua sunt omnia*) tum quia nemo, qui de bonis suis quicquam ad Apostolorum pedes deponit, vel Ecclesiæ cedit, nec heredes iure ijsdem bonis vtendi fruendi penitus abdicat. Non semel igitur eos risi, qui tanto cum conatu de Donatione Constantini altercantur, cuius quod circumfertur Instrumentum, Græcorum fraude ad faciendam Romanæ Ecclesiæ inuidiam, subiectum fuisse, Card. Baronio credimus: neq; vtrum aliquod si minus *Donationis*, saltem *Cessionis* documentum publicum, id quod vero simile videtur, antiquitùs exstiterit, multum curamus Magdeburgenses quidem *Centur. 8. Cap. 10. columna 743.* Hadriani Pa-

pæ

*De Donatione
Constantini.*

pe ad Carolum Magnum epistolam legisse se testantur, cuius hoc recitant argumentum: *Plurima petitiones continentur pro restitutione patrimonij B. Petri. Meminit Donationis Constantini, temporibus Siluestri Papae facta, & aliorum, qui pro animae suae salute multa donarent B. Petro, quae à Longobardis erepta sint, ac dicit in Lateranensi scrinio eas Donationes haberi. Verumtamen non multum, ut dixi, ea de re laboramus, siquidem ex iis, quae iam dixi, Romam Ecclesiae donari nequuisse constat, non quidem quia, velut Iurisconsultorum filii contendunt, quod Reipub. esset, alienare Constantinus nequirit (nec enim alienauit, sed reipub. magis, quam antea, communem fecit, ut iam cuius de populo per virtutis viam ad potiendum sede Imperii Romani aditus pateret, cum idoneus nemo à spe Pontificatus adipiscendi excludatur) sed quia nequaquam donatione aut hereditate, aut iure belli, neq; vlllo alio humano iure aut titulo Romam tenet Ecclesia, sed tantum iure diuino. Deus enim est, qui Romam Ecclesiae donauit, & hunc corpori suo velut cibum, hanc ciuitatis suae arcem, hanc scholae suae Cathedram, hanc gregi suo caulam siue septum, hoc templo suo fundamentum, hanc domui suae penum seu penuariam cellam, hanc filiis suis matrem, hanc naui suae puppim, in qua clauum tenens gubernantor sedeat, hanc sponsae suae vestem, hoc deniq; castris suis praetorium daturum se promisit, velut consequentibus parabolis vberius demonstrabitur: nunc pauca tantum in medium afferem.*

Si Romam constantinus donasset Ecclesia, nequaquam eam alienasset.

Ecclesia Romam possidet iure diuino.

CAPVT LII.

MICH 4. In die illa, dicit Dominus congregabo claudicantem (70, Interpp. contritam, id est, Ecclesiam persecutionibus prius oppressam) & colligam eam, quam afflixeram, & ponam eam in gentem robustam: & regnabit Dominus super eos in monte Sion, ex hoc nunc & usq; in aeternum (Hac de Ecclesia siue de regno Christi intelligere nos Gabriel Angelus Luc. 1. docet qualis autem eius regni potestas futura sit, sic statim interpretatur) Et tu turris gregis (ò Ecclesia, ad quam grex meus confugiet) nebulosa (persecutionibus prius obnoxia) filia Sion, usque ad te veniet, & veniet (hoc est, veniet inquam certo) potestas PRIMA (Chald. Prisca) regnum filiae Ierusalem. (id est, regnum tuum, ò Ecclesia, erit regnum Davidis siue Hierosolymitanum, sed cum potestate prima, siue prisca, quae scilicet fuit in lege Naturae, cum simul Regnum & Sacerdotium coniuncta forent. Verum tamen frement contra

Regnum Christi siue Ecclesia aeternum.

Habet regiam & Sacerdotalem potestatem.

Y te

In principio debuit affligi: te gentes, & atrocissimis te persecutionibus prius oppriment, quam potestatem illam primam, id est, secularem simul cum spiritali exercere possis. Itaque pergit) Nunc quare mærore contraheris? numquid Rex non est tibi, aut consiliarius tuus periit, quia comprehendit te dolor, sicut parturientem? Dole & Satage filia Sion quasi parturiens (id est, forti animo persecutiones sustine) quia nunc egredieris de Ciuitate (Hierosolyma) & habitabis in regione (chald.

Sed postea Roma liberari a potestate Imperij Romani.

& 70 Interpp in campo) & venies vsque ad Babylonem (nam Apostoli velut à Christo insi erant. Luc. 24. & Acto. 1. incipientes à Ierusalem, per Iudeam & Samariam velut in planitie multiplicatis domibus sue Ecclesiæ, usque ad vltimum terræ pertingere, adeoque Roman vsque venire debebant. nam Babylon magna, mater fornicationum est CIVITAS magna quæ habet regnum super Reges terræ, ait Iohannes ROMAM describens Apocal. 17. Itaq. S. Petrus 1. Pet. 5. salutatur vos, inquit, Ecclesia coelecta in Babylone, id est, Roma) Ibi liberaberis, ibi redimet te Dominus de manu (seu seculari potestate) inimicorum tuorum (Christianum scilicet Imperatorem, qui tua deinceps Manus sit, nacta: quod etiam Ezech. 34. Ouibus suis Deus promittit: Erunt in terra sua absq. timore, cum contriuero catenas iugi eorum, & eruero eos de MANU imperantium sibi) Et nunc (id est, Principio quidem) congregatæ sunt super te Gentes multæ, quæ dicunt: Lapidetur, & adspectat in Sion oculus noster. Ipsi autem non cognouerunt cogitationes Domini, & non intellexerunt consilium eius: quia congregauit eos, quasi fœnum (chald. & 70. Interpp. quasi manipulos) aræ. Surge, & tritura filia Sion: quia cornu tuum ponam ferreum (id est, ut supra docui, habebis caput seculari potestate præditum) & vngulas tuas ponam æreas (id est, indices tui tam seculares, quam spirituales magnam habebunt efficaciam) & comminues populos multos, & interficies seu consecrabis Domino rapinas (chald. facultates) eorum, & fortitudinem (chald. pretiosam pecuniam) eorum Domino vniuersæ terræ] Cum his paria faciunt illa Isaïæ verba iam supra excussa: Vos Sacerdotes Domini vocabimini: Fortitudinem gentium comedetis, & in gloria earum superbiētis. Igitur Romam Deus Ecclesiæ velut escam dedit) nam ROMA, Grecè robur seu fortitudinem notat) & ab ea rapinas siue spolia Romæ sibi consecrari voluit. Manus porro, quæ hanc ori, siue capiti corporis Christi, escam indidit, fuit Constantinus Imperator, qui postquam per fidem & baptismum corpori Christi insitus fuit, Brachij siue Manus officio fungi cepit, & possessione vrbis Romæ cedens, idem fecit, ac si

Roma est caput Ecclesiæ.

Imperator secularis hunc capiti Ecclesiæ cibum indidit.

manus

manus ori cibum inferat, aut corpus totum splendida veste induat, quæ res nõ minùs ipsi Manui, quàm aut ori siue capiti, aut reliquis mēbris vtilitatē affert *Isai. 49.* Hæc dicit Dominus ad contemptibilē animam, ad abominatam gentem ad seruum Dominorum (*ad Ecclesiam persecutionibus Romanorum pressam*) Leua in circuitu oculos tuos, & vide, omnes illi congregati sunt (*animo quidem te lapidandi & delendi, sed reuera occulto meo consilio*) venerunt tibi, Viuo ego, dicit Dominus, quia omnibus his velut ornamento vestieris, & circumdabis tibi eos quasi sponsa.] Et *Isai. 52.* Confurge, induere FORTITVDINE tua (*cape possessionem Romæ tuæ*) induere vestimentis gloriæ tuæ, Ierusalem ciuitas Sancti. Excute te de puluere, confurge. SEDE Ierusalem (*tamquam Regina*) solue vincula colli tui, captiua filia Sion (*non suberis de hinc Romano Imperio*) quia hæc dicit Dominus: Gratias vñum dati estis, & sine argento redimemini] *Id est, non aliquo humano titulo, sed donatione diuina tu Ecclesia Romam obtinebis, & ex Gentili Christianam facies, hocque pacto FORTITVDINEM mutabis, sicut Isai. 40. prædictum legimus: Qui sperant in Domino (siue, Christiani) mutabunt Fortitudinem, assument pennas sicut AQVILÆ id est, Imperij Romani vires militares per Aquilam significatas sibi subiectas habebunt, & pro Christo deinceps pugnare facient. Per Alas autem Aquilinas designari copias militares, siue, sæculare imperium, non nescit qui Scripturas nouit. Isai. 8. Adducet Dominus Regem Assyriorum, & erit extensio Alarum eius implens latitudinem terræ tuæ, ò Emmanuel. id est, Iudæam militibus suis capiet, & Imperio suo subiciet. Ierem. 49. Ecce quasi Aquila adscendet & aduolabit (Rex Assyriæ) & expandet ALAS suas super Bosran. id est, eam sub ditionem & imperium suum rediget. Ergo Christus sponsus Romæ Dominus, Ecclesiæ suæ Romam velut ornamentum dono dedit. Ecclesia verò manus seu brachij sui, id est, Constantini opera hanc non à Constantino, sed à sponso sibi donatam vestem circumdedit Hoc ipsum verba illa eo ipso loco Isai. 49 promittunt: Reges erunt nutricij tui. Nam Constantin⁹ cum Romam reliquit, & eius vñum Ecclesiæ cessit, velut nutricius Fortitudinē gentium ei comedendam dedit: tamen si Ecclesia velut tam exquisiti cibi copiam inuenta non simul omnia comedere, hoc est, non repenti omnem Romæ potestatem exercere voluit, propterea quod adhuc nondū completa esset Romanorum obedientia, sed plurimi adhuc Gentiles in ea inuenirentur. Apud quos ne Crux Christi euacuaretur, & opinio diuinitatis fidei Christianæ minueretur, nõ nisi multo post, cum om-*

*Romani sunt
vestes Ecclesiæ.*

*Ecclesia induit
Romam velut
vestem:*

*Quam à Deo
donatū tenet.*

*Ecclesia mutat
Romam & as-
sumpsit pennas
Aquilæ.*

*Constantinus
Ecclesiam eo de-
bitū induit.*

*Ecclesia cum non
statim sacularem
potestatem Romæ
exercuerit.*

Quando Ecclesia secularē iurisdictionē Romanā omni modo exercere cepit

nis scilicet Roma Christo nomē dedisset, omne Urbis Imperiū Ecclesia assumpsit: id quod Card. Baronius anno Christi 726. contigisse notat, quando Pontifex Gregorius II. Basilium, à Leone Isaurico Imp. Romam cum imperio missum, necisq; ipsi Pontifici iussu Imperatoris intentatæ compertum, in Monasterium compegit, ex eoq; tempore curam & imperium Romæ aliarumque Italiæ ciuitatum, quas ad illum vsque diem Romæ Præfecti à Græcis Imperatoribus mitti soliti administrarant, ipse in se suscepit & ad successores suos Pontifices transmisit. Est autem animaduersione dignum, quod Michæas non tantum *Babylone* siue Romæ à manu siue seculari potestate Gentilium liberam fore dicit Ecclesiam, sed etiam persecutores eius *ungulis ancis ab ea trituratū & comminutum*, & bona temporalia eorum Deo consecratum, siue Ecclesiæ subiectum iri prænunciat: cui consentanea est hæc *Jeremie* prophetia *Cap. 30.* Hæc dicit Dominus: Ecce ego conuertam conuersionem tabernaculorum Iacob, & tectis eius miserebor, & ædificabitur Ciuitas siue Ecclesia in Excelsō suo (id est, in Vrbe sua Roma. nam Roma Hebraicè Exelsū significat) & glorificabo eos, & non attenuabuntur: & cætus eius coram me

Ecclesia Roma ædificanda fuit

Et Romanos, suos persecutores, potestati suæ subicere debuit

Prophetia de prosperitate Ecclesiæ Romanæ sub finem mundi demum rectè intelligi debent.

Ecclesia tota est ciuitas, cuius Arx est Ecclesia Romana.

Euentus docet, Prophetias de

permanebit, & visitabo aduersum omnes, qui tribulant eum. Omnes qui comedunt te, o *Sion*, deuorabuntur, & vniuersi hostes tui in captiuitatē ducentur, & qui te vastant, vastabuntur, cunctosq; prædatores tuos dabo in prædam] Ac ne quis allegoricam siue spirituale huius vaticiniij interpretationē consomniaret, addit extremo illo capite: *In nouissimo dierū intelligetis ea*, siue vt *Iere. 23.* loquitur, *In nouissimis diebus intelligetis consiliū eius.* quasi dicat, cū iam re ipsa, quod hic prædico, completum videritis, tum demū rectè prophetiam hanc intelligetis. *In omnibus prophetijs*, ait Rex Iacobus Pag. 74. *certissima est regula, nunquam eas satis intelligi posse, usq; dum compleantur.* Itaq; non mediocris est stultitia, de vero sēu verborū istorū dubitare, quē rei ipsius euidentia facit perspicuū. Cōstat enim Ecclesiam in *Excelsō suo* siue Romæ fuisse ædificatam, ita vt Roma huius magnæ ciuitatis per vniuersum Orbē pertingentis Arx sit, velut Hierosolymę Arx, *Sion* siue ciuitas *David* quōdam fuit. Scribit enim ad romanam Ecclesiam Paulus: *Fides vestra annuntiatur in vniuerso mundo*, & proclamatur quasi de *Excelsō*, sicut futurum *Isaias cap. 42.* prædixerat: *Laudabunt Dominum habitatores Petrę (habitantes in Ecclesia super Petram fundata)* de vertice montium clamabunt: ponent Domino gloriam, & laudem eius in Insulis nuntiabunt.] Constat etiam ciuitatem Romam fuisse illam, quæ prius Ecclesiam

Ecclesiam (vt loquitur scriptura) tribulauerit, vastauerit, in captiuitatem duxerit, prædata fuerit & comederit, sed postea Ecclesiæ ipsa prædæ & ac eadem deuorata fuerit. quis igitur iam, vtrum Ieremiæ prophetia rectè de ROMA, Ecclesiæ subiecta, intelligatur, dubitandi locus est relictus? Apud Zachariam quidè certè eandem prophetiam inuenio cap. 2. Hæc dicit Dominus exercituum: Post gloriam (sine resurrectionem aut glorificationem meam, Deus Pater) misit me ad Gentes, quæ spoliauerunt vos. Ecce ego leuo manum meum contra eos, & erunt prædæ his, qui seruebant sibi.] *similia prædicit Isaias cap. 14. Prope est, vt veniat tempus eius (Christi) & dies eius non elongabuntur. Miserebitur enim Dominus Iacob &c. Et tenebunt eos populi, & adducent eos in locum suum: & possidebit eos domus Israel in seruos & ancillas, & erunt capientes eos, qui se ceperant, & subijcient exatores suos.*

Roma rectè à me declaratur.

Romani Ecclesiæ persecutores sine sub potestatem Ecclesiæ cedere debuerunt.

CAPVT LIII.

SED nihil attinet, multis alijs prophetijs afferendis immorari, cum vna sit, quæ nominatim ROMAM Ecclesiæ subiectum iri prædicit, *Isai. 26. In die illa cantabitur canticum istud in terra Iuda: Vrbs fortitudinis nostræ Sion, Saluator (Chald. & 70. Interpp. Salus. Subintellige, est, quasi dicat: Arx Sion ciuitatis nostræ fortissima, id est, Ecclesia, cuius Arx erit Roma, saluti erit habitatoribus)* ponetur in ea munus & ante murale. *(vt ab hoste serui sint Christiani. Idem alijs verbis habet Psalmus 147. Lauda Ierusalem Dominum, Lauda Deum tuum Sion, quoniam confortauit seras portarum tuarum, benedixit filiis tuis in te: qui posuit fines tuos Pacem, & adipe frumenti satiat te: qui emittit per Pastores & Doctores eloquium suum terræ, velociter currit sermo eius, qui dat niuem sicut lanam, nebulam sicut cinerem spargit: mittit crySTALLUM suam sicut buccellas, ante faciem frigoris eius, quis sustinebit? Emitter verbum suum, & liquefaciet ea: flabit Spiritus eius, & fluent aquæ. Id est, cum prius in cordibus hominum nihil nisi frigus, cæcitas & induratio fuisset, prædicatione Euangelij & missione Spiritus sancti, ac donorum eius diffusione incendit, emolliuit & illustrauit eos. Qui (nunc quidem ante Christi aduentum) annunciat Verbum suum Iacob, iustitias & iudicia sua Israel, hoc est, tantum populo Iudaico. Non fecit taliter omni nationi, & iudicia sua non manifestauit eis. Iam in Isaiæ cap. 26. sequitur) Aperite portas vos o pastores, qui oves in ouile inducitis, & ingrediatur gens iusta, custodiens*

Romana Ecclesiæ arx munitissima.

Y 3 veritatem

*Romani erant
humiliandi sub
Ecclesia pote-
state.*

*Ita Et adorant
pedes Pontificis.*

*Et Romam ipsam
ei cederent ad
constituendam
ibi Religionis
arcem.*

*Cardinalibus
non recte expro-
brat Rex gene-
ris obscuritatem.*

*Papa dominum
Romam habet non
modo permissis,
sed etiam dono
Dei.*

veritatem seu veram Religionem amplexa. Vetus error abiit : seruabis pacem, quam Ecclesia tua, o Christe, relinquere te dixisti : pacem, quia in te sperauimus. Quia incuruabit Dominus habitantes in EXCELSO (in Hebraeo : MAROM, id est, Roma, in Roma, ac velut Itali loquuntur, A Roma. Ac ne quis hoc nomen appellatum potius, quam substantium proprium putaret, statim addidit Ciuitatem sublimem humiliabit. Humiliabit eam usque ad terram, detrahet eam usque ad puluerem. Conculcabit eam pes, pedes pauperis gressus egenorum] Chaldaicus paraphrastes reddidit : Humiliabit habitatores Urbis excelsae & fortissimae, quia ROM A in Hebraeo EXCELSUM, in Græco FORTITVDINEM notat. Hoc ipsum significant illa verba Isai. 60. Aperientur portae tuæ iugiter, die ac nocte non claudentur, ut afferatur ad te FORTITUDO Gentium (ut Roma conuertatur) & Reges earum adducantur. Venient ad te curui filij eorum, qui humiliauerunt te, & adorabunt vestigia pedum tuorum omnes, qui detrahebant tibi, & vocabunt te Ciuitatem Domini, Sion sancti Israel.] Filij eorum qui prius Ecclesiam humiliauerant, sicut Successores Romanorum Imperatorum, illi CURVI ad Ecclesiam veniunt, eam adorant, & Sion, siue Arcem Ciuitatis, siue Ecclesiae, vocant, hoc est, Romam Christo & Ecclesiae cedunt, ut ibi Arx Ecclesiae constituatur. Hoc fuit, quod supra dixit, habitantes Romae incuruatum, & Ciuitatem illam sublimem humiliatum iri, ut à pede pauperis Pontificis, & à gressu egenorum Cardinalium, calcetur, quibus humilitatem generis nequaquam exprobraret Rex, si Psalmo 112. qui de statu Ecclesiae loquitur, ita fore prædictum meminisset: *Suscitat Deus à terra inopem, & de stercore erigit pauperem, ut collocet eum cum Principibus, cum Principibus populi sui.* Cum igitur res ipsa in oculis sit ac pateat, quid multum de titulo, quo ROMAM Papa tenet, altercari attinet? Non est potestas, nisi à Deo, siue tribuente siue permittente rom. 13. Itaque potestatem Urbis Romae Papa, Dei siue dono, siue permissu tenet. Si tantum permissu, de iusticia tituli eius dubitari posset. Sed Deus ipse dubitationem omnem tollit, cum se hoc modo domum suam glorificaturum promittit Isai. 60. *Locum pedum meorum, & domum maiestatis meae glorificabo.* Pro eo quod fuisti derelicta & odio habita, ponam te in SUPERBIAM seculorum. quibus verbis iustitiam id requirere significat. quemadmodum etiam Isai. 61. Sacerdotes Domini FORTITVDINEM Gentium (siue Romam) comedent, & in gloria earum superbient: Pro confusione sua duplici, in terra sua duplicia possidebunt:

bunt: quia ego Dominus diligens iudicium, & odio habens rapinam in holocausto.] quasi dicat, quia iustus sum, neque Romam violentè & iniuste ab Ecclesia mea occupari volo, propterea volo, vt prius persecutiones Romę sustineat, eaquē ius Romę imperandi à me dono accipere mereatur. *Meum est aurum, meum est argentum, mea est Roma: ego implebo domum meam gloria. Vivo ego, quia Vrbe Roma velut ornamento vestietur, & circumdabit eam sibi, quasi sponsa.* Hæreticos ac Iurisperitos, quibus nodum in scirpo quærere & in re longè expeditissima tricari libet, vapulare vehementer ac plorare iubeo.

Quia iustitia requirebat, & qui Ecclesiam persecuti fuerant, Ecclesia subijcerentur.

CAPVT LIV.

MICHÆ 5. Et stabit (Dominator in Israel, Christus) & pascet in fortitudine Domini (in virga virtutis suæ, quæ emittet Dominus ex Sion) in sublimitate seu gloria nominis Dei sui: & conuertentur (populi ad Christum) quia nunc magnificabitur vsq; ad terminos terrę (seu totius Orbis Imperium possidebit) Et erit iste Pax, siue pacem dabit Ecclesiæ, cum persecutiones Romanorum Imperatorum finē habuerint, cum venerit Assyrius in terram nostram, & quando calcauerit in domibus nostris (id est, cum Romani, qui tunc populum Dei affligent & Monarchiam tenebunt, sicut fuerunt nunc Assyrii, Christiani facti fuerint) & suscitabimus super eum septem homines (nam Episcopatus octauus accedit) & octo primates homines (nam Episcopatus octauus accedit) Et pascet terram Assur in gladio, & terram Nemrod in lanceis eius (id est, Ecclesia super infideles etiam secularem potestatem obtinebit: gladio ipsius Assyrii, & lancea ipsius Nemrod utrumque pascet. Itaque Imperium Infidelium cessaturum Zacharias cap. 10. prænunciat: Humiliabitur superbia Assur, & sceptrum Egypti recedet.] Et Isai. 31. In die illa cum abiecerit quisque Idola sua, cadet Assur in gladio non viri, & gladius non hominis vorabit eum, & fugiet non a facie gladii. id est, Imperium Romanum gladio verbi diuini, non humanis armis superabitur & Ecclesia cedit. Et iuuenes eius vectigales erunt (Ecclesia) & Fortitudo eius præ terrore transibit, & pauebunt fugientes Principes eius, dixit Dominus.] In Hebræo pro Fortitudo legitur Petra, quod Lutherus in suis Bibliis Regem interpretatur. Intelligendum nempe est de Rege Fortitudinis siue Romę Constantino, qui fugit, siue cessit Roma ac mare transiit Byzantium contendens, non humanorum armorum metu, sed quod Deum coleret ac paucet,

Christi regnum est vniuersale.

Assyrii siue Romani Ecclesia fuerunt subijciendi.

Pastores Ecclesiæ iurisdictionem secularem super Romanos accipere debeuerunt.

Rex Romanorum Constantinus Roma cedere debuit.

*Quia Deum pa-
nebat, siue, quia
Christianus sa-
ctus erat.*

*Ecclesia erat
eximenda à iu-
risdictione Ro-
manorum.*

*Ecclesia pote-
stas spiritalis.
Et secularis.*

*Exercenda per
Manum Eccle-
sie, siue, secula-
rem Magistra-
tum.*

*Iustitia postu-
labat, Et Ro-
mani Ecclesia
subijcerentur.*

*Manus Ecclesia
extendenda su-
per Aquilonem*

paueret, quemadmodum & *Isai. 8.* legimus: Timorē populi ne pauca-
tis, neque timeatis: Dominum exercituum ipsum sanctificare. Ipse
pauor vester, & erit vobis in sanctificationem] *Hæc apud Isaiam: sequi-
tur in quinto Michæa: Et liberabit (Christus Ecclesiam) ab Assur siue à domi-
nio Assyriorum siue Romanorum, cum venerit in terram nostram & cum
calcauerit in finibus nostris. Et erunt reliquie Iacob. (siue Christiani) in
medio populorum multorum, quasi ros à Domino, & quasi stillæ su-
per herbam, quæ non expectat virum, & non prestolatur filios homi-
num vt ab ys excolatur siue aquis irrigetur] Hæc est potestas spiritalis
siue directiua, nempe prædicatio verbi. Iam sequitur coactiua siue se-
cularis: Et faciam in furore & in indignatione ultionem in omnibus
gentibus, quæ non audierunt, siue, quæ obedire Euangelio nolunt. Per quem
verò hanc ultionem factura sit Ecclesia, sic declarat: Exaltabitur MANUS tua
super hostes tuos, & omnes inimici tui interibunt.] Non aliter quàm
supra sæpius laudato *Psalmo 149. docti sumus: Exaltationes Dei seu Directiua
potestas in gutture eorum, & gladij ancipites seu Coactiua in manibus
eorum ad faciendam vindictam in Nationibus. & Isaias cap. 11. Vola-
bunt Christiani in humeros Philistæorum per mare simul, prædabun-
tur filios Orientis: Idumæa & Moab præceptum MANUS eorum (sci-
licet, recipere cogetur) & filij Ammon obedientes erunt] Igitur secula-
rem gladium Ecclesia per Manum suam siue Magistratum secularem
exercet, & eos, qui obedire nolunt, vlciscitur. Et erunt (*pergit Michæa*)
reliquie Iacob in gentibus in medio populorum multorum, quasi Leo
in iumentis siluarum, & quasi catulus Leonis in gregibus pecorum,
qui cum transierit, & conculcauerit & ceperit, non est, qui eruat.]
*Hoc ipsum Sophonia secundo prædictum inuenio: Reliquie populi mei diri-
pient eos, & residui gentis mee possidebunt illos (id est, Ecclesia, infide-
lium fortunis & corporibus dominabitur, hoc est, secularem potestatem habebit)*
Hoc eis eueniet pro superbia sua, quia blasphemauerunt & magnifi-
cati sunt super populum Domini: Horribilis Dominus super eos, &
attenuabit (*70. Interpp disperdet*) omnes Deos terræ (*omnem gentilem
Magistratum tollet, nam Reges sunt Dei terræ, Psal. 81.*) & adorabunt eum
viri siue singuli de loco suo, omnes Insulæ gentium. Sed & vos Aethi-
opes interfecti gladio meo eritis (*nisi scilicet Legem meam seu Christi fidem
repperitis.*) Et extendet Christus siue Ecclesia MANVM suam super
Aquilonem, & perdet Assur, siue Monarchiam gentium.
2. Reg. 23. Hæc sunt verba Dauid nouissima (*siue ultima eius prophe-
tia*) sicut lux Auroræ oriente sole manè absq; nubibus rutilat, & sicut
pluujs**

pluujs germinat herba de terra (ita etiam erit domus mea, seu regnum meum, hoc est, Ecclesia Christiana) Nec tanta siue non digna est domus mea apud Deum, vt pactū æternum iniret mecum firmum in omnibus atque munitum. Cuncta enim salus mea, & omnis voluntas (scilicet firma est) nec est quicquam ex ea (domo mea siue Ecclesia) quod non germinet. Præuaricatores autem quasi Spine euellentur VNIUERSI, quæ non tolluntur seu tanguntur manibus. Et si quis tangere voluerit eas, armabitur ferro & ligno lanceato, igneque succenscẽ comburentur ad nihilum.] Hic similiter discimus, regnum Dauidi promissum esse æternum, vniuersale & sæculare non minùs, quàm spirituale. Pluiæ enim quæ germinare faciunt herbam, sunt dona Spiritus sancti & prædicatio verbi. *Isai. 44.* Effundam aquas super sitientem: effundam Spiritum meum super semen tuum, & benedictionem meam super stirpem tuam: & germinabũt inter herbas &c.] *Isai. 30.* Dabitur pluuia semini tuo, vbicumque seminaueris in terra.] *Psal. 147.* Emitteret Verbum suum, & liquefaciet ea: flabit Spiritus eius, & fluent aquæ.] Potestatem sæcularem arma, ferrum nempe & ignis significant, quibus Ecclesia in Præuaricatores vniuersos, siue in omnes inobedientes vtitur, non aliter quàm modò in Michææ loco habuimus, fore vt Ecclesia pascatur Assur in gladio & lanceis.

Psal. 81. Deus stetit in Synogoga siue cœtu Deorum, in medio autem Deos diiudicat (id est, Christus homo factus super ipsos Reges & Principes iudicium exercebit, eosque suam legem recipere & secundum eam iudicare coget, & per Legatos suos ita eos increpabit) Vsq̃ue quo iudicatis iniquitatem, & facies peccatorum sumitis? Iudicate egeno & pupillo, & pauperem iustificate. Eripite pauperem, & egenum de manu peccatoris seu potentioris liberate. Illi autem in peccatis obdurati obedire Euangelio Nescierunt, neque intellexerunt, in tenebris ambulant. propterea mouebuntur omnia fundamenta terræ, id est, propter Tyrannidem & falsam religionem omnes reges (quos Fundamenta suorum regnorum vocari Lutherum supra cap. xx i v. confitentem audiuiimus) conterentur virga ferea & ad nihilum redigentur. Ego dixi, Dij estis & filij excelsi omnes siue Angeli: Vos autem quoniam legem meam recipere, nec disciplinam vultis apprehendere, sicut homines plebei moriemini, & sicut vnus ex principibus ex alto nempe gradu præcipites cadetis. Surge deus, (tu Christe, qui Deus & homo es, exorere) iudica terram (quia scilicet isti gentiles Reges tantum dominantur & potestatem exercent) quoniam tu hereditabis in omnibus gentibus.] Hic rursus docemur, regnum

Z

Dauidi

Ecclesia potestatem spirituale.

Et sæcularis erga inobedientes exercenda.

Christus est iudex ipsorum Regum eosque si me. eantur, regno spoliatur.

Regum extra Ecclesiam descriptionis.

I.

Sunt Tyranni & iniusti.

II.

Amplectuntur falsam religionem.

Dauidi promissum esse Vniuersale super omnes gentes, & simul sæculare, quod Reges omnes ac regna terræ comminuit ac de medio tollit, idque propterea cum quia pauperes terræ iuste iudicari & ab iniquitate potentiorum liberari postulant, velut supra quoque ex Psalmo 71. didicimus: tum quia Reges nesciunt neque intelligunt, & in tenebris ambulant, siue, in falsa religione versantur. Itaque monentur *Psalm. 2.* vt intelligant & erudiantur ac disciplinam apprehendant: alioquin fore vt eis irascatur Dominus, & ipsi ab eo puniti pereant. *Psalm. 109.* Dominus confringet in die iræ suæ Reges, iudicabit in nationibus.

*Epilogus seu
conclusio prima
Parabola.*

*Quàm absurdū
ac demens sit
Angli Regis
consilium.*

1.

2.

3.

*Rex Anglus
contra se ipsum
hac Parabola
& sus est.*

Cum ergo iam quauis necessaria Mathematicorum argumentatione efficacius conclusisse videar, Ecclesiam siue Christi corpus vtriusque gladij, sæcularis & spiritualis potestatem habere, vosque Reges ac Principes in eo corpore non capitis, sed Brachij seu Manus rationem habere, & officium Manus non propter vos, sed ad corpus totum nutriendum, vestiendum ac tuendum sortitos esse: illuc tandem, vnde mea deflexit oratio, reuertor, vt dementia ac vesania diuinitus immixta Consilium regis Angliæ condemnem. Cum enim vos ipsos scripturas legere & intelligere, nec à Pontifice & Episcopis verum earum sensum discere iubet, eadem opera Manus oculos esse, nec sui capitis oculis uti iubet. Cum deinde vobis suadet, vt nequaquam Pontifici subesse, neque inferiores eo vlla ex parte videri velitis, simul etiam Manus ac Brachia docet capiti non subesse, nec eius influxum aut directionem recipere. Cum postremo auctor vobis est spoliandi Cleri, & omnia, quæ romana Ecclesia à maioribus vestris accepit bona, diripere ac prædari docet, perinde facit, ac si Manus iuberet cibum ori non ingerere, & vniuersum corpus vestibis spoliatum penitusque nudum destituere. Itaque mirari satis nequeo, cum huiusmodi consilium dare vobis rex Anglus constitutum haberet, cur Parabola corporis humani Reges ac Principes officij admonere voluerit, qua quidem nihil alienius, quodque magis proposito eius aduersaretur, afferri potuisse apparet. Sed agnosco veritatem diuini illius oraculi: *Quomodo si nascatur spina in mano temulenti* (qua quidem nemo magis, quàm temulentus ipse pungitur) *sic Parabola in ore stultorum*, Prou. 26.

PARA-

PARABOLA SE-
CVNDA.

ECCLÉSIA est similis Ciuitati in altissimo monte sita, quæ propter celsitudinem & splendorem solis perpetuum semper & ab omnibus videri potest. Huius Ciuitatis, seu reipubl. siue Regni Magistratus ac Legislatores sunt Papa Romanus & Episcopi: quorum ille velut Prorex Romæ, tanquam in Arce Ciuitatis habitat, in omnibus, quæ ad ipsum perferuntur causis sine prouocatione ius reddens: hi verò tanquam Duces & Principes suæ quisque Ecclesiæ cen Regioni certæ præsunt, & de rebus summam rempub. attingentibus Proregis accitu in senatum cōueniunt, quod Concilium appellatur, cuius Decreto non aliter subditi tenentur, quam si Prorex id sententia suarum esse iusserit. Ipse autem Prorex, siue Papa, etiam solus, sine Concilio, quæcumque ad reipub. statum pertinent, decernit, eique non secus, ac regi ipsi Christo, omnes dicto audientes esse oportet. Subditorum alij officium faciunt, ijque vel Ciues tantum, vel insuper Propugnatores ac Defensores siue Milites, quorum alij sunt grauis armaturæ, & pugnant vel gladio Spiritus, vt Sacerdotes, Theologi, Religiosi, vel gladio materiali, vt Reges, principes, omninoque sæculares Magistratus: alij sunt Velites siue levis armaturæ, tanquam eruditiores Laici aduersus Hereticos rem gerentes. Alij portò subditorum, officij minimè memores, seditiosis ciuibus ac turbarum auctoribus adherescunt, & aduersus Magistratus rebellant, vt Schismatici & Heretici. Iam Hostes sunt vel interni ac domestici, vt Caro, siue naturalis cuiusque ad vitia & affectus procliuitas: vel externi, vt Satan siue suasiones ac suggestiones Diaboli, & Mundus, hoc est, ansa & occasio aduersus Fidem, spem & charitatem peccandi, hominum siue vi aperta, siue fraudibus ac blanditijs oblata. Quorum omnium veritatem sacrarum literarum testimonijs iam demonstrabo.

Zachar. 8. Hæc dicit Dominus: Reuersus sum ad Sion, & habitabo in medio Ierusalem: & vocabitur Ierusalem, Ciuitas Veritatis, & Mons Domini, super quem edificata est Ecclesia, mons sanctificatus. Ecce ego saluabo populum meum de terra Orientis & de terra Occasus solis. Et adducam eos, & habitabunt in medio Ierusalem, & erunt mihi in populū, & ego ero eis in Deum in veritate & in iustitia.] Ecclesia igitur est Ciuitas veritatis in monte sanctificato, spiri-

*Ecce sum Regnū,
siue Respub. si-
ue Ciuitas Dei.*

*Ecclesia est ci-
uitas veritatis
in monte san-
ctificato.*

*In qua Dei po-
pulus habitat,
ac Deum in ve-
ritate colit.*

tualis seu mystica Ierusalem, in qua totus Dei populus habitat, De-
umq; in veritate & iustitia colit. *Sion*, siue, *Ara David* huius Ierusalem,
est Ecclesia romana supra Petrum Apostolorum Principem præci-
puè fundata, in qua mysticus David, siue rex, hoc est Pontifex habi-
tat, velut partim priore Parabola docui, partim infra copiosius doce-
bo.

*Ecclesia est ha-
bitatio opulenta;
ἀντάρκας.*

*Ecclesia Ele-
ctorum est visi-
bilis.*

*Pontifex & E-
piscopi sunt Re-
ges, & Legisla-
tores loco Dei.*

*Quia non ipsi
loquuntur, sed
Deus in ipsis.*

*Apostoli loco
Dei noua lege
onerant Chri-
stianos.*

*Non tantum
ratione scan-
dali.*

Isai. 33. Respice Sion ciuitatem solennitatis nostræ: oculi tui vi-
debunt Ierusalem, habitationem opulentam: Solummodo ibi magni-
ficus est Dominus noster. Populus qui habitat in ea, auferetur ab eo
iniquitas. Dominus enim iudex noster, Dominus Legifer noster, do-
minus rex noster: ipse saluabit nos.] Itaque videri oculis potest Ec-
clesia illa, quæ donis Spiritus sancti opulenta est, & cuius habitatores,
iniquitate ab eis ablata, saluantur, in qua sola deus est magnificus, seu
rectè colitur: quam *Ecclesiam Electorum* Lutherani dicunt, & minimè
Adspectabilem, sed Inuisibilem esse contendunt. Quod autem deus
huius ciuitatis Rex, Legifer & Iudex dicitur, nequaquam vetat, quin et-
iam Pontifex & Episcopi rectè Reges, principes, Legislatores & Iudi-
ces dicantur, velut priore Parabola multis scripturæ locis probauit.
Non enim vos estis (ait Christus Apostolis Matth. 10.) qui loquimini, sed
Spiritus Patris vestri, qui loquitur in vobis, & annunciat ea, quæ de meo accipitis
(Iohan. 16.) Itaque qui vos audit, me audit: qui vos spernit, me spernit Luc. 10.
Propter hunc Spiritum sibi datum per impositionem manuum pres-
byterij (Act. 13.) & in se habitantem, nihil dubitat dicere Paulus 2.
Cor. 13. An experimentum queritis eius, qui in me loquitur Christus? Et Apo-
stoli in Concilio congregati hoc Spiritu freti, Legislatoris partes sus-
cipere, & noua lege lata Christianos Gentiles obligare audent Act. 15.
Visum est spiritui sancto & nobis, nihil ultra imponere vobis ONERIS, quàm
hac NECESSARIA: vt abstineatis vos ab immolatis simulacrorum, &
sanguine, & suffocato, & fornicatione: à quibus custodientes vos, bene agetis.]
quasi dicant: sed ab his non abstinentes, peccabitis. Dixerat quidem Christus
in cruce, Consummatum est, eoq; verbo omnes Christianos à iugo legis
Mosaicæ liberarat. Nihilominus ipsius Christi Spiritus, in Apostolis
loquens, iam aliqua parte legis Mosaicæ Christianos onerat, non tan-
tùm, vt Iudæi æmulatores & mirifici amatores Legis minùs à religio-
ne Christiana abhorrent (nam si hæc modò fuisset causa, facile fuisset
eidem Spiritui corda eorum emollire, & Zelum, non secundum
scientiam, restinguere aquis gratiæ suæ, sicut de ipso Psalm. 147. ca-
nit: *Emittet verbum suum & liquefaciet ea flabit Spiritus eius, & fluent
aqua*)

aque) sed etiam vt Christiani aliqua lege Ecclesiastica ad obedientiam Pastoribus exhibendam, cum propter bonum ordinem, tum propter meriti occasionem obligarentur, sicut etiam vnius arboris abstinentiam Adam Deus imperauit, partim vt is hunc velut obedientie canonem sibi persolueret, Deumq; suum dominum recognosceret, partim vt merendi occasionem haberet, & ita propter suam quoque obedientiam aliquando in cælum transferretur. Igitur tanta fuit Christianis primæ Ecclesiæ, legis huius obseruandæ antiquitas, vt quamuis nemine, qui offendi posset, præfente, vel dirissimis cruciatibus emori, quàm suffocatorum animalium carnes aut sanguine distentos botulos seu farcimina manducare mallent, velut antiquissimus scriptor Tertullianus auctor est. Sed etiam Paulus eiusdem spiritus in sese habitantis fiducia Legislatorem præstitit. 1. Cor. 7. Iis qui matrimonio iuncti sunt, præcipio non ego, sed Dominus. Ceteris ego dico seu præcipio, non Dominus. De Virginibus præceptum Domini non habeo, consilium autem do. Vidua cui vult nubat, tantum in Domino. Beatior autem erit, si innupta permanferit secundum meum consilium: puto autem, quod & ego Spiritum Dei habeam] 1. Cor. 11. Laudo vos, quod sicut tradidi vobis, præcepta MEA (non Domini) tenetis.] Tale præceptum ibi ponit, vt viri comam ne nutriant, nec operto capite orent: mulieres contra ne tondeantur, & orantes caput velatum habeant. 1. Thes. 4. Qui hæc spernit, non hominem spernit, sed Deum, qui etiam dedit spiritum suum sanctum in nobis.] Nimirum Apostoli spiritum iudicij acceperant, sicut Isai. 28. promissum eis fuerat: Spiritus iudicij erit sedenti super iudicium. Et quia Christus simul cum spiritu Dei Iudex & Legislator factus fuerat (Isai. 42. Ecce seruus meus, in quo sibi complacuit anima mea: dedit spiritum meum super eum: ponet in terra iudicium, & Legem eius insula expectabunt) Oportet vt Apostoli eandem potestatem similiter acceperint. Sicut enim me misit Pater, ita ego mitto vos: accipite Spiritum sanctum (Ioh. 20.) Ille spiritus Veritatis, deducet vos in omnem veritatem non loquetur à semetipso, sed de meo accipiet & annuntiabit vobis (Ioh. 16.) Ille in vobis erit, & vobiscum manebit in æternum (Ioh. 14.) Igitur Spiritus ille Christi Iudices & Legislatores eos, quibus datur, efficit vt pro Lege Christi ipsius, non pro Traditione aut mandato hominis haberi, & necessario obseruari debeat, quicquid Ecclesia siue Pastores vel Episcopi, spiritu illo donati præcipiunt. Nec enim Apostolis tantum promissus aut donatus fuit, sed

Sed etiam et potestate viretur

Obedientiæ prima Ecclesiæ in obseruanda Apostolorum lege

Paulus Legislatorem agit,

Quia spiritum Dei habet.

Spiritus Dei tribuit potestatem iudicandi & leges ferendi.

Ille autem spiritus semper manet in Episcopis.

& semini siue filijs aut successoribus eorum in eternum. *Isai. 59.* Cum venerit Sion siue Ecclesie redemptor eius, hoc fœdus meum cum eis, dicit Dominus (id est, hoc ego velut fœdere facto & consignatis tabulis, præsisturum me ipsis promitto, quod iam sequitur) Spiritus meus, qui est in te (*Christe*) & verba mea, quæ posui in ore tuo, nō recedent ab ore tuo, nec ab ore seminis tui (*Apostolorū*) nec ab ore seminis seminis tui (*Episcoporū*) amodo dicit Domin⁹ & vsq; in sempiternū] Igitur hunc eūde Spiritū simul cum verbo non modo Paulus Apostolus, sed etiam semen siue filius eius, Timotheus, Ephesi Episcopus, habebat. *2. Tim. 1. & 1. Tim. 4.* Noli negligere gratiam (*Spiritus sancti*, nam diuisiones gratiarum sunt, idē autem Spiritus, diuidens singulis pro ut vult, *1. Cor. 12.*) quæ est in te, quæ data est tibi per impositionem manuum Presbyteri. Bonum depositum custodi per Spiritum sanctum qui habitat in NOBIS. Formam habe sanorum verborum, quæ audisti à me.] Nempe Spiritus sanctus est velut *Theca*, verbum, ab Apostolis apud Episcopos depositum, custodiens. Et quia sicut ipse Paulus *Act. 13.* gratiam Spiritus sancti Episcopalem (nam gratiam Apostolatus prophetiæ ac miraculorum, iam ante à Christo immediatē (*Galat. 1.*) sed gratiam fidei, spei, & charitatis in baptismo, & gratiam fortitudinis in manuū impositione siue confirmationis Sacramēto per Ananiam acceperat *Act. 9.*) sicut ergo Paul⁹ gratiam Episcopale, siue potestatē manus imponendi & Sacramentū confirmationis (*Act. 8, 17. & 19.*) itēq; Sacramentū ordinis administrandi, aut Presbyteros atq; Episcopos constituendi, & in vtroq; Sacramento Spiritū sanctū communicandi per impositionē manuū presbyterij (*Act. 13.*) acceperat; eandē Timotheo gratiam manuū impositione impertitus est: propterea de illo *1. Cor. 16.* scribit: Si venerit Timotheus, videte vt sine timore sit apud vos. Opus enim Domini operatur, sicut & ego. Ne quis ergo illū spernat] Quasi dicat: Cum sit Episcopali dignitate affectus, perinde ac ego (nam Episcopatus erat opus illud bonū, quod Timotheus operarius Dei inconfusibilis operabatur, *1. Tim. 3. et 2. Tim. 2.*) Spiritū quoq; sanctū in te habitantē habet, ac ppter ea qui ipsū vel audit vel spernit, audit vel spernit Christū. Quia igitur idē Spiritus, qui Apostolos Iudices, Legislatores, Principesq; fecit, etiam in Apostolorū semine siue Episcopis, in eternū manet, in eisq; habitat & loquitur, nemo cōtradicare potest, quin etiam Episcopi, Ecclesie Iudices Legislatores, Principesq; habeantur, de quib⁹ supra Cap. 28. copiosē disserui, cū hæc Isaie verba declarauit, *Isaiæ. 32.* Ecce in iustitia regnabit Rex, & Principes in iudicio præerunt.

Nota

Quæ Spiritus
sancti dona,
quando & quo-
modo Paulus
acceperit.

Quæ dona cum
Episcopis com-
municauerit.

Episcopi sunt
Principes, Legis-
laiores & Iudi-
ces Ecclesie.

Non caligabunt oculi videntium, & aures audientium diligenter auscultabunt. Princeps ea, quæ digna sunt Principe cogitabit, & ipse super Duces stabit.

Quibus verbis etiam exsuperantia siue eminentia Summi Pōtificis quam habet præ ceteris Episcopis satis apertè continetur. Episcopi enim velut Principes ac Duces in iudicio quidem illi præfunt, & in iudicando ac declaranda Dei Lege non caligant, dum tamen stent sub Pōtifice eiusq; sētētiæ velus Regis ac suprēi Principis se decretūq; suū subiiciāt: id q̄ ita fieri oportere supra Cap. 29. ex Isaia cōstitit. Quauis autē Νομοθεσίαν, siue ius leges nouas iubendi ac veteres abrogandi Episcopis in concilio congregatis, atq; adeo Pontifici vel absq; concilio, tribuamus, non continuo Legem Dei, siue sacram scripturam, quod Heretici calumniantur, velut imperfectam mancā ac mutilam ignominia afficimus. Sapienter enim Plato in IV. de Repub. monet, eos, qui in rebus forensibus ac iudicijs describendis & κατὰ μέγας subtiliterq; explicandis multum occupentur, desipere, & tamquam Hydræ capita amputare velle. Cū enim summa sit factorum & rerū humanarum varietas, vel potius ἀπειρία siue infinitas, necesse est, vt multa legislatorem prætereant ac fallant, neq; omnia prouideri, multo autem minus scripto comprehendī possint. Satis ergo est leges ac iura κατὰ λόγον καὶ γανικῶς, hoc est, Quinctiliano interprete, per vniuersum & per singula genera siue generaliter conscribi, eaq; sanciri, quæ ἐπὶ τὸ πλεῖστον seu plerumq; accidunt: res autem singulas, quæq; rariùs eueniunt, prætermitti, ac Iudicum & Magistratuum fidei prudentiæq; integra relinqui, vt in rebus scilicet ac iudicijs priuaris Iudex Legis rigorem Aequitate relaxet, Magistratus autem in ijs, quæ reip. statum attingunt, Legis τὸ ἐλλείμμα seu Defectum psephismate siue Edicto, Decreto aut noua rogatione sarciat suppleatq; Et quamuis plus omnino Legibus, quam hominibus in repub. committendum esse rectè Aristoteles moneat, propterea quod Lex sit perpetuo sui similis, neq; ira, odio, amore, spe, metu alijsq; perturbationibus deprauetur, quib⁹ Magistrat⁹, ac iudices obnoxij esse possūt, vt gratiæ, odio, beneficio locū relinquant: idē tamē simul docet, eam nō Legis aut Legislatoris culpā esse, quod nō nisi de vniuerso genere deque ijs quæ sæpius accidunt, precipiat, sed rerum agendarum naturam ita ferre, ac satis officio functum esse Legislatorem, si Lex ipsa Magistratum aut Iudicem erudiat, vt nimirum rationibus ac generalibus præceptis Legis eū cura consideratis, eorumq; comparatione instituta, quid de rebus singulis, nouisq; negotijs decernendum sit, perspiciat: Tum enim perinde esse, ac si Legislator ipse in re præsentī adesset, su-

Leges humana
non sunt culpā-
da, etiam si non
omnia definiāt:

Et generaliter,
ac de ijs modo,
quæ plerūq; acci-
dunt, statuunt.
Iudex quoq; &
bono Legem cor-
rigit.

Magistratus pse-
phismate candē
supplet.

Lex ipsa Iudi-
cē & Magistra-
tum erudit.

amq;

*Multò minus
Lex Dei & istius
est, etiam si non
omnia definit*

*Cum Legislator
ipse semper præ-
sens sit eamque
declaret, corri-
gat, suppleat.*

*Sacerdotibus
ue Episcopis re-
sistētes blasphemant Deum.
Core & pariti-
pes eius se quod
Sacerdotes esse
iustabāt, adeo-
que Aaroni re-
sistebant.*

amq; Legem eodem modo siue corrigendam, siue Supplendam, siue intelligendam esse diceret, velut V. *Ethic.* X. & III. *Polit.* XI. & XII. videre est. Quanto magis igitur omni vitio & culpa Lex Dei, siue Sacra scriptura, vacat, cuius interpretandæ, supplendæ, mittigandæ, prolatandæ & augendæ prouinciam ipse Legislator, Spiritus sanctus, exercet? Non enim Papa est, qui hoc aut illud præcipit; non Episcopi in vnū congregati, sunt, qui hoc aliudue onus subditis imponunt, sed spiritus Dei, qui loquitur in ipsis, quem Deus simul cum verbo suo non tantum in ore Christi, sed etiam in ore seminis eius, Apostolorum, & seminis feminis eius, siue Episcoporum ita positurum se promissit, vt inde in æternum non recederet, *Isai.* 59. Itaq; sicut Petrus Ananiam sibi mentientem, Spiritui sancto, non sibi mentitum esse dixit *Act.* 5. propterea quod sibi velut omnium Christi ouium Pastori (*Ioh.* 21.) & *fideli prudentiq; Dispensatori, quem Constituerat Dominus supra familiam suam* (*Luc.* 12.) Spiritum sanctum Deus dedisset: similiter Papa sibi resistentes ipsi Spiritui Sancto restinere rectè dicit. Et quem admodum Apostoli ac seniores in vnum congregati suum Decretum ipsius Spiritus sancti Decretum esse verè affirmant (*Act.* 15.) propterea quod se Christus cum ipsis in nomine suo congregatis ad finem vsq; mundi fore promiserat: (*Matth.* 18. & 28.) eodem modo hodie quoq; Episcopi, quos Spiritus sanctus posuit *REGERE Ecclesiam Dei* (*Act.* 20.) quod sibi præcipere visum fuerit, ipsi Spiritui sancto visum esse iure credi postulant, cum idem opus operentur, quod Apostoli ac seniores, ac propterea sine peccato & iniuria ipsius Spiritus sancti sperni nequeant (*1. Cor.* 16.) Quemadmodum deniq; Paulus Alexandrum, quod valde verbis suis restitisset (*2. Tim.* 4.) velut *Blasphemum* & ipsius spiritus sancti in in Paulo loquentis contemptorem *Satana* tradidit (*1. Tim.* 1 & *1. The.* 4, 8.) quo exemplo *Numer.* 16. de Core, Dathan & Abiron scriptum legitur vers. 30. quod *blasphemauerint Dominum*, quippe qui aduersus Aaronem murmurassent, eiq; subesse recusassent: *Omnis multitudo sanctorum est* (dixerant) *cur igitur vos Sacerdotes eleuamini super populum Domini?* id est: Nos omnes à Deo sanctificati, & Sacerdotes sumus: iniquum ergo est, vt vos soli Sacerdotio fungamini. Quibus Moses: *Ecce conone* (inquit) *vos Leuitas Deus ab omni populo separauit & iunxit sibi in ministerium suum, vt vobis etiam Sacerdotium vindicetis, & omnis globus vester stet contra Dominum?* quis est enim Aaron, vt murmuretis contra eum? quasi dicat: Deus Aaronem elegit & sanctificauit in Sacerdotem: quare Deus ipse est, cui resistitis,

non

non Aaron, adeoq; Deum blasphematis. Similiter qui hodie Pontifici resistūt atq; Episcopis, quod omnes Christianos sanctos & Sacerdotes esse contendunt, (id quod facit Lutherus *Tom. 6. Ger. Witt. ad Nobilitatē Germaniæ fol. 545.* Quicquid, inquit, ex Baptismo emerfit, potest gloriari, quod iam sit consecrat⁹ Sacerdos, Episcop⁹ & Pontifex. *Et Tom. 6. Ger. Ien. de Missa angulari fol. 95. §. 4.* Nos Lutherani, non ordinati, sed nati Sacerdotes esse ac vocari nostrumq; Sacerdotium hereditario iure tamquam à parentibus ad nos transmissum obtinere volumus. *Tom. 2. Lat. Witt. de Captiuitate Babyl. fol. 77. vel 80. b. §. 5.* Neq; Papa, neq; Episcopus, neq; ullus hominum habet ius vnus syllabæ constitutendæ super Christianum hominem, nisi id fiat eiusdem consensu: quicquid aliter fit, tyrannico Spiritu fit.) eos Deum ipsum in ore Pontificis & Episcoporum loquentem contemere ac blasphemare, Satanæq; potestati permisos esse fateri oportet.

Idem facit Lutherus & participes eius.

Sunt igitur blasphemæ meritoq; Satana traditi.

Psal. 47. Magnus Dominus & laudabilis nimis in Ciuitate Dei nostri, in monte sancto eius. Fundatur exultatione vniuersæ terræ mons Sion, Ciuitas Regis magni. Sicut audiuius (*vel à prophetis prædictum vel ab alyis nunciatum*) Sic vidimus in Ciuitate Domini, in Ciuitate Dei nostri. Deus fundauit eam in æternum (*id est, super petra tam firma edificauit, ut in æternum sit duratura*) Ecce Reges terræ congregati sunt, cōuenerunt in vnum (*ut ædificationem huius Ciuitatis impedirent, sed frustra*) Ipsi videntes sic admirati sunt, conturbati sunt, commoti sunt: tremor apprehendit eos: ibi dolores (*eis exorti sunt*) ut parturientis. Ergo Reges gentium, qui oppugnare Ecclesiam statuerant, aliquid diuinum & admirandum in ea viderunt, quod eos non modo oppugnationis consilium abijcere, sed vltro etiam velle ciues & habitatores hui⁹ Ciuitatis fieri coëgit. nam parturientes tandem pariunt Spiritum salutis, ut scilicet saluari velint, velut *Isai. 26.* legimus: Concepimus & quasi parturiuimus, & perperimus spiritum salutis tuæ, quam fecimus in terra (*cum alios per prædicationem verbi tui eodem Spiritu salutaris timoris impleuimus*) ideo non ceciderunt sed fide steterunt, habitatores terræ. Talem Spiritum Salutis pepererunt illi *Act. 2.* qui auditis Petri verbis compuncti sunt corde, & non ceciderunt. Dices: quid ergo tam Admirandum in Ecclesia Reges illi viderunt, ut eam diuinum opus esse crederent, & ad eam conuerteri vellent? Respondeo, summam montis huius, cui ciuitas est imposita, celsitudinem, & ingentem, quo perpetuo Ciuitas illustratur, lucis splendorem, velut iam apparebit.

Ethnici aliquid diuinū in Ecclesia vident, quod admirantur.

Quid moueat Ethnicos, & Christiani velint fieri.

A a *Isai. 2.*

ISA 1. 2. Erit in nouissimis diebus præparatus Mons domus Domini (in quo edificabitur domus Domini, siue Ecclesia) in vertice montium, & eleuabitur super (omnes) colles, & fluent ad eum omnes gentes. Et ibunt populi multi, & dicent: Venite & adscendamus ad montem Domini, & ad domum Dei Iacob, & docebit nos vias suas, & ambulabimus in semitis eius: quia de Sion exibat lex, & verbum Domini de Ierusalē. Et iudicabit (Christus) gentes, & arguet populos multos &c.] Igitur altitudo huius montis, stupore gentes defigit, eosque spiritum salutis parere facit, ut & ipsi ad montem hunc accedere, & ciues huius ciuitatis, siue habitatores huius domus, hoc est, Christiani fieri, & à Christo iudicari desiderent. Animaduersione dignum est, quod aliquam Ecclesiam NOTAM habeat, ex qua vel Gentes, quæ nōdū sciunt quicquam de verbo Dei, neque doctrina Ecclesiæ virum ea sacræ scripturæ sit consentanea, existimare possunt, nihilominus eam verè domum Dei, siue veram Ecclesiam esse colligant. Perspicuè enim hic dicitur, Gentes ac populos nōdū scire vias & semitas, siue legem Christi aut verbum Dei, sed ideò ad Ecclesiam sese recipere, ut ibi demum doceantur vias & semitas Dei, siue, quid credendum & faciendum sit: additurque hæc ratio, quia Legem Christi siue Dei verbum rectamque eius interpretationem, ex Sion siue ex Ecclesia exire oporteat, quod etiam Psal. 109. docet: Virgam virtutis suæ emittere Dominus ex Sion, dominare in medio inimicorum tuorum.] Itaque magnoperè nugantur huius ætatis Hæretici, qui vnam Ecclesiæ NOTAM faciunt, veram doctrinam seu veram scripturæ interpretationem, & legitimam Sacramentorum administrationem: quasi vero Gentes perinde ac ipsi hoc modo ratiocinentur: Hic verbum Dei rectè declaratur & sacramenta rectè administrantur. Igitur hic vera est Ecclesia. Quod contra sic nos spiritus sanctus cogere siue argumentari docet: Hic vera est Ecclesia. Ergo hic verè docetur & rectè sacramenta dispensantur. Quomodo enim Gentes & populi iudicabunt, quæ inter tot Religiones verè doceat, seu scripturam interpretetur, cum ideò velint Christiani fieri, quod nondum quicquam de scriptura sciunt, multo minus intelligant, adeoque nec de varijs eius interpretationibus iudicium facere possint, sed ab Ecclesia demum, quid scriptura, seu Verbum Dei & Lex Christi præcipiat addiscere velint? Igitur vera minimeque fallax Ecclesiæ Nota est, altitudo sanctificati huius Montis, cui Ecclesia ipsa est imposita. Nam Hæreticorum conuenticula sunt Colles siue Montes Humiliores. His longè altior, & velut in vertice montium omnium sita est vera Christi Ecclesia. Itaque Gentes, quæ sunt ab Ecclesia longè sunt (ut ait Scriptura Act. 2. Vobis Iudæis facta est promissio, & omnibus, qui longè sunt, siue Gentilibus, quoscumque aduocauerit Dominus

*Nota Ecclesiæ,
ex qua Gentes
eam agnoscant*

*Quodnam sit
Verbum Dei, ab
Ecclesia disci de-
bet.*

*Hæretici quam
Ecclesiæ Notam
faciant.*

*Vera Ecclesiæ
Nota.*

*Gentes longè
sunt ab Ecclesia
longè sunt
,emoti.*

nus. *Ephes. 2.* Vos *Gentiles*, qui aliquando eratis longè, facti estis propè; & iam non estis hospites & aduenæ, sed ciues sanctorum & domestici Dei. Itaq; *Jerem. 31.* dicitur eis *Dominus longè apparuisse*, siue ex longinquo visus esse) Gentes ergò, quæ longè sunt, humiliores illos montes non vident, sed solum Montem illum eleuatam super colles, & Ciuitatem Dei in vertice montium. Nam quæcumq; *Ciuitas supra montem* posita est, non potest abscondi siue inuisibilis esse, ait Christus *Matth. 5.* si præsertim perpetuo solis lumine collustretur. quod in Ecclesia fieri, iam docebo. Esse autem colles siue Montes humiliores falsorum Christianorum conuenticula, *Jerem. 50.* docemur: Grex perditus factus est populus meus (*illi scilicet, qui Hæresin seu falsam doctrinam sectantur*) Pastores eorum seduxerunt eos, feceruntq; eos vagari in montibus: de Monte (*illo altissimo, hoc est, de Ecclesia*) in collem transierunt, obliiti sunt cubilis sui omnes, qui inuenerunt, comederunt eos] Id est, postquam semel ex Ecclesia exiuerunt, & Hæretici facti sunt, modò huic, modò illi Hæresiarchæ prædæ fuerunt: modo Puritani, modò Lutherani, modò Anglocaluinistæ euaserunt. Quid autè in hac tanta sectarum diuersitate facturi sint illi, qui ex Gentilibus Christiani fieri desiderant, hoc modo ibidem docemur: In diebus illis & in tempore illo, venient filij Israel, ambulantes & flentes properabunt, & Dominum Deum suum quærent. In Sion (*ad Ecclesiam*) interrogabunt viam, huc facies eorum (*id est, ad montem Sion altissimum oculos conuertent & ad eum iter dirigent*) Venient & apponentur ad Dominum fædere sempiterno, quod nulla obliuione delebitur]

Et tamen Ecclesiam Christi vident.

Sed non item Hæreticorum conuenticula,

CAPVT LVII.

CAUSA alia, cur ad hunc altissimū montē, nō ad colles siue, cur ad Catholicam Ecclesiam, nō ad Hæreticorum conuenticula eant illi, qui Christiani volunt fieri, hæc in scripturis redditur, quod hic Mons cum aliquanto propius Gētiles accefferunt, deprehendatur ab ijs immobilis & fructuum cuiusquemodi feracissim⁹ ac pastioni maximè idone⁹: colles vero, instabiles & infecundi, hoc est, quia Catholica Ecclesia semper durat, & verbum ac sacramēta dispēsat: Hæreticorū vero cōuenticula nascuntur & intereūt, nec perpetuū suæ religionis saltē in aliquo vno Orbis loco habent exercitiū. *Isai. 54.* sicut in dieb⁹ Noe iuraui, ne inducerem aquas vltra supra terram: sic iuraui, vt non irascar tibi (*Ecclesia*) & non increpem te. Montes enim commouebuntur, & colles cōtremiscent: misericordia autē mea nō recedit à te, & scædus pacis meæ non mouebitur] Hoc aliter *Isai. 41.* promissum legimus:

Alia Nota est qua Gētiles Catholicam Ecclesiam ab Hæresibus inter noscere quæunt.

Ecclesia semper durat,

A a 2

Ne

*Hæreses subin-
de intereunt,
Vide infra cap.
71.*

*Ecclesia defini-
tio.*

*Ecclesia semper
habet Episcopos
ac Sacerdotes.*

*Hæretici mēti-
untur Ecclesiā
posse deficere.*

*Deus Ecclesia
Spiritus Veri-
tatis sine condi-
tione promissit.*

Ne timeas Israël serue meus, semē Abraham, amici mei: Ecce confun-
dentur & erubescēt omnes, qui pugnant aduersum te: Erunt nō quasi
sint, & peribunt viri, qui contradicunt tibi. Quæres eos, & non inue-
nies, viros rebelles tuos (*Hæreticos*) erūtq; quasi nō sint.] Hos Ecclesiæ
rebelles mox ibidē colles vocat: Ego posui te quasi plaustrū triturans
nouū, habens rostra serrantia: triturabis Mōtes & comminues: & col-
les quasi puluerem pones. Ventilabis eos, & ventus tollet & turbo
disperget eos: & tu exultabis in Domino, in sancto Israel lætaberis.]
Cuiusmodi autē fæd⁹ pacis cū hoc magno Monte fecerit, nō vno scrip-
turæ loco expressū est. Iere. 33. *Hæc dicit Dominus: Adhuc erit in loco isto*
deserto absq; homine & absq; iumento, habitaculum pastorū accubantiū gregum]
Id est, loco Synagogæ Iudaicæ erit Ecclesia, quæ non est aliud, quàm
habitatio Pastorū, qui pascunt greges iuxta ipsos accubantes. Pastores
autē hos, esse Episcopos & clericos, sub vno Rege Dauide, siue Ponti-
fice congregatos sic ibidē docet: Si irritū potest fieri pactū meū cum
die & nocte, vt nō sit dies & nox in tempore suo: etiam pactū meū iri-
tū esse poterit cum Dauid seruo meo (*id est, cum Christo, mystico Dauide*)
vt nō sit ex eo fili⁹, qui regnet in throno eius, & Leuitæ & Sacerdotes
Ministri mei.] Igitur hic Mons nūquam commouetur, sed perpetuo
durat, & perpetuò ac sine interruptione habet hæc Ciuitas vnū Ponti-
ficē, qui regnet in throno Christi, & Sacerdotes ac Leuitas, Deo mini-
strantes, hoc est nō modò sacrificantes, sed etiam Legē interpretantes
& iudicia exercentes. nam hoc Sacerdotū officiū esse, supra copiosè
demonstrauī. Viderint ergò Hæretici, quomodo Ecclesia Christi de-
ficere, & in Hæresin incidere, siue falsò scripturas interpretari possit.
Certè Deū pacto non stetisse, & periurū esse factū, affirmat oportet.
Neq; enim certis legib⁹ aut conditionib⁹ Deus cū Ecclesia pact⁹ est, si
nēpe Legē eius seruet, & à Verbo ipsius non recedat. Nam hoc ipsum
est, quod se, se ipsum, inquam facturū pepigit, daturū se scilicet Eccle-
siæ suæ Spiritus sui gratiam, vt Legē eius violare, & à Verbo Dei re-
cedere nullo modo possit. Iere. 32. Ecce congregabo eos (*Christi-
anos*) de vniuersis terris & reducam eos ad locum istū (*in montem Sion
siue Ecclesiam*) & habitare eos faciam confidenter. Et erunt mihi
in populum, & ego ero eis in Deum. Et dabo eis cor vnum, & viam
vnā (*in Catholica Ecclesia erit concordia, & vna tantum Religio*) vt
timeant siue colant me vniuersis diebus, & benè sit eis, & filiis eorum
post eos. (*quamdiu?*) Et feriam eis pactum sempiternum, & non
desinam eis benefacere, & timorem meū dabo in corde eorū, vt non

RECEDANT

RECEDANT à me. *Ierem. 31.* Ecce dies venient, dicit Dominus, & feriam domui Israel & domui Iuda Fœdus nouum, non secundum pactum, quod pepigi cum patribus eorum, pactum quod irritum fecerunt, & ego dominatus sum eorum (*id est, seruiliter eos tractaui & in captiuitate redegi*) Sed hoc erit pactum, quod feriam cum domo Israel post dies illos: Dabo Legem meam in visceribus eorum, & in corde eorum, scribam eam, & ero eis in Deum, & ipsi erunt mihi in populum] *Ezech. 36.* Ecce ego ad vos montes Israel (*ô Ecclesia in monte altissimo, qui multorum montium instar est, sita*) conuertar ad vos, & arabimini, & accipietis semetem, & replebo vos hominibus & iumentis, & multiplicabuntur & crescent: & habitari vos faciam, sicut à principio, bonisq; donabo maioribus, quam habuistis ab initio. Et effundam super vos, dom^o Israel, aquam mūdā (*baptismi*) & mundabimini ab omnibus inquinamētis vestris. Et Spiritum meum ponam in medio vestri, & faciam ut in præceptis meis ambuletis, & iudicia mea custodiatis & opèremini.] Igitur ppter Spiritum veritatis ideo in Ecclesia positum, ut eam deducat in omnē veritatē, non potest Ecclesia à verbo Dei recedere, aut aliter, quam Deus in Verbo suo, docere, tametsi Hæretici eam calumniantur, & erroris, siue, scripturæ non verè intellectu, insimulent: quidē facturos eos, sed irritum ac vano conatu, iam olim Spirit^o sanctus apud *Isaiā cap. 54.* prædixit eo ipso loco, quo monti Dei ppetuam durationē pmittit: Ecce ego creauī Fabrum sufflantē in igne prunas (*noua scripturæ interpretationes comminiscētē*) & pferentem vas in opus suum, & ego creauī interfectore ad disperdendum. Omne Vas, q̄ fictum est contra te, non dirigitur (*nulla falsa scripturæ interpretatio Hæresin continens, successum habebit, quare? quia*) omnem linguam resistantem tibi in iudicio, iudicabis.] *quasi dicat*: Etiam si Gentilis præfens tuam, ô Ecclesia, cum Hæretico disceptationem audiat, perspicuum ei erit, ipseq; manifestò videbit, eum à te superari. Fingamus enim venire Ethnicum, & velle Christianum fieri. Catholica Ecclesia eum sibi certat adiungere, sed impedire conatur Lutherus, propterea quia Ecclesia Verbum Dei adulterarit falsoq; doceat, idq; exempli causa, allato in medium Inuocationis Sanctorum, aut cōmunionis sub Vna specie articulo probare contendit. Quærit ex ipso Ecclesia: Quis tibi Verbū Dei tradidit? à quo scripturam accepisti? Respōdet Lutherus: Cogor sciteri, quia verū est, te habere verum Dei verbum, verum Apostolatū, & verum nucleū Christianitatis, neq; sacrā scripturam, baptismū, sacramenta, & prædicandi officium à Te accepisse: alioquin nihil de istis omnibus ego scirem: velut

*Fœdus Dei cū
Ecclesia aliud
est, quam cum
Synagoga.*

*Ecclesia non potest
errare, neq;
Verbo Dei recedere.*

*Ecclesia iudicat
Hæreticos sibi
contradictantes.*

supra cap. vi. totidem ferè verbis confitentem Lutherum audiuius, tametsi etiam ipso tacente satis res ipsa vociferatur, cum Lutherum in Ecclesia Catholica baptizatum, in Scholis Catholicis eruditum, & Catholicum monachum fuisse constet, & de Catholica Germaniæ fide ipsi etiam parietes & fenestræ Ecclesiarum testentur. si nunc replicet Ecclesia. Qui ante centum, ducentos, trecentos, atque adeo mille annos Christianus fieri volebat, quò tandem se conferre, & vnde veram Christi fidem discere debuit? Nempe alterutrum Lutherus respondere cogitur, aut ad Ecclesiam, quæ videbatur, & adiri poterat, accedendum fuisse, quo pacto se victum fatetur; aut neminem à quoquam, priusquam ipse exortus esset, veram fidem discere, & Christianum fieri potuisse, hoc est, suam doctrinam Nouam & à se modò inuentam esse: quæ res non modò apertissimis scripturæ verbis iam sæpius allatis, in primis autem loco huic Isai. 60. contradicit: *Aperientur portæ tuæ, ò Ecclesia, iugiter, die ac nocte non claudentur, ut afferatur siue cõuertatur ad te fortitudo Gentium & Reges earum adducantur, seu Christiani fiant*] Sed etiam ab auditore Gentili sua sponte vanitatis & inanis iactantiæ condemnatur. Est ergò, ut dixi, huius Magni montis, cui imposta cernitur Ecclesia, perpetua duratio & secunditas, causa, propter quam Gentiles, nihil adhuc de Verbo Dei scientes, potiùs ad illum, quàm ad Colles, qui commouentur & contremiscunt, hoc est, ad nuper

*Ecclesia Dei in
quali monta
ta.*

exorta Hæreticorum conuenticula, & mox, sicut prioribus quoque sæculis nusquam fuerunt, interitura, malint accedere. *Mons Dei, mons pinguis, mons coagulatus* (caseo ac butyro, siue omnibus bonis abundans, ait Psal. 67.) *ut quid suspicamini Montes coagulatos?* (frustra putatis in alijs montibus, seu collibus, talem pinguedinem & vbertatem inueniri. Non est enim nisi vnus Mons eiusmodi) *Mons, in quo beneplacitum est Deo habitare in eo: etenim Dominus habitabit in finem, siue perpetuo*] Nihil ergò colles Hæreticorum ad Ecclesiæ montem. *Verè mendaces erant Colles, & multitudo montium, aiunt illi, qui desertis collibus in montem*

*Hæreses sunt
Colles steriles,
Sepribus ac spi
nis obsiti*

*Spina siue Af
fectus in ani
mis Hæretico
rum.*

redeunt, filij reuertentes, quorum auersiones sanat Deus, Ierem. 3. De eorundem collium sterilitate vaticinatur Isaias cap. 7. Et erit in die illa: Omnis locus, ubi fuerint mille vites (quæ venderentur singulæ) mille argenteis, in spinas & in vepres erunt.] Id est, Hæreticorum corda, quæ quondam fuerant ager feracissimus seu vinea fertilissima, spinis & vepribus oppleta erunt, in quibus etiam si verbum Dei seminabitur, siue etiam si eis fides vera scripturæ verbis probabitur, tamen fructum afferre non poterit, quia semē, seu verbum Dei suffocatur à spinis, hoc est, primum

primum à voluptatibus vitæ, seu scortando, vorando & potando & opioni suæ proprio Marte inuentæ, siue aliunde, præsertim in pueritia, instillatæ, obstinatè inherendo (nam obstinationis sententiæ siue Perinaciæ causa est *Voluptas*, vt egregiè in VII. *Ethicor. Nicom. cap. IX.* disputat Aristoteles) deinde verò suffocatur in Hæreticorum cordibus seminatum Dei verbum. à *curis seculi*, hoc est, à metu effundendi amicorum & propinquorum gratiam, siue odium hominum incurrendi; postremo à *fallacia diuitiarum*, siue lucri amittendi sollicitudine, cum Principes quidem Ecclesiæ bona teneant, priuati autem vsurarij sint, aut alioquin sibi, vxoribus liberisq; famem ex professione Catholicæ fidei impendentem metuant: quomodo Christus ipse *spinas* interpretatur Matth. 13. & Luc. 8. *Iam de huiusmodi Vepretis pergit Isaias vaticinari: Cum sagittis & arcu ingredientur illuc: vepres enim & Spine erunt in vniuersa terra (id est, tanta erit aspidum seu serpentum inter Vepres & Spinas sapientia multitudo, quemadmodum Ecclesiæ 10. Qui dissipat sepem, mordebit eum coluber, sub vepreto scilicet sapientia delitescens: hoc est, tam subdoli homines & astuti inter Hæreticos inueniuntur, qui falsa scripturæ interpretatione se promptè sciunt defendere, vt nemo ad illos Catholicus, nisi probè armatus, sine euersionis periculo accedere queat)* Et omnes montes, qui in sarculo farrientur, non veniet illuc terror Spinarum & Veprium, & erit in pascua bouis, & in conculcationem pecoris.] *Id est*, hominum corda, qui sunt in vera Ecclesia, seque à Vinitoribus & agricolis, siue Episcopis, fodi, excoli & putari patiuntur, non ita Spinarum multitudine terrori erunt. Cum ergo Gentiles apud Catholicos tam ingentia misericordiæ & charitatis opera passim fieri, tot Collegia, Xenodochia, Monasteria, Orphanotropheia, Tempia, regijs impensis excitari ac ditari, tam multos nobilissimis familijs editos, & omnibus animi, corporis ac fortunæ bonis affluentes, nuncium sæculo remittere, & in aliquo Religioso Sodalitio asperrimam vitam agere, mendicando victum ostiatim querere, Deum nocturnis ac diurnis precibus placare, concionando, docendo, scribendo, confessionibus peccatorum audiendis, ægris visitandis, animam agentibus alloquium pium commodando, generis humani vtilitatibus seruire: cum è diuerso Hæreticos eiusmodi esse vident, quales supra cap. I. x. & XI. Lutheri, Caluini, Musculi, Sarcerij & Smidlini verbis depinximus: nempe *Montem hunc magnum*, qui Ciuitatem Dei, siue Ecclesiam sustinet, *pingue & fertilem*, colles verò humilioresq; montes Hæresion nihil nisi *spineta & vepreta* esse iudicant, adeoque illum altissimum Montem ascendere, & in Ciuitate Dei ciues fieri, & vias ac semitas eius doceri malunt.

*Serpentes in spinis
necis Hæreticorum.*

*Ecclesia Spinis
cuiet.*

*Quid Gentiles
apud Catholicos
videant ac
probeant.*

*Quid apud
Hæreticos.*

*Lux ducit Gen-
tiles ad Eccle-
siam.*

PSAL. 42. Emitte lucem tuam & Veritatem tuam: ipsa me deduxerunt & adduxerunt in Montem sanctum tuum, & in tabernacula tua] *Mandatum lucerna est*, (ait Salomon Prou. 6.) & *Lex lux. Et Verbum tuum veritas est*, ait Christus Ioh. 17. Itaque Deus emissâ luce sua & veritate sua, deducit homines in caligine & in ymbra mortis sedentes, & adducit eos in montem suum sanctum & in Ecclesiam. Hoc ipsum est, quod modo Isaias dixerat: *De Sion exibit Lex & Verbum Domini Ierusalem.* nam hæc Lex siue LUX ex Sion, vt dixi, siue ex Ecclesia emittitur. *Psal. 109.* Virgam virtutis tuæ emittet Dominus ex Sion. *Isai. 40.* Super montem excelsum adscende tu, qui euangelizas Sion: exalta in fortitudine vocem tuam, qui Euangelizas Ierusalem.

*Lumen Dei est
in Ecclesia, idq;
Gentiles vident.*

*Lumen illud
perpetuo con-
spicitur.*

Isai. 60. Surge illuminare, Ierusalem, siue Ecclesia, quia venit lumen tuum, & gloria Domini super te orta est: quia ecce tenebræ operient terram, & caligo populos: Super Te autem orietur Dominus, & gloria eius in Te videbitur. Et ambulabunt Gentes in lumine tuo (quod ex te emittitur) & Reges in splendore ortus tui. Non occidet vltra sol tuus & Luna sua nō minuetur. Dominus erit tibi in lucem sempiternam, & Deus tuus in gloriam tuam &c.] *De hac ipsa lucis copia vaticinatur Isai. 30.* Et erit lux Lunæ, sicut lux solis, & lux solis erit septupliciter sicut lux septem dierum &c.] Igitur Ciuitas Dei non modò supra Montem altissimum sita est, sed etiam perpetuo lumine collustratur, ita vt Gentes remotissimæ videre montem ac Ciuitatem, & illuc velut ad Pharum dirigere cursum suum queant: hoc est, Ecclesia Catholica eiusmodi Notam habet, ex qua Gentiles quoq; facillè eam cognoscere & ab Hæreticorum cōuenticulis internoscere possint: id quod hoc amplius *Isai. 61.* discimus: Dabo opus eorum (*Sacerdotum*) in veritate, & fœdus perpetuum feriam eis: Et scient in Gentibus semen eorum, & germen eorum in medio populorum: omnes qui viderint eos, **COGNOSCENT** illos, qui isti sunt semen cui benedixit Dominus, siue, quod isti sint vera Ecclesia. nam huic dicitur *Psal. 147.* *Lauda Deū tuum Sion, quoniam benedixit filiis tuis in te.*] Itaque tametsi etiam vicini Colles, siue Hæreticorum Ecclesiæ, aliquid Luminis habent, si cum Gentilium & infidelium caligine comparentur, quia tamen omne illud Lumen à lumine Montis magni, siue Ecclesiæ, ad ipsos emanat (velut Lutherū contentē modò audiui⁹, se scripturam, Baptismū, Sacramēta, officium prædicandi, quicquid deniq; boni habeat, à Papatu siue Ecclesia Romana accepisse, cum alioquin nihil de istis omnibus sciturus fuisset) propterea fit, vt Gentiles quoque potiùs ad Montem

tem

tem magnum accedere, & ibi Christi fidem addiscere velint. Nunc videbimus, quale sit illud Ecclesiæ Lumen, quod etiam Gentes ratione, siue lumine & intellectu suo naturali, perspicere, & illuc contendere iter suum possunt. Hæretici quidem Verbi Dei puram doctrinam, & legitimam Sacramentorum administrationem, Lumen, siue veræ Ecclesiæ Notam esse pugnant. At enim hoc Lumen gentiles rationis naturalis beneficio nequaquam perspicere, neque quis inter tot Christiani nominis homines, rectè & purè Verbū Dei doceat, itaque ut oportet, Sacramenta administraret, diiudicare possunt: siquidem huiusmodi diiudicatio sine Spiritus sancti peculiari dono fieri nequit. *Spiritalis enim iudicat omnia; Animalis autē homo non percipit ea, quæ sunt Spiritus Dei: stultitia enim est illi, et nō potest intelligere, quia spiritualiter examinatur, 1. Cor. 2. hoc est, quia examen, siue diiudicatio veræ & falsæ doctrinæ non nisi ab homine spirituali, qui donum discretionis spirituum acceperit, fieri potest. At enim donum illud (velut in priore Parabola copiosè demonstraui) non datur à Spiritu sancto, nisi ad utilitatē Ecclesiæ, siue corporis Christi, non omnibus, sed tantum quibusdam eius membris. Itaque nec Christiani quidem omnes spirituales sunt, aut ea, quæ Spiritus sunt siue ad religionem pertinent, examinare ac diiudicare possunt, sed sunt multi Ignorantes. 1. Cor. 14. Si quis videtur Propheta esse aut spiritualis, cognoscat quæ scribo vobis, quia Domini sunt mandata. Si quis autem ignorat, ignoret.] id est, velut Ignorans se gerat, nec diiudicandi sibi munus sumat. Atque hoc Lutherus quoque confitetur in *Postill. Witteb. Dominica 8. post Trinit. fol. 114. §. 5.* Nemo, inquit, ab erroribus cauere poterit, nisi sit spiritualis homo. Sic enim ait Paulus 1. Cor. 2. *Spiritalis iudicat omnia, et ipse à nemine iudicatur.* Itaque quæ sit falsa doctrina iudicare nemo potest, nisi spiritualis.] Et Tom. 1. *Ger. Witt. comment. Gal. 1. fol. 29. a. §. 3.* Non quiuis habet intellectum & sensum ut de controuersis fidei inter nos & Papistas, Christianè ac tutò iudicare possit.] Et Tom. 4. *Germ. Witt. fol. 252. b. siue Tom. 7. Germ. Ien. fol. 195. in comment. Iob. 16.* Etiam si quis habeat scripturas & audiat, tamen id nondum satis est: quia adhuc requiritur revelatio Spiritus sancti, qui det Lumen inter legendum & audiendum, ut etiam intelligi possit. Ceterum non ita facillè reperiuntur, qui Spiritū sanctum & veram intelligentiam habeant, sicut multi sibi persuadent.] Multo igitur magis Gentes Ignorant, neque doctrinas, seu diuersas scripturæ interpretationes, diiudicare possunt. Igitur aliud quoque esse oportet Lucem illam Ecclesiæ, qua conspecta Gentes cognoscere statim & iudicare*

B b

queant

Quale sit Lumen Dei, quod Gentes in Ecclesia vident.

Non vera doctrina & legitima Sacramentorum administratio.

Nam iudicari de doctrina nequit sine gratia Spiritus sancti.

Sed illa gratia neque extra Ecclesiam cuiquam neque in Ecclesia datur omnibus.

Lutherus fateatur non omnes Christianos de doctrina iudicare posse.

Lutherus præter scripturas aliquid amplius requirit.

Gētes aliquid
diuinum in Ec-
clesia vident.

I.

Dei Verbū, Ec-
clesia statum
prædicens.

Aliquot Ecce-
sia descriptio-
nes.

Ouille.

Domus.

Schola.

Templum.

Mater.

Castrorū acies
ordinata.

Turba Viato-
rum.

Pomarium si-
ue Hortus.

queant, hoc esse semen, cui benedixit Dominus, siue hanc esse veram Eccle-
siam, verosq; Dei filios. Nimirum diuinum quid sit necesse est, q̄ in
Ecclesia Gentiles vel suæ rationis siue luminis naturalis beneficio de-
prehendunt, ex eoq; veram esse Dei Ecclesiam argumentantur. Id
est Dei verbum, & Dei opus. Verbum Dei non hic appello totam scriptu-
ram sacram, sed ea tantum loca, quæ statum Ecclesiæ Dei nobis defor-
mant, siue formam & speciem eius adumbrant & exprimunt: de qua
Ciuitatis suæ Adumbratione siue Designatione, Idea, exemplari, aut
Modello, vt vocant, Deus apud Isaiā loquitur cap. 49. Ego non obliuiscar
tui Sion. Ecce in manibus meis descripsi te (siue descriptā & conceptam
teneo) Formam, ad quam referam oculos, quando tui ædificandæ tempus venerit
muri tui coram oculis meis semper, vt te scilicet ad hoc exemplar ædificem.
Venerunt, seu mox aderunt structores tui (Episcopi, ponendi in ædificationē,
Ephes. 4.) destruētes & dissipantes (heretici) à te exhibūt.] Isai. 40. Reue-
labitur gloria Domini, & videbit omnis caro pariter, q̄ os Domini locutū est. id
est, omnes homines ex æquo videre poterunt, illud opere esse præsti-
tum in Ecclesia, q̄ iam olim per Prophetas Deus prædixerat. Exempli
causa, cum legimus Ier. 33. Ecclesiam fore habitaculū pastoris, qui pascunt
accubantes, hoc est, vt Heb. 13. Paul⁹ interpretatur, præpositis obedientes &
subiacentes greges. Michæ. 2. fore vnū Pastorē, q̄ oues omnes pcedat, siue v-
Christ⁹, Ioh. 10. declarat, fore vnū ouile & vnū Pastorē, cuius omnes Chri-
sti oues audiant. Similiter Ecclesiam esse magnam Dei domum, in qua
plures sint dispensatores, vnus tamen cōstitutus super omnem fami-
liam, qui semper det escam familiæ & rectē diuidat ac distribuatur, ver-
bum veritatis, ita vt nullam vnq̄ domesticam famem sentiant. Item: Ec-
clesiam esse scholam Dei, in qua semper sit aliquis summus Præceptor
siue Rector, qui semper videatur & docens audiat: ecclesiam esse
Templum, cuius portæ iugiter aperiuntur & die ac nocte nō claudan-
tur, vt Reges ac gentes ingredi & Christiani fieri queant. ecclesiam
esse matrem fecundam, quæ Christo per euangelium perpetuò fi-
lios pariat, & numquam sterilis fiat, siue, quæ omnibus sæculis genti-
les ad fidem Christi conuertat: ecclesiam esse castrorum aciem ordi-
natam Christianorum, auspicio atque ductu Pontificis, veluti Lega-
ti Dei, militantium, & diuerso armorum genere stipendia facien-
tium: ecclesiam esse cateruam Viatorum, qui per caliginosos mon-
tes vnum viæ ducem, cum face præcedentem, securè, ac sine me-
tu sequuntur: ecclesiam esse pomarium siue hortum voluptatis, in
quo semper sint hortulani, qui vel plantent vel rigent, hoc est, qui
vel

vel ex Gentilibus Christianos faciant, vel eos, qui iam Christiani sunt, in fide perfectiores & in vita meliores reddant: Ecclesiam esse Sponsam, quam Paranympbi ad Sponsum Christum adducant: ecclesiam esse Civitatem, in qua omnium totius Orbis nationum homines ciues fiant, & iisdem Legibus vtantur, eidemque Regi concorditer pareant: quæ Civitas in æternum duret, & Speculatores in mœnibus habeat, qui peruigilent, neque vnquam taceant, sed quotiescumque Gladium siue Hæresin venire vident, buccina canant & Ciues excitent. Cùm igitur istam ecclesiæ descriptionem & exemplar in Verbo Dei expressum legimus siue audimus (sicut in consequentibus Parabolis ipsa scripturæ loca in medium adducam) & ista omnia in nullo prorsus Hæreticorum conuenticulo, sed in sola Catholica ecclesia apparere ac lucere cernimus: statim sine vlla dubitatione Psalmi 47. verbis dicere possumus: *Sicut audiuius, sic vidimus in Civitate Domini virtutum in Civitate Dei nostri.* Atque hæc Lux, quam etiam Gentiles intueri, & per eam in cognitionem veræ ecclesiæ Dei peruenire possunt, alio nomine Tuba dicitur, qua scilicet Speculatores Civitatis Dei canunt, vt ea admoniti cùm qui iam in Civitate habitant, tùm qui ex Gentilibus in eam recipi cupiunt, sibi à Gladio siue Hæresi diligenter cauendum sciant. *Isai. 62.* Super muros tuos Ierusalem constitui custodes, tota die & tota nocte in perpetuum non tacebunt.] *id est,* semper, cum gladius, aut falsa scripturæ interpretatio siue Hæresis exorta fuerit, tuba canent, vt quisque ne ab Hæreticis decipiat, sibi cauendum meminerit. Sic enim intelligendum esse *Gladium*, supra cap. XXII. demonstraui. *Ezech. 33.* Si Speculator viderit gladium venientem, & non intonuerit buccina, & populus se non custodierit, veneritq; gladius, & tulerit de eis animam, ille quidem in iniquitate sua captus est (*id est,* decipietur quidē, & fiet Hæreticus, Deo ipsum propter peccata sua deserente) sanguinem autem eius de manu Speculatoris requiram.] *Ierem. 6.* Hæc dicit Dominus. State super vias, & videte, & interrogate de semitis antiquis (quæ fuerit religio ante vos natos) quæ sit via bona, & ambulate in ea. Et dixerunt: Non ambulabimus. Et constitui super vos Speculatores: Audite vocem tubæ (*id est,* habete illos pro Hæreticis & fugite, quos illi Speculatores vestri Hæreticos esse denunciant) Et dixerunt: Non audiemus.] Itaq; insaniunt, qui non ad Episcopos siue Pastores, sed ad Oves iudicium de vera ac falsa doctrina pertinere contendunt. Perspicuè enim Civiū & Speculatorum munus atque officium discernitur. *Speculatorum est*

*Sponsa.
Civitas.*

*Ea descriptio-
nes omnes in
Ecclesia Catho-
lica inueniun-
tur.*

*Tuba Specula-
toris, id est, E-
piscoporum &
Sacerdotum.
Tuba illa sem-
per canit veni-
ente hoste.*

*Speculatoris of-
ficium.*

*Boni Civis siue
Christiani est au-
dire vocem tu-
bæ.*

Aliud est officium speculatorum, aliud Ciuium.

vigilare, cumque Gladium, siue falsam doctrinam vident, Tuba canere, & Ciuibus, vt sibi caueant, denunciare: *Ciuium* vero officium est, Tubæ vocem audire & se custodire, ne à gladio tollantur. quod 2. Petri 3. hac paraphrasi explanatur: *Difficiles intellectu scripturas indocti & instabiles deprauant. Hoc ergo præcipientes vos custodite, ne insipientium errore traducti excidatis à propria firmitate fidei.*] Sciunt quidem omnes vel ex hac Apostoli denunciatione, sibi ab ijs, qui scripturas perperam interpretantur, cauendum esse: sed qui sint illi, qui sic deprauant scripturas, considerare ac significare, ad Episcoporum, velut speculatorum, prouinciam spectat. nam horum est *Vigilare & Attendere Gregi ac Doctrinae*, siue, iudicare de doctrinis ac scripturarum interpretationibus, cumque deprehenderint, doctrinam quampiam non esse sanam, verbumque Dei adulteratum & falsa interpretatione deprauatum, *exhortari* Ciues, & si opus sit, *cum omni imperio*, siue imperiosè arguere, dureque increpare, vt *sani sint in fide*, neque auribus à Veritate auersis ad fabulas conuertantur, hoc est, ne audire velint, quibus argumentis sententia, quam Episcopi falsam esse iudicant, probetur, velut alias ex *Act. 20, 28. & 1. Tim. 1, 4 & 2. Tim. 4, 3, 4, 5. & Tit. 1, 9, & 13. Tit. 2, 5.* Et sicut apud Ieremiam Ciues iubentur non ipsi vigilare, sed tantum *audire vocem Tubæ*, cum speculatores siue Vigiles canunt: similiter Apostolus *Hebr. 13.* iubet eos *Præpositis obedire ac subiacere, quoniam ipsi pro ciuibus pernixi sunt.* Quod autem speculatores non propter Ciues tantum, sed etiam propter eos, qui ad Ciuitatem accedere, in eamque recipi volunt, Tubæ cantu Hæreticos cauere iubeant, discimus *Isai. 27.* In die illa clangetur in tuba magna, & venient qui perditioni fuerant de terra Assyriorum, & qui eiectioni erant in terra Ægypti (siue Gentiles) & adorabunt Dominum in Monte sancto in Ierusalem.] Atque hæc est Lux Verbi Diuini, quam etiam Gentes lumine siue ratione naturali perspicere & veram Ecclesiam ab Hæreticorum Synagogis internoscere queunt.

Tuba illa exauditur etiam à Gentibus.

CAPVT LIX.

Alterum genus Luminis quod in Ecclesia gentiles vident.

ALiuD porrò *Lumen*, quo Mons Dei collustratur, nec Ciuitatis Dei conspectum Gentibus adimi finit, est *opus diuinum*, cum scilicet Gentiles in Ecclesia diuinam potentiam, diuinum Amorem seu sanctitatem, & diuinam quandam sapientiam, lucere, rationis suæ beneficio perspiciunt, eique propter illos plusquam humani Imperij

Imperij titulos, omnium hominum regnum meritò deberi putant, tamen adhuc, quib⁹ vtatur legibus, siue quid credendum faciendumque præcipiat, nondum sigillatim & subtiliter pernouerint. *Potentia diuinā primū specimē.* quidem diuina primū Miraculis, signis & prodigijs fit conspicua, cum nulla arte magica, sed solo nomine Iesu adhibito, ipsi naturæ & creaturis omnibus, nouæ velut leges, ab hominibus Ecclesiæ, imponuntur, vt cum ignis vrere, aqua madefacere, liquor fluere, serpentes aliæq; immanes bestię nocere prohibentur. *Miracula sunt opus Dei.* Hæc enim & alia eiusdemmodi humanis viribus non fiunt, sed sunt Dei opera (*verba s. Ignorū Dei, ait Psal. 104.*) quibus testimonium Ecclesiæ perhibet, eiusque fidem confirmat, sicut facturum se promisit *Isai. 43.* Noli timere Iacob, quia redemi te, & uocaui te nomine tuo, meus es tu. Cum transferis per aquas tecum ero, & flumina non operient te: cum ambulaueris in igne non combureris, & flamma non ardebit in te] *Quā in potentia sint miracula.* Huius potentia exemplum *Act. 3.* legimus: vbi cum Petrus hominem, qui claudus natus fuerat, repente sanasset, nulla alia re adhibita, quàm verbis hisce: *In nomine Iesu Christi surge & ambula:* impletus fuit populus stupore & ekstasi, duoq; hominum millia statim Christo nomen dederunt, & in Ecclesiam recepti sunt, quia nempe potentiam in Petro non humanam, sed diuinam viderant, eamq; pro diuino Testimonio habebant, sicut etiam Petrus: *Viri Israelitæ, inquit, quid miramini in hoc, aut nos quid intuemini, quasi nostra virtute aut potestate fecerimus hunc ambulare? Deus patrum nostrorum glorificauit (per hoc miraculum) filium suum Iesum, & Fides, quæ per eum est, dedit integram sanitatem istam in conspectu omnium vestrum.* Similiter *Act. 9.* Inuenit Petrus Lyddæ Aeneam quendam paralyticum, ab annis octo iacentem in grabato, & ait illi: Aenea sanat te Dominus Iesus Christus: Surge & sterne tibi. Et continuo surrexit. Et viderunt eum omnes, qui habitabant ibi, & conuersi sunt ad Dominum] Sic *Act. 13.* Paulus Elymam magum solo verbo excæcat. *Quod Proconsul factum videns, credidit, admirans super doctrina Domini.* Rursum *Act. 16.* cum orantibus Paulo & Sila omnia carceris ostia aperta, omniumq; captorum vincula soluta fuissent, custos carceris tremefactus procidit Paulo & Silæ ad pedes, & ait: Domini, quid me oportet facere, vt saluus fiam? Isti omnes diuinitate in operibus lucente, vt se Christi Ecclesiæ adiungerent, moti fuerunt, quamuis vtrum Apostolorum doctrina Moyfi & Prophetis consentanea foret, nescirent: quemadmodum prius etiam Nicodemus non Christi doctrina (nam ipse qui Legis doctor esset, multò

Nicodemus potius miraculis, quam argumentis Christi credit.

Nec quisquam Christo sine miraculis credere debuit.

Quia Christus ordinarijs Doctoribus contra dicebat.

Legatus Dei non modo Diploma, sed etiam sigillum Dei exhibere debet.

Sigillum est miraculum,

aliter quam Christus scripturas intelligendas putabat) sed eius miraculis ad fidē ipsi habenda inductus fuerat, sicut ipse Christo cōfitebatur Ioh. 3. *scimus, quia à Deo venisti Magister: nemo enim potest hæc signa facere, quæ tu facis, nisi fuerit Deus cum eo.* Quin etiam Christus, cū Sacerdotes à Deo scripturæ interpretandæ auctoritatē habere, ceterosq; Legē ex ore Sacerdotis requirere, siue verū ab eo Legis sēsū discere, iustos esse sciret, noluit suæ doctrinæ fidē haberi, siue suas scripturæ interpretationes ab ordinariorū Doctorū sētētia discrepantes recipi, nisi eas Dei testimonio, siue potētia diuina, quæ in operib⁹ eius lucebat, cōfirmari cōstaret. Ioh. 10. *si non facio opera Patris mei, Nolite credere mihi.* Si autem facio, & si mihi non vultis credere, operib⁹ credite. Nam opera, quæ ego facio in nomine Patris mei hæc Testimoniū perhibēt de me Ioh. 15. *si opera non fecissem in eis, quæ nemo alius fecit, peccatū non haberent.* Hoc est, rectē facerent, quod mihi non credunt, quippe qui scripturas de Messia vëturo loquētes aliter, quam ordinarij Doctores, in Cathedra Moſis sedentes, interpreter, neq; tamen diuino testimonio veritatē meæ interpretationis nouæ cōfirmē. Cū enim Deut. 17. *disertim scriptū sit, malū ac morte dignū esse peccatū, si quis sententiam ordinarij Sacerdotis nō sequatur, & Legis interpretationē ab eo datam contemnat, eamq; Sacerdotis potestātē Malachias cap. 3. prophetarum vltim⁹ tamdiu duraturam ac ratam fore significet, donec veniat ad templum suum Dominator & Angelus noui testamenti* (Propheta ille scilicet, quem Moſi similem, hoc est, Legislatorem populo suo suscitaturum se Deus promiserat Deut. 18.) *qui Sacerdotes ac Leuitas purget & emundet, hoc est donec Messias ipse veniat, & scripturas de se vaticinatas rectē intelligere doceat: propterea non peccarent in eo, quod Doctoribus in cathedra Moſis sedentib⁹ potius, quàm mihi, credunt, nisi me diuino testimonio, velut sigillo, meam Interpretationem scripturæ probasse, siue opera, quæ sine diuina potentia facere nemo potest, perpetrasse scirent.* Neque enim Legem, seu voluntatem Dei, siue veram scripturæ interpretationem promulgasse est sed vt omnem necessariam auctoritatē Promulgatio secum afferat, siue, vt non modò Diploma Dei Legatus exhibeat, sed etiam vt Diploma signo Dei obſignatum sit, hoc est, vt diuino aliquo Spiritus sancti dono Prædicatio confirmetur necesse est: quemadmodum Marc. 16. legimus: *illi prædicauerunt ubiq; Domino cooperante & sermonem confirmante sequentibus signis*] Alioquin sicut is, qui nihil de voluntate Dei audiuit, iustam habet ignorantia excusationem: ita cui Legatus siue Promulgator

Promulgator sigillum Dei non exhibuit, neq; aliqua diuina virtute se à Deo promulgandi auctoritatem accepisse ostendit, si præsertim eius quod promulgatur, nouitati ab ijs, qui priores auctoritatem ab eodẽ Deo acceperant, contradicatur, non modò excusatus est, qui promulgationem non recipit, sed etiam, si aliter faciat, peccato non vacabit. Itaq; non modo prædicare, sed etiam miracula patrare, siue vt Lucæ verbis *Act. i.* vtar non modò docere, sed etiam *facere* Christus voluit, & Pastorib; ac Doctõrib; Ecclesiæ eiusdẽ vtriusq; rei causa spiritũ suũ impertitus est *Ioh. i. s.* Non est seruus maior Domino suo. si me persecuti sunt, & vos persequentur. Sed hæc omnia facient vobis ppter nomen meũ, quia nesciunt eum, qui misit me. (*Neg. tamen ignorantia excusationem habent*) si non venissem & locutus fuisset eis, peccatum non haberent: nunc autem (*ignorantia*) excusationem non habent de peccato suo (*incredulitas*) si opera non fecissem in eis, quæ nemo alius fecit, peccatum non haberent. Nunc autem viderunt (*miracula*) & tamen oderunt & me & patrem meum, vt adimpleatur sermo, qui in lege eorum scriptus est: *Quia odio habuerunt me gratis.* Cum autem venerit Paracletus, quem ego mittam vobis à Patre, Spiritum veritatis, ille testimonium perhibebit de me: & vos testimonium perhibebitis, quia ab initio mecum estis.] Hoc loco animaduertendum, quod ab Apostolis non modò Promulgationem Legis suæ cum locuplete & idonea siue sufficiente auctoritate, hoc est, vna cum Miraculorum faciendorũ potestate legat (nam spiritus eis hic promissus, & postea datus, varia dona, velut membra corpori necessaria, inter quæ *gratia Virtutum*, siue miraculorum, & *prophetia donum* recensetur *1. Cor. 12.* distribuit) sed etiam idẽ ipsis quod sibi, vsu venturum prædicit, vt scilicet à plurimis cum prædicatio eorũ repellatur, tum miracula pro præstigijs aut incantationibus magicis habeantur. Nam *Matt. 12.* & *Luc. 11.* cum Christus dæmonium ab homine cæco ac muto eiecisset, & loquendi videndiq; facultatẽ ei reddidisset, eamq; ob rem pro filio *Dauid* siue *Messia* à turbis haberetur, calumniati sunt miraculum eius Pharisei, quasi in principe *Diabolorum* *Diabolos* eyceret, id est, pacto cum *Beelzebub* inito, ac velut potestate à supremo *Diabolorum* accepta inferiores *Diabolos*, vnde vellet, eieceret: itaq; aliud *Miraculum de celo* ab eo postularunt: quasi dicerent: si uis, vt tibi scripturas de *Messia* aliter, quàm nos, interpretanti credamus, non satis est te *Dæmonia* eiicere (fieri enim potest, vt tu pactũ quoddam cum *Beelzebub* inieris, eiusq; collusione

Sine quo ei, quæ se Legatũ dicit, credi non debeat.

Apostolis promittitur spiritus miraculorum patrator.

Sed simul prædicitur, miracula eorũ calumniam passuros.

Sicut ipsi quoq; Christo & successerunt.

aut

aut præstigijs, nobis imponas, sicut Iannes & Mambres in Aegypto per incantationes Aegyptiacas & arcanas quasdam naturæ vires vulgo non cognitæ vera Moyſis miracula imitati fuere) Itaq; fac eiusmodi miraculum, quod solo digito Dei, non etiam Diaboli præstigijs, aut occulta naturæ vi fieri possit, & exempli causa, fac ut sol stet in medio celi, & non festinet occumbere unius spatii diei, sicut fecit Iosue. His respondet Christus, se in digito Dei, siue potestate à Deo, non à Beelzebub accepta miraculum fecisse, adeoq; propter fortitudinē, qua Diabolis præstet, meritò pro Messia habendum esse. Si in digito Dei eicio Demonia,

Quomodo Christus profecto peruenit in vos regnum Dei, quod scilicet Deus Dauidi promissit. Quod autem in digito Dei, non in Beelzebub, Diabolos eijciat, ita docet. Primum Diabolis de regno hominum tenendo inter se conuenit. Itaq; fieri non potest, ut alius alium in gratiam hominis alius sibi deuincti eijciat. nam huiusmodi dissidio regnum suum necessario collabi, faciliè Diaboli perspiciunt. Deinde ex filijs vestris reperiuntur, qui Diabolos eijciant, (Marci 9, 37.) quos tamen in digito Dei id facere ipsimet creditis. Præterea, Diabolus inuitus ab homine egreditur, & cum eiectus est, mox reuerti conatur, & tandem sepe alijs nequiorib; spiritib; adiutus, hominē denuo occupat. Itaq; credibile non est, eum per collusionē cum homine, siue in gratiam præstigatoris aut malefici, ab homine exire. Eadem porro calumnia, quæ Apostoli ceteriq; pastores ac Doctores fecissent miracula, ab incredulis traductum iri, cum superiori S. Iohannis loco, tum etiam

Apostoli constituuntur Legati à Christo. Matth. 10. prænunciat: Euntes prædicate, quia appropinquauit regnum cælorum (id est, quia Messias iam venit, regnum Dauidi promissum mox post resurrectionem institurus. Vos ergo Regij Legati estote, ius noui huius regni & legem meam promulgantes) Non autem vos estis, qui lo-

quimini, sed spiritus Patris vestri, qui loquitur in vobis. (Hic porro spiritus diuinam in vobis operabitur potentiam, sapientiam & bonitatem siue Amorem, ut nullus titulus imperij aut gubernationis super omnes populos, vobis desit) Infirmos curate, mortuos suscite, leprosos mundate, dæmones eijcite. Mitto vos, sicut oues in medio luporum. Estote ergo prudentes sicut serpentes, & simplices sicut columbæ (id est, prudentia vestra, quam à spiritu sancto habebitis, non erit astuta, siue Machiavelistica, proprio emolumento omnia metiens, & per fas ac nefas utilitatem suam comparans, sed ea tantum, quæ maiori lucro animarum per vos faciendo oportuna fuerint, circumspicere, quæq; impedimentum afferre queant, cauere sciet) Gratis accepistis, gratis date. Eritis odio omnibus propter nomen meum

meum, & flagellabunt vos, ac morte afficient. (*Hic plusquam humanus ac verè diuinus Amor est, vt propter seruandas hominum animas vitam ponere nihil dubitetis. Maiorem hac charitatem nemo habet, quam vt quis det animam suam pro aliis, Ioh. 15. Tametsi autem miracula, etiam illis, quæ feci ego maiora, per gratiam mei Spiritus facturi sitis (Iohan. 14.) non tamen statim incredulos conuertetis, quia illi miracula calumniabuntur, & præstigias, aut artem Diaboli esse dicent*) Non est discipulus super Magistrum, nec seruus super Dominum suum. Sufficit discipulo vt fiat sicut Magister eius. Si me patrem familias Beelzebub vocarunt: quanto magis vos meos domesticos? Itaq; nihil mirum aut nouum videri debet, quod hodie quoq; Lutherani omnia, quæ passim in Ecclesia Catholica Deus per sanctos suos miracula operatur derident, aut Diaboli præstigias interpretantur. Nam & Ecclesiam Domino suo Christo, & ipsos Phariseis similes esse oportet. Neq; tamen Ecclesiæ gratiam miraculorum, prophetiæ, aliorumq; similiu diuinorū bonorū ad finem vsq; mundi à Christo promissam negare possunt. Nam spiritus Christi, donationes membris corporis siue Ecclesiæ distribuens, in sempiternū ab Ecclesia non aufertur, velut supra multis scripturæ locis probaui. Atqui locis supra similiter laudatis, Paulus docet, inter Donationes, quas Spiritus Dei Ecclesiæ ad vtilitatem communē dispensat, esse fidei perfectionem siue Virtutē etiam montes transferendi, siue gratiam miraculorum, iteq; Prophetiam (de qua Christus Ioh. 15. *Cum venerit ille Spiritus veritatis, docebit vos omnem veritatem, & quæ ventura sunt annuntiabit vobis: & clarificabit me, id est, per sua dona vestræ de me prædicationi fidem & auctoritatem conciliabit*) atq; gratias illas, propter ædificationem corporis Christi datas, tam diu duraturas, donec omnes occurramus in vnitatem agnitionis filij Dei, siue dum omnes electi ad Ecclesiam conuertantur, hoc est, ad finem vsq; mundi. Nec enim consummabitis ciuitates Israel, ait ipse Christus Matth. 10. donec veniat filius hominis. Eunt ergo docete omnes gentes, baptizantes eos: & ecce ego vobiscum sum (hoc est, cum ijs, qui docent & baptizant) omnibus diebus vsque ad consummationem seculi Matth. 28. Non enim reliquam vos Orphanos, sed veniam ad vos simul cum spiritu meo quem vobis mittam à patre (Ioh. 14. & 15.) Eius donatione ministri mei huiusmodi signa facient: In nomine meo (non incantatione aut magia vlla vfi) demonia eicient, linguis loquentur nouis serpentes tollent, & si mortiferū quid biberint, nō eis nocebit: super ægros manu imponēt et bēe habebūt Mar. 16. Itaq; nō est periculū, ne vel in hac sua senecta

*Predicit eis, se
re et miraculis
non credatur.*

*Hæretici hodie
miracula deri-
dent.*

*Ecclesia nūquā
amittit Spiritū
miraculorū ef-
fectorem.*

*Vt per ea Chri-
stus clarificetur*

*Quid Spiritus
Ecclesiæ datus
operetur.*

Cc

non

*Ecclesia etiā in
senectū sua Spi-
ritus gratiam
retinet.*

*Itaq; in senectū
Ecclesia nouus
orbis conuertē-
tus fuit.*

*Ecclesia reuiu-
rescit.*

*Nostrū seculū
gratia miracu-
lorum nec Apo-
stolorum aīati
cedit.*

Elisai miracula

*Antichristi mi-
racula erūt tā-
tum praestigia,*

non habeat Ecclesia eundem Spiritum Dei cum donis suis omnibus, quæ ad ædificationem corporis Christi atq; ad conuersionē eorū, qui nondū sunt consummati, pertinent. *Plantati in domo Domini (Psa. 91.) in atrijs domus Dei nostri florebut: adhuc multiplicabuntur* (multos Christo per Euangelium gignent filios) *in senectū uberi siue florenti & vegeta: & benè patientes erunt, ut annuncient.* (nempe laudem & gloriam Dei in Insulis longè, velut Isai. 42, 12. & 66, 119. legimus) id est, bellè ætatem feret, nec vllō senectutis malo impediatur Ecclesia, quo min⁹s Euangelium annunciet, cum præsertim INSVLÆ ad Ecclesiā, vt supra copiosè disputauī, senectutem vsq; expectatur dicantur Isai. 60. Me enim Insulæ expectant, & naues maris à principio, vt adducāt filios tuos de longè Isai. 51. Insulæ me expectabunt & brachiū meum sustinebunt. Isai. 41. Ponet in terra iudicium, & Legem eius apud se promulgandum Insulæ expectabant] *Igitur Ecclesiā dictum putari debet Psa. 102. & Isai. 40. Replet Deus in bonis desiderium tuum: renouabitur vt Aquilæ iuuentus tua. Deficient enim pueri, & laborabunt: & iuuenes in infirmitate cadent. Qui autem sperant in Domino, mutabunt fortitudinē: assument pennas, sicut Aquilæ: Current, & non laborabunt: ambulabunt & non deficient.]* Atque harum promissionum Veritatē magis hoc sæculo, quàm fere ipsorū Apostolorū ætate cernere licet, cum ea passim ad Sanctorū cū Christo iam triumphantium tumulos, in primisq; in Beatissimæ semper virginis & Dei genitricis Mariæ Ecclesijs miracula fiant, quibus haud scio an paria vlla ætate facta inuenianrur, cum præsertim fraudis suspiciōē nō modo summorū Regū ac Principū aliorumq; spectatissimæ fidei hominum firmata vel iureiurando, vel tabulis consignatis, testimonia, sed hoc etiā excludat quod pleraq; absētib⁹, hoc est, in beatorū sede iam collocatis accepta referuntur. Nec enim minus videri debet, quod tactis Elisai mortui ossibus homo mortuus, reuixit, quàm quod eiusdē prophete ad huc in terris agentis voluntate Iordanis aqua stetit, ferrum natiuit, puer mortuus vitæ restitutus, Naamani lepra sanata, aquis salubritas reddita, Syrii excæcati fuere.

CAPVT LX.

NON me fugit, cum præsentibus & inspectantibus Hæreticis Dæmonia eiiciūtur, cæci visū recipiūt, capti pedib⁹ ambulant, aliaq; eiusmodi fiunt, id eos nequaquam putare tanti, vt manum ea causa vertant, propterea quod Antichristi tēporibus tanta signa ac prodigia factum

Factum in scriptura prædixerit (Matt. 24.) *ut etiam Electi, si fieri queat* *Et signa mendacia.*
in errorem inducantur, quæ tamen signa mendacia, id est, assimilata tan-
tum miracula sicut magorum illorum in Aegypto, siue præstigias aut
naturæ occultos euentus futura Paulus 2. Thess. 2, monet. Sed non
aduertunt miseri, vtrumq; in scripturis prædici, & in Ecclesia, & in
Antichristi regno miracula existitura. Nam ipso Antichristo regnan-
te magis, quàm aliàs, illustrem miraculis fore Ecclesiam Apocal. 11. di-
scimus, vbi de testibus suis prædicit Deus: Prophetabunt diebus mil-
le ducentis sexaginta (id est, vno mense minus, quàm Antichristus regnabit) Ecclesia miracu-
Et si quis voluerit eis nocere, ignis exiet de ore eorum, & deuorabit
inimicos eorum. Habebunt potestatem claudendi cælum, ne plu-
at diebus prophetiæ ipsorum : & potestatem super aquas, conuer-
tendi eas in sanguinem, & percutere terram omni plaga, siue cruci-
andi quotiescumq; voluerint] Hæc erunt alia prodigia, de quib; ali-
ter dici non possit, quàm quemadmodum Magi Aegyptij de Moyfis
miraculis, quæ ipsi imitari non poterant: Digitus Dei est hic. Sed An-
Antichristiana miracula (Apocal. 13.) nequaquam parem habent ratione,
Primum enim quod Antichristus quasi occisus in mortem sanabitur, Dra-
conis seu Diaboli potestate fieri posse nihil admirandum est. nam sæ-
pè siue morbo, siue ecstasi vsq; eo hominum sensus omnes & naturales
vires ac facultates siue potentiæ (quas vocant) sopiuntur, vt bene
diu nullum in ijs vitæ vestigium appareat : vbi quin Diabolus latentes
vitæ scintillas excitare, ac velut Lucretius loquitur, reconstare possit,
nemini est dubium. Sed mortuum iam fatentem restituere, quod
Christus in Lazaro fecit, digitus Dei est, & vires Diaboli superat. De-
inde quod Pseudopropheta Antichristi, Ignem de cælo facit descen-
dere, præstigijs Satanæ fieri posse nemo non fatetur Præstrictis
nempe siue fasciatis hominum oculis ea species obijci potest :
quæ causa videtur esse, cur scriptura dicat : Ignem de cælo faci-
et descendere in terram in conspectu hominum. id est, quemadmodum
quidem hominibus videbitur. Tertium Antichristiani regni mi-
raculum ponitur, quod statua siue imago Antichristi sermonem
eder. In quo non est causa, cur quicquam diuinæ virtutis in-
esse censetur, cum Diabolus hodiè quoq; apud Indos passim per ora
statuarum consulentes respondere soleat, quem aduentantes Ca-
tholici Sacerdotes siue obmutescere, siue de fraudibus & impostu-
ris suis palàm confiteri, & in perpetuum statuis illis excedere co-
gunt. Sed etiam in eo Ecclesiæ & Antichristi miracula differunt,

Antichristo re-
gnante magis,
quàm & quàm
Ecclesia miracu-
lus illustrabitur.

Antichristi mi-
racula.

I.

II.

III.

C c 2

quod

*Ecclesia facit
omni. & miracu-
la in nomine Ie-
su.*

*Antichristus in
nomine suo.*

*Quia se ipsum
pro Deo haberi
solet.*

*Deum verum
negabit.*

*Sanctos in calis
regnantes contu-
melios afficiet.*

*Miraculorum
qua sunt in Ec-
clesia finis.*

*Hæreticorum ad-
monitio.*

*Hæretici tenen-
tur aut ipsi mi-
racula facere.
Aut nostris ce-
dere.*

quod homines Ecclesiæ non in nomine suo veniunt, sed legitimè voca-
ti ad sunt, & miracula neq; suæ, neq; cuiusquam alterius, nisi Christi
Domini sui, virtuti adscribunt. In nomine MEØ. inquit Christus, eycient
dæmonia, serpentes tollent &c. Antichristus autem veniet in nomine suo
(Ioh. 5, 43.) & sua potestate ac virtute signa facere videri cupiet: Pu-
tabit seu putare faciet, quod possit mutare tempora & leges Daniel 7.
Itaq; adoratores eius dicent: Quis similis ei, & quis poterit pugnare
cum eo? Apocal. 13 Magnificabitur enim aduersus omnē Deū, & aduer-
sus Deū deorū loquetur magnifica. Deū patrū suorum non reputabit
(non manebit in antiqua maiorum suorum religione) nec quēquam Deorū
curabit, quia aduersū vniuersa consurget, Daniel 11. Et aperiet os suum
in blasphemias contra Deū, blasphemare nomen eius (negabit patrē &
filium esse Deum, negabit Iesum esse Christum, 1. Ioh. 2.) & tabernaculū eius
(Ecclesiā) & eos, qui in cælo habitant, siue sanctos cum Christo regnantes,
contumeliosē tractabit Apocal. 13. Itaq; nihil Ecclesiæ & Antichristia-
nismi miracula commune habere faciliē, qui attēdit, perspicit. Nam
qui in Ecclesia signa faciunt, appellantur Christi testes, quia nihil aliud
habent propositū, quā illud, quod docent (Christū scilicet ipsorū
Dominū, cui⁹ ipsi Legati seu vicarij sint: esse Deū, & Ecclesiā, Chri-
sti regnū) nō modo signis, sed ipsa quoq; morte testatū facere. Et signa
quidē ea faciūt, quæ Christ⁹ facturos prædixit. In nomine meo eycient Dæ-
monia, serpentes tollent, venena bibent, agros sanabunt &c. Sed Antichristus
eiusmodi facit signa, quæ vel præstigias esse, vel Diaboli potestate fie-
ri posse nemo intelligens ignorat, & facit eo fine, & consilio, vt non
Christus, nec alius quisquam, sed ipse solus pro Deo habeatur. Vide-
runt ergo Lutherani, quam Deo contemptorum tot tam illustriū Ec-
clesiæ miraculorum rationem sint aliquando reddituri. Sciunt e-
nim Ecclesiæ donum Miraculorum simul cum spiritu Dei, miraculo-
rum operatore, ad consummationem vsq; sæculi promissum, & simul
ea pertinacibus irrifui fore, aut Diabolo auctore facta visum iri, præ-
dictum esse. quid ni ergo aut ipsi, si Christi testes sunt, falsis Antichri-
stianismi signis, vera sua prodigia opponunt (nam hoc Christi testes
Antichristo regnante facturos Apocalypsis prædixit) aut nostris in
Christi nomine & ad contestandam Christi ac sponsæ eius gloriam
factis cedunt? Quid ni quoniam Diabolos, Diaboli siue per-
missu siue cessione aut collusionē ei⁹ Christus negat, sed diuinam ad
id virtutem ieiunio precibusque impetratam requiri docet, quid ni,
inquam, Diabolos ex obsessis ei⁹ciunt? Vtrum se non velle, an
non

non posse dicent? At qui velle in primis debebant, vt se Christi legatos ac Testes esse non tantum Diplomate exhibito, siue Verbo Dei ab ipsis nouè interpretato, sed etiam Diplomate obsignato, siue signo Dei, hoc est, miraculis confirmato probent. Tale enim diploma nisi exhibeant, rectè eis non credimus, velut supra Christus nos docuit, cum præsertim eo instructos fore Christi testes, aduersus Antichristum pugnantes, ex Apocalypsi iam didicerimus. Reliquum ergo est, vt se non Possent, itaque nec Christi testes esse confiteantur, quod quidem Lutherus fecit in Colloquijs Islebiensibus de Diabolo fol. 256.b. quo loco fatetur, neque se, neque Lutheranorum quemquam Diabolos posse eijcere, sicut fecerunt Apostoli & Propheta immediate vocati, & peculiari mandato instructi Spiritus immundos eijciendi, aliaque signa faciendi. Et fol. 257.b. Diabolus iam hoc tempore postquam prædicatum est Euangelium, non ita se patitur eijci, sicut in Papatu, quia nequitia eius nobis penitus est perspecta. Adde, & ipse nostram nequitiam minime ignorat. Sic enim ipse loquitur in Concione Dominicæ Reminiscere, in libro 27. Concionum, witembergæ & Argentinæ anno 1523. in quarto, vt vocant, impresso fol. 19. Probè Diabolum pernoctat, quippe quocum plus vno salis modio absumpserim, & similiter me Diabolus intus & in cute nouit. Accipimus ergo, quod nobis dat, apud nos scilicet gratiam eijciendi dæmonia inueniri (nam quod diabolicas præstigas interpretatur, nihil nos mouet, cum Christus ita futurum prædixerit) sed Lutherum & discipulos eius huiusmodi potestatem non habere. Habent ergo gentiles, cur Catholici, quàm Lutherani fieri malint, quippe qui diuinam potentiam in Ecclesia lucere videant.

Hæretici debent eijcere.

Si modò crediderint.

Lutherus fatetur, se ac suos non posse eijcere Dæmonia.

Quia ipse & Diaboli mutuo se bene norunt.

Lutherus fatetur à Papistis eijci Dæmonia, sed miraculum calumniatur.

CAPVT LXI.

VERUNTAMEN vt etiam illo faciendorum miraculorum dono Ecclesia destitueretur. adhuc tamen alia forent, quæ diuinæ potentiae specimen Gentilibus præberent, cuiusmodi est Violentia illa, qua multi Satanam, carnem & mundum, hoc est, insidiosas diaboli suggestiones, naturales cuiusque ad vitia & affectus procliuitates, omnes denique peccandi occasiones vi pugnando vincunt & pedibus subiiciunt. De qua Christus loquitur Matth. 11. Regnum Dei vim patitur, & violenti rapiunt illud. Cuiusmodi autem sit Violentia ista, alio loco (Matth. 19.) sic declarat: *Sunt Eunuchi, qui non de matris utero sic nati, neque ab hominibus castrati sunt, sed qui se ipsos castrauerunt propter regnum cælo-*

Aliud diuinæ potentia in Ecclesia specimen.

*Castrare se i-
psum sine Dei
digito nemo po-
test.*

*Quid sit se i-
psum castrare.*

*Qui Deo Votum
tenetur redde-
re.*

*Etiam Christiani
quodauerunt,
soluere tene-
tur.*

*Qui fidem Deo
datam siue Vo-
tum castitatis
irritum faciunt
habent damna-
tionem.*

rum qui potest capere, capiat.] Hęc nempe plusquam humana vis est ac-
potentia, cum quis animo suo tantum imperat, vt proper regnum cœ-
lorum sibi ipsi facultatem filios generandi adimat, nō quidem mem-
bra corporis, ei vsui seruientia, abscidendo (nam hoc præcepto, *Non
occides, aduersatur*) sed voto continentię aut castitatis facto, potesta-
tem ducendę vxoris in perpetuum abdicando. Nam qui sponte
sua Deo vouit, iam aliter, quā vouit facere sine peccato non potest.
Deut. 23. Cum Votum voueris Domino, non tardabis reddere, quia
requirit illud Dominus Deus tuus, & si moratus fueris, reputabitur
tibi in peccatum. Si nolueris polliceri, absque peccato eris. Quod
autem semel egressum est de labijs tuis, obseruabis & facies, sicut pro-
misisti domino, & propria voluntate & ore tuo locutus es. *Psalm. 75.*
Vouete & reddite Domino Deo vestro.] Ac ne Rex Iacobus refelle-
re queat, illud ad Synagoga tantum pertinere, disertim *Ierm. 33.* de
Ecclesia Christi prædictum legimus: conuertam conuersionem Iu-
da, & ædificabo eos, sicut à principio: & adhuc audietur in loco isto
vox gaudij & lætitię, vox Sponsi & Sponsę, vox consensum Domi-
no, & portantium V o t a in domum Domini. *Et Isai. 19.* In die illa erit
altare Domini in medio terrę Ægypti siue Gentilitatis, & cognoscent
Ægyptij Dominum in die illa, & V o t a vouebunt Domino, & sol-
uent.] Igitur etiam Christiani, qui se ipsos castrant, siue castitatem
Deo vouent, soluere votum teneatur, & sine peccato ac damnatio-
nis periculo fidem Deo datam irritam facere nequeunt. *1. Tim. 5.* Ado-
lescentiores viduas deuira (id est, non facile ad votum continentię propter
Ministerium Ecclesię faciendum admitte) Cum enim luxuriatę fuerint, in
Christo nubere volunt (id est, cum pruritum siue tentationem carnis ad for-
nicationem impellentis non patienter sustinuerint, neque vigiliis, precibus, ie-
iunijs, flagellis & hypopiasinis ei resisterint, sed molliter succubuerint, ad nu-
ptias animum applicant, sibi que persuadent, se Christianum matrimonium con-
trahere posse) habentes damnationem, quia primam Fidem voto siue iu-
reiurando obligatam irritam fecerunt] Igitur se ipsum castrare propter
regnum cœlorum, magnę est violentię, nec sine diuina potentia fieri
potest, quę causa est, cur simul dicat Christus: *Qui POTEST capere ca-
piat.* Non omnes capiunt verbum istud, sed quibus datum est. quibus ver-
bis tantum abest vt cuiquam votum continentię dissuadeat (velut
Lutherus contendit) vt contrā auctor sit & suasor Christianis omni-
bus continentię vouendę: siquidem datur omnibus, qui capere vo-
lunt, hoc est qui instrumentis siue Medijs, quę ad accipiendam à
Deo

Deo gratiam illam præscripta sunt, vtuntur, cuiusmodi iam esse dixi, labores, vigilias, preces, ieiunia, cilicia, flagella &c. in primis autem deuitatam peccandi occasionem, siue illecebras. Nam si quis otietur, nihil oret, crapuletur, cum mulieribus multum conuersetur, bonam denique, vt Plautus ait, vitam faciat, is profectò capere non vult. Voluntas enim non ad finem modò, sed etiam ad media, sine quibus ad finem non peruenitur, tendit, eamque ob rem non *Volitionem* tantum, quemadmodum in scholis loquuntur, sed etiam *Intentionem*, *consensum*, *Vsum*, *Fruitionem* & *Imperium* complectitur. Rectè ergò Salomon Prou. 13. *Vult & non vult Piger*, anima autem operantium impinguabitur, id est, illi qui opus rusticum faciunt, & agrum suo labore excolunt, vberem messem facient. Piger autem egebit, quia messis vbertatem non vult, sed tantum concupiscit siue desiderat. Prou. 21. Desideria occidunt pigrum: noluerunt enim quicquam manus eius operari: tota die concupiscit & desiderat.] Ergò desiderium quamuis vehementissimum, ac tale prorsus, vt quis eo pæne emoriatur, nondum est Voluntas, sed adhuc reliqua, quæ iam enumeravi, accedant oportet. Nam *Velle* non est sine ratione. Iam verò nulla est ratio, vt illud quis habeat, qui cetera, sine quibus illud haberi nequit, negligit. Itaque *Piger vult & non vult*, hoc est, imperfectè vult. At enim qui faciunt iustificationes Dei propter retributionem, siue, qui vitam æternam vel gradum gloriæ excellentiorem, velut Finem, habent propositum (sicut de se David proficitur Psal. 118. *Inclinaui cor meum ad faciendas iustificationes tuas in omni tempore propter ttributionem*) ij Nimis, seu perfectè & valde volunt, non tantum desiderant. Psal. 111. *Desiderium peccatorum peribit* (siue, beatitudine, quam desiderabant, non potentur) *sed beatus vir qui timet Dominum: in mandatis eius VOLET NIMIS*. id est, perfectè volet, nec mediorum, quæ ad beatitudinem adipiscendam Deus Ecclesiæ reliquit, vllum prætermittet. Similiter, qui se ipsos castrant seu continentiam vouent propter retributionem beatitudinis, nimis volunt, omniaque faciunt, quæ cum ad beatitudinem, tum ad finem ei subiunctum, nempe continentiam, siue continendi POTENTIAM à Deo impetrandam pertinent. Itaque dat eis Deus, ut capiant, siue, vt continere possint. *Omnia possum*, (ait Paulus Philip. 4.) siue OMNIPOTENS sum in eo, qui me confortat. Ex Deo est sufficientia nostra: qui in nobis operatur & velle & perficere, 2. Cor. 3. & Philip. 2.

Velle quid sit.

Qui Medius non vultur, is non vult, sed imperfectè vult.

Velle est recta rationis.

Potentius Castitatem nimis seu perfectè volunt.

Volentibus Deus dat omnia quæ volunt.

CAP.

*Aliud diuina
potentia in Ec-
clesia Specime.*

ALiu huius Christianorum hominum omnipotentie speci-
men est, quod illo loco Matth. 19. Christus docet: *Si vis perfectus
(sive Omnipotens) esse, vade, vende, quæ habes, & da pauperibus, &
habebis thesaurum in cælo, & veni, sequere me,* quibus verbis Christus
votum Paupertatis & Obedientie suadet. nam sequi obedientiam si-
gnificat. Quanta porro potentia sit relinquere omnia, quæ habeas,
aut saltem aliquando diligenter adnitens habere possis, ibidem Chri-
stus diuitis adolescentis exemplo declarat. Cum enim illud Chri-
sti consilium adolescens alioquin pius ac probus audisset, *abijt tristis,*
quia multas possessiones habebat. Iesus autem dixit discipulis suis: *Amen dico*
vobis, quia diues difficile intrabit in regnum cælorum. Et iterum dico vobis: fa-
cilis est camelum per foramen acus transire, quam diuitem intrare in regnum
cælorum. Auditis autem his, discipuli mirabantur valde dicentes: *Quis ergo*
poterit saluus esse? Aspiciens autem Iesus dixit illis: *Apud homines hoc impossi-*
bile est: apud Deum autem omnia possibilia sunt. Igitur non humanis vi-
ribus fit, sed digito siue omnipotentie Dei recte adscribitur, cum quis
nullam aliam ob causam, quam propter regnum cælorum, omnia sua
relinquit, seque totum, hoc est, corpus & animam, intellectum & vo-
luntatem Deo, siue alicui, Dei vices gerenti, subijcit. Vident ergo Gen-
tiles lucentem diuinam in Ecclesia Catholica potentiam, cum eorum
myriades myriadam siue milliones habeat, qui se ipsos voto conti-
nentie facto propter regnum cælorum castrarunt, utque thesaurum
in cælo haberent, relictis omnibus, alicui Christi Vicario subiecerunt.

*Numerus Mo-
nasteriorum, in
quibus sunt
Monachi.*

*Quot milliones
auri quotannis
ex Monasteriis
& Parochiis
facile capi
queant.*

De cuius numeri veritate hinc existimari potest, quod *Paulus IV. Ponti-*
fex Maximus, pactis inter Imperatorem Gallieque Regem inducijs, ut
& ipsos & ceteros Christianos Reges, Principes, & esque pub. ad bel-
lum Turcis inferendum permoueret, hanc etiam conficienda pecu-
nie ad belli impensas necessaria rationem commonstrauit, cum Cæ-
nobiorum, in quibus Monachi viuunt, 144. millia, Parochiarum verò
288. millia reperiantur, ut vnumquodque Monasterium quotannis
senos aureos cum dimidio, siue in singulas hebdomadas XV. asses, si-
ue baioccos, siue solidos, seu crucigeros: Parochiarum verò singulae
in hebdomadas vnum aureum conferant: Sic enim quotannis
XV. milliones & 912. millia aureorum, id est, florenorum Rhenen-
sium plusquam XXXI. milliones confectum iri. Atque hinc etiam
facile est conijcere, quantum animos Gentilium commoueri oport-
eat. cum tantas à Pontifice, si velit, fortissimorum militum copias
cuicumque hosti obijci posse intelligunt. Si enim ex vno quoque Mo-
nasterio

nafterio non nisi decem eligantur (sunt autem plurima Monasteria, quæ multo maiorem robustissimorum Fratrum numerum præberent, ex quibus ceterorum paucitas facile suppleretur) ex illis 144. Monasteriorum millibus, exercitus conficietur vnus *Quam ingens exercitus ex Monachis confici possit.* millionis & quadragentorum quadraginta millium: in quo non tam numerus, quam ipsum genus siue qualitas militum admirationem mereatur. Erunt enim plerique omnes, maior quidem certe eorum pars, vigilijs, ieiunijs, frigore, laboribus assueti, & *Quales milites Monachi isti futuri sint.* Pontifici non aliter, quam ipsi Deo, religioso obedientie Sacramento auctoritati, vt proprijs auctoritate vri, vinciri, ferrum iugulo excipere non modo non recusent, sed vel in maximæ felicitatis loco numerent. Et quis vmquam post homines natos Rex aut Imperator vsquam fuit, qui cum hac Pontificis potentia & cum eiusmodi non tantum in corpora fortunaque, sed etiam in voluntates ac prae cogitationes omnes imperio vel minima ex parte comparari posset?

Tametsi autem Rex Iacobus cōiectura de suis forsā Anglis & purissimis Puritanis ducta, nostrorū Clericorum ac Monachorū, & Monialium continentiam suspectam alijs reddere conatur, satis tamen vnus Lutheri testimonium supra cap. X. adductum, omni huiusmodi suspitione eos exsoluit. Fatetur enim Lutherus, se posteaquam Germanorum & Anglorum Apostolus factus fuerit, nequaquam labores, vigilijs, orationes, ieiunia, aliasque corporis macerationes sustinere potuisse, quas prius, cum esset Monachus, quindecim annis amplius sustinuerat. Sed vt etiam tanta nostrorum Eunuchorum continentia non foret, adhuc tamen maximæ potentie specimen in eo Gentilibus exhiberent, quod inducere animum possunt, vt ijs, quæ vel iam habebant, vel aliquando fortassis habere poterant, in perpetuum relictis, & omni proprietate siue dominio eiurato, nutui ac ditioni non eius modo, quem habent cognitum, sed quemcumque deinceps fortiri queant Præpositum, se totos humillimè subijciant, ab eo toti pendeant, non nisi quod, quantumque ei visum fuerit, cibi potusque sumant, cubitum, somnum, vestitum, tectum, omnia denique non vlla sua voluntate, sed vnus superioris, quem vocant, iussu ac dispensatione moderentur, & quod omnibus his multo adhuc est potentius, ne sapere quidem aliter aut intelligere, quam superior iusserit, sibi permittant, sed de rebus, quæ dubio adhuc litis examine pendent, neque summi Pontificis sententia sunt decise, eam, quæ vera ipsis videtur sententia, iubente Prælato mutet,

D d

& ali-

Papa omnium Regum terra potentissimus.

Religionum Catholicorum paupertas & obedientia.

& aliter quàm priùs, non modò disputare, sed etiam sentire incipiunt. Atque hæc omnia ea religione & animi demissione ac perinde prorsus faciunt, quasi Christum ipsum præsentem conspiciant, eique se probare cupiant. Et sunt tamen non pauci eorum, magnis familiis editi, atq; etiam Principum regulatorumq; filij, deliciis prius innutriti, fructibus prædiorum annuis locupletissimi, omnibusq; rebus ornatissimi. quomodo igitur horum mutatio dextræ omnipotentis non adscribi, & gentilibus admiratio non exprimi videntibus queat? Bonus vir, *ait Seneca*, sine Deo nemo est. An potest aliquis supra fortunam, nisi ab illo adiutus, exsurgere? Ille dat cõsilia magnifica & erecta. Si hominem videris interritum periculis, intactum cupiditatibus, inter aduersa felicem, in mediis tempestatibus placidum, ex superiore loco homines videntem, non subibit te veneratio eius? non dices: Ista res maior est altiorque quàm vt credi similis huic, in quo est, corpusculo possit? Vis istuc DIVINA descendit. Animum excellentem, moderatum, omnia tanquam minora transeuntem, quicquid timemus optamusq; ridentem, celestis potentia agitat. non potest res tanta sine adminiculo numinis stare.] *Hæc Gentilius Seneca.*

CAPVT LXIII.

*Aliud diuinæ
potentia in Ec-
clesia specimen,*

*Confessio pecca-
torum,*

*Satisfactio Ca-
tholicorum pro
peccatis.*

IA M ex altera parte non desunt ne in Laicis quidem Catholicis, quæ non nisi diuinæ virtutis ac potentia apud Gentiles opinionem habere queant. Cum enim audiunt in genere Catholicos omnes summos & infimos, secreta conscientia suæ, & quicquid vniuersum turpe & iniustum vel cogitarunt, dum tamen assensum cogitationi iunxerint, aut saltem in cogitando molestè nihil tulerint, non secus quàm ipsi Deo per tribunal ius reddenti retegere. quomodo fieri potest, vt non aliquid de ipsis diuini animis concipiant? Quod enim in re publica sua tanquam diuina Plato finxit, cum Oratores & Aduocatos à tribunalibus remouit, nec excusationibus aut defensionibus tam accuratis locum reliquit, sed eum, qui peccauit, sponte sua non citatum, nec testimonij conuictum ad tribunal accedere, sui ipsius accusatorem agere, peccatum confiteri, & pœnam velut remedium expectare, si quando etiam iniuste condemnatus sit, æquo animo id sustinere, & tanto melius in altero seculo sibi futurum sperare iussit: hoc à Catholicis religiosissime observari vident. Sed nec in eo non plurimum moueri gentiles necesse est, cum quas Catholici à se ipsis pœnas peccatorum suorum expetant, intuentur: præcipue verò in

Maiora

Maiori siue sancta illa hebdomade, qua Passionis & Mortis Christi anniuersaria memoria recolitur. Tum enim passim videre est, Catholicos diuersis sodalitijs distinctos prælatam Christi crucifixi imaginem longa serie consequi, & recitando *Pœnitētiales Psalmos* suorum se peccatorum, quæ Christo mortis acerbissimæ necessitatem imposuerunt, in mentem reuocare, ac subinde alios flagella, alios ferreas catenas expedit, ijsq; nuda terga sua strenuè cedere, nec nisi copioso effluente sanguine flagellationis finem facere, velut facturos eos iam olim *Zacharias cap. 12.* ita prædixerat: In die illa, ait Dominus, effundam super domum Dauid (*siue Clericos velut supra exposui*) & super habitatores Ierusalem (*seu Laicos*) Spiritum gratiæ & precum (*ut mihi pro Passione mea gratias agant, & preces pro remissione peccatorum ad me fundant*) & adspicient ad me, quem confixerunt (*imagine hominis Crucifixi, quæ sibi præferendam curant, comoniti*) & plangent me, quasi planctu super vnigenitum, & dolebunt super me, vt doleri solet in morte primogeniti. In die illa erit magnus planctus in Ierusalem sicut Iosiam regē ab Aegyptijs occisum anniuersarijs lamentationibus Ieremię cantorum & cantaricum chori plangere solent (2. Paral. 35. Et planget terra: familiæ & familię seorsum.) Cuius rei nõ modò nullum omnino apud Hereticos vestigium inueniri, sed neq; mentionē aures eorū admittere satis constat: quin etiam Christo nõ mediocrem eo pacto iniuriam fieri cõtendunt, quasi scilicet ipse iam satis flagellatus nõ fuisse, neq; iustitiæ diuinę p peccatis nostris satisfecisse nobis videatur. qua tamen eorū calumnia supersederi poterat, si scripturas attentius legere didicissent. Nā Christus se Vitē, nos Palmites esse dicit Ioh. 15. Qui manet in me, inquit, hic fert fructū multum, & pater me^o purgabit eum, vt fructū plus afferat. Sicut palmes nõ potest ferre fructū à semetipso, nisi manserit in vite: sic nec vos, nisi in me manseritis: quia sine me nihil potestis facere. Omnem vero palmitem in me (*id est, mihi insitum per fidē & baptismum*) non ferentem fructum, tollet Pater meus, & in ignem mittet. Sicut ergo ridiculus foret, qui diceret: *Vitis fert fructū. Itaq; ignominia Vitē afficit palmes, qui & ipse ferre fructū cupit.* Similiter fatuantur Lutherani, cum ppter ea quia Christus p nobis flagellatus fuerit & satisfecerit, nos nec flagellari nec satisfacere debere contendunt. Paulus quidem, ne velut Palmes infructuosus recideretur forasq; mitteretur, ipse se flagellare & (quoniam Ecclesia edificatur vt Cuius, cuius participatio est in idipsum, Psal. 221. hoc est, cuius Cuius omnes omnia inter se participant & ad cōmunem vtilitatē conferunt: ex quo Dauid Psal. 118. Par-

Supplicationes seu processiones Catholicorū in die Pasceus anniuersaria,

Protestantes nolunt pro peccatis Deo satisfacere.

Protestantes inuolunt fatistas.

*S. Paulus pro se
& pro aliis se
ipsum flagella-
uit.*

*Mori & Morti-
ficare se ipsum
quotidie Chri-
stianorum est
officium.*

*Lutheranorum
aduersus S.
Paulum argu-
mentatio.*

*Responsio S.
Pauli.*

*Pauli passiones
in Christi glo-
riam redunda-
bant.*

ticeps, inquit, factus sum omnium timentium te, & custodientium mandata tua) cum pro se ipso, tum pro aliis Deo satisfacere conatus est. 1. Cor. 9. Castigo corpus meum, & in seruitutem redigo, ne reprobus efficiar.] Pro Castigo, Græcè est: *ὑποτιάζω*, quod est, iugillo, cædo, liuidum verberibus reddo, siue, ut ait Plautus, *ducentas de tergo do prægnantes plagas*: quæ quia seruilis erat pœna (neque enim hominem liberum cædere flagellis fas erat) rectè dicit Apostolus, *se in seruitutem redigere corpus suum*, id est, mancipij seu serui cõtumacis more tractare. Hoc aliis locis Morti ac Mortificare vocat. 1. Cor. 15. Si mortui non resurgunt, quare ergo periclitor omni hora? Quotidie morior propter gloriam vestram, quam habeo in Christo. *Ephes. 3.* Peto ne deficiaris in tribulationibus meis pro vobis, quæ est gloria vestra 2. Cor. 4. In omnibus tribulationem patior: semper in mortem trador propter Iesum: semper mortificationem Iesu in corpore meo circumfero: Omnia autem propter vos, ut gratia (boni operis mei siue passionis) abundans per multos, abundet in gloria Dei. 2. Cor. 6. Sum quasi moriens, & ecce viuo: ut castigatus (nempe flagellis) sed non mortificatus.] *Nec enim tam facile Catholicos flagellatio, quam crapula Lutheranos mortificauerit.* 2. Cor. 12. Ego libentissimè impendam (quæcumque habeo bona opera) & superimpendar ipse pro animabus vestris.] Quid igitur? dicent Lutherani: nonne Christus dolores nostros, quos portare nos debebamus, ipse portauit? nonne vulneratus est propter iniquitates nostras? nonne Disciplina pacis nostræ super eum? id est, nonne ipsius disciplina siue flagellatio pacem cum Deo nobis peperit? & nonne linore siue hypopialmis eius sanati sumus? nonne ipse impendit & posuit pro peccato nostro animam suam? nonne ipse peccata multorum tulit & pro transgressoribus rogauit? quid ergo tu, Paule, pro animabus aliorum impendere bona opera & passionem tuam, atque adeo ipse superimpendi postulas? Respondet Lutheranis Paulus *Coloss. 1.* Gaudeo in passionibus meis PRO VOBIS, & adimpleo ea, quæ DESUNT passionum Christi in carne mea, pro corpore eius, quod est Ecclesia. 2. Tim. 2. Omnia sustineo propter Electos, ut & ipsi salutem cõsequantur, quæ est in Christo Iesu.] Nempe omnes Pauli passiones, quas pro saluandis aliorum animabus sustinuit, omnem suam vim ex Christi passione, velut palmes fructuosus omnem à vite succum, traxerant. quia siue me nihil potestis, ait Christus. Iam verò Palmitem multos fructus ferre, in ipsius Vitis commendationem redundat. nam succi optimi plena esse, ex palmitis fructu deprehenditur. Itaque Paulus omnes ad voluntarias passiones siue satisfactiones cohortatur. *Coloss.*

los. 13. Mortui estis & vita vestra est abscondita cum Christo (id est, in baptismo Christo promissistis Christo, non carni victuros) Mortificate ergo membra vestra, quæ sunt super terram id est, ieiunio, cilicio, flagello, labore ac vigilia ita perdomate, ut se velut mortua non commouere. nec contra Spiritum concupiscere queant, quod Iudas in Epistola sic exponit: Odio habete eam, quæ carnalis est, maculatam tunicam Galat. 5. Spiritu ambulate, & desideria carnis non perficietis. Caro enim concupiscit aduersus Spiritum: Spiritus autem aduersus carnem: Qui sunt Christi, carnem suam crucifixerunt cum vitijs & concupiscentijs.] Sicut enim homo in cruce confixus nihil se aduersus eum, à quo confixus est, commouere potest: Similiter, quorum caro ieiunijs, vigilijs, laboribus, cilicio ac flagellis coërcetur ij, carnis opera non perficiunt, neque carni aduersus Spiritum concupiscenti assentiunt. Atq; hoc est, quod etiam Christus à suis discipulis requirit Matth. 10. & Luc. 14. Qui non accipit Crucem suam & sequitur me (id est, qui me non imitatur patiendo ac se ipsum velut crucifigit) & non odit animam siue vitam suam, non potest meus esse discipulus, & non est me dignus] Quod autem huiusmodi passionibus & crucifixionibus, Christi imitatione & virtute siue operatione susceptis, satis facere pro peccatis Deo possumus, hoc amplius 1. Cor. 11. Paulus docet: Quia vos indignè ad mensam Domini accedere, nec diiudicare corpus Domini, siue à pane corporali distinguere non soletis: ideò inter vos multi infirmi & imbecilles, & dormiunt siue mortui sunt multi. Quod si nosmetipsos diiudicemus, non utiq; iudicemur. Dum iudicamur autem, à Domino corripi-mur, ut non cum hoc mundo damnemur. Apparet Corinthios illos, qui indignè manducati corporis Domini siue morte, seu morbo pœnas dederant, pœnitentiam peccati sui egisse. Alioquin enim damnati certò fuissent, sicut Luc. 13. Christus denunciat: Nisi pœnitentiam egeritis, omnes peribitis. At enim ideò Deus Corinthios illos morbo aut morte affecit, ne cum mundo damnarentur. Itaq; cum iam peccati remissionem per pœnitentiam obtinuissent, adhuc pœnam aliquam Deo luere necesse habuerunt. Non te quidem faciam in consumptionem (ait ipse Ierem. 30.) sed tamen castigabo te in iudicio, ut non videaris tibi innoxius. Sed si se ipsi iudicare, pœnasq; à se ipsis sponte sua expetere voluissent, docet hic Paulus, eos pœnam Dei sine dubitatione euadere potuisse: ut ita nihil dubitandum sit, quin rectissimè faciant Catholici. cum Deo pro suis & fratrum peccatis per sui castrationem, pauperatē, obedientiam, ieiunia, preces, vigilijs, cilicia ac flagella satis facere conantur.

D d 3

Si

Mortificare se
ipsum quid sit?Crucifigere car-
nem suā quid
sit?Omnes Christi-
ani debent se
crucifigere.Qui se ipsum
mortificat, Deo
satis facit pro
peccatis.Corinthij tene-
bantur Deo sa-
tis facere.

SI quis iam ex Lutheranis quærat, cuiusmodi *Potentia diuina* speci-
men apud ipsos inuenire Gentilis homo queat, non equidem quid
responsuri sint, suspicari possum, cum Lutherus nihil sua Ecclesia im-
becillius ac debilius inueniri posse vltro fateatur. Nam Tomo 3. Ger.
witt. parte 2. in comment. Psalmi 45. fol. 42. b. *eius talem esse dicit speci-*
em, ut nullus Diabolus tam elumbis, eneruis & infirmus sit, quin ei multum vi-
ribus præpollere videatur: immò verò eam propemodum ipsius Diaboli, non
Christi sponfam apparere. Ac nequis ei minus hac de re credat, eo quæ su-
pra cap. II. laudauimus loco, causam his verbis exponit: *Mundus ex hac*
doctrina quotidie redditur deterior. Iam homines singuli septenis Diaboli ob-
sidentur, cum antea (priusquam Lutherani facti forent) unico tantum
Diabolo obsessi fuissent. Diabolus iam cateruatim in homines ingreditur, ut
nunc in tam splendida Euangelij luce sint auariores, callidiores, iniustiores,
crudeliores, proteruius, multo denique deteriores, quam prius in Papatu sue-
rant.] Itaq; nihil errauit, cum Diabolus Lutheranorum suorum De-
um ac Principem esse dixit Tom. 3. Ger. Ien. in Epistola de libro aduer-
sus rusticos fol. 147. a. §. 2. & Tom. 2. Witt. fol. 266. b. Quis nostrum
tam POTENS est, ut animo suo inperet? quis tam POTENS, ut Diabolo & car-
ni resistat? Non est nobis possibile, ut vel minimo peccato resistere POSSIMUS,
siquidem scriptura dicit, NOS à Diabolo captiuos teneri, velut à Principe
& DEO nostro, ut cogamur facere, quicquid ipse vult NOBIS QVE inspirat.]
Locus scripturæ est iste 2. Tim. 2. Qui resistunt Veritati, à Diabolo
lequeis captiui tenentur ad ipsius voluntatem.] Et 2. Cor. 4. Euange-
lium his opertum est, qui pereunt: in quibus DEVS huius sæculi
(sive Diabolus) excæcavit mentes infidelium, ut non fulgeat illis illu-
minatio Euangelij.] Nos contra Catholici Christum habemus Prin-
cipem, Ezech. 34. à quo, velut dixi, est sufficientia nostra 2. Cor. 3. in quo nos
confortante omnia possumus, Phil. 4. Diabolo nempe fortiter in fide
resistere, 1. Pet. 5. & ignita eius tela extinguere, Ephes. 6. ipsum deniq;
sub pedibus nostris contere, Rom. 6. sed alia longè est Lutheranorum
ratio, qui septenis singuli Diaboli obsessi, ne minimo quidè peccato
possunt resistere, nedum illi se ipsos castrare, sua omnia inter paupe-
res distribuere, alicui aliter velut Christo se totos subiicere, cilicio in-
dui, ieiuniis & orationib; adfidiuis instare, flagellis deniq; se ipsos con-
cidere possint. Non hoc eorum Deus ac Princeps ipsis permittit, sed eos
nō aliter, quàm Porcorum quondam gregem, in profundū vitiorum omnium
ptæcipites abripit, si tamē Luthero rursum credi fas est, cum in Com.
1. Cor. 15.

Apud Protestan-
tes nullā poten-
tiam diuinam
videre Gentiles
possunt.

Protestantes nul-
lam prorsus ha-
bent Potentiam
Coguntur obe-
dire Diabolo.

Catholici poten-
tes sunt ad resi-
stendum Dia-
bolo.

Diabolus Prote-
stantibus velut
Porcis vititur:

1. Cor. 15. Tomo 1. Ger. Witt. parte 2. fol. 56. b. & Tomo 1. Lat. Wit. fol. 161, 162. ita de suis discipulis scribit: *Trafonice iactare audent, sibi iam nullo Predicatore opus esse. nam futura vite rationem habent nullam. sed sicut credunt, ita viuunt sunt & manent SPES: credunt sicut sues, & sicut sues moriuntur.* Ipsorum tamen Lutheranorum optione esse volo, vtrum se pro suis an Lutherum, subulcu suu, pro homine mendacissimo haberi malint. Mihi satis est, rebus maxime necessarijs ac perspicuis vicisse, nullam prorsus apud ipsos diuinæ potentie partē lucere, quæ hominē Gentile admiratione aliqua completum ad amplectendam ipsorum fidem possit allicere. Quid, quod eō demētiæ deuenerunt, vt non iam illos qui se ipsi ppter regnū cēlorū castrant, siue virginitatē aut continētiā Deo vouēt ac seruant, sed qui primam fidē irritam faciunt ac perurio violant, inter suos Miraculorū patratores numerent? Luther⁹ enim in Epistola ad Comites Mansfeldicos narrationi suæ de sanctimoniali quadam Virgine, quæ monasterij claustra perfrigerat, præmissa Tomo 6. Ger. Witt. fol. 248. & Tomo 2. Ger. Ien. fol. 378. eo consilio illam à sese historiā in publicū emitti profitetur, vt omnes, inquit, hoc Dei (illius nēpe, quē iam modō Lutheranorū esse Deū dixit, hoc est, Diaboli) opus aduertant, & hoc eius miraculum ac prodigium minimē negligant. Nos qui iam Euangelium scimus & Veritatem cognouimus, eiusmodi signa, quæ ad CONFIRMANDVM Euangelium sunt, idq; promouent, negligere nec debemus nec audemus. Quid tum, quod isti nequaquam per miraculo, vel certē pro Diaboli Miraculo illud habent, qui Euangelium nec norunt, nec nouisse volunt, & Monialium vitam rem Christianam esse credunt? Deus hoc proximo triennio huius generis plura fecit miracula, quæ cum tempus feret, similiter literis ad posteritatem prodentur.] Quis Gentilis non subito Lutheranus fiat, atq; hac diuina Euangelij potentia, quæ puellas Deo consecratas, simulac prurire vel subare cæperint, claustra perrumpere, & ad viriles cōplexus properare docet, nō prorsus in lapidē propter admirationē obrigescat? Neq; tamē nō illius quoq; Potētiæ illustrissima Gentilis idē documenta apud Lutheranos inuenerit, de qua Isai. 5. legimus: Qui POTENTES estis ad bibendū, & viri FORTES ad miscendam ebrietatem: qui conſurgitis mane ad ebrietatē sectandam & potandum vsq; ad vesperam, vt vino æstuatis. Cithara, & Lyra, & tympanum, & tibia, & VINVM in conuiuijs vestris.] Huiusmodi Heroum & fortium exitus sic ibidem nobis describitur: Aperuit Infernus os suū absq; vllo termino, & descēdent FORTES eius, & populus ei⁹, & sublimēs, glorioſiq; eius ad eū.] Si quæras, quando? respondebo

Nisi Luther⁹ mentitur.

*Lutheranū mī
raculum*

*Quibus signis
Luthero doctrī
nam suam con
firmat.*

*Protestantium
diuina potētia
in potando.*

tum

tum id fieri, cum vsuuenit, quod *Ierem. 46.* lego : *Fortis impiegit in fortem, & ambo pariter conciderunt.* De hac porro, si minus diuina & plusquam humana, saltem inhumana Lutheranorum suorum potandi ac vorandi POTENTIA & FORTITVDINE ita Lutherus Tom.

Vnus Lutheranus aequè potens ac centum Aegyptij. 6. Latin. Witt. in comment Genes. 47. fol. 630. confitetur : *Fuerunt in Aegypto homines frugales, parcè ac duriter viuentes, non fuerunt Heluones, comedones, Bibones, sicut NOS Germani: quorum unus aliquis una die tantum cibi & potus absumit, quantum suffecisset ad victum centum Aegyptiorum.*] Quomodo ergo hanc tantum eorum Fortitudinem adspiciens Gentilis quispiam non continuò fateatur : *Digitus Dei est hic ?*

CAPVT LXV.

Aliud diuinæ potentia in Ecclesia specimen.

Obedientia Catholicorum erga Pontificem & Episcopos.

Eius Rex Angliæ testis esse potest.

Regis Angliæ in edendo libro suo consilium.

SED vt ad Ecclesiam Catholicam reuertamur etiam illud diuinæ virtutis opinionē Gētilibus mouere potest, quod tantam Sacerdotibus, & omnino Clericis omnib⁹ obediētiā, reuerentiā, cultumq; Laici deferunt, itaq; concorditer simul omnes in eadem ciuitate habitant. Nec enim Pontifici modo ipsi etiam Reges ac Principes, velut eminentiori potestare præditi, humiliter obediunt, memores eius scilicet, quod in genere Paulus præcipit Rom. 13. *Omnis anima sublemioribus potestatibus subdita sit. nam qui resistit potestati, Dei ordinationi resistit : qui autem resistunt, ipsi sibi damnationem aquirunt :* Sed etiam ceteris Episcopis, in sua cuiq; Diœcesi magna animi demissione subiacent, velut ab Apostolo eis præceptum est : *Obedite Præpositis vestris & subiaccite eis: ipsi enim perungunt, tamquā rationē reddituri pro animabus vestris,* Hebr. 13. Neq; verò Regem Iacobum hoc verè à me dici non plus etiam, quam vellet, nuper adeò comperisse credo, cum librum eius in Pontificem scriptum Catholicorum Regum ac Principum vix vllus oblatum recipere sustinuit : alij, qui & humanitati suæ erga Regem nonnihil dare, nec tamen ab officij religione discedere voluerunt, tametsi librum acciperent, nihilominus eum sibi legere nefas esse seriò simul contestati sunt, vt longè Regem in eo fugerit ratio, cum Lutheranorum argumenta, quibus suam illi Hæresin tuentur & commendant, ad Regum Principumq; cognitionem, quò nullius priuati liber alioquin adspiraret, Regij nominis ac tituli opera sine vlla dubitatione admissum iri credidit. Sed nempe iam experiundo sensit, neq; se, neq; sapientes illos consiliarios suos, Catholicorum erga Regem seu caput suum Pontificem, obseruantiam perspectam habuisse,

habuisse, neq; caussæ quicquam est, quin ista *Isaie* verba cap. 19. rectè
in eos conferantur: *Stulti Principes laneos, sapientes Consiliarij Pharaonis* ^{Regē Anglum}
dederunt consilium inspiens. quomodo iam dicet Pharao: Filius Sapientium ^{spes sua turpi-}
ego, filius Regum antiquorum? Aut etiam Regi nostro à Theogneto ^{ter sinistrata est}
dictum putetur:

Παφίλοσόφηκας γῆ τε καὶ ὕραν λαλῶν,
Οἷς ὕδεν ἐσιν ἐπιμελὲς τῶν σῶν λόγων
Terræ atq; cælo Philosophatus es loquens.
Queis nulla prorsus sermonis cura est tui.

Qui si Prometheus, quàm Epimethe^o esse maluisset, ex quinto Da-
vidis Psalmo, qui inscribitur *Pro ea, quæ Hereditatem consequitur*, (id
est pro Christi Ecclesia, velut Lutherus Tomo 3. Latin. VVitt. operatione
in hunc Psalmum fol. 175. fatetur, aitque Prophetam orare contra opera-
rios subdolos, qui verbo Dei adulterato hereditatem seu populum
Dei deuorant) minimè fallaci diuinatione conatus sui euentum
prædiuinare poterat. Sic enim anima cuiuscumque Catholici Re-
gis ibi loquitur. Manè adstabo tibi & videbo: quoniam non De-
us volens Iniquitatem tu es: neq; habitabit iuxta te Malignus, neq;
permanebunt Iniusti ante oculos tuos (id est, quia falsam doctrinam,
siue Hæresin abominaris, neque vllum Hæreticum in Ecclesia tua toleras, sedu-
lo & sollicitè me in discenda & retinenda fide Catholica adhibebo, non dormi-
am, nec negligens ero in religionis causa) Odisti omnes, qui operantur
Iniquitatem (id est, ut supra monui, Hæresin, siue, ut Lutherus interpre-
tatur, peruersam opinionem de Deo) perdes omnes, qui loquuntur men-
dacium seu falsam scripturæ interpretationem aut falsam & impiam doctri-
nam, ut ait Lutherus. Virum sanguinum (qui nihil nisi caro & San-
guis est, nec ea sapere vult, quæ sunt Spiritus Dei) & dolosum abomina-
bitur siue abominari solet Dominus. Ego igitur in multitudine mise-
ricordiæ tuæ confusus introibo in domum tuam (humiliter sequar,
ideò datum à te pastorem, ut per Ecclesiæ portas Reges Gentium inducat, *Isa.*
60.) adorabo ad templum sanctum suum in timore tuo. Domi-
ne deduc me in iustitiam tuam: propter Inimicos (*Hebr.* Insidiatores,
id est, *Luthero interprete*, seductores, falsos operarios & mendaces magi-
stros) dirige in conspectu meo viam tuam (ut rectè in via tua, siue les Catholicorū
in vera Religione, incedam, nec ab Hæreticis abducar) Quoniam non
est in ore eorum Veritas: Cor eorum vanum est (*Hebr.* Interiora

E c eorum

eorum infidię. Quod sic explanat Lutherus : Non id sapiunt, quod de-
rè docent verba, quę illi e media Scriptura adducunt, sed id volunt verbis
videri significari, quod ipsi sapiunt.) Sepulchrum patens & pestilen-
tem doctrinam exhalans est guttur eorum : linguis suis dolosè age-
bant (perdulces sermones & benedictiones conantur seducere corda in-
nocentium, Rom. 16.) Iudicabis seu punies illos Deus (quomodo au-
tem ?) Decident à cogitationibus suis (consilijs suis frustrabuntur,
longissimęque à destinatione sua iacebunt & , vt ait Lutherus, non perfici-
ent, quę cogitant aduersus pietatem) Secundum multitudinem impie-
tatum eorum expelles eos (ex Ecclesia tua) quoniam irritauerunt
te Domine. Et lætabuntur omnes qui sperant in te, & habitabis in
eis (velut Ecclesia tuę facturū te promisisti) & benedices Iusto ; vt scuto
bonę voluntatis seu benevolentia tuę coronabis eum.] Id est, tu gratia
tua custodies illos, nec in Hæresin induci fines, qui in timore tuo ma-
nēvigilant, siue diligēter ab Hæreticis cauent & in te sperant, neq; du-
bitant etiam si ipsi non videant, nec intelligant scripturarū mysteria,
adeoq; nec argumentis Hæreticorum refellendis pares sint, quin Pa-
stores eis dederis, quos tutò in vmbra mortis sequantur, & ab eorum
virga ac baculo pastoralis regi se finant, velut proxima Parabola co-
piofius docebo. De huiusmodi Timidis & in Deo sperantibus, est locus
Isai 50. Quis ex vobis timens Dominum (sedulo ab Hæreticis cauens,
neq; negligenter se gerens. Nam qui timet Dominum, nihil negligit, sed
animaduertit omnia, Ecclesiasta 7. & Prou. 28.) audiens vocem serui
sui ? (Pastoris, qui est fidelis & prudens seruus, quem constituit Dominus supra
familiam suam, Matt. 24.) qui ambulat in tenebris, & non est lumen ei?
(qui suo Marte scripturas non intelligit, neq; lumen sine donum interpretandi
Scripturas accepit. Quid ergo huiusmodi facere debet, ne in Hæresin
velut in foueam incidat ?) Speret in nomine Domini, & innitatur
super Deum suum. (Id est, spem optimam habeat, Deum nequaquam in
eo fidem fallere, quod Ecclesia suę Pastores iuxta cor suum, qui Mundi lux
essent, daturum se promissit. Ierem. 3. Introducam vos in Sion (per
quos autem via duces ?) Et dabo vobis Pastores iuxta cor meum,
qui pascent vos scientia & doctrina. Qui ergo in Deo sperat, Pastorem
suum Dei seruum cum face præcedentem non secus ac Deum ipsum sine
turbatione ac dubitatione sequitur, ita vt verbis Ieremia 17. dicere queat: Ego
non sum turbatus, te pastorem sequens. Nam Pastoribus Christus dixit:
Vos estis lux mundi : qui vos audit, me audit. Ergo ab his illuminari,
siue in horum lumine ambulare, & scripturas, vt ipsi iubent, intelligere oportet.

Rex Anglus de-
cidit à cogitati-
onibus suis,

Catholici & se-
cursi sint, timere
debent.

Et sperare in
Deo.

Ac sequi Pasto-
rem à Deo da-
tum, & sicut Deū
ipsum.

ber. Ephes. 3. Mihi data est hæc gratia illuminare omnes. *Isai. 42.*
 Ducam cæcos, qui nempe ambulant in tenebris, & non est lumen eis, hos igitur per pastores meos, quibus mandavi, ut cæcos & claudos introducant,
Pastorum enim est alios in tenebris ducere.
Zuc. 14. ducam in viam, quam nesciunt, & in semitis, quas ignorant, ambulare eos faciam : ponam tenebras coram eis in lucem, & praua in recta : hæc faciam eis, & non derelinquam eos. *Sophon. 3.* In die illa auferam de mediò tui magniloquos superbix tuæ, & non adijcies exaltari amplius in monte sancto meo (*id est, non ita superbi est, Laici tui non erunt ita superbi, ut scripturas Marte suo intelligere & uniuscuiusque testimonio non obedire velint*) Et derelinquam in mediò tui populum (*Laicum*) pauperem & egenum, & sperabunt in nomine Domini (*id est, spem in Deo habebunt, recte sese à Pastoribus suis doctum iri, cum ipsi pauperes Spiritu sint, nec donum Spiritus, quod ad intelligendas scripturas requiritur, acceperint*) Reliquiæ Israël non facient iniquitatem (*non interpretabuntur falso scripturas*) nec loquentur mendacium, & non inuenietur in ore eorum lingua dolosa : quoniam illi PASCENTVR & accubabunt, & non erit, qui exterreat *Id est, ideò in Hærefes non indident, quia non ipsi Pastorum munus se pasci à pastoribus suis.*
 at *Id est, ideò in Hærefes non indident, quia non ipsi Pastorum munus se pasci à pastoribus suis.*
 inuadent, ut scripturas velint intelligere, sed pasci se à pastoribus fient, & iuxta illos accubabunt ac securè quiescent, neq; à lupo metuent. *Isai. 29.* In die illa audient Surdi verba Libri, & de tenebris & caligine oculi cæcorum videbunt (*id est, qui cæci sunt, nec suis oculis videre aut intelligere Biblia possunt, illi in lumine pastorum suorum ambulabunt, & interpretationes eorum audient*) Et addent mites (*sive humiles*) in Domino lætitiā, & pauperes homines in sancto Israël exultabunt. Et scient errantes Spiritu intellectum, & mussitatores discent legem *Id est, qui prius Sacerdoti inobedientes fuerant, nec Legem ex ore illius requirebant, adeoq; in scripturæ intellectu errabant, illi obedient & subiacebunt Præpositis suis, & Bibliorum sensum ab illis humiliter discent.*
 Qui ergo in Deo spem habet, neq; de fide ipsius dubitat, ille in Pastoris lumine sibi prælato ambulat, ac veluti qui per cryptas, siue montes caliginosos, ambulant, viæ ducem manu eius humero imposita strenuè consequitur. Sin autem ipse sibi lumen accendere, vel sese facibus aliunde acceptis accingere, hoc est, si scripturæ sensum non à Pastoribus legitimis discere, sed vel ipse nouas interpretationes comminisci, vel quas Hæretici seductores pepererūt, sequi velit, is habet cur hanc Dei comminationem ibidem loci *Isai. 50.* pertimescat : Ecce vos omnes accendentes ignē accincti flammis, ambulabitis

Catholici Laici non ita superbi sunt, ut scripturas Marte suo intelligere & uniuscuiusque testimonio non obedire velint

Sed patiuntur se pasci à pastoribus suis.

Catholici legunt erga pastores suos sicut cæci erga viam ducem.

Catholici in lumine pastorum ambulant. Non ipsi sibi facces accendunt, neq; alienis flammis accinguntur.

ambulabitis in lumine ignis vestri, & in flammis, quas succendistis. De manu mea factum est hoc vobis, in doloribus dormietis] *Hoc est, in foueam tandem vos incidere, ibiq; cruciabiliter perire finam. Lux Impij (ait Iob. 18.) exstinguetur, nec splendet flamma ignis eius Lux obtenebrasset in tabernaculo illius, & lucerna quæ super eum est, exstinguetur. Præcipitabit eum consilium suum (quod pastori noluit inniti) Immi-*
Ignis Hæretico- sit enim in rete pedes suos, & in maculis eius ambulat. Quibus verbis
rum falsa scri- Ignem nihil aliud, quàm falsam doctrinam, siue seductionem esse si-
tura interpretat gnificat, velut & *Prov. 16,* Vir Impius fodit malum, & in labijs eius
no. Ignis ardescit, lactat amicum suum, & ducit eum per viam non bonam] Sed sapientiores, Dei gratia, sunt Catholici nostri Reges, quàm qui se Regis Iacobi Igne lactari, & in viam non bonam duci patiantur. Itaq; nisi aliquod inter Puritanos suos operæpretium Rex faciat, Catholicorum causa Librum iam suum deferendum rectè curabit in vicum vendentem tus & odores, Et piper, & quicquid chartis amicitur ineptis.

CAPVT LXVI.

Aliud diuina I AM neq; non eos Clericorum, qui Episcopis inferiores sunt, magno
potentia in Ec- apud Laicos Catholicos honore esse constat, cùm, verbi gratia, ip-
clesia specimen. si quoque Reges ad genua sedentis pauperculi Sacerdotis accidere,
In Confessione. eique quicquid siue faciendo, siue loquendo, seu deniq; cogitando
Extra Confessi- peccarunt, ordine exponere, sententia eius stare, & quamcumq; ip-
onem. sis poenam imposuerit, magna animi submissione luendam recipere solent. Sed etiam extra confessionem optimi maximi quiq; honore Sacerdotes præuenire, eis decedere de via *πρεσβυτέρων* priuatim ac publicè concedere, etiam cùm ostiatim mendicabundos sacco onustos vident, priores caput eis aperire nō dedignantur; neq; pauci sunt quos mane domo prodeuntes fortè obuius capuccinus, aut alius quispiam religiosus Sacerdos, non aliter quàm aliqua læti ominis aus exhilararet, ac velut prosperum totius diei auspiciū eis faciat. Quanta Catholicorum in Clericos suos sit liberalitas, nihil me commemorare attinet, cùm res ipsa clarius, quàm Rex Iacobus vellet, vociferetur. Quid his rebus simile apud Hæreticos Gentilis homo inueniat, ex quo diuinæ alicuius potentie opinionem concipere animo possit? Lutherus quidem quanta sit Lutheranorum erga Prædicantes obseruantia & liberalitas, sic nobis

Liberalitas Ca-
tholicorum erga
Ecclesiasticos.
Protestantium
erga Prædican-

nobis graphicè describit. *Tomo 8. Ien. in Seria epistola de Ecclesia ministro per res suos obser-*
secularem Magistratum non abdicando fol. 108. à §. 3. Vos Magistratus non
estis Parochiarum & Prædicantium Domini, non fundastis Parochias,
beralitus.
 neque quicquam ad foundationem contribuistis, & multò minùs iuris
 ad illa inuadenda habetis, quàm Diabolus ad regnum cælorum. Non
 est vestrum, Prædicantes in ordinem redigere, quidque docere, facere
 aut omittere debeant, eis præscribere. Curate vestrum officium, &
 Regimen Dei missum facite. Non est cuiusquam Subulci puer tam hu-
 milis, qui vel vno verbo inclementiùs sibi ab alio Domino dici pare-
 retur. Solus Dei Minister siue Prædicans vnicuique pro Matula esse,
 omniaq; ab omnib; tolerare cogitur.] Hæc scripsit Lutherº anno 1543. *Prædicantes ab*
 quo tempore maximè Latheranismus floruit. Et tamē iam tum pænē *ipsis Luthera-*
 infames erant Prædicantes: quod etiam eiusdem Lutheri verba, quæ *nis panē Infa-*
in Colloquiis Iſlebiensibus de Principibus exstant, satis testantur. *Fol. 441. b. §.*
mes habenturo
 6. Elector Saxonix eiusque consiliarij non priùs nos Prædicantes pre-
 mittere desinent. quàm nos concacauerimus: quo factò demum excre-
 menta nostra adorabunt, & pro gratissimis odoribus habebunt. Ipsi
 sese à nobis liberatos cuperent, & nos ab ipsis missos nos factos velle-
 mus: vt non magni videatur negotij alteros ab alteris separare, velut
 merdam iam bene maturam, & laxum alui foramen.] *Tomo 1. Germ.*
Witt. parte 2. fol. 160. a. §. 3. Et b. §. 1. Iam diu me prædicandi docendi-
 que munere abdicassē, neque me cuiusquam mortalium ad id redu-
 cere potuissē opera, nisi tantum propter Deum facerem, quod facio.
 Nam quod ad homines, quotidie satis iustam causam haberem sic eis
 dicendi: Agite me misso factò ipsi vobis consulite, aut alius quicumq;
 meo loco. Neque res vlla esse potest in toto mundo, cuius tam me pi-
 geat ac tædeat, quàm quod **QUOTIDIE** tam ingentem ingratitude *Protestantium*
 nem videre ac sentire cogor, eorum maxime, qui amici nostri omni- *ingratitude cr-*
 um optimi, fratresque dilectissimi esse debebant. Sed ita nempe vsu *ga Prædican-*
 venire oportet, quemadmodum Christus ait: Qui manducat panem *tes.*
 meum, leuat contra me calcaneum suum, oportet ergò nos hoc deno- *Prædicantes*
 rare ac sustinere, eaque consolatione niti, quod rem omnem propter *deuorant.*
 Deum inceperimus. Si propterea conculcemur pedibus, nobisq; am- *Cum eis manus*
 bæ manus **CONCACATÆ** merdisque impletæ fuerint, æqui bonique *concacantur.*
 id facere, nec mirari debemus.] Itaque sic mutua Prædicantes cum
 suis Auditorib; faciunt. nam vt Auditores *Excrementa Prædicantium ado-*
 rant, sic hi rursum merdas illorum deuorant & æqui bonique faciunt.
Et erit sicut populus, sic Sacerdos (Isai. 23) & similes habent labra lactu-

*Lutherus & sui
discipuli cuius-
modi conuiuium se
mutuo accipi-
ant.*

cas, quodq; Lutherus in libro Schemhamphoræ Tomo 8. Ger. Ien. fol. 110. b. §. 6. & Tomo 5. Ger. Witt. fol. 511. b. §. 4. de Diabolo ac Iudæis scripsit, hoc rectissime quispiā totidem verbis de ipso Luthero ac Lutheranis dixerit: Adeste huc ad osculum. Lutherus concacauit femoralia, ventremque denuō exoneravit. Hæ verē demum sunt reliquiæ Lutheranis osculandæ, vorandæ, potandæ & adorandæ: rursumq; Luther⁹ vorare ac perpotare debet, quicquid eius discipuli vomere ac supra infraq; effundere queunt. Hic demum veri hospites & caupones conuenerunt, itaq; vt par erat, coxerunt & apposuerunt, *Mutuaq; inter se læti conuiuium curant.* Lutherus strenuē vorat ac glutit, quicquid Lutherani superiore & inferiore gutture eructant & euomunt, nec aliter in eo delicias facit, quā Porcus olim in bene magna & pingui Merda pone sēpem circiter festū S. Margarete inuenta.] Hæc purissimus Euangelista regis Angli scriptor, quem ipse rex cum Iohanne Baptista comparare audeat. Tomo 11. Ger. Witt. cōment. Genes. 31. fol. 215. a. §. 3. Tametsi pessimo sanē loco sint res nostræ

*Prædicantes ne-
cesse habent fu-
rari.*

*Habētur à suis
discipulis pro
furibus.
Spoliantur ab
iisdem.*

*Catholicorū li-
beralitas erga
Ecclesiasticos.*

tametsi omninō nos Prædicantes FURARI cogamur, nihilominus alacriter in nomine Domini furari possumus. Omninō enim vrbani ciues & agricolæ, cūm quid nobis dant, se velut FURIBUS ac prædonibus illud dare persuasum habent.] Tomo 6. Lat. Vitt. in cōment. Genes. 39. fol. 533. aut 575. & Tomo XI. Ger. Witt. fol. 74. & 75. Nostros Auditores vide. Rustici & Nobiles, Ciues & Magistratus diripiunt ac spoliant eos ipsos, quos alere, iuuare ac fouere, ac contribuere debebant ad sustentandam Ecclesiam, vnde tota ipsorum salus pendet. Sed ita fieri oportet, nec est quod aliter fore somniemus. Sub Papatu nullus erat modus nec finis largiendi & conferendi ad impiorum sacrorum conseruationem. Vnde foundationes illæ Collegiorum, principatus Episcoporum Cardinalium & Pontificum regna exstiterunt &c. Illi (Papa, Cardinales, Episcopi, Abbates, Canonici) dilatati, incrassati, impinguati sunt (quid nī, Luthere, cūm ita futurum Ecclesie suæ Deus promiserit) Isai. 60. Tunc videbis, & afflues, mirabitur & DILATABITUR cor tuum, cūm omnis conuersa fuerit ad te multitudo maris, fortitudo Gentium venerit tibi. Sugess lac Gentium & mamilla Regum lactaberis. Pro ære afferam tibi aurum, & pro ferro argentum. Ierem. 31. Confluent ad bona Domini, super frumento & vino & oleo, & fœtu pecorum & armentorum, eritque animarum, quasi hortus irriguus, & vltra non esurient. Et inebriabo, animam Sacerdotum PINGUEDINE, & populus meus bonis meis adimplebitur. Quid autem futurum sit

*Iam olim per
Prophetas præ-
cunctata.*

*Sacerdotes Ca-
tholici comedūt
pinguedinem.*

fit illud, quod Sacerdotes usque adeo impinguet, supra hæc Isaiæ verba nos docuerunt: Vos Sacerdotes Domini Fortitudinem Gentium comederis. Psalm. 44. Filia Tyri, siue Tyrus, in muneribus vultum tuum deprecabitur, omnes diuites plebis. Intelligi autem Sacerdotes siue Episcopos, qui Patribus seu fundatoribus Ecclesiæ Apostolis successerunt, sic ibidem declaratur: Pro Patribus tuis nati sunt tibi filij, constitues eos Principes super omnem terram. His igitur Ecclesiæ Principibus Tyrus ac diuites plebis, siue diuites Laici, munera offerunt. Psalm. 71. Reges Tharsis & Insulæ munera offerent: Reges Arabum & Saba dona adducent: & adorabunt eum omnes Reges terræ, & dabitur ei de auro Arabiæ.] De Tyro rursum Isaias cap. 23. ita vaticinatur: Et erunt negotiationes eius & mercedes eius sanctificatæ siue donatæ aut consecratæ Domino: non condentur, neque reponentur: quia hi, qui habitauerint (Chald. qui ministrant) coram Domino, erit negotiatio eius (id est, Sacerdotibus stantibus in domo Domini, in atrijs domus Dei nostri, Psalm. 133. ea offerent, quæ negociando lucrati fuerint: hi enim sunt, qui dicuntur, Ministrare coram Domino, 1. Reg. 2, 30.) ut manducent in saturitatem, & vestiantur usque ad vetustatem, siue toto vitæ tempore.] Hæc omnia in Ecclesia Catholica completa esse cum res ipsa loquitur, tum hoc loco Lutherus confitetur, ut mirer qua fronte illam Psalmi 44. prophetiam de Venetorum ad Lutheranismum defectione interpretari animum induxerit. Sic enim in Commentario Psalmi illius Tom. 3. Ger. Witt. parte 2. fol. 47. b. §. 2. Sabinorum ritu, quod vult, somnians scribit: Venetiæ Euangelium recipient, pauperesque & oppressos Christianos liberaliter sustentabunt, & nutriunt, ut ita multiplicetur Ecclesia. Nam in Romanam Ecclesiam tales iam fuerunt Venetiæ, qualis hic Tyrus futura prædicitur, multoq; in eo est verior Lutherus, quod hoc, quem cœpimus, loco scribit: Illi dilatati, incrassati, impinguati sunt: Nos qui purè docemus verbum magno studio & diligentia, & nihil aliud quærimus, quam salutem Germaniæ, acerbissima odia & inuidiam OMNIUM ordinum sustinemus. Si buccellam panis, quam edimus, ex ore nobis possent eripere, nulla id religio eos facere prohiberet. Pastores Ecclesiarum in pagis vide, quam miserè egestate & fame multi tabescant. Sæpe non habent, quo filioliis suis subuculam emant. Nobilitas vero diripit bona Ecclesiastica non Monasteriorum solùm, sed Parochiarum, à quibus tamen abstinere debebant, ut Pastores & Ministri Ecclesiarum inde aliè sustentari possent, Itaque BREVI eò res redibit, ut Pastori-

Lutherus vaticinatur Venetos fore Lutheranos.

Prædicantes quomodo tractentur à suis.

bus

Ministri Verbi
cur Prædican-
tes Vocentur.
Fiunt r. aplo.

Protestantium
Principes Lu-
therus sacrile-
gij insinuat.

Prædicantē esse
apud Luthera-
nos Infame
quiddam Si-
detur.

bus fame pereundum sit. *Ibidem in comment. Genes. 47. fol. 631. in Latino, sed in Germanico fol. 84.* Principes accipiunt tributa à Subditis. Sed de Scholasticis & Ministris verbi (*id est, verba dare solitis*) quid fiat, videmus. Nisi superesset spoliū Ægypti, quod **R A P I U M** us Papæ, omnibus fame pereundum esset. Alimur de spolijs Ægypti, collectis sub Papatu, & hoc ipsum tamen, quod reliquum est, etiam diripitur à Magistratu, spoliatur Parochiæ & Scholæ, non aliter ac si fame necare nos velint. Noster Princeps (*Electoꝝ Saxoniæ*) non alit nos de suo, sed de spolijs Ægypti &c. Nostri Principes **R A P I U N T** & compilant omnia, quæ inveniunt in Monasterijs & Parochijs.] *Ibidem in comment. Genes. 45. fol. 617. sine 255. b.* Etiam ij Principes ac Magistratus, qui emendationem Ecclesiarum instituunt (*sive, Lutherani fiunt*) eo prætextu spoliant Ecclesias ijs bonis, quæ ad conseruationem Ministerij & Scholarum conferendæ erant. Est exemplum Pharaonis Patriarchis adipem siue medullam terræ offerentis excellentissimum, ad quod respexit Isaïas, cum inquit : *Reges erunt nutritij tui.* Tales fuerunt olim Theodosius, Constantinus, & alij multi. *qui omnes Catholici fuerunt & Romanos Sacerdotes ita impinguarunt.* Nostri Principes tantum rapiunt & expilant Ecclesias, & quamquam multæ abundant redditibus, tamen pauci inde suppeditant, quod sufficiat in vsus necessarios Ministrorum & Pastorum: Exiguū nimis est, quod eis dari solet. Adipem verò Monasteriorum & Collegiorum **R A P I U N T** ipsi, quod quidem in hac *βελτιωσι* Principum vteumque toleramus. Sed etiam Brandenburgensium Apostolus *Andreas Musculus*, Prædicantes promiscuè ab omnibus Lutheranis pæne Infames reputari conqueritur, cum vix quenquam saluo honore Prædicantem fieri posse persuasum habeant. Sic enim in libro supra citato *de Prophetia* fol. 27. scribit: *Ut iam quis Principū Ministerio se consecret & Prædicantem agere velit? præoptaret, scio numquam se in lucē hanc prodiisse: parentes ipsi eum in primo lauacro aquis soffocatum esse mallent. Quod si etiam aliqui ex nostris (id est, ciuium & opificum honestiorum) liberis Prædicantes fieri fortasse cuperent, INFAMIE & turpitudinis metu quo volunt, adspirare nunquam possunt. Vt uenit etiam, cum quis iuuenis virginem aliquam sibi in matrimonio locari poscit, ut eum parentes virginis, aut etiam Virgo ipsa, sciscitentur, vtrum Prædicans fieri cogitet. Habemus etiam (quod multo magis horrendum est auditu) eorum exempla, qui ne repudiarentur, hac lege & conditione matrimonium contraxerunt,*

contraxerunt, vt se Prædicantes numquam fore iureiurando promitterent. O Deus ne in furore tuo arguas nos.

CAPVT LXVII.

IPSI ergo iam Lutherani viderint, quænam in ipsorum Ecclesiis diuina virtus ac potentia luceat, qua Gentilis quispiam ad ipsos allicetur, & ad suscipiendam ipsorum Religionem permoueri queat. nam ego quidem non nisi ea, quæ omnes sani iudicii homines longè ab ijs auertere debeant, inueni, tametsi nihil id mirum mihi videtur, qui nihil peius cauere eos sciam, quàm ne qua sancta aut pia actione videantur cælum mereri, & à Deo gratiam inire velle. Sic enim eos Lutherus suus facere docuit: *Tom. 1. Germ. Ien. de Nouo Testamento siue Missa fol. 339. b.* Caueamus à peccatis, sed **MULTO MAGIS** à bonis operibus. *In Postilla Wittemb. Dominica nona post Trinit. fol. 124. a. §. 2.* Quod si cælum apertum viderem, idq; culmo stramineo de terra sublato mereri possem, culmum nequaquam vellem tollere, vt ne possim dicere: Ecce iam cælum merui. *Et Tomo 6. Ger. Witt. aduersus Erasmus fol. 490. b.* Si iusti homines bene operantur, vt consequantur regnum cælorum, numquam in æternū id obtinebunt, sed magis Impijs annuerandi sunt. Sed Catholici contrà tum demum rectè se facere putant, si Christi imperio illi audientes se præbeant: *Sic luceat lux vestra coram hominibus, vt videant OPERA vestra bona, & glorificent Patrem vestrum, qui in cælis est. Matth. 5.* quod quidem vt tanto faciant alacrius, mercedem siue remunerationē sibi proponere, & illuc vitæ suæ cursum contendere solent. *Apocal. 2.* Esto fidelis vsq; ad mortem (inquit Christus) & dabo tibi coronam vitæ. Hanc Coronam spectabat Moyses, velut Hebr. 11. legimus: *Magis elegit Moyses affligi cum populo Dei, quàm temporalis peccati habere incunditatem, maiores diuitias æstimans thesauro Ægyptiorum, improprie Christi: Adspiciebat enim in remunerationē.* Hanc eandem spectauit Dauid *Psal. 118.* Inclinaui cor meum ad faciendas iustificationes tuas in omni tempore propter retributionem. Hanc Paulus spectauit ipse, nosq; omnes similiter spectare docuit. *Philip. 3.* Quæ retrò sunt obliuiscens, ad ea verò, quæ sunt priora, extendens me ipsum, ad destinatum persequor, ad brauium supernæ vocationis Dei in Christo Iesu. *2. Tim. 4.* Bonum certamen certavi, cursum consummaui, fidē seruauī. In reliquo reposita est mihi Corona iustitiæ, quæ reddet mihi Dominus iustus Iudex in illa die. *1. Cor. 9.* Nescitis, quod ij, qui in stadio currunt,

Ff

omnes

Gentiles nihil diuini apud Protestantes videre possunt.

Quia cauent, ne luceant eorum bona opera.

Catholici student, vt sua bona opera luceant.

Adspiciunt enim in remunerationem.

Persequuntur brauium.

omnes quidem currunt, sed vnus accipit brauium? Sic currite, vt comprehendatis. Omnis autem qui in Agone contendit, ac omnibus (*iucundis, Venere præcipue*) se abstinere: & illi quidē vt corruptibilem Coronam accipiant: nos autē (*eo fine & consilio à rebus licitis & iucundis abstinemus, vt accipiamus coronā vitæ*) incorruptam. Ego igitur sic curro, non quasi in incertum: Sic pugno, non quasi aërem verberans: sed castigo seu flagello corpus meū, & in seruitutem redigo, ne fortē cum alijs prædicauero (*vt opera sua bona corā hominibus lucere sinant*) ipse reprobus efficiar] sicut ergo Lutherani cum hanc Coronam nequaquam spectent, non induunt arma lucis, neque sicut in die honestē ambulant (*Rom. 13.*) sed faciunt opera tenebrarū: ita vicissim Catholici, qui thesaurizare in cælo student, qui in remunerationē adspiciunt, qui brauium in stadio currentes persequuntur, qui propter incorruptibilem coronam in agone certant, & à iucundis abstinere, *sunt sine querela & simplices filij Dei, sine reprehensione in medio nationis prauæ & perversæ, inter quos LVCENT sicut Luminaria in mundo, vt qui eos vident, glorificent Deū, tanquam qui diuina sua virtute & velle & perficere in ipsis operetur, Philip. 2.*

CAPVT LXVIII.

*An propagatio
Euangelij Lu-
therani fuerit
miraculosa.*

*Lutherus par-
ua Miracula
fecisse se negat.
Infra cap. 69.*

*Vnicum & ma-
gnum Lutheri
miraculum.*

VERUNTAMEN adhuc aliquid habere se Lutherani putant, in quo diuinę potentię specimen vel Gentiles videre possint, miraculosam scilicet Euangelij siue Lutheranismi propagationem, de qua sic scribit Lutherus in libro de vtraq; specie Tomo 2. *Ger. len. fol. 94. a. §. 2. & Tomo 7. Germ. Vitt. fol. 355. b.* Scio, vnde doctrina mea profecta fuerit, & quis me erexerit. Sed etiam opus ipsum de eo satis testatur. Quamuis enim PARVORUM illorum SIGNORUM nullum fecerim (quę tamen si res postulare, FORTASSIS facere possemus) hoc certē pro MAGNO SIGNO & miraculo haberi debet, quod tam multos à Papatu abduxerim.] Similiter aduersus Caprum Lipsensem Tomo 1. *Germ. len. fol. 365. §. 4. & Tomo 7. Ger. Witt. fol. 147.* Non quidem affirmare ausim, sed tamen spero, me in Dei nomine doctrinam meam cœpisse, & purum Dei verbum docere. Sed huius spei meę nullum certius aut efficacius documentum ac MIRACULUM habeo, quàm quod tam subito in OMNEM terram (*exceptis paucis tantum locis, vt America, Africa, Asia, Insulis, & maiore Europę parte*) propagata fuerit doctrina mea, tantaque turbas ac diffidia commouerit.] In eandē sententiam omnes Concordię libro subscripti Germaniæ Principes, Proceres, Ciuita-

Ciuitates cum octo millibus Prædicantium, ludimagistrorum & ædi-
tuorum, de Augustana sua Confessione in eiusdem libri præfatione
magnificè gloriantur: *Eam non nisi quindecim annorum spatio in TOTVM* *Lutherani Prin-*
Orbem terrarum sparsam VBIQVE percrebuisse, & in ore & sermone OMNI- *cipes miraculo-*
VM esse cœpisse. Quæ res si vera esset, magnum profectò videri posset *sam Religionis*
non nemini Miraculum, tametsi veram religionem non modò fama *sua propagatio-*
& auditione, sicut *Mercurium Gallobelgicum*, aut aliam quamcumque re- *nem iactant.*
rum nuper gestarum relationem vulgari, sed subtiliter & accuratè à
Dei Legatis, legitime missis, non sua sponte currentibus, omnibus
regibus & Gentibus, & quidem efficaciter annunciari, siue per-
suaderi oportet. *Psal. 21.* Reminiscantur & conuertentur ad Domi-
num vniuersi fines terræ, & adorabunt in conspectu eius vniuersæ fa-
milie gentium: quoniam Domini est regnum, & ipse dominabitur
gentium. Manducabunt (*cibum Christi, siue veram Religionem amplecten-*
tur) & adorabunt omnes Pingues terræ *Psal. 101.* Timebunt gentes no-
men tuum Domine, & omnes Reges terræ gloriam tuam. In conue-
niendo populos in vnum, & Reges vt seruiant Domino *Isai. 66.* Assu-
mam ex eis in Sacerdotes & Leuitas, & mittam ad Gentes in mare, in
Africam & Lydiam, in Italiam & Græciam, ad Insulas longè, ad eos,
qui non audierunt de me (*qui prius Christiani non fuerunt*) & non cogno-
uerunt gloriam meam. Et annuntiabunt gloriam meam gentibus, &
adducent omnes fratres vestros de cunctis gentibus, donum Domi-
no.] Quamuis autem hoc Miraculum in Augustana Confessione non
appareat, illud maximi Prodigij monstriq; loco habendum esse non
nego, quod hoc tam ingens apertissimumque Mendacium libri Con-
cordiæ Architecti non modò confingere, sed etiam tot Principes &
Cinitates, vt illud suo nomine exire paterentur, inducere potue-
rint. Quotusquisq; enim extra Germaniam Confessionis Augustanæ
nomen vel fando audiuit? cum etiam illorum, qui ei subscribunt, vix
vnus hodie sit, qui Confessionem Augustanam vel semel modò vi-
derit. Tametsi enim minimùm vices typis impressa fuit, tamen ne-
que vlli eorū exemplarium cum ceteris, neq; Autographo, quod Ca-
rolo V. Cæsari Augustæ oblatum, Moguntia in Archivo Imperij ser-
uatur, cum vlllo editorum, etiam in maximi momenti rebus, conue-
nit, quod ego, si res postulet, ipsa autopsia & exhibitis, exemplaribus
demonstratisq; adulterationibus docere possum. Itaque in istos fa-
bricatos mendacj & cultores peruersorum dogmatum (velut Iob
ait) rectissimè Dei apud Prophetam verba contulero *Ezech. 13.*

Ff 2

Violant

*Omnes Reges
& populos Chri-
sti religionem
amplecti oportet.*

*Mendaciū Lu-
theranorū pro
magno Mira-
culo habendū.*

Violant me ad populum meum propter pugillum hordei & fragmentum panis, mentientes populo meo credenti mendacijs.

CAPVT LXIX.

Rex duo miracula sua Religionis commemorat.

Prius; quod prope mediam Christianorum pars sit Lutherana.

Quot Reges sint Lutherani; quot Catholici.

Lutherani nullum Principem liberum suae partis habent.

Nulla Respublica Lutherana.

Vtri numero sint plures Catholici an Lutherani.

Quomodo Rex nihil mentitus fuerit de Lutheranorum numero.

REX Anglus, quamvis & ipse miraculosum aliquid in Lutherana sua Religione demonstrare cupiat, quia tamen non ita totus a Praedicantibus pender; sed satis se sibi rem suam sapere putat, & ipse quoque libros nulli Praedicantium penitendos scribere didicit, noluit aliquid regia Maestrate indignum facere, nec ita frontem perfricare, ut Praedicantium istorum more mentiri vellat: sed satis habuit scribere Pag. 138. *Christiani Orbis omniumque in eo ordinum, inde a Regibus liberisque Principibus usque ad infimae conditionis homines, pars PROPE MEDIA in nostram Religionem iam concessit, de Babylone certe exiit.* In quo non vereor, ne quis Regi dicam mendacij impingere velit. Nam tamen si Lutherani non nisi Angliae & Daniae Reges habent, quos nostris Catholicis Caesari, Hispano, Gallo, Ungaro, Polono, Conghio, & qui regibus aequalem dignitatem obtinent, Alberto & Ferdinando Archiducibus opponant, Principum vero suae partis neminem habent, qui quemadmodum Hetruriae, Sabaudiae & Lotharingiae Principes Liberi vocari possint (nisi velut Lutherum supra fecisse docui, Germaniae Principes ab obedientia Caesaris & Imperij absolute Rex velint) tamen si etiam res publica hodie nulla est inter Christianos, quia magna saltem ex parte sit Catholica. (Hollandos enim pro Republica Rex habere nequit, nisi contra quam filio suo in Basilico Doro faciendum monet populis, Principi suo nefarie rebellibus, malo more auctoritatem dare velit) tamen si denique nullo modo credibile est, Catholicos ab ijs, qui Regis participes sunt, numero aequari, nisi Rex omnes Anabaptistas, Schuencfeldianos, Arianos, Antitrinitarios, Hussitas, Nestorianos, Graecos Schismaticos & suos confederatos Turcas sub iisdem signis ducere in Catholicos conetur: adhuc tamen nihil est in verbis Regis quod mendacij merito postulari possit. Nam primum non simpliciter mediam, sed tantum PROPE MEDIAM Christianorum partem secum facere dicit. Deinde non satis constat, quorumnam partem dixerit. Fieri enim potest, ut de Decima parte senserit, eam prope mediam cum Catholica Ecclesia dissidere. Praeterea negare potest, se Catholicos Reges pro Regibus, aut Principes Respublicas

quepub. pro liberis habuisse, cum ipse pag. 139. Imperij ac Reipub. dignitatem ac libertatem in eo positam existimet, vt ne quis Pontificem, aut quemcumq; Deo minorem, se maiorem esse ducat, quod quidem Catholicos parum pensi habere ait Pag. 97. quippe qui se Pontifici humiliter subijciant, eumq; adorare ac pedes ipsius exosculari non detrectent. Quoniam ergo hac via parum sibi successurum animaduertit, aliud Dei miraculum, quod à Gentilibus scilicet in Ecclesia saltem Scotica perspicue videri posset, consomniauit, de quo hæc eius verba in Basilico ipsius *Doro pag. 40. & 41.* legimus: Reformata Religio in hanc nostram Scotiam diuino plane miraculo introducta est. Nam cum multa in illo negotio à concitata multitudinem temerè fierent & perturbatè, multi etiam cupiditatum suarum turbine abrepti, cæco animi impetu, & nullo iudicio ad opus illud Dei peragendum (siue ad introducendum ibi Lutheranismum) ferebantur & c. In illa & rerum & temporum confusione orti sunt quidam igneæ naturæ concionatores (ad incendia scilicet excitanda nati de quibus *Prov. 16. Vir impius sedit malum, & in labijs eius IGNIS ardescit: homo peruersus suscitatur lites &c.*) qui eò potentia apud populum prouehantur, vt dulcedinem iam Imperij degustantes, inciperent nescio quam Democraticæ reipub. formam sibi somniare. Nempe res admirabilis Regi videtur, quod homines temerarij cupidi, turbulenti, ambitione excæcati nulloq; iudicio vsi Lutheranismum in Scotiam induxerint. Sed nondum vt id Gentili cuiquam Dei opus, seu Miraculum, videatur effecerit, de quo vno nos hic agimus. Quia imò nos, vt nihil esset aliud, hoc vno saltem nomine Religionem illam meritò impietatis suspectam habere deberemus, quod eam homines non Dei, sed Diaboli spiritu pleni induxerint. Quibus enim Deus in promulganda Lege sua Legatis yritur, eos signat spiritu promissionis sancto Ioh. 20. sicut misit me Pater, & ego mitto vos: Accipite Spiritum sanctum *Luc. 4.* Spiritus Domini super me, eò quod ad euangelizandum misit me. Quasi dicat: Cum me mitteret Dominus Spiritu suo me signauit. *Ioh. 6.* Me Pater signauit Deus, quod ibidem interpretatur: Pater misit me. *Isai 66.* Ponam in eis, signum, & mittam eos ad Gentes, & annuncient gloriam meam Gentibus. Itaq; Christus *Matth. 7. & 12. ac Luc. 6.* iubet eiusmodi, qui sua sponte, non missi veniunt, seq; Christi Legatos profitentur, ex fructibus eorum cognoscere, vtrum scilicet opera eorum carnis, an Spiritus fructus sint. Vnaquæq; enim arbor de fructu suo cognoscitur. nam omnis arbor mala malos fructus facit.

E f 3

Quomodo

Posterius Lutheranismi miraculum, quod Rex commemorat.

Prodigiosa & plane diuina Lutheranismi in Scotiam introductio.

Prædicantes incendiarij siue igneæ naturæ.

Miraculum illud Scoticum est signum Diaboli

Legatos suos Deus eruit spiritu sancto.

Ex fructibus indicandi sunt, qui se Dei Legatos profitentur.

Quomodo potestis bona loqui, cum sitis mali? Bonus homo de bono thesauro cordis sui profert bonum, & malus homo de malo thesauro profert malum. Ex abundantia enim cordis os loquitur. Manifesta sunt opera (siue fructus) carnis (ait Paulus Galat. 5.) quæ sunt inimicitie, contentiones, emulationes, rixæ, dissensiones, sectæ, inuidiæ, & his similia. Fructus autem Spiritus sancti est charitas, pax, patientia, benignitas, bonitas, mansuetudo, fides modestia, continentia (id est, ab opere coniugali abstinencia, 1. Cor. 7. 9.) castitas.

CAPVT LXX.

Quodnam sit grande Lutheraniismi miraculum,

Nempe cecitas Regū ac Principum Protestantium.

Paruum miraculū Lutherus nullum fecit,

Sed Enim Magnum signum.

Multos nempe seducendo:

Subditūq; libertatem a Caesaris obedientia promittendo.

NE tamen nihil omnino Serenissimo Regi concedere velle videar, hoc ei sanè do ac largior, vt cum homines cum eiusmodi carnis fructibus multos discipulos inueniunt, eosque ad oppugnandam Ecclesiam commouent, id pro grandi ac stupēdo miraculo habeatur. Nam ita *Isai. 29.* lego: Ecce ego addam vt admirationem faciam populo huic miraculo grandi & stupendo: peribit enim sapientia à sapientibus eius, & intellectus prudentium eius abscondetur. Miscebit eis Dominus Spiritum saporis, claudet oculos eorum, prophetas & Principes eorum excæcabit. Sic erit multitudo omnium Gentium, quæ dimicauerint contra montem Sion] Sicut autem hoc Regi concedo, ita neq; cum Luthero propterea multū contendero, quod negat se PARVORVM signorum a vllum fecisse (cuiusmodi Christus & Apostoli fecerunt, quæ *Matth. 10. & 11.* recensentur: *Cæci vident, claudi ambulant, leprosi mundantur, surdi audiunt, mortui resurgunt, demonia eijciuntur.* Horum ergo nullum se fecisse Lutherus verbis supra positis fatetur) sed hoc vnum tamen signum seu miraculum magnum patrasse gloriatur, quod tam multos à Papatu abduxerit. Hoc enim signum magnum esse, Christus ipse docet *Matth. 24.* vbi de Pseudopropheta nouissimorum temporum vaticinatur. Nam quod semel dicit: *surgent pseudoprophetae & dabunt SIGNA MAGNA*, hoc aliter sic interpretatur: *surgent pseudoprophetae & SEDVCENT multos.* Id quod etiam *2. Petri 2.* prædictum inuenio: Erunt in vobis magistri mendaces, qui introducent sectas perditionis, velut irrationabilia pecora post carnem in concupiscentia immunditiæ ambulantes, audaces, sibi placentes, in conuiuijs luxuriantes, superba vanitatis loquentes, Dominationem siue Magistratum contemnentes: & MVLTIS lequentur eorum luxurias, quibus illi libertatem promittent.] Principes

cipes nempe ab obedientia Cesari & Imperio debita absolueundo, velut Lutherum supra cap. XVI. fecisse docui. Ceterum si vel totum Orbem illo libertatis seu Licentiæ lenocinio ad se pellexisset, adhuc tamen nihil admiratione dignum cuius Gentili paulum modo intelligenti fecisse videretur, quippe qui volentes neq; quicquam reluctantes traxerit. Nihil enim ieiunare, numquam peccata confiteri, quicquid libeat, facere, neque dum modò tibi Deum esse propitium credas, quicquam quod verearis, aut eius offensam metuas, habere, eiusmodi est Religio, qua nulla septemtrionalibus accommodatior fingi aut somnari posset, cum præsertim etiam Principes Ecclesiarum fundos sub suam redigendi ditionem ab eodem Luthero potestatem acceperint, ut tanti eis visum fuerit, relicta maiorum fide hanc nouam tam luculentam & vberem Religionem sequi. Sed Catholicam religionem, quæ tot ieiunia anniuersa indicit, quæ vsum prohibet, quæ Sacerdoti omnia peccata narrare iubet, quæ vigilijs, orationibus, elemosinis, omnique bonorum operum genere salutem acquiri docet, quæ cum omnia tua vendideris pauperibusque distribueris, & perpetuo ieiunio, cilicio, continentia, obedientia, flagellatione, humi cubatione, & similibus Deo seruias, adhuc tamen cum spe pauperem, timorem ac tremorem coniunctum habere præcipit: hanc igitur tam insuauem & acerbam Religionem animis maximè Aquilonaribus inferere, non nisi diuinæ potentiae ac virtutis opus merito vel homini Ethnico se probauerit. Nam etiam Philosophus ille, cur plures multò Epicuræi fierint, quam stoici, rogatus: *quia plures, inquit, sunt, qui vngi, quam fricari malint.* Itaq; Lutherus ipse parum in illo Magno suo miraculo sibi constitit, eamque potius Hæresion Notam esse vltro confessus est. *Tomo 6. Lat. VVitt. in comment Genes. 19. fol. 239. & Tomo 10. Ger. VPitt. fol. 440. b.* Non ludus aut levis tentatio est, auocari NOVIS & alienis cogitationibus à verbo (*Id est, Nouitas magnam habet vim homines à vera religione abducendi*) Arius cum spargeret venenum suum in mundum, magno applauso acceptus est, quia afferebat aliquid NOVI, hætenus non auditum in mundo. Talia ferè initia OMNIUM Hæresion fuerunt: Obuijs vlnis accepit eos mundus, & sic admiratus est, ac si priores Doctores non fuissent puri] Tale quoq; suæ doctrinæ initium fuisse alijs locis ipse vltro fatetur. *Tomo 8. Ger. Ien. in breui admonitione de Sacramento fol. 181 b. §. 4.* Quoniam eo tempore doctrina hæc nostra Nova & supra modum scandalosa erat per vniuersum Orbem, pedetentim progredi cogebar &c.]

Quam

Sed Gentiles nihil eiusmodi magno miraculo commouentur

Catholicam Religionem septemtrionalibus displicere mirum non est.

Lutherus fatetur suum Miraculum esse notam Hæresion.

Lutherus fate-
tur Germanos
esse curiosos &
Nouitatis ama-
tores.
Ac propterea fa-
cile à Diabolo
decipi.

Lutheri doctri-
na etiam ex hoc
suspecta, quia
non durabilis.

Vaticinia Lu-
theri de interi-
tu Lutheranis-
mi.

Nota Serorum
ac sincerorum
Prædicatorum.

Quàm portò facile nulliusq; negotij sit, Germanis Nouitate se com-
mendare, sic ipse testatur *Tomo 2. Ger. Witt. de soliditate verborum*, Hoc
est corpus meum *fol. 122. b. §. 3. & Tomo 3. Ger. len. fol. 338. b. §. 3.* Nos
Germani eo sumus ingenio, vt quicquid NOVVM est, arripiamus
eiq; velut fatui adherescamus, quoq; magis id nobis quispiam adime-
re conetur, tanto id furiosius retineamus. Sin autē nemo nos impeditū
eat, mox nostra sponte radio eius capimur, & aliquid aliud Novi ex-
spectamus. Itaq; rē factam iam habet Diabolus, vt nulla doctrina tam
absurda somnari possit, quin discipulos inueniat, & eo quidē citius,
quo stultior fuerit. Solū autē verbū Domini manet perpetuo: errores
semper iuxta illud oriuntur ac rursū intereunt] His quidē verbis aliud
adhuc præter Nouitatē cōplectitur, quo Doctrina ipsi^o suspecta esse
cuius lano debet, quia nimirū exiguo tēpore durauit, & quasi solstitialis
herba, vt ait comicus, paulisper fuit, repentinò orta, repentino occidit, vt qui-
dem ipse sibi ominatus est. *Tomo 1. Ger. Witt. in comment. Galat 3. fol. 183.
b. §. 3. aut 195. §. 3.* Ego profectò metuo, ne post obitū meum doctri-
na mea rursū intreat: si quidem ante diem nouissimum horrendis
& ingentibus Tenebris atq; erroribus impleri Mundū oportet] *Tomo
3. Ger. Isleb. in comment. Exodi 18. fol. 387. b.* Si Mundus adhuc aliquandiu
stet, uidebitis puram & veram Christi cognitionem (siue Lutheranam
Religionem) rursū penitus interire, tametsi nomen Christianum per-
maneant] *Tomo 6. Latin. Witteb. in comment. Genes, 13. fol. 162. a. vel 171.
b. & Tomo 10. Ger. Witteb. fol. 300. b.* Accident hæc vt pro Christo Sa-
tan, pro Apostolis Hæretici audiantur, Turcæ irruant, Papa regnum
suum uindictet & à Verbo nostro abducat) vel etiam his tristiora ali-
quanto pōst, nobis sublati, nostris hominibus, quia illam gratiam
quam desiderauit Abraham videre, non curant] *Ad oram huius loci ad-
scriptum legimus, Prophetia Lutheri de tenebris sæcuturis ingentē lucē
nostri sæculi] In Colloquijs Islebiensibus de verbo Dei fol. 8. b. §. 2.* Existimo
ingentes tenebras hanc Euangelij lucem secuturas esse, ita vt Euan-
gelium deinceps nequaquam publicè de suggestu prædicetur, & mox
veniet dies nouissimus] *Tomo 3. Ger. len. in Epistola ad amicum fol. 141.
b. & Tomo 9. Ger. Witt fol. 228. §. 2.* Quoniam finem meum appro-
pinquare intelligo omnesq; cōtra me furere video, vt Doctrinam me-
am, quæ fortassis post obitum meum rursū supprimitur, proprio e-
xemplo confirmē, vxorem duxi.] *Tomo 5. Ger. len. in comment. Matt. 7.
fol. 433. b. §. 4. & Tomo 4. Ger. Witt. fol. 82. a.* Vbi sinceri sunt Prædican-
tes, ibi eis vsu veniat oportet, vt à Nobilitate & à Ciuitatibus eiician-
tur

tur, vel fame, enecentur, Hæc enim Euangelij in mundo fors est: cūq;
 rursum eò res redierit (sicut sæpe sum vaticinatus, & vereor, ne pro-
 phetia mea nimis citò impleatur) vt homines eiusmodi, velut Papa
 & Episcopi, rerum potiantur, iam penitus sublatum & conculcatum
 Euangelium, & de Prædicantibus inperpetuum actum erit.] *Tomo 5.*
Ger. VVitt. in comment. Zachar. 5. fol. 396. §. 5. Si quis Veritatem docere
 Prædicans velit, nusquam permanere potest. Si ergò direscant, ne-
 cesse est, vt prædicandis mendacijs homines emungant pecunia & fu-
 rentur sicut veteri prouerbio fertur: Mundus vult decipi. Sed om-
 nia huiusmodi mendacia manent impunita, imò etiam oportet ea pu-
 rissimam & saluberrimam doctrinam haberi, & qui ea docent, pro
 veris demum & sinceris prædicantibus extolli] *In Colloquijs Isleb. de*
Prædicantibus fol. 235. §. 4. Breui rursum eo rem redire oportebit, vt
 probi, sinceri ac fideles Prædicantes (*cum scilicet nemo eis dabit, unde*
uxores & liberos alant.) cëlitem vitam ducant, & alienis vxoribus ac
 filiabus vtantur, quæ cū erga ipsos benè affectæ fuerint, etiam ma-
 riti ac patres eos diligere cogentur.

*Prædicantes, quib;
 diu tolerantur,
 sunt mendaces
 & fures.*

*Fideles Prædica-
 tes sunt fornicatores
 & adulteri.*

CAPVT LXXI.

Sic ergo vaticinatur Lutherus, Religionem suam non fore vitalem,
 sed mox simul cum Prædicantibus interituram esse. Iam quæro
 vtrum vera an falsa sit eius Prophetia. Si vera est, nemo quicquam
 diuini intelligere in Lutheranismo potest, sed pro humana & com-
 mentitia habere doctrinam Lutheri cogitur, id quod ipse quoq; iudi-
 cat *Tomo 2. Ger. Ien. de vtrag; specie fol. 94. §. 3. & Tomo 7. Ger. VVitt fol. 355.*
b. §. 2. Si meam doctrinam suppreslerint aut domuerint, Deus cer-
 tō per os meum non est locutus] Hominum enim commenta perdu-
 rare non possunt, sed velut idem Lutherus paulò prius dixerat, iuxta
 Veritatem oriuntur & rursum occidunt. Si est ex hominibus consilium
 hoc aut opus, dissoluitur: Si vero ex Deo est, non poterunt homines
 dissoluere illud, *Act. 5. quod ipsum Lutherū Treuirensi Archiepisco-*
po in comitijs Vormatientibus subiecisse Sleidan⁹ narrat. Prou. 11. Im-
pius facit opus instabile: seminanti autem iustitiā merces fidelis. id est, qui semī-
nat Veritatē, eius opus durat ac perennat: nō itē, qui mendaciū docet.
Verte impios, et non erunt: domus autē iustorū permanebit Prou. 12. Itaq; de
 Seductoribus nouissimorū tēporū prædicit Paul⁹ *2. Tim. 3. Quēadmo-*
dū Ioannes & Mambres restiterunt Moysi, ita & hi resistent Veritati,

*Quid de superi-
 oribus Lutheri
 vaticinijs senti-
 endum.*

*Si Gerū prædixit
 doctrina eius
 non est ex Deo.*

*Nam doctrina
 qua est ex Deo,
 perpetuo durat*

G g sed

*Sed Hæresion in
sipientia breui
manifestantur.*

sed vltra nõ proficient. Inipientia enim eorũ manifesta erit omnib⁹
sicut & illorũ fuit.] Atq; hoc ipsũ Oseas sub Ephraim siue populi sedu-
cti figura (nam omnia contingebat illis in figura, scripta sunt autẽ ad correptionẽ
nostrã, in quos fines seculorũ deuenerunt, 1. Cor. 10.) de nostrorũ tẽporũ Hæ-
reticis prædixit: Scitote Israel (vos israelitæ) stultũ prophetã, insanũ virũ
spiritualẽ, propter multitudinẽ iniquitatis tuæ, & multitudinẽ amen-
tiæ.] *Quasi dicat:* Propter peccata & stultitiam vestram vobis, o Prote-
stantes, Lutherũ stultũ prophetã & insanũ Monachũ dedi. *Sequitur:*
Speculator Ephraim cũ Deo meo, propheta laque⁹ ruinæ fact⁹ est su-
per õnes vias eius] *Quasi dicat:* Cũ Luther⁹ adhuc Deo adhereret, fuit
Theolog⁹ & Sacerdos: sed postquam Propheta esse & aliquid noui do-
cere cepit, laqueus ruinæ, siue seductor in omnib⁹ fidei articulis fact⁹
est. *Mox addit:* Ephraim, quasi auis auolauit, gloria eorum à partu, &
ab vtero, & à conceptu] *Quasi dicat:* Lutheranismus desijt, nec iam
videtur ampliũ, & multitudo discipulorum, in quo gloriabatur, im-
minuta est, nec deinceps alios pariet. *Sequitur:* Da eis domine. Quid

*Hæreses sunt in
secundã*

dabis eis? Vuluam sine liberis, & vbera arentia. Non addam, vt di-
ligam eos. (quare? quia) omnes Principes eorum recedentes (chald.
rebelles. 70. Interpp. Inobedientes nolunt nempe obedire Præpositis suis, nec
subiacere eis. Sed ipsi Episcoporum munus inuadunt) Percussus est ergo E-
phraim, & radix eorũ exsiccata est: fructũ nequaquam facient. Quod
etsi genuerint filios, interficiam amantissima vteri eorũ. Quod etsi e-
nutrierint filios suos, absq; liberis eos faciam in hominibus] Hoc idẽ

*Hæresio filij nõ
sunt vitales.*

*Hæretici sunt
Sicut fenũ tecto-
rum.*

Hæreticis futurũ Psalmo 128. prænũciatur, quẽ quidẽ Psalmũ etiam ip-
se etiam Lutherus de Ecclesia interpretatur: Confundẽtur & conuer-
tentur retrorsũ omnes, qui oderunt Sion: sicut fenũ tectorum
quod priusquam euellatur, exaruit: de quo nõ impleuit manũ suam,
qui metit, & sinũ suum, qui manipulos colligit (quos Episcopi Dei agrico-
le, Matt. 21. nequaquam colligunt, nec in Ecclesiam, Dei horreum, inferunt sed

*Superiorum se-
culorum homi-
nes cum Hæ-
reticis non com-
municant.*

potius excommunicant) Et non dixerunt, qui præteribant: Benedictio
Domini super vos.] Id est, illi qui iam olim mortui sunt, nihil de illo-
rum Religione sciuerunt, nec cum ipsis communicarunt, quippe cum
eorum tẽpore hæc religio nõdum esset exorta. *Præterire, est mori. Matt.*
24. Non præteribit generatio hæc, donec omnia hæc fiant. *Iob. 14.* Ro-
borasti eum paululum, vt in perpetuum transiret. *id est,* das eivitam, sic
tamen vt ei postea moriendum sit. *Iob. 36.* si non audierint Dominum
transibunt per gladium, *id est,* morientur gladio cæsi. *Psal. 140.* singula-
riter ego sum, donec transeam. *id est,* donec moriar. Illi ergo qui præte-
rierunt seu transierunt non benedixerunt illis, qui oderunt Sion, siue, cum
Hæreticis

Hæreticis non communicarunt. *Iohannes epist. 2.* Si quis venit ad vos, & hanc doctrinam non affert, nolite ei Aue dicere, *sive benedicere.* Qui enim dicit illi Aue, communicat operibus eius malignis. Sic ergo perspicuum est, si vera sit Lutheri de interitu doctrinæ suæ prophetia eam ex Deo esse non posse, neq; ad Gentes admiratione quadam implendas & alliciendas momenti quicquam habere.

CAPVT LXXII.

SIN autem Lutherus ea, quæ velut Propheta prædicit, mentitur, rursum quam ille induxit Religionem, vera ac diuina esse nequit. nam Mendaces prophetæ habent Spiritum immundum. *Zach. 13.* Pseudoprophetas & Spiritum immundum auferam de terra. Itaq; Diabolus 2. Paralip. 18. egreditur & est Spiritus mendax in ore omnium pseudoprophetarum. Ac propterea iussit Deus ex euentu vaticiniorum de Prophetarum Spiritu iudicium facere *Deut. 18.* Propheta qui arrogantia deprauatus voluerit loqui in nomine meo, quæ ego non præcepi illi, ut diceret: aut ex nomine alienorum Deorum, interficietur (*Ita discimus, non unum genus esse Pseudoprophetarum. nam alij in veri Dei nomine ea, Prædicant, quæ iussu non sunt, hoc est, currunt non vocati sine legitima missione docent: alij nomine falsorum Deorum prædicant, et hi statim cognoscuntur, sed priores non item, qui verum Deum colunt, et ab illo mandatum accepisse se gloriantur*) Quod si tacita cogitatione responderis: quomodo possum intelligere verbum, quod Dominus non est locutus? (*id est, unde scire possum utrum à Deo missus sit, nec ne propheta?*) hoc habebis signum: Quod in nomine Domini propheta ille prædixerit, & non euenerit: hoc Dominus non est locutus, sed per tumorem animi sui propheta confinxit, et ideo non timebis eum. Quia si dicat: si semel mentitum deprehenderis, id argumentum tibi erit, eum à Deo missum non esse, sed sponte sua, vel spiritu mendacii impulsam prophetam agere voluisse. Iam verò quos Deus non mittit ad prophetandum, eis, nec spiritum suum, siue donum prophetiæ impertitur: ex quo fit, ut qui missi non sunt, propterea quia spiritum illum non acceperunt, nihil videant, adeoque nisi si quando casu id, quod prænunciarunt, euadat, mendacium vaticinari necesse habeant. *Michæ. 2.* Vrinam essem vir non habens spiritum, ac mendacium potius loquerer. *Ezech. 3.* Ingressus est in me spiritus, & locutus est mihi, et dixit ad me etc. *Zach. 4.* Et reuersus est angelus, qui loquebatur in me, & suscitauit me, quasi virum, qui suscitatur de somno suo, et dixit ad me &c. *Ezech. 13.* Vae prophetis

Sin Lutheri prophetia mendax est, etiam doctrina eius est ex Diabolo.

Pseudopropheta duum sunt generum.

Propheta semel mentitus, fugiendus.

Propheta à Deo non missi mentiantur.

prophetis insipientibus, qui sequuntur Spiritum suum (*non Spiritum Domini*) & nihil vident, cum Dominus non miserit eos. Vident vana & diuinant mendacium. In consilio populi mei non erunt, & in Scriptura domus Israel non scribentur, nec in terram Israel ingredientur] *Id est*, non erunt membra Ecclesiae. Sic ergo quiuis colligere potest, cuiusmodi esse Doctrina debeat, quam Lutherus tam mendax propheta discipulos suos docuit: quod tamen multo adhuc fiet manifestius, si quis cum priore ipsius Prophetia haec, quae iam reddam, *λαμπρὰ* & triumphalia carmina, ante victoriam tamen cantata, contendere voluerit. Tomo 2. latin. Witt. aduersus Henricum Anglia Regem fol. 333. b. in hunc sensum vaticinatur an fatuatur: Doctrina mea stabit & manebit, Papa verò cadet, inuitis omnibus inferorū portis. Ad bellum me excitarunt. Bellum igitur habebunt. Oblatam pacē contempserunt. Pacem ergo non habebunt. Videbit Deus, vter nostrū prior fessus succūbat, Lutherus an Papa. Siquidem iam appropinquat Papatūs mors terribilis & ad finem suum peruenit, nemoq; auxiliabitur ei] Tomo 2. Ger. len. in consolatoria ad Miltembergeses fol. 388. b. & Tomo 3. Ger. VVitt. fol. 66. b. §. 4. Papistae cogentur Lutherum, Lutheranam doctrinam & Lutheranos homines tolerare, nec poterunt eos, quomin⁹ in gloria caput exaltent, impedire: ipsi autem cum Religione sua confundentur & penitus interibunt, vt etiam totus mūd⁹ repugnet ac Diabolo illa rūpantur. Si viuimus, pacē prae nobis non habebunt: Sin morimur, multo etiam min⁹ pacē habebunt. In summa, missos eos non facimus, nisi pessū iuerint & sponte ad nos accesserint: qua in re nihil eis furor ipsorū proderit. Scim⁹ enim, cuius sit Verbum illud, quod praedicam⁹. Haec esto mea PROPHETIA, quae nequaquam me frustrabitur] Tomo 12. Ger. Witt. in epistola ad Brixium Tonwerde fol. 272. a. §. 3. Papistae non volunt Religionē nostram villo modo tolerare, & tandē tamen inuiti tolerare cogentur, neq; ipsis quicquam in mēdacijs & cādib⁹ erit praesidij. Nam illud est, quod ait scriptura: Deus noster ignis cōsumens est. Et: Verbum Domini manet in aeternū] Tomo 2. Ger. len. in admonitione de cauenda seditione fol. 69. & Tomo 2. Ger. VVitt. fol. 70. sine me adhuc duos annos doctrinam meam praedicare, tum circūspicies & quæres, vbi Pappa, Episcopus, Cardinalis, Presbyter, Monach⁹, Monialis, campana, turris, Missa, cuculus, cappa, omnisq; Pōtificiae maiestatis congeries aliquando fuerint. Nimirū in fumū & nihilū cuncta dissipata erunt.] Hoc scripsit anno 1522. à quo tempore non duos. sed xxiii. & amplius annos tam ipse, quam collegae eius plurimi non modo steterunt

*Eventus harū
prophetiarū eas
mēdacijs arguit.*

rea

rea voce, sed etiam calamo in Pontificiam maiestatem debacchari perseuerarunt, & in hodiernam vsque diem tot furiosorum Hæreticorum, Schismaticorum, Macchiauellistarum, Turcarumque millia collatis consilijs, opibus & copijs Romanam Ecclesiam oppugnare non desistunt: eo tamen euentu, vt si qui gentilis rem omnem accuratè consideret, sicut Diabolicam in proiectissimo ad mentiendum Luthero vanitatem, inque Lutheranis siue Protestantibus stuporem incredibilem, ita diuinam quandam in Ecclesia Romana virtutem ac robur statim sit deprehensurus, neque dubitaturus quicquam, quin ea sit ipsius Dei domus, de qua rectissimè Christi verbis dici queat: *Descendit pluuia, & venerunt flumina & flauerunt venti, & irruerunt in domum illam, & non cecidit. Fundata enim erat super Petram, Matth. 7.*

Romana Ecclesia prorsus inuicta.

Fundata enim est super Petram.

CAPVT LXXIII.

SE CUNDO loco Diuini quoque Amoris multa illustria documenta videre gentiles in Ecclesia Catholica possunt. Neque enim vllum est tempus, quo non aliquot Catholici Sacerdotes, in primis Religiosi siue Monachi ad ipsos commeent, & verum numinis cultum, seu, veram religionem eos doceant: quos cum illi non modò ab omni propria vtilitatis suspicione remotos, veræque paupertatis amatores, sed etiam OMNI PATIENTIA affectos vident, omniaque cruciatuum genera, & ipsam denique mortem æquissimis animis ab ipsis sustineri intelligunt, non possunt tandem quin sese colligant, & diuinitatem Amoris, qui homines eiusmodi vel cum præsentissimo cruciatuum mortisque periculo ad ipsos adducit, agnoscant. *Maiorem hoc Anorem nemo habet, quàm vt animam suam ponat quis pro amicis suis Ioh. 15.* Atqui id non rarò inter homines vsu venit, vt parentes pro liberis, amici pro amicis moriantur. Sed vt quis animum inducat, eius causa mori velle, cum quo nulla ipsi amoris causa sit, atq; adeò quem propter summam diuinarum ac humanarum rerum dissimilitudinem videbatur meritò odisse debere, id verò omnem humani Amoris magnitudinem longè longeque superat. Itaque cum Christum nostri Amore incarnatum, & crudeli morte affectum fuisse, nostri Sacerdotes prædicant, quia id humanæ rationi absurdissimum videtur, non mediocriter fide prædicationi exemplum ipsorum conciliat. Minus enim sit incredibile Christum nostra causa fuisse mortuū, quando ipsius Ministros tam promptis animis mortem adire paret. Huius

Diuini Amoris in Ecclesia specimen.

Martyrium est opus maximi Amoris.

Gentiles per Catholicos Sacerdotes ad fidem conuertuntur.

Non per Lutheranos aut Calvinistas.

Nam Gentiles conuersus summo Amore præditus sit, oportet.

Quo carent Hæretici.

Amans Deum, amat etiam proximum.

rei plurima in historiis Martyrum exempla legimus. Et verò ipse etiam Paulus cum se Dei Apostolum probat, non magis miracula sua, quam OMNEM PATIENTIAM & mortificationem cum voluntariam, tum aliena violentia illatam, commemorare solet. Atque hoc modo omnes ferè populos per Pontificis Romani aut Episcoporum cum Pontifice coherentium Legatos, siue Sacerdotes ac Monachos, ad Christi fidem conuersos fuisse, ipsi etiam Magdeburgenses Centuriatores luculentè testantur: id quod etiam supra citatus Isaïæ locus cap. 66. futurum prædixerat: Venio ut congregem omnes gentes & linguas (cum scilicet Legatos meos ad Gentes misero) & assumam Sacerdotes & Leuitas, & ponam in eis signum (id est, peculiari Spiritus mei gratia eos signabo) & mittam ad Gentes in mare, in Africam & Lydiam, in Italiam & Græciam, ad Insulas longè, ad eos, qui NON AUDIERUNT de me & non viderunt gloriam meam (ad Gentiles, qui nihil de Christo prius sciverunt) & annuntiabunt gloriam meam gentibus, & adducunt omnes fratres vestros de cunctis gentibus, donum Domino.] Hoc, inquam, per Catholicos Sacerdotes impletum esse, ipsi eorum inimici Magdeburgenses vltro consitentur. Sed Gentium per Hæreticos, maximè Lutheranos aut Calvinianos ad fidem Christi conuersatos nullum exstat exemplum. Nam qui ad Christum eos, qui de ipso nihil audierunt, cupit adducere, is summo Amore præditus sit oportet, ita ut vitam ponere & sanguine suo veritatem obsignare non detrectet. Bonus Pastor dat animam suam pro omnibus suis Iohan. 10. Hæretici autem sunt eiusmodi, quibus cum Christo dici queat: Quomodo vos potestis credere, qui gloriam ab inuicem accipitis? Cognoui vos, quia dilectionem Dei non habetis in vobis. Cum enim Amor siue Dilectio sit appetitus seu Voluntas Pulchri, Deus autem solus demum Pulcher sit, à quo reliqua omnia pulchritudinem suam accipiunt, fieri necesse est, ut solus Deus propter se ipsum, reliqua non nisi propter Deum amentur. Iam vero Deus Hominem ad imaginem suam creauit, hoc est, sibi similem & omnium creaturarum pulcherrimam, nisi quod minuit eum paulò minus ab Angelis Psal. 8. Igitur qui Deum amat, Hominem quoque propter Deum amet oportet. Qui enim non diligit fratrem suum, quem videt, Deum, quem non videt, quomodo potest diligere? 1. Ioh. 4. Sacerdotes ergò Catholici, qui Gentilibus vel cum exploratè mortis periculo Christum annunciant, verè cum Deum, cuius gloriam annunciant, & propagant, tum homines, quos ad fruendum ipso Deo adductos cupiunt, Amare se declarant. Sed Hæreticus nullus neque Deum, neque proximum

mum amat, sed se ipsum siue ea, quæ in mundo sunt. Nolite, ait, *Hæretici neque*
Iohannes 1. Ioh. 2. diligere mundum, neque ea, quæ in mundo sunt. Si Deum, neque
 quis diligit Mundum, non est charitas Patris in eo. Omne porro *proximum a-*
 quod est in mundo, concupiscentia carnis est, & concupiscentia *mant.*
 oculorum, & superbia vitæ.] *Concupiscentia carnis est in ijs, qui gulæ*
 & luxuriæ sunt dediti, siue Intemperantes: Oculorum verò, qui
 auaritia laborant, & subinde thesauris suis inspiciendis se oble-
 ctant. *Superbia est plus sapere, quàm oportet sapere, & non sapere ad*
 sobrietatem, secundum mensuram donationis Christi, dona sua Spi- *Sed superbi*
 ritus ita distribuentis, vt alij præfint, alij obediant, alij doceant, *sunt:*
 alij discant, velut priore Parabola ex Roman. 12. vberius demonstra- *Et libertatem*
 ui. Si quis ergò, qui donum vt præfit siue gubernet, non ac- *amant autem*
 cepit, subiaccere non vult, sed libertatem amat, siue liber à Præ- *nam gloriam,*
 positi iugo esse postulat: Similiter si cui gratia docendi siue *siue scientia o-*
 interpretandi data non est, eam ipse sibi assumit, & se, illum *pinionem.*
 esse, qui scripturas intelligant, reliquos verò falli & delirare
 sibi persuadet, is superbus est & altum sapit. 1. Tim. 6. Hæc do-
 ce (*tu quies Episcopus*) & exhortare. Si quis aliter docet, & non
 acquiescit sanis sermonibus Christi (*seu verbo Dei*) & ei,
 quæ secundum pietatem est, doctrinæ (*id est, Episcopis ea, quæ*
non quidem in scriptura totidem verbis exstant, sed à pietate tamen
non abhorrent docentibus) SUPERBUS est, nihil sciens. 1. Tim. 1.
 Quidam conuersi sunt in Vaniloquium (*siue Hæresin*) & circa
 fidem naufragauerunt, volentes esse Legis doctores, non intelli-
 gentes neque quæ loquuntur, neque de quibus affirmant] *id est,*
 facti sunt Hæretici, quia cum donum intelligendi non accepissent,
 sibi tamen sapere permiserunt (vt Calvinus de Lutheranis lo-
 quitur: *Mundus aliquid sibi sapere permisit*) & scripturas suo
 sensu interpretandas suscipere ausi sunt. Hebr. 13. Obedite
 Præpositis vestris, & subiaccere eis. Ipsi enim peruigilant,
 tamquam rationem reddituri pro animabus vestris, vt cum gau-
 dio hoc faciant, non gementes. hoc enim non expedit.] *Hæretici Epi-*
 ergò recuset Episcopo subiaccere, propterea quod dicat, sibi ipsi *scopis obedire ad*
 pro fide sua rationem reddendam fore, neque Episcopum suo loco ad *subiaccere no-*
 inferos profecturum esse (sicut Rex Iacobus facere & dicere iubet *lentes.*
 pag. 139.) is facit q̄ sibi non expedit, sed vehemēter nocet. Cū enim *Quod eos erra-*
 Deus Ecclesiæ suæ promiserit, *Pastores iuxta cor suū, qui oues scientia & do-*
 strina pascant, Ier. 3, 15. *Speculatores, qui tota die & tota nocte in perpetuū non*
taceant,

raceant, Isai. 62, 6. à quorum ore Spiritus & verbum Dei in aeternum non recedat, Isai. 59, 21. qui non ipsi loquantur, sed Spiritus Dei in ipsis, Matth. 10, 20. cumq; ijs non secus, quàm sibi ipsi omnes Christianos dicto audientes esse iusserit Luc. 10. Qui vos audit, me audit: qui vos spernit, me spernit:

Deum mendacij suspectum habens.

certè non potest quis aliter scripturas, quàm Episcopi docent, intelligere, neq; obedientiam eis negare, nisi idem parum Deo fidei habeat, eumque mendacem esse nec pacto stetisse existimet. quod quanto cum periculo faciat, nihil attinet verbis demonstrari. Deus quidem vt supra docui, mortis supplicio, si quis Sacerdoti obedire & Legis interpretationem ab eo discere nolle, sancire voluit. Deut. 17. Si quis

Ac propterea interfici à Deo iussi sunt.

SUPERBIERIT nolens obedire Sacerdotis imperio, moriatur homo ille, & auferes malum de Isarel, cunctusque populus audiens timebit, vt nullus deinceps intumescat superbia.] Quin etiam vt Sacerdotum auctoritas tanto magis sanciretur, exemplo terribilis illius pœnæ, qua Core, Dathan & Abiron affecti fuerunt, quid eos maneret, qui Sacerdotibus resisterent, documentum dedit Numer. 16. Cùm enim illi tres simul cum ducentis quinquaginta principibus populi contra Aaronem summum Pontificem murmurassent, & offerendo incenso munus eius inuasissent: debiscens terra tres illos Hæresiarchas, siue seditionis capita cum vxoribus, liberis, omnique familia deuorauit, descenduntque viui in infernum. Sed & ignis egressus à Domino, interfecit ducentos quinquaginta Principes; qua pœnæ atrocitate nequaquam affecti fuerant, qui vitulum aureum adorant, vt sciremus eos, qui Sacerdoti contradicunt, grauius, quàm Idololatrias peccare. Est autem operæ pretium verba, quibus rebellionem præferunt, accuratè considerare:

Exemplum rebellionis aduersus Pontificem.

Cùm stetisset (inquit Scriptura) aduersum Moysen & Aaron, dixerunt: Sufficiat vobis (Hebraice) Multum vobis, id est, nimium vobis sumitis, cum soli sacerdotio fungimini quia omnis multitudo Sanctorum est, & in ipsis est Dominus: cur eleuamini super populum Domini? id est: omnis populus est sanctus & sacerdotij capax: quare ergò vobis Sacerdotium vindicatis? Hæc eorum verba sic statim ibidem Moses interpretatur:

Impij & blasphemij sunt, qui contra Pontificem murmurant.

Multum erigimini, siue Multum vobis sumitis, vt vobis etiam Sacerdotium vindicetis. Blasphematis Dominum, cùm contra Aaron murmuratis. Homines impij estis, quorum tangere rem vllam nemo debet, ne inuoluatur in peccatis vestris, sed procul à tabernaculis vestris recedere.

CAP.

HOc loco non possum non vehementissimè mirari, quod rex Iacobus Præfationis suæ pagina 14. scribit: *Maledictus, qui maledicit vncto Domini, pereatq. interitu Core, qui peccauit in contradictione Coræ: foras eiusmodi Canes porcig. eyciantur, extra cœlestem dico Ierusalem.*] Nam vt de Canibus ac Porcis nihil dicam, quod ipse Lutherus in cōment. Galat. 3. Tomo 1. Ger. Wite. fol. 181. a. §. 2. Sic interpretatur, vt Zuinglianos siue Calvinistas, dicat esse Canes rabidos, Lutheranos autem lutulentos Porcos, & vtrisque optat sub Papæ tyrannide etiamnum manere, quemadmodum etiam Tomo 5. Ger. Ien. fol. 433. b. & Tomo 9. Witt. fol. 82. in comment. Matth. 7. hæc Christi verba: *Nolite sanctum dare Canibus, neque mittatis margaritas vestras ante Porcos*] de Principibus ac Proceribus siue Magistratibus Euangelicis interpretatur: Nos Prædicantes, inquit, habemus illos pro Porcis & Canibus, & denunciamus illis, ne spem sibi faciant, se quicquam ex Euangelio à nobis habituros. Interea non curamus, quod legunt & audiunt conciones nostras, quantum volunt, seque EVANGELICOS esse gloriantur.] Sed vt hoc prætermittam, quisquam ne magis Vncto Domini maledicere & cum Core contradicere potest, quam ipse Rex, qui Papam, summum Sacerdotem secundum similitudinem Melchisedec, adeoque multo Aaroni superiorem, Antichristum esse contendit? qui contra Episcopos & Cardinales potestatem habendorum Conciliorum & interpretandæ scripturæ exercentes murmurat, eamque cum Christianis omnibus communicatam cupit? qui Papam nullo iure super ceteros eleuari conqueritur? qui Regibus, Principibus ac rebuspub. optat, vt tales fiant, qualis & ipse est, nempe Schismatici & Hæretici, qui non modò legendæ, sed etiam suo modo ac more intelligendæ scripturæ potestatem sibi sumant? Hæc enim eius verba sunt pag. 50. *Prorsus pernego, terrestrem esse aliquem Ecclesiæ Monarcham. Christus Ecclesiæ suæ Monarcha est, Christi que vices explet, quem venturum promiserat, Spiritus sanctus. Reges gentium dominantur eorum, vos autem non sic.* (Ergò Spiritus sanctus dominatur, sicut Reges gentium, & est Christi Regis vicarius, siue Prorex, hoc est Christo inferior, Hæc flagitia siue monstra concipere tandem oportuit eum, qui cum Core contradicere volebat) *Nec Christus antequam in cælos ascenderet, pollicitus est, se Petrum, qui Apostolos dirigeret ac doceret, relicturum: Sed Spiritum sanctum se in eum finem missurum esse prædixit.*] Certè Apostoli erant oues Christi, & Christus in cælum adscensurus Petro dixit: *Pasce oues meas*, sicut eidem ante resurrectionem præ-

*Rex Anglus si-
bi ceterisq. Lu-
theranis malū
precat.*

*Caluinista Ca-
nes, Lutherani
Porci: Siquis
Papæ peca-
ret.*

*Rex Anglus
Cora similis.*

*Prædicantes suos
Principes pro
Canibus &
Porcis habent.*

*Insania Regi
Anglo diuini-
tus obiecta.*

*Apostoli erant
oues Christi &
Petro Commissi.*

Hh

ceperat,

Itaque Petri-
rat Apostolos
regere & dedu-
cere.

Dathanismus
& Abironi-
mus Regis An-
gli.

Ecclesia habet
iudicium super
Angelos & su-
per secularia.

Omnis Sacer-
dos est Ange-
lus.

ceperat, vt aliquando, nempe postquam ipse in cælum assumptus fo-
ret, suos fratres confirmaret. Iam verò Pastoris esse Oues regere seu di-
rigere, & docere siue scientia pascere, præterquam quod sensu com-
muni constat, etiam ex scripturis discimus *Psalm. 79.* Qui REGIS
Israel, intende: qui deducis velut Ouem Ioseph. *Psalm. 22.* Dominus
regit me, in loco pascuæ me collocauit: deduxit me super semitas iu-
stitiæ. *Jerem. 3.* Introducam vos in Sion, & dabo vobis Pastores iuxta
cor meum; & ipsi pascent vos scientia & doctrina.] Itaque Petro quoq;
vt Oues Christi omnes regere, deducere, dirigere ac doctrina pascere
seu docere posset, necessaria Spiritus sui dona dederit Christus oportet,
sicut *Isai. 28.* promissum fuerat: *Spiritus iudicij erit sedenti super iudi-
cium.* Sed parum de his Regi nostro pensi fuit, qui in animo habebat
Coræ aduersus Mosen & Aaronem verba in summum Pontificem &
Episcopos Catholicos intorquere: *Nimis multum vobis sumitis, quia omnis
multitudo sanctorum est, & in ipsis est Dominus.* Cur eleuamini super popu-
lum Domini? Quin etiam in his eiusdem Regis verbis turbulenti ali-
quid & Dathanicum atque Abironicum Spiritum intelligo. *Pag. 5.*
*Cardinalatus dignitas nihil est aliud, quam noua Paparum institutio, quam in
immensum excrescere Decessorum nostrorum, Regum, inquam, qui his aliquot
seculis rem Christianam rexerunt, mollis & ad omnia Pontifici conuiuens leni-
tas permisit.* *Pag. 11.* *Abdicandum Regum (Hæreticorum scilicet & Ty-
rannorum desperatorum) ius nullo legitimo modo Pontifici questum esse
censo, & hanc iniustam Paparum usurpationem & violentiam secularem,
Excommunicationis, quæ spiritualis censura est, fines longè lateque excedere
arbitror]* quia nimirum non meminit Rex argumenti illius Pau-
lini *1. Cor. 6.* *Nescitis, quoniam Angelos iudicabimus?* quanto magis secu-
laria? quo loco si Angelos interpretarer Reges, aliquid ex Regis Iacobi
Apologia didicisse videri possem. nam is hoc titulo & honore Re-
ges in scripturis affici contendit. quod tamen de Dauide & Assuero,
quibus eam appellationem alij tribuerunt, atque haud scio an de
quoquam præterea legitur, cum de Sacerdote generatim dicatur:
Angelus Domini exercituum est, Malach. 2. & Ecclesiastæ 5. *Ne dicas co-
ram Angelo: Non peccaui, sed sum innocens: ne fortè Deus iratus huic voci tuæ
condemnet cuncta opera manuum tuarum.* Sic enim Lutherus in Germa-
nico reddit, hac addita explanatione: *Noli contra Sacerdotes & Do-
ctores seductionem & falsam tuam doctrinam defendere, sicut menda-
ces Spiritus & Somnatores siue entusiastæ faciunt, quorum imitatore
nunc Regem esse nollem.* Sed Pauli argumentum docet, qui Spiritua-
lem

lem iurisdictionem habeat, eum simul inferiorem, de secularibus nempe negotijs iudicandi potestatem, habere. Ex quo conficitur, si Pontifex censuram Ecclesiasticam in Reges hæreticos, siue Tyrannos, distringere, eisque per excommunicationem claudere cælum possit (quod quidem hic Pontifici Rex tribuere vel relinquere videtur, nam cum potestatem excommunicandi & ius abdicandi Tyrannos contrario nomine opponit, & hoc ius ideo iniuste acquisitum dicit, quia Excommunicationis fines excedat: de excommunicandi potestate non videtur quicquam controuersie mouere. quod similiter suspicari me facit, quod pag. 113. scribit: *Neg. me ab ista sententia ullus Pontifex dimouebit* (quæ Papam Antichristum esse statuit) *nisi qui nihil sibi iuris esse in temporalibus Principum rebus ac negotiis prius fatebitur.*) Ex Pauli ergo argumento conficitur, si Pontifex Tyrannum aut Hæreticum (per pullum namque interest) regno cælorum priuare per Excommunicationem queat, ut multò magis regnum alicuius non spatiosæ terræ aut Insulæ adimere eidem possit. *In promptu habemus ulcisci omnem inobedientiam per Excommunicationem. Sin autem & amplius aliquid gloriatus fuero de potestate nostra, non erubescam, 2. Cor. 10.* Non quo potestas secularis Excommunicatione maior sit, sed quia ijs, qui Paulum arbitrabantur tamquam secundum carnem ambularet, siue, qui Paulum ut hominem humilis loci atque ordinis, nec felicius aut illustrius natum quam Bellarminum Rex insinuat (Pag. 116.) præ ceteris contemnebant, plus in seculari iurisdictione speciei & dignitatis inesse videbatur. Nunc Abironem nostrum Britannicum porro audiamus. Ait ergo pag. 12. *Pontifices contra auctoritatem scripturarum, contra conciliorum antiquorumque Patrum mentem sibi in temporalia Regum iura & auctoritatem, iniuste Tyrannidem occuparunt: in qua quidem Regum auctoritate asserenda totam meam Apologiam impendi.* Hoc est, id vnum mihi in Apologia mea fuit propositum, ut docerem, Reges non debere ullam Episcopis, neque ipsi Pontifici obedientiam, ne in rebus quidem fidei, & ad Reges potestatem habendorum conciliorum propriè pertinere. Pag. 118. *Hec est præcipua, quam nobis Regibus Episcopi inferunt iniuria, quod ius Christianis commune Regibus in Generalibus Concilijs nobis adimant, cum illorum habendi modum (nam sic elegantia, credo, causa in Anglia dicere malunt, quam, illorum habendorum modum) penitus sustulerint, eorum vi ac potestate ad se pertracta.* Horum omnium verborum summa esse huiusmodi videtur: Numquid parum est vobis Pontificibus atque Episcopis, quod nos Hæreticos ac Tyrannos excommunica-

Rex Anglus relinquit Pontifici potestatem excommunicandi Reges.

Ergo multò magis Regem excommunicatū regno Papa spoliare potest. Ecclesia habet adhuc maiorem potestatem, quam excommunicationem.

Rex fatetur librum suum esse Tubam rebellionis.

Specimen elegantiæ Anglicanæ.

tis, & quod in vobis est, aditu regni cœlorum prohibetis, nisi & dominati fueritis nobis. An & oculos nostros eruere, ac scripturarum interpretandarum habendorumque Conciliorum potestatem abrogare nobis vultis? Nequaquam vobis dehinc obedimus.] Nunc videamus, ecquid huius simile Coræ participes, ac Regis nostri Patriarchæ dixerint. *Misit Moyses summus Sacerdos sæculari imperio præditus, ut vocaret Dathan & Abiron. qui responderunt: Non venimus. numquid parum est tibi, quod eduxisti nos ex Aegypto, ut occidere in deserto, nisi & dominatus fueris nostri? Reuera induxisti nos in terram, quæ fluit rivis lactis & mellis. An & oculos nostros vis eruere? Non venimus.*] Sed non solus Rex Iacobus in Coræ contradictione nomen suum profitetur. Eandem enim animum habuisse plerosque, qui Lutherani doctrinam

*Quare plerique Lutherani fa-
cti fuerint.*

*Amorempe
Libertatis.*

*Hæc ita scripta
erant abhinc
xvi. mensibus.*

primùm amplexi sunt, ita Philippus Melanchthon in epistolis ad Camerarium Lipsiæ editis fol. 151. testatur: Lutherum nulla de causa quidam ut video, amant, nisi quia beneficio (vel potius veneficio & fascinatio-
ne) eius sentiunt se Episcopos excussisse, & adeptos LIBERTATEM minimè vtilem ad posteritatem. qualis enim, cedo, futurus est status ad posteros in Ecclesiis, si omnes veteres mores sint aboliti, si nulli certi sint Præsides: Et fol. 148. Ut quod sentio dicam, utinam possim non quidem Dominationem confirmare, sed Administrationem restituere Episcoporum. Video enim qualem habituri simus Ecclesiam dissoluta πολιτεία Ecclesiastica. Video postea multò intolerabiliorem fore Tyrannidem, quàm antea umquam fuit.] Iam nimirum quicquid Regi aut Principi de religionis causa visum fuerit, id Prædicantes, nisi cum vxoribus liberisque solum vertere & exulatum ire malint, alios docere, omnisque provincia amplecti ac profiteri cogitur, unde factū, ut in Electorali Palatinatu intra 38. annos quinquies religio mutaretur, nouo Principe nouam populis subiectis religionem præscribente.

CAPVT LXXV.

*Qualem Amo-
rem habeant
Hæretici.*

EST igitur, quod Hæretici amant, nihil nisi Libertas (quæ Philippus vocat, ego Licentiam credendi ac faciendi quicquid libeat, rectiùs dixero) cum scilicet graue eis accidit Pontificis imperio teneri, neque inuenti alicuius Nouitate sibi nomen & discipulorum Sectam parare posse: id quod Paulus testatur Act. 20. *Exsurgent viri loquentes peruersa, ut abducant discipulos post se.* Sed æquius fuerit ipsum Lutherum de ingenio

nio consilijsq; Hæreticorum, hoc est, de se ipso exponentem audire. Verba ipsius *in comment. Genes. 27. Tomo 6. Latin. VVitt. fol. 364. b.* hæc sunt : Id longè est pessimum & tristissimum, quando Ecclesia optimè constituta est, & est consensus docentium & credentium, vnum os, vnum cor, vnus calamus, cum idem omnes docemus & scribimus, & existit aliquis qui turbat hæc omnia, qui vult esse Doctor & Magister, & ad se trahere totam Ecclesiam Hæretici vident, se non posse inclarescere, si maneant in communi societate & concordia Ecclesiæ. Quid faciam? dicunt. Nomen meum plane obscuratur, non celebratur in alijs regnis & ditionibus. Tentanda igitur via est, qua me possim tollere humo, vt videant homines, quid possim præstare] *Superbia igitur est omnium Hæresion mater, cum quis exemplo Core, Dathan & Abiron, Iugum Sacerdotis excutere, seq; si minus Doctore ac Ducem ceteris profiteri audet, saltem in libertatem vindicare studet. Itaq; Iudas Apostolus de Illisribus in nouissimo tempore venturis scribit : Hi sunt murmuratores querulosi, & os eorum loquitur superba, qui segregant semetipfos, Spiritum non habentes. Væ illis, quia in contradictione Core peribunt.] Sicut enim Core murmurauit contra Aaronem summum Pontificem, similiter Hæretici sunt murmuratores querulosi contra Pontificem, ac propterea eodè supplicio affici merentur. Itaq; eodem exemplo Paulus Christianos ad obedientiam & subiectionem cohortatur 1. Cor. 10. Ne murmuraueritis, sicut quidam eorum murmurauerunt, & perierunt ab exterminatione (Et quia futuros prævidebat Paulus Lutheranos, qui negarent illam Coræ Sacerdoti contradicentis historiam quicquam ad nos pertinere, adeoque nullum periculum esse, ne quis Sacerdoti siue Pontifici contradicens simili supplicio afficiatur : propterea addit Paulus, quod in primis Lectorem meum obseruare velim) Hæc omnia in figura contingebant illis, scripta sunt autem ad correptionem nostram, in quos fines sæculorum deuenerunt] Sed alio adhuc loco longè efficacius ad asserendam tuentamq; Sacerdotum auctoritatem eadem Coræ historia Paulus vtitur. Nam 2. Tim. 2. scribit : Profana & vaniloquia deuota (siue prohibe, 1. Tim. 3.) multum enim proficiunt ad impietatem & sermo eorum, vt cancer serpit (si suas opiniones proferendi ac tuendi occasionem præbeas Hæreticis) Ex quibus est Hymenæus & Philetus, qui à Veritate exciderunt, dicentes resurrectionem esse iam factam (in baptismo scilicet, in quo anima à peccatis resurgit) & subuerterunt quorundam fidem (siue aliquos in Hæresin suam, siue Core, perduxerunt.) sed firmum FVNDAMENTVM Dei stat, habens*

Lutheri de Hæresiarum natura testimonium.

Superbia & Ingi impatiencia Hæresion mater.

Omnes Hæretici sunt Coræ similes in schismate.

Paulus docet, Coræ historiam esse figuram Hæreticorum.

Idem Episcopos cum Arone, Hæreticos cum Core comparat.

bens signaculum hoc: Cognouit Dominus, qui sunt eius, & discedat ab iniquitate omnis, qui nominat nomen Domini] Hic citat Apostolus verba quæ in historia Core *Numeri 16.* apud 70. Interpp. leguntur hoc modo: Cùm audisset Moyses murmuracionem Coræ, cecidit pronus in faciem, locutusq; est ad Core & ad omnem multitudinē: cognouit Dominus, qui sunt eius, & Sanctos (*sive Sacerdotes*) adduxit ad se, & quos non elegit sibi, non adduxit ad se. *Et mox:* Ait Dominus ad Moysen: Præcipe vniuerso populo, vt separetur à tabernaculis Core, Dathan & Abiron. Dixitq; moyses ad turbam: Recedite à tabernaculis hominum impiorum, (*quod Paulus ita reddit: Discedat ab iniquitate omnis*) & nolite tangere, quæ ad eos pertinent, ne inuoluamini in

Contra Episcopos murmurare est blasphemare

peccatis eorum.] Cùm ergo Hymenæus, Philetus & Alexander superbia inflati blasphemassent (*sicut de Core, collegisq; Moyses dicit, eos blasphemasse Dominum, quia contra Aaronem murmurarunt*) hoc est, volentes esse legis Doctores, & aliter quàm Sacerdotes sive Episcopi, docentes, in vaniloquium conuersi essent, et circa fidem naufragium fecissent (*velut 1. Tim. 1. legimus*) quia valdè plausibilis eorum videbatur sententia, tam speciosis scripturæ interpretationibus minùs intelligentibus se commédans, ita vt multos alios in Hæresin suam tracturi viderentur: propterea dicit Apostolus, non esse vllum periculum, ne fides eorum subuertatur, qui tanquam fundamento inniuntur auctoritati Episcoporum, quæ his scripturæ verbis obsignata & confirmata est: *Cognouit Dominus, qui sunt eius, & discedat omnis ab iniquitate &c.* quasi dicat: Etiam si isti Hæretici per dulces sermones & benedictiones seducunt corda innocentium, siue, tametsi speciosè Hæresin suam ex scripturis de resurrectione mortuorum allegoricè declaratis tuentur, tamē nō commouebūt nec subuertent eos, qui Sacerdotū doctrinæ firmiter inniuntur, cum ex historia Coræ sciant, Sacerdotes à Deo electos esse, & Spiritus sancti gratiam ad docendū necessariam per impositionē manuum presbyterij accepisse, sibiq; imperatū esse, vt ab ijs, qui exemplo Coræ Sacerdotibus contradicunt, discedant, & nihil quod ad eos pertinet, hoc est, neq; libros, neq; conciones eorū attingant. Nam paulò post sic se interpretatur: *Si quis emundauerit se ab istis* (*si quis se ab Hæreticis mundum conseruarit, ab ijs discedendo, neq; quicquam rei cum ijs commiscendo*) *erit vas in honorem, sanctificatum & utile Domino.* Atq; hæc in gratiam Regis sibi ipsi Coræ interitum imprecantis (quem ego, vt ab ipso Deus auertat, ex animo voueo) disputare hic volui: nunc ad propositum reuertor.

Auctoritas Episcoporum est fundamentum ab ipso Deo obsignatum.

CAPVT

Q Vicumq; ergo aliter siue docent, siue docendum putant, quam Sacerdotes siue Episcopi præcipiunt, ij *superbiam vitæ amant, & Amorem Dei in se non habent. Charitas enim (ait Paulus 1. Cor. 13.) non inflatur, non est ambitiosa, non querit quæ sua sunt (sed omnia ad Dei gloriam, ad proximi vtilitatem refert) omnia credit, omnia suffert, quæ scilicet Episcopi credenda & facienda imponunt. Atq; hæc est causa, cur Hæretici non abeant ad Gentiles, qui nihil de Christo audierunt, quia quæ sua sunt, querunt, & gloriam ab hominibus accipiunt, seq; propter no- uam scripturæ interpretationem, quam siue inuenerunt, siue tuetur, admirationi esse deliderant, quod tantum apud Christianos, non eti- am apud Gentiles consequi se posse intelligunt. Itaq; si & corpus su- um tradiderint, ut ardeant, cum charitatem simul non habeant, nihil eis prodest. Sed neq; si nonnumquam id fiat, hoc est, si Hæretici flammis crema- ri, quam sententiam mutare malint, quicquam in eo mirandum intel- ligentibus apparet. Neque enim nesciunt, difficilius esse homini ambizioso, superbo & se ipsum amanti de sententia sua cuiquam con- cedere, quam Libidinoso ab adulterio, Helluoni à crapula, Auaro ab iniusto luero téperare. Sicut ergo istos amor, vel potius cupiditas fal- sæ vtilitatis & voluptatis vincit, ut istarum rerum causa mortis periculū a- dire nihil dubitent: ita Hæreticū contentio seu Pertinacia hoc est, con- ceptæ opinionis vel sententiæ suæ obtinendæ ac tuendæ cupiditas, e- tiam cruciatus ac mortē sustinere iubet. Sed qui inter Gentiles morte afficitur, is non suam, sed Ecclesiæ doctrinam & de Christo sententiam obsignat, idq; non alio fine, nisi ut Christum glorificet, & ipsos Gen- tiles tanta patientia commotos ad Ecclesiam adducat, sibi ipsi deniq; gloriæ cælestis ius acquirat. Ergo hunc Amor Dei ac proximi ad mor- tē mittit. Specie enim Pulchritudinis diuinæ animo cōcepit, eaq; frui desiderat: et cum intellectu percipiat instrumētum siue mediorū: quæ ad fructū pulchritudinis illius ducunt, nullum esse Gentiliū conuer- sione præstantius (nam qui ad iustitiam erudiunt multos, quasi stelle fulgebunt in perpetuas aternitates, Daniel 12. Et qui conuerti fecerit peccatorem ab erro- re via suæ, saluabit animam eius à morte, & operiet multitudinem peccato- rum suorum, Iacob. 5.) cumq; Gentiles conspecto diuino Christianorū Amore facilius permoueri sciat (Itaq; de Apostolica Ecclesia legimus: Virtute magna reddebant Apostoli testimonium Christo, et gratia magna erat in omnibus illis, id est, magnam gratiam & efficaciam cum Apostoli, tū eo- rum discipuli habebant ad mouēdos hominū animos. Erat enim multitudi- nis*

Superbi & ino- bedientes Episco- pis non habent charitatem Dei

Cur Hæretici non laborent de conuertendis ethnicis.

Hæreticos a quo animo cremari nō est mirabile.

Catholici Mar- tyres quæ sibi querant.

Amore Dei im- pellantur.

Gentiles mouet Amor, quem in Catholicis vi- dent.

Deum Marty- res facillimè exorant
Cum perfectam charitatem habeant.
Quid ament Martyres.
Hæretici à Catholicis cremati sunt Martyres Diaboli.

nis cor unum, & anima una, nec quisquam eorum, quæ possidebat, aliquid suum esse dicebat, sed erant illis omnia communia. Itaq; nemo erat egens inter illos) cum deniq; sanguineis præcibus Deum facillimè exorari & conuersionis gratiam Infidelibus impetrari non ignoret (nam qui propter Deum ita proximum amat, vt eius saluti suum quoq; sanguinem impendat, is perfectam habet charitatem, & cum pro persecutoribus rogat, exauditur. Isai. 53. Si posuerit pro peccato animam suam videbit semen longæuum. Fortium diuidet spolia (siue ex errore & Dæmonum potestate homines eripiet) pro eo quod tradidit in mortem animam suam, & pro transgressoribus rogauit. quod de Christo quidem proprie dictum, ad omnes tamen eius vicarios siue Pastores pertinere ipse nos docet Ioh. 10. Bonus pastor dat animam suam pro ouibus suis Matth. 5. Orate pro persequentibus uos.] Itaq; Stephanus quoq; cum lapidaretur, pro inimicis rogauit & Pauli conuersionem impetravit, Act. 7.) cum igitur Catholicus Sacerdos inter Gentiles constitutus ad fruendum Dei pulchritudine nulla via certius citiusque quam infidelium conuersione, per Martyrium confecta, perueniri sciat, tanta Dei charitate siue Amore incenditur, vt vitam ponere vel in lucro deputet. Philipp. 1. Mihi viuere Christus est, mori lucrum. Hoc est. si uiuo, Christo seruiro: sin autem pro Christo morior, vitam æternam lucror. Rom. 8. Si compatimur (cum Christo) & conglorificabimur. Non sunt condignæ passionibus huius temporis ad futuram gloriam, quæ reuelabitur in nobis.] Nimirum Martyres Dei instituta vtriusq; generis bonorum comparatione, gloriæ cælestis siue fructu pulchritudinis aut visionis diuinæ, & huius caducæ vitæ, cum illud bonū huic posteriori infinito præstantius iudicent, magis etiam illud volunt siue amant, adeoq; huius iactura illud redimere nihil dubitant. Luc. 14. Si quis non odit patrem & matrem, & uxorem & filios, adhuc autem & animam (siue vitam) suam, non potest meus esse discipulus. Matt. 10. Qui perdiderit animam suam propter me, inueniet eam.] Hic ergo est diuinus ille Amor, quem etiam Gentiles in Catholicis Martyribus perspicere possunt. Videamus nunc paulò subtiliùs, quo Diaboli Martyres Amore præditi esse soleant, Hæretici, inquam, illi, qui non à Gentilibus, ad quos, vt dixi, numquam veniunt, sed à Catholicis magistratibus auctoritate legum Imperialium cremantur. Loquor autem de Veris Hæreticis, non de illis, qui simpliciter eis credunt, dulcibus eorum sermonibus & benedictionibus (vt Paulus Rom. 16. ait) seducti, & ferè à pueris nulla sua, sed omni parentum & amico-

rum

rum culpa in errore educati. Nam hos vt à Catholicis distinguam⁹, Hæreticos vulgò dicimus, quadam nominis Adiectiui forma, velut Grammatistæ loquuntur, quasi *Hæreticos* aut *Hæreticales* dicas, quod Hæreticorum sint *partiarj*, vt ait Tertullianus, sed eos propriè Hæreticos non esse, neq; propter Hæresin, sed propter negligentiam. inconsiderationē, aliaq; peccata cum à Deo damnari, tū à Magistratu puniri, luculentè in Scaligero *Hypobolimæo* demonstraui. Veri autē Hæretici, definiēte S. Augustino sunt, qui alicuius temporalis commodi, & maxime glorie principatusq; sui gratia falsas ac nouas opiniones vel gignunt, vel sequuntur. Hoc ipsum Spirit⁹ sanctus in scripturis docet. Rom. 16. Rogo vos fratres, vt obseruetis eos, qui dissensiones & offendicula faciunt contra doctrinam, quam vos Romani didicistis (id est, qui nouam scripturæ interpretationem, in vestra Ecclesia inauditum gignunt, itaq; faciunt, vt alij eam amplexi vobiscum dissentiant) *Huiusmodi enim Christo Domino nostro non seruiunt, sed suo ventri, & perdulces sermones ac benedictiones (siue, speciosas ac plausibiles scripturæ deprauationes) seducunt corda innocentium*] Hoc loco duo de Hæreticis affirmat. Vnum, eos aliter, quam Romanos docere, siue à Romanis, dissentire : quod nouitatem doctrinæ significat. Romana enim Ecclesia super Petri fidem indeficientem fundata nullo doctrinæ vento euerti potest, neque perfidia aut Nouitas ad eam habet accessum. Alterum; eis non gloriam Christi propositam esse, sed propriam vtilitatem & gloriam. Vtilitatem, *Venter* significat, cui scilicet luxuriando & crapulando seruiunt. Gloriam propriam siue ambitionem, verbis *seducunt & Dissensiones faciunt*, designat, quod Act. 20. dixerat : *surgent* scilicet sua sponte, non vocati, *viri loquentes peruersa, vt abducant discipulos post se*. Sic ergo discimus, cum etiam tradunt Hæretici corpus suum, vt ardeat, in eis tamen charitatem siue Amorem Dei non esse, propterea quia suum Ventrem, siue suam gloriam amant. Et quamdiu quidem nullum eis vitæ periculum ostenditur, ventris sui cultum, Christi seruitio potiorē ducunt. Sed cum ad rogem ductum iri videntur, nempe vel esurire & continere, quam propter opiniones suas conflagrare malunt. Sin autem & mori quàm de sententia decedere præoptant, apertè declarant, non tanti esse eis vitam, quàm Gloriam suam siue scientiæ opinionem, & ab Episcoporum Iugo libertatem. Potius igitur vitam amittunt, quim sese in scripturis intelligendis errare fateantur aut suum iudicium Ecclesiæ iudicio subijciant. Atque hoc ipsum est supplicium, quo securitatem & superbiam

Hæreticis simpliciter, credentes quare puniuntur, & damnantur,

Hæreticorum definitio. Sunt, qui se ipsos aut suam amantem à Romanis dissentiant.

In Hæreticis non est Amor Dei.

Hæretici sanabiles.

Hæretici insanabiles.

Pertinacia & superbiam

biam eorum Deus vlciscitur, vt videlicet; quia vocem Pastorum ab ipso constitutorum audire noluerunt, sed ipsi suo Marte satis sapere, recteque Scripturas intelligere sibi visi sunt, iam à Satana fascinati adeò nihil de opinionis suæ veritate dubitent, vt eius causa vel cremari æquo animo sustineant.

*Digressio ad
Locum communem de Perseuerantia & Pertinacia.*

Sed quoniam hic Catholicorum Sacerdotum Amor, cuius instinctu vitæ suæ tam sunt prodigi, maximam Ecclesiæ diuinitatem arguit: ne vel pauculi illi Hæretici, quos pertinacia sua mortem iubet contemnere, laudis huius controuersiam eis facere queant, aut simili quodam Amore accensi videantur: operæ pretium fuerit, naturam & causas tantæ eorum pertinaciæ paulò enucleatius & distinctius indagari.

CAPVT LXXVII.

VT igitur Aristoteles VII. *Ethic. IX.* docet ἐμμενέτιχόν τῃ δόξῃ, hoc est, eorum, qui perseverant in sententia nec opinionem mutant, duo sunt genera. Alij enim perseverant propter rationem & argumentorum vim ac momentum (ex eoque Perseuerantia à Tullio definitur in ratione bene considerata stabilis ac perpetua permansio) quibus si solidiores valentioresque pro contraria sententia rationes afferas, à priori sententia discedunt, eoque laudem merentur. Ratio enim est, quæ nos facit homines & à bestiis discernit, cui qui non paret, belluam, quam hominem, rectius dixeris. Postulat autem Ratio, vt etiam verum esse credatur, quicquid à Deo, tamquam Spiritu Veritatis, qui mentiri nescit, profectum esse constat: vt ita nullum hoc loco inter argumenta quæ à ratione & ab auctoritate diuina ducuntur discrimen faciendum videatur, eum & ipsa ratio diuinum quiddam sit; & quamuis humana ratio non capiat, quæ sunt Dei, numquam tamen auctoritati diuinæ contradicat. Quapropter Apostoli discipulos ad Perseuerantiam in sententia, siue Firmitatem Constantiamque adhortari solent. Tamquam Paulus 2. Tim. 3. *Mali homines & seductores* (qui nempe in astutia ambulant, falsa interpretatione adulterantes verbum Dei, 2. Cor. 4.) *proficient in peius, errantes & in errorem mittentes* (quomodo? per dul-

*Constantes, qui
manent in sententia propter
rationem:*

*Item propter
auctoritatē diuinam.*

ces

tes sermones & benedictiones, Rom. 16. id est per plausibiles & sensui hominum Carnalium accomodatas Scripturæ declarationes)
Tu verò nihil moratus quantumuis acuta & probabilia istiusmodi hominum commenta permane in his, quæ didicisti, Sciens à quo didiceris. nempe ab Apostolo, in quo loquitur Christus (2. Cor. 13.) Spiritus sanctus, qui Spiritum Dei habet (1. Cor. 7.) qui non ipse loquitur, sed est diuina. Spiritus Dei in ipso (Matth. 10.) Similiter 2. Tess. 2. Rogo vos, ut non cito moueamini à vestro sensu. Quid autem, mi Paule (poterat Tessalonicensis quispiam rogare) si quis pro contraria aut diuersa sententia rationes tam validas in medium afferat, ut nihil respondere possimus? vtrum non erimus Pertinaces, si maneamus in nostro sensu, inque sententia, quam tueri non possumus? Respondet Paulus : Num retinetis, quod cum essem vobiscum, hæc dicebam vobis? Itaque state & tenete Traditiones, quas didicistis siue per sermonem, siue per epistolam nostram. ne quis vos seducat vilo modo. quasi dicat : Vestri officij est perseuerare in eo, quod à Christi Apostolo vobis traditum esse meministis, tametsi contradictionibus eorum, qui vos à sententia abducere conantur, nihil ex Scripturis possitis respondere. Scitis enim Apostolos Christi sensum habere (1. Cor. 2.) & Christum siue ipsum siue per Spiritum suum aperuisse Apostolicum sensum, ut intelligerent scripturas, Luc. 24 & Iohan. 14. Vnde autem, mi Paule (poterat alter regere) certi sumus, te Christi Apostolum esse, & Spiritum sanctum in te loqui? Scitis, fratres (respondet ille 1. Thes. 1.) quia Euangelium nostrum non fuit ad vos in sermone tantum, sed in virtute, & in Spiritu sancto, & in plenitudine multa. Hoc est, velut ipse 2. Cor. qui. 12. se interpretatur : Signa Apostolatus mei facta sunt supra vos in omni patientia, in signis & prodigijs & virtutibus. Iam verò hæc omnia operatur Dei Spiritus, 1. Cor. 12. Eiusdem Perseuerantiæ siue Constantiæ S. Iohannes discipulis suis auctor est 1. Iohan. 2. Vos, quod audistis ab initio, in vobis permaneat. Et epist. 2. Hoc est mandatum, ut quemadmodum audistis ab initio, in eo ambuletis, quoniam multi seductores (ex Ecclesia) exierunt in mundum. Omnis qui recedit, & non permanet in doctrina Christi (quam scit auditam fuisse ab initio priusquam seductores isti ex Ecclesia exirent) Deum non habet. Si quis venit ad vos, & hanc doctrinam auditam ab initio non affert, sed non

Auctoritas hominum, in quibus loquitur Spiritus sanctus.

Ei qui in herent non sunt Pertinaces, etiamsi contrarijs argumentis respondere nesciant.

Vnde constat, Spiritum sanctum in homine loqui.

Constans est, qui permanet in eo, quod auditum fuit ab initio.

uum scripturæ sensum loquitur, nolite recipere eum in domum nec Aue ei dixeritis. Id est, nec minimum illius humanitatis officium aut signum ei exhibueritis, eum nec audire aut intueri dignabimini. Qui enim dicit illi Aue, communicat operibus eius

malignis, siue particeps sit peccatorum eius in primis Hæreseos & schismatis, & ruinæ pestisque tot animarum. Exemplo enim alijs est, vt similiter seductorem eiusmodi recipiant

eiusque nouam doctrinam audiant, itaque ab eo, quod auditum fuit ab initio, recedant. Rectè igitur Catholici nostri, ma-

Catholici non sunt pertinaces, quamuis fidem suam aduersus Hæreticorum argumenta tueri nequeant.

ximè Laici, tametsi quid hæreticorum argumentis respondeant nesciunt, permanent tamen in eo, quod didicerunt, cum quia id sciunt auditum fuisse ab initio priusquam noui Scripturarum sensus à Lutherò & Caluino inuenti fuerunt (quod quidem supra Capite Sexto ipsius Lutheri ac Lutheranorum testimonijs demonstraui) tum quia sciunt à quo didicerint, nempe

Ecclesia auctoritas est diuina

ab Ecclesia, quæ in Scripturis interpretandis mentiri nequit, cum sit Ciuitas Veritatis (Zach. 8.) immò Columna & firmamentum Veritatis (1. Tim. 3.) cui Deus Pastores iuxta cor suum daturum se promisit, qui oues scientia ac doctrina pascant (Ierem. 3.) à quorum ore spiritus & Verbum Dei in æternum non

Catholici non sunt Pertinaces etiam si Hæreticorum argumenta audire nolint.

recedant. Isai. 59. Non solum autem boni Catholici in Ecclesiæ doctrina permanent, sed neque fabulis Hæreticorum aures præbere sustinent : quam esse Christus veram ouium suarum notam docet. Ioh. 10. Pastorem Oves sequuntur, quia sciunt vocem eius. Alienum autem non sequuntur, sed fugiunt ab eo, quia non nouerunt vocem alienorum, siue quia non volunt, nosse, neque audire vocem eorum, qui aliud afferunt, quam quod auditum fuit ab initio : Ac propterea Princeps Apostolorum 2. Pet. 3. cum difficilia Scripturarum loca ab Hæreticis deprimari monuisset, hoc amplius præcipit, vt nos ab illis custodiamus, siue aures nostras ijs præcludamus, ne ipsorum errore siue praua Scripturæ interpretatione traducti excidamus à propria firmitate veraque Christi cognitione. quemadmodum Paulus quoque 1. Timoth. 1. & Tit. 1. diligenter Episcopos monet, vt suis ouibus denuncient, easque dure increpent, ne intendant Hæreticorum fabulis, qui vel mortuorum resurrectionem futuram negarent, vel Cerimoniarum Moisaicarum obseruationem Christianis necessariam contenderent,

rent, & ad vtrumque suum somnium minus acriter intelligentibus
persuadendum scripturarum verbis abuterentur, itaque mentes sim-
pliciorum fascinant. Sic enim Galatas, qui cum intendissent au-
resque præbuissemus Hæreticorum fabulis, easque confutare non pos-
sent, non permanserunt in eo, quod à Paulo didicerant, sed conturbati
& in aliud Euangelium translati sunt, hos ergo sic obiurgat Paulus Gal. 3.
O insensati Galatæ, quis vos fascinauit nō obedire Veritati? Et quia ipsi respon-
dere poterant: Vnde autem, ô Paule, nos certò scire poteramus, illam
esse veritatem, quam tu nobis annunciaſti, ac non potiùs, quam ad-
uersarij tui postèrius nos docuerunt, quibus propterea credidimus,
quia nihil quod argumentis eorum contradiceremus, habebamus?
propterea scribit Apostolus: Qui ergo tribuit vobis Spiritum, & operatur
Virtutes (vtrum id facit) ex operibus legis, an ex auditu fidei? quali dicat:
Cum mihi credidistis docenti hominem non ex circumcisione alijs-
que Legis operibus, sed ex fide in Christum iustificari, accepistis Spiri-
tum sanctum, multaq; inter vos miracula facta sunt: illi verò, qui cir-
cumcisionem aliaque Moſaicę Legis opera saluari cupientibus neces-
saria esse docent, nulla fecerunt miracula, adeoque nullum Spiritus
sancti testimonium exhibuere. Itaque colligere debeatis, meam do-
ctrinam veram esse. nam Spiritus Dei, qui operatur Virtutes & mira-
cula, est Spiritus veritatis, qui nequaquam mendacio testimonium
præbere credendus est. Atque his exemplis & præceptis moniti, vos
Augusti Principes, meritò parui ducitis, quid Rex Anglus fabuletur,
quantaque benedictione siue probabilitate sua ille somnia ex scripturis
probet. quod si etiam librum eius legissetis (à qua tamen culpa longis-
simè vos abesse scio) neque vos argumentis eius quicquam reponere
posse deprehenderetis, adhuc laudem Firmitas & Constantia vestra
mereretur, qui quidem non pateremini vos moueri à sensu vestro, neque
transferri in aliud Euangelium, sed permaneretis in eo scripturarum sen-
su, quem ab initio statim post Apostolorum tempora ad vos vsq; au-
ditum fuisse ipsius Lutheri, wigandi & Magdeburgensium Centuria-
torum Confessione supra cap. VI. testatum feci. Scitis quippe à quo didi-
ceritis, ab ea nempe Ecclesia, cuius doctrinam, quamuis carni & san-
guini molestam, tot iam sæculis neque potentissimorum Imperato-
rum Regumque vis, neque fraus callidissimorum Hæreticorum, vt et-
iam extrema quæque tentarent, suppressere potuit, vt dubitari nihil
queat, quin *Digitus Dei sit hic*, hoc est quin Romanę Ecclesię doctrina
vera sit, cum ei Deus tam miraculosa cōseruatione diuinitatis ac Veri-

*Spiritus san-
ctus per mira-
cula Veram scri-
pturam interpre-
tationem con-
firmat.*

*Catholicis Prin-
cipes nihil cu-
rant Regis An-
glia librum.*

*Sed permanent
in eo quod au-
ditum fuit ab
initio.*

*Cum sciant se
ab Ecclesia Ro-
mana didicisse.*

*Cui digitus Dei
testimoniū di-
uinitatis præ-
bet.*

tatis testimonium præbeat. Actametsi ex modò recitatis Apostoli Pauli verbis, vos rectissimè ratiocinari, satisque cur à vestro sensu non moueamini, sed in Catholica fide constanter maneat, causæ habere quiuis sanus intelligit, non molestè tamen fero, vos etiam habere paratum Lutheri aduersus regem patrocinium. quem cum ipse suum Scriptorem vocet, neque cum S. Iohanne Baptista, tertium quippe Eliam illum, comparare dubitet, recusare certè non debet, quin eum causam pro vobis dicentem audiat. Sunt autem hæc eius verba in libro

*Lutherus Pado
baptismū tueri
aduersus Ana-
baptistas ne-
quit ex sacra
scriptura.*

aduersus Anabaptistas Tomo 4. Ger. Ienensi fol. 330. & Tomo 2. Ger. Witteb. fol. 229. Adhuc nulla fuit Hæresis, quæ diu durasset, ac non potiùs, ut ait S. Petrus, celerem perditionem sibi superduxisset, breuique manifestata & ludibrio habita fuisset. Quod si ergò Paruulorum Baptismus non esset legitimus, profectò Deus illum tam diu durare & per vniuersam Christianitatem communiter seruari non permisisset. Obijcies mihi, hoc non est probare verbis sacra scripturæ. Respondeo, verè te hoc obijcere. nam sanè verbis scripturæ non satis firmiter probari potest, ut quis ijs confusus Baptismum paruulorum incipere audeat: sed tamen æquè firmiter probatur, neminem iam nostro tempore salua conscientia posse Baptismum puerorum tam inueteratum reijcere aut intermittere, eo argumento, quia Deus Baptismum illum non solum ipso facto tolerat, sed etiam iam inde ab eo tempore, quo primùm cœpit, conseruauit neque interire passus est. Vbi enim OPUS Dei videmus (disturnam scilicet alicuius doctrina conseruationem, quæ alioquin humanitus permanere non potuisset) non minùs, sed æquè cedere & credere tenemur, quàm vbi VERBUM eius audimus &c. Hæc Lutherus anno 1528. quo tempore perfectè scilicet à Deo suo illuminatus omnes Papatus reliquias excusserat.

*Sed ad opus di-
uinum, siue ad
miraculum cō-
fugit.*

CAPVT LXXVIII.

*Pernicaces, qui
non propter ra-
tionem, neque
propter aucto-
ritatem diuinā
manent in sen-
sentia.*

ET adhuc quidem vnum genus eorum, quos Aristoteles ἐμμενέ-
τους τῇ δόξῃ siue sententiæ retinentes aut in opinione perseveran-
tes dicit, qui nempe ratione ducuntur. Alij sunt, quos idem Philoso-
phus ἰσχυρογνώμονας dicit siue Pernicaces, à Peruicendo (nam Vicere pri-
scis pro Vincere in vsu fuit) quod opinionē suam firmiter teneant ea-
que peruincere cupiant, quos eisdem δυσμελεις esse ait, id est, quibus
agrè ac difficulter persuaderi queat: quod quidem, velut ibidem do-
cet, alijs accidit propter affectum animi, siue Voluptatem aut Mo-
lestiam

lestiam, alijs propter stuporem, ruditatem & inscitiam, quibus ego addiderim, qui propter vtrumq; sententiam & opinionem pertinaciter tuentur. Ἰδιογνώμεις enim, hoc est, suæ sententiæ sui que sensus homines (quos etiam αὐθάδεις dicunt) nō propter rationem siue argumentorum vim, sed propter iucunditatem ac molestiam in opinione sua animo pertendūt. Gaudent enim (ait Aristoteles) tamquam victores, si pertendant, neq; de sententiā abducantur, dolent contrā, si suā tamquam Leges aut Populi scita abrogentur irritaque fiant. Cuiusmodi autem sit hominum eiusmodi Voluptas, ex Rhetoricis eiusdem Philosophi disci potest. Nam primū suā quemq; delectare, siue, suū cuique pulchrum & iucundum esse docet, quemadmodū Poētæ versus suos quamvis male tornatos, nec satis propitijs Musis factos amant: idq; propterea, quia sibi ipse quisq; charus & iucundus est, natura sibi quemq; ipsi cōmendante & conciliante. Est autem opus cuiusque velut pars ipsius. Itaque non magis parentibus liberi, quā partus ingeniorum auctoribus suis chari & iucundi esse solent. Prou. 15. Latatur homo in sententia oris sui, & stultitia gaudium stulto. Atque hæc ipsa est causa, cur plerique opiniones ac sententias parentum, vxorum, liberorum, omnino denique eorum, quos vel naturę necessitudo & coniunctio sanguinis, vel beneficium, vel obsequium, vel ingenij, morum studiorumq; similitudo charos ipsis reddidit, non minūs, quā si ipsi eas cōcepissent, arripere & amplexi tenere soleant. Amicorum dicta ac facta (ait Symmachus) eadem indulgentia censemus, qua plerumque singuli etiam vitia nostra diligimus. Et velut ex Platonis sententia Plutarchus disputat, quisquis siue se ipsum, siue alium amat, non aliter cōcutit & alucinatur, quā is in oculos humor vehementiūs egestus luminum aciem suffundit. Quantam amicorum amor etiam ad sapientes dementandos habeat efficaciz, sic docet Euripides:

Πολλοὶ δὲ θνητῶν τῷ τοῦ πάσχουσιν κακῷ,
Γνώμῃ προθύοντες, ἢ δέλυσ' ὑπηρετεῖν,
Ψυχῇ, τὰ πολλὰ πρὸς φίλων νικώμενοι.
Plerosque morbos vexat hic mortalium,
Sane ut sapientes non tamen sententiam
Mutare, amore victi amicorum, velint.

Familiariter domestica adspicimus (ait Seneca) & semper iudicio famulus officit. Exemplo est Epicurus, qui sua erga fratres benevolentia & opinione refa-

Idiognomones,
pertinaces sunt
propter iucunditatem.

Prima causa
Voluptatis Per-
tinacium.
Quia se ipsos a-
mant.

Quia amant e-
os, qui senten-
tiam aliquam
tuentur.

Benefactores a-
liis facile per-
suadent suam
opinionem.

refa-

re familiari ipsorum fideliter procuranda, velut Plutarchus commemorat, sic eorum sibi deuinxit animos, vt philosophandi rationem ab ipso inuentam quasi diuino quodam furore perciti sectarentur, & neminem post homines natos eo sapienterem existisse crederent.

*Liberi amant
parentum opi-
nionem.*

Sic de Parentibus scribit Aristoteles, eorum iussa ac mores maiorem domi, quàm Leges & instituta in repub. vim habere, siue, magis eis obedire liberos, quàm ciues Legibus, διὰ τὴν συγγένειαν καὶ τὰς ἐνεργείας, propter cognationem & propter beneficia: in quorum vtrovis satis magna amoris ac proinde obedientiæ causa est. Exemplum huiusmodi Pertinaciæ ex amore parentum natæ habemus 2. Paral. 22. Ochozias ingressus est per vias domus Achab, Mater enim eius impulit eum, vt impiè ageret. Et Ezech. 2. Mitto te ad filios Israel, ad gentes Apostatrices, quæ recesserunt à me. Patres eorum præuicari sunt pactum meum, & filij dura facie & indomabili corde sunt. Ierem. 9. Dereliquerunt Legem meam, & abierunt post prauitatem cordis sui, quod didicerunt à patribus suis. Itaque sic eos monet Ezech. 20. In præceptis patrum vestrorum nolite incedere, nec iudicia eorum custoditis.

*Amatores se-
stantur senten-
tiam mulierum
adamatarum.
Secunda causa
Voluptatis Per-
tinacium.*

*Quæ sententiâ
suam prius ar-
ripuerunt:*

Quantam porro mulierum amor hac in re vim habeat, his 3. reg. 11. verbis docemur: Salomon adamauit mulieres alienigenas de gentibus, de quibus dixit Dominus filiis Israel, non ingrediemini ad eas: certissimè enim auertent corda vestra, vt sequamini Deos earum. His copulatus est Salomon ardentissimo amore, & deprauatum est cor eius per mulieres, vt sequeretur Deos alienos.

Alios sententia, quam tuentur, hac ratione oblectant, quod eam prius audiuerint & combiberint. Sic enim in conuictu hominum agendis que rebus vsu venire ait Aristoteles (7. polit. 17.) vt quæ omnium prima nobis oblata sunt, magis nos delectent, hancque Theodoro clario illi Tragædo causam fuisse, cur neminem vnquam ne cōtempnum quidem Histrionem ante se in scēnam prodire pateretur, quod existimaret Spectatorum aures ijs, quæ prima sunt, captas occupari: non aliter, quàm is cibus, qui primus antepositus, ac latrantem Stomachum compescit ventremque iratum placat, etiam quæ sitissimarum epularum, quæ posteriùs inferuntur, gratiam vehementer delibat & imminuit. Memorabile porro exemplum Pertinaciæ ex occupatione siue Anteuersione, & vt ita dicam, Præuentione natæ apud Plutarchum in Symposiacis legimus. Parmeno, inquit, suis vocem sic imitabatur, vt admirationi foret omnibus. Cùm autem alij mox eum æmularentur, homines nouitatis gratia deliniti ac velut præiudicio occupati dicere solebant: Probè sanè & hic, sed nihil ad Parmenonis suum.

Itaq;

*Quæ prima ho-
minis animo
innotumatur,
quæ n firmiter
inhercant.*

Itaque quidam porcellum sub axilla pallio contextum tenens in medium prodijt, cuius grunntum cum audissent, nihilominus dicebant: Et quid hoc ad Parmenonis suum? Ille ergo reiecto & in medium emissio porcello: Iamne, inquit, animaduertitis, vos non veritatem in iudicando, sed opinionem sequi?

Huic Voluptatis generi finitima est illa, quam plerique ex opinione sua percipiunt, quod eam rudibus adhuc pueritiæ annis combiberint, & cum ea procedente ætate simul velut adoleuerint. Iam autem nemo est, qui nesciat, quàm siue natura, siue consuetudine, quæ altera est natura, eorum tenaces simus, quæ à pueris combibimus. *Quia semel est imbuta recens, seruabit odorem Testa diu.* Eius porro Pertinaciæ causam esse amorem & voluptatem (omnium enim rerum, etiam turpium feminarum, ut ait Poëta, consuetudo concinnat amorem) facile est ei colligere, qui quantam eorum, queis consueuimus, mutatio molestiam ac dolorem adspargere soleat, non ignoret. Prou. 22. *Adolescens iuxta viam suam, etiam cum senuerit, non recedet ab ea.* Et Isai. 48. *nam hinc Pertinaciam sic populo suo Deus exprobrat: Neque audiisti, neque cognouisti, neque aperta est auris tua. Scio enim quia prauaricans prauaricaberis, & transgressorem ex utero vocaui te.* Similiter Ierem. 13. *Si mutare potest Æthiops pellem suam, aut Pardus varietates suas: & vos poteritis benefacere, cum à pueris didiceritis malum.* Item supra laudato loco Psalmi 57. *Ab alienati sunt peccatores à vulua, errauerunt ab utero. Furor illis secundum similitudinem serpentis, sicut aspidis surda & obturantis aures suas, ne exaudiat vocem incantantium.* Sed neque in Nouo Testamento similis Pertinaciæ exempla desunt. Nam

Tertia causa Voluptatis Pertinacium.

Quia sententiâ suam in pueri. ita didicerunt, lucunda sunt, quibus consueuimus.

Iudæi aduersus Christum quare tam Pertinaces.

Persuasio à persuasione hausta est

K k

2. Cor.

*Velum intelli-
gentia hominis
obductum,*

*Apostolorum
Pertinacia &
stupor. Unde cri-
ginem habue-
rit.*

*Quarta causa
Voluptatis Per-
tinacium.
Quia sententia,
quam tuentur,
est libera eorum
Voluntate re-
licta.*

*Plerique Hæ-
retici propter hanc
Voluptatē sunt
Peritnaces.*

*Catholici sunt
velut iumenta
mansueta.*

*Hæretici velut
Onagri sunt
impatientes o-
nerum.*

2. Cor. 3. scribit. *Obtusi sunt sensus Iudeorum. nam usque in hodiernū diē in lectione veteris Testamenti velamen positum est super cor eorum.* Et Act. 13. *Qui habebant Ierusalem & Principes eius ignorantes Iesum & voces Prophetarum, quæ per omne Sabbatum leguntur, consummarunt omnia, quæ scripta sunt de ipso.* Sic Act. 28. cum Paulus exponens legem Moysi & Prophetas à mane usque ad vespērā testificatus fuisset Iesum esse Christum, quidā crediderunt ei, alij nō item, sed in sententia, quæ à pueris imbiberant, pertinaciter manserunt: quos etiam ipsis Apostolis, oculos suos compressisse ne videant. Quin Iſaiæ verbis dixit Apostolus, hominibus minimè malis, inculcatus ille de Christi regno error & simul cum annis corroboratus usque eō imposuit & tenebras mentibus eorum offudit, ut etiam clarissima Christi verba nulla ex parte possent intelligere. Luc. 18. *Assumpsit Iesus duodecim, & ait illis: Ecce ascendimus Ierosolymam, & consummabuntur omnia, quæ scripta sunt per Prophetas de filio hominis. Tradetur enim gentibus, & illudetur, & flagellabitur & conspuetur: & postquam flagellauerint, occident eum, & tertia die resurget. Et ipsi nihil horum intellexerunt, & erat verbum istud absconditum ab eis, & non intelligebant, quæ dicebantur.]*

Plerumque etiam vel sola Libertas suam hominibus sententiam & opinionem cōmendat, quæ nulla scilicet ita credēdi necessitas eis incumbat. Cum enim vis sit præter naturam ex eoque molestiam pariat, quicquid nō sponte, sed inuitè ac vi subigente suscipitur, quæ contra vel molestissimos & grauissimos labores iucunditas quædam condire videtur, quando nostra voluntate, nemine cogente, ad eos accessimus, neque nobis eos rursus abijciendi, cum libeat, arbitrium est ereptum: sic fit, ut etiam censendi & existimandi libertas mirè grata hominibus accadat. Et verò si rem propius inspexerimus, maximam Hæreticorum partem non aliam Pertinaciæ causam habere comperiemus. Catholicis enim non licet esse nisi Humilibus ac modestis, qui velut mansueta iumenta iugo colla humerosque oneri patientissimè supponant. Psal. 72. *Vt iumentum factus sum apud te (quomodo?) quia ad nihilum redactus sum, & nesciui. id est, gessi me humiliter, tanquam rerum diuinarum non plus intelligerem, quam asinus ille clitellas vehens.* Hebr. 13. *Obedite Præpositis vestris & subiaceat eis, quia ipsi pro vobis peruiigilant & rationem reddent.* Hæretici autem ipsi rem suam sapere, ipsi salutis suæ negotio superesse ac vigilare, neque Pastoribus ac speculatoribus à Deo datis se committere volunt, & velut Iob. XI. scriptum est, in Superbiam eriguntur, ac velut pullos Onagri se liberos natos esse putant. Rursus Catholici velut Cæci, qui se suo Marte ve-

ram

ram viam inuenire aut scripturas rectè intelligere haudquaquam posse persuasum habent, tamen si Hebraicè, Græcè ac Latine doctissimi, summaque alioquin sapientia præditi, nihilominus Pontificè aut congregatos in Concilio Episcopos, quamuis indoctiores, tamquam Viæ Duces sequuntur, eosque pro oculis suis habent (sicut Iob. 29. *Oculus fui Cæco*) quod Spiritus sancti gratiam ad perspicendum verum scripturarum sensum necessariam, Episcopis, non Grammaticis aut alioquin eruditis promissam fuisse sciant. Isai. 42. *Ducam Cæcos in viam, quam nesciunt: Et in semitis, quas ignorant, ambulare eos faciam.* Cæcos dicit Humiles, qui se Cæcos in rebus diuinis putant, neque sibi ipsis intelligentiam sacræ Scripturæ arrogant. Eiusmodi Cæcus nobis describitur Act. 8. Eunuchus enim quamuis Hebraicè intelligeret, S. Biblia assidue manibus tereret, Deum religiosissime coleret, roganti tamen Philippo: *Putasne intelligis, quæ legis?* Humillimè & simplicissimè respondit: *Et quomodo possum, si non aliquis ostenderit mihi?* Hunc ergo Cæcum Christus duxit in viam, quam nesciebat, non quidem ipse (nam de se testatur Iohan. 9. *quandiu sum in mundo, Lux sum mundi*) Sed per Philippum Euangelistam & Diaconum, qui per impositionem manuum Presbyterij acceperat hanc Spiritus sancti gratiam, ut esset Lux siue Oculus Cæcorum, quemadmodum Sacerdotibus ac Doctoribus dixit Christus Iohan. 20. *Sicut misit me Pater, & ego mitto vos.* Iam verò ego à Patre Lux in mundum veni, Iohan. 12. Itaque & vos, quos mitto, estis Lux mundi, Matth. 5. Mitto autem vos in populos, aperire Oculos eorum, ut conuertantur à tenebris ad lucem, Act. 26. & do vobis hoc donum gratiæ, in gentibus Euangelizare & illuminare omnes, Ephes. 3. Et sicut ego in iudicium veni in hunc mundum, ut Cæci, qui non vident, & qui vident, siue videre & sapere se putant, Cæci fiant, Iohan. 9. Similiter & ego vos misi in mundum, Iohan. 17. Itaque si quis non acquiescit sermonibus vestris, Superbus est, nihil sciens, siue Cæcus, 1. Tim. 6. nam si quis superbierit nolens obedire sacerdotis imperio, Deut. 17. eius oculum Deus humiliabit siue cæcitate, amentia & furore mentis percutiet, ut palpet in meridie, sicut palpare solet Cæcus in tenebris, Deut. 28. quod similiter Psalm. 17. docemur: *Tu populum humilem saluum facies* (illuminabis eos, qui humiliter cæcitatem suam fatentur, sed) *Oculos superborum humiliabis.* Tu illuminas lucernam meam, Domine: Deus meus illumina tenebras meas. Et Prouerb. 11. *Vbi est humilitas, ibi & sapientia: Simplicitas iustorum diriget eos, id est, qui simpliciter & humiliter suam cæcitatem agnoscent &*

Catholici se ipsos pro Cæcis habent.

Et Episcopos tamquam duces sequuntur.

Christus fuit Dux Cæcorum, quamdiu fuit in mundo.

Relicturus mundum alios suo loco Cæcis Duxes dedit.

Superbi, qui videre se putant, non ducuntur à ducibus.

Hæreticorum superbia,

Hæretici pertinaces propter solutatem ex Libertate suam natam.

Hæreticorum opus quod sit.

Sunt fures & Latrones & adulteri.

fatebuntur, illi sapientiam discent & illuminabuntur ab ijs, quos Deus ea gratia donauit, ut essent oculi cæcorum. Prou. 21. *Paruulus siue humilis si seclatur sapientem, sumet scientiam.* Nam sapientia, siue vera religio Dei que rectè colendi scientia, non contingit, nisi Paruulis & omni scientiæ opinione vacuis. Prou. 9. *Sapientia misit ancillas suas ut vocarent ad se sic proclamantes: Si quis est paruulus, veniat.* Superbos verò & arrogantes ac monitorum derisores, non vocat. nam *Abominatio Domini est omnis arrogans*, Prou. 16. & *Superbis Deus resistit, humilibus autem dat gratiam*, 1. Pet. 5. Et sapientia Prou. 9. ancillis suis perspicuè interdicat, ne Derisores ad se vocet: *Noli arguere derisorem, ne oderit te. nam qui arguit & erudit Derisorem ipse sibi iniuriam facit.* Huiusmodi Derisores sunt Hæretici, qui sibi ipsi Oculi, siue viæ Duces esse postulant, & cum tria verba Hebraica aut Græca intelligunt, atque adeò cum vix tantum in literis profecerunt, ut Biblia in vernaculum ipsorum sermonem qualicumque fide conuersa legere sciant, se demum illos esse putant, à quibus omnes omnium sæculorum sanctissimi & eruditissimi Doctores, & Episcopi totius Orbis in Spiritu sancto ritè congregati, verum scripturæ sensum discere debeant: nedum ipsi cœcitatem suam fateantur & in Episcoporum Lumine ambulare velint. Itaque Iob. 24. de illis scriptum est: *Ipsi fuerunt rebelles lumini, nescierunt vias eius, nec reuersi sunt per semitas eius.* Nam Pertinaciam significat, dum eos negat reuerti per semitas luminis, siue, relicta sua opinione Episcoporum sententiæ subscribere. Causam verò Pertinaciæ indicat esse contumaciam, siue Licentiæ aut falsæ Libertatis amorem. *Rebellis* enim obedire ac subiacere non vult, sed velut *Onager* se liberum natum putat. Itaque eodem ipso capite de iisdem rebellibus legimus: *Quasi onagri in deserto egrediuntur ad opus suum.* Cuiusmodi porro sit Onagrorum siue rebellium Hæreticorum opus, imaginibus siue parabolis aliquot toto illo capite Spiritus sanctus docet. Sunt nempe similes Furibus, Adulteris, Latronibus & Tyrannis. Nam ut *Fures & Adulteri observant Caliginem, & sic in tenebris, quasi in luce ambulant*: non aliter Hæretici difficilia intellectu Scripturæ loca deprauant (2. Petr. 3.) & per occulta decoris in astutia ambulantes adulterant verbum Dei, 2. Cor. 4. Et quemadmodum *Latro mane primo consurgit, atque interficit egenum & pauperem, secum sine armis incedentem: item Hæretici per dulces sermones ac benedictiones* (quibus pro gladijs utuntur. Psal. 58. *Loquuntur in ore suo, & gladius in labiis eorum.* Psal. 56. *Lingua eorum gladius acutus.* Huiusmodi ergo gladio occidunt &) *seducunt corda innocentium* (Rom. 16. hoc est, eorum, qui

qui simpliciter credunt eis, neq; de fraude suspicantur. Prou. 14. *Innocens credit omni verbo.* Sic etiam Christus de illo, qui alios docere vult, cum legitime missus, & gratia interpretandi sermones per impositionem manuum Presbyterij donatus non sit, nec per ostium intraverit, sed adscenderit aliunde; Ille, inquit, *sus est & Lator.* Ioh. 10. Sic Ezech. 13. *Ve prophetis insipientibus, qui sequuntur Spiritum suum, & nihil vident, sed cæci sunt, cum dominus non miserit eos, qui interficiunt animas &c.* Postremò sicut Tyranni transferunt terminos, diripiunt greges alienos & pascunt eos: agrum non suum demerunt, & vineam eius, quem ui oppreſſerint, vindemiant: Sic Hæretici inuadunt in verorum Episcoporum munus, & commissas ijs oues omni ui pascere seu docere postulant. Er huiusmodi quidem sunt eorum opera, quos immoderate Libertatis amor omnisq; Iugi impatientia Lumini siue Episcopis rebellare facit.

Hæretici sunt Tyranni

CAPVT LXXIX.

Alij propterea sententiam quampiam probant ac pertinaciter tuerentur, quod eam suæ naturali ad vitia procliuatati congruere intelligant. Ita persuasissimum habebat Nero, neminem castum aut pudicum esse, sed plerosq; vitium suum dissimulare & obregere, cum ipse scilicet esset moribus contaminatissimis & prodigiosis libidinibus infamis. Eodem pacto valde probabilis Germanis nostris, omninoq; Septemtrionalib⁹ omnibus Lutheri sententia videtur, castitatem & ieiuniorum obseruationem hominum vires superare contententes, cum ipsi nempe gulæ & abdomini, turpissimæq; parti corporis dediti, & quod humanam satietatem sequi solet, ex intimis vnguiculis perpruriscences, de toto genere humano ex sua nequitia coniecturam ducant.

Quinta causa Voluptatis Pertinacium. Quia sententia quam tenent, palpatur vitijs & affectibus eorum.

Multis compendij lucriq; spes volupati est, vt propterea sententiam firmiùs amplectantur. nam in genere, vt Aristoteles docet, omnia illa iucunda esse solent, quorum villa inest hominibus cupiditas. *Desiderium si compleatur, delectat animam* Prou. 13. Itaq; nihil miramur vsq; adeò Lutheranos in Lutheri doctrina pertendere, cum priuatis quidem hominibus rem vsuris facere permittat, Magistratibus vero ac iudicibus Munerum accipiendorum, & alienorum bonorum, Ecclesiasticorum puta, in fiscum redigendorum potestatem faciat, quippe qui nihil nisi credere teneantur, & ne volentes quidē, quantiscumq;

Sexta causa Voluptatis Pertinacium. Quia sententia quam tenent ipsis lucrosa est.

K k 3 furtis

Lutheri doctrina
Principibus
Protestantibus
lucrosa.

furtis & latrocinijs, damnari possint, dummodo firmiter credant. Pecca, & exempli causa, furare ac rape, fortiter (ait Lutherus, de quo supra capite secundo,) sed fortius fide siue crede & gaude in Christo. Hoc vt ex me semel dididerunt Nostri Principes R. A. PLVNT & compilant omnia, quæ inueniunt in Monasterijs & Parochijs, atque si panis quoque buccellam, quam nos Prædicantes edimus, ex ore nobis possent eripere, nulla id religio eos facere prohiberet. Itaque nos quoque Prædicantes alacriter in nomine Domini furari possumus: quæ omnia Lutheri verba esse supra Capite LXVI. docui. Quis ergo iam dubitet, vtrum vlla religione fænerari & munera accipere verentur, quibus per Religionem Furibus ac Raptoribus esse licet? Quantum prorro ad excæcandas hominum mentes, momenti habeat cuiusquemodi lucri occasio, cum ratio & quotidianæ vitæ vsus docet, tum sacræ literæ passim vociferantur. Deut. 16. Munera excæcant oculos sapientum, hoc est, faciunt, vt vel iniquissima causa etiam intelligenti iudici siue iusta, siue saltem non improbabilis videatur. Prou. 22. Qui dat munera, aufert animam accipientium. Quomodo igitur non abstulisset Lutherus animam suorum Principum, inq; suam pertraxisset sententiam, quibus tam opulenta Collegia, Sacerdotia & Episcopatus dedit muneri? velut supra capite LXXVIII. gloriantem audiuius: Habent à nobis Libertatem à Papæ tyrannide, atq; insuper externa bona. Similiter Prou. 9, Hæresis, velut mulier illecebris plena væcordem sic ad se allicere inducitur: Aqua furtiua dulciores sunt, & panis absconditus & rapto quæsitus, suauior. Et Prou. 1. Hæreticorum hominum huiusmodi recidatur suasoria: Veni nobiscum, omnem pretiosam substantiam (in monasterijs & Episcopatibus) reperiemus, implebimus domos nostras spolijs. Quam verò Pettinax in sententia fiat, qui semel in aures eiusmodi suasorias admiserit, populi Iudaici exemplo Ierem. 6. discimus: Cui loquar? & quem contestabor, vt audiat? Ecce incircumcise aures eorum, & audire non possunt. Ecce verbum Domini (siue argumentum ex scripturis de promptum quamuis validissimum,) factum est eis in opprobrium, & non suscipient illud. A minore quippe vsque ad maiorem omnes Avaritia student. Et Ierem 8. Quare auersus est populus iste auersione contentiosa? quare apprehenderunt mendacium, & nolunt reuerti? quia à minimo vsque ad maximum omnes Avaritiam sequuntur. De huiusmodi notæ hominibus etiam Paulus loquitur 1. Tim. 6.

Hæresis iniusti
lucris propter plerosq;
capit.
Voluptas exlu-
cro quam Pettina-
ces facias
homines.

Tim. 6. Contentiones hominum mente corruptorum, & qui veritate priuati sunt, quippe qui existiment quæstum esse pietatem, siue lucrosissimam quamque de pietate sententiam, simul verissimam putant. Qui porro volunt diuites fieri, & rem suam occupandis Ecclesiarum bonis constabilire, incidunt in tentationem & laqueum Diaboli, id est, eos tentat Diabolus, facitque vt prauas Scripturæ interpretationes probabiles esse putent (id enim significat *Laqueus*, quemadmodum supra capite xx. constitit) Hoc porro Laqueo ad Diaboli voluntatē captiui tenentur, vt resipiscere & veritatem cognoscere non possint, adeoque Pertinacissimi maneant 2. Tim. 2.

Alios in sententia perseuerare delectat, quod vberē inde contentionis siue disputationis materiam sibi prouenturam augurentur. Sunt enim pro dissimili corporum constitutione & crassi seu téperamento alij ad alias virtutes aliaq; vitia magis propensi, & nonnulli quidē, alioqui minimē malitiosi, tanta verbis velitandi cupiditate tenentur vt disputare eis pro Cibo sit. Ex hac nota mēoriæ proditū est fuisse M. Cælium, cuius inter familiares Ciceronis exstat Epistolarū liber, qui cum die quadam clientem quandam pransum ad se duxisset, isq; ne sibi contentio cum illo incideret, in omnibus ei secundas ageret, neq; in vilo contradiceret, ille contendere iam olim miserē cupiens, eamq; occasionem sibi non dari dolens, cū stomacho tandē, *Quin tu,* inquit, *contradicis aliquid mihi, vt duo videamur?* Causam porro cupiditatis huius hanc reddit Aristoteles, quia disputanti victoriæ spes ostendatur: Victoriā autem esse propterea iucundam, quia ex ea phantasia quædam siue imago præstantiæ & excellentiæ concipiatur, cum qui vincit, altero sit eo ipso superior.

Atq; ex hac eadē causa illos in sententia manere delectat, qui plures alios sibi assensuros putant. nam hinc sapere videntur, & multum alijs præstare. Cuius rei voluptas omnibus Hæresiarchis Pertinaciam suadere solet, velut non multo antē Lutheri verbis, de sua & aliorum Hæreticorum natura palam confitentis docui: quod etiam S. Paulus Act. 20. significat: *Exsurgent viri loquentes peruersa, vt abdicant discipulos post se.*

CAPVT LXXX.

Alij deniq; ea causa sententiā tuentur, vt ijs, quib⁹ eam nō probari sciunt, propter iram vel odium, quo erga illos incensi sunt, aggrè

*Septima causa
Voluptatis Per-
tinacium.*

*Quia natura
sunt ad disputā-
dum & altercā-
dum propensi.*

*Voluptas contē-
tionum cuius-
modi.*

*Victoria quare
sit iucunda.*

*Octaua causa
Voluptatis Per-
tinacium.*

*Quia sperant
multos sententiā
sua fore a seclis.*

*Nona causa
Voluptatis Per-
tinacium.*

*Quia putant
se agri facere ijs
quos oderunt.*

agré faciant & molestiam exhibeant. Cum enim & Irasci propter vindictæ spem, & Vindicare se, propter imaginem siue speciem ac phantasiam præstantiæ, voluptatem quandam coniunctam habeat (posse enim facere, quod valde desideres, & malo afficere, quæ oderis cuiq; succenseas, eius videtur, qui multum excellat) propterea fit, ut opinio, quam ijs, quibus irascuntur, quosue vlciſci desiderant, molestiæ fore censent, quodam iucunditatis lenocinio ipsis se commendet, omninoq; probabilis, atq; adeo verissima appareat. *Sibi indulget ira (ait seneca) ex libidine indicat, audire non vult, ea tenet, quæ inuasit, & eripi sibi iudicium suum, etiamſi prauum est, non sinit. Etiamſi ingeritur oculis veritas, amat & tuetur errorem, coargui non vult, & in malè captis honestior illi pertinacia videtur, quam penitentia. Similem planè esse Odij rationem, sign. ficat Salomon Prou. 15. Vir iracundus prouocat rixas. Prou. 10. Odium iſciſcit rixas. Ut enim qui amat, sibi cum eo, quem amat, de omnibus diuinis humanisq; rebus conuenire studet ac gaudet (1. Cor. 13. Charitas non gaudet super iniquitate, congaudet autem Veritati. id est, qui diligit, non tuetur iniquam seu falsam sententiam, ut alteri agré sit, sed gaudet suam & alterius sententiam in veritate conspirare) sic è conuerso qui odit, nihil sibi cum eo, quem odit, esse commune cupit, nedum suam sententiam, de rebus præsertim magni momenti, mutet & alterius opinioni subscribat. Exempli causa Marius ille Ciceronianus ita non amabat Græcos, ut neq; ad uillam suam via Græca ire vellet, VII. epist. famil. 1. Pertinaciæ ex odio profectè memorabile exemplum ante hos decem annos in Iordano Bruno Nolano Romæ videre me contigit. Is enim potius quam portenta ac monstra, quæ ab Epicuræis antiquis alijsq; id genus Philosophastris & Hereticis didicerat, ac libris nonnullis palam propugnarat, in primis autem execrabiles in Christum & Apostolos contumelias ac blasphemias recantaret, seq; quod eos præstigiatores & Magiæ artifices, dixisset, penitentia duci fateretur, infelicibus sarmentis circumſcriptus luculento igne viuis vſtulari maluit. Vsq; adeo est vindicta bonum uitæ iucundius ipsa ac velut ait Mini senarius: Inimicum vlciſci vitam est accipere alteram. Cum enim ingens eius ei esset erga Cardinales Inquisitores odium, siue illud ex intolerabili nonnullorū subagrestium austeritate atq; importunitate, siue, quod in homine elati animi & cedere nescio, est vero similius, ex propria contumacia & parendi impatentia conceptum, ne rem eis gratam faceret, neu victus succumbere videretur metuit, si sententiam mutasset. Sed si vitam potius posuisset quodam*

*Irascentiū per-
tinacia.*

*Qui amat gau-
det sententiam
eius eo, quæ a-
mat, sibi com-
mune esse.*

*Quid odit nihil
sibi cum eo, quæ
odit. Vult esse
commune.*

*Vindicta iucun-
dus.*

quodammodo victor, aut saltem par, discedere sibi videbatur. *nam*
victor nemo est, nisi victus fatetur, ut ait Ennius. Sic etiam Anabaptistis
 & sacramentarijs siue Calvinistis odium Pontificis & Catholicorum
 Hæresios nouæ causam dedisse, Lutherus testatur in *Epistola de Anaba-*
pismo Tomo 4. *Ger. len. fol. 320 a. §. 2.* & Tomo 2. *Vitt. fol. 279. a. §. 4.* Audio
 nonnullos ex hoc fundamento Anabaptismū instituere, ut Papæ mo- *Anabaptistarū*
 lesti sint, quippe qui nihil ab Antichristo habere velint, quæadmodū *& Calvinista-*
 etiam Sacramentarij ex contēptu Pontificis nudū panē & vinū in Eu- *rū Hæresis ex*
 charistia credūt, seq; hoc demū modo Papatū deiecturos existimant. *odio Pontificis*
 Profecto hoc eorū Fundamētum est prorsus nullius rei, neq; super id *capta.*
 quicquam boni ædificabunt. Nam si hoc ius sit, oportebit nos etiam
 negare totam Sacram Scripturam & Prædicandi officiū (nam hoc to-
 tū sine dubio à Papa habem⁹) oportebit nos quoq; noua Sacram scri-
 pturam eūdere. In his nō accusamus Lutheri fidē verū enim testatur.
 sed nō minus de se ipso suisq; Lutheranis sic confitenti credim⁹. *Tomo*
2. Ger. Witt. in epistola ad Argentineses fol. 110. a. §. 4. & Tomo 3. *len. fol. 104.*
a. §. 3. Hoc sanē cōfiteor, si quis ante quinquēniū (hoc est, ante annū 1519.
 quando contra Pontificē scribere primū cepi) me docere potuisset, in Sacra-
 mēto nihil nisi panē & vinū remanere, quod id in magni beneficii lo-
 co habiturus fuerim. Grauiissima in eo sustinui, meq; ipsū torſi & ex-
 tremam mihi vim feci, ut eam sententiam euincere & obtinere possē
 (non ullo quidem Veritatis studio sed) quoniam probē intelligebam, eius-
 modi ictum longē maximas ad Papatum prosternendum vires habere
Tomo 2. Ger. len. de adoratione Sacramenti ad Waldenses fol. 225. & Tomo 7.
Ger. Witt. fol. 368. b. Quamuis error iste, quo putatur post cōsecrationē
 non adesse panis, sed tantum species & forma panis, nō sit magni mo- *Lutheranitan-*
 menti, quia tamen Papistæ eum adeo tuentur, Nos *tantum ex odio Ca-*
 despectum, utq; molesti eis simus credemus verē panem & vinū ma- *tholorū Tran-*
 nere vna cum corpore & sanguine Christi. *Tomo 4. Ger. Witt. de utraq; spe-*
cie fol. 382. & Tomo 3. *len. fol. 519.* Neq; tonsuram clericalem, neq; cap- *substantiationē*
 pam, neq; ieiunium, neq; quicquam aliud ex nugis Papistarū observa- *negant.*
 re aut tolerare volumus, sed neq; rem vllam cum eis communē habe- *Lutherani ni-*
 re, aut in quacūq; re similes ipsis inueniri, sed alacerrimē & tantū in *hilcū Catholi-*
 despectū eorū facimus & omitemus, quicquid ipsos vrit maleq; ha- *cus commune*
 bet &c. *Tomo 2. Ger. len. ad Equites ordinis Teutonici fol. 214. §. 3. et Tom 6 Witt.*
fol. 252. b. §. 4. Verbū Dei præcepit Ecclesiasticis vxores ducere (nempe *habere solunt.*
 1. Cor. 7. Bonum est homini mulierem non tangere volo omnes homines esset sicut
 me ipsum, id est, cælibem. quia Bonum est illis, si sic permaneant sine vxore. *Lutheri men-*
 n. in qui sine vxore est, sollicitus est quæ Domini sunt, quomodo placeat Deo: qui eorum. *dacium de con-*
uigio Ecclesiasti-

L

autem

Calibatū qua- autem cum uxore est, sollicitus est, quæ sunt mundi, quomodo placeat uxori: sicut
re Paulus con- etiam innupta & Virgo cogitat quæ Domini sunt, ut sit sancta & corpore &
ingio preferat. Spiritu: quæ autem nupta est, cogitat quæ sunt mundi, quomodo placeat viro.
Volo autem vos sine sollicitudine esse, id est, malo vos esse calibes ut cogitetis tan-
tum quæ sunt Domini, sitisq; sanctiores & corpore & Spiritu) Nihilominus
si contingeret per Decretum Concilij Ecclesiasticis nubendi liberta-
tem dari, tum ego Ecclesiasticis omnibus loco Dei præcipere, ut null^o
Lutherus odio Catholicorum præcipit concu- binatum.

Eodem odio re-
gret commun-
onem sub virā-
que specie,

Et Iudeos por-
tuquam Chri-
stum, in nomi-
nib proprijs scri-
bendis sequitur

Lutherani per-
tinacia sua Iu-
daïs prorsus si-
miles.

fol. 397. Si quo casu Cōciliū propria auctoritate statueret vel permit-
teret communionē sub vtraq; specie, tunc minimē omniū nos sub v-
traq; communicare, sed multo magis tunc demū in despectū tam Cō-
cilij, quam Decreti sui, aut vnam tantum, aut nullam sumere, ac planē
anathema eos habere vellem^o, quicumq; auctoritate talis Cōciliij sub
vtraq; communicarent.] Quis ergo iam tot propria nomina, quæ in S.
Biblijs leguntur, aliter à Lutheranis atq; à Catholicis scribi ac pronun-
ciari miretur? Quamuis enim Christū ipsum eiusq; Apostolos & Evan-
gelistas, spiritu factō inspiratos, eodē prors^o modo quo, 72. Interpretes
Hebraica nomina enunciare solitos nemo: qui Noui Testamēti libros
Græcos legerit, ignorare queat, adeo ut Luther^o ipse in eorundē libro-
rū versione Iudaizare ausus nō fuerit, velut nomina Ezechias, Zacharias,
Gedeon, Sāson, Elise^o testatū faciunt: nihilomin^o ut ne occasionē ægre fa-
ciendi Ecclesiæ Catholice & ab ea dissentienti, omnino præmitteret,
in veteri Testamēto perpetuo Hiskias, Sachar la, Gideon. Simson, Elisa, & in
Nouo quoq; Iesaias, pro Iesaias & Deus Zebaoth, pro Sabaoth, Iudæorū po-
tius, quam 70. Interpp. atq; adeo Christi ipsi^o & Apostolorū auctorita-
te posuit, et hodie quoq; Lutherai, ne à magistris Catholicorū odio de-
generasse videantur, simili exēplo plerūq; Iudaizant. quo igitur tandū
mo docontumacib^o illis Iudæis similiores esse poterant, quorū velut
superborū virorū (Ier. 43, 2.) hæc ad Ieremiam verba legimus Ierem. 44.
Sermonē quē locutus es ad nos in nomine Domini, non audiem^o ex te, sed facientes
faciemus omne verbū, quod egredietur de ore nostro. Quis porro nō hæc simi-
liter Lutheranis dicta agnoscat Ierem. 6. & 42. Hæc dicit Dominus: State
super vias & videte, et interrogate de semitis antiquis, quæ sit via bona, et ambu-
late in ea Et dixerunt: Non ambulabimus. Et constitui super vos speculatores E-
piscopos, qui quando vident gladium siue Hæresin, tubacant. Au-
dite ergo vocē iudæ eorū, siue, caute ab iis, quos speculatores pro Hære-
reticis

ticiſ habent. Et dixerunt: Non audiemus. Hæc eſt via eorū ab adoleſcentia ipſorū. Luther⁹ quidē quemadmodū verbis iam recitatis confeſſus eſt, ſe doctrinam ſuam, tantum odio Papæ ac Papiſtarū cæpiſſe, in quā ſententiā in Diſputatione quoq; Lipſicæ. Hæc, inquit, cauſa propter Deū non cæpit, neq; propter Deū finiētur: ita ſe in eodem odio mori, eiꝯq; odii velut Hereditatem Lutheraniſ ſuis relinquere Smalcaldiæ in morbo cubans ac ſuprema iudicia ordinans teſtatus eſt. nam hæc tum fuerunt eiꝯ verba, quæ conuiuial. Iſleb. fol. 451. legimus: Ego morior in odio Papæ nebuloniſ.

*Lutheraniſmꝯ
hominum odio
cæpit, hominum
odio finiētur.*

CAPVT LXXXI.

TAmetſi autem hodierni noſtri Proteſtantes plurimas ex iis, quas ſupra recenſui, Pertinaciæ ſuæ cauſas habent, tamen haud ſcio an odium Catholicorum & *ἐπιγενεσθῆς*, quem Ariſtoles vocat, hoc eſt, alteri aduerſandi omniāq; eiꝯ deſideria impediendi ægrog, faciendi ſtudiū vel ſolū potentiffima, cur animis aduerſus Religionem Catholicam adeo perſeuerent, cauſa ſit. nam in genere perſuaſum eſt omnib⁹, Catholicos ea credere, quæ manifeſtè ſint impia, quæq; nemo ipſorum, quantacūq; mercede propoſita, ſine ſcelere poſſit amplecti. Itaq;ametſi plurima Doctorum ſuorum Lutheri & Caluini placita ac dogmata ſua ſponte legendiſ ſcripturiſ falſitatis condemnant, & vnusquiſq; etiam de fidei capitibus ac ſcripturarū intellectu in ſuo ſenſu abundare ſibi permittit, aliꝯq; alio longius aut propius ab Auguſtana confeſſione recedit, neq; alio conſilio, niſi vt Pacis Proteſtantib⁹ datæ beneficio fruantur ſecuriq; in Imperio agitare queant, Auguſtanæ Cōfeſſioni ſuſcribunt: nihilominꝯ quia in omnibus ferè Fidei articuliſ Catholicos aperte impiam & abſurdam ſententiā tueri perſuaſum habent, recte ſibi facere videntur vt de amplectenda Catholica religione vel cogitare neſas quoddam exiſtiment. Verbi gratia, vt vnum de multis afferam, ſuiſ eiꝯ Præcones, præceptores ac parētes perſuaſerunt, Catholicos diuinis honoribus B. Virginem afficere, cultumq; ſoli Deo debitum ad ipſam transferre Hoc ſine execrabili Idololatria fieri nō poſſe rectiſſime iudicant, noſq; Catholicos omnes in eo ſibi aſſentientes habent. Etſi autē noſ ſimul iniuriā in eo nobiſ fieri Deū homineſq; teſtamur, noſq; B. Virginē nequaquam pro Dea habere, ac nō niſi eo honoris genere, quod lōge lōgeq; ſit diuina maiestate inferius, afficere, neq; ab ea tamquam à Domina & beneficiorum largitrice, ſed velut ab Aduo-

*Proteſtantiꝯ
pertinacia præ
cipua cauſa, O-
diū Catholicorū*

*Quia putant
Catholicos cre-
dere manifeſtè
impia.*

*Proteſtantiꝯ
animi quod ad
religionē quo-
modo reuerſaſ
ſeſſi.*

*Credunt B. Vir-
ginem diuinis
honoribus affici
à Catholicis.*

*Sed faciunt eiꝯ
iniuriā Vide
infra cap. 94.*

*Prædicantes e-
am Lutherano-
rum suspiciōē
confirmant.*

*Etiā simpli-
cissimi Catholi-
corum B. Virgi-
ni minus, quam
Deo tribuunt.*

*B. Virgo quomo-
do Dea, et quo-
modo omnipotens*

*Catholicorū lo-
quendi modus
in Scriptura &
situs.*

*Protestantes
aut numquam
audiunt Catho-
licorum defensi-
onem.*

cata, quæ gratia apud Deum valeat, & preces pro nobis efficacissimas Deo admoueat, opem & auxilium petere vel iureiurando dato affirmamus: tamen aut nihil ipsis de hac nostra responsione constat (nam Catholicorū Theologorum, velut hominū suspectorū libros non legunt, neq; ferè cū quoquam Catholico, qui sententiam nostram rectè tueri vel sciat, vel audeat colloquūtur) aut eam astutè ad effugiendam iustæ reprehensionis inuidiam à Theologis cōfictam suspicantur. quā hominū iam animis ærotantiū & in eam, quo vergunt, partē impelli procliuū suspiciōē Ministri ac Pseudoprophetæ ipsoꝝ alunt (*ut prona semper est Odio in peius fides*, facileq; in exulcerato animo fictū crimen residet) & verbi gratia nescio cui⁹ Catholici poetæ versus eis exhibent, in quibus B. Virgo *Dea* dicitur, tū aliū librū ante hos centū annos editū alicunde proferunt, quo B. Virgo *Omnipotens Domina* appellatur, ut iam B. Virgini ea, quæ soli Deo conueniunt, à Catholicis tribui, satis exploratum censeant. Nemo quidē paulo humanior non facilè sua sponte perspicit, cum Catholici omnes, etiam femellæ & agricolæ, in quotidianis suis precibus nihil aliud à B. Virgine petant, quam ut ipsa Deū pro ipsis deprecetur, eos nequaquam diuinū ipsi honorē tribuere (nam Deo minorē esse oportet, quæ Deū pro alijs oret, neq; suo arbitratu ac modo se inuocantes iuuare queat) adeoq; verba illa in sensu aliquo tolerabili & ipsis Catholicorum factis consentaneo accipi oportere, ut nimirum B. Virgo non aliter Dea dicatur, quam quomodo vulgo dicunt, *Hominem homini Deum esse*, ob benefaciendi scilicet voluntatem, aut quomodo Deus Moſen constituit *Deum Pharaonis*: similiter ut *Omnipotens* dicatur, quasi quæ omnia apud Deū possit siue, quæ tam gratiosa sit apud Deū, ut nihil nō impetrare queat. Certè Apostolus quoq; Paulus, quamuis adhuc in terris ageret, omnipotentē se dicere nihil fuit veritus: *Omnia possum in eo, qui me confortat*. Itaq; à Scripturæ consuetudine nō abhorret, homini adhuc in terris viuenti, nedū in throno gloriæ iam collocato cū Dei appellationē, tum omnipotentiam tribuere, adeoq; Catholicis, dū nihil in sententia alucinentur, & opinionis errore careant, ad ipsi⁹ Spirit⁹ sancti consuetudinē loqui, vitio nequaquam dari debet. Sed quis Protestantes, præcipueq; Principes huiusmodi Catholicorū excusatione in mediū allata suo illo errore liberat? Ipsi enim magnā partē aut nūquam in omni vita cū quoquam Catholico, qui præsertim Fidei cōtrouersias nouerit cōuerſantur, aut si quando ad Principes Catholicos visū veniūt, vel ab illis visuntur (*q̄ quidē cōtingit rarissimè*) nullū de Religionis causa verbum

verbum audiunt, omnem suam operam illuc conferentibus Principibus, ut alter alteri beneuolentiam suam rebus in usum lætitiæ natis declararet: aut etiam si omnino contingat Catholicorum sententiam eis per occasionem declarari, tamen aut eos, cum quibus agunt, quid reuera ex Pontificis præscripto credant Catholici, nescire, aut si sciunt, id fugiendæ inuidiæ causa callidè dissimulare, aut si omnino ex animo & sedulo loquantur, tamen ab eorum Catholicorum sententia, qui ante exortum Lutherum vixerunt, discrepare, nouaque opinione pro ratione horum hominum ac temporum conficta imbutos esse existimant, sicut Augustana Confessio eiusque Apologia palàm affirmant, Catholicos ex quo Lutheri libris oppugnati fuerint, multis de rebus commodius loqui cœpisse. Verum tamen fingamus vnum illum de diuino B. Virginis cultu errorem illis eripi, ipsosque Catholicorum sententiam rectè percipere ac probare, adhuc tamen *nihil exempta inuat spinis de pluribus una*: Siquidem alia multa sunt, quæ perperam impieque à Catholicis credi persuasum habeant. Vix enim ullus est fidei articulus, in quo non calumnientur nos Hæreticorum Doctores, eamque nobis sententiam affingant, de qua numquam nobis in mentem venit: & quod sciant, si Principibus, quid nos reuera credamus, saltem *historice*, ut aiunt, constet, fore ut odium ipsorum erga nos religionemque nostram non parum detumescat ipsisque & vxoribus ac liberis si minùs ad restim, saltem ad saccum & mendicitatem res redeat (non nisi enim linguæ quæstum facere didicerunt, quo se velut Laicos & coniugatos inter Catholicos prohibitum iri non ignorant) propterea manibus ac pedibus enixè faciunt omnia, ut quam nobis sententiam falso tribuerunt, in ea nos esse nostrorum Doctorum verbis planum faciant ac demonstrent. Sic ergo circumscripti ac decepti Principes non possunt Catholicos non odisse, quibus tam manifestè falsas & impias opiniones adeò penitus infixas putant, ut vel minimam de euellendis ijs cogitationem suscipere de mentis & infani hominis esse videatur. Accedit postea, quod Catholicos, ut suas illas opiniones tueantur ac propagent, *illuc omnia consilia sua conferre suspicantur, ut quo iure quaque iniuria Protestantes à beneficio pacis publicæ submoneant, ac vi armata sub imperij Pontificij iugum ditionemque redigant*. Coniecturam quippe de animo suo faciunt, cumque sibi conicij sint, si vires ipsi suppeditarent ad Catholicos in sectam suam cogendos, se nequamquam occasione defuturos esse, nos similiter erga ipsos affectos esse, consilia quidem certè de vi Protestantibus facien-

*Aut eam suam
contemnunt: si-
ue suspectam
habent.*

*Catholicorum
Fides in omni-
bus fere articu-
lis calumniis
patiuntur.*

*Quare predi-
cantes de Ca-
tholicorum Fide
tam strenuè
mentiantur.*

*Alia Protestan-
tium erga Ca-
tholicos odiij
causa.*

Lutheri sententia est, Fidem Hæretico non seruandam.

Eam Lutherani Catholicorum esse suspicantur.

da à Theologis nostris institui, Principibusque impertiri suspicantur. Quamuis autem Theologi nostri: etiam Iesuitæ, sententiam illam, quæ negat datam Hæreticis fidem seruari oportere (quam Lutheri esse supra capite XVI. demonstraui) libris palam editis Hæresios condemnent, & Pacem religionis in Germania publico omnium Ordinum decreto sancitam firmatamque inuiolatam seruari oportere accuratè doceant: persuasissimum nihilominus habent Protestantes, nos falsam, pestiferam ac seditiosam istam Lutheri sententiam sequi, ipsisque adeò datam fidem seruari nolle, quemadmodum etiam regem Iacobum ex eadem sententia inuidiam in nos querere nihil fuit pudendum, ut indignari minimè debeat, si quis Catholicorum hæc ei Tertulliani verba regerat: *Qui potes ista de nobis credere, potes & facere.*

CAPVT LXXXII.

Alia odij Protestantium erga Catholicos causa.

Egestas aut præsens, aut imminuens.

Iusta Protestantium indignatio ex iniusta suspitione orta.

Ecclesiastici ex familia Comitum Palatinorum.

SEd etiam si Protestantibus huiusmodi siue metus, siue suspicio Catholicos inuisos non redderet, adhuc tamen vel in eo plus satis iustas Catholicorum odij causas habere sibi viderentur, quod ex ipsorum religione siue sententia plerique omnes egestatem sibi obtigisse aut egestatis periculū imminere intelligant. Cum enim ex quo tempore Catholicam fidem Hæresi mutarunt, valdè numerus eorum auxerit (nisi enim fallor, ad CXXX. Protestantes Imperij Principes hodiè numerare licet, cum Catholici nonnisi XXV. viuant, nempe IV. Landgrauij Leuchttembergici, V. Bauari & XVI. Austriaci, te, rex Catholice, cum filijs vnà comprehensis) cumq; Illustrissimis, imò Regijs familijs editi inueniantur, quorum annuus census CC. aut CCC. aureorū summam non excedat, qua quidē ex re vsu venire eis nonnumquā solet, ut Poëtice potius, quàm Regiè vestiantur, q̃ illi, qui adhuc rem familiarē satis commodè paratam habent, itidem sibi ac suis mox euenturum prospiciunt: quomodo nō odio habeant Catholicos, à quibus non aliam ob causam, nisi quia, verbi gratia, sententiam ipsorū de diuinis honoribus B. Virgini deferēdis (Catholicos enim, ut dixi, ita sentire persuasum habent) ppter manifestam Idololatriam amplecti nequeunt, se suosq; à Sacerdotijs, Prælaturis & Episcopatibus submoueri, & ad perpiciuam mendicitatē redigi sentiunt? Non est dubiū, quin euoluēdis maiorum suorum monumentis ac historijs, quantum ijs in Ecclesiarum & monasteriorum opibus ad conseruandas familias præsidij semper fuerit, compererint. Exempli causa *Philippus Ingenius*, Elector Palatinus

Palatinus quatuor habuit filios, septem Ecclesiarum Episcopos, Ratisbon. Frising. Spiten. Vuormat. Zicen. Naumburg. & Vltraiectensis: tum filiam Monasterij Neoburgensis Antistitam siue Abbatissam. *Stephanus Veldentianus*, à quo sunt orti, quorquot hodiè viuunt, Palatini Comites, duos habuit filios, vnum Archiepisc. magdeburgensem, alterum Episcopum Argentinensem. nepotes verò ex Ludouico filio tres Colonia simul & Argentinæ Canonicos: ex altero autè filio, *Friderico Simmerensi*, vnum qui esset Episcopus Ratisbonen. & Cantor moguntinus, alium Treurensem Canonicum, alium Coloniae Præpositum, aliū Coloniae & magdeburgi Canonicum. Huius porrò *Friderici* quinq; proneptes totidem monasteriorum Antistitæ fuerunt. Sic *Iacobi Marchionis Badensis* filiorum Ecclesiasticorum alter Archiepiscopus & Elector Treurenensis, alter metensis Episcopus fuit: nepos autem ex *Carolo* filio Episcopus Traiectensis. Cuius frater *Christophorus* cum numerosiore prole auctus fuisset, filiorum hunc quidè Electorem & Archiepiscopum Treurensem vidit, illum Canonicum & Custodem Argentinensem, alium Argentinensem, Coloniensem & metensem Canonicum. Quartus à *Philippo Austriaco*, primo eius nominis Hispanarum rege, Luxemburgensis Prouinciæ Præfecturam obtinuit. In Wirtembergica familia *Henricum Vlrici Pollicis* patrum inuenio Episcopum Eistetensem fuisse circiter annum Christi 1250. Eius ipsius verò Pollicis ex filio nepos *Vlricus* Spire ad S. Guidonem Præpositus cōmemoratur. In stemmate marchionū misniæ, qui sunt hodie Saxoniæ electores, legitur *Ludouicus* Archiepisc. moguntinus anno 1380. cum fratre *Sigismundo* Episcopo meriburgensi: & *Friderici Placidi*, electoris frater *Sigismundus* Episcopus Herbipolensis, patru^s *Alberti* Archiepiscopi moguntini & Ernesti magdeburgensis: *Alberti* deniq; *Animosi* filius *Fridericus*, magnus Ordinis equitum Teutonicorum magister, qui obiit anno 1510. Iam ex Anhaltinis Principibus *Albertus* duas filias habuit Antistitas, & vnam monialē, filios verò tres, quorum vnus fuit monachus Franciscanus, alter Præpositus magdeburgensis, tertio⁹ mersburgensis Episcopus. In Brandenburgensiū à *Zolleranis Comitibus* ortorum & Austriacæ domus beneficio altius euektorū familia *Conradus* circa annum 1330. tres filios Ordinis equitum Teutonicorum Commendatores habuit: ex cuius fratre *Friderico* natus *Fridericus* Ratisbonensis & Eistetenensis fuit Episcopus, eique defuncto frater *Bertoldus*, Ordinis Teutonicorum eques in Eistetensi Episcopatu successit. *Iohānis Magni* siue Ciceronis Germanici filiorū alter *Ioānes Albertus* Canonicus fuit moguntinus, alter *Albertus* Elector & Archiep. moguntinus

Ex Marchionibus Badensibus.

Ex Wirtembergis.

Ex Ducibus Saxonie.

Ex Anhaltinis Principibus.

Ex Marchionibus Brandenburgicis.

tinus ac Magdeburgensis, & Halberstadiensis Episcopus & Cardina-
lis, cuius ex fratre *Ioachimo* pronepotes *Fridericus* & *Sigismundus* Magde-
burgensem & Halberstadiensem Ecclesiam obtinuerunt: patruelum
verò ex *Friderico* patruo eius natorum, primus in Ecclesiis Magdeb. &
Halberstad. successit, alter Rigenfi Archiepiscopatu potitus fuit, ter-
tius Moguntiæ Canonicus simul Herbipolensem Præposituram ob-
tinuit, quartum Bambergæ & Herbipoli Canonicum Leo X Pontifex
in Cubicularijs habuit: quintus verò Valentia Prorex Castellæ Regis
filiam vxorem duxit. Eiusdem porrò Alberti Cardinalis patruus *Al-*
bertus Magnus Ordinis Teutonicorum in Borussia *Magister* fuit: qui vt
se bona fide Lutheranum factum probaret, prouinciam illam Eccle-
siæ & Imperio Germanico eripuit, ac nobilitatem Germanicam, cu-
ius virtute primùm parta fuerat, eius recuperandæ spe in perpetuum
deiecit, vt Nobiles Germani, quantum emolumenti ex hodierno nō-
nullorum fœdere ipsis expectandum sit, tandem aliquando si minùs
perspicere, saltem manibus tractare debeant. Sed neque non perueru-
it ac verè Regia Brunsvicensium familia à *Guelphonibus*, siue *Guelphis*,
siue *Aguelphis* aut *Agilolfis* priscis illis Boiorum Regibus propaga-
ta (quemadmodum me docuit *Marcus Velserus*, rerum Boicarum Con-
ditor, cui viro iniuriam facere verear, si mea laudatione ornare eum
Coner) illa igitur familia plurimos Ecclesiasticos homines, quoad
Catholica mansit, produxit. *Henrici* quidem *Nigri* filius & *Henrici su-*
perbi frater germanus, *Conradus*, priùs *Claræuallensis* Monachus, post-
ea Cardinalis fuit *Otto* etiam cognomine *Parvus* duos filios Episcopos
habuit, alterum *Hildesheimensem*, *Vuerdensensem* alterum. *Albertus*
Magnus duo filij, *Luderus* & *Conradus* Ordinis S. Iohannis Hierosoly-
mitani Equites fuere. Eiusdem Alberti filius *Henricus Mirabilis* filium
habuit *Ioannem* Præpositum *Embeccensem*, & ex altero filio *Henrico*
nepotem, cui *Melchiori* nomen, *Osnabrugensem* Episcopum. Huius
fratres patruels fuere *Iohannes Magnus* Borussiae *Magister* (quod e-
molumentum posthac tam Brunsvicenses, quàm ceteri Germaniæ
Principes frustra sibi polliceantur) & *Albertus* Halberstadiensis, *Hen-*
ricus Hildesheimensis Episcopi: quorum soror fuit, *Gandersheimen-*
sis Antistita. Postremò *Henrico* seniori, qui anno 1514. diem suum ob-
ijt, tres filij Episcopi, *Bremensis* nempe, *Verdensis* & *Mindensis*, duo-
que Ordinis Teutonicorum Equitum Commendatores fuere. Alios
ex ea gente Pastores & Episcopos non inuenio, sicut neque in cetero-
rum Principum, postquam ex Ecclesia Catholica exierunt, familijs.

nos

Borussia per
Brandenburgi-
cos Ecclesia, Im-
perio & Nobili-
tati Germani-
ce crepta.

Ex Ducibus
Brunsvicensi-
bus Ecclesia-
stici.

Velserus rerum
Boic libro sexto
notandum edito.

Lutherani Prin-
cipes non pos-
sunt esse Epi-
scopi.

nam illos nos Catholici nefas ducimus pro Pastoribus haberi, quorum *Iob. 24.* Sic commemorat: *Terminos transtulerunt, diripuerunt greges, & pauerunt eos.* Et *Isai. 56.* *Ipsi pastores ignorauerunt intelligentiam, omnes in viam suam declinauerunt unus quisque ad auaritiam suam.* Et *Ierem. 50.* *Pastores eorum seduxerunt eos, feceruntque vagari in montibus.*

Hæc ergo maiorum suorum exempla cum in mentem sibi reuocant Protestantium Principes, quomodo eos moderni sui status non summo opere pœniteat? quomodo non ingens Catholicorum odium animis concipiant, quod propter impiam (quemadmodum eis videri dixi) ipsorum Fidem ad Ecclesiarum beneficia non admittantur, itaque ad incertam, hoc est, ad extremam paupertatem redacti de prisca maiorum nobilitate in perpetuum perdenda vehementer periclitentur? Nam ut ait Græcus Comicus: Πενία γ' ἀτιμὸν καὶ τὸν εὐγενῆ ποιεῖ, id est, *Et Nobilem paupertas infimat virum: quemadmodum & ille apud Euripidem de se conqueritur:*

*Protestantes in-
stas olij erga
Catholicos cam-
sas habere se
putant.*

*Nam periclitā-
tur de p̄dita sua
Nobilitate.*

Λαμπροὶ μὲν εἰς γένος γὰρ χρημάτων δὲ δὴ
Πένυται, ἐν δὲ νῦν ὑγείει ἀπόλλυται
*Illustre nobis est genus, sed pauperes
sumus. Vetustam hoc Nobilitatem perdidit.*

Itaque valde alucinantur, seque rerum humanarum non satis gnaros esse declarant, qui putent Colloquijs ac Disputationibus de fidei articulis, quicquam apud Protestantium Principes profici posse. Nesciunt enim omnia ipsorum argumenta huiusmodi pronunciatis seu sententijs contineri:

*Error eorū, qui
Colloquijs Pro-
testantes putāt
conuerti posse.*

1. *Nisi me meosque velim in perpetuum sciens perdere, non fiam Idololatra, neque opinionibus apertè impijs subscribam.*
2. *Nisi fiam Idololatra & opinionibus apertè impijs subscribam, non fiam Papista.*
3. *Nisi fiam Papista ego simul cum liberis, non admittemur vquam ad Ecclesias.*
4. *Nisi admittamur, egebimus.*

Quid iam consequens sit, nemo non intelligit, ut scilicet Papistas cum fide sua pessimè oderint & extinctos cupiant. Interea dum nostri oscitantur Catholici, aliasque res agunt, in ipso articulo obrepunt Calvinistæ, tertiumque Protestantium pronunciatum ita cor-

*Calvinistæ tur-
barū ac seditro-
num stabellas*

Mm

rigunt:

*Catholicis quid
erga Protestan-
tes suscipiendū.*

rigunt: *Nisi vel fiamus Papistæ, vel armis viam nobis aperiamus, non admitte-
mur ad Ecclesias.* Atqui Papistæ fieri fas non est. Itaque armis aperienda est
via, sicut nempe Prouerb, 22. scriptum est: *Arma & Glady in via per-
uerfi: Custos autem animæ suæ.* (siue, cui antiquior & pluris est salus ani-
mæ, quàm bona & opes) *longè recedit ab eis.* Quapropter nisi adui-
gilent Catholici, & sublati, quas exposui, odij causis animos Prote-
stantium prius ad combibendam opinionum nostrarum notitiam,
(vt nimirum quid nos de singulis fidei capitibus credamus, probè ac
sine fraude & calumnia pernoscere velint) tam ad audiendas senten-
tiæ nostræ rationes velut imbuiere ac præparare satagant, primùm ve-
rò omnium metum eorum spe ostensa discutiant, improbas autem
spes non vani terroris denunciatione coërceant: nā nos propediem
Catilinas, Cethegos, Lentulosque magno numero in Germania habe-
bimus, qui patriam turbare & igni ferroque peruadere, suam etiam ce-
terorumque libertatem & reipub. nostræ perduellibus prodere, dum ex
egestate ipsi emergant, parum omnino pensi ducant. Atq; hoc qui
uocare in dubium audet, aut in diē esse putat, is fateatur licet, se quod
fit Nobilitatis egentis ingenium nescire, neque in Politicis quicquam
sapere.

CAPVT LXXXIII.

*Perimaces ob
stuporem &
rudritatem.*

SE d quoniam, quis & quomodo malis eiusmodi mederi pos-
sit ac debeat, in *Consultatione mea de recuperanda Germania incolumita-
te* copiosè disputo, qua de re infra quoq; commodiore loco nonnul-
la afferam, in viam nunc ex diuerticulo reuertor, cumque cuius-
modi sit Volupras illa, propter quam *Idiognomones* in sententia per-
seuerare ab Aristotele dicuntur, planum fecerim, iam dehinc ad
eos orationem confero, quos *ἀμαθεῖς καὶ ἀγροῖκους* indoctos, ru-
des & agrestes eamque ob rem peruicaces esse ex eodem Philosopho
discimus. Videlicet cum haud quisquam sit, quin suam opinionem
peruincere gaudeat, quosdam tamen plus stupor, inscitia & ingenij
quædam scæuitas siue infelicitas, quàm voluptas seu iucunditas, in
sententia retinet, cuius quidem rei, mulierculæ, pueri, agricolæ, ac ve-
lut ait Poëta, *Æarenum ac rupicum squarrofa, incondita rostra*, siue, quicum-
que nec scientiam vllam libero dignam, neque sciendi modum, hoc
est, *Dialecticam* didicere, nobis exemplo sunt. Huiusmodi enim
numquam ratione, cuius vsum ignorant, interdum auctoritate
aliena

aliena, eius nempe, quem sapere persuasum habent, ducuntur, surdisque auribus quæcumque ipsorum opinioni contradicunt, argumenta excludunt, de quibus Phocylides:

Οὐ γὰρ εἰ μέγαλιν διδάχην ἀδίδακτο ἀκύνει.

Οὐ γὰρ δὴ νόον, οἱ μὲν τὸ τ' ἐλάμαδόντες.

Doctrinam indoctus vel magnam audire recusat.

Nam bona qui haud didicit, nihil ille intelligit, unquam.

Et Salomon Prover. 23. In auribus insipientium ne loquaris, quia deficient doctrinam eloquij tui. Et Seneca: Noli, inquit, ingredi cum Imperitis: nolunt discere, qui numquam didicerunt.

Alios postremo æquè Voluptas ac stupor Peruicaces reddit, quorum scilicet iam inueterauit tam error, quàm errandi dulcedo. Si enim vel prima eius dulcedinis gutta tantas habet vires, vt oculos mentis præstinguat, & alucinari perperamque de rebus propositis iudicare faciat, velut de Ira supra dixi, & peruulgato illo versiculo docemur: Impedit ira animum, ne possit cernere verum. quod quidem in Amore quoque vsu venit.

— amatorem quia amicæ

Turpia decipiunt cæcum vitia, aut etiam ipsa hæc

Delectant, veluti Balbinum polypus Agnæ:

adeo vt Mimis tota plaudere cauea exclamare fuerit ausus: Amare & sapere vix Deo conceditur: quam ipsam reliquarum quoque perturbationum siue affectuum ex cuiuscumque boni vel mali specie in animis excitationum ratione esse constat, vt nimirum male verum examinet omnis corruptus iudex: cuius scilicet iudicium, tamquam mentis aciem suffusus humor cœpit obtundere: si ergo cum primùm falsæ opinionis dulcedo illapsa est animo, tantas ei tenebras offundit: quis iam non colligat, quàm prorsus omnem luminis seu iudicij partem eis eripi oporteat, apud quos error, & quæ illi comitatur Voluptas, inoleuit ac iam radices altas egit? In hos nempe conuenit, quod in Iudæos pertinaces ex Isaia Paulus confert Act. 28. Aure audietis, & non intelligetis: videntes videbitis, & non perspicietis (id est, vel clarissima & radio scripta sacrarum literarum verba, quæ contra inueteratum vestrum errorem in medium afferentur, non intelligetis) Incrassatum est cor populi huius, & auribus graniter audiunt, & oculos suos compresserunt, ne videant.] Quamuis autem omnis Voluptas, quæ

M m 2

pretium

Omnis iucunditas falsa opinionis facit peritaces,

pretium erroris facit, eumque erranti gratum reddit, maximas, ubi aliquantulum inueterauit, ad stuporem animis inducendum vires habeat (velut supra cap. LXXVII. in exponenda tertia Pertinacium voluptate Apostolorum ac discipulorum Christi exemplo docui. Eos enim dulcedo erroris de Messiae regno, quem in pueritia haustum ad adultam usque ætatem retinuerant, adeo stupidos, hebetes & obtusos reddidit, vt Christus incredulitatem eorum & duritiem cordis post resurrectionem acriter eis exprobrandam (Marci 16.) eosque tanta verborum

Sed maxime iucunditas nata ex spe gloria.

acrimonia obiurgandos putarit: *O stulti & tardi corde ad credendum,* Luc. 24.) sine omni tamen controuersia cum ijs, qui perperam iudicant, illud in errore suo iucundissimum videtur, quod inde sibi opinionem ingenij ac scientiæ accessuram, seque multos discipulos affe-

Et ex opinione Vindictæ sine odio.

clasq; inuenturos confidant, aut etiam quod ijs, quos ipsi oderunt, se multum molestos esse ac dolorem inurere defendenda sententia existiment, ea mentibus eorum Cæcitas obijcitur, vt omnem eorum emendationem ac salutem merito desperare liceat. Nam & Ambitio si gloriam, & Vindictam, qui oderunt, propter speratæ Voluptatis vim ac vehementiam, pluris quàm vitam facere solent, sicut Heraclitus difficilimum esse aiebat *Iræ*, similiterque Odio, *resistere, cum id quod cupit,* Vindictam scilicet vel molestiam eius, quem odit, etiam *Vita redimere nihil dubitet* cuius quidem rei Samson nobis exemplo est, qui nihili fecit vitam perdere, dum Vindictam ab inimicis sumeret: *Moriatur,* inquit, *anima mea cum Philistæis,* Iudic. 16. Sed cupiditas eius iustam habebat causam, quod ea Dei gloriam, cuius ita fieri intererat, spectaret, ex quo *Hebr. 11.* inter Sanctos enumeratur. Qui verò ex Ambitione aut priuato odio in sententia perseverant, adeo Dei gloriam nō quærunt, vt etiam nulla re magis, quàm pertinacia illa sua, iniuriam Deo faci-

Manens in sententia propter suam gloriam, Deum offendit. Et manens propter odium hominum,

ant. Nec enim dat Deo gloriam, qui se propter sententiam aut opinionem suam coli ab alijs postulat, quasi eam vel ipse suo Marte inuenisset, vel sibi potiùs, quàm alijs, Deus reuelasset. Sed neque cui Odium aliorum, Pertinaciam suadet, gloria Deum afficit, quippe qui Deum à se parum diligi, apertè ferat. *Qui enim non diligit fratrem suum, quem videt* (sed ei molestus esse studet, vel eum iudicat & præ se contemnit)

Vterque Diabolo dat gloriam.

Deum, quem non videt, quomodo potest diligere? 1. Ioan. 4. Itaque usu venit ijs, qui per Ambitionem & Odium Diabolo dant gloriam (nam ipse est Rex super vniuersos filios superbiæ, Iob. 41. oderatque Deum & homicida erat ab initio, Ioh. 8. Cui dat gloriam, qui has eius virtutes imitantur, & desideria eius volunt facere) neque à Christo discere volunt, quia ipse mi-

tis est & humilis corde, Mat. 11. his ergo vsuuenit, vt eis velut alienis om-
 ne gratiæ suæ auxilium & lumen atq; intellectum Christus subtrahat, *Itaq; à Christi*
 ac Diaboli patris ipsorum potestati eos permittat, à quo indurantur *gratia deserit à*
 & excæcantur, *Diabolo excæ-*
cantur. vt non fulgeat eis illuminatio Euangelij 2. Cor. 4. id est, vt
 ipsi apertissima quamuis & facillima Scripturæ verba rectè intellige-
 re nequeant, sed propter ingentem stuporem omnibus admirationi
 fiant, quemadmodum S. Iacobus significat capite tertio : Si Zelum
 (inquit) *Zelus amarus,* siue Odium *siue obstinatio*
 habetis & contentiones in cordibus vestris, *ex odio,*
 nolite gloriari (quasi vobis Deus verum scripturæ sensum aperuisset)
 non est enim ista sapientia desursum descendens, sed terrena, animalis, Diaboli-
 ca. Aperite autem Ieremias cap. XIII. huic hominum generi, eam,
 quam dixi, pœnam comminatur : Nolite, inquit, eleuari, sed date Do-
 mino Deo vestro gloriam, antequam contenebrescat, & antequam offendant pe-
 des vestri ad montes caliginosos : expectabit lucem, & ponet eam in umbram
 mortis, & in caliginem. tamquam dicat: si non dederitis Deo glori-
 am, humiliando vos vestramq; superbiam deponendo, oculi vestri
 vsq; eò occæcabuntur, vt etiam Lux, siue verba Scripturæ luce clari-
 ora, sit vobis caligo, vosq; in densissimis tenebris offendatis & mori-
 amini. Idem argumenti habet comminatio illa Isai. 29. Sicut som-
 niat esuriens (se comedere) cum autem fuerit experges factus, vacua est ani-
 ma eius : Sic erit multitudo omnium gentium, quæ dimicauerunt contra mon-
 tem sion, siue, qui Ecclesiam ex odio audire nolunt. Miscuit vobis Si-
 on oppugnantibus Spiritum soporis, claudet oculos vestros : prophetas &
 Principes vestros, qui vident visiones Operiet (id est, qui se videre & in-
 telligere putant Scripturas excæcabit Ioh. 9. In iudicium in hunc
 mundum veni, vt qui non vident, videant, & qui vident, cæci fiant)
 Et erit vobis visio omnis, sicut verba libri signati, quem cum dederint scienti lite-
 ras, dicent : Lege istum, & respondebit : Non possum, signatus est enim. Et
 dixit Dominus : Eo quod appropinquat populus iste ore suo, & labijs suis glori-
 ficat me, Cor autem eius longe est à me & timuerunt siue coluerunt me man-
 dato hominum & doctrinis (id est, profitentur quidem se Christianos,
 ac Scripturæ se credere gloriantur, sed reuera me contemnunt & Scri-
 pturæ nihil credunt. Cum enim in ea Ecclesiæ ac pastoribus diser-
 tim promiserim Spiritum veritatis, qui omnem veritatem eos doce-
 at, qui in ipsis loquatur, & ab eorum ore in æternum non recedat,
 cumq; ijs non secus ac mihi ipsi omnes obedire ac subiacere iusserim,
 ipsi Ecclesiam ac Pastores contemnunt, & ea Religione, quam Lu-
 therus scripturis adulteratis peperit, me colere volunt) Ideo ecce ego

M m 3

addam

*Etiam Pertina-
ces ex ambitio-
ne excitantur.*

*Vide supra cap.
38.*

*Pertinaces fu-
riosi & surdi.*

addam, ut admirationem faciam populo huic, miraculo grandi & stupendo. Peribit enim sapientia à sapientibus eius, & intellectus prudentium eius absconderur.] Similis pæne comminationem etiam Deut. 28. legimus: Si audire nolueris vocem Dei tui, ut custodias & facias omnia mandata eius, percutiet te Dominus amentia & cecitate ac furore mentis, ut palpes in meridie, sicut palpare solet cæcus in tenebris, & non dirigas vias tuas, & seruias Dys alienis &c. Iam verò inter Mandata cetera hoc etiam est Deut. 17. Venies ad Sacerdotes, quaresq; ab eis verum Legis sensum, qui indicabunt tibi iudicij Veritatem. Et facies quodcumque dixerint, sequerisq; sententiam eorum, nec declinabis ad dextram, neq; ad sinistram. Qui autem superbierit, nolens obedire Sacerdotis imperio, moriatur homo ille. Igitur illos, qui propter superbiam Sacerdoti obedire nolunt, quia sibi scilicet nihil eo scientia inferiores videntur, cæcitate. amentia & furore punit Deus, ut iam veram viam, siue, Religione veram videre nequeant, sed alienis Dijs seruiant, & furore inflammati vitam, quàm sententiam, ponere præoptent. Psal. 57. Furor illis secundum similitudinem serpentis, sicut aspidis surda quæ obturat aures, suus ne audiat vocem incantantis sapienter.

CAPVT LXXXIV.

*Hæreticorum
pertinacia quã-
ta sit ieste Lu-
thero*

*Hæreticos Lu-
therus ait pro-
vocare ad Ver-
bum Dei,*

Sed rursum Lutheri verbum operæ prætium fuerit audire, quibus non aliorum modò Hæreticorum, sed quod summo opere mireris, suam quoq; ipsius naturam & ingenium describere se apertè profite-
tur. Tomo 2. Ger. Witt. de soliditate verborum, Hoc est corpus meum. fol. 122. b. §. 5. & Tomo 3. Ger. Ien. fol. 338. b. §. 4. A sæculo non est auditum, vllū falsæ doctrinæ inuentorē fuisse conuersū. Nempe nimis grande est istiusmodi peccatum, & in spiritū sanctū. Itaq; Deus illos indurari permittit, ut fiat, quod Isai. 6. scriptum est; Vidētib⁹ oculis nō videbitis, nec aurib⁹ audientib⁹ audietis. Excæcatū est enim cor populi huius] In Colloquijs Is lebenfibus de Verbo Dei fol. 11. a. §. 2. In hoc vno Hæreticis sunt omnia, cū quis Tragædiam cæpit, ut in ea pertendat nauiter, ac dicat: Vos ceteri simul omnes erratis, & iniquitatē tuemini. sed mea solius doctrina vera est, & explorata Dei veritas in ea permaneo, etiam si vniuersus orbis contradicat. Deus enim profecto mētiri nequit. At enim verbū eius à me facit, ut onino decipi nō possim] Tomo 1. Ger. Witt. in comment. Gal. 3. fol. 114. a. Sectarū capita & seductores nunquā ad veritatē cōuertuntur. Fit quidē nōnunquam, ut aliqui ex errore ad veritatē se recipiant,

recipiant, qui nimirū nondum tam vehementer fascinati sunt, neq; in
 fascinatione captiui tenentur. Sed auctores, duces & capita talis fasci-
 nationis impossibile est vt cōuertantur. Oportet enim eos implere fi-
 dē tituli quo à S. Paulo hic afficiuntur, vt scilicet veritatē non ferant,
 nec ei obediant, sed illuc potius omnem operam conferant, vt omnia
 argumenta contra ipsos allata eludant & scripturarū loca commentiti-
 tijs suis expositionibus adulterent. Tam validē enim fascinati sunt &
 excæcati vt firmissimē persursum habeant, penes ipsos esse puram pu-
 ram Veritatē, & sincerissimū certissimūq; Scripturæ intellectū. Qui
 autē hac persuasione laborat, is ōnino neminē audit, nedū vt alij ce-
 dat, eiusq; sententiæ subscribat. Eodē modo (quo scilicet fascinati sectarū
 conditores) nec EGO quicquam audire, nec admittere possum, quod
 doctrinæ meæ aduerfatur. Prorsus enim per Spiritū Christi certū &
 exploratū mihi est, me purissimam & certissimam doctrinam habere.]
 Sic igitur perspicuum est, quod supra dixi, Hæreticos nihil nisi se ip-
 sos, hoc est, Gloriam & Libertatem suam amare, neq; hominū salute
 (quod Catholici faciunt martyres) sed sua contumacia vitam poste-
 riorem ducere, mortem deniq; non nisi iustissimam ipsorū superbiæ
 & ergā Sacerdotes odij pœnam esse: qua quidem ideo afficiuntur, vt
 ne alios ipsorum impunitas ad superbiam similem inuitet: *Cunctus
 populus audiens mortem eorum timebit, vt nullus deinceps intumescat super-
 bia, Deut. 17.* Magnum nempe foret periculum, ne quot capita, to-
 tidem de sensu Scripturarū existerent sententiæ, nisi capitali suppli-
 cio Sacerdotū potestas & auctoritas sancita esset. Itaq; Salomo Prou.
 19. & 21. *Pestilens (inquit) flagellato, stultus sapientior erit.* Pestilens est,
 quicumq; vel propter superbiam se ipsum in chædra Pestilentie collo-
 cat (Psal. 1.) & loquendo peruersā seu perperam interpretandis scriptu-
 ris discipulos post se adducere conatur ac velut lupus rapax gregem disper-
 git (Act. 20.) vnde Prou. 29. dicitur *Pestilens dissipare Civitatem:*
 vel qui ex odio erga Catholicos, inprimisque Pastores ac Doctores,
 in falsa aliqua opinione pertinaciter manet: cuius notæ homines
 ideo Pestilentes dicuntur, quod contagione non careant, neq; solū in
 sententiæ suæ, sed etiam in pœne communionem multos alios pertra-
 hant, quemadmodum de ipsis testatur Paulus 2. Tim. 2. *Sermo eorum
 vt cancer serpit.* Itaq; populo sic precipit Moses Num. 16. *Recedite à
 tabernaculo hominum impiorum (contra Sacerdotes murmurantium)*
 & nolite tangere, quæ ad eos pertinent, ne involvamini in peccatis eo-
 rum. Stultus verò est, qui vel propter stuporem & incitiam, vel pro-
 pter

*Hæreticorū Do-
 ces conuerti im-
 possibile dicit
 Lutherus.*

*Quia putant se
 recte scripturas
 intelligere.*

*Lutherus se ip-
 se morbo Hære-
 ticorū fateretur
 laborare.*

*Qualis Amor
 sit in Hæreticis.*

*Hæreticos qua-
 re Deus occidit
 iusserit.*

*Hæretici dicū-
 tur Pestilentes
 ob contagionē.*

*Stulti dicuntur
 Pestilentes ob
 voluptatē ma-
 litia & contagio-
 nis carentiam.*

ptervoluptatem aliquam in sua manet sententia, nec audit consilium, Sacerdotum. Nam sapiens corde precepta suscipiet & audiet consilia: via autem stulti recta in oculis eius, Prou. 10. & 12. Sic stultos & Tardos corde Luc. 24. discipulos suos Christus dixit, qui non ex vlla superbia aut cuiusquam odio, sed tantum propter oblectationem in errore de Christi regno permanebant, quia scilicet eum in pueritia sua hauserant. Huiusmodi ergo stulti cum Pestilentem siue superbum & sacerdotibus inimicum flagellari siue occidi vident, Sapientiores redduntur dum ne idem ipsis vsuueniat metuunt, adeoque ad considerandam opinionis suae, vanitatem acrius oculos intendunt. βλέπων τις πείθει' οἱς τὰ τῶν ἄλλων κακὰ. Aliena qui cernit mala, fit sapientior

Stulti Sapientes
redduntur. Ha-
retico interfecto

auidos vicinum funus vt ægros.
Exanimat, mortisque metu sibi parcere cogit:
Sic teneros animos aliena opprobria sæpe
Absterrent vitij aut Horatius.

Sin autem adhuc tanta sit siue dulcedinis, quam ex errore suo percipiunt, siue stuporis magnitudo, vt eam alieni mali exemplum superare nequeat, tum locus est ei remedio, quod pramonstrat Salomo. Prou. 22. Stultitia colligata est in corde pueri, sed virga disciplina fugabit eam. hoc est, τῆς προκοπῆς ἐγκοπὴν, profectus impedimentum (ita Bion stultitiam siue falsam scientiæ persuasionem appellabat) de medio tollet. Prou. 10. Virga in dorso eius, qui indiget corde. Prou. 26. Flagellum equo, & camus asino, & virga in dorso imprudentium. Prou. 29. Virga & correptio tribuunt sapientiam. Prou. 20. Liuvuln vulneris absterget mala, & plagæ in secretioribus ventris. hoc est interprete Luthero, malum coerceri debet graui pæna, & plagis eiusmodi, quæ altè descendant probeque sentiantur. Ratio huius rei redditur Prou. 18. quia Non recipit Stultus verba prudentiæ, nisi ea dixeris, quæ versantur in corde eius. Est nempe velut vas pertusum, qui propter stuporem ac væcordiam rationum momenta non percipit, neque Dialectica tenet, vt quid ex quo consequatur, intelligere queat: in quod hominum (sitamen hominum, ac non veruecum) genus scitum est hoc Euripidæum:

Pertinacia do-
lore aut metu
doloris expelli-
tur.

Stupidi sunt & e-
lnt vas pertusum

Οὐκ ἂν δυναίμην μὴ ἐργοντα τιμπλάναι,
Σοφές ἐπαντλῶν ἀνδρὶ μὴ σοφῶ λόγους.

Replere

Replere sanè pertusum haud queo dolium,
Præcepta stulto ego instillans sapientia.

CAPVT LXXXV.

Qui verò iam animum aliqua opinione occupatum habet, quam ipsi quæcumque voluptas ex ijs, quæ supra recensui generibus, commendet seu iucundam reddat, ei non magis expedit veram sententiam præcipere quam vinum in dolium, quod alterius alicuius liquoris saporem iam hauserit, infundere.

Sincerum est nisi vas, quodcumq; infundis, acefcit. Oratio & doctrina (ait Aristoteles, X. Ethic. IX) non in omnibus hominibus vim habet. nam ὁ κατὰ πάθος ζῶν qui ex affectu viuit, siue, qui non ratione, sed affectu aliquo ducitur, orationem dehortantem non audit, neque intelligit. Ὅλος γὰρ ὁ δόκει λόγῳ ὑπείκειν τὸ πάθος, ἀλλὰ βίη. Ommino enim Affectus non orationi, sed vi seu coactioni cedere videtur] Tamquam dicat: sicut frustra verba feceris ad ventrem auribus carentem, neque ei, qui acriter esurit, rationibus exponendis, vt ab anteposito cibo se abstineat, persuaseris (λιμὸν γὰρ ὁ δὲν ἐστὶν ἀντεῖπνεν ἔπος, Verbum Fami nec unicum opponi potest ait Menander) sic neq; apud eos, qui alia aliqua cupiditate, metu, voluptate aut ægritudine tenentur vllus orationi & doctrinæ locus est, sed affectum affectu reperiunt & velut clauum clauo eijcere oportet, quod non fit tantum mali metum aut dolorem incutiendo (quemadmodum hoc loco velle videtur Aristoteles, cum Vi coercendos Affectus putat) sed etiam alia perturbationū aut affectuū genera in animis commouendo. Nam qui propterea veram aliquam sententiam non admittit, quod ex ea malū aliquod, tanquam egestatē, aut eorū, quos amat, odiū sese incurfurū metuat: ei nō nisi maioris mali, vt exilij vel mortis metus persuaserit: sicut ex diuerso qui sententiā suā pertinaciter tuetur, quod ex ea siue voluptatē iam percipiat, siue boni aut emolumenti quippiam speret, pposita maiori voluptate maiorisq; lucri aut boni spe facillimè à sententia abducitur. Atq; huc pertinet, quod Prou. 25. Scriptū est: Patientia lenietur Princeps et lingua mollis confringet duritiam. Nam qui durus est, siue Pertinax, cum ex alterius se submittentis & cedentis humilitate se coli magniq; fieri colligit (quod quidem omnes elatiore ingenio præditi, maximè Principes tamquam debitū

N n exigere

Pertinaces ex
Voluptate rati-
onibus & argu-
mentis non ce-
dunt.

Affectibus la-
borans non do-
cendus, sed co-
gendus.

Affectus affec-
tibus expelli de-
bent spes metus,
Voluptas, dolore
Metus spe &c.

exigere videntur) aut parem, aut maiorem inde Voluptatem percipit, quàm si sententia sua peruincat.

Τιμώμενοι γὰρ πάντες ἡδονταὶ βροτοί.

Honorenamq; affectus gaudet quilibet.

Eandem rationem habet, quod Prou. 21. scriptum est : *Munus absconditum exstinguit iras, & Donum in sinu, indignationem maximam* : quando nempe maiorem lucri accessio, quam Vindicta, voluptatem pollicetur. nam tamen si quis ei, quem odit, malum dare cupiat, eiusq; rei spe se non mediocriter oblectet : simulac tamen emolumenti species obijcitur, homini præsertim, cui siue natalium, siue muneris officij quæ ratio nitoris cuiusdam ac proinde impensarum necessitatem imposuit, minus difficulter animum inducit, vt nullam sese odij aut iræ causam satis iustam habere aduersus eum existimet, qui oportuno munere se demereri, & quod in ipso est, honestiorem facere, offensam quidem certè & iniuriam prius, si fortè factam nunc compensare & redimere conetur. Oportet autem vt *munus* eiusmodi sit *absconditum, donumq; in sinu*, non multis commutatis verbis, depositum, vt accipientis scilicet verecundiæ consulatur, hominis præsertim animo sublimi & generoso præditi. Sicut enim qui sūt angusto humilique animo, abs quouis homine sine dilectu ac discrimine dona gaudent accipere, plurimumq; fauent illi Poëtæ verbo : *Vnde habeas, querit nemo, sed oportet habere* : cuiusmodi est *Parasitus* ille comici, qui palam de se sic profitetur : *Nihili rumore facio, dum sit Rumen* (siue gulam) *qui impleam* : ita Magnanimi, qui ceteros vt alijs in rebus, sic & in benefaciendo ac largiendo superare, quam cuiusquam beneficio deuinciri eoq; modo inferiores videri malunt, non ferè nisi cum pudore, etiam à paribus beneficium accipiunt. quem porro pudet, ei plures beneficij sibi dati conscios habere peracerbum accidit. Itaq; qui solidam dono suo gratiam ab eiusmodi hominibus inire, eosq; reddere sibi placatos studet, dabit illud in sinu remotis arbitris, vt vtilitati eorum non onerato pudore consulere videatur. Hoc annis superioribus non satis intellexit primarius quidam Hispaniæ Regulus, cum *Diui Philippi*, tui, Catholice Rex, patris nomine *Pensionem annuam XII. M. aureorum* cuidam Protestantium Principi non postremo nequicquam obtulit. nam si quid eius rei ceteris Protestantibus suboluisset (quod quidem omnino futurum

Ira & odium munere dato expellitur.

Munus donans alteri honorat.

Munus cur debear esse absconditum.

Magnanimitas generosi non libenter accipit munus.

Principi cuidam Lutherano ab Hispanis offertur munus.

Quare id Princeps ille recusauit.

futurum Princeps ille iudicabat) frontem suam non satis firmam fore præuidit, qua infamiam quamuis falsam & vel tacitam auaritiæ atque adeo patriæ Hispanis proditiæ insimulationem sustineret. Tamen enim plerisque Principum nostrorum est *res angusta domi*, non tamen eos, homines quippe illustrissimo loco natos, simul cum re pudor deferuit. Itaq; cum alias, tum præcipuè in Religionis causa ita secum agi volunt, vt ne quid ipsis quantumuis amplum & quæstuosum suadeatur, quod animum nobilem atq; celsum minus deceat, & pudorẽ ipsorum sugillare queat. Ac noui ego eorum exempla, qui cum eis Catholici ampla & fructuosa Sacerdotia sua cessuros se promississent, postquam scilicet religionẽ nostram alioquin satis sibi probari præ se tulerunt, ad extremum tamen non sine lacrimis vocẽ miserunt, qua suam ipsi inconstantiam obiurgarent & spernendi emolumenti minùs cum officij religionẽ coniuncti auctores sibi fierent: quos tamen ipsa aliquando, vt puto, necessitas Publani illius faciet memores:

Quia erat animi generosi.

Habenda ratio pudoris Principum, maxime in religionis causa.

Etiam obliuisci, qui sis, interdum expedit.

Nam eandem capeßendæ sanæ mentis causam populi sui Principibus in Ierusalem dominantibus futuram Deus *Isai.* 28. ita significat *Tantummodo sola vexatio intellectum dabit auditui* (id est, nulla alia res, quam fames & egestas coget eos, vt verbum auditus Dei rectè velint intelligere) *Coangustatum est enim stratum, ita vt alter decidat, & pallium breue utrumq; operire non potest.* Et hoc quidem modo Pertinacia sua liberantur, quos Voluptas ac Dolor, velut docui, in sententia perseuerare facit.

Principum in errore pertinaciam non nisi necessitas expellet.

Hebetes & Obtusi, quamuis & ipsis *Virga sapientiam* tribuat, dum Multitiam securitatemq; expellit, & aliquid operæ cogitationisque percipiendæ veritati impendere eos subigit: non est tamen dubium, quin plerumq; multum eorum auctoritati tribuant, quos ipsi Sapientes esse persuasum habent: quod ea in re quodam modo ratione vti sibi videantur. Lupum quidem (ait Plutarchus) negant auribus teneri posse, sed rudem plebeculam vel maxime auribus ducere oportet. Neq; tamen plus Oratoris facundia, quam adspectus & velut apparatus imperitorũ animos percellit. Vt enim in bello plerũq; suspicionib; laboratur, & subitus aliquis terror fabulaq; si ne auctore sparsa sæpe in fugam milites cõuertit, ac puluis fuga pecorum excitatus, tamquam id hostis aduentantis signum esset, castris

Pertinacia ex stupore orta dolore & metu expellitur. Et auctoritate aliena.

Quæ res hominib; apud rudes & imperitos auctoritatẽ conciliet.

N n 2 exuit

exiit: sic in audiendo concionatore multa sunt inania, quæ rem conficiunt, ac veluti torrentis cuiusdam impetus in consultum auditorem rapiunt. Eiusmodi vanâ quædam sunt canities dicentis, barba ingens ad umbilicum promissa, graue supercilium, condecens gestus, sui iactatio, maxime verò vociferatio, & verborum inanium argumentorumque nihil ad rem pertinentium turba ingenti volubilitate ac sine intermissione profusa.

Etiam Catholici auctoritatē eiusmodi parare sibi debent.

Quibus etiam qui veritatem spectant apud plebem stupidam & indoctam, me iudice, rectè vtentur. Sunt enim (quod de se Paulus proficitur Rom. i.) non modò sapientibus debitores facti, sed etiam insipientibus: ac velut Piscatores hominum, eam hamis escam imponere debent, quam pisciculos appetituros sciant. hoc enim nisi faciant, nempe sine spe prædæ in scopulo morabuntur.

CAPVT LXXXVI.

Cum Hæreticis de Religione disputandū non est.

CUr autem ab omni cum Hæreticis eorumque sectatoribus Disputatione abstinendū sit, tamen ex ijs quæ modo attuli, satis intelligi potest, haud tamen ab re fuerit hic paulò distinctius explicari. Discimus igitur ex Sacris literis & ex ipso quotidianæ vitæ vsu, Disputationes de Religione, maxime publicas, aut alioquin multis arbitris & auditoribus institutas non modò nemini quicquam prodesse, sed plurimis etiam non parùm nocere. Ac prius quidem Apostolus 2. Tim. 2. perspicuè sic affirmat: *Noli contendere verbis*, siue, noli disputare, *ad nihil enim utile est.* Neque verò obscura est præcepti ratio. Cui enim voluptas aut dolor sententiæ obstinatione ac Perinaciam suadet (velut Hæreticis quiq; eis credunt, vsuuenire docui) is tenebris obscuratum habet intellectum, & ambulat in vanitate sensus sui (Ephes. 4.) neque nisi maiore voluptate aut dolore ad verum conuertitur, quod itidem copiosè iam demonstraui. *Seruis verbis non potest erudiri*, ait Salomo Prouerb. 29. Vbi seruum dicit, qui non rationis imperio, sed affectuum parer, & quo cupiditas, spes, ira, odium, voluptas, dolor ac metus rapit, sequitur. *Quomodo vos potestis credere* (ait Pharisæis Christus Ioh. 5.) *qui gloriam ab inuicem accipitis?* id est, qui gloriæ inanis cupiditate tenemini. Itaque quod homines partim ambitiosos, partim avaros nihil sua disputatione motum iri prospiceret (nam etiam qui diuites volunt fieri, *incidunt in laqueum Diaboli, eoque captiui tenentur ut cognoscere*

Disputationes nihil prosunt.

Nam Hæretici sunt caci, propter affectus, quibus seruiunt.

Ambitionis serui non possunt credere.

Neque serui pecunia.

veritatem

veritatem nequeant, 1. Tim. 6. & 2. Tim. 2.) quæstioni eorum dignum non habuit vel verbum respondere, sed opposita alia quæstione odiosa & ancipiti eos submouit, Matth. 21. quod ipsum apud omnes eos faciendum esse, quibus in sententia propterea permanere libet, quod eam improbis suis cupiditatibus congruere intelligant, sic Amos 5. docemur: *Cognoui multa scelera & sortia peccata vestra: hostes iusti. accipientes munera, & pauperem deprimentes in porta* (neque rationem occupatorum monasteriorum in Camera Spirensi aut ad Cæsaris tribunal reddere, multò autem minùs rapta pauperibus monachis restituere volentes) *Ideò prudens in tempore illo tacebit, quia tempus malum est.* hoc est, nihil apud homines eiusmodi Colloquia ac Disputationes proficiunt: ijs ergo Prudens abstinere debet. nam *qui erudit Derisorem, ipse sibi maculam generat* (Prou. 9.) siue iustam Imprudentiæ vituperationem assequitur, quasi nesciat, quod omnes sciunt, apud homines affectibus seruientes nullum rationi locum relinqui.

Prudens est cum eiusmodi hominibus non disputare.

Διδῶντι δὲ τοι πάντα προσφέρων σοφία.

Οὐκ ἂν πλεοντέρῃς, μὴ πινεῖν διδῶς.

Nam docta dicta et si sitienti proferas,

Nihil inuabis, ni simul des quod bibat, ait Sophocles

Hac prudentia vsum se Dauid significat Psal. 38. *Posui ori meo custodiam, cum consisteret peccator aduersum me: obmutui & filii à bonis.* Atque hoc ipsum est de quo nos Christus admonet Matth. 7. *Ne mittatis margaritas vestras ante porcos,* hoc est, ante homines in voluptatum suarum cæno demersos, ex qua nota sunt, qui Voluptatis causa manent in sententia, siue, qui opinionem quampiam, propterea quod ea ipsis iucunda sit, tuentur.

Pertinaces ob Voluptatē Christus vocat Porcos.

Iam quod huiusmodi Disputationes plurimum quoque noceant, accuratè Paulus docet 2. Tim. 2. ac duas quidem præcepti sui Principes causas reddit. *Vna est, quia Disputationes Hæreticorum, siue, argumenta quibus in disputando vtuntur, multum proficiunt ad impietatem. & sermo eorum ut Cancer serpit, tanquam Hymeneus & Philetus, qui à veritate exciderunt* (siue, discesserunt à vero scripturarum sensu) *dicentes & locis scripturæ allegoricè interpretatis probantes resurrectionem iam esse factam* (in baptismo scilicet, in quo velut à peccatis, siue, à morte animæ homines resurgant) *& subuerterunt quorundam fidem, qui plausibilia eorum argumenta audierunt.* Altera causa est, quia eiusmodi quæstiones ac disputationes generant lites & contentiones.

Disputationes cum Hæreticis etiam nocent.

1.

Quia serpunt latius Hæreses.

2.

Quia generant lites.

Nn 3

Et

*Quare ex dispu-
tationibus Hæ-
retici serpent.*

I.

*Populum enim
decipit auctori-
tasvana dispu-
tatio Hæretici.*

*Populus prauè
iudicat.*

Et serpere quidem ac propagari pestiferas Hæreticorum opinio-
nes propterea contingit, quod aliquo lenocinio auribus atque animis
audientium concilientur. Plerumque enim ipsa Hæretici disputantis
auctoritas, siue assimulata vitæ probitate, siue vano illo, de quo paulo
prius cap. LXXXV. dixi, orationis apparatu parta, assensum habet impe-
ratorum & approbationem popularem. Nec enim populo, quantum
valeat oratio, curæ est, sed quantum sonet is, cuius reuerendam cani-
tiem, opacam barbam, gestum decentem, memoriamque ostentatio-
ni paratam fauore prosequitur: & palmam sua sententia ei adiudicat,
qui plus vociferatur, plus se iactat & manibus, pedibus, capite, totius-
que adeo trunci inquietatione satagit, ac plura quamuis nihil ad rem
pertinentia argumenta & testimonia vno Spiritu, numquam hesi-
tans, nunquam insistens effundit, *Nihil aque* (ait Seneca) *& Eloquen-
tiam & omne aliud studium auribus deditum vitiauit, quam popularis assen-
sio.* Itaque & Euripedes, scenicus Philosophus, cuius verba Cice-
ro totidem oracula putabat, cum LXXXV. Tragedias scripserit,
tamen non nisi in quinque solis vicis, cum eum populi sententia vin-
cerent Poëtæ aliquot ignauissimi vt auctor est Varro. Nam *Non
quisvis videt immodulata poemata Index.* Sed etiam in alia quauis arte, vel
studio non tam benè cum humanis rebus agit, vt meliora pluribus
placeant, adeoque argumentum pessimi, turba est, & rectè Cleanthes
sapientiæ ac virtutis studioso famam & existimationem popularem
nihil curandam esse docet.

*Ne spectes Famam, dum vis Sophos esse repente,
Terreat amentis nec te sententia vulgi.
Iudicium sapiens & iustum non habet unquam
Vulgus, & in paucis vix hoc reperire licebit.*

II.

*Hæretici ad
Scripturas &
ad populi iudi-
cium pronocant.*

Neque verò non maximi ponderis illud videri debet, quod omnes
Hæretici & Sacris literis se credere magna cum asseueratione conte-
stantur, & simul interpretationum suarum (quæ solæ controuersiam
faciunt, cum Catholici aliter, atque ipsi, Scripturas intelligant) popu-
lo seu Coronæ & auditorio iudicium deferre se profitentur. quod
quoniam Catholici saluo officio facere nequeunt (nam spiritum iudicij
sedenti supra iudicium promissum esse sciunt. Isai. 28. ei nempe, cui Chri-
stus & nomen suum tribuit, *Cephā* siue *Petrā* vocans, & ouium sua-
rum curam ac regimen commisit) nempe deteriorem iam ipsorum
conditionem

conditionem esse oportet, quasi qui vel causæ suæ videantur diffidere, vel exiguam Auditoribus intelligentiam opinione sua tribuere, quos disceptationis arbitros & cognitores reformidēt. Hæretici contra sollicitatis & ad beneuolentiam suam adiunctis auditorum animis propè cum explorata victoriæ spe in certamen descendunt. quomodo enim non faueant illis, quos ipsi & bonos viros & intelligentes existimare se declarant, cum eos in re sua magna arbitros capiunt? Amamus eos, ait Aristoteles 2. Rethor. 4. qui nos admirantur bonosque existimant. Itaque fit, vt Auditores cum à Catholicis reiecti Iudices esse nequeunt, ad Hæreticorum subsellia discessionem faciant ac Litigatores & Catholicorum aduersarij esse incipiant: vt omnino satius sit, Disputationem omnem subterfugere, quàm hoc siue causæ, siue Auditoris perdendi periculum adire. Si enim Auditorem, præsertim indoctum, grauissimæ causæ Iudicem constituas, periclitaris de causa, Phocylidæ illius oblitus:

Et beneuolentiam auditorum hoc modo sibi conciliant.

Catholicus disputator periclitatur aut de causa.

Μὴδὲ ποτὲ κριεῖν ἀδελφούς ἀνδρας ἐδούκας.

Τὴν σοφίαν σοφὸς ἰδύει, τέχνας δ' ὁμότεχνοι.

Iudicium numquam paulum permittite peritis.

Doctus doctrinam, atque opifex moderabitur artem.

Sin autem eius arbitrio & cognitioni committere te recuses, periclitaris de ipso, atque adeò de omnibus ijs, apud quos aliqua verbis eius fides est, cum te nempe disputando victum fuisse, neque aduersarij argumenta refellere potuisse, vel quod propter infirmitatem ita sentiat, vel quod sui contemptum vlcisci velit, passim testabitur. Nam in Hæresion & Sectarum incremento perspicuè id vsu venire parer, quod de causa errorum, qui vitam humanam infestam habent, sapienter Seneca disputat: Nulla (inquit) res nos maioribus malis implicat, quàm quod ad rumorem componimur, optima ratio, quæ magno assensu recepta sunt: nec ad rationem, sed ad similitudinem viuimus. Inde ista tanta coaceruatio aliorum supra alios ruentium. quod in strage hominum magna euenit, cum ipse se populus premit, nemo ita cadit, vt non alium in se attrahat: primi exitio sequentibus sunt: hoc in omni vita accidere videas licet. nemo sibi tantum errat, sed alij erroris causa & auctor est. nocet enim applicari antecedentibus, & dum vnusquisque mauult credere, quàm iudicare, nunquam de vita iudicatur, semper creditur. Versat

Aut de auditoris re & de ijs, quibus auditori credunt.

In Hæresion alius alium trahit.

nqs

nos & præcipitat traditus per manus error, alienisque perimus exemplis. *Hæc Seneca.*

CAPVT LXXXVII.

III.

Hæretici blandiuntur hominum vitis & affectibus.

SED etiam hoc Hæreticis Auditorum benevolentiam conciliare solet, quod ferè non nisi ea doceant, & diuinarum literarum testimonio confirmare satagant, quæ vitij auditorum & affectibus blandiri, adeoque ad aures eorum grata & iucunda accidere oportere sciunt: quemadmodum Paulus Rom. 16. eos ait *per dulces sermones seducere corda innocentium*: & 2. Tim. 3. eos penetrare domos & captiuas ducere mulierculas oneratas peccatis, quæ ducuntur variis desideriis: & 2. Tim. 4. eos vocat *Magistros ad hominum desideria*: de quibus etiam 2. Petri 2. legimus, ab ijs pellici in desideriis carnis luxuria eos, qui paululum effugiunt, cum sibi libertatem à lege siue licentiam promitti audiant. Quare vix fieri potest, cum ad disputandum adulescentes eiusmodi admittuntur, quin voluptatum illecebris deliniti auditores plus neruorum in illa parte esse putent & Catholicæ fidei tandem nuncium remittant. Nam, vt ait Poëta, *Prona venit cupidus in sua vota fides*, hoc est, quod quisque cupit & verum esse desiderat, ei non magno negotio, vt id verum esse credat, persuaderi potest. Itaque exigui laboris res fuit Lutheranis persuadere, non esse ieiunandum, non faciendam apud Sacerdotem peccatorum exomologesin, non esse sacrilegium Ecclesias & Monasteria compilare, & fructus eorum annuos in fiscum redigere: quemadmodum etiam Martinus Bucerus lib. 1. de regno Christi cap. 4. Sine circuitione plerisque non aliam Lutheranismi amplectendi causam fuisse sic testatur: *Maxima nostrorum pars visa est id tantum ex Evangelio petijisse, vt iugum qualiscumque disciplinæ, pœnitentiæ & religionis vniuersæ, quæ in Papatu reliqua fuit, abijcerent*. Tum non ingratis ijs fuit audire, iustificari nos fide, non bonis operibus, quorum nullo tenebantur studio. Nec pauci eorum qualemcumque Euangelij prædicationem eò tantum receperunt, vt in opes inuaderent Ecclesiasticas. *Quin etiam Lutherus ipse non minus ingenue id confitetur eo loco, quem supra cap. X. laudauimus. Nos, inquit, volumus nos huiusmodi rebus Euangelicos probare, quod sub vtraque specie communicamus, imagines dei ieiicimus, carnes voramus, nihil ieiunamus, nihil oramus, & similibus. Sed fidem & charitatem nemo vult tenere, quæ tamen sola sunt necessaria. Estque hæc Diaboli fascinatio, qui tali modo illuc ducet homines, vt à Papa deficient,*

Lutheri doctrina apud septentrionales valde plausibilis.

Quare plerique ex Papistis Lutherani facti.

Lutherus suos discipulos à Diabolo Soluptate fascinosos dicit.

deficiant, nec tamen ad Christum perueniant.] *Et Caluinus, de quo supra capite primo, Vix, inquit, decimus quisque est, qui alio fine Euangelio nomen dederit, quàm vt solutiùs in omnem lasciuia diffunderet.* Et Smidlinus supra capite XI. Simul ac, inquit, audiuius, Papistarum more ieiunare nec opus bonum esse, nec Deo placere, statim nos, hoc est, MAIOR PARS Ieiunij loco conuiuia sumptuosa & compotationes instituimus.

Verumtamen haud scio an vel in sola doctrinae suae nouitate non habeant maximam Hæretici ad Auditores sibi conciliandos illecebram. Nam noua eos afferre S. Iohannes epist. 2. testatur, cum seductores ex Ecclesia in mundum exeuntes negat ambulare in eo, quod audierunt ab initio, sed recedere aliamque doctrinam afferre: quod etiam ex Paulo 1. Tim. 6. discimus, vbi iubet: *Depositum custodire ac deuotare profanas vocum NOVITATES & oppositiones falsi nominis scientiae.* id est, in eo permanere, quod ab initio fuit auditum, neque committere, vt Hæreticus disputare nouamque doctrinam suam oppositionibus siue argumentis tueri possit. Rationem præcepti huius edit Lutherus loco, quem supra cap. LXX. citavi: Non ludus (inquit) aut leuis tentatio est, auocari Nouis & alienis cogitationibus à verbo. Arius cum spargeret venenum suum in mundum, magno applausu acceptus est, quia afferebat aliquid NOVI, hætenus non auditum in mundo. Talia ferè initia OMNIUM Hæresion fuerunt: obuijs vlnis accipit eos Mundus, & sic admiratus est, ac si priores Doctores non fuissent pueri.] Idem verò ex Aristotelis X. Ethic. IV. discere poteramus, quo loco res nouas propterea maiorem docet afferre Voluptatem, quàm obsoletas & vsitatas, quia acrior sit actio & intentio in res nouas, quàm in vsitatas. *Primum enim innititur (inquit) & allicitur animi Cogitatio, & in res ipsas tota intenditur, vt aciem oculorum intendunt, ij omnes, qui res considerant: posterius verò actio eiusmodi non consequitur, sed multo remissior: propter quod omnis etiam Voluptas obscuratur.* Ibi nempe maior est Voluptas, vbi maior actio, cum actionum telus seu perfectio (velut ibidem docet Philosophus) sit Voluptas, quæ actionem omnem perficit & absoluit. Sapientissimè igitur Legislatores faciunt, qui Leges & instituta reipub. in disputationem adduci vetant, eaque æterna siue immota esse volunt. *Non omnium (ait Iulianus Iurisc. L. XX. D. de Leg.) quæ à maioribus constituta sunt, ratio reddi potest. Et ideo (additur ex Neratio) rationes eorum, quæ constituuntur, inquire (per disputationes) non oportet: alioquin multa ex ijs, quæ certa sunt, subuertentur.* Vbi

Oo

enim

*Vix, decimus
Protestantium
est, qui non
Voluptatis causa
ab Ecclesia de-
fecerit.*

IV.

*Hæretici nouas
opiniones tuen-
tur.*

*Nouitas apud
populum valde
plausibilis.*

*Omnes Hæreses
propter nouita-
tem receptæ.*

*Quæ res no-
uæ sint incun-
da.*

*Leges & insti-
tuta Reipub. in
disputationem
vocari non de-
bent.*

enim semel hoc sibi sumserint Ciues, vt institutorū Patriæ legumq; rationes ad examen vocent, si quàm fortè legem minùs vtilem esse, aliudque aliquid maiori cū ratione & reip. emolumento cōstitui posse compererint, nempe vel antiquari & abrogari legem volēt, vel minùs promptu ac volenti animo ei obtemperabunt. At enim, vt ait Euripides.

— τὸ συνεχὸν ἀνθρώπων πόλεις
Τὴν ἐσθ' ὅταν τις τὸς νόμους σὺν καλῶς.
— saluas hoc præstat Respublicas.
Cum quisque rectè obtemperarit Legibus.

*Alioquin fient
subditi inobediētes.*

Non omnes populi possunt habere optimam Remp. & optimas leges.

Multò melior est Obedientia, testante Salomone Eccl. 4. quàm stultorum vilitas, qui nesciunt quid faciant mali, siue non intelligunt, quantum reip. noceat, Legibus & institutis Patriæ optima fide ac volentibus animis non parere. Non parebit autem, ita vt reipub. incolumitas postulat, qui Leges esse vitiosas putat. Omnes enim ei parent, quod vtile est. siue quod reip. statum conseruat vt Aristoteles ait 1. Rhetor. 8. sed neque is parer, qui se prudentia & rerum vtilium dispectu Legum latori aut custodi, hoc est, Magistratui præcellere persuasum habet. nam quem quis contemnit, ei parere indignum putat, cū ipsa naturæ ei, qui mente & consilio præstat, imperium despondeat, velut Prou. 11. scriptum est: Qui stultus est, seruiet sapienti. Et Prouerb. 17. Seruus sapiens cominabitur filiis stultis. Itaque vt salua sit reipub. illud quisque iam inde à puero fixum animo habere debet, Leges patriæ non nisi sapientissimè ac diuinitus planè descriptas esse, aut certè pro rebus subiectis proque præsentī copia & rerum circumstantium siue attributorum ratione meliùs describi non potuisse. Vt enim initio libri IV. Polit. docet Aristoteles, non datur omnibus Rempub. simpliciter optimam consequi, satisque magnum Legislator ac Politicus prudentiæ suæ dat documentum, cū eam instituit Politiam, qua meliorem pro copijs præsentibus describere non licet. Facit autem hæc persuasio, vt Ciues sedulò ac libenter Legibus ac Magistratibus pareant, neque noui aliquid cōminisci & in reipub. inducere velint.

— οἱ γὰρ ἥσσονες
Τοῖς κρείσσοσι φιλεῖ δαλέειν βροτῶν.
— inferior nam quisquis est,
Seruire non recusat, se melioribus.

Atque

Atque huc pertinet insignis illa de boni Magistratibus bonique Ciuis virtute & officio Aristotelis disputatio I I I. Polit. I I I. qua ceteras quidem virtutes, vt fortitudinem, iustitiam, temperantiam, earumque partes ijs, qui parent, & imperant, communes esse docet: Prudentiam verò imperantis seu Magistratus propriam, cum in eo, qui paret, siue in subdito, non tam prudentia requiratur, quam bona opinio, vt de Magistratu scilicet, eiusque iussis atque legibus benè existimet, eaque opinione ductus in leges non inquirat, sed promptè atque alacriter eis obtemperet. Eodem modo Sacre literæ nos docent, cum in ciuitate Dei nostri, siue, in Ecclesia alia Magistratus & subditi, siue Pastores & Oues communia habeant, propriam tamen Pastorum virtutem esse scientiam & doctrinam siue Legis interpretationem (Ierem. 3. *Introducā vos in Sion Ciuitatem solemnitatis meæ*, Isai. 30. *& dabo vobis Pastores iuxta Cor meum, ipsi pascent vos scientia & doctrina*. Malach. 2. *Labia Sacerdotum custodient scientiam & Legem requirent ex ore eius*.) Ouium verò propriam esse Charitatem, omnia credentem, omnia sustinentem, non cogitantem malum, hoc est, bene de ceteris, præcipuè Pastoribus eorumque iussis existimantem, 1. Corinth. 13. siue Humilitatem & Obedientiam. Hebr. 13. *Obedite Præpositis vestris & subiaceite eis*. 1. Thess. 5. *Habete pacem cum ijs, qui præsunt vobis in Domino & laborant inter vos*, id est, non contradicite Episcopis. 1. Corinth. 16. *Subditi sitis omni laboranti*, in verbo nempe & doctrina, velut 1. Tim. 5. de Presbyteris qui præsunt, siue de Episcopis loquitur. Iam verò qui subditus esse debet, ei non permittitur in Ecclesiis loqui, siue palàm inquirere & disputare, quemadmodum hæc Pauli de mulieribus verba 1. Cor. 14. significant: *Mulieres in Ecclesiis taceant. non enim permittitur eis loqui, sed subditas esse*, hoc est, vt 1. Tim. 2. interpretatur, *discere cum omni subiectione*.

Prudentia Magistratus propria.
Subditorum propria virtus bona opinio.

Charitas Ouium Christi propria.

Subditorum non est disputare.

CAPVT LXXXVIII.

QVANTUM porrò ad mutandam & euertendam Rempubl. momenti habeant nouæ inuentiones, multò autem magis veterum legum abrogationes, ex eiusdem Aristotelis II. Polit. VI. discere licet. Ibi enim institutum illud in Hippodami republ. quod ijs, qui aliquid reipublicæ vtile excogitassent, præmium decernebat,

Nouæ inuentiones & mutationes legum, quæ in reip. nocent.

O o 2

hoc

hoc potissimum nomine reprehendit, quod id nouarum legum & institutorum tamquam reipub. vtilium inuentioni quasi fenestram aperiat: quam quidem ille rem, quamuis plausibilem ac speciosam, in primis periculosam multæque adeo cautionis esse docet. Si enim præmio afficiatur, qui legem quampiam veterem reipub. minùs vtilem esse docet, ac nouam à se excogitatam proponit, alterutrum consequatur necesse est, vt qui reipub. præfunt vel legem veterem noua commutent, vel id, quod magis ex vfu reipub. futurum fatentur, negligant. At hoc posterius calumniandi generat materiam, mouetque imperitioribus suspicionem, magistratus aut emolumento suo studere, qui nouum institutum veteri vtilius repudient, aut quid ex vfu publico sit, minùs perspicere. Sin autem & Leges veteres abrogent, ac modò inuentas accipiant & promulgent, multò adhuc peius reipub. consulunt. *Lex enim* (ait Philosophus) *nullam, quæ ad parendum impellat, vim habet, præterquam ab vfu. Hic autem non nisi ex temporis longinquitate, annorumque multitudine nascitur. Itaque à legibus receptis & vstitis* (nisi perspicuè stolidis ac barbaris) *ad alias ac nouas leges faciliè migrare, est legis vim ac potestatem reddere infirmam. Assuecunt enim Ciuibus non parere: quod multò plus Reipub. nocet, quàm legem aliquam, nisi magna & euidenti vtilitate suadente, mutasse prosit, vt omnino quadam Legum ac Magistratum vitia potius ferenda & dissimulanda videantur, quàm Ciuibus legum mutationi & inobedientiæ assuefiant. Itaque rectè Cleo ille Thucydides Athenienses suos obiurgans: illud, inquit, omnium est grauissimum, nihil apud nos eorum, quæ semel decreta sunt, firmum manere, cum præsertim scire debeatis, melius agi cum ea ciuitate, quæ legibus, deterioribus illis quidem, sed firmis & immutabilibus utatur, quàm quæ melioribus & irritis.]* Legem enim multorum annorum vfu & experiendo comprobata abrogare, hoc est, vnā tollendo legem reliquas infirmare, velut Cato ille Censorius apud Liliū disputat.

*Vitia quadam
Legum ac Ma-
gistratum dis-
simulanda.*

*In Rep Dei si-
ue Ecclesia no-
uitatibus locum
non dandus.*

*Hæretici mouēt
terminos anti-
quos.*

Atque ex his nemo non perspicit, quanto maioris periculi res sit, aliquit in Lege Dei, siue religione immutare, aut permissis Disputationibus mutandi & nouandi cupidis ansam præbere. Itaque præcipit Salomo Prou. 22. *Ne transgrediaris terminos antiquos, quos posuerunt patres tui.* quibus verbis significat, vetera instituta debere esse *inimota* siue immota, veluti terminos & agrorum limites, quos transgredi, seu transferre & mouere nefas est. Deuter. 27. *Maledictus, qui transfert terminos antiquos.* Ac propterea Hæretici, qui religionem nouant eaque discipulos suos imbuunt, Iob. 24. Sic describuntur: *Terminos transulerunt, diripuerunt*

puerunt greges & pauperunt eos. Tamquam dicat : ex quo semel nouas fabulas commenti sunt, eisq; populus aures accommodauit, multos ad se doctrinæ nouitate pellexerunt. Hoc veritas Paulus illud imprimis Episcopo cauendum monet, ne quam Hæreticis noua sua somnia per Disputationes tuendi ac porro propagandi occasionem præbeat, neu subditos suos Hæreticorum rationes & argumenta cognoscere patiatur 1. Tim. 1. *Ideo te Ephesi. Episcopum manere volui, ut denunciare quibusdam, ne aliter doceant, neq; intendant fabulis & vaniloquijs eorum, qui volunt esse legis doctores.* id est, ne ad aures admittant argumenta eorum, qui ex scripturis docere ac probare volunt Legem Moysis cerimonialem adhuc obseruandam esse. 1. Tim. 6. *Hæc doce & exhortare tu qui es Episcopus. Si quis aliter docet, superbus est, nihil sciens, sed languens circa pugnas verborum, ex quibus oriuntur contentiones. Tu autem hæc fuge, & deuota oppositiones falsi nominis scientiæ, siue argumenta eius, qui cum nihil sciat, scientiæ tamen opinione sese veditat.* Tim. 3. *Contentiones & pugnas legis (siue Disputationes de obseruatione legis Mosaicæ) deuota. Sunt enim inutiles & vane. Hæreticum hominem post vnam & secundam (non disputationem, sed obiurgationem siue) correptionem deuota, sciens, quia subuersus est &c.* Tit. 1. *Sunt multi inobedientes, vaniloqui & seductores, quos ab Episcopo oportet redargui. Ceteros increpa dure, ut non intendant istorum seductorum fabulis.* id est, ne velint audire quibus isti argumentis suam nouam sententiam ab Episcopo reprehensam probent : immò neque *Aue eis dicant, (Ioh. epist. 2.)* hoc est, neq; minimum vllius humanitatis signum eis exhibeant. Quo minus autem Lutherani de vero Apostolicorum istorum verborum sensu dubitare possint, in medium nunc afferam, quæ Lutherus *Enarrat. Psal. 45. Tomo 3. Lat. Wilt. fol. 497.* in hanc eandem sententiam scribit: Prima, inquit, hæc Theologi cura sit, ut sit bonus Textualis, & teneat hoc principum primum in sacris rebus non esse disputandum aut philosophandum &c. Et eodem Tomo comment. *Psal. 82. fol. 546.* Si qui volunt docere contra manifestū articulū fidei, qui clarè esset in Scripturis fundatus & in tota Ecclesia Christi receptus, hi non sunt ferendi, sed ut blasphemii in Deum puniendi. Neq; is, in quem animaduertitur, cogitur ad fidem, cum liberum ei sit, credere hoc vel illud, quod ipsi libet, sed prohibetur & opprimitur impia doctrina, qua ille sic sub nomine, & in cætu existens Christiano, contra Deum & doctrinam Christianam blasphemat, in summam perniciem Christianæ religionis. Eat aliàs

O o 3 quouis

Eis ergò disputandi occasio dari non debet.

Lutherus docet cum Hæreticis non esse disputandum.

Sed eos potius puniendos velut blasphemos

*per hereticos dam-
nandos esse cri-
minatos.*

*Quare Hæretico
vnum argumen-
ta Luther, audi-
vi noli.*

*Lutherus hanc
suam sententiā
dicit esse neces-
sariam.*

quouis gentium, vbi non sunt Christiani, atq; vbi effundat suam sapi-
entiam. Nam, vt sæpè dixi, qui in aliqua ciuitate viuere vult, is iu-
ri alligatus est municipali, neq; ferendus est, si contra illud agat aut
loquatur. Sic legimus, quod Patres in Concilio Nicæno, cum
Arianorum audirent dogma recitari, protinùs hoc explodendum &
supprimendum sine vlla COGNITIONE duxerunt, & absq; vlla
DISPUTATIONE protinùs damnauerunt, tamquam manifestam
blasphemiam. Moses etiam in Lege tales blasphemos præcipit lapi-
dari. Sic etiam ibi non diu disputandū, sed indicta causa & INAVDI-
TI damnandi sunt, sicut palam blasphemus: quemadmodum Paulus
Tit. 3. scribit: *Hæreticum hominem post vnam aut alteram admonitionem
deuita.* Et 1. Tim. 6. prohibet *logomachias & inanes contentiones, quæ
tantum sunt ad subuersionem audientium.* Nam tales generales articuli,
recepti in tota Ecclesia, satis audiri sunt, satis excussi, approbati,
satis firmati per scripturam, per virtutes & miracula, per sangui-
nem Martyrum, per scripta & confessionem totius Ecclesiæ: nec
vllō modo ferendus est vllus Sapientulus, qui illos reuocare, velit
in dubium: quemadmodum nec ferendi sunt fures, latrones & adul-
teri. Hic forsā mihi obijciat aliquis, me hac exhortatione Tiran-
nis subdere calcar ad sc̃uendum atrocius, cum nostrū Euangeliū pro
Hæresi & blasphemia habeant. Nam eo prætextu illi nunc videntur,
scilicet conscientia se & officio cogi ad animaduertendum in nos
quoq; vt blasphemus. Respondeo: quid tum postea? Si necessariæ ex-
hortationes omittendæ essent propter Tyrannos, qui abutuntur, tunc
iam olim omittēda fuisset tota nostra doctrina] *Hæc Lutherus.*

CAPVT LXXXIX.

*Quomodo ex
Disputationib;
generetur lites.*

Atq; hoc modo satis explanatū est, quomodi Disputationes cum
Hæreticis multum ad impietate proficiant & Hæresion increme-
tum adiuent, quam priorem esse causam dixi, cur Apostolus eius-
modi Disputationib; auditores tantum subuerti, non etiam ædificari
affirmit: nunc videamus, quid argumenti habeat posterior illa eius-
dem Apostoli ratio, qua lites & contentiones indidem generari mo-
net. 2. Tim. 2. *Stultas & sine disciplina questiones deuita, sciens qui gene-
rant lites. Seruum autem Domini non oportet litigare, sed mansuetum esse
ad omnes, docibilem, patientem, cum modestia corripientem eos, qui re-
sistunt: si quando Deus det illis penitentiam ad cognoscendam veritatem &
resipiscant*

respiciant à Diaboli laqueis, à quo captiui tenentur ad ipsius voluntatem]

Nimirum ægrè cauere posse significat, quin excandescat, mansuetudinis ac modestiæ obliuiscatur, ac velut Aristoteles loquitur, *Δυσκολαίνειν* siue in Dyscolian concitari necesse habeat, qui cum

*Disputans cum
Hæreticis inci-
dit in Dyscolia.*

Hæretico verbis velitatur siue disputat. Est autem *Dyscolia*, Disputatoris siue collocutoris incommoditas ac difficultas, propter quam fit, vt difficile odioque plenum sit cum ipso disputare sicut *Dyscolos* heros siue dominos S. Petrus vocat, difficiles, morosos ac molestos, quibus quantacumq; sua sedulitate numquam satis facere serui possunt, quin sæuiant, litigent, aut vultus saltem tristitia terrorem præferant: quibus heri *boni ac modesti* contrario nomine ab eodem Apostolo opponuntur 1. Petri 2. Causa porro *Dyscolias* in disputando sæpe est ipse Disputator, si uel natura sit morosior & iræ paratoris (de quo Prou. 29. *Vir iracundus prouocat rixas.* Et Prou. 18. *Spiritus ad irascendum facilem quis sustinebit?*) vel artificium differendi non satis didicerit, adeoque nesciat, quomodo aduersarij

*Prima causa
Dyscolias, ipse
Disputator.*

συμπέρασμα seu conclusio aut impediri & excludi, aut iam perfecta dissolui, aut κατ' ἀντιπρὶχέισιν, cōtraria argumētatione infirmari debeat. Nam in *Dialecticis* exercitati sæpe ἐμπόδις, impedimenta quædam aduersario obijciunt, ne quo tendit, ad conclusionem puta, adspirare possit cuiusmodi sunt ἐν δόξῃς πρὸς τῶν ἐρωτῶν. τα, ἢ πρὸς τὰ ἐρωτημένα, ἢ πρὸς τὸν χρόνον, velut octauo Topicorum Philosophus docet, cum vel contra aduersarium, vel contra ipsam rem seu materiam propositam vel contra tempus exceptionē atq; instantiam, vt ita dicam, afferunt, vt probabiles, cur porro disputare nolint, causas habere videantur. Sin autē aduersarij disputationē excludere & impedire ipsis nō libeat, causa erroris in aliquo pronūciatorū propositorū, siue in maiore aut minore ppositione demonstrata argumētationē dissoluūt. Quod si ne hoc quidē possint, immutatis disputationis partibus, ipsi argumētantur, & ex respondentibus contradictores aut oppositores euadūt. Qui vero nihil horū faciat, & neq; aduersarij argumētū dissoluat, neq; causam, quo minus respondeat, probabilē afferat, ac nihilominus in sententia perseueret, eum recusare haud oportet, quin merito perhibeatur *Dyscolus*, refractari⁹, odiosus, incommodus nec vllō modo ferendus: cū præsertim vix fieri posse videatur, quin homo eiusmodi, ob impeditam, immo præreptam sententiæ suæ defensionē, etiam verbis stomachū prodat. Irascuntur enim (ait Aristoteles 11 Rhet. 11.) *quicūq; impedimētū habet, siue, quib⁹ quis obstat, in ijs præsertim, quæ vehemēter concupiscunt,*

*I.
Quomodo Ad-
uersarij impe-
diendus, ne con-
clusionem infir-
mat.*

II.

III.

*Irascuntur quo-
rum conclusio
impeditur.*

ut

*Iraſcuntur, qui
vehementer ali-
quid cupiunt.*

*Diſputans ve-
hementer cupit
vincere.*

ut ſi quis ſitiens bibere vetetur. Sed etiam vehemēs cupiditas nō impedita, irritabiles reddit. vetus dictū eſt, à laſſo rixā quæri: aquē autem (ait ſeneca) & ab eſuriēte, & à ſitiente & ab homine, quem aliqua res vrit. nam ut ulcera ad leuem tactum, deinde etiam ad ſuſpicionem tactus condolēſcunt: ita animus affectus minimis offenditur, adeò ut quosdam ſalutatio & interrogatio ad litem euocet. Cum ergò & Diſputare propter ſpem Victoriæ, & Vincere propter Phantaſiam & opinionē excellentiæ voluptatem habeat (velut ſupra ex Ariſtotele monui) cumq; hanc præſtantiæ opinionem pleriq; omnes, qui diſputant, vehementer concupiſcant: moleſtiſſimum accidat oportet, ſi quis ſuo voto ac fine, ſuæ præſertim imperitiæ culpa excidere fruſtrariq; ſe intelligat. ut eum non commoueri vehementius, & iram verbis promptam gerere (niſi languidiſſimis inertisq; ſit ingenij cuiusmodi hominibus fruſtratio & repulſa tritiſſiam potiùs quam Iram parere ſolet) permirum videri debeat.

CAPVT XC.

*Altera Dyſco-
lia cauſa ipſa
res de qua di-
ſputatur.*

*Materia ſeu
Quæſtio ſtulta
eſt: Vbi ſcriptū
eſt?
Quare quæſtio
eiſmodi ſit
ſtulta?*

*S*æpè verò ipſa Diſputationes materia Dyſcolix cauſam præbet, quia ſcilicet ſit, ut Apoſtolus ſignificat, vel ſtulta & nimis abſurda, vel ſine diſciplina. Stulta quæſtio fuit Impoſtorū ſeu ſeducutorum illorū qui diem Domini inſtare Theſſalonicenſibus perſuadere conabantur: à quibus cum reſponſum eſſet, eò ſeſe id credere non poſſe, quod à Paulo didiciſſent, Antichriſtum reuelari prius oportere, ipſi ſtatim: *Vbi hoc ſcriptum eſt in epiſtola Pauli?* Hanc quæſtionem ſtolidam & abſurdam eſſe palam eſt. nam ne hoc quidem in epiſtola Pauli ſcriptum exſtabat, nihil eos, niſi quod in ea ſcriptum eſſet, credere debere: & verò ſi non niſi quæ ſcripſerat Paulus, credere eos oportebat, ne illa quidem, quæ primum omnium viua voce ipſis de Chriſto prædica- uit, credere debuerunt. Itaq; vel Impoſtores ipſi multiplicem hu- iuſce quæſtionis abſurditatem perſpicientes cum neſcio quas pro- phetias & Spirituum reuelationes, tum epiſtolam Pauli nomine præ- ſcriptam, quæ ſtultitiæ ipſorum patrocinaſſetur, conſinxerunt: quam mox Paulus à Theſſalonicenſib⁹ conſultus ſuam eſſe negauit, utq; ſen- tentiam illam, quæ negebat credendum, niſi quod ſcriptum foret, etiam atq; etiam fugerent, eos monuit. 2. Theſſ. 2. *Rogamus, ne ter- reamini neq; per Spiritum (id eſt, per commentitias prophetias quaſi ab angelo reuelatas) neq; per ſermonem, neq; per epiſtolam, tamquam per nos, quaſi inſtet dies Domini ne quis vos ſeducat villo modo, quoniam niſi reuelatus prius*

prius fuerit Antichristus, non venit dies Domini. Non retinetis, quod cum essem vobiscum, hac dicebam vobis? Itaq, state & tenete traditiones, quas didicistis siue per sermonem, siue per epistolam nostram. id est, existimate tam esse credendum, quod viua voce docui, quam quod scripsi. Similis planè fuit Phariseorum illorum stulticia Iohan.

7. qui Nicodemo dicebant: Scrutare scripturas, & vide, quia à Phariseorū stulticia Galilæa propheta non surgit. quasi dicerent: Vbi scriptum est in Galilæa surrecturum propheta? nusquam profecto. Itaque Iesus iste, qui in Galilæa ad docendum surrexit, propheta non est. Huic stultæ & absurde quæstioni si quid respondere Nicodemus voluisset, non sanè locum illum Isai. 9. adducere debuit: Aggravata est via maris trans Iordanem Galilææ. Populus, qui ambulabat in tenebris, vidit lucem magnam.

Nam quamuis de Christo loquatur (id quod nos Spiritus sanctus Matth. 4. docuit) non tamen erat, si quis refragari vellet, quo euidenter conuinci posset. quare nullum aliud Nicodemo reliquum erat argumentum, quo Iesum, quamuis Galilæum, Dei prophetam esse euidenter ac perspicuè vinceret, quam illud ipsum, quo prius Ioh. 3. apud Christum vltus fuerat: Scimus, quia à Deo venisti Doctor, nemo enim potest hac signa facere, quæ tu facis, nisi fuerit Deus cum eo.] Legerat quippe Psalmum CIV. in quo Miracula viribus humanis ac naturæ maiora verba signorum Dei appellantur, quo docemur etiam signa siue Miracula pro Verbo Dei rectè haberi quod Deus non minus, immo plus miraculis, quam verbis ad testimonium veritatis ac diuinitatis vti soleat. Cum Scripturæ verba audio, tamen si cauerissima esse credo, tamen vtrum rectè satis intelligam, incertò scio: sed cum verba signorum Dei, non Scripturæ, video prors⁹ nullū vel minimæ dubitationi locū relinquo. Similem esse Anabaptistarum stultitiam, cum quærent, Vbi scriptum est, quod infantes baptizari debeant? Lutherus fatetur, neque eis vllum Scripturæ locū, quo euidenter conuincantur, opponi posse affirmat, sed sicut Nicodemus argumentatur: Scimus, quia baptismus paruulorum à Deo venit. nihil enim tam diu durare & per vniuersam Christianitatem concorditer seruari potest, nisi Dei virtute id fiat. Vbi autem Dei opus videmus, non min⁹, sed æquè cedere ac credere tenemur, quam vbi verbum eius audimus. Hunc porro Lutheri locum supra cap. 76. cum de Perseuerantia seu Constantia verba facerem, integrum posui. Veram autem maximeq; efficacem hanc esse rationem, quæstioni illi stolidissimæ, Vbi

Nicodemus non
scripturis sed
miraculis credi
dit.

Lutherus Pado-
baptismum non
propter scrip-
turas, sed propter
miraculū cre-
dit.

P p scriptum

*Sepe non scrip-
tura scrutanda,
sed opus Domi-
ni videndū est.*

*Character Ec-
clesia, ex quo e-
am Ethnici &
Hæretici cogno-
scant.*

*Catholici Sacer-
dotes quo argu-
mento Gentiles
conuertant.*

*Hæretici sunt
vicini Ecclesia.*

*Neq; Gentilib;
neq; Hæreticis
citanda sunt
scriptura.*

scriptum est? respondendi, ipse nos Deus tam in nouo, quam in vete-
ri Testamento docuit. Psal. 45. *Vacate venite & videte* (non Scrip-
turam, quam intelligere non potestis, cum sitis animales & carnales
1. Cor. 3. sed) *OPERA Domini, quæ posuit prodigia super terram, auge-*
rens bella usq; ad finem terra, hoc est (velut infra pluribus docebo)
videte prodigiosam Ecclesiæ Romanæ felicitatem, quod eam ab om-
nium Tyrannorum vexatione eripuerim, & in altissima pace collo-
carim : quod quoniam humanis viribus fieri nequaquam potuisse
sponte vestra intelligitis, agnoscite ac fatemini, quod digitus
Dei sit hic, quod hæc sit vera Ecclesia. Vbi enim *OPVS Dei vi-*
detis, tam tenemini cedere & credere, quam vbi *VERBUM Dei*
auditis Isai. 33. *Audite, qui longè estis, quæ fecerim : & cognoscite vicini-*
fortitudinem meam. Respiciite Sion civitatem solennitatis nostræ : oculi ve-
stri videbunt Ierusalem habitationem opulentam, tabernaculum quod ne-
quaquam transferri poterit.] Ethnici siue Infideles longè sunt.
Act. 2. *Vobis Iudeis facta est repromissio & omnibus qui longè sunt.*
quoscumque adiucaverit Dominus. Isai. 60. Me insule expectant, & na-
ues maris, ut adducant filios tuos (o Ecclesia) de longè : argentum eorum
& aurum eorum cum eis. Isai. 66. Assumam ex eis in sacerdotes & Levitas,
& mittam ad gentes in mare, in Africam & Lydiam, in Italiam & Græci-
am ad Insulas Longè, ad eos qui non audierunt de me & non viderunt
gloriam meam. Et annuntiabunt gloriam meam gentibus, siue, dicent gen-
tibus: Audite, qui longè estis, quæ fecerit Dominus. Venite & videte
OPVS Domini, nempe prodigiosam Ecclesiæ Romanæ conseruati-
onem. Et adducent omnes fratres vestros de cunctis gentibus donum Domino ad
montem sanctum meum Ierusalem, siue ad Ecclesiam Catholicam eos con-
uertent, non citando eis Biblia (quæ neq; unquam nominari audiue-
runt neq; intelligunt, nedū vt ijs credant) sed annuntiando eis gloriam me-
am, siue Ecclesiam meam, de qua gloriosa dicta sunt, Psal. 86. in qua glo-
ria mea videbitur, Isai. 60, 2. & quidem oculo ad oculum, Isai. 52, 8. Vi-
cini, sunt Hæretici, qui oppugnant montem Sion, qui in ore suo appropinquans
cor autem eorum longè est à Deo, quorum Principes & propheta vident vis-
iones, siue, legūt quidē Biblia, sed sunt operti clausosque habēt oculos,
id est, quæ legunt, non intelligunt. Hæc enim omnia Isai. 29. nom-
de gentilibus, neq; ex toto de incredulis Iudeis, sed de Hæreticis acci-
pi possunt. Vult ergo Deus Isai. 33. vt tam Hæreticis vicinis, quàm
Gentilibus longinquis non Verbum Dei, sed opus Dei ostendatur. nam
Gentiles nihil de verbo Dei sciunt, Hæretici, quamuis verbū Dei vi-
deant.

Deant propter admirabilem tamen stuporem non intelligunt. Sed opus Dei eiusmodi est, ut ab omnibus clarè conspici possit, nempe Sion siue Ecclesia, tam opulenta, tamque diu conseruata, ut numquam vlla persecutione deleri potuerit, ita ut ipsi quoque Gentiles fateri cogantur: *Magnificauit Dominus facere cum eis*, Psal. 126. *A Domino factum est istud, & est mirabile in oculis nostris*, Psal. 117. Sed non minùs in nouo Testamento docemur, stultis illis, qui, *ubi scriptum est*, quærun, rectissimè non tam verbum quàm opus diuinum proponi. Nam etiam Christus Iudæis, qui, ut iam dixi, quære solebant: *ubi scriptum est, quod propheta surgat à Galilæa?* numquam Scripturam citauit (nullum enim locum exstare sciebat, quo id euidenter probari posset) sed longè firmitus argumentum, opus nempe siue testimonium diuinum exhibuit. Ioh. 10. *Si non facio OPERA Patris mei, nolite credere mihi. Si autem facio, operibus credite. Nam opera, quæ ego facio in nomine Patris mei, hæc testimonium perhibent de me.* quasi diceret: Nisi opera diuina, quæ facio, vestris ipsimet oculis vidissetis, meritò me velut Galilæum pro Propheta non haberetis, cum à Galilæa Prophetam surgere nullo scripturæ loco euidenter probare quæram, meque Principes vestri, qui sedent in Cathedra Moïsis, quos audire tenemini, pro Propheta haberi verent. Sed nunc cum testimonio diuino uti me videatis, plus certè Deo, quam Principibus credere debebatis. Ioh. 15. *Si opera non fecissem in eis, quæ nemo alius fecit, peccatum non haberent.*] Fuit hoc igitur prorsus inexcusabile Iudæorū peccatum, quod cum ante oculos haberent euidentissimum Dei testimonium, ei non crediderint, sed adhuc, *ubi scriptum est*, quærendum putarint. Si enim ei, quod multò erat firmitus & efficacius, fidem adiungere noluerunt, quis eos illi, quod minus magnas ad conuincendum vires haberet, quicquam credituros fuisse censeat? Firmius autem erat Opus Dei, quàm vllus quantumuis clarus Scripturæ locus: nam verbum Dei ab opère, ut credatur, firmamentum accipit, velut Marci 16. scriptum est: *Illi predicauerunt ubique Domino COOPERANTE & sermonem CONFIRMANTE. sequentibus signis.* Similiter igitur rectè Lutherus Anabaptistarum pertinaciam prorsus ferendam esse negat, qui cum Deum parvulorum Baptismo tam diuturna ac prodigiola eius conseruatione testimonium præbere videant, adhuc nihilominus, *ubi scriptum sit*, quærerere animum inducant. quid ni autem ipse idem Lutherus cum suis Cælibatum Sacerdotum (quem ipse in

Sed in Ecclesia ostendendum opus Dei.

Christus scripturas requirituribus operis Dei ostendit.

Qui videt opus Dei, impietate requirit verbum Dei.

Opus enim Dei efficacius conuincit, quàm Verbum Dei.

Catholica fidei articuli opere Pp 2 Colloq. Dei probantur.

Colloq. Germ. Francofurt. de coniugio fol. 329. mille trecentis annis antiquiorem fatetur) & sententiam Catholicorū de libero arbitrio deq; iustificatione per opera fidei (quam Magdeburgenses locis supra capite sexto laudatis omnium Ecclesiæ Doctorem, qui ab anno Christi centesimo vixerunt fuisse confitentur) similiterque multa alia fidei capita tot sæculis tam constanter per totum Orbem credita eodem, quo ipse Pædobaptismum tuetur, argumento probari sibi patitur? quare non facit, quod Deus vicinos facere iubet, vt cognoscat Fortitudinem siue Romam Domini, & respiciat Sion ciuitatem Dei, habitationem opulentam, tabernaculum quod tot sæculis transferri non potuit? Nimirum quomodo confunditur fur, quando deprehenditur, sic confusi sunt Lutherani ipsi & reges eorum, Principes & sacerdotes & propheta eorum, Ierem. 2.

*Protestantes
contemnunt o-
pus Domini.*

CAPVT XCI.

*Quæstiones sine
disciplina qua
sini?*

*Cum quis scrip-
turas opponit
perperam intel-
lectus.*

*Iudæi Christo
scripturas oppo-
nunt:*

*Sed malè intel-
lectas.*

QVÆSTIONES sine disciplina sunt, quæ interrogantis inscitiam siue imperitiam scripturarum arguunt, siue, ex quibus perspicuum planumq; fit, eum, qui quærit, nihil in scripturis intelligere, & esse talem cuius verba non sonent, siue, cuius labia non conseruent disciplinam Iohan. 34. Prou. 5. Eiusmodi fuit quæstio illa Sadducæorum Matth. 22. Scriptum est, vt frater fratris sine filio defuncti viduam ducat vxorem. quare ergo tu credis resurrectionem mortuorum, cum si resurgant mortui, vnā eandem mulierem pluribus fratribus simul nuptam esse oporteat? His respondit Christus: Erratis nescientes scripturas. quasi diceret: non vsi fuistis boni magistri disciplina ad intelligendas scripturas: quæstio vestra est sine disciplina, non sonat disciplinam: est hominis, qui nihil in scripturis didicerit. Talis etiam illa fuit quæstio Iudæorum Iohan. 12. vbi cū dixisset Christus: Ego si exaltatus fuero à terra (siue, crucifixus) omnia traham ad me ipsum: illi absurditatis eū conuincere cupientes, quod cum pro Messia haberi vellet, se tamē crucifixū iri diceret: Nos inquit, audiuimus ex Lege (quasi dicant: scriptū est) quia Messias manet in æternū. et quōdo tu ducis, oportet eū exaltari, siue, in cruce mori? Hanc quæstionē sine disciplina fuisse, ac prorsus eorū hominū, qui nescirēt neq; intelligerēt scripturas, ipse Christus docet Lu. 24. cū discipulos eodē v. los arguēto sic obiurgat: O stulti et tardi corde ad credēdū omnib⁹, quæ locuti sunt Propheta: nonne hac oportuit pati Christū, et ita intrare in gloriā suā? Simi-
lis

lis quæstio fuit illa Iudæorum Ierem. 26. *Quare Ieremias propheta aduersus domum istam, siue templum Salomonis? cum scriptum sit 2. Paral. 7. scripturas opposuisti & sanctificaui locum istum, ut sit nomen meum ibi in sempiternum. Itaque non veniet super nos malum, & Propheta Ieremias eique similes fuerunt in ventum locuti, & responsum non fuit in eis, Ierem. 5. Cumque hoc modo argumentarentur, multum sibi sapere in scripturis videbantur. Ierem. 8. Quomodo dicitis, sapientes nos sumus, & Lex Domini nobiscum est, siue quemadmodum Lutherus in Germanica versione interpretatur, & nos habemus sacram Scripturam pro nobis? Fuisse autem hanc eorum quæstionem sine disciplina, sic ibidem Ieremias testatur: *Sed insipientes Verbum Domini proiecerunt, & sapientia nulla est in eis, siue prorsus nihil in verbo Dei, quod tamen magnifice citant, intelligunt. quid ita tamen? quia enim Deus non simpliciter & absolute perpetuam templi conseruationem promiserat, sed cum hac exceptione siue conditione, ut custodiret populus omnia mandata Dei. nam hæc verba eodem 2. Paral. 7. Simul leguntur: Si autem dereliqueritis iustitias meas, domum hæc projiciam à facie mea. At isti mendaci scribarum stilo decepti (Ierem. 8.) promissionem Dei sine conditione & absolute factam putabant, quasi Deus comminatione ista, non quò ita facturum esset, sed ut tanto facilius legum suarum obseruationem populo persuaderet, usus fuisset. Itaque sic eos Deus obiurgat Ierem. 7. Nolite confidere vobis in sermonibus mendacij, dicentes: Templum Domini, templum Domini, templum Domini est. quoniam si bene direxeritis vias vestras & studia vestra, habitabo vobiscum in loco isto usque in seculum.**

Similiter omnes Hæreticorum quæstiones sunt vel stultæ vel sine disciplina. nam aut quærunt, verbi gratia. Vbi scriptum est, quod sit Purgatorium, quod sancti sint inuocandi, quod Laici sub vna tantum specie communicare debeant aut sententiam quampiam Catholicæ fidei aduersariam tuentur, quæruntque exempli causa, cur vos Papistæ ad Iustificationem opera nostra simul cum fide requiritis, cum scriptum sit Rom. 3. hominem fide iustificari sine operibus, quia ex operibus non iustificabitur omnis caro? quæ Quæstio reuera non sonat disciplinam, cum ostendat eos errare ac nescire scripturas, cum Apostolus loquatur de operibus Legis, non de operibus Fidei. nam etiam nos factemur, neminem iustificari ex operibus Legis, quæ sunt sub lege sine fide in Christum, sed credimus nos iustificari ex operibus Fidei, id est, ex illis operibus, quæ iam in Christum credentes per gratiam ipsius facimus, siue, quæ ipse Christus per Spiritum suum in nobis operatur

Pp 3

ratur

*Iudei Ieremias
scripturas oppo-
nebant.*

*Sed insipientes
ac sine discipli-
na.*

*Quia promissio-
nes conditiona-
tas pro absolu-
tis habebant.*

*Duo summa ge-
nera Quæstio-
num ab Hære-
ticis moneri so-
lentur.*

ratur, velut supra cap. LXIII. in eandem sententiam nonnulla pro-
posui.

CAPVT XCII.

*Tertullianus
docuit cum Hæ-
reticis non esse
disputandum
ex Scripturis.*

OBSE RVATIONE porro dignissimum est, quod ex hac vnica
Lutheranorum quæstione satis appareat, verissimum esse quod
Tertullianus iam abhinc mcccc. annis de Hæreticis censuit: *Nihil pro-
ficere congressionem Scripturarum, siue disputationem cum Hæreticis
ex Scripturis, nisi planè ut aut stomachi quis ineat euersionem aut cerebri,
id est, nisi ut vel excandescat Dyscolique fiat, vel prorsus insaniat.*
Ista enim Hæresis non recipit quasdam Scripturas (sicut Lutherus episto-
lam Iacobi non recipit, in qua dicitur homo iustificari etiam ex o-
peribus, non ex fide tantum) *et si quas recipit, adiectionibus et detra-
ctionibus ad dispositionem instituti sui interuertit* (sicut in vno eodem ca-
pite Roman. 3. Lutherani omittunt, dissimulant quidem certè,
vocabulum *Legis*, cum dicitur homo iustificari sine operibus le-
gis: & addunt inculcantque de suo particulam *sola*, quasi dixisset
Apostolus, hominem iustificari sola fide, quod est falsissi-
mum) *Et si quas recipit integras, nihilominus diuersas expositiones com-
miniscitur, et veritati tantundem obstreperit adultero sensu, quantum cor-
ruptore filo* (sicut Caluinistæ, ac nonnulli etiam Lutherani, Iaco-
bi epistolam iam recipiunt, velut Menzerus contra Pistorium, &
Heilbrunnerus in Præfatione Papatus A catholici, quamuis in ipso
libro pag. 717. id rursum neget, sed eam nouis interpretationibus
non minùs adulterant, quàm si textum eius addendo aut detra-
hendo corrumperent) *Nolunt agnoscere ea, per quæ reuincuntur: his
vituntur, quæ ex falso composuerunt, et quæ de ambiguitate ceperunt.*
id est, non admittunt Scripturas per quas euidenter conuinci pos-
sunt, neque vtuntur ad probanda sua somnia alijs Scripturæ ver-
bis, quàm vbi vel corruptela est in textu, vel ambiguitas & obscu-
ritas in sermone. *Quid igitur iam promonebis exercitatijsimè scriptu-
rarum, cum si quid defenderis, negetur ex diuerso: si quid negaueris, de-
fendatur? Et tu quidem nihil perdes, nisi vocem in contentione: nihil con-
sequeris, nisi bilem siue Dyscolian de blasphematione.* Ille verò Auditor
disputationis, cuius causa in congressum descendis scripturarum, ut eum du-
bitantem confirmes, ad veritatem magis an ad Hæreses inclinabit ac deu-
get? hoc ipso motus, quod te videat nihil promouisse: certè de pari altercatio-

de incertior discedet, nesciens quam Hæresim iudicet.] In eandem sententiam paulo prius dixerat : Scripturas obtendunt Hæretici, & hac sua audacia statim quosdam mouent : in ipso verò congressu firmos quidem satigant, infirmos capiunt, medios cum scrupulo dimittunt.] Totum locum propter duas causas hic proponendum duxi. Vna est, vt Illustrissimi & Excellentissimi Palatini Neoburgici impudentissimum Prophetæ ac Doctoris ipsorum Hailbrunneri mendacium si minùs oculis contueri manibus saltem tractare velint. Is enim in libro suo de Papatu Achatolico fol. 557. §. 19. ita scribere nihil dubitauit : Locutus ille Tertulliani multum ac sæpe ab aduersariis iactatus, quod cum Hæreticis Disputatio ex Scripturis fieri non debeat, falso contra nos adducitur. nam Tertullianus de Præscriptionibus aduersus Hæreticos pag. 94. de illis loquitur, qui Scripturas quasdam Canonicas non recipiebant, sed reiciebant. Sic enim loquitur : Ista Hæresis non recipit quasdam Scripturas. Cum his sane non potuit ex Scripturis disputari, quemadmodum etiam cum Iudeis ex Nouo Testamento disputari nequit.] Hæc ille. Atqui Tertullianus apertissimè non cum ijs tantum Hæreticis, qui Scripturas quasdam non recipiunt, sed etiam cum illis, qui quamuis recipiant, nihilominus vel textum addendo aut detrahendo, vel sensum, aliquam commenti interpretationem adulterant & corrumpunt, disputari vetat. Quare sciens ac volens mentitus fuit Hailbrunnerus, neque iustam fraudis ac doli reprehensionem effugere potest, cum citanda Tertulliani pagina & verbis eius ex parte proferendis locum, quem quod ipso est, mutilat, inspexisse se testetur. Non equidem nescire Patronos eius puto, quæ falso testimonio in re præsertim tanti momenti pœna debeat : neque tamen cum hoc, tum alia plura de Catholicis mendacia (quæ ex eodem libro, si res postulet, non minori negotio in apertum proferre & confutare possumus) vlla pœna expiare eum cupio, tantum Patronos eius reuerenter monitos volo si librum illum in mendacio sic deprehensum & conuictum tanti facere pergant, vt eum pulcheri imè compactum & inauratum non nisi præcipui honoris causa alijs donent (velut illi, quod penes me est, exemplari contigit) per magnum fore periculum, ne Catholici Principes ad ipsos pertinere existiment, quod Isai. 28. Scriptum est : Audite viri Illusores, qui dominamini super populum meum, qui dicitis : Posuimus mendacium (siue, mendacem stilum scribarum, Ierem. 8.) Spem nostram, & mendacio protecti sumus. Et Prouer. 29. Princeps, qui libenter audit verba mendacii, omnes Ministros, siue Prædicantes,

Neoburgici
Propheta frater
& impostura
detegitur

Palatinarum
Neoburgicorum
admonitio.

tes, habebit impios.] Sed de summa non minus animorum, quàm generis in Principibus illis nobilitate & magnitudine meliora nobis in posterioritatem meritò videmur polliceri posse.

Altera causa cur illum Tertulliani locum proponere integrum voluerim, hæc est, vt quod de cauendis Hæreticorum congressibus ac disputationibus dixi, tam vetusti gravisque Scriptoris cum auctoritate, tum vel maximè argumentis tanto firmitus ac neruo sius demonstrarem. nam verba eius iam relata si cum cura excutiantur, rebus maximè necessarijs id quod hoc loco volumus, adiungunt. Nempe cur ex scripturis non sit cum Hæreticis disputandū, hanc affert causam, quod eiusmodi Disputationes nō modò nihil prosint, sed etiam non mediocriter obsit. *Nihil profunt, cum finem suum, victoriam scilicet Catholicę veritatis, siue Hæretici correctionem, non consequantur.* nam Hæreticus vel Scripturas non recipit, quod ijs euidenter se reuinci intelligat, vel earum siue contextum, siue sensum corrumpit & adulterat, quod inde aliquid probabilitatis opinionis suę accessurum speret. *Obsunt* autem cum Auditori, qui si sit infirmus, capitur; si non satis firmus, cum scrupulo ac dubitatione dimittitur, tum ipsi Collocutori siue Disputatori, qui aut irascitur Dyscolusque fit propter inanem defatigationem (irascimur enim illis, qui nobis in eo, quod valde cupimus, obstant, velut ex Aristotele supra docui) aut insanit ac furit ob intolerabiles Hæretici blasphemias. Si enim ijs irascimur, qui contra rem nostram veniunt, nosque afficiunt contumelia, ac vindictam, quæ iniurię parentet, querimus: quanto magis nos commoueri consentaneum est, cum Deum, cuius glorię vitam fortunęq; omnes posthabere nos oportet, contumeliosè haberi, quodque Hæreticos facere Paulus 1. Tim. 1. affirmat, blasphemari audimus? Quod si quis est, qui quantum ea res ad commouendos ac velut in furorē concitandos animos virium habeat, non satis perspicit, ei vel ex paucis illis, quę iam enumerabo, exemplis, id discere licebit. *Ioan. 1.* Christus, agnus ille occisionis, cum domum Domini institutis profanari videret, non intra verba se continuit, sed arrepro flagello negotiantium terga non defunctoriè verberauit, vt se Zelo domus Dei comedi consumique declararet. *Act. 13.* Paulus cum vnum modò hominem pseudoprophetę disputatione à fide Christi auerti doleret, vsque eo Zelo indulset, vt tam ingenti conuicio in aduersarium inuheret: *O plene omni dolo & omni fallacia, fili Diaboli, inimice omnis iustitię:* sed non contentus verbis, eum insuper excœcauit. *David Psalm. 41.* auditis ijs, qui quere-

bant,

*Quare Tertul-
lianus noluit
cum Hæreticis
disputari ex
Scripturis.*

*Hæretico blas-
phemanti non
irasci quasi im-
possibile est.*

*Zelus pro Dei
gloria quanto-
pere homines
quosq; misissi-
mos commoueat.*

bant, *ubi est Deus tuus?* quibus verbis significabant, Dauidis religionem esse falsam, siue, Deum verum ab ipso non coli, *effundebat in se animam suam & contristatus incedebat*, prorsusque tabescebat, velut Psalm. 118. ait: *Tabescere me fecit Zelus meus.* Moses mitissimus super omnes homines, qui morabantur in terra (Num. 12.) ut populum in Dei gloriam deliquisse vidit, iratus valdè proiecit de manu tabulas digito Dei scriptas & confregit eas ad radicem montis, statimque armatis & assumptis Leuitis, XXIII. hominum milia trucidauit, Exodi 32. Elias eodem gloriæ diuinæ Zelo instinctus 3. Reg. 19. octingentos Pseudoprophetas ac Prædicantes occidit, eoque facto apud Deum postea gloriatus fuit, cui etiam Deus propterea velut hospiti longè acceptissimo aduentum in Speculam gratulandum duxit. Similiter Phinees Numero 25. quamuis homo priuatus esset, nec vllum à magistratu mandatum haberet, ex solo gloriæ diuinæ Zelo Principem tribus Simeonis & nobilissimi Principis Madianitarum filiam pugione arrepto simul confodit: eoque facto tantam à Deo gratiam iniit, ut id ei ad iustitiam reputatum fuerit, Psalm. 105. Quamuis autem si quis ad eiusmodi exempla pro Deo Zelatus, eadem siue verborum, siue factorum atrocitate, in Hæreticos blasphemantes vtatur, id ipsi à Deo ad iustitiam reputari non nisi ab eo, cuius aliter credi interest, hoc est, ab Hæretico pestilente & immani Tyranno dubitari queat: nequaquam tamen conuenit, ut ipsi eam Zelandi pro Deo occasionem cum certissima hominis aduersantis perniciè coniunctam quæramus: adeoque à disputatione cum Hæreticis, ex qua blasphemix ansam faciliè eos arripere neminem fugit, rectissimè nos abstinemus. Sicut enim qui derelinquunt Legem & à Catholica maiorum religione desciscunt, laudant Impium, pro Hæresi disputantem: ita qui custodiunt Legem ac fidem veterem tuentur, succenduntur contra eum (Prouerb. 28.) facileque igne illo diuini amoris inflammati, à Paulo verba, à Phinee pugionem mutantur. Est enim huiusmodi Zelus pro gloria Dei, quæ nefariè violatur, proque animarum periclitantium salute in animo succensus nihil aliud, quam Iurisdicção quædam extraordinaria, quam Deus nonnumquam ad suam mendam de impijs pœnam homini delegat seu committit, ut ita cædes Hæreticis alijsque Dei & iuris æquique perduellibus illata omnem paricidij, homicidij, cuiuscumque denique sceleris & iniustitiæ reprehensionem excludat. Quemadmodum enim Theologi docent,

*Zelus tã atrox
Deo placet.*

*Sed eius occasio
est vitanda.*

*Zelus ille est
extraordinarius
Iurisdicção.*

*vt cædes homi-
nis peccato ca-
reat, tria requi-
sitæ.*

1.

2.

3.

*Magnus Zelus
gloriæ diuinæ
est à Deo.*

*Etiā Impiis
Deus dat Ze-
lum suum.*

*Impij à pijs In-
tentione & a-
gendi consilio
differunt.*

vt cædes seu qua alia pœna homini ab homine iustè infligatur, tres aliquæ exceptiones seu condiciones adsint oportet, *Iusta* scilicet *causa*, siue, vt qui occiditur, eius sceleribus mortem fuisse debita[m] constet: Deinde *Intentio recta*, siue propositum bene de Ecclesia seu Repub. merendi, sed sincerum, nulloque odio aut alio affectu seu perturbatione vitiatum: Postremò *Iurisdictio*, siue ordinario modo per homines, siue extra ordinem ab ipso Deo delegata. Illam habent Magistratus eorumque accensi, lictores & Carnifices: hanc verò, quos comedit Zelus gloriæ diuinæ, à Spiritu Dei in eorum Cordibus succensus. Sic in Phinea videmus iustissimam fuisse occidendi Principis causam, fornicationem scilicet cum alienigena muliere, & quidem publicam, adeoque eum contemptus Dei ac Moſis, tum scandali plenissimam: neque dubitare debemus, quin Phinees intentionem rectissimam habuerit, neque quicquam iræ aut odio ob priuatam aliquam similitatem dederit, Iurisdictio[n]em non habuit aliam, quàm Zelum illum pro Domino, quem ip[s]e à Deo omnis boni auctore immisum fuisse controuersiam habere nequit. nam summus gloriæ diuinæ amor non nisi à Spiritu sancto accendi potest. Roman. 5. *Charitas Dei diffusa est in cordibus nostris per Spiritum sanctum.* Itaque Act. 13. de Paulo legitur, quod *plenus Spiritu sancto* atrocissimum aduersario conuicium fecerit & oculorum vsum eripuerit: quo docemur extraordinariam illam concitationem non à carne aut sanguine, sed à Spiritu Domini profectam fuisse: quemadmodum etiam Michæas ingens Principibus conuicium facturus de se profitetur Mich. 3. *Repletus sum fortitudine Spiritus Domini, iudicio & virtute, vt annunciem Principibus scelus suum.* Atque hoc ipsum Deus nos docet, cum Zelum Phineæ suum esse dicit: *Phinees commotus est Zelo meo.* Sed etiam Impij nonnumquam Zelum hunc aduersus impios propterea à Deo accipiunt, vt Iurisdictio[n]e non destituantur. Ezech. 23. *Dabo Chaldeis iudicium siue Iurisdictio[n]em, & iudicabunt te iudicij suis, & ponam (in Corde eorum) Zelum meum contra te, quem exercebunt tecum in furore, & aures tuas præcipient, &c..*] Habent ergò hoc Pij commune cum Impijs, quod quando Deus Zelum suum in ipsis posuit & iurisdictio[n]em aduersus impios eis commisit, eum Zelum in furore exercent, neque vlla commiseratione tanguntur. Sed Intentio, siue agendi consilium ac propositum eos reddit dissimiles. Impij enim priuato odio, avaritia, ambitione aut alia quauis perturbatione admista

mista id, quod dedit Deus in Corde eorum (Apocal. 17.) exse-
 quuntur, itaque partim suam, partim Dei voluntatem faciunt,
 ac propterea partim iusti, partim iniusti sunt. Sic de Chaldaeis ibi-
 dem Ezechiel: *Viri iusti sunt, hi indicabunt te in iudicio adulterorum.*
 id est, velut Iudices extraordinaria iurisdictione à me donati
 adulterij te condemnabunt ac punient. Sed Habac. 1. Dicuntur
Impij & iniusti, qui conculcent deuorentque iustiores se. Rationem red-
 dit Deus Isai. 10. *Ad gentem fallacem puniendam mittam Chaldaeos,*
& contra populum furoris mei mandabo illi (mandatum illi dabo, vt
 non minus iuris ad puniendum habeat, quam Magistratus Ordina-
 rius) *Ipse autem non sic arbitratitur, & Cor eius non ita existimabit*
 (siue, aliam intentionem habebit) *sed ad conterendum erit Cor eius,*
& ad interuersionem gentium non paucarum, dicetque: In fortitudine
manus meae feci haec &c. id est, non nisi vtilitatem & gloriam propo-
 sitam habebit. Sed Pij nihil volunt, nisi quod Deus vult, & ple-
 rumque ad executionem voluntatis diuinæ non tam eunt, quam
 rapiuntur, cum praesertim odia ac pericula se mansura pro-
 spiciant. Sic Ieremias recusauit quidem delatam in se pro-
 uinciam *super gentes & regna suscipere* (Ierem. 1.) sed Deus
 ipsum velut coëgit, ingenti Zelo, velut flamma, in Corde
 eius accenso. Sic enim ipse loquitur Ierem. 20. *Fortior me fuisti,*
Domine, & inualuisti. Dixi quidem saepe cum audirem contumelias mul-
 torum, & terrorem in circuitu: *Non recordabor Domini, neque loquar*
ultra in nomine illius: Sed factus est in Corde meo quasi ignis exarsitans.
claususque in osibus meis, & defeci ferre non sustinens. id est, tan-
 dem victus succubui, & reclamante quamuis carne & sanguine,
 Dei voluntatem executus sum. Hunc Ignem Deus in Ierusalem,
 siue in Ecclesia posuit (non minus, quam alia Spiritus sancti cha-
 rismata) eoque saepe piorum corda ad infligendam poenam impijs
 & Ecclesiae rebellibus debitam accenduntur. Isai. 31. *Pauebunt*
(ignem scilicet) fugientes Principes dixit Dominus, cuius ignis est in
Sion, & Caminus eius in Ierusalem. Itaque cum Gotofredus Episco-
 pus Lucanus de poenitentia eorum, qui nulla ordinaria iurisdic-
 tione affecti, sed tantum Catholicæ Ecclesiae Zelo incensi
 excommunicatos interficiunt, Papam Urbanum II. Consu-
 lisset, responsum tulit, si quam eiusmodi homines priua-
 tam animi perturbationem, siue intentionem minus sinceram Ze-
 lo admiscuerint, conuenientem eis poenitentiam imponi debere

*Impiorum Im-
tentio.*

*Piorum inten-
tio.*

*Ignis siue Zelus
Dei aduersus
impios est in
Ecclesia.*

*Excommunica-
tos Ecclesiae Ze-
lo interficiens
an peccet?*

*Zelus in Ecclesia
aduersus
falsos Doctores.*

*Zelus ille ne-
quaquam affe-
ciendus.*

*Ac propterea à
disputationi-
bus abstin-
endum.*

quæ vitium Intentionis (si quod fortè lateat & ipsos etiam cædis pa-
tratores effugiat) corrigat atque emendet, ceterum ipsos nequaquam
pro Homicidis habendos esse, velut *causa* 23. q. 5. c. 47. legimus. *Vbi e-*
nim Spiritus Domini, ibi libertas, 2. Cor. 3. siue, in quos Spiritus Dei, siue
Zelus gloriæ diuinæ irruit, ij liberi sunt, neque lege obligantur. De tan-
ta Zeli vehementia etiam *Zach. 13.* eiusmodi exstat vaticinium : *In die*
illa noui Testamenti Pseudopphetas & Spiritum immundum auferam de
terra. Et erit, cum prophetauerit quispiam (id est, falsò Scripturas interpre-
tatus fuerit, quomodo Prophetandi verbū Lutherus explanat in glossa
1. Cor. 14.) *dicent ei Pater & Mater eius, qui genuerunt eum: Non viues, quia*
mendacium locutus es in nomine Domini. Et configent siue interficient eum
Pater eius & Mater eius.] Sed quoniam eiusmodi gloriæ diuinæ Zelum
aduersus impios affectare & vtrò velut accersere, charitas Christiana
non permittit, quamuis neque extinctum velle debeamus, cum eum
Spiritus Dei, qui *vbi vult spirat*, in nobis nec opinantibus accendit: re-
ctè Tertullianus etiam propter hoc blasphemie audiendæ Zeli que (vt
consentaneum est) inde nascituri periculum à Disputatione cum Hæ-
reticis super sedendum docet.

CAPVT XCIII.

*Tertia causa
Dyscolia, ipse
aduersarius.*

*Hæretici omni
modo disputā-
do & omni vin-
cere.*

*Et blasphemā
tiam veritatis.*

POSTREMÒ vt alia omnia desint, ipse Aduersarius siue Hæreti-
cus satis magna semper Catholico Disputatori Dyscolias causa ef-
se solet. Numquam enim vllus Hæreticus (quo vocabulo etiam eos,
qui Hæresin docentibus credunt, propter verborum inopiam sæpius
complector velut supra cap. LXXVI. testatus sum) nisi cum explorata
victoriæ spe in certamen cum Catholico descendit, quod voluptate
aut molestia, velut supra disputaui, victus & excæcatus suam opinio-
nem verissimam esse persuasum habeat: ex quo nemo non colligere
potest, eum in ipso congressu omnia facere, vt vel vincat, vel vincere
videatur, victoriam quidem certè controuersiam dubiamque reddat.
quod sibi cum Alexandro erario disputanti Paulus vsu venisse scribit
2. Tim. 4. *Alexander multa mala mihi ostendit: reddat, illi Dominus secundum*
opera eius, quem & tu devita, siue, cum eo disputare noli. valde enim resti-
tit verbis nostris. Itaque 1. Tim. 1. de eodem scribit: *Tradidi eum Satanae, vt*
discat non blasphemare, viam scilicet veritatis, siue veram religionem,
verumq; Scripturarum sensum à legitimo Pastore profectum, quem-
admodum Petrus de horum temporum Hæreticis scribit, *per quos via*
veritatis

veritatis blasphemabitur, 2. Pet. 2. id est, qui veram scripturarum interpretationem ab Ecclesiæ Pastoribus profectam clamoribus & cōuicijs infectabuntur, sicut Iudæi illi *Act. 19.* cum quibus Paulus disputarat, eosq; non minus quam Apollo (*Act. 18.*) vehementer conuincerat, ostendens per scripturas Iesum esse Messiam: at ipsi indurati sunt nec crediderunt, & maledixerunt viæ Domini coram multitudine. Causam porro, tam pertinacis Hæresios Alexander ille Ambitionem habuit, quod, ut ait Paulus, *vellet esse Legis doctor*. Itaq; à conscientia bona aberrant, eamq; repellens naufragauit circa fidem, conuersusq; est in vaniloquium, siue vanis argumentis falsam suam de seruanda Lege Mosaiica scripturæ interpretationem tueri conatus est. Voluit ergo Paulus, ut Timotheus eum deuiteret neque disputationem cum ipso susciiperet, quod facta domi de animo suo coniectura, difficile esse sciret non efferari in Dyscoliam, siue, non commoueri vehementius aduersus tantam pertinaciam hominis propter Ambitionem illud, quod conscientia teste falsum esse sciret, pugnacissimè nihilominus defendentis. *Atqui seruum Domini non oportet (inquit) litigare, sed cum modestia eos, qui resistunt, corripere,* 2. Tim. 2. quod si autem disputare cum his qui resistunt, cæperit, effugerè vix ac ne vix quidem poterit, quin litigare, siue modestiæ ac patientiæ oblitus, verbis asperioribus uti in eos cogatur: quemadmodum Paulus Elimam, filium Diaboli appellare oculosq; eidem effundere, Alexandrū verò Satana tradere, vtriusq; pertinaci disputatione concitatus necesse habuit: si quidem omnia illa, quæ ab hominibus eiusmodi ad reportandam victoriam, siue ad excludendam veritatem adhibentur, talia sunt, quæ vel ei, qui sit vnus omnium in disputando clementissimus ac placidissimus, etiam vbi res friuolæ controuersiam faciunt deq; lana caprina lis est, stomachum moueat. Exempli causa, si Aduersarius sit hebes & obtusioris ingenij ac differendi artem prorsus ignoret, ex eoq; ἀγνοῦντα nihilq; ad rem propositam facientia in medium afferat, operoseq; id, quod vltro ei datur, probare contendat (velut pleriq; faciunt Hæretici, & Alexandrum suum fecisse sic Paulus significat: *Vult esse Legis doctor, non intelligens neq; quæ loquitur, neq; de quibus affirmat.* Conatur enim coaceruatis multis Scripturarum testimonijs probare, Legem esse bonam, quasi vero nos id negemus ac probari velim. Scimus enim quia bona est Lex, si quis ea legitimè utatur) quomodo non exandescat, cui cum bellua eiusmodi conflictari contigit? Si præsertim sit aliquantò solertior & ingeniosior: quod genus homines Cice-

Itaq; difficile est sine Dyscolia cum ipsis disputare.

Paulum quauis opere pertinaces aduersarij commouerint.

Hæreticorū stultiæ & syllogismagregè conuincipoteest.

Ingeniosi homines stupidi facili irascuntur.

ingenioſiſſi homi- ro laborioſius & iracundius docere affirmat, propterea quod qua ipſi
nes ſtupidis fa- celeriter arripuere, ea cum tarde percipi vident, diſcrucientur. quanto
culè irascuntur, ergò magis cruciari cum oportet, qui quod facillimum veriſſi-
mumque eſt, non modò tardè, ſed nunquam percipi, atq; adeò
ſumma vi oppugnari videt?

Δευρὸν σοφιστὴν αἰπὰς, ὅς τις εὖ φρονεῖν
Τὸς μὴ φρονεῖντας διυπατὸς ἐς ἀναγκάζει
Bonum hunc magiſtrum dixeris. qui cogere
Ineruditos, vt ſanè ſapiant. poteſt.

*Alia Hæretici
diſputantibus
transcendit cauſa*

*Hæretici non
manent in pro-
poſita materia.
neq; in ſuſcepto
diſputandi mu-
pere.*

Rectè illud quidem Euripides: ſed quia qui ſapit, hoc cum in pri-
mis optet, ſperare tamen non audit, velut alias quoq; fieri ſolet, vbi
votis & cupiditatibus noſtris obſiſtitur, iram inde naſci & exſiſtere
oportet. Quid autem ſi aduerſarius, cum ſe deprehenſum captumq;
eſſe neq; quod reſpondeat habere intelligit, non det cogitationem ſuam, vt
reuertatur ad Deum, ſed fornicationis ſiue Hæreſios Spiritu deceptus (Olee
4. & 5.) in errore perſeueret, atq; in ſuper omnia experiatur, vt ſe ſi-
ue victorem ſiue parem diſcedere audientibus perſuadeat? quem
quamne facile inuentum iri putam⁹, cui nō mota bilis aſperiora ver-
ba exprimat? Et aliàs quidē, imò plerumq; conſuetudine hoc faciunt
Hæretici, vt quando ſe vi veritatis cōſtrictos & in anguſtias redactos
eſſe ſentiunt ſibiq; confeſſionem erroris extortum iri animaduer-
runt, callidè anguillas imitentur, & ſemel ſuſceptas diſputandi par-
tes commutare & verbi gratia ex Reſpondentibus (vt in ſcholis
loquuntur) opponentes fieri, aut aliquà elabi, inq; aliam quam-
cumque materiam deriuare diſputationem incipiant, frustrato
eo, cum quo colloquuntur & conſuſione quæſtionis inſtitutæ
minimè exſpectata. Sicut qui cuiſu parum valent, flexu eludunt,
huc illuc diſcurrentes, nec vſquam inſiſtentes : ita ipſi cum profe-
quenda diſputationis materia, tueri ſententiam nequeant, diuerſi-
culis & amſractibus, quæ (vt Fabius ait) ſuffugia ſunt infirmatis, vtun-
tur. Sed quoniam ea res hominis alterum irridentis, eiſq; fruſtratio-
ne voluptatē capere geſtiētis ſpeciē habet, Diſputatorē quidē Catho-
licū ab aſſequenda propè iam explorata victoria ſubmouet, arduū ac
difficile negotiū fuerit, Diſputatori bilē nō moueri, vt tantam aduerſa-
rij improbitatem acriuſculè obiurget, ac iam non contrarē quam ad-
uerſarius tuetur, ſed contra ipſum κατὰ προῶπον (ait Ariſtoteles) con-

tra

tra personam επιτιμωσι siue reprehensionem dirigat. vnde propemodum fieri necesse est, quod idem Philosophus ait, δυσκολαίοντες ἀγωνιστικὰ καὶ ὁ διαλεκτικὰ πρὸς ταὶ διατριβὰς, iam Dyscolifacti & irritati non Dialecticè, sed contentiosè disputant. Sin autem Aduersarius non quidè aberret & à proposito deflectat, sed Catholicorum dicta aut facta calumniatur, certè tunc quoq; singularis cuiusdam temperantiæ fuerit, Catholicū Disputatorē iræ tēperare & maledictō abstinere. Vt enim ait Salomo Eccle. 7. Calumnia conturbat etiā sapientem, et perdit robur cordis illius.

Hæretici solent Catholicorū dicta & facta calumniari.

CAPVT XCIV.

Qvam porro in eo sibi indulgeant Hæretici, vt ex Catholicorum factis aut dictis inuidiam in eos quærant, neq; calumniari & in partem peiorē singula interpretari desinant, id neminē Catholicū, qui vel semel cum eo hominum genere velitatus fuit, fugere potest. Verbi gratia Facit nobis Hæreticus inuidiam ex Sanctorū inuocatione, quam Idololatria vacare negat, propterea quod Inuocatio sit honos soli creatori debitus, adeoq; sine scelere & impietate ad nullam creaturam transferri possit. Respondet Catholicus, fateri se, impiè illum facere, qui quemcumq; sanctum veluti Deum inuocet, sed ab eo Catholicos plurimum abesse, quippe qui à solo Deo beneficium petant & expectent (Psal. 120. *Auxilium nostrum à Domino qui fecit celum & terram.*) Sanctos verò non nisi tanquam precatores vel aduocatos ad Deum allegent, quod adeo nullam diuini honoris partē habet, vt maior Deo contumelia fieri vix queat, quam si quis eum non tamquam auctorem ac largitorem, sed velut eum, qui aliunde beneficium precibus impetrare debeat, inuocet. Iam Hæreticus, qui non errorem Catholico eripere, sed eum errare suæq; reprehensionī obnoxiiū esse miserè cupit, vbi hac via non succedere videt, ad aliud argumentū conuertitur, & Occulta, inquit, longeque diffita inprimisq; cordium arcana scire ac videre est solius Dei. Itaq; honorem Dei cum sanctis communicatis, cum eos inuocatis veluti miseriarum vestrarum confcios, quicque corda vestra scrutentur ac pernoscant. Respondet Catholicus: Nemo illi, quod est Dei proprium, tribuit, quē non sua, sed Dei virtute ac dono occulta scire credit. Ita quamuis Dei proprium sit mortuos suscitare ac peccata remittere, nequaquam tamen diuinum homini honorē tribuo, quem Dei virtute ac gratia mortu-

Specimen calumnia in articulo de Inuocatione sanctorum.

Catholici Sanctos non pro adiutoribus beneficij, sed pro impetratoribus habent.

Hæretici cupiunt Catholicos errare.

Multi homines habent diuina bona, sed à Deo impetrata.

OS

os suscitare & peccata remittere posse credo: alioquin Idololatriæ fuissent Ioppenses illi Christiani *Act. 9.* qui Petrum inuocarunt, vt Thabitham mortuam vitæ restitueret. quod tamen non suis viribus, sed per Christum facere eum posse credebant, nec eodem illo, quo Lystrenses *Act. 14.* errore tenebantur: qui cum claudum hominem à Paulo correctum ac sanatum vidissent, Deum esse rati sunt, cuius verbis tantavis ac potestas esset, statimq; sacrificium ei offerre voluerunt. nam si eandem Ioppenses de Petro opinionem habuissent, statim audissent id ipsum, quod Iudæi illi *Act. 3.* qui cum similiter claudum hominem Petri verbis sanatum vidissent, *repleti stupore & extasi* certatim ad ipsum accurrerunt, quibus ille : *Quid, inquit, miramini in hoc, aut nos quid intuemini, quasi nostra virtute ac potestate hunc fecerimus ambulare?* Ergo neq; nos diuinum sanctis honorem impertimur, cum eos non suapte virtute aut potestate, sed Dei gratia ac beneficio cordium nostrorum arcana occultosq; gemitus perspicere atq; exaudire credimus. Quod si etiam in eo fallimur, cum tantam à Deo gloriam cum sanctis communicari credimus, non continuo propter hunc errorem Idololatriæ aut impij perhiberi meremur, nec enim is est Idololatra, qui creaturam Deo tribuente diuinum quippiam habere perperam credit, sed qui Creaturæ aliquid diuini esse putat, quod à Deo acceperit. Verum non falli nos, cum hanc gloriam ac potestatem occulta longe; diffusa Sanctis cælitibus tribui à Deo credimus, vel eorum exempla vincunt, qui adhuc in terris vitam agentes eiusdem gloriæ participes facti leguntur. Tanquam Petrus *Act. 5.* Ananiæ & saphiræ cogitationes & occulta consilia pernouit, & Samuel *1. Reg. 9. & 10.* Sauli omnia, quæ in corde eius fuerant, indicauit : & Elisæus *4. Reg. 5.* se quamuis domi resedisset, præsentem nihilominus fuisse dixit, cum Naaman Giezi occurreret muneraq; daret : idem *4. Reg. 6.* sciebat & audiebat, quicquid rex Syriæ loqueretur in conclauis suo : & Paulus *Act. 14.* intuitus claudum, vidit quod fidem haberet, vt saluus fieret. Habebat quippe Christi sensum, velut de se scribit *1. Cor. 2.* adeoq; Christi oculis vidit, Christi auribus audiuit. Quanto igitur credibilis est eandem occulta ac remota cognoscendi gloriam sanctis iam in gloriæ statu inq; throno collocatis à Deo impertiri? Si enim quod euacuatur, siue aboletur ac temporarium est, in gloria est : multo magis quod manet in gloria est, ait Paulus *2. Cor. 3.* Iam verò Sanctorum in terris vita, quæ euacuatur (non enim habent hic manentem ciuitatem, sed futuram inquirunt, *Heb. 13.*) in tanta sæpè gloria est,

Catholici sanctis nequaquam diuinum honorem tribuunt.

Sancti cælestes arcana & longè diffusa cognoscunt.

Habent enim Christi sensum & gloriam.

est, ut penitus abstrusa & ab oculis remota videant, quemadmodum Paulus etiam hoc suam aliorumque Spiritualium *Gloriam* pertinere affirmat, quod sciant & intelligant fidei Christianæ mysteria, quæ Principes Sacerdotum ac Legis doctores nesciant. 1. Cor. 2. *Lo-* *Christus suos*
quimur Dei sapientiam in mysterio absconditam, quam prædestinavit Deus adhuc in terris
in GLORIAM nostram, quam nemo principum huius sæculi cognovit: sed glorificat scien-
sicut scriptum est: Quod oculus non vidit, nec auris audiuit, nec in cor ho- tia mysteriis
minis ascendit, quæ præparavit Deus ijs qui diligunt illum. nobis autem re- & profundior
uelabit Deus per Spiritum suum. Spiritus enim omnia scrutatur, non tan- Dei.
 tum hominum corda & arcanas cogitationes, sed etiam profunda Dei. Multo igitur magis vitam Sanctorum, quæ manet in cælis, in eadem gloria esse, eisq; per Spiritum Dei, omnia illa, quæ alioquin oculus non videt, auris non audit, siue, quæ solus Deus scit, reuelari oportet. Isaias enim capit LXIV. apertè dicit: *Oculus non vidit, Deus, absq; te, seu*
præter te, vel, nisi tu, quæ præparasti expectantibus te. Itaq; Paulus 1. *Sancti in calis*
 Cor. 13. scientiam, quam Sancti in hac vita reuelante Spiritu Dei pos- *multo plus sci-*
 sident, nullo prorsus genere cum eius scientiæ plenitudinæ & abun- *unt, quam san-*
 dantia conferendam esse docet, quam Deus ijs, quos iam in conspe- *cti in terris.*
 ctum suum admisit, præparatam habet. Ex parte, inquit, cognoscimus & *Sunt enim Deus*
 ex parte prophetamus. Cum autem venerit, quod perfectum est, euacuabitur quod *similes.*
 ex parte est. Videmus nunc ea quæ Spiritus Dei reuelat, per Speculum in ani- *gmate: tunc autem facie ad faciē.* Et propter hanc perfectissimam nō fri-
 uolarum istarum rerum, cogitationum nempe humanarum, sed pro-
 fundorum Dei cognitionē ac scientiam, rectè sancti in cælis nō modo
 Angelus (Luc. 20.) sed etiam ipsi Deo similes dicuntur. 1. Ioh. 3. Nunc si- *Sunt enim Deus*
 lij quidē Dei sumus, nondū tamē apparuit, id quod erimus. Scimus, quod cū appa- *similes.*
 ruerit (siue, cū in cælū obita iam morte recepti fuerim⁹) SIMILES ei eri-
 mus, quoniam videbimus eum sicut est. Nimirū quia in Deo constant omnia
 (Colos. 1.) omnesq; homines in ipso sunt & mouentur (Act. 17.) qui De-
 um videt facie ad faciē, eum nihil eorū, quæ homines cogitant, agunt
 ac loquuntur, fugere potest: quod ipsum Isai. 33. cuiusq; Sancto ad vi-
 sionē Dei admissio sic promittitur: *Qui ambulat in iustitijs etc. iste in excel-*
sis habitabit (sicut Deus, qui & ipse habitat in excelsō, velut paulō pri-
 ūs eodē capite dixerat) *munimēta Saxorum sublimitas eius* (id est, non mo-
 uebitur in æternū, Psal. 15.) *panis ei datus est, aquæ eius fideles sunt* (nō esuriet
 neq; sitiet amplius, quia Agnus reget eum & deducet ad vitæ fontes
 aquarum, Apoc. 7.) *Regē in decore suo videbūt oculi eius, cernent terrā de lon-*
gē. In quo sunt Deo similes, qui in altis habitat et humilia respicit, et alta à
 longē

R r

longè cognoscit, Psal. 112. & 136. Hanc eandem illis similitudinē Christus Apocal. 2. & 3. sic promittit: *Qui vicerit & custodierit usq; in finem opera mea, dabo ei sedere mecum in throno meo, & dabo ei potestatem super Gentes, ut regat siue pascat eas: sicut & ego vici, & sedi cum patre meo in throno eius, & accepi potestatem super gentes.* Itaq; sancti non tantum in eo sunt Deo similes, quod in excelsis habitant & ea, quæ in terris geruntur, cognoscunt, sed etiam quod terram ac gētes regunt, pascunt & dirigunt, potestate tamen regia à Christo cū ipsis communicata, qui propterea Princeps regum terræ dicitur, Apocal. 1. nam Reges terræ sunt sancti cælestes, quorum Apocal. 5. hanc ad Christum vocem audimus: *Redemisti nos Deo in sanguine tuo, & fecisti nos Reges & Sacerdotes, & regnabimus super terram.* Iam verò Christus ita in throno suo regio sedet, ut humilia respiciat, pauperum & oppressorū gemitus ac preces exaudiat, ad auxilium eorū descendat, eosq; manu de alto emissa seruet. Psal. 101. *Prospexit de excelsis sancto suo, Dominus de cælo in terram adspexit, ut audiret gemitus compeditorum.* Psal. 10. *Dominus in templo sancto suo, Dominus in cælo sedes eius. Oculi eius in pauperes respiciunt, palpebræ eius interrogant filios hominum,* Psal. 9. *Dominus regnabit in æternum: desiderium pauperum exaudiet, præparationem cordis eorum audiet auris eius.* Psalm. 143. *Domine inclina celos tuos & descende: emitte manum tuam de alto & eripe me.* Quid igitur iam habent Hæretici, cur nos Idololatriæ accusent, cum Christo credimus, qui se sui regni gloriam & potestatem super terram sanctis suis, perinde atq; ipsi à Patre eam accepit, impertiri affirmat? Aut Christū eiusq; Prophetas & Apostolos mētitos dicant oportet, aut nobiscū fateantur, sanctos in excelsis habitantes inde in terram prospicere ut audiant gemitū nostros & præparationem cordis nostri, manusq; suas de alto emittere, ut nos ex periculis eripiant, quomodo etiam Angelos hominum Liberatores esse Iob. 33. docemur: *Si fuerit pro homine Angelus loquens unus de millibus, ut annunciet hominis equitatem, siue ut pro eo Deum deprecetur: miserebitur eius Deus, & dicet Angelo: Libera eum, ut non descendat in corruptionem: inueni, in quo ei propitius.* Sed hoc multo rectius de sanctis hominibus persuasum habemus. non enim Angelis Christus, sed sanctis, quos redemit, sedem in throno suo & regnum terræ pollicetur: quibus etiam de Angelis iudicium Paulus tribuit 1. Cor. 6. *An nescitis, quia sancti de mundo iudicabunt? nescitis quoniam Angelos iudicamus? quanto magis ista secularia? Quare ergo nos potius, quam spiritum sanctū acculant Hæretici, cū quod ipse perspicue*

*Sancti in celis
duabus rebus Deo
similes.*

*1. notitia rerū
occultarum &
difficilium.
2. potestate siue
imperio super
homines.*

*Sancti audiunt
preces nostras,
nosq; iuuant.*

*Angeli pronobis
orant, nosq; libe-
rant.*

*Ergo multo ma-
gis sancti homi-
nes idē faciunt.*

cuē docet, recipimus, Sanctosq; non sua virtute aut potestate, sed Dei largientis gratia, quicquid habent gloriæ tenere credimus? sed cum hæc atq; his similia audit Hæretic⁹, non ille gaudet, nos errore, quem in nobis reprehendebat, carere (quod sanè facere eum oportebat, si Dei gloriam quæreret, nosq; saluos vellet) sed verò dolet ac ringitur, nos ita, quemadmodum ipse in simularat, non sentire: atq; etiamnum vt omnino in eo errore non esse vincat & probet, ad hoc exemplum argumentatur: Sine dubio honorem Dei ad sanctos transfert, qui maiorem in sanctis, quam in Deo salutis spem & auxilij fiduciam collocat. Hoc vos Papistæ facitis, qui certatim ad sanctorum opem confugitis, surdi ad Christi sic nos inuitantis vocem Matth. 11. *Venite ad ME omnes, qui laboratis & onerati estis: & ego reficiam vos.* Psal. 49. *Inuoca ME in die tribulationis, & eruam te:* Respondet Catholicus: *Qui libellum supplicæ Principi inscriptum alicui eius Consiliario aut Cubiculario exhibet, tametsi eum ministrum multis verbis rogat, vt libellū Principi reddere causamq; suam commēdare velit, nequaquam honorē Principis Ministro defert, & non à Ministro, sed ab ipso Principe beneficium postulat.* Certè Gentiles illi *Ioh. 12.* qui venerunt ad Philippum & rogarunt eum, dicentes: *Domine, volumus Iesum videre:* nequaquam honorem Christi Philipo impertiti sunt, licet priorem illum conuenerint, magnaq; humilitate *Dominum* appellantes, suum ei desiderium exposuerint. neq; Christus, quod non rectà ad se accessissent, suam contumeliam aut iniuriam interpretatus est, quin immò id ad honorem suum clarificandum magisq; illustrandum pertinere docuit, quod tanta sui apud Gentiles esset reuerentia, vt nisi fauore gratiosorum familiarium prius ambito, & ab illis commendati, in conspectum suum uenire non auderent. Vt enim Philippus assumpto Andræa Gentiliū preces eis exposuit: *respondit eis Iesus dicens: Venit hora, vt clarificetur filius hominis.* Sed etiam Centurio ille *Luc. 7.* non se dignum arbitratus, vt in Christi conspectum veniret, *misit ad eum seniores Iudeorum*, vt ipsis precatoribus siue intercessoribus beneficium impetraret. Et tamen ipse Spiritus sanctus Matth. 8. *ipsum ad Christum accessisse* dicit, vt silentium scilicet imperet Hæreticis, qui negant ad Christum venire, si quis sanctos Aduocatos ad eum alleget. Similiter cū eos calumniantur non satis in Christo spei ac fiduciæ habere, qui vel non rectà ab ipso Christo, vel non ab eo solo neglectis ac præteritis sanctorū precibus petant quod obtinere volunt: habent in hac Cēturionis historia, ex quo calūniam mi-

*A Christo ipso
opem petit, qui
a sanctis pet. t.*

*Christum plus
honorat, qui san-
ctis precatorib⁹
mittitur.*

*Ad Christum
ipsum accedit,
qui intercesso-
res ad eum alle-
gat.*

R r 2 nuere

*Ergo maiorem
in Christo spem
habet: quo plu-
ribus impetran-
di Medijs distat*

*Deus ipse iubet
ad sanctorum pre-
ces confugere.*

*Hæreticorum er-
ga Catholicos
iniquitas.*

*De Verbis liti-
gant, cum rem
ipsam reprehē-
dere nequeunt.*

*Sicut omnibus
Apostatis mos
est.*

nuere discant. Is enim cū & Christum diuina potestate præditum, quicquid vellet, etiam vno verbo perficere posse crederet, & sibi beneficium ab eo non negatum iri consideret, tanto maiorem in spem eius obtinendi venit si præcipuis Iudæorum apud ipsum precatoribus vsus esset. quare meruit vnico illo Christi elogio turbis commendari: *Amen dico vobis, quia in Israel tantam fidem non inueni.* Neque verò Deus Iobi amicos à se discedere fiduciamq; alibi collocare voluit cum eos Iobo deprecatore apud se vti iussit. *Iob. 42. Iratus est furor meus in vos. Ite ergo ad seruum meum Iob, ille orabit pro vobis, & faciem eius suscipiam, ut non imputetur vobis peccatum.* Sed quamuis hæc Hæreticus ex Catholico audiat, ingenio nihilominus suo vititur, nihilq; non excogitat, vt nos sanctis inuocandis honorem Dei minuere omninoq; Idololatrias esse doceat. Quamuis autem si se Turca quispiam Mahometū, nequaquam pro Deo, sed tantum pro Dei ministro ac Propheta habere dicat, improbus atq; importunus omnib; uideatur, qui plus ei molestus esse pergat, vtq; Mahometum à Turcis pro Deo coli confiteatur, cogere eum velit: non facile tamen quisquam inuenietur Hæreticus, qui nobis eandem, quam Turcis, æquitatem & humanitatem tribuat, quodq; nos à nobis Catholicis credi asseueranter affirmamus, improbè vellicare & calumnari nolit. In quo simile quiddam faciunt illis Christi discipulis *Iob. 6.* qui cū iam abire retrò seu Christum deferere constitutum haberent, præ se tulerunt, se nimia verborum Christi durtia & *ἀνθρώποις* (quia carnem suam Panem & sanguinē suum, Potū omnibus viuere cupientib; necessarium dixerat) meritò offensos ac scandalizatos esse: *Durus (inquiunt) est sermo hic, & quis potest eum audire?* Et tamen Christus durtiem illam satis molliuerat, cum carnem suam non corporum, sed animarum escam esse significauit: *Verba (inquit) quæ ego locutus sum vobis Spiritus & vita sunt.* Sed enim illi, quod in eum non crederent (non enim ex fide in illum, sed desiderio gratis manducandi secuti eum fuerant: *Queritis me, ait Christus, non quia vidistis signa, neq; quod ex ijs credatis me Messiam esse, sed quia manducaui ex panibus et saturati estis*) quodq; honestam eius deferendi occasionē quærent (nam occasione querit, qui recedere vult ab amico *Prou 18.*) satis ex illis Christi verbis causæ nactos se putabant. Similiter Protestantes nostri quando veritatis euidentia coacti nos nihl in sanctorum inuocatione peccare, neq; honorē Dei minuere agnoscū: quia tamē abire retrò neq; nobiscū in domo Domini cum consensu ambulare decreuerunt, & speciosum aliquē suæ alienationis colorē ac prætextum

tum quærunt, satis excusati sibi videntur, si nostrum illud ad B. Virginem carmen prætendant:

*Tu nos ab hoste protege,
Et hora mortis suscipe.*

Tametsi enim quis noster in ijs verbis sensus sit, ex quotidiana nostra ad B. Virginem formula, quam salutationi Angelicæ subijcere cōsueuimus, (*sancta Maria, mater Dei ora pro nobis peccatoribus nunc & in hora mortis nostræ*) ipsum quoque loquendi genus, quo *protegere & suscipere* dicitur, qui vt à Deo protegatur ac suscipiatur, precibus suis imperat, Christum auctorem habere minimè ignorant (nam Luc. 16. iubet nos *amicos nobis facere de Mammona, siue, Eleemosynis nostris, vt cum mortui defecerimus, ipsi nos in æterna tabernacula recipiant.* quomodo etiam Paulus 2. Tim. 2. omnia se propter electos sustinere ait, *vt & ipsi salutem consequantur in Christo,* quod perinde est ac si diceret, se salutem alijs acquirere. Et 1. Tim. 4. monet Timotheum, *vt se ipsum & alios saluos faciat.* Iudas etiam in epistola, hortatur nos, *vt alios saluemus & ab igne rapiamus,* siue, à damnatione liberemus) nihilominus quia iam olim calumniari, suamque Apostasiam aut pertinaciam saltē in speciem atq; ad vsurpationem defensionis tueri miserè cupiunt: *Durus* (inquiunt) *est sermo hic, & quis potest eum audire?* In quos verbū illud Iob 34. meritò quis contulerit: *Qui quasi de industria recesserunt ab eo, & omnes eius vias intelligere noluerunt.* tamquam eos dicat, commodam duriusculi sermonis interpretationē audire nolle, vt Apostasia ipsorum ab Ecclesia non prorsus nullam excusationem habere videatur. His videntur similes fuisse, de quibus Deus Ierem. 9. *Habitatio tua* (inquit) *in medio doli: in dolo remiserunt scire me.* id est, videri malunt ignorantia, quàm malitia labi, quasi scilicet meliorem sententiam nullam videant, & Catholicorum sententiæ, quamuis non vsque eò incommodæ, verbis tamen nimis duris conceptæ salua cōscientia accedere nequeant. Cui porrò cum hominibus eiusmodi negotium est, cum eos nullam verborum nostrorum interpretationem admittere, sed pertinacissimè calumniari, quamque sententiam nos ipsi abhorrere nos ac detestari, Deum hominesque contestamur, eam omni vi nobis affingere videt, quomodo non commoueat vehementiùs, ac Davidis verbis sic fortem suam adeò iniquam conqueratur? *Hei mihi quia incolatus meus prolongatus est nimis. Cum his, qui oderunt pacem eram pacificus. Cum loquebar illis, & ex studio veritatis demonstrandæ disputare cum ipsis incipiebam, impugnabant me gratis.*

B. Virgo rectè dicitur nos protegere & suscipere.

Hæretici calumniatur & suā Apostasiam velent.

*Alia Hæretico
disputanti iras-
cendi causa.*

*Silentium illo-
rum, qui nolūt
victos se fateri.*

*Silentium eo-
rū, qui aduer-
sarium contem-
nunt.*

SÆPER autem in Disputatione vsu venit, vt Hæreticus taceat, neque facile verbum, quo vel aiat, vel neget, exprimi sibi patiat: qui siue eo consilio facit, vt ne victum se fateatur, siue qui Catholicum contemnat, neque responso dignū esse significet: satis Catholico, cur irascatur, causæ præbet. nam qui iam disputationē ingressus est, nec à principio certamen detrectauit, iniuriam facere videtur, si victoriam alteri, labore ipsius propter partam ac velut exploratam, silentio suo nunc extorqueat. Itaque hanc Aristoteles causam esse ait, cur Disputatio fiat. *Agonistica, non Dialectica*, hoc est, cur is, quem aduersarius nihil ad rem respondendo, vel omnino silendo in disputatione procedere & victoriam conficere nō sinit, excandescat & verbis asperioribus in aduersarium inuadat. nam nisi pugnans, vinci non potest. Certē Christo ipsi silentio Iudeorum, quos argumentis victos cupiebat, bilē motam fuisse Marci 3. discimus. Cū enim in Synagoga obseruari se sciret, vtrū Sabbatho ægros & affectos curaret, homine aridam manum habente in medium prodire iusso: *Licet ne, inquit, Sabbatho benefacere, an male? animā saluā facere, an perdere?* Iudei, qui scirent, si affirmassent licere (quemadmodū affirmare cogebantur) ipsum statim subiecturum. Atqui sanare ægros ac debiles est benefacere. Ac proinde victorem fore, & sic porro coacturum siue conclusurum: Ergo Sabbatho ægros sanare licet. Sed quia victoriam ei confessione sua cedere nolebant, tacuerunt. *Iesus igitur circumspiciens eos cum I R A, contristatus super cæcitate Cordis eorum, hominem sanauit.*

Sin autem silentium ex contumacia aut contemptu perfectum videatur (veluti Pilatus Christi silentiū interpretabatur Ioh. 19. *Mibi, inquit, nō loqueris? nescis quia potestatem habeo crucifigere te?*) multo etiam magis disputator accenditur, si presertim non sit is, in quo Aduersarius merito quicque contemnere queat: verbi gratia, si ipse sit in Philosophicis ac Theologicis studijs cum publica cōmendatione diu versatus, si linguas plures teneat, si quoquot iam inde ab Apostolicis temporibus verū fuerunt sanctissimos & eruditissimos Bibliorū interpretes, iteque Conciliorū decreta multū manibus versauerit, si denique nō suam priuatā, sed Ecclesię sententiā tot miraculis, tam copioso martyrum sanguine, tam cōstanti seculorū omnium consensu firmatam ac roboratam asserat & defendat: quomodo non indignetur, se ab Hæretico contemni, qui vix quicque præter Grammatica & Rhetorica, & aliquam malè natam Dialectices epitomen didicerit, ac tria, si fortē, Græca vel Hebræa verba memoria teneat: ceterum, *in profundis Dei*, siue in Theologię mysterijs,

mysterijs, atq; etiam in humana sapientia, seu Philosophia hospes sit ac peregrinus: nam eiusmodi plerique omnes sunt Hæretici — *κενὴς δὴσος ἐμπλεω δόκσι* — ut res, quos implet opinio vana, ut ait Timon. Ac velut in segete longè supra ceteras spicæ inanes eminent, cum quo quæque est bona fruge plenior, hoc magis incuruiscere ac submitti soleat: item animis offeruntur magnificeque sese inferunt, quibus non nisi quædam verborum comptorum copia doctrinæ speciem induit, cum illi vicissim, qui animum multarum rerum scientia non perfuderunt, sed imbuerunt, quod multo plura esse intelligant, quæ nesciunt, quàm quæ sciunt, modestissimos se exhibeant. Iam verò sic fert natura, ut irascamur ijs, à quibus præter meritum nos despici dolemus, præcipuè ab ijs, qui nequaquam pares nobis censi possunt, quemadmodum in Rhetoricis disputat Aristoteles, & S. Iob exemplo suo nobis affirmat, cum inter grauissimas suas calamitates hanc etiam recenset, quod ab inferioribus contemneretur. Iob. 30. *Nunc derident me iuniores tempore, filij stultorum & ignobilium, & in terra penitus non parentes*, hoc est, ita ignoti & contempti, ac si numquam nati forent. Huiusmodi porro fore Hæreticorum ingenium Paulus 2. Tim. 3. ita prænunciat. *Erunt homines se ipsos amantes, elati, superbi, tumidi proterui, non obedientes &c.* Et hos deuota resistunt enim veritati, nec unquam ad scientiam veritatis perueniunt. Quibus verbis satis perspicuè id, quod modò dixi, confirmat, Hæreticos scilicet, eo quod tumidi sint ac vana scientiæ opinione inflati, Veritatis scientiam non admittere, ac propterea à congressu eorum siue disputatione supersedendum esse.

Hæretici plerique indocti & contemptores.

Ab inferioribus contemni graue est.

CAPVT XCVI.

POSTREMÒ ipsa sæpè Hæretici Dyscolia propemodum, vel inuito Disputatori non tantum irascendi, sed acribus quoq; verbis in aduersarium inuehendi necessitatem imponit. Cum enim Hæreticus se manifestò victum captumq; iri intelligit, nempe iam vehementer dolet (quod ex Aristotele supra didicimus) sententiæ suam sibi eripi, quod nisi eam abijciat, falsitatis perspicuè conuictam, sese hominem parum rationis compotem auditoribus visum iri sciat. quapropter ut hunc suum dolorem aliqua Voluptate penset (cum, ut ostendimus, Voluptas ei pertinaciam & sententiæ obstinationem suadeat) Disputatori siue verbis, siue factis molestiam creare studet, (quod Prover. 18. *Itaq; contumelia dictorum aut* docemur: *Lakia stulti venient in lite, & os eius ad percussiones vacabit.* nam sic

Alia Hæretico Disputatori irascendi causa.

Hæreticus Simplicius se dolet.

*factorum con-
dicare se conu-
tiat.*

*Nam id iucun-
dum est.*

*Et facit, ut Si-
dor aut saltem
non Siſtus vi-
deatur.*

sic est in Hebræo) hoc est, vel conuiciis famam & honorem, vel pla-
gis aut vulneribus corpus eius appetit: quæ res ad Vindictam pertinet,
quam nihil mirum est, æquæ ac Victoriæ ipsi gratam ac iucundam
esse, non modò, quia opinio præstantiæ, quam Vltio ingenerat (nam
quem quis punit & vlciscitur, eo sibi superior ac maior videtur) tan-
tam habet dulcedinem, ut multi vitæ Vindictam præferant: sed etiam
quia violenta, illa siue verborum, siue verberum concertatio ad con-
ficiendam victoriæ ac sententiæ argumētis defensæ opinionem, apud
plebeculam præsertim, non minùs, quam ipsa Veritas momentum ha-
bet. Iactis enim multis conuitijs Auditoris animus ab ipsorum argu-
mentorum examine abducitur, victusque paulatim & delentus vo-
luptate, quam Maledicentia siue nouitatis, siue ingenij & acuminis v-
sa lenocinio creare solet, ei fauere assensumq; commodare incipit, cui
oblectationis illius gratiam debet. quæ in re sapijs Hæretici sunt simi-
les, quas ubi se captas animaduertunt, atramentum vomere sui que
conspectu piscatoribus erepto effugere aiunt. Sed etiam illud Hære-
ticos minimè fugit, plurimum ad faciendam fidem interesse, quid à
quoque dicatur. Itaque si, quibus aduersantur, eos in contemptum
auditorum adducant, ipsa simul eorum argumenta minoris momen-
ti visum iri, seque vel hoc pacto victores fore, saltem quandam vi-
ctoriæ opinionem habituros esse sperant,

Κρείττον δὲ δοκεῖν, καὶ ἀληθείας ἀπῆ

Atqui bona est, ut vera non sit, opinio,

*Conuicia Hære-
ticorum in Ca-
tholicos quan-
tum sim ha-
beant.*

velut eger ille & affectus apud Euripidem Orestes ait, qui tamen si
nondum morbo liberatus, dummodò pedes in solo figat, quandam
sanitatis opinionem, qua soletur morbum, habiturus sibi videtur. Et
quantum quidem Hæreticorum conuicia in Catholicos, præcipue
Pontifices, Episcopos & Sacerdotes iacta, ad minuendam eorum fi-
dem & auctoritatem valeant, nihil hic commemorare attinet, cum
ipsa re satis loquatur, hocque passim hodiè Prædicantes, in primis
Hailbrunnerus Neuburgensium Palatinorum Aretalogus accuratè suis instil-
let, non posse habitantem in se Spiritum veritatis habere, neque ve-
ram scripturarum interpretationem docere eos, quorum ea sit vitæ
morumque turpitudine, quam nostris sine vlla ἀδιαφορία & indiscrimi-
natim affingunt, tamquam nesciant, de quo supra cap. xxvi. monui,
& infra dicam fortè vberius, Charitatis donum non semper simul
cum scientiæ charismate inueniri, nosq; Euripideò illo rectissimè vti
posse:

Πολλοὶ

Πολλοὶ δὲ ἡμῶν, οἱ μὲν εἰς ἐπίφθορον,
οἱ δ' εἰς ἀριθμὸν τῶν κακῶν πεφύκαμεν.
*Plerique sunt nostrum inuidenda præditi
Virtute: alij numero malorum accedimus.*

Quod si etiam verberibus Hæretici Catholicos appetant, nempe illa ^{pulsatio, omni-} quoque contumelia non parum ad voti sui summam profectum iri, spe- ^{noque contume-} rant. Solent enim contemni atque ob id pudore affici (velut etiam ^{lia facti, quan-} Aristoteles monet) quibus vis, aut contumelia per vim facta est, quod ^{tum valeat ad} futurum putent, ut propterea timidi ignauique aut etiam viles & ^{minuendam} abiectioni videantur. Ita Christo ipsi *loh. 8.* vsu venisse videmus, ^{authoritatem.} ut post longam disputationem Iudæi, quos ille syllogismis suis palam conuicerat, lapides tollerent, ut iacerent in eum: Et Apostolis similiter *Act. 5.* quos cum audissent Principes & Sacerdotes, neque quod eis contradicerent, quicquam haberent, *dissecabantur & cogita-* ^{bant interficere illos,} tandem virgis cæcos dimiserunt, quod tanta contumelia affectos populo ludibrium potius debituros, quam multum persuasuros putarent. Idem exitus fuit Disputationis S. Stephani cum Iudæis (*Act. 6. & 7.*) Cum enim Iudæi non possent resistere sapientiæ & Spiritui, qui in Stephano loquebatur, prius quidem existimationem eius allegatis ac subornatis falsis testibus deformare eoque pacto pondus argumentis eius auctoritatemque adimere conati sunt: mox iusto eius conuicio dura ceruice seu pertinaces, proditores & homicidæ appellati, *dissecabantur cordibus suis, & stridebant dentibus in eum, auribusque* ^{Pertinacii ho-} *ne vocem eius admitterent obturatis, impetum tandem in eum fecerunt & eie-* ^{minum furor.} *ctum extra Civitatem lapidarunt.* Usque adeo Expediit magis occurrere Vrsæ raptis fœtibus, quam fatuo confidenti sibi in stultitia sua, ait Salomo *Prov. 17.* Quamvis enim equè Vrsæ turpissimos suos catulos, atque hic stultam opinionem suam, amet: hoc gravius tamen periculum adit, qui argumentorum vi pertinaci sententiam extorquet, quam qui Vrsæ catulos surripit, quod huic non nisi vitæ, illi simul etiam veritatis, quam propugnat, accepta contumelia discrimen impendeat. Esse verò tale plerisque Hæreticis ingenium, passim Scriptura fidem nobis facit. *Prouerb. 19.* *Stultitia hominis supplantat gressus eius* (cadere eum & errare facit) & contra Deum seruet animo suo, siue, opinionem suam falsam Dei aduersariam feruidè ac furiosè tueatur. *Prouerb. 21.* *Vir impius procaciter obfirmat vultum suum.* *Ierem. 5.* *Indurauerunt facies suas supra petram, & noluerunt reuerti.* *Ierem. 8.*

Ss

Aduersus

Auersus est populus iste auersione contentiosa : omnes conuersi & inter-
ti sunt ad cursum suum, quasi equus impetu vadens ad praelium. Ierem. 6.
Incircumcisae aures eorum, & audire non possunt. Confusione non sunt confu-
si, & erubescere nescierunt. Soph. 3. Nesciuit impius confusionem.
Zach. 7. Aures suas aggrauauerunt, ne audirent : & Cor suum posuerunt ut
adamantem, ne audirent Legem. Itaque merito ab eiusmodi hominum
congressu & disputatione abstinemus, praecepti illius Matth. 7. me-
mores : Nolite dare sanctum Canibus, ne forte conuersi dirumpant vos. Ca-
nes quippe sunt Haeretici propter impudentiam, qui quamuis aper-
te victi erubescere nesciant : propter oblationem qui conuiciis ac
verborum contumelijs Disputatores insectentur : propter disruptio-
nem denique, siue morsus ac vulnera eorum, qui eis dant san-
ctum, hoc est, propter facta, quibus Catholicorum vitam & hono-
rem violant. Graue est Saxum (ait Salomo Prouerb. 27.) & onerosa
arena, sed Ira stulti utroque grauior. hoc est, difficulter ferri seu tolera-
ri potest fatuus pro sententia & opinione sua propugnans, quo-
niam illud cum Ira facit, cum qua nihil recte fieri, nihil confide-
ratè potest. Itaque dolori atque iracundiae seruienti ab eo, cum quo
dissentit, contumelia se vindicat. Hanc porro æquo animo ferre
ac sustinere non est τὸ ἐπιτεταχένον seu cuiusuis, velut etiam Eccles. 21.
legimus : Narratio fatui quasi sarcina in via. Prudens grauabitur contu-
melia. Et cap. 22. Qui conuiciatur, dissoluit amicitiam. Atque hanc
Paulus Haeticorum, quos in diebus nouissimis venturos prae-
nunciat, notam facit, quod sint blasphemi, sine pace & criminato-
res, 2. Tim. 3. quos etiam S. Petrus ait, in his, quae ignorant, blasphemare,
siue sententiam veram, contra quam disputant, contumelijs inse-
qui, 2. Pet. 2. Perspicuum ergo iam est, quanti sit periculi cum homi-
nibus tam litigiosis, pertinacibus, & impotentibus pedem conferre
ac verbis velitari. nam si quis contumelia laceffitus parum potens ire
stulto iuxta stultitiam suam respondeat, eique similis efficiatur (id quod cauere
Salomo iubet Prouerb. 26.) nempe iam rixa aut pugna erit, non Dispu-
tatio.

Haeretici sunt
Canes, quibus
sanctum dari
non debet.

Contumelio-
sum disputato-
rem ferre graue
est.

Itaque à dispu-
tatione cum
Haeticis su-
per sedendum.

— — ἀμαδία δὲ δύο
Eis τὰυτὸ ὅταν μάλιστα ἔχῃ δις οὐ καὶ ὅν.
— — stultitia autem cum conuenit
Duorum in unum, id est malorum maximum.

CAP.

ATQUE hoc modo vtramq; causam, ob quam Paulus Hæreticos deuitari iubet, & eorum congressu seu Disputatione interdicat, satis à me declarata arbitror: in quo non vereor, ne cui aberrasse & in deuium exisse videar, si quis in memoriam modò redeat, nos in ea Parabola explananda adhuc versari, quæ similitudinem Ecclesiæ cum ciuitate seu Republ. complectitur, vt ita nequaquam hinc alienum videri debeat, subtilius disputari de officio ac virtute Ciuium, quæ est obtemperatio Legibus ac Magistratui; deque natura proscriptorum & exulum, siue Hæreticorum, seditionem concitare, ciuib;que in partes ac studia deductis summum imperium sibi comparare molientium; de ratione denique tam cum his, qui seditionem concitant, quàm cum ceteris, qui vel propter malitiam, vel errore aduersus leges aut Magistratus commoueri se pariuntur, vtiliter agendi. Et quoniam de prioribus duobus capitibus, de bonorum, inquam, ciuium siue subditorum officio, deque exulum turbulentorum siue Hæreticorum, ingenio ac natura satis dictum est, res postulat vt de postremo similiter verba faciamus. Quæri enim hoc loco ex Apostolo Paulo poterat: Cum quæstiones ac disputationes Hæreticorum omni ratione deuitari iubeas: quibus tandem modis progressus Hæresion coërcere ac veritatem Catholicam in eorum animis, qui adhuc sani sunt, conseruare, illis verò qui iam quacumque occasione eam excusserunt, rursus inferere oportet? Huic ego quæstioni loco Apostoli in Consultatione de recuperanda Germaniæ incolumitate, itemq; in libello, quem Fundam Davidicam inscripsi, copiosissimè respondeo: hoc loc satis fuerit, tria summa capita, quo omnis eiusmodi responsio reuocari potest, non nihil declarari, quis nempe, Cui & Quid de Religionis causa proponere, vel minùs proponere debeat.

Et quod ad primum quidem attinet, eius est Religionis causam suscipere, cui Deus siue Officiu Episcopi aut Pastoris, siue aliquin adiumenta tribuit, quorum necessarium ad eam rem vsum esse constat, cuiusmodi est opinio prudentiæ, virtutis & beneuolentiæ. Ad fidem enim faciendam in deliberationibus præsertim plurimum interest, cuiusmodi videatur is, qui suadet aut dissuadet, & quomodo eum erga se affectum esse iij, qui audiunt, arbitrentur. Si quis ergo ab ijs, qui Hæreticos sectantur, pro viro prudente, bono, beneque erga ipsos affecto habeatur: non magnâ negotio ad Veritatem eos conuertet (nisi magnitudo metus, voluptatis,

Ratio ordinis.

1.

2.

3.

Quomodo cum Hæreticis sit agendum.

Propositio dicendorum.

Quis debeat Religionis negotium agere. Qui habet officium vel Auctoritatem.

Auctoritas in quibus consistat.

SS 2

cupidita-

*Auctoritas
quātas ad per-
suadendum Si-
res habeat.*

cupiditatis aliorumque affectuum omnem quantūcumque auctorita-
ti aditum præcluserit) tamen non vsque eo magni ponderis argu-
menta in medium afferat , sicut ægros sæpe non tam medicamenta,
quàm opinio de medico sanat. Nihil magis prodest ægris (ait Seneca) quàm
ab eo curari, à quo volunt: temerariis remediis graues morbi curantur. Itaque
Vlisse Hecuba apud Euripidem etiam minùs efficacibus argumen-
tis, tantum quia valeat auctoritate, facillè quicquid velit, Græcis per-
suasurum existimat.

Τὸ γ' ἀξίωμα καὶ κακῶς λέγει τὸ σοὺ
Πείσει. λόγος γ' ἔκτ' ἀδοξύντων ἰωγ,
Καὶ τῶν δοκούντων αὐτὸς ὃ τὰυτὸν εἶναι.
*Auctoritas quamuis male dixerit tua
Vincet: quia ab obscuris & à celebribus
Idem profectus sermo non idem valet.*

*Qua res Catho-
lico Prudentia
opinionē apud
Hæreticos con-
siliet.
1. Si sit multum
versatus in sa-
cris literis.
2. Si libros Hæ-
reticorum mul-
tum legerit,*

Ac Prudentem quidem eum arbitrantur Hereticorum discipuli, qui
multum in sacris literis versatus sit, & quicquid dicit, quamuis in
confesso positum minimeque controuersum, compluribus Scriptu-
ræ locis promptè demonstret. Ipsi enim sapientiæ summam in hoc
collocare didicerunt, si quis in Lege domini dies ac noctes medite-
tur, quod Ios. 1. Scriptum sciant: Non recedat volumen legis ab ore tuo, sed
meditaberis in eo diebus ac noctibus: tunc diriges viam tuam, & intelliges eam.
Et Psal. 18. Testimonium Domini fidele, sapientiam præbens paruulis. Neque
verò quicquam in eo peccarent, si non modò Scripturas legere, sed si-
mul etiam paruuli esse, hoc est, se tamquam paruulos & pueros exhibe-
re, & Sacerdotes, velut Patres suos, interrogare, Legisq; sensum disce-
re ab ijs vellent, quemadmodum Deut. 17. Malach. 2. alijsque locis mul-
tis facere iubemur. Prudentiæ quoque opinionem faciliùs tenet, si
quis libros Hæresiarcharum, quos ipsi doctores sequuntur tritos ha-
beat, & Scripturæ quæ citat loca eorum verbis interpretetur. nam tu-
tiùs ei credunt, neque tam facillè ne labantur, metunt, si suos quoque
Magistros eodē modo Scripturæ verba intelligere nec diuersum sen-
tire videant. Atque hæc causa est, cur Apostolus Paulus Act. 17. Athe-
nis cum Philosophis disputans, citandis Arati Poëtæ verbis opinio-
nem prudentiæ colligere studuerit, quod summam apud eos Poëta-
rum auctoritatem esse sciret, vsque adeò vt ipsi quoque Plato & Ari-
stoteles in grauissimis quibusque disputationibus non aliter Poëtæ,
quàm

quam nos S. Biblia, ad testimonium citare consueuerint. Sed etiam ijs plus prudentiæ esse putant Hæreticorum asseclæ, quos cum suæ opinionis aut sectæ hominibus multum conuersatos cognouerint, quod verisimile non sit, hos, quid ipsi reuera sentiant, quibusque sententiæ suæ argumentis vtantur, ignorare, ac perinde, vt multis solemne esse queruntur, rumori multa falsa ipsis affingenti vel calumnianti fidem habere. Prudentem quoque iudicant, quem eodem morbi genere & ipsum aliquando laborasse, siue, in eadem, qua ipsi, sententia fuisse sciunt. Nam *qui numquam ipse amauit* (ait Plautus) *agere* *amantis ingenium inspicit.* Quamuis autem eosdem velut perfugas ac Religionum Defultores, siue, vt ipsis appellare placet, *Apostatas* male oderint, non tamen eo id faciunt, quin eos prudentissimos omnisque rei intelligentissimos existiment, sed quod viros minimè bonos esse, ac sui alicuius emolumenti causa simulare, aliterque, quam sentiant, de religione loqui suspicentur. qui si opinionem virtutis & candoris consequantur eo, quo mox aperiam, modo, dubium non est, quin magna eorum apud Hæreticos futura sit auctoritas. Sed etiam illius Prudentiam satis spectatam putant, quem de morbi, quo tenentur, causa ac natura ita differentem audiunt, vt ex notis ac signis ab eo impressis eo teneri se sentiant, aut saltem suspicentur, quemadmodum *χαρακτῆρσι* quod Morales, hoc est, hominum vitijs prædicatorum descriptiones, quæ illorum dicta ac facta ex vitijs profluentia persequuntur, non tantum in faciliorem vitiiorum cognitionem homines inducunt, dum velut eorum effigiem verbis depictam exhibent, sed etiam instar speculi sunt, in quo is, qui alioquin quocumque vitio se laborare nescit (quod plerumque hominibus accidit non tantum ob Philautian siue nimium sui amorem & æstimationem, sed etiam quia regulam officij ac vitiiorum naturam non satis perspectam habent) primo statim ad aspectu eius vitij imaginem ac figuram in se recognoscit. Præterquam verò quod auctori & artifice suo prudentiæ ac scientiæ opinionem eiusmodi Characteres seu Notationes pariunt, tum haud scio sit ne res vlla, quæ momenti plus habeat ad persuadendum ægro, vt medicinam auersari nolit. *Initium enim salutis est notitia peccati, cum qui peccare se nescit, corrigi non velit.* Itaque deprehendat se quisque oportet, antequam emendet. multi etiam vitijs gloriantur, suamque mala virtutum loco numerant, ac propterea de remedio numquam cogitant, atque adeo oblatum aspernantur ac repudiant. Quapropter in corporis quoque morbis ij periculosiores habentur, qui stuporem sen-

Ss 3 suum

3. Si multum cum Hæreticis conuersatus fuerit.

4. Si & ipse aliquando in eadem Hæresi fuerit.

5. Si naturam & ingenium Hæreticorum verbis probe describere nouerit.

Cur plei. q. 6. Vitijs suis ignorat.

Plutarch.

suum coniunctum habent, tamquam veternus, capitis dolor, comitia-
lis morbus, & febres quę ardoris vehementia mentem alienant. Itaq;
*hoc optare Medici solent, ut aut omnino quis morbo careat, aut cum agrotat, ne
se agrotare nesciat.*

CAPVT XCIII.

ATQVE huiusmodi ferè sunt illa, quę faciunt, ut quis apud eos, qui
in errore vel Hæresi versantur, Prudens & controuersorum Re-
ligionis capitū benignus habeatur. quę qui non habet, tamen *pro-
funda Dei* omniaq; Theologię Scholasticę mysteria nouerit, & quę-
cumq; dicit, sanctissimorum, qui vnquam fuerunt, Patrum auctori-
tate confirmet, vix effugiet, quin velut rudis & imperitus ab ijs contē-
natur & exhibetur. Verūtamen ut omnia ista possideat, nisi pro viro
bono simul habeatur, cuius candori & integritati se tutò fidere posse
existiment, non modò nihil ipsi quantacumq; Prudentię opinio
ad fidem faciendam proderit, sed vltro etiam impedimenti non pa-
rum afferet. Prudentia enim sine virtute ac probitate nihil est nisi
astutia seu calliditas, qua cognita concidere fidem necesse est. Om-
nes enim ei credere quicquam dubitant, quem & fallere posse ob so-
lertiam, & ob improbitatem, siue probitatis orationem aut inopi-
am non nolle suspicantur. Ad hanc porrò Virtutis opinionem eo-
rum animis, quibus quis persuasum velit, inferendam caput est, ut si-
mulationis pellatur etiam minima suspicio. Itaq; Zeli ac feruoris in
Catholica religione ei necessaria est opinio, ut ex omni eius vita, dic-
tis ac factis planū fiat, ipsū seriò, sedulò bonaq; fide Catholicū esse, ne-
q; vel temporis animiq; causa, vel quod id amplū sibi ad gloriam, aut
rei suę conducibile putet, Religionē suam tueri. quapropter fidē mi-
nori negotio faciūt homines sęculares, illustri præsertim vel equestri
loco nati, quib⁹ nullam, cur Pōtificis & Episcoporū gratiam aucupen-
tur, causam esse apparet. Ecclesiasticos siue clericos suspicio est, quasi
qui vinculo sacramenti, quod Pontifici dixerunt, cōstricti teneantur,
aut alioquin siue altiores dignitates aucupētur, siue suis emolumentis
metuant, id quod sentiūt verūq; iudicāt, verbis prōptū nō habere: qua
suspicionē non mediocriter auctoritas eorum diluitur, ut fere nihil
habeant ponderis apud eos, quos alioquin vel sola prudētix ac doctri-
næ opinione commouere & ad verū reducere potuissent. quare si quis
est, qui vtilitati eorū consulere studet, is Ambitionem missam faciat
oportet

*Quare Catholi-
co viri boni opi-
nio inter Hære-
ticos sit necessa-
ria.*

*Quomodo Ca-
tholicus effi-
ciat, ut pro viro
bono ab Hæreti-
cis habeatur.*

*Sacularibus
plus credunt
Hæretici, quàm
Ecclesiasticis.*

*Ambitio & A-
uaritia fugien-*

oportet seque quantū potest, atq; adeo plusquam potest, à cuiuscūq; priuati commodi suspicione remouere debet, Pauli exēplū secutus, qui quantū etiam verbis laborarit, vt ne ex religionis negotio, vtilitatem suam cōparare quāstūq; facerē videretur, vel hic locus 2. Cor. 12 documēto esse potest. *Ecce tertio paratus sum venire ad vos, et nō ero grauis vobis, id est, neq; terunciū à vobis stipendij aut mercedis loco accipiam. Non enim quero, quæ vestra sunt, sed vos. Et libentissimè impendā (siue sumptū faciam) et super impendam ipse pro animabus vestris, licet plus vos diligens min⁹ diligar. Sed esto: ego vos nō grauauis, sed cū esē astut⁹, dolo vos cepi (id est: For- san obijciat quis mihi: Tu quidē Paule ipse nihil mercedis accepisti, sed discipuli tui astutē hoc cōsilio ad nos missi acceperūt.) Nūquid per aliquē eorū, quos misi ad vos, circumueni vos? Rogauit Titū, et misi cū illo fratrem, qui abstinentiæ & integritatis Tito testis esset. Numquid Titus vos circum- venit? nonne eodē spiritu ipse et ego ambulauimus? nonne hīsdē vestigijs? Olim putatis quod excusemus nos apud vos? id est putatis quod hæc abstinentia mea propterea tam accuratè apud vos commemorē, vt tanto plus me faciatis, siue quod inanē gloriolam aucuper? Corā Deo in Christo loquimur: omnia autem charissimi propter adificationē vestram: id est, Deus mihi est testis, quod suspiciōne cuiuscūq; priuati commodi non alio consilio tanta ui amoliri à me studeā, nisi vt tanto plus vobis prodesse possim. Et quoniam qui ab Ecclesiæ signis recesserunt, aut in hostibus Hæreticorum & schismaticorum castris nati & educati sunt, hoc consuetudine faciunt, vt si quid à Catholicis, maximè Pōtificibus, Episcopis & Sacerdotibus contra officij religionem committitur, id perinuidiosē nobis exprobrent (eo enim satis defensi sibi videntur, cum verisimile non putent, eos à Veritatis spiritu dirigi, quos opera Diaboli carnisque perpetrare constat) magnam res cautionem ac prouisionē requirit, ne dum quis pudentem se filium præbere ac verenda patrū operire studet, impudētię suspiciōne in se commoueat, et non modō viri boni opinionē tam necessariā in perpetuū amittat, sed etiam exploratam et in aperto positam veritatē negando criminū intētatorū famam augeat, οὗ γὰρ ἐστὶ τὰ μὲν καὶ κρύπτειν, Manifesta enim celare nō licet, vt ait Sophocles, quoniam monēte Plinio, rē manifestā inficiari argentiis crimē est, non diluents. Quare optimū factū videtur, vt qui viri boni opinionē inter illos, quib⁹ persuadere cogitat, tenere cupit, quæ manifesta sunt hominū nostrorū crimina nō modo nō tueatur ac defendat (culpam enim, præsertim deprehensam, tueri velle, culpa altera est, neq; vllum peccatū quantumuis graue et atrox non sceleratius defenditur, quam*

*da q̄s, qui lusa-
ri Hæreticos Sa-
lunt.*

*Paulo abstine-
tia opinionem
affecit.*

*Propter adifica-
tionem aliorū.*

*Quare Hæretici
Catholicis Sa-
cerdotib⁹ vitia
sua exprobare
gaudeant.*

*Manifesta Ca-
tholicorum pec-
cata inter Hæ-
reticos nec ne-
ganda, nec de-
fendenda.*

committitur)

*Sed fatenda &
detestanda.*

*Simultamen
officium eorum
a vicio discernē-
dum.*

*Prælatorum vi-
tia propter ad-
ficationem con-
ficientes odio ha-
bentur.
Pseudotheologi
Prælatorum
assensatores.*

*Quum quis bene
de rep. merea-
tur, famam de-
bet contemnere.*

committitur) verum etiam neq; neget, multò autem minùs referen-
dæ gratiæ causa similia aut maiora ipsis aut eorum Doctoribus obji-
ciat (nam ea res contentioni materiam suppeditat & lites alit) sed
ingenuè, quæ verè scit objici, fateatur, neq; in ijs detestandis pænaq;
scandalorum auctoribus ominanda cuiquam priores relinquat (sic
enim tamquam indignationis stomachiq; adiutor & iusti doloris so-
cius plus auctoritatis in ceteris habebit eritq; multò *eupeidesepos* siue
efficacior in suadendo) simul tamen cur propter Prælatorum ac Sa-
cerdotum peccata ipsis contradicere & obedientiam negare nolit, ex
sacris literis causam afferat, quam si vel ipsis Hæresiarchis placere de-
monstret, maius operæ prætium fecerit. Verbi gratia scribit Luthe-
rus in epistola ad Laurentium Castnerum Tomo 6. Germ. Ienen.
fol. 370. *Ingredimini vos cum Ecclesia, ac finite Sacerdotes facere, quæ faci-
unt. Si Euangelium annunciant, id audite: de operibus eorum nolite cura-
re, modo verbum Dei prædicent, sicut Christus præcipit Matth. 23. Super
cathedram Moysis sederunt: omnia ergò quacumq; dixerint vobis, seruate & fa-
cite: secundum opera verò eorum nolite facere.* Hæc Lutherus. Quam-
uis autem hanc rationem sequentibus, id est, manifesta Sacerdotum
vitia propter ædificationem Ecclesiæ apertè fatentibus & impro-
bantibus vsuuenire ferè soleat, vt malam à Sacerdotibus gratiam
ineant, & odium inde offensionemq; eorum excipiant (cum deesse
non soleant, qui ambitione aut avaritia ducti ipsi etiam Theologiæ
ad adulandum vitijs Prælatorum operas indicant, quæq; vsus vitæ
quotidianæ ad generandas & roborandas Hæreses ac scismata vires
vel maximas habere docet, ea saluo officio, ac sine salutis periculo
perpetrari delicatis auribus, & iam olim non nisi quæ placeant, audire
assuetis instillent) nihilominus quia tantum ea res ad tenendam viri
boni opinionem momentum habet, vt si prudentia simul præditus
beneq; erga illos, qui in Hæresi vel schismate versantur, affectus
existimetur, summam eius apud illos auctoritatem esse oporteat:
magno animo iniusta hominum odia falsamq; infamiam contemne-
re, & Ecclesiæ potius vtilitati, quàm delicatiorum quorundam libi-
dini seruire præoptabit. *Acquisimo mimo* (ait Seneca) *ad honestum
consilium per mediam Infamiam tendendum est. nemo pluris facit virtutem,
nemo illi magis est deuotus, quàm qui boni viri (sic etiam boni Catholici)
famam perdidit, ne conscientiam & plurimum ad Ecclesiam Catholicam
reducendorum occasionem perderet. Opinionem & famam eo loco ha-
beamus, tanquam quæ non ducere, sed sequi debeat. Sape iustus esse debes*

cum

eum Infamia : & tunc si sapias, mala opinio bene parta delectat. Conscientia
satisfiat : nihil in famam laboremus : sequatur vel mala, dum bene mereamur.
Exhibeamus nos (ait Apostolus 2. Cor. 7.) sicut Dei ministros in mul-
ta patientia, per gloriam & ignobilitatem, per infamiam & bonam
famam, tanquam seductores, & veraces. Si enim hominibus place-
remus (Galat. 1.) Christi serui non essemus.] Quam porro cau-
endum sit, ne dum quis nimis reuerentem Sacerdotum se probare
studet, vitia eorum tueatur, & sic omnem apud eos, quibus alioquin
plurimum prodesse potuisset, fidem & auctoritatē amittat, vel ex his
S. Gregorij Magni verbis disci potest, in tertia parte Pastora. admonit.
18. Admonendi sunt subditi, ne plusquam expedit, sint subiecti, ne cum student,
plusquam necesse est, hominibus subijci, compellantur vitia eorum venerari.

Deo & Ecclesia
seruiendum est
etiam per Infa-
miam.

CAPVT XCIX.

Beneuolentiæ denique siue propensiæ erga homines eiusmodi vo-
luntatis opinionem cum alijs, tum his etiam modis, quos enu-
merabo, sibi qui uolet ac poterit, acquireret. Primum si sit ijs siue
fortunæ muneribus, ut natalibus ac dignitate vel gradu, siue
studiorum vitæque genere similis. nam eiusmodi qui sunt, mutue
inter ipsos amare se solent, nisi alter alterius vel quæstui, vel gloriæ
obstare videatur. Itaq; Principes cum Principibus ipsos potius,
quam per Ministros suos agere par est.

Quares Catho-
lico Beneuolen-
tiæ opinionem
inter Hæreticos
conciliet.
1. Si eis sit simi-
lis aut aqualis.

Οἱ γὰρ πνεόντες μεγάλα, τὸς κρείσσους λόγους
Πικρῶς φέρουσι τῶν ἐλαστώνων ὑπο.
Nam magna qui spirant, animo æquo non ferunt.
Meliora consultari ab inferioribus.

Pares autem à paribus & similes à similibus se moneri ac doceri
æquioribus animis ferre solent, quippe quos ipsa similitudo inter se
Conciliet amicosque faciat.

Scilicet ingenijs aliqua est concordia iunctis,
Et seruat study sadera quisque sui.
Rusticus agricolam, miles fera bella gerentem,
Rectorem dubiæ nauis puppis amat,

velut Naso canit, & quemadmodum est apud Menandrum :

T c

Γέρων

Τέρον γέροντι γλώσταν ἡδίστην ἔχει,
Παῖς παιδί, καὶ γυναῖκα πρόφορον γυνή,
Νοσῶντ', ἀνὴρ νοσῶντι, καὶ δυσπραξία
Ἀνθρώποις, ἐπὶ πόδες ἐστὶ τῷ πειρωμένῳ
Seni senilis lingua iucundissima est,
Ruerg puero, & mulier apta mulieri.
Et agro : pressus infortunio.
Lenimen est homini malis exercito.

a. Si Religionis
negotium serio
cum eu agat.

Amamus enim
eos, qui pro no-
bis sunt solliciti.

Non est amicus
qui parum curat,
quid de anima
bono nostrum fiat.

Aut est imperi-
tus, vel. Atheus.

Deinde hoc etiam plurimum eo valet, ut quis alteri amicus ac be-
neuolens videatur, si serio cum ipso de Religione, velut re momenti
longe maximi arbitris remotis agat. Natura enim affert, ut eis fa-
ueamus, qui se commoda nostra curare ac pro nobis sollicitudinem
gerere ostendunt, quamuis eam ipsi superuacuum iudicemus, aut eti-
am contemnamus. nemo enim tam parum se ipsum amat, quin se vel
ab ijs, quorum nihili facit iudicium, atq; adeo ab ipsis belluis, amari
gaudeat. Iam vero Religionis causa eiusmodi est, nihil ut sit, in quo
maius hominis aut commodum aut detrimentum versetur. Itaq; pa-
rum se nobis atq; amici officium probat, qui copijs & opibus nos affue-
re, prosperè valere, principum ac procerum gratiam florere, omninoq;
ex animi sententia rem gerere exoptat, ut autem quam ipsi solam ve-
ram ac salutarem credi Religionem simul amplectamur, nihil curare
se ostendit. nam aut satis intelligentiæ habere non videtur, ut tan-
ta de re nobiscum agat, aut Religionem ipsam non magni pendit,
quod est Athei siue Impij, minimeq; boni viri, aut certe nos contem-
nit, quos tanto bono ut afficiat, nihil pensi ducit.

3. Siquis eis, cum
potest, assentia-
tur & obsecran-
dus est.

PRæterea si quis eorum, qui ab Hæreticis decepti sunt, sententi-
am quampiam, ubi commodè fieri potest, probat, eiq; se acce-
dere ac subscribere significat, paulatim in gratiam eorum irrepit, &
obsequio mitigatos sibi ad alia vicissim concedenda obligat. Vere-
cundiam enim resistendi facit indulgentia ac placabilitas, quemad-
modum etiam remissiùs imperantibus melius pareri solet. nam
natura contumax est humanus animus & in contrarium atq; ardu-
um nitens. Sequiturque faciliùs, quam ducitur.

Dextera præcipue capit Indulgentia mentes;

ait

Sit Poeta: cui rei veritatis in ijs maximè, qui atra bili perciti sunt, siue infania laborant, perspicere potest quibus nisi rei, quam animo conceperunt, imaginem relinquant, & vltro velut adiutor eorum stultitiæ accedas, odio eis eris, neque vniquam quicquam persuadebis. Sic de quodam insano narratur, cum propterea, quod sibi mortuo videretur, in tenebrosū se cubiculum abdidisset, omnēq; cibum aspernaretur, ut deinde vidit alteram, qui de industria ibidem se abdiderat, seq; similiter mortuum prædicabat cibis vesci, ipsum quoque manus ad cibum porrexisset, eoq; modo seruatum esse. De quo doli genere præclare Aeschylus:

Ἀπὸ τῆς δουλίας ἐκ ἀποσταλὲς θεός.

A fraude iusta non alienus est Deus.

Sic enim S. Paulum quoque legimus Act. 32. ut Phariseorum sibi beneuolentiam conciliaret, in concilio proclamasse: *Viri fratres, ego iudicor. Phariseus sum, filius Pharisei: de spe & resurrectione mortuorum ego iudicor.* Quo autem euentu, sic ibidem describitur: *Cum hæc dixisset, facta est dissensio inter Phariseos & Sadduceos. Et surgentes quidam Phariseorum pugnabant dicentes: nihil mali inuenimus in homine isto, quid si Spiritus locutus est ei aut angelus?* Eiusmodi pio & ad alterius utilitatem accommodato dolo sæpe uti est occasio, cum aut sententia, quam probant illi, quibuscum agimus, est Indifferens, & adhuc dubio pendet examine litis, aut non nisi opinione nobis contradicit, aut alijs Hæreticis, aut ipsis denique Doctoribus, quos illi sequuntur, aduersatur. Verbi gratia. Non constat certò, utrum B. Virgo cum originali peccato nata fuerit, an verò Deus illam, ut Christo dignius cubiculum præpararet, ab omni labe intactam seruarit: de qua quæstione in utramque sententiam etiam inter Catholicos disputatur, sic tamē ut nemo diuersam opinionem pro Hæretica condēnare audeat. Si ergo sic ferente occasione Lutheranus quispiam B. Virginē peccato originis caruisse neget, integrū erit Catholico assensum ei suum profiteri, tametsi diuersam sententiam multò probabiliorem putet. Hac prudentia uti nos Paulus iubet Rom. 12. *Si fieri potest, quod ex vobis est, cum omnibus hominibus pacem habete.* Et Rom. 14. *Infirmum in fide assumite, non in disputationibus cogitationum,* siue, ut est in Græco, *διαλογισμῶν*, id est, *Disputationum* quasi dicat, non esse cum eo pugnaciter disputandum, cui ex infirmitate siue ignorantie id quod natura est indifferens pertinacius tuenti possis concedere.

Apostoli Pauli obsequendi officium.

Quando quædam Hæreticis obsecundare possit.

Cum sententia est Indifferens.

T t 2 Tamquam

*Infirmos assu-
mere quid sit.*

*Interdum ho-
minibus placē-
dum est.*

*Infirmis scilicet
nō robuste ma-
litis hominibus*

Tamquam si quis vsq; eò sit in fide infirmus, vt carne suilla vesci nefas putet : tu qui tam firmus es, vt nullus sit cibus, quo non rectè te vesci censeas, non debes velle multum cum eo disputare, eiusque errorem acrius oppugnare, sed ei potiùs similis effici, hoc est, similiter suilla abstinere, partaq; per hoc obsequiū hominis beneuolentia, eum tecum assumere, paulatimq; in perfectionem Veritatis cognitionem & in Fidei plenitudinem inducere. Si enim propter cibum frater tuus contristatur (ait ibidem Apostolus) iam non secundum charitatem ambulas. Itaq; quæ pacis sunt, sectemur, & quæ edificationis sunt, inuicem custodiamus. In fidem habes? (siue, credis, suilla vesci peccatum non esse?) penes te ipsum habe coram Deo. Ceterum noli cibo tuo illum perdere, pro quo Christus est mortuus. nam malum est homini, qui per offendiculum manducat. Bonum verò est non manducare carnem & non bibere vinum, in quo frater tuus offenditur aut scandalizatur aut infirmatur.] Sic Rom. 15. Debemus (inquit) nos firmiores, imbecillitates infirmorum suslinere, & non NOBIS placere. Vnusquisque nostrum proximo suo placeat in bonum ad edificationem] Hac autem συμπροσποιεῖς & obsequio apud Infirmos vti fas est, non apud eos, qui malitia potiùs, quàm errore ducuntur. tales enim assumi nec possunt nec volunt, sed ipsi potiùs eos, qui se aliquantum submitunt & accommodant, secum rapere conantur, aut velut suo robore prostratis insultant, locumq; faciunt illi verbo Mimi.

Bis peccat, qui peccanti obsequium commodat.

Igitur S. Paulus, qui se gloriatur Iudæis factum vt Iudæum, vt Iudeos lucrificaret (seruando scilicet Legem Moyſis ceremonialem, vt ijs persuaderet, se nequaquam improbare circumcisionem, quamuis reuera nihil eam prodesse passim contenderet, adeò vt Galat. 5. scripserit: si circumcidamini, Christus vobis nihil proderit) is ergò Paulus, qui Act. 16. Timotheū circumcidit, vt Iudæis infirmis gratum faceret, vt Hierosolymis tempore Concilij Titum circumcideret, adduci non potuit (Galat. 2.) propter falsos fratres, qui subintroierant explorare libertatē Pauli ac discipulorum eius, vt eos in seruitutem redigerent, hoc est, qui malitiosè id agebant, vt si Titum Paulus circumcidisset, cum Concilij auctoritate sic facere coactū iactarent, eoq; velut argumēto ad persuadendam circumcissionis necessitatem vterentur. His (ait Apostolus) neq; ad horam cessis subiectione, id est, non obsecutus sui eorum voluntati, ne me sibi obnoxium

xiū ac subiectum existimaret, mihi que si me submissem ut ipsos in humeros velut assumerem ac portarem, non aliter insultarent, quā si potestate vel auctoritate sua me pessum traxissent. Erat quippe adulta & robusta hominū eiusmodi malitia, quos obsequium nō mitigat neque placatos & æquos reddit. Sed Infirmorum, qui non nisi errore ducuntur, alia est ratio. Horum humilitati consentire, siue, ignorantia eorum aliquid remittere & indulgere, eosque obsequio mitigatos secum assumere & ad veritatis cognitionem perfectiorem adducere debent, qui charitatis legi bona fide parere volunt.

Similis in hominum eiusmodi gratiam irrepēdi occasio Catholicis datur, cū ipsi aliquid affirmant, quod opinione tantū, non reuera, nostræ sententię aduersatur. Ut enim supra dixi, vix vltus est Fidei articulus, in quo non aliter à nobis credi, quā credimus, suspicentur: id agētibus eorum Doctoribus, ut calumnia nos obruant, suisque exosos reddant. Si ergo, verbi gratia, dicat quispiam, hominem gratis iustificari per fidem sine operibus, quod Christū mori superfluum fuerit futurum, si operibus nostris iustitia & salus acquiri potuisset: item; impiū esse & Idololatria non vacare, adorationis cultum sanctis deferre, & ad illorum potiūs, quā ad Dei auxilium confugere: etiamnum; blasphemum esse, dicere, Verbum Dei imperfectum esse aut superuacuum, & Ecclesię maiorem esse, quā Sacrarum literarum auctoritatem. Hęc ergo & his similia si quis ex diuersa parte in medium afferat, cū à nobis ita credi perperam persuasum habeat, non mediocriter Catholicus ei se gratum reddet, qui se vehementer assentiri, ac similibus opinionum portenta multo etiam plūs, quā alter, detestari significauerit. in quibus etiam nihil mentietur, sicut neque Paulus Act. 23. quicquam mentitus fuit, cū obiurgatus, quod Pontifici maledixisset, respondit: *Nesciebam fratres, quia Princeps est Sacerdotum.* Scriptum est enim: *Principem populi tui non maledices.* Longē aliter tamen hęc sua verba Paulus, ac Iudæi, intellexit, nimirum se non habere istum pro Pontifice, cū Christus Leuiticum Sacerdotium iam antiquarit & aboleuerit. tamquam diceret: Si sciuissem hūc esse Pontificem, peccassem sanē cū ei maledixi, quippe qui Lege id sanctum esse non ignorem. Atqui nesciui eum esse Pontificem, id est, *sciui, eum non esse Pontificem.* Itaque religioni mihi non duxi, ei maledicere. Auditores, quod hęc alio uersum acciperēt, purgationem istam sibi probari passi sunt, odij quidem erga Paulum partem non minimam, ut apparet, deposuerunt.

*Cum oppugnā
opinionē, quā
nostram esse sal
soputant, obse
qui eis possū
mus.
Exempla non
nulla.*

*S. Pauli Iesuiti
ca Equiuoca
tio.*

*Cum aliorum
Hæreticorū sen-
tentiam oppu-
gnant, obsecun-
dare eis licet.*

*Hæretici muta-
biles & incon-
stantes.*

*Augustana
Confessione mu-
tabilitas.*

SEd etiam cum quam sententiam probant iidem homines, quæ
vel aliorum Hæreticorum opinioni contradicat, vel ijs ipsis, quo-
rum auctoritati multum tribuunt, aduersatur, operę pretium fue-
rit nos toto capite ipsis annuere, & ad ipsorum iudicium promptissi-
mę sententiam nostram adscribere. Et prius quidem nullam habet
obscuritatem. nec enim plus Hæretici nobiscum quàm cum alijs
Hæreticis dissident. *Tam virulento odio in nos crepant Lutherani, ut citius
illis pax cum Turcis futura sit, & cum Papistis fraternitas, quàm nobiscum in-
ducta, ait Caluinus in secunda defens. aduersus westphalum.* Alterius
hæc est ratio. Nullus Hæresiarcha sibi perpetuò constat, quin subinde
sententiā mutet aliterq; atq; aliter doceat, sicut de nouissimorū die-
rum seductoribus 2. Tim. 3. vaticinabundus Paulus, eos *semper discere,
sed non nisi in peius proficere, & nunquam ad scientiam Veritatis peruenire*
scribit: quod etiam Salomo Prouerb. 5. significat, cum meretricis
siue Hæresios vagos dicit esse gressus & inuestigabiles: & Prou. 11. *Im-
pius facit opus instabile.* Et Prouerb. 12. *Labium Veritatis firmum erit in per-
petuum, & vsque ad momentum lingua mendaci.* Sic enim est in Hebræo,
vt sensus sit, eum, qui Verum dicit, perpetuò sibi constare, sed qui fal-
sum docet, paulo momēto huc illuc impelli. Eccles. 27. *Homo sanctus in
sapientia manet sicut Sol: stultus autē sicut Luna mutatur.* Et Petrus 2. Pet. 3.
cum difficiles intellectu Scripturas deprauari scribit, *ab indoctis & in-
stabilibus.* nam *Indocti* siue *Indociles* sunt, qui tantū in peius p̄ficiunt, &
numq̄ ad Veritatis scientiam perueniunt: *Instabiles* autē, qui semper di-
scunt, neq; vñq̄ in sententia perseuerant. Ob q̄ stultorum siue indo-
ctorū instabilitatē siue in constantiam eos idē Apostolus 2. Pet. 2. *ne-
bulas turbinibus seu ventis exagitas, Iudas similiter, sidera vocat errantia,
nubes, quæ à ventis circumferuntur, & fluctus feri siue inquieti maris.* Ipse de-
niq; Lutherus in hoc Psal. 118. loco: *Iniquos odio habui, & legē tuam dilexi,
vocem Iniquos Germanicē reddidit Spiritus ventosos & instabiles,* ac glos-
sa loco adiecit: *qui subinde noui aliquid excogitant & suscipiunt, velut cōsue-
tudine faciunt Hæretici.* Cuius rei exemplo nobis est Augustana Confessio,
in qua non modò priusq̄ in lucem venit, sed etiam postq̄ fuit edita,
semper mutatum & noui aliquid excogitatum fuit. Sic enim scribit
Philippus Melanchthon ad Lutherum ex Comitij Augustanis in hi-
storia Chytræi de Augustana Confessione fol. 33. *In Apologia siue Con-
fessione quotidie multa mutamus Locum de Votis, quia exilior iusto erat, exe-
mi, supposita alia Disputatione eadē de re paulò vberiore. Nūc de potestate clauis
etiā disputo. Vellē percurrisses articulos fidei, in quibus si nihil putaueris esse vitij
reliqua*

reliqua (nempe de mutatione Abusuum) utrumque tractabimus. Subinde enim Mutandi sunt (articuli fidei) atq; ad occasiones accommodandi.] Et in epist. ad Camerarium foli. 138. Hæc quod falsum felixque sit, exhibitæ est Cæsari Confessio nostra & lecta publicè. *Melanchthon putat articulos fidei subinde mutandos.* Attentio dicitur Principum maior opinione fuisse. Ego mutabam & refingebam pleraque quotidie, plura etiam mutaturus, si nostri supradictores permisissent. In Colloquio Herzbergenfi inter Saxonie Electoris & Principis Anhaltini Theologos habito fol. 91. & 92. fatentur Saxonici, Confessionem Augustanam minimū duodecies mutatam seu deprauatam fuisse, cumque in Principum Protestantium conuentu Naumburgensi varia proferrentur Confessionis exemplaria, nullum fuisse, cui cum alio conueniret, Philippum denique Hassiæ Landgrauium singularis exempli dolo, ut ceteri Principes Confessionem in Caluinistarum gratiam deprauatē subscriberent, perfecisse. Similiter in Altemburgensi Colloquio wittenburgenses Theologi fol. 463. sic de Ienensibus Theologis conqueruntur: Non defuerunt ex istorum sodalitis, qui Confessionem Augustanam per contumeliam Cothurnum vocarint, ne quid intentatū relinquerent, quod ad extenuandam illius auctoritatē spectare videretur. Hæc cōmemorare nos hoc loco compulsi Collocutorū temeritas, qui sine fronte affirmare ausi sunt, Lutherum crebram Confessionis emendationem vehementer improbasse. Sciant autem constare nobis, quod & hortante & approbante atque mandante Luthe- ro ea sit à Philippo recognita & denudò prelis Typographicis submissa.] Et fol. 494. primam Confessionis editionem wittenbergæ adornatam nequaquam cū Archetypo Augustæ scripto & exhibito congruere, & in Apologia tum simul edita, quantum sex quaterniones complecteretur, mutatum fuisse confitentur. Verumtamen mutationes non in rebus, sed tantum in verbis & orationis forma contigisse volunt. Ienenses contra fol. 521. Hoc (inquiunt) aliter se habere, multi boni & pii viri cum dolore queruntur. Nam locus de Libero Arbitrio in veteri exemplari planior & rector est, quàm in recentiori. Deinde in loco de Cena Domini expuncta sunt illa verba: Et improbant secus docentes.] Iidem Ienenses fol. 402. Philippus (inquiunt) adeo subinde mutare ausus est Confessionem ut tandem Sacramentarius fenestram aperuerit, qua in eam irrepserūt. Et fol. 404. Quæ sæpe Philippus suos libros variari & mutari, nimis verè Pōtificij nobis obijciunt.] Lutheri stabilitas & constantia quanta fuerit, hinc cognosci potest. Anno 1522. librum edidit aduersus Henricum Angliæ Regem Latinū & Germanicum. In Germanico, Liberum cuique & indifferens facit, Transubstantiationē credere, quippe qua in re fides pictari nequeat, velut lector inueniet

Tomo

*Melanchthonis instabilitas.**Item Lutheri.*

Tomo 6. Germ. witteb. fol. 442. & Tomo 2. Ger. Ienensi fol. 154. b. §. 2. Sed in Latino, qui tamen eodem mense ex eadem officina Typographica prodijt: *Decerno, inquit, impium & blasphemum esse, si quis Panem transubstantiari dicat. Anathema sit, qui aliter dixerit, aut saltem apicem vel unum iota mutauerit.* qua de re videatur Tomus 2. latin. Ien. fol. 559. a. §. 2. & Tom. 2. lat. witt. fol. 342. §. 4. Sed etiam doceri ex libris eiusdē potest, ipsum opinionem de transubstantiatione minimū duodecies mutasse, ac modō affirmasse, modō negasse: quēadmodū etiam de Cōmunionē sub utraq; specie cccxc. vicibus sententiam variavit, velut à summo viro D. Ioanne Pistorio. τὸ μαχαρίτην peculiari volumine demonstratum est. Causam porrō huius tantę suę mutabilitatis Lutherus ipse hanc reddit, quod perpetuō de veritate fidei ac doctrinę suę dubitet, neq; quicquam certi & explorati habeat. In Colloquijs Itebien-

Causa inconstantia Lutheri.

Quia nesciuit, utrum Veritatem doceret.

fol. 96. §. 3. *Sape sic mecum cogito: propemodum nescio, quo loco sim, & utrum veritatem doceam, nec ne.* Ibidem de Diabolo fol. 260. & 261. *Satan non potest, quin omnes fidei articulos in cordibus nostris oppugnet. Me ipsum sepius tam vehementer aggreditur, tantaque cum vi opprimit, ut Christi penitus obliuiscar, aut certe longe alium, quā est, esse putem. In summa, nemo est ex nobis (Lutheranis) qui non saepe sepius falsis atque erroneis cogitationibus*

Quia saepe cum Diabolo fascinetur.

Quia nesciuit discrimen Legis & Evangelij.

& opinionibus à Diabolo fascinetur. Ibidem de Lege & Evangelio fol. 154. & 162. b. §. 4. *Non est homo in toto Orbe, qui recte sciat Evangelium à Lege discernere. Nos quidem Evangelici videmur nobis scire, sed adhuc ab eo longe absumus. Solus Spiritus sanctus hanc artem novit. Quin ipse Christus in monte Oliveti id nesciuit, tamen si Spiritus sanctus in specie columba corporaliter super caput ipsius resedisset: itaque necesse habuit, ut Angelus de cælo Evangelium ipsum doceret.* In Colloquijs Latinis Francofort. tomo 2. titulo de Christianis fol. 159. *Proh dolor, multi temerē gloriantur, se doctrinam de remissione peccatorum perdidicisse, & ego Martinus Lutherus miserrimus imbecillitate fidei meæ vix ullam consolationem ex morte & resurrectione Christi, & ex articulo de remissione peccatorum capere possum: bonis autem corporalibus à Deo acceptis, ut edere panem & bibere cernisiam optimē possum: apprehendere autem thesaurum suum necessarium, scilicet remissionis peccatorum gratuite, hoc non vult sequi. Igitur falsi Christiani, qui se EVANGELICOS iactitant, nullum fructum edentes. sicut nubes nullam pluviam edentes.* Ex quibus verbis apparet, quā constans fuerit & certus Lutherus in doctrina de gratuita peccatorum remissione, id est, de Iustificatione, quem articulum totius Lutheranismi fundamentum & caput esse ex ipsius Lutheri & Caluini testimonijs supra cap. III. constitit. Ipse nimirum non credidit,

Quia non credit peccata gratis sine sola fide remitti.

dit, quod alios docebat, velut etiam *Ioannes Mathesius* in XII. concione de Lutheri vita fol. 147. fidem facit, cum ita scribit : *M. Antonus Musa Prædicans Rochlitzensis* narrauit mihi, se quodam tempore admodum dolenter *Luthero* questum esse, quod ipsemet ea credere non posset, quæ aliis prædicabat. Tum respondisse *Lutherum* : *Benedictus ergo sit Deus, cum idem aliis, quod mihi, usu venit.* adhuc enim mihi soli id usu venire credidi.] Et rursum *Lutherus* ipse in prima concione, quam in funere Electoris habuit Tomo 1. Germ. witt. parte 2. fol. 109. b. §. 2. & Tomo 2. Ienen. fol. 500. §. 1. Elector Saxonie *Augustus* in Comitibus longè amariorem, quàm nunc, mortem passus est, quam eandem NOS (*Lutherus & Collegæ*) adhuc QUOTIDIE sine intermissione à propria nostra conscientia & à Diabolo pati cogimur, ut verè gloriari possimus, sicut *Paulus* 1. Cor. 15. Quotidie morior.] Id est, inquietam conscientiam habeo, perpetuò dubito, propemodum nescio, vtrum veritatem an mendacium doceam. Sic enim verba illa, Quotidie morior, interpretatur in Colloquiis *Isleb. de Spiritu sancto* fol. 125. a. §. 6. & de Christo fol. 96. §. 3. & de tentationibus fidei fol. 288. b. Et propter hanc perpetuam & quotidianam *Lutheri* de præcipuis doctrinæ suæ capitibus dubitationem atque incertitudinem, veritatem scripsisse credendus est Tomo 3. Germ. witt. comment. Psalm. 118. fol. 304. b. §. 3. Possunt sanè me *Lutheranum* vocare, sed propemodum in eo mihi faciunt iniuriam.] Atque huiusmodi solent esse Hæreticorum Doctores ac Magistri.

Quia ipse non credidit, quæ alios docebat.

Quia quotidie de doctrina sua dubitauit.

CAPVT CII.

QUI verò eorundem errore traducti (velut 2. Pet. 3. legimus) excidunt à firmitate fidei & à vera cognitione Christi, quique inter Hæreticos à pueris educantur, cum etiam ipsi in sensu suo abundare cupiant, quippe quibus Doctores sui de controuersijs Religionis iudicandi ius ac Pontificium tribuerint, in non paucis articulis à Doctorum ac Magistrorum suorum sententia discedunt, quod semper Hæreticorum discipulis solenne fuisse, vel ex *Tertulliano* discamus licet, in cuius Præscriptionibus aduersus Hæreticos libro hæc verba legimus : Omnes tument, omnes scientiam pollicentur, nec suis Præsidibus reuerentiam nouerunt. Mentior, si non etiam à regulis suis variant inter se, dum unusquisque proinde suo arbitrio modulatur, quæ accepit, quemadmodum de suo arbitrio ea composuit ille, qui tradidit. Agnoscit naturam suam & originis

Hæreticorum discipuli etiā ipsi mutabiles & inconstantes.

nis suæ morem profectus rei. Idem licuit *Valentinianis*, quod *Valentino*, idem *Marcionitis*, quod *Marcioni* (idem *Lutheranis*, quod *Luthero*) de arbitrio suo fidem innouare. Denique inspecta *Hæreses* omnes in multis cum auctoribus suis dissentientes deprehenduntur. Plerique nec *Ecclesias* habent, sine matre, sine sede, orbi fide, extorres vagantur.] Eadem porrò omnia in *Lutheri* discipulis deprehendi præterquam quod ex rebus ipsis inter omnes constat, ipse quoque *Lutherus* testatur. *Tomo 2. Germ. Witt. in exhortatione ad orationem aduersus Turcos fol. 471. & Tomo 7. Ienen.*

Secta ex Lutheri doctrina nata.

fol. 446. Quàm detestabiles *Sectæ* & *Hæreses* sub *Euangelij* nomine & prætextu emerferunt, quia per *Euangelium* siue per doctrinam meam à Pontificis excommunicatione & Tyrannide liberati quicquid liberet, docere ac facere securè poterant, qui prius, cum *Papa* adhuc *Deus* ac *Dominus* esset, nec mutire ausi fuissent.] Et *Tomo 1. Germ. Wittemb. parte 2. in comment. Ephes. 6. fol. 99.*

Quia omnes volunt sapere.

§. 4. Videmus pro dolor, quam *Deus* puniat contemptum verbi & ingritudinem delicatorem spirituum, qui præmaturè docti euaserunt, vt omnia *Sectis* & *Hæresibus* plena sint, ac *Verbo* rursus penitus perditio *Diabolus* *Ecclesias* & *Prædicantium* *Cathedras* regat.] *Ibidem in comment. 1. Cor. 15. fol. 56. b.* *Euangelici* nostri *Nobiles*, ciues atque adeò ipsi etiam *rustici*, qui aliàs simplices & sinceri solebant esse, *Thrafonicè* iactare audent, sibi iam nullo *Prædicatore* opus esse, quia futuræ vitæ rationem habent nullam, sed sicut credunt, ita viuunt.] Et in præfatione *Catechismi Maioris*: *Delicatul* isti vel vnica tantum lectione assequuntur, vt repente omnes vbique *Doctores* post se relinquunt, sciantque omnia, nec vllius *Doctrina* aut institutione opus amplius habeant.] *Rursum Tomo 1. Germ. Witt. in comment. Galat. 3. fol. 195 §. 3. vel 183. b. §. 3.* *Profecto* malè metuo, ne post obitum meum hæc doctrina (de sola fide iustificante) rursus intereat.] In *Colloquijs Isleb. de verbo Dei fol. 8. b. §. 2.* Mea opinio est, ingentes tenebras secuturas esse post hanc *Euangelij* lucem, ita vt *Euangelium* publicè de suggestu amplius non audiatur. In hoc vaticinio (ait *Aurifaber Electoris Saxonix Cõcionator Aulicus*, in præfatione *Conuiuialium Colloquiorum Lutheri*) verissimus *Propheta* fuit *Lutherus*. Eius enim *Doctrina* adeò iam contempta est, adeoque homines eius fastidium & satietas cepit in *Germania*, vt vix nominis eius mentionem audire suslineant, neque multum current testimonia, quæ ex libris ac *Tomis* eius ad confirmandos fidei articulos petantur.] Hic verisimile est *Aurifabrum* de illis loqui, qui *Lutheri* libros legerunt, eiusque mutabilitatem & inconstantiam legendo deprehendunt.

Qui Lutherani Lutheri libros fastidiunt.

prehenderunt, cuiusmodi ferè sunt Lutherani Theologi, itemque quibus Lutheri verba à Catholicis citata in libris ipsius perquirelibuit. Vtrique enim inueniunt, cur non magni sanè facere Lutherum debeant. Ceteri verò adeò Lutherum non auersantur, vt se discipulos eius palàm fateri minime eos pudeat. Sic enim omnes Imperij Electores, Principes atque Ordines Concordiæ libro subscripti in Latino exemplari fol. 702. aut 713. loquuntur: *Cum D. Lutherus haud dubiè præcipuus earum Ecclesiarum, quæ Augustanam Confessionem amplexæ sunt, DOCTOR fuerit (Cuius tota Doctrina, tanquam Compendio, summam in Augustana Confessione comprehensa & Imperatori Carolo V. exhibita est) profecto Confessionis illius propria, vera, & genuina sententia, ex nullius hominis libellis rectius & certius, quàm ex Didacticis & Polemicis Lutheri scriptis hauriri potest.*] Et fol. 699. vel 710. *itemque in Præfatione: Lutherus vir præstantissimus summaque pietate præditus: singularibus & excellentissimis Spiritus sancti donis illuminatus Heros, qui etiam futura in Spiritu praudivit: vt vel à rebus ipsis, vel à prophetis, quæ in Doctrina eius habentur, præcipuè in Augustana Confessione, Apologia, Smalcaldicis articulis & utroque Catechismo, ne latum quidem unguem discere, sed summa concordia in ea perseverare decernimus, controversias omnes ad hanc veram NORMAM & declarationem purioris Doctrinæ examinaturi.*] Sed non minus Calvinus Lutheri se discipulum fatetur in libro de reformatæ Ecclesiæ ratione pag. 463. *Qui nobis hoc tempore facem præstulerunt, vt à diuturno errore in viam rediremus, sanctos Dei Prophetas fuisse, testatur præclarum, quod thei discipuli ediderunt, & verè diuinum ministerij sui specimen.*] Et de libero arbitrio aduersus Pighium pag. 192. *Res ipsa clamat, non Lutherum locutum, sed Deum per os eius fulminasse.*] Et in defensione secunda aduersus westphalum pag. 11. *Cum à tenebris Papatus emergere incipiens, tenui sanè Doctrina gustu concepto legerem apud Lutherum, nihil in Sacramentis à Zuinglio & Oecolampadio reliquum fieri præter nudas & inanēs figuras, ita me ab ipsorum libris alienatum fuisse fateor, vt diu à lectione abstinerim.* Bezzæ de eodem Luthero elogium supra cap. xi. retuli.

Quoniam igitur tanta Lutheri fuit instabilitas, cuius auctoritatem etiam Calvinistæ maximi se facere affirmant, Lutherani verò libros eius pro fidei suæ norma ac regula habere profitentur: cumque Protestantium nullus tam malè de se existimet, quin se quoque scripturas intelligere, & aliquid in ijs, quod vel magistros

Lutherani Principes se fatentur Lutheri discipulos.

Prouocant ad eius libros.

Habent cum pro Prophetâ.

Eius libros pro Norma fidei.

Calvinus se Lutheri discipulū fatetur, tanquā Prophetâ.

Calvinus prius fuit Lutheranus, quàm Zuinglianus.

*Lutherani saepe
imprudentes
Lutheri senten-
tiam oppugnant.*

*Tum Catholico
datur occasio
eis obsecun-
dandi.*

*¶ Si commotis
nō contradicat
& disputatio-
nem subterfu-
gat.*

suos fugerit, inuenire posse credat: omnino necesse est saepe vfu veni-
re, vt sententiam tueatur, quam Lutherus aut quicumque Lutheranor-
um Doctor alicubi impugnarit. Exempli causa, dicet quispiam
Christianos Decalogi præceptis teneri: Fidem sine operibus esse mor-
tuam, nec iustificare: bona opera iustificatorum, quæ Spiritus Christi
in ipsis operatur, non esse peccata: nos per Dei gratiam bona opera fa-
cere, ac legem seruare posse: hominem habere liberum arbitrium, de-
bilitatum quidem, non tamen extinctum, neque Dauidem à Deo
coactum fuisse, vt adulterium faceret & Vrian occideret, neque quem-
quam à Deo aut prædestinatione eius ad malum cogi, neque omnia
absoluta necessitate euenire: Animas defunctorum non dormire aut
iacere insensibiles, vt vbi sint nesciant, sed statim à morte præmio aut
pœna affici: Castitatem posse seruari ab ijs, qui velint, id est, qui neces-
sarijs eam ad rem adiumentis vtantur, cum alioquin omnes, quorum
coniuges aut diuturno morbo decumbunt, aut multum temporis do-
mo absunt, adulteros esse oporteat: Coniugium non esse omnibus ne-
cessarium: illicitum esse plures simul vxores habere: impium ac blas-
phemum esse, si quis Christum de salute sua dubitasse ac pœne despe-
rasse, neque Legis & Euangelij discrimen sciuisse dicat. Hæc ergo atq;
his similia Lutheranus quispiam dicet, Lutherum ijs repugnantia sen-
sisse ac docuisse nesciens. Eam ineundæ gratiæ occasionem Catholi-
cus non solum oblatam arripit, sed vltro etiam aucupabitur, eiusmodi
sermonibus iniectis, quibus ansa Lutheranis detur, vt quid de tali-
bus sentiat, exponat. Præterquam enim quod Lutheranus sententiam
suam à Catholico probari gaudens melius erga ipsum afficietur ani-
mo (idem enim videtur velle, qui idem sentit ac iudicat: *amamus autē,
qui eadem volunt, quæ nos*, ait Aristoteles) tum etiam ad combibendam
in pluribus alijs fidei capitibus Veritatem imbuetur ac præparabitur,
Lutherum quidem certè, cum eum postmodo aliter docuisse compe-
rerit, suspectum habebit.

Benevolentia quoque opinionem apud homines eiusmodi nan-
ciscitur, qui fortè commotis & ex ira asperius in Catholicorum sen-
tentiam dicentibus non contradicit (videtur enim eos nolle offende-
re aut molestia afficere, quod est amantis) item, qui contentionem de-
clinat, seque disputatione supersedere malle præse fert, præcipue cum
arbitri siue spectatores auditoresque adsunt. Molestum est enim à
quoquam vinci, molestius autem alijs testibus vinci, ijs præsertim,
quorum quis existimationem reueretur, de quibus Aristoteles agit.

Rhet.

Rhet. 6. vbi *Pudoris* naturam exsequitur. Contrà *incundum est vincere* (velut idem Philosophus 1. Rhet. libro cap. 10. docet) *non is modo, qui Victorie cupidi sunt, sed omnibus. nam qui vincit, hoc ipso sibi superior videtur: quod quidem omnes homines cupiunt aut remissius, aut vehementius.* Qui ergo non contradicit, neque disputat, is tamen non vincitur (nam *vinci nisi certans non potest*) alterum tamen se superiorem quodammodo confiteri videtur, cum quo pugnam, siue ab eo vinci, siue offendere apud illum metuens, detrectat. Quare nisi quis effundendæ omnis hominum istiusmodi gratiæ & conflandi sibi odij periculum adire velit, omnem alijs præsentibus disputationem subterfugiet, cum pudor deprehensus amitti, in eiusq; locum Impudentia, stomachus & contumelia succedere ferè soleat. Quod si tamen iam imprudentius, vt fit, in Disputationem ingressus sit, in prima resistere, antequam robur accipiat, conabitur. Alit enim se ipsam contentio, demissos altiùs tenet. Facilius est se à certamine abstinere, quam abducere: quemadmodum & Salomo nos monet Prou. 17. *Aperit aquas, principium contentionis: & antequam misceatur lis, desere.* Sic enim Hæbræa nobis reddunt, vt sit hic sensus: Quemadmodum aquæ data effluendi libertate difficulter cohibentur: sic Disputatio cæpta non facilè retinetur, vt satius sit litem statim in principio deserere. Alij modi, quibus beneuolentiæ conciliatur opinio, ex Aristotelis 2. Rhet. 2. vbi de Ira, & 2. Rhet. 4. vbi de Amoris causis disputat, peti possunt.

Cui ergò tantum Auctoritatis pondus obtigit, vt ab ijs, qui in errore versantur, pro viro prudente, & bono, & erga ipsos beneuolo habeatur, is, si fides est Aristoteli, iam illud habet, quo nihil ferè ad persuadendum est præsentius & efficacius: adeoq; saluo officio suam illis operam negare, siue, vt Christus loquitur, acceptū talentū defodere ac sepelire nequaquam potest. Quid enim habet, quod non acceperit? si autem à Deo accepit, quare velut seruus ille piger & inutilis non committat numularijs pecuniam domini, vt is veniens suū recipiat cū vsura? Cum Hæreticus tamquam *vir iniquus læset amicū suū vt ducat eum per viam non bonam* (Prou. 16.) quid ni ipse velut *vir in-
fusus excogitet de domo impij, vt detrahat impios à malo?* Prou. 21.

Cui Deni auctoritatem tribuit, tenetur Hæreticis conuertendis operam nauare.

CAPVT CIII.

Atq; ex istis simul Quis à tractanda cum Ecclesiæ inimicis aut rebellibus Religionis causa abstinere se debeat, intelligitur, cui ni-

Vu 3

mirum

Quis non debeat cum Hæreticis de Religione agere.

mirum Deus neq; officium Pastoris, neq; auctoritatem, qualem diximus, tribuit: quemadmodum nec oues gregis aut lupos persequi, aut eas oues, quæ à grege aberrantes in auia & infesta lupis loca delatæ sunt, reuocatum ire, sed Pastoribus Canibusq; relinquere omnem curam debent, velut ex tertia Parabola posterius apparebit.

*Cui debeat in
causa religionis
opera nauari.
Docentes Hære-
sin non vnius-
modi.*

Iam vt intelligatur *Cui* ab ijs, quorum id munus esse dixi, in Religionis negotio nauari opera debeat aut non debeat, primum omnium discernere à Doctoribus discipulos oportet. Ac *Doctores* quidem *Hæresin* non vniusmodi esse solent. Alij enim, quæ ipsi inueniunt, docent, siue vt abducant discipulos post se, & in carne glorientur, habeanturque pro Legis Doctoribus (*Act. 20. 30. Galat. 6. 13. & 1. Tim. 1.*) siue, vt fictis verbis negotientur & quæstum faciant de ijs, qui eos sequuntur, suoque ventri & commodo seruiant (*2. Pet. 2. Rom. 16. & 1. Tim. 6.* nam *qui se dilatat, iurgia concitat*, siue, vt est in Hebræo, *Latus animo*, hoc est, interpretibus *70. Vir inexplēbilis excitabit litem*, *Prou. 28.*) siue, vt ex contentionis studio resistant, nec acquiescant, sed ægrè faciant molestiq; sint Pastoribus, eosq; non gaudentes, sed gementes pro ouibus peruiolare cogant (*1. Tim. 6. 2. Tim. 2. Hebr. 13.*) Alij, quæ non ipsi inueniunt, sed aliunde accepta alijs porro tradunt & prædicant; idque vel simpliciter ac sine dolo & fraude, cum à parentibus ac præceptoribus sic eruditi & ab obeundū præconis munus instituti fuerunt, neq; opificiū aliud, quo se, vxores liberosq; alere queant, didicerunt, & Catholicorum libros non ferè legerunt, neque quid illi reuera credant, explorato habent cognitum: vel ex malitia & dolo malo, cum vel ex Catholica Ecclesia exierunt siue propter luxuriam, vt ferè fit, siue lucri studio, siue vt Catholicis, præcipuè Pontifici & Episcopis ægrè faciant: vel Hæreticis parentibus nati & inter Hæreticos educati, primum simpliciter bonoq; animo Religionem siue Hæresin suam docent, postea legendis Catholicorum atq; etiam suorum Magistrorum libris vel ex vsu & familiaritate Catholicorum doctrinæ ac fidei suæ falsitatem deprehendunt, sed id apertè ferre non audent, ne vel gratia patronorum & amicorum excidant, vel vtrò sibi, vxoribus ac liberis egestatē accersant, cum opificium, quo alantur, nullum didicerint, concionari verò siue lingua quæstum facere ipsis tamquam Laicis & vxoratis seu maritis de hinc nequaquam permissum iri intelligant. Discipuli porro siue Auditores eorum alijs sunt Magistratus alijs paren-

*Hæreticorum
discipuli.*

tes

tes quos Sallustius vocat, siue subditi, ut cum vulgo loquar, quod hoc libro sæpius facere me profiteor. nec enim mihi res tantas agenti de verborum dilectu curæ esse debet. Illi, Magistratus videlicet, Doctoribus suis quid, ab ipsis doceri velint, præcipiunt, & ad eandem subditos religionem adstringunt, idq; ferè non tam quod eam ipsi præter ceteras opiniones veram ac diuinam credant, quàm quod sibi lucrosam esse intelligant, aut certè quod Catholicorū Religionem fide parentibus, magistris & amicis eam calumniantibus habita, & ingentis cuiusdam Catholicorum erga ipsos odij imagine concepta detestentur. Vtriq; mille, si opus sit, sacramenta iurent, se neq; lucrum ex religione quicquam morari, neq; odio vlli seruire, sed vni gloriæ diuinæ ac populorum suorum salutis consulere. Cuius rei exempla nihil ex Historiis arcessi attinet, cum ipse Spiritus sanctus non pauca nobis in scripturis suppeditet. Tamquam *Isai. 29.* vbi de GENTIBVS sermo est *montem Sion*, siue Ecclesiam, oppugnantibus, ore tamen suo ad Deum appropinquantibus, quorum Principes & Prophetæ visiones videre, siue Sacras literas intelligere se putant, hoc est, non de Gentibus prorsus infidelibus (nam illæ non appropinquant ad Deū, neq; visiones videre sibi videntur, sed longè sunt velut supra *cap. XC.* docui, & caligine operiuntur *Isai. 60. 2.*) neque etiam de Iudeis (nam in hos non conueniunt verba hæc: *multitudo omnium Gentium, quæ dimicauerunt contra Sion*: quamuis odium Ecclesiæ, ignorantiam Scripturarum & hypocrisin siue prætextum veræ religionis cum Gentibus illis communia habeant, & in quantū Hypocritæ sunt, etiam ipsi hoc loco describuntur) sed agitur de Gentibus ac populis Hæreticis, qui se Christianos quidē profitentur, sed oderunt Sion & Ecclesiam oppugnant: ac prius quidē Principibus simulationē Zeli gloriæ diuinæ & dissimulationē odij atque auaritiæ sic exprobrat: *Ecce qui profundi estis corde, ut à Domino abscondatis CONSILIUM*, quorum sunt in tenebris opera & dicunt: *Quis videt nos & quis nouit nos?* Perversa est hæc cogitatio vestra.] Cuiusmodi sit Principum istorum Consilium, ex Psalmis discimus, exserendi nimirum odii erga Pontificem, Christi Vicarium & vnctum Domini, & erga vniuersum Clerum, tum etiam explenda auaritiæ suæ occupatis bonis Deo sacratis ac deuotis *Psal. 2.* *Adfuerunt Reges, & Principes conuenerunt in vnum*, siue, CONSILIUM inierunt aduersus Dominum & Christum eius, dicentes: *Dirumpamus vincula eorum, & projiciamus à nobis iugum ipsorum.* id est, ne apprehendamus disciplinam Episcoporū, neq; erudiamus

Magistratus
Hæretici chimæ-
modi,

Optimates Hæ-
retici simulato-
res et dissimula-
tores.
Consiliū Opti-
matum Hære-
ticorum,

Nolunt obedire
Deo in Pastori-
bus loquenti.

*Extolluntur
aduersus aucto-
ritatem Eccle-
sia.*

*Fedus faciunt
de occupandis
Ecclesijs & Mo-
nasterijs.*

*Prævalent seu
sic cogit subdi-
ros.*

Sunt Illusores.

*Auari sunt Illu-
sores & deriso-
res.*

mur ab ipsis aut intelligamus Scripturam, sicut ipsi. Psal. 82. *Ecce inimici tui, Domine, sonuerunt, & qui oderunt te, extulerunt caput* (aduersus scientiam Dei, quam labia Sacerdotum & Episcoporum custodiunt, Malach. 2. quibus propterea Deus arma dedit potentissima ad destruendas munitiones & CONSILIA, & omnem altitudinem extol- lentem se aduersus scientiam Dei, omnemq; inobedientiam eorum, qui obedire ac subiacere ipsis nolunt, vlciscendam, 2. Cor. 10. Hebr. 13.) *super populum tuum malignauerunt CONSILIUM, & eogitauerunt aduersus Sanctos siue clericos & Monachos tuos in monasterijs absconditos. Dixerunt: Venite & disperdamus eos de gente, & non memoretur nomen Isra- el ultra. Omnes Principes eorum dixerunt: Hereditate possideamus san- ctuarium Dei.* id est, occupemus & hereditaria nostris relinquamus bona Deo consecrata. Huiusmodi ergo Consilii dissimulationem priore loco Principibus Deus apud Isaïam exprobat: deinceps vi- rium debilitationem & consummationem iisdem Principibus, suc- cisionem verò Prædicantibus ac Doctoribus eorum comminatur: *Defecit, qui præualebat* (siue, qui subditos ad religionem suam cogebat, vires amisit) *consummatus est illusor, & succisi omnes, qui vigilabant super iniquitatem* (à quibus rapitur somnus, vt non dormiant, nisi alios sup- plantauerint & in errorem induxerint, Prou. 4.) *qui peccare faciebant homines in verbo, siue, vt Lutherus Germanicè vertit, per conciones suas, & argumentem in porta supplantabant* (id est, instituta cum Catholicis disputatione adulando Principibus & auditoribus, eosq; Disputatio- nis iudices optando & constituendo, perficiebant, vt Victoriæ testi- monium ipsis tribueretur) *& declinauerunt frustrà à iusto, siue, sine causa ab Ecclesia discesserunt.* Postremò subditis eiusmodi illusor- um siue Principum libertatem ab errore & conuersionem sic pollicetur: *In die illo audient surdi verba libri, & de tenebris & caligine oculi cæcorum videbunt, & scient errantes Spiritu intellectum, & musitatores dis- cent Legem.* id est, qui prius propter metum suorum Principum ad omnia Catholicorum argumenta obsurduerant, neq; quicquam in Scripturis rectè ac sine errore intelligebant, illi iam remoto metu à Sacerdotibus (*quorum labia custodiunt scientiam, & ex eorum ore Lex requiri debet, Malach. 2.*) verum Scripturæ sensum discere volent. Causa verò præcipua, cur *illusores* vocentur Principes, est Auaritia. nam Avari, siue, vtilitati suæ nimis dediti, *incidunt in tentationem & la- queum Diaboli* (1. Tim. 6.) *& errant à fide, ac rident omnes eos, velut insipientes, qui se quicquam ipsis persuasuros putant, quod vtilitate eorum*

eorum alienum sit. Luc. 16, Audiebant hæc omnia Pharisei, qui erant *Et nolūt Aua-*
ritia dediti &
deri.
 Auari, & deridebant Iesum. Et tamen, quod omnibus eodē morbo labo-
 rantibus vsuuenit, magnopere hanc Auaritiæ suspicionem amoliri à
 se cupiebant, quasi veris victi & conscientia prohibente Christi do-
 ctrinam nō amplecterentur. Itaq; Christus ad diuinū tribunal sic eos
 citat: Vos estis, qui iustificatis vos coram hominibus, Deus autem nouit corda
 vestra. Huiusmodi ergo auaros, simulatores, & Illusores Principes,
 viribus debilitatum & consummatum iri Deus comminatur prius-
 quam eorū subditi mussitantes & Ecclesiæ aduersantes Legē discant
 eiusq; intellectu sciant: quemadmodū etiam Psalmus 82. modo lauda-
 tus significat, cū quæ Principes istos sors maneat, sic prænunciat: si-
 cut ignis comburit siluam, ita persequeris illos, Deus: implebis facies eorum igno-
 minia, & querent nomen tuum Domine. Nimirum Egestas, nobilitatis
 pestis & aduersaria, illis, vt respicere velint, stimulos addet. quam e-
 nim pudori Principum & amplis familiis editorum grauis & onerosa
 sit Paupertas, vel hæc Euripidæi Menelai verba declarant:

— ὄχλον ἐισπείν ἡσχύνουν
 Κρύπων ὑπ' αἰσῶς τὰς τύχας, ὅταν δ' αὖτ' ὅς
 Πράξει κακῶς ὑφ' ἡλός. εἰς ἀνδία
 Πιπτεῖ κακίῳ τῷ πάλαι δυσδαίμονος.
 — audire turbam me putet
 Rubore celantem infortunia. namq; vir,
 Cum clarus in mala incidit, multo ægrius
 Fert, quam diu qui infortunatus exstitit.

Atque huc etiam caput Isaia XLII. pertinet, quod Luthero quoq; te-
 ste de Christo vaticinatur, deq; Fide Christi inter Gentes & in Insulis per
 habitatores Petreæ de vertice montium, siue per Romanæ Ecclesiæ sacerdo-
 tes à Pontifice missos annuncianda, de pœna deniq; Hæreticorū, qui
 conuertuntur retrorsum, & nouam religionem amplexi, perinde faciunt
 ac si sculptilia adorarent (nam quasi peccatū ariolandi est, repugnare: &
 quasi scelus Idololatriæ, nolle acquiescere, 1. Reg. 15. Et Lutherus Tom 3
 lat. x. ut. fol. 184. Comment. Psal. 5. hæc verba: Cor eorū vanū est, ait sic verti
 posse: Interiora eorū peruersitates, quia Hæretici reuera perversiores sunt, *Hæretici duobus*
 inquit, verborū Dei, quæ Peruersitas olim figurata est in omnibus Ido- *nomini bus sumit*
 lis ac sculptilibus) quo accedit, quod Auaritia plerisq; pertinacis er- *Idololatriæ.*
 roris causa est, quam Paulus Idololatriam siue sculptiliū adorationē

X x

&

*Quare Hæretici
non obediunt
Pastoribus.*
1.

*Quia affectibus
suis excacati
sunt.*

*Quia à Principibus
coguntur.*
2.

*Pæna Principum
& subditorum.*
3.

*Conuersio Stro-
rum.*
4.

*Principum Hæ-
reticorum spe-
culum.*

& simulacrorum seruitutem vocat Colos. 3. & Ephes. 5. Ac ne quis de Iudaico populo sermonem esse putet, attentionem nostram sic exacuit : *Quis est in vobis, qui audiat hoc, attendat & auscultet EV-
TVR?* Ibi ergo primum conqueritur Deus, quod ex populo suo, siue ex iis, qui Christi nomen præferunt, multi quamuis multa viden-
tes & aures apertas habentes (id est, non ex toto infideles, sicut ethni-
ci sed iam magnam fidei Christianæ partem cognitam habentes) ad-
huc tamen ad multa Legis seu verbi Dei cæci ac surdi sint : *Quis cæcus,
nisi seruus meus? & surdus, nisi ad quē misi nuncios meos, habitatores petra, de
vertice montium clamantes? quis cæcus, nisi qui venū dat? est (siue, ut est in 70.
qui recessit. hoc est, qui desciiuit ab Ecclesia, & seruit suis cupidita-
tibus) & quis cæcus, nisi seruus Domini? id est, qui per baptismū Chri-
stianus ac Dei seruus factus fuerat. Qui vides multa, nonne custodies? qui
apertas habes aures, nonne audies? Surdi audite, & cæci intuemini ad viden-
dum.]* Deinde causam exponit, cur populus ita cæcus & surdus neq;
videat, neq; audiat : quia nempe laqueo iuuenum siue Principum
(Isai. 3. *Dabo pueros. Principes eorum, & effeminati, siue ut habent 70.
illosores Dominabuntur eis*) captiuus teneatur, hoc est, quia Principes
metu pænæ subditos in errore contineant: *Dominus eū voluit sanctificare
& magnificare Legem. Ipse autem populus direptus & vastatus: laqueus lue-
num omnes, & in domibus carcerum absconditi sunt : facti sunt in rapi-
nam, nec est, qui eruat : in direptionem, nec est, qui dicat, Redde.]*
Hoc amplius qua pæna Principes simul cum populo afficiantur, de-
clarat : *Effudit super eum indignationem furoris & forte bellum, & com-
bussit eum in circuitu, & non cognouit, neq; intellexit : & in iis eius
ambulare noluit.]* Postremò nihilominus fore vaticinatur, ut Cæci
in viam, quam nesciunt, ducantur, hoc est, Catholicam religionem
amplectantur, quamuis magnam eius partem nondum intelligant :
*Ducam cecos in viam, quam nesciunt, & in semitis, quas ignorauerunt, ambu-
lare eos faciam : ponam tenebras coram eis in lucem, & praua in recta, id est,
faciam ut illas quoq; sententias pro veris habeant, quas alioquin pra-
uas putarent, nisi Ecclesiæ & Episcopis humiliter obedirent & sub-
iacerent. Hæc faciam eis, & non derelinquam eos, tum scilicet cum ipsi
Principes, non tantum in circuitu combusti, siue, leui damno affecti, sed
incendio pænæ consummati & abbreviati, intelligentes euaserint, quæ
admodum Isai. 28. docuerat: *Audite verbum Domini viri illosores, qui do-
minamini super populum meum : nolite illudere, quia consumptionem & ab-
breuiationem audiri à Domino. Putatis quidem vos habere sedus cum morte**

& pactum cum inferno, siue, nullo futuri iudicii metu terremini, neq; *Sunt securi nil-*
 creditis vos in inferno pœnas daturus: quia Mendacium posuistis spem ve- *q; metunt.*
 stram, & mendacio protecti estis. quicquid facitis & dicitis stilo menda-
 ci scribarum vestrorum (Ierem. 8.) ita defensum putatis, vt nemo
 quicquam possit contradicere. Sed grando subuertet spem mendacij, &
 protectionem vestram aque inundabunt, cumq; flagellum inundans super vos ve- *Sola vexatio*
 nerit, eritis in conculcationem. Nam sola vexatio intellectum dabit auditui *sua emendatur*
 vestro. tum scilicet, quando coangustatum erit stratum vestrum, ita vt alter
 decidat, palliumque breue vtrumque operire non poterit, siue, cum ita *Et perspicua*
 multiplicati fueritis, vt omnes ex fructibus ac redditibus vestris ali- *Ecclesia prospere*
 nequeatis. Contrà videbitis Ecclesiam quamuis inundante flagello seu per- *ritatis.*
 secutione non subuerti, quia fundata est super Petram, super lapidem pro-
 batum & pretiosum, in quem qui crediderit, non confundetur.] Tales
 etiam populi Iudaici Principes quondam fuisse hæc nos Osee. verba
 docent: Audite domus Regis, siue Principes & Consiliarij Regij, quia *In laqueo subdi-*
 vobis iudicium est (siue puniemini) quoniam Laqueus facti estis specula- *to: tenet cap i-*
 tioni, dum videlicet Speculatorum munus inuaditis, & subditos ad *uos.*
 vestram religionem adigitis: & propinatus Nazaraeis vinum, & prophe- *Vo'a Deo facta*
 tis mandatis dicentes: Ne prophetetis, Amos 2. quasi si quis hodie Prote- *violare alios*
 stantium Principibus dicat: clericis & Monachis qui Deo castita- *faciunt.*
 tem vouerunt, vxorum ducendarum auctores estis, & Pastoribus le-
 gitimè ad docendum missi silentium imponitis: non seruatis precepta
 sanctuarij mei, & ponitis custodes observationum mearum in sanctuario meo vo-
 bismetipsis, & inducitis filios alienos, incircumcisos corde, vt sint in sanctuario
 meo, Ezech. 44. id est, pertinaces Hæreticos vestra auctoritate Con-
 cionatores constituitis. Videntibus siue Sacerdotibus Catholicis di-
 citis, Nolite videre: & Adspicientibus siue Concionatoribus vestris dicitis:
 Nolite nobis adspicere ea, quæ recta sunt: loquimini nobis placentia: videte nobis
 errores: auferite à me viam tritam declinate à me semitam (antiquam Ier. 6.)
 cesset à facie nostra sanctus Israel, Isai 30. Et propterea Osee. dicuntur Prin-
 cipes Iuda facti quasi qui assumunt terminum, siue, qui susceptis Sacerdo-
 tum partibus transferunt terminos, diripiuntque greges & pascunt eos, Iob.
 24. Hoc autem eos propter Auaritiam fecisse, cuius tamen in simu-
 lari sese eggerimè ferebant, & vel conceptis verbis, se lucrū nullū que-
 rere, iusiurandum dare parati erant, hinc quoq; discimus. Soph. 1. Et e-
 rit in tempore illo. Visitabo super Principes & super filios Regis, &
 scrutabor Ierusalem in lucernis, & visitabo super viros defixos in
 facibus suis, qui dicunt in cordibus suis: Non faciet benè Dominus
 &

Sunt avari & Gilitati propria dediti. Iis desolatis cōuertuntur eorū subditi.

& non faciet malē (id est, qui reuera non credunt Deum gerere curam rerum humanarum, neque se rationem factorum suorum reddituros) Er-
 rit fortitudo eorum in Direptionem, & domus eorum in desertum.
Soph. 3. Principes eius in medio eius, quasi Leones rugientes, iudi-
 ces eius Lupi, Prophetæ eius virj infideles. Desolatas faciam ciui-
 tates eorum &c. Attamen timebis me, fuscipies disciplinam, siue,
 rursum ex errore conuerteris postquam Principes tui malo suo docti resipuerint.
 Tunc auferam de medio tui magniloquos superbix tuæ (qui superbi-
 unt nolentes obedire Sacerdotis imperio Deuter. 17.) & derelinquam in me-
 dio tui populum pauperem, & egenum (siue, humilem, qui præposi-
 tis obediat & subiaceat, Hebr. 13.) & sperabunt in nomine Domi-
 ni. non facient iniquitatem, siue, non comminiscuntur falsam doctrinam
 (supra cap. XXVII.) & non inuenietur in ore eorum lingua dolosa,
 quoniam ipsi pascuntur (siue, pasci se sinent à pastoribus) & accubabunt
 (subiacebunt Præpositis suis) & non erit qui exterreat. Ierem. 6. Omnes
Sunt dissimula- tores auaritia sua, & nec in- uantes fidem merentur.
 isti Principes declinantes, ambulantes fraudulenter. Verbum Do-
 mini factum est eis in opprobrium & non suscipient illud. A mi-
 nore quippe vsque ad minorem omnes auaritiæ student. Quod si
 etiam, viuit Dominus, dixerint, & hoc falsò iurabunt.]

CAPVT CIV.

An modo dicta ad Protestantium Principes pertineant. Id non ego, sed ipsi, & doctores eorū affirmāt.

Lutheri Cygnacatio de Principibus Evangelicis.

Musculi de iustis Testimoniis.

AC tales ego si dicerem esse Protestantium principes, quales opti-
 mates Hæreticorū ac perperam credentiū seu fuisse, seu futuros
 esse iam ex Scripturis didicimus, ne illi contumeliam iure mecum
 expostularent, meque ad satisfactionem, siue palinodiam adigerent.
 Atqui non ego id dico, sed illi, quos ipsi pro Prophetis ac Doctōrib.
 & pastorib. animarum suarum habent, quorumq; libros apud se exi-
 re suis imaginibus, aut insignijs ornatos, & priuilegijs munitos pati-
 untur. Lutherus in comment. Genes. quem librū Philippus Cygnacā Lutheri
 cantionē vocat, cap. 45. Tom. 6. lat. Witt. fol. 617. Nostri Principes emen-
 dationē Ecclesiarū instituunt, sed eo prætextu spoliant, rapiunt, expi-
 lant Ecclesias, adipēq; monasteriorū & collegiorū rapiunt ipsi, quod
 quidē in hac bulimia Principū vteūq; toleramus. Et cap. 47. fol. 632. b.
 Nostri Principes diripiunt & cōpilant omnia, quæ inueniunt in mo-
 nasterijs & parochiis: paucissimi conferunt aliquid (ex raptis bonis, nedū
 de suo) ad conseruationē ministerii, aut saltē ad vnū scholasticū sustē-
 tandū. Andreas Muscul^{us} de die Nouiss^{is} fol. 84. Nihil nostris cordi est, quā
 rapere,

rapere capere. Proceres ac Magnates, à bonis Ecclesiasticis incepterunt (*Rapere*) neque tamen benè collocant, sed in priuatam vtilitatem conuertunt. *Smidlinus Concione tertia de planetis fol. 92.* Qui Ecclesiæ bona rapiunt, inq; priuatam vtilitatē conuertunt, ij veri demū sunt sacrilegi, quamuis reformationem Ecclesiæ & sanctum Euangelij nomen callidè prætexant, quasi scilicet nihil aliud spectent, quàm Dei gloriam & Ecclesiæ salutem, vtque sublata Papistarum Idololatria verus Dei cultus instauretur. Sed interea Cor eorum opibus Ecclesiasticis inhiat.] Sed quod non iniuria omnes miremur, *Erasmii Alberi Lutheri* amicorum non postremi, *Pæan* siue *Hymnus*, Lutheranorum præcipuè Principum ac Magistratum Religioni ac pietati consecratus, hodie quoque inter cæteras Euangelicorum cantiunculas Ecclesiasticas circumfertur, ac sæpius ipsis nihil repugnantibus, cum Typographorum formis describitur, tūm passim clarissima voce occentatur, nihil vt fore putem, cur mihi succenseant, si aliquamultos eius Hymni vericulos, vt cumque latinè redditos, in Serenissimi Angliæ Regis gratiam hoc loco afferam: Ipsius enim non omninò nihil videtur interesse, quales se Lutherani Principes, quorum ille participem videri se postulat, à suis Prophetis palàm describi, ac voce subditorum suorum decantari patiantur. Agite ergo *Fauete linguis: Carmina non semel Audita Lutherani* ultro *Præco canit fidei atque mystes:*

*Se iactant Euangelicos,
Sed vsque præbent improbos.
Deus profectò luditur,
Ira sci neque creditur.
Nihil est nisi nequitia,
Deglubunt præ auaritia.
Deum non esse credes,
Ad eò opprimuntur pauperes.
Ecclesias diripiunt,
Nec inde lucrum sentiunt.
Fames egenos opprimit,
Et Panis illos deficit.
Opes Sacratas rapiunt,
Quæ de suo nil conferunt.
Sacra inuolant clenodia,
En quid facit Auaritia.*

XX

Ars

*Et Smidlini.**Et Erasmi Alberi.**Protestantium
Principes eius
modi de ipsis te-
stimonia agno-
scunt ac pro-
bant.**Euangelicorum
Hymnus in lau-
dem suorum
Principum.*

*Ars summa iam est conuicia
Facere, & nosse flagitia.
In his eruditissimi, &
Nequitia sunt plenissimi.*

*Mea de Testi-
monio istiusmo-
di sententia.*

Hæc Euangelici Præcones ac Prophetæ de suis Principibus ac Magi-
stratibus testantur. quæ ipsi etiam vera esse agnoscunt ac fatentur,
dum eos libros, in quibus ita describuntur, pro Fidei suæ norma ac Re-
gula ab ipsis haberi (id quod Libri Concordiæ Præfatio de Lutheri li-
bris facit) aut alioquin pios & Ecclesiæ vtilis sibi videri testantur. Sed
enim de ipsis nihil hæc omnia moratus ego longè & sentio, & loquor
honorificentius. Testimoniū eis supra perhibui, Catholicam religio-

*Quid ego in
Protestantibus
Principibus nō
improbem?*

nē propter susceptas à pueris persuasiones impiam & Idololatricam
eis videri, cui salua conscientia subscribere nequeant. Itaque nequa-
quam hoc in eis reprehendo, quod confiscatis bonis Ecclesiarum
& monasteriorum, eum Dei cultum, quem ipsi ex animo, vt im-
piū, detestantur, sublatum eunt (sic enim nisi facerent, verè impij
essent) sed nec in eo quicquam ab ijs peccari iudico, quod se sibi
proximos putent, & prædam à Catholicis captam inter ipsos &

*Prædam cum
suis Prædicar-
tibus rectè di-
uidunt.*

Prædicantes ita partiantur, quemadmodum inter Leonem ac Vulpe-
culam par videtur (Sophonias enim Principes vocat Leones rugientes.
Pseudoprophetas autem siue Prædicantes viros infideles, id est, Vulpecu-
las) vt Adipem scilicet & Carnem ipsi deuorent, Ossa Socijs relin-
quant. Cū enim videant, suos Prædicantes ex nutu suo pendere,

*Prædicantes sunt
Assentatores
Principum.*

neque tam veritatis, quàm quid ipsis videatur ac probeatur, ra-
tionem ducere (si quis enim v. g. Lutheranus Princeps *Vbiquitatem*
prober, statim Prædicantes eandem contentiosissimè docebunt, &
solidissimis Scripturæ fundamentis niti clamabunt: Sin autem
Principi secus videri incipiat, etiam Prædicantes nusquam esse
Vbiquitatem, & nusquam in scripturis fundamentum habere con-
tendent) ne illi stolidissimè facerent, si sacrilegij metu Ecclesia-
rum fructus huic potius vilissimo & abiectissimo adulatorum ge-
neri diripiendos & abligurriendos darent, quàm in suam ipsorum

*Iniussu Princi-
pes à Prædica-
tibus suis Sacri-
legij incensan-
tur.*

rem conuerterent. Vt planius dicam, quod sentio, maximam
Prædicantes Principibus suis iniuriam faciunt, cū eos sacrile-
gij insimulant. Nam quod Papistis Ecclesiarum bona eripuerunt,
etiam laudari saltem à Prædicantibus merentur. nam ex animi
sententia Papistarum Religionem impiam esse, eaque Deum offen-
diu.

di iudicant, siue, *bonum Zelum sed scientia destitutum habent*. Itaque non, quod ex ignorantia faciunt, reprehendi debet, sed ipsa tantum ignorantia; quodque quid reuera Catholici credant, non ex ipsis audire velint, sed eorum hostibus ea de re fidem habeant. Vno verbo, hoc potissimum peccant, quod, velut ait Psalmus, *nolunt intelligere, ut bene agant*, siue, in errore pertinaces manent. Quod autem Prædicantibus non nisi minimam opum à Papistis raptarum partem tribuunt, piè ac prudenter faciunt. Piè quidem, quod homines mendacij & adulationis manifestò compertos, bonis Deo ac veritati dicatis ditari nolunt. Prudenter autem, quia sciunt, *quid valeat nummus, quem præbeat usum*. Scriptum nempè est à Salomone Ecclesia. 7. *utilior est sapientia cum diuitiis & magis prodest videntibus solem sicut enim protegit sapientia, sic protegit pecunia*. Hoc scilicet est sapere, ad suum questum non esse incallidum. Id porrò Regibus ac Principibus imprimis conuenit, cum velut Aristoteles supra cap. LXXXVII. nos docuit, prudentia sit virtus eorum, qui imperant, propria: quam etiam Psalmo 2. capescere iubentur: *Nunc Reges intelligite, erudimini qui iudicatis terram: quæ verba Rex Anglus eò etiam valere docet, ut protestantes Principes ac Magistratus Ecclesiam Romanam desertam ac nudam relinquunt, & velut Leones rugientes Carnes eius comedant* pag. 107. Ac propterea Lutherus, capere ait esse Lutheranorum Principum ac Regum, sicut dare Pontificiorum. In Colloquijs de Principibus fol. 349. b. aut 435. b. *Rex Anglia Lutheranus est in capiendò, non in dando: querit quod suum est: non quod Dei*. Ad cuius loci oram adscriptum est: *Bona fide Lutheranus quis?* Sed etiam cum Prædicantes, imò ipse quoque Rex Iacobus in Apologia Reges ac Principes sæculares contendunt esse *Angelos Dei, vnctos Domini, filios altissimi*, imò verò *Deos* (quos titulos Prædicantes non facillè sibi vindicauerint) Certè cum ea, quæ Deo consecrata sunt Ecclesiæ bona, in fiscum suum redigunt, non nisi rem suam vindicant, adeoque sacrilegium nequaquam committunt. quis enim ad Deos sacra, ad Vnctos vncta beneficia & opulenta monasteria pertinere neget?

Quid meo iudicio Protestantium Principes peccent.

Eosdem ego iudico facere Piè.

Ac Prudenter.

Prudentis est scire quid sibi sit utile.

Reges ac Principes debent esse Prudentes.

Hoc est, Ecclesiam bonam conficere, interpretari Anglia Reges.

Quos Reges Lutheranos bona fide Lutheranos putet.

Magistratus sunt Dij.

Res ergo sacrae eis debentur.

ATQVE

*Quare Prote-
stantes Princi-
pes ac subditos
ad suam Reli-
gionem cogant.*

*Protestantes Prin-
cipes ac subdi-
ti meo iudicio
inter se sunt si-
miles.
Vtrique ducū-
tur partim Au-
daciae.*

*Partim Affectu
& g.
1. Voluptate seu
delectatione a-
nimi & corpo-
ris.*

*3. Cura seculi
sive Metu.*

ATQUE hæc pro Principibus ac Magistratibus Hæreticorum ad-
uersus prædicantes dicta sint, quas etsi supra dixi subditis suis
vim afferre, vt eandem, quam ipsi, religionem amplectantur,
eiusdemque docendæ necessitatem Prædicantibus imponere, neque
id tam quod suam religionem veram esse credant, quàm quod ex eâ
lucris spes ostendatur, quodque Catholicam religionem, vt impiam,
oderint: operæpretium tamen fuerit causas eorum pertinaciæ ex ijs,
quæ supra copiosius persecutus fui, repetere. Ita enim non aliam ma-
gistratum, quàm subditorum rationem esse inueniemus. Vtrique
enim agri partim lapidibus oppleti ac velut constrati, partim spinis ac
vepribus obsiti sunt similes. Quibus auctoritas Parentum magistra-
tuum ac Prædicantium iam inde à pueris falsas opiniones de Catholi-
corum fide & moribus iniecit, vt & Catholicos de singulis fidei arti-
culis palam impiam sententiam habere, & ad eandem fraudibus ac vi
dissentientes cogere, neque in eo vllam datæ fidei rationem habere
velle credant, illorum corda sunt vndique lapidibus constrata, neque
iactum verbi diuini semen, siue Catholicorum argumenta, recipiunt,
nisi elapidata, hoc est, nisi auctoritas illorum, quibus ipsi cre-
dunt, debilitata & falsa illa, quas de Fide moribusque nostris combi-
berunt, opiniones eiseuulsæ fuerint. Quos verò quicquid libeat, de
religione sentire ac facere delectat, siue, quibus molestum nimis ac-
cidit, ieiunare, peccata confiteri, cilicio indui, carnibus non vesci, su-
um honorem ijs, de quorum fama maledicè detraxerint, restituere,
omnibus denique placitis abstinnisse bonis, neque aliter aut credere aut
viuere, quàm præcipiat Ecclesia Columna illa ac firmamentum veritatis
(1. Tim. 3.) quamque iubeant Præpositi siue episcopi, qui pro nobis perui-
gilant & rationem de animabus nostris reddisuri sunt, quibus propterea obedi-
re, subiacere siue intellectum & voluntatem humiliter subicere, & le-
gem siue verum scripturæ sensum ex eorum ore requirere, ab ijsque scien-
tia & doctrina pasci iubemur (Heb. 13. Malach. 2. & Ierem. 3) Similiter
qui cura & solitudine sæculi nimis afficiuntur, metuuntq; si Luthe-
ranismum deferant, ne gratiam Parentum, propinquorum, amico-
rum ac patronorum effundant, & ambitione aut avaritia ducti, ad
Catholicos migrasse insimulentur, ac præsidijs ad vitam agendam si-
bi, vxoribus, liberisque necessarijs destituantur, sollicitique velut gen-
tes quærant: si Catholici siamus, quid manducabimus, aut quid bibemus, aut
quo operiemur? nec vel iuranti Christo credunt, Marci 10. Amen dico vo-
bis: NEMO est, qui reliquerit domum, aut Fratres aut Sorores, aut Patrem, aut

Matrem

Matrem, aut filios aut agros propter me & propter Euangelium, qui non accipiet centies tantum, nunc in tempore hoc, & in saeculo futuro vitam aeternam. Quæ verba illam Tertulliani vocem mihi extorquent: O felices nos quorum causa Deus iurat: ô miseros, si nec iuranti Deo credimus! Postremo quos fallacia diuitiarum, laqueus ille ac tentatio Diaboli (1. Tim. 6.) captiuos tenet, vt vel ex vsuris, circumscriptionibus, aut quouis alio iniusto lucro ditescere (quemadmodum Lutheranos & Calvinistas ple- rosque omnes ipsi eorum Prophetæ facere testantur, quorum verba capite primo retuli) vel quæ siue ipsi, siue Parentes iniquè pepererunt bona (quod Principibus protestantibus, qui Ecclesias ac Monasteria confiscarunt, vsu venit) omnino retinere cupiant, atque etiam ali- quid amplius lucraturus sperent: Huiusmodi ergo omnes nihil aliud sunt, quàm spinetum, siue ager sentibus, spinis ac vepribus vn- dique oblitus, quem vtili aliqua fruge compleri frustra desideres. Semen enim verbi diuini, siue argumenta Catholicorum omnia à Spinis eiusmodi suffocari, ac sine fructu effici, Christus ipse Matth. 13. docet; à quo aliam etiam eorum, qui veritate priuati sunt, distin- ctionem, Matth. 7. discimus, vt alij scilicet sint Canes, alij Porci. Canes sunt, qui propter iram, odium, inuidiam, aut etiam pro- pter ventrem, Ecclesiæ doctrinam oppugnant, & Pastoribus oblatrant, siue Prædicantes malitiosi, de quibus Paulus Philipp. 3. Videte Canes, videte malos operarios, inimicos Crucis Christi, quorum Deus venter est, qui terrena sapiunt. Porci sunt, quicumque amore re- rum temporalium, siue gloriæ, siue quæstus, siue licentiæ Carnalis, seu cuiuscumque demum rei excæcantur, vt verita- tem, aut non cognoscant, aut cognitam non amplectan- tur. Nam omnia huius mundi bona sunt velut stercora, si cum vera religione comparentur, quæ triticum est, ex quo panis vitæ confectus ab Episcopis Dei, dispensatoribus fami- liæ Dei distribuitur. Itaque qui Porci non sunt, sed familia- res ac Domestici Dei, omnia arbitrantur vt stercora propter emi- nentem scientiam Christi, velut Philipp. 3. ait Apostolus. Qui autem huiusmodi stercora relinquere nolunt, vt Deum au- diant, & ipsius verbum suscipiant, ij verè Porci sunt, quales erant Principes illi Iohân. 12. Et ex Principibus multi crediderunt in eum, sed propter Phariseos non confitebantur. dilexerunt enim glo- riam hominum magis, quàm Dei, nihilque curarunt illud Isai. 51. No- lite timere opprobria hominum & blasphemias eorum ne metuat. Itemque

3. Fallacia di-
uitiarum, siue
cupiditas tuen-
di, aut spes sa-
ciendi lucri.

Hæretici alij
Canes.

Alij Porci, a-
mantès sterco-
ra.

Principes Iu-
daeorum erant
Porci.

Yy

excusa-

*Et ij, qui ad
magnam Cenā
inuitati Venire
noluerunt.*

excusatores illi ἡ συμπεριφερόμενοι ἢ παραυῶντες τὴν κλήσιν, *Luc. 14.* qui ad Cenam magnam inuitati propterea non venerunt, quod alius villam emisset eamque visum abiret, alius boues mercatus esset, eorumque periculum facere cuperet, alius denique uxorem duxisset eique operam dandam putaret: quos omnes Christus indignos fuisse ait, qui vocarentur *Matth. 14.* Tales Porci quoque erant Pharisei

Et Pharisei auari.

illi *Luc. 16.* qui, quod essent auari, Iesum eiusque monita deridebant. Et

Et diuites ac fortunati.

diuites ac fortunati illi de quibus *Iob. 21.* Domus eorum securae sunt & pacata, & non est virga Dei super illos, qui dixerunt Deo: Recede à nobis, & scientiam viarum tuarum nolumus. Putares videre te Porcum in fimeto quiescentem, neque vlla sollicitudine affectum: quales

*Lutherus suos
Euangelicos te-
statur esse Por-
cos,*

LXIV. laudatis: Futura vitæ rationem habent nullam, sed sicut credunt, ita viuunt. Sunt & manent Porci: Credunt, sicut Porci, & sicut Porci moriuntur. Vnde discimus, porcinam siue Suillam fidem esse, nullam futurae vitæ rationem ducere. Atqui hoc Lutherus in primis suis discipu-

*Quia Porcinā
eius doctrinam
amplectuntur.*

lis inculcat, velut supra *cap. V.* ex his eius verbis constitit: Papista Christianum non nisi pro iudice habent. Hoc Christiani siue Lutherani non faciunt. Cum sciant infideles tantum iudicatum iri à Christo. Hoc discamus & BENE

NOTE MUS, ne mortem & extremum iudicium metuamus. Cum ergo in mentem tibi venit Christi, velut iudicis, qui te iussurus sit reddere rationem villi- cationis tuæ, tum pro explorato habeas, eum non Christum, sed ipsissimum

*Lutherus mal-
let esse Porcum,
quàm Papistā.*

esse Diabolum. Atque hanc etiam ob causam, quia scilicet Papistæ de futura vita cogitant, metuuntque extremum iudicium, fatetur Lutherus, si vel iudeus esset & à Porcis abhorreret, potius tamen Porcum se futurum, quàm Papistam, *Tom. 5. Germ. Witt. de Christo Iudeo fol. 434. b. §. 3.* Porcus enim (ait idem eodem tomo, de Iudeis. fol. 505. a. §. 3. Recu-

*Quia Porcus
nec Deum, nec
Diabolum me-
ruit.*

bat in fimeto suo velut in culcita, quiescit securè, suauissimè stertit, ac neque Diabolum, neque, iratum Deum pertimescit, & vsque eò fine omni sollicitudine viuunt, ut ne quidem de fursuribus cogitet. Quòd si quis eum ex cubili suo excitet, aberit non longè, quin grunniat. Vno verbo, vitam viuunt omnium securissimam & suauissimam.] Ergò securitas & futurae Vitæ siue extremi iudicij contemptus, prima est causa, cur suas Oues Lutherus Porcos esse dicat. Aliam idem causam hanc affert, quòd oletum ac stercore vsque adeo capiantur, sed cuiusmodi sit oletum illud, non satis constanter docet. Aliàs enim

*Lutherus ole-
tū suum à Prin-*

mè Ecclesiastica, Lutheranorum porcorum oletum siue delicias

cías vocat. In Coloquijs Illeb. de Principibus fol. 441. b. §. 6. Elector
 Saxo eiusque consiliarij tamdiu me premant, donec me concacauero, quo fá-
 cto ipsi oletum meum adorabunt ac pro odoribus habebunt. Atque hæc vi-
 detur causa, cur Ciuitates Lutheranas appellet Ciuitates mendaceas,
 siue Stercoreas Tom. 7. Germ. Ienens. de Oratione Antiturcica. fol. 446. b. quia nempè merdam siue oletum, hoc est stercoream, im-
 puram, spurcam, fœtidam, verèque Porcis dignam Lutheri do-
 ctrinam amplectuntur. quemadmodum & Tom. 1. German. Wittemb. de summa Preceptorum Dei fol. 125. a. §. 2. vel Tom. 2. Ienens.
 fol. 499. b. §. 3. Scribit, merdam Lutheranorum fidei perpetuò anne-
 xam esse, ut simul cum ea excernatur. Tomo. 2. Germ. Ienens. de utraque
 specie. fol. 103. a. §. 3. & Tom. 7. Witt. fol. 362. b. §. 3. Res
 Deo & hominibus permissa est, quod nostrum Christianismum à rebus exter-
 nis incohamus, & verum atque internum præmittimus. Volumus nos hu-
 iusmodi rebus Euangelicos probare, quòd sub utraque specie communicamus, ima-
 gines demolimur, Carnes voramus, nihil ieiunamus nihil oramus, & simili-
 bus. Sed fidem & charitatem NEMO vult tenere, quæ tamen sola sunt
 necessaria. Sed est hæc Diaboli fascinatio, qui tali modo eò ducit homines,
 ut à Papa deficiant, nec tamen ad Christum perueniant, & ita neque Chri-
 stiani, neque Papista fiant. Quamuis autem vniuersè dicat, NEM I-
 NEM esse Lutheranum, qui non talem Porcum se præbeat, ta-
 men alijs locis nominatim Principes ac Magistratus Euangelicos,
 siue Porcos, siue Canes esse dicit. Verbi gratia Tom. 5. Germ. Ie-
 nens. in comment. Matth. 7. fol. 433. b. & Tomo 9. Germ. Wittemb.
 fol. 82. Habent à nobis (Euangelici Principes ac Magistratus) liber-
 tatem à Papa Tyrannide, præterea exteriora bona, siue Ecclesiarum spo-
 lia. Nunc autem Nos (Prædicantes) fame enectos cuperent. Age igitur quia pes restatur es-
 aliter non possumus, huiusmodi Serpentes, Canes & Porcos circa nos tolerare
 mus, & Nos habemus illos pro Canibus & Porcis, & denunciamus illis, ne spem
 sibi faciant, quicquam ex Euangelio se se habituros. Interea per nos quantum ve-
 lint, legant licet & audiant, seque pro Euangelicis venditent. Si quis Papi-
 sta tali conuitio Lutheranos, præsertim Principes afficeret, non me-
 diocriter ei credo irascerentur, & malum dare cuperent: quam-
 uis se diceret exemplo Apostoli facere, qui Cretenses pro malis bestiis
 propterea habuerit, quod eorum proprius Propheta id eis testimo-
 nium perhibuisset. quid nì ergò Lutheri similiter credamus, quem
 Lutherani in libro Concordiæ, & Caluinus ac Beza locis supra cap.
 XI. & CII. citatis, suum Prophetam ac Pastorem fatentur, cuius

cipibus quoque
 adorari ait.

Et à Ciuitati-
 bus stercoreis.

Lutheranæ Fi-
 des merdâ per-
 petuò annexam
 habet.

Character Eu-
 angelicorum
 hominum.

Fascinantur, à
 Diabolo.

Lutherus Euā-
 gelicos Princi-
 pes Porcos &
 Canes.

Id nos Catho-
 ci merito posse
 credere.

Sed malum etiam libros auctoritate sua Principes ipsi sepius typis describi
honoris Princi- ac subinde vulgari patiuntur? Nihilominus nos Catholici Lutherum,
pium consulere. vt alias quasi perpetuo ita & hoc loco meritum esse, potius credimus,

Eosq; potius pro
Pueris, quam p
Porcis habe-
mus.

& honorem Lutheranorum à tali contumelia vindicare parati sumus. Id porro sic faciemus, si eos quamuis rerum friuolarum & bonorum caducorum, quam verè fidei cupidiore, nequaquam pro porcis, sed pro infantibus, siue pueris habendos dixerimus. *Pueris enim* (ait Seneca) *omne ludricum in pretio est*, ipsique non magis patre, quam crepitaculo amisso, plorant. Ita Paulus se *parvulum*, siue puerum fuisse ait 1 Cor. 13. Cum adhuc in carne confidentiam haberet, quod nempe circumcisis fuisse octauo die, ex genere Israel, de tribu Beniamin, Hebraeus ex Hebraeis, Phariseus secundum legem, persecutor Ecclesie secundum Zelum, in lege conuersatus sine querela. Hæc ipsi magna lucra videbantur, velut Philip. 3. scribit. loquebatur nempe vt parvulus, sapiebat vt parvulus, cogitabat vt parvulus. Postquam verò Christus in viros ipsum transcripsit, omnia ista, quæ prius maximi fecerat, pro detrimento habere cœpit, propter Christum & eminentem eius scientiam. Quando factus sum Vir (inquit) euacuauit, quæ sunt paruuli. *quasi diceret*: desij nucibus ludere, & in arundine longa equitare. Minus ergo contumeliosus in Lutheranos fuero, quam propius ipsorum propheta Lutherus, ceterique Prædicantes. Illi enim suos Euangelicos, etiam Principes, *sacrilegos, raptores, auaros, canes & porcos* vocant: quas ego puerili sententia præditos esse, nucibus ludere, & in arundine longa equitare dico, cum illas, quas dixi, Spinas retinere, quam ijs euulsis Catholicæ fidei sementem admittere malint. Si qui tamen ex ijs sunt, qui iam in profundum recesserunt (Itai. 31.) & quod eò deuenientes solent, contemnunt (Prou. 18.) & in scibus suis recumbentes in cordibus suis dicunt: Non faciet benè Dominus, & non faciet malè (Soph. 1.) id est, qui de peccatis suis securi in vtramuis aurem conquelescunt, atheique fiunt, neq; Deo rationem aliquando reddendam fore credunt, eos quin pro porcis & canibus, qui volet, habeat, nequaquam impedio.

Contemptores,
atheï ac securi,
Gerè sunt Porci.

CAPVT CVI.

QVID cuique
de Religione
proponi debeat.
Quod cuiq; ma-
ximè profuturū
videtur.

POSTREMÒ cum quæritur, Qui d ijs, qui in errore falsaque Religionem versantur, proponi, aut non proponi debeat, illud controuerfiam nullam habet, considerandum in primis esse, quid quemque proponere deceat, & quæ cuique maximè accommodata & ad salutem

tem eius plurimum profutura videantur. nam ad hostem superandum permagni interest, non modò cuius lacerto aut manu quodque telum mittatur. sed etiam quibus armis sit hastis tectus ac munitus, ut, cui maximè oportunos fuerit, telo feriat. similiter alia ratione Lupi, alia oues errantes & in auia delatæ, nec eodem modo à pastoribus & ab ijs, qui Pastores non sunt, tractari debent. Etiamnum Discrimen quoddam inter Rebelligum Duces factionumq; capita siue hæreticos, & inter illos, qui simpliciter ac sine fraude & dolo iis adhærescunt, faciendum est, neq; eadem prorsus opera his, quorum animi sunt velut lapidosus ager, & illis, quos spinis ac Vepribus obfitos dixi, impendenda. Omnino deniq; id cuiq; proponi debet, quod non modò quam minimo cum impedimento coniunctum sit, sed maximam quoq; cum ipsi, tum aliis vtilitatem allaturum appareat. Itaq; cum iis, qui Hæresin siue suo Marte, siue ab alio inuentam ex ambitione, avaritia, aut odio, & Episcopis ægrè faciendi studio doceant, Episcopus nequaquam disputare, sed ita se gerere debet, quemadmodum Timotheo Paulus præscribit 2. Tim. 2. *Profana & inani loquia Hæreticorum deuota, & noli verbis cum eis contendere, siue disputare. ad nihil enim utile est, nisi ad subuersionem audientium.* Sed potius sollicitè cura te ipsum probabilem exhibere Deo, operarium inconfusibilem: inuicem nempè desideria fugiendo, siue, nihil contra maturitatem & grauitatem committendo, sectando verò iustitiam, fidem, charitatem & pacem cum ijs, qui inuocant Dominum de corde puro hoc est, communionem & concordiam cum iis, de quorum pietate & religionis sinceritate constat. Sic enim satis confutaueris Hæreticum, quemadmodum & Tit. 2. significat: *In omnibus te ipsum præbe exemplum bonorum operum in doctrina, integritate, grauitate ut is, qui ex aduerso est, vereatur & confundatur nihil habens malum dicere de nobis.* Hæretici quippe hoc in primis agunt, ut auctoritatem Episcopis adimant, crimina eis exprobrando, quòd sciant, si bonorum virorum opinionem eis eripiant, futurum ut auditores faciliùs ab eorum sententia discedant, ii quidem certè, quos plus auctoritas, quam ratio, cuius scilicet minus capaces sunt, in officio continet: quorum quidem multo maxima Christianorum pars est Nulla igitur res est, quæ ad imperandum Hæretico silentium, & ad obstruendum os loquentium iniqua, continendasq; in officio oues, vires maiores habeat, Pastoris, siue Episcopi, innocentia: sicut vicissim vix quisquam peiùs de discipulis & auditoribus suis meretur, quàm qui aliter viuunt, ac viuendum docet. Nam exemplum inutilis disci-

Episcopus quomodo cum Hæreticorum Doctoribus agere debeat, Non debet disputare, sed innocentem suum eos confutare.

Quare Hæretici Episcopis ac Pastoribus crimina obijcere gaudeant.

Quantum nocet scandalosa Vita Pastorum.

Y y 3

plinæ

plina se ipsum circumfert, ipse vitijs, quę infectatur, obnoxius. *Nemo in Ecclesia nocet amplius (ait S. Gregorius Magnus) quam qui peruersę agens nomen vel ordinem sanctitatis habet. delinquentem namque hunc nemo redarguere praesumit, & in exemplum culpa vehementer extenditur quando pro reuerentia ordinis peccator honoratur.]* Veruntamen Episcopus praeter Innocentiam, hoc est, iustitiam, sanctitatem, sobrietatem & continentiam, ceterasque virtutes, etiam prudentiam, siue, doctrinam habere, & ut Paulus ait 1. Tim. 3. Doctor & Prudens esse debet. Quemadmodum & Christi verba significant. Matth. 24. *Quis putas est fidelis seruus & prudens, quem constituit Dominus super familiam suam, ut det illis cibum in tempore? Prudentia enim ipsi necessaria est, ut sciat quid quantumque cibi familiaribus Dei dare debeat, ut possit scilicet (quemadmodum Paulus ait 1.) exhortari in doctrina sana, &*

Episcopo praeter Innocentiam necessariam Prudentiam seu doctrinam

Ut possis obiurgare Hæreticos.

Et discipulos ad bonorum operum studium exhortari.

Hæretici quomodo sint proprio iudicio condemnati.

*eos, qui contradicunt, arguere. Sunt enim multi inobedientes, vaniloqui & seductores, qui vniuersas domos subuertunt, docentes quę non oportet, turpis lucris gratia: quos oportet redargui, id est, corripi, siue obiurgari non disputando conuinci. Sic enim Tit. 3. idem scribit Apostolus: De his volo te confirmare, siue docere, & argumentis probare, ut curent bonis operibus praesse, qui credunt Deo. id est, ut qui fidem habent, etiam charitatem exerceant. Hac praecepta & argumenta sunt bona & utilia hominibus. Stultas autem quaestiones (eorum, qui disputare volunt ex inobedientia & contentione, semperque quaerunt, ubi scriptum est?) & contentiones siue disputationes eorum, qui loca scripturae contra Ecclesiae doctrinam afferunt, deuota. Sunt enim inutiles & vanae. Hæreticum hominem post unam & secundam correptionem (siue obiurgationem, non disputationem) deuota, sciens quia subuersus est, qui eiusmodi est, et delinquit, cum sit proprio iudicio condemnatus. id est, quia conscius sibi est, se vel ex auaritia, vel ex superbia & inobedientia, siue quod nequaquam Episcopo inferior esse, aut etiam ingeniosus & acutus ac sapiens vulgò videri postulet, sententiam siue à se ipso, siue ab alio primum inuentam contra doctrinam, quam Ecclesia didicit, perseveranter tueri. Cum enim prius Ecclesiae membrum fuerit (nam omnes nos in unum corpus Baptizati sumus, 1. Cor. 12. siue, per Baptismum facti sumus omnes membra eiusdem corporis, Ecclesiae) eligendo postea doctrinam & fidem ab ea, quam Ecclesia tenet, diuersam, certè suo ipse iudicio se condemnat, siue se ipse iudicat, aut excommunicat. Nam iudicare est excommunicare 1. Cor. 5. *Auferte malum ex vobis ipsis, siue eijcite ex communione & Societate vestra, siue excommunicate, si quis malus est. Nam de his, qui intus sunt,**

sunt, vos iudicatis. quid enim mihi de ijs, qui foris sunt iudicare? id est, quare sententiam excommunicationis in eos feram, qui Christiani non sunt, nec fuerunt? nec enim qui foris est, ei iei potest. Hæreticus itaq; se ipsum iudicat & excommunicat, cum aliam doctrinam eligit, adeoq; Spiritus illis, qui totum Corpus regit, particeps esse desinit, sicut membrum à Corpore abscisum. Itaq; Iudas de Hæreticis *Hi sunt, inquit, qui segregant semetipsos, animales, Spiritum non habentes.* Et Ioanes 1. c. 2. *Antichristi multi facti sunt, qui seducunt, siue seducere volunt vos: ex vobis prodierunt neq; permanserunt vobiscum.* Et Ioan. 4. *Nolite omni Spiritui credere, sed probate Spiritus, si ex Deo sint, quoniam multi Pseudopropheta (ex Ecclesia) exierunt in mundum.* id est, etiam si quis legitimè missus sit ad docendum, tamen non debetis simpliciter credere, quicquid ille dicit, sed probare, utrū doctor ille Spiritum Dei per impositionem manuum Presbyterij acceptum retineat. nam si non retinuit, loquitur vel ex suo Spiritu, vel ex Spiritu im-mundo, siue diabolo, adeoq; credi ei non debet. Hinc autem cognoscere potestis, eum non retinuisse Spiritum Dei, si exiuit ex Ecclesia, siue si aliter docet, quam Ecclesia, si se Ecclesiæ iudicio non subijcit, si se ipsum segregat. Nam *unum corpus est Ecclesia et unus Spiritus*, ait Paulus Ephes. 4. Itaq; Spiritum, qui est in Ecclesia, non habet is, qui membrū Ecclesiæ esse desijt. Et rursus Iohannes Epist. 2. *Multi seductores exierunt in mūdū, qui receperunt et non permanserunt in doctrina Christi.* Cum igitur Hæretici ex Ecclesia exeant, itaq; se ipsos iudicent & excommunicent, certè inutile & vanum est cum iis disputari, maximè postquam semel iterūq; obiurgati fuerint. Tum enim se in profundū peccatorū venisse & Ecclesiæ ac Pastorum auctoritatem contemnere decla-rant, meritōq; Episcopi ouibus suis eorum communione interdicut, quemadmodum Ioannes Epist. 2. *Si quis hanc doctrinam non affert, sed ab ea recessit & ex Ecclesia in mundum exiuit, nolite recipere eum in domum, nec Ave ei dixeritis, quia qui dicit illi Ave communicat operibus eius malis.* Quamvis enim recesserit à doctrina Christi & Lupus euaserit, adhuc tamen discipulus & ouis Christi videri cupit, & ouilla pelle se induit, id est, se verbo Dei credere simulat, suamque opinionem ex Scriptura probare contendit. quare ne cæteræ oues ei se adiungant, & ab eo rapiantur ac dispergantur, moneri à Pastore immò coer-ceri debent, velut Tit. 1. Paulus docet: *Increpa discipulos tuos dū-rè, ut sani sint in fide, non intendentes Iudaicis fabulis et mandatis ho-minum auersantium se à veritate, hoc est, ne audire velint, quibus* argumentis

Hæretici se ipsos excommunicant.

Quomodo eorū, qui docent, Spi-ritus probari debeant.

Quare cū Hæreticis omnis communicatio fugienda.

*Hæretici cupiūt
disputandi sibi
occasionē dari.* argumentis Hæretici fabulas suas probent. nam Hæretici nihil magis desiderant, quàm occasionem sibi dari, qua opinionis suæ rationes expromant, quod partim ob nouitatem, partim quia desiderijs hominum blandiuntur (velut supra dixi) multos in sententiam suam concessuros sperent : quæ causa est cur disputare gestiant. 1. Timoth. 6. *Hæc doce & exhortare,* tu velut Episcopus, si quis aliter, quam tu docet, nec acquiescit sanis sermonibus, superbus est, nihil sciens sed languens circa questiones & pugnas verborum, siue disputationes : Ex quibus disputationibus oriuntur inuidia, contentiones, blasphemia, suspensiones male, consuetudines hominum mente corruptorum & qui veritate priuati sunt, existimantium quæsum esse pietatem. Et 2. Cor. 4. Prædica verbum, in sta oportune, importune : argue, obsecra, increpa, in omni patientia & doctrina. Erit enim tempus, cum sanam doctrinam (quæ bona opera ad salutem requirit) nō sustinebunt, sed ad sua desideria coaceruabunt sibi Magistros cum pruriant auribus ac noui & iucundi aliqui audire gestiant. Et à veritate quidem auditum auertent, ad fabulas autem, siue, argumenta Hæreticorum audienda conuertentur. Tu verò vigila (tamquam caput gregis tui) in omnibus labora, opus fac Euangelistæ, ministerium tuum imple. Cum Episcopum in omnibus laborare & ministerium suum implere, siue, nihil reliqui facere iubeat, quod ad officium Pastoris & Episcopi pertinet, nusquam tamen Disputationis mentionem facit, cum alijs nempe locis omnem Disputationem, velut & inutilem & perniciosam, grauissimè prohibuerit. Ad ministerium verò Episcopi pertinere docet, vt Hæreticum & Magistrum ad desideria hominum, circa pugnas verborum languentē arguat, semel scilicet atq; iterū: Curiosos autem & prurientes discipulos siue obsecret & exhortetur ad sanam doctrinam, siue increpet & oportune importune eis instet : omnibus deniq; tam sanis in fide inq; officio manentibus, quàm malè morigeris & prurientibus discipulis verbum prædicet & Euangelistæ opus præstet. quod ipsum Tit. 1. eiusmodi verbis docet : Episcopus *primò* redarguit inobedientes, vaniloquos & seductores, qui contradicunt. *Secundo* subditos exhortetur in doctrina sana : siue vt Tit. 2. declarat, loquatur quæ decent sanam doctrinam, vt omnes scilicet sectentur bona opera, siue charitatem cum fide coniungant. *Tertiò* intendentes Hæreticorum fabulis, siue audientes vel legentes Hæreticorum argumenta, durè increpet, siue acriter obiurget. *Quartò* amplectatur fidelem sermonem, qui secundum doctrinam est, hoc est, quantum ad fidem attinet, ea doceat, quæ sunt maximè explorata, vera & in confesso posita,

*Disputare non
pertinet ad offi-
cium Episcopi.*

*Sed Hæreticos
arguere.*

*Cetero : ab ijs
custodire.*

Episcopi partes.

posita, neq; in vtramq; partem argumentorum probabilitate disputa-
 ri possunt. nam hæc sunt maximè secundum doctrinam, siue accom-
 data ad docendum. Huiusmodi fidelis sermo & omni acceptione dignus
 est, quo Deus Ecclesiæ ac Pastoribus Spiritu Veritatis ita promittit, vt
 in æternum ab eorum ore non sit recessurus, quemadmodum Isai. 55.
 legimus. *Feriam vobiscum pactum sempiternum, misericordias Dauidi fide-
 les. Ecce teslem populis dedi cum Dauidem, siue Christum, ducem ac præ-
 ceptorem gentibus.* Psal. 88. *Iuravi Dauid seruo meo (id est, Christo, filo
 Dauit) vsque in æternum praparabo semen tuum, & edificabo in generatio-
 nem & generationem sedem tuam. In æternum seruabo illi misericordiam
 meam, & testamentum siue pactum meum fidele ipsi. Semel iuravi in
 sancto meo, si Dauid mentiar: semen eius in æternum manebit: & Thronus
 eius sicut sol, sicut dies celi &c.* Ierem. 33. *Non interibit de Dauid vir,
 qui sedeat super Thronum domus Israel, id est Ecclesia semper habebit
 Pastorem, semen Dauid siue filium Christi: & de Sacerdotibus &
 de leuitis non interibit vir à facie mea, qui offerat holocausta & cadat vi-
 etimas omnibus diebus. Si irritum potest fieri pactum meum cum die & nocte, vt
 non sit dies & nox in tempore suo: Etiam pactum meum irritum esse poterit
 cum Dauid seruo meo, id est, cum Christo, vt non sit ex eo filius, qui re-
 gnet in Throno eius et Leuita et Sacerdotes ministri mei.* Hic sermo Dei
 ita fidelis & omni acceptione dignus est, vt ipsis Hæreticis confes-
 sionem extorqueat. Calvinus in comment. Ezech. 3. *Hodie videmus
 vt Papiste sibi Ecclesiæ nomen arrogant, quia ab illis obtenditur perpetua suc-
 cessio quod nimirum semper fuerit Pontifex semen aut filius Christi, &
 qui in Throno Christi regnauerit, siue Ecclesiæ præfederit.* Et
 certe COGIMVR fateri, penes illos esse ordinarium ministerium. Sed quia
 Tyrannicè abusi sunt sua potestate, securè videre licet eorum iactantiam.
 Lutherus locis supra cap. VI. & alibi laudatis: COGIMVR Papistis
 concedere, quia verum est, in Papatu esse Dei verbum et Apostolatum,
 siue successionem Pastorum ab Apostolo PETRO vsque ad
 nostra tempora. Item: Episcopi & Pontifex habent insignem voca-
 tionem & certum mandatum, sedentque in Cathedra Apostolorum & in
 Throno Christi. nihilominus sunt Euangelij nostri hostes acerrimi. Atqui
 non minùs fidelis sermo est, filium Dauidis, siue Pontificem,
 qui sedet in Throno Christi, non posse sic abuti potestate, vt Euan-
 gelium, siue verbum Dei verbum tollat aut oderit, sed habere
 Spiritum sanctum & verum Dei in ore suo. Isai. 59. *Hoc est à legitimis Pa-
 sedus meum cum eis: Spiritus meus, qui est in te, & verba mea, quæ
 posui, non possunt recedere.*

posui in ore tuo, ò Christe, non recedent ab ore tuo, neque ab ore seminis tui (Apostolorum) neque ab ore seminis seminis tui (Pontificis, qui in Apostolatu succedit) amodò & usque in sempiternum. Luc. 22. Ego rogam pro te Petre ut non deficiat fides tua : & tu confirma fratres tuos. Ioan. 21. Pasce oves meas, siue, esto Pastor ouilis seu gregis mei. Matth. 16. Tu es Petrus, & super hanc Petram ædificabo Ecclesiam. Sed huius generis verba longè plurima supra protuli, quæ hoc loco repetere nihil attinet; cum præsertim vel ex his paucis satis constet, Ecclesiæ ac Pastorum, inprimis Petri ac successoris auctoritatem esse fidele, firmum ac munitum illud fundamentum, cui omnes veros christianos superædificari oporteat : cui consequens est, sermonem, qui auctoritatem istam tam accuratè commendat, velut maximè fidelem & omni acceptione dignissimum, esse inprimis secundum doctrinam, siue accommodatum ad docendum, quem Episcopus suos subditos cum semper alias, tum vel maximè quando eis Hæretici insidiantur, docere debeat. Quamvis enim subditi nesciant, quid argumentis Hæreticorum responderi queat, satis tamen habent, si sciant, se suis Pastoribus obedire ac subiungere debere, cum Deus iurauerit, seque fædere factò sic Ecclesiæ obstrinxerit, nunquam se Spiritum & verbum suum ab ore pastorum recedere permissurum. Itaque Paulus 2. Tim. 2. cum vetuisset cum Hæreticis disputari, propterea quod multi eorum argumenta audientes subuertantur, simul docet, nihil præsentius & efficacius esse ad conseruandos in officio subditos, quam auctoritatem Sacerdotum & Episcoporum diligenter inculcari, vt auditores ei innitendum, & ab Hæreticis, qui non acquiescunt sermonibus Episcoporum, velut ab impijs & blasphemis sibi discedendum esse intelligant: *Hymeneus & Philetus subuerterunt quorundam fidem. Sed firmum fundamentum Dei stat, habens signaculum hoc: cognouit Dominus qui sunt eius: & discedet ab iniquitate omnis qui nominat nomen Domini.* Id est, illorum fides non potest quantumvis plausibilibus Hæreticorum argumentis subverti, qui Episcopis velut Dei legatis in quorum ore Spiritus sanctus habitat, credunt, & ab ijs, quos ipsi velut iniquitatis doctores ac Hæreticos cõdemnant, procul discedunt, neq; vel libros vel cõtiones eorũ attingunt. Nam hæc Episcoporum auctoritas est fidele & firmum fundamentum, cui qui innititur, non confundetur. Nam Deus ipse suo verbo & iureiurando auctoritatē illam ob signauit, cum Numer. 16. scriptum sit: *cognouit Dominus qui sunt eius, siue, quos ipse* Sacerdotes

Auctoritas Ecclesiæ ac Pastorum ante omnia doceri & inculcari debet

Auctoritas Episcoporum debet esse fundamentum fidei.

Sacerdotes elegerit, vel non elegerit: vbi etiam iubentur omnes recedere à tabernaculis hominum impiorum: qui murmurauerant contra Sacerdotes. Hunc enim locū ab Apostolo hic citari, supra cap. 75. pluribus docui. Nihil ergo attinet, Episcopū ac Pastorē Hæreticorū argumēta pro cō- cione proponere & refellere, sed potius amplecti ac docere debet Fide- lē eiusmodi sermonē quo auditores plurimū ad credēdū & obedi- endū suis Pastoribus, & ad cauendos ac fugiendos Hæreticos excitentur. Cæterum obseruatione dignū est, quod Paulus Tit. 2. scribit: *Hæc loquere, siue, doce fidelē sermonē, et exhortare in doctrina sana, siue ad bonorū operū studiū, & argue Hæreticos cum omni imperio. Nemo te contemnat, id est, simul ita te gerito, itaq; innocenterviuo, vt ne quid sit, quod Hæreticus tibi exprobrare, teq; sic contēptū reddere queat. quē admodū i. Tim. 4. Nemo adolescentiam tuam contemnat, id est, noli te iuue- niliter gerere, sed exemplū esto, in verbo, in conuersatione, in charitate, in fide, in castitate. Vnde discimus, Episcopū seu Pastorē maximam auctorita- tis curam gerere debere. Auctoritas enim, siue opinio, quam subdi- ti de virtute ac scientia sui Pastoris habent, est velut virga, seu baculus ac pedum, quo pastor non tantū ad dirigendas oues, sed etiam ad terrendos ac submouendos Lupos vtitur. Nisi ergo sit sine crimi- ne eirreprehensibilis, Hæreticus eum nequaquam reuerbitur, sed vitijs eius ad doctrinam ipsius suspectam auditoribus reddendam ab- utetur. Sin autem etiam in certamen siue disputationem cum Hæ- retico descendat, non tantū apud eum nihil proficiet (nam subuer- sus est Hæreticus, & dixit, vt delinquat in semetipso, siue, dedita opera sciensque ac volens propter ambitionem aut auaritiam, veram fidem oppugnat, quia non est timor Dei ante oculos eius, verba oris eius iniquitas & dolus, non vult intelligere, vt bene agat: iniquitatem me- ditatur in cubili suo, adstat omni via non bonæ, malitiam non odit, quem- admodum Psal: 35. Legimus) sed etiam auditorum minū a- criter intelligentium iudicio inferior, aut saltem par videbitur, si præsertim Hæreticus orationem plūs fucare, & verborum præsti- gijs auditores fascinare sciat. At enim nequaquam conuenit Epi- scopum loci ac dignitatis suæ tam parū esse memorem, vt cu- ius ipse Iudex est, & in quem habet imperium, ei se ipse ad- uersarium ac veluti parem facere velit. Scriptum est Isai. 54. *Omni- nem linguam resistentem tibi in iudicio, indicabis. Hæc est hereditas seruorum Domini, & iustitia eorum apud me, dicit Dominus. Et 2. Cor. 10. Nos qui legatione pro Christo fungimur (2. Cor. 5.) non secun-**

*Non opus est
Hæreticorū ar-
gumenta ab E-
piscopis consu-
ti.*

*Sufficit enim
ipsorum aucto-
ritas:*

*Hoc est, & si sub
ditū boni & do-
cti existimē, ut.*

*Cum Hæreticis
disputando eos
non conuertit:*

*Auditores au-
tem scandali-
zant.*

*Episcopi digni-
tatem suam tueri
debent.*

dum carnem militamus. Nam arma militiæ nostræ non carnalia, siue debilia & imbecilla sunt, sed potentia Deo, ad destructionem munitio-
 tionum, consilia destruentes, & omnem altitudinem extollemem se ad-
 uersus scientiam Dei (siue, superbiam eorum, qui alta sapiunt
 & nolunt scientiam ac legem ex ore Sacerdotum requirere quem-
 admodum præceperat (Deus Malach. 2.) & in captiuita-
 tem redigentes omnem intellectum in obsequium Christi (nam Chri-
 stum ipsum audit, qui Legatos eius audit. Luce 10.) & in
 promptu habentes vlisci omnem inobedientiam. Itaque Episcopus
 Hæreticum se extollemem, inobedientem, & minutiones Epi-
 scopo & Ecclesiæ opponentem, siue nouam suam doctrinam multis
 Scripturæ locis perperam intellectis munientem & circumuallan-
 tem, redarguere, iudicare, & vlisci, nequaquam verò cum ipso dis-
 putare debet.

CAPVT CVII.

QVod si autem omnibus modis disputare velit Hæreticus, neque
 nisi cum iactura fidei & Existimationis nostræ Catholici dispu-
 tationem subterfugere posse videantur (quòd scilicet infirmiores
 eiusmodi tergiuersationem malæ causæ argumentum putent) nihil
 necesse est Episcopum ipsum in pugnam descendere (sicut neq; Sau-
 lem Regem in duellum cum Goliatho descendere decuit neq; vllus
 Princeps cum subdito suo rebeli decorè cominus congregiatur) cum
 Deus futurum prædixerit, vt Ecclesiæ hostes lapidibus fundæ subyci-
 antur, siue prosternantur (Zachar. 9.) nempe non à Regi-
 bus, ac Ducibus Ecclesiæ, siue Episcopis, sed à pastorum pue-
 ris ac paruulis Gregis, hoc est, ab hominibus Laicis, & myste-
 ria Theolodiæ ignorantibus a quibus Edomitas, siue rebelles fra-
 tres, deiectum eorumque habitaculum simul cum eis dissipatum iri
 dicitur Ierem. 49. Vt imagine rem declararem, cum Ecclesia sit
 Castrorum acies ordinata (Cantic: 6.) & Hæretici rebelles,
 ac seditiosi milites, qui ex castris excefferunt, eademque oppu-
 gnant (Isai: 29.) aliter Duces Iuda, siue Episcopi, (Zach. 12.)
 aliter Milites armantur & pugnant. Ducum arma sunt potentia
 Deo, siue diuina & admirabili potentia prædita, velut in-
 gentes machinæ fulminantes, & ignem vomentes, altissimarum
 destructrices munitio-
 tionum, quibus rebelles à castris submouent.

Itaq;

*Hæreticos Laici
 decentius consu-
 sant, quam Epi-
 scopi.*

*Quomodo Du-
 ces ac Milites
 aduersus Hære-
 ticos pugnent.*

Itaque dicuntur *duces* Iuda esse sicut *Caminus ignis*, qui deuorent ad dextram & ad sinistram Zach. 12. Huiusmodi arma sunt, velut diximus, Auctoritas Episcoporum, vitæ innocentia collecta, prædicatio sermonis fidelis, exhortatio ad doctrinam sanam, dura increpatio eorum, qui Hæreticorum argumentis intendunt, & ipsorum Hæreticorum redargutio, & deuitatio, siue excommunicatio. Militum, qui Pastoribus ac Ducibus, siue iubentibus, siue non vetantibus, & permittentibus Hæreticos debellant (nam vetante Duce nemini in hostem pugnare fas est) alij sunt Fortes & grauis armaturæ, alij Velites & leuiter armati. Fortes gladio vtuntur (Zach. 9.) qui est vel *gladius oris* siue *Spiritus*, Isai. 11. vel *gladibus anceps in manibus*, Psal. 149. Illum distingunt Theologi, cum solidis argumentis ex penitissima Theologia petitis Hæreticos Doctores refellunt. Sed nullus, aut non magnus sanè eius gladij vsus est, nisi simul stringatur gladius alter, qui est in manibus aut materialis, hoc est, Theologorum disputationes infructuosæ sunt, neque Hæreticos aut eorum discipulos, ad verum conuertunt, nisi magistratus seculares legibus latis, & pœnarum terrore obedientiam Episcopis debitam sanciant, & pestilente siue Hæretico multato, stultos eius discipulos sapientiores reddant. Multi enim sunt indigni, qui ad mensam Domini inuitentur, quibus pars de sermone Dei dari nequaquam debet. Tales sunt, qui *Diaboli laqueis captiui tenentur ad ipsius voluntatem*, ut veritatem cognoscere non possint, nec agere pœnitentiam (2. Tim. 2.) quorum mentes excœcauit Satan, ut eis non fulgeat illuminatio Euangelij, siue, ut etiam clarissima Scripturæ verba non intelligant (2. Cor. 3.) quibus obstant offendicula in via vt ad montem Sion, siue ad Ecclesiam Catholicam accedere nequeant, Isai. 57. Laquei verò, siue causæ cœcitatæ, siue offendicula sunt cupiditates rerum caducarum, vt gloriæ, honoris, opum, omnium denique, quæ ab hominibus huius sæculi expeti solent, & eorundem amittendorum formidines. Quomodo vos potestis credere (ait Christus Pharasæis, Ioh. 5.) qui gloriam ab inuicem accipitis? Et Paulus 1. Tim. 6. Qui volunt diuites fieri, incidunt in tentationem & laqueum Diaboli. Et Salomo Prou. 1. & 5. & 7. Iniquitates sue capiunt impium, ut seducatur ab aliena, & soneatur in sinu alterius, & funibus peccatorum suorum constringitur: quia lactauerunt eum peccatores, siue Hæretici, dicentes ei: Veni & mitte sortem nobiscum: omnem preciosam substantiam reperiemus: implebimus domos nostras spolijs. Festinauit ergo velut auis ad laqueum, & nescit quod de periculo animæ illius agitur. Et Isai. 42. Ipse populus direptus & vastatus, laqueus inueniunt omnes, siue Principum mancipia sunt, & ab ijs capti tenentur,

*Duces siue Episcopi.
Eorum arma.*

*Ecclesia Milites
grauis armatura.*

Theologorum argumenta Hæreticos non conuertunt sine gladio seculari.

Laquei quibus Hæretici capti tenentur.

*Quidam sunt
indigni, qui Ca-
tholicorum ar-
gumenta au-
diant.*

Et in domibus carcerum absconditi sunt. His igitur omnibus, quos non ratio, sed affectus gubernat, frustra Theologi argumenta sua pro Catholicorum sententia proponunt, cum ea intelligere & amplecti nequeant, sintque vel Canes, vel Porci, vel pueri & nimis imperfecti, adeoque, qui talia audiant, indigni: quemadmodum Christus de illis ait, qui inuitati excusauerunt se, quod venire non possent, quia necesse haberet alius in villam suam abire, alius boues emptos probare, tertius uxorem duxisset: *Qui inuitati erant, non fuerunt digni*, Matth. 22.

*Omnium pri-
mum videndu
estrum quis sit
dignus audire.*

Atqui in administratione verbi, siue in religionis negotio, primum omnium inquiri oportet, quis tanto thesauro dignus sit, siue quis eum recipere velit & possit. Matth. 10. *In quamcumque ciuitatem aut castellum introiueritis, interrogate quis in ea dignus sit, & ibi manete.* Quæ verba interpretans Clemens Papa *Distinct. 44. cap. 2.* solliciti (inquit) & valde solliciti esse debemus, ne margaritas nostras mittamus ante porcos. Sed & ob alias causas utile est, viri huius habere me notitiam. Si enim sciam, quia emendatus est & inculpabilis, hoc est, si sobrius, si misericors, si iustus, si mitis & humanus: tunc consequens videbitur, ut ei, qui obtinet, bona virtutum, etiam quod deest fidei & scientiæ, conferatur: & in quibus maculari eius vita videtur, quæ est

*Malè morati
non sunt digni.*

in reliquis probabilis, emendetur. Si verò in ijs, quæ palam sunt, peccatis inuolutus permanet & inquinatus, non me oportet ei aliquid de secretioribus & remotis diuinæ scientiæ proloqui, sed magis protestari & conuenire eum, ut peccare desinat, & actus suos à vitijs emendet. Quod si ingesserit se, & prouocauerit nos dicere, quæ eum minùs rectè agentem non oportet audire: prudenter eum debemus eludere. nam nihil omnino respondere, Auditorum causa utile non videtur: ne fortè existiment, nos responsionis pænuria declinare certamen, & fides eorum lædatur, non intelligentium propositum nostrum.] Cuiusmodi sint ea, quibus prudenter eludi queant ij, qui omni vi nos adigere volunt, ut argumenta nostræ opinionis proferamus, posterius expediam: in præfatis satis habemus discere, quòd indignis argumenta Catholicorum de fidei capitibus, quæ ab Hæreticis in controuersiam adducuntur, proponi non debeant, sed id priùs agi ac tentari, ut digni efficiantur, siue, ut vincula eis soluantur, aut offendicula de medio tollantur, hoc est, ut affectus, quibus occupati sunt, ex animis eorum eximantur, quod supra fieri diximus, si quis affectum

*Indignos prius
reddere debe-
mus dignos.*

*Hoc est, affecti-
bus eos liberare.*

affectu velut clauum clauo eiiciat, & pro spe metum, pro metu spem

spem animis inferat. Isai. 57. *viam facite, præbete iter, auferite offendicu-
la de via populi mei* (siue, vt Isai. 62. legimus præparate viam popu-
lo planum facite iter) *propter iniquitatem auaritia eius percussit eum,
& abijt vagus in via cordis sui.* quasi dicat, auaritia fuisse offen-
diculum illud, quod populo viam ad Deum obstruxerit. Er-
gò cupiditatem istam diuitiarum, & similiter ceterarum re-
rum eximere ei oportet, metu maiorum nempe calamitatum in-
cusso. Nam *Virga & correptio tribuunt sapientiam*, Prouerb. 29. Si
quis nempe manendo in hæresi maius damnum sentiat, vel
sensurus videatur, quàm sit lucrum, quod inde facit, aut spe-
rat, iam laqueus ille, siue vinculum, quo Diabolus eum captiuum
tenebat, velut gladio scinditur, & offendiculum, siue impedi-
mentum, de via tollitur, vt attentionem & diligentiam adhi-
beat in examinandis vtriusque partis argumentis, quod est
adiumentum veritati inueniendæ accommodatissimum. Itaque Ti-
mor sapientia Principium à Salomone dicitur, Prouerb. 1. & fons
vite, Prouerb. 14. nam qui timet nihil negligit, Eccles. 7. Sed
animaduertit siue quæret omnia, Prouerb. 28. Qui autem querit, in-
uenit, Matth. 7. Timorem porrò in animis eorum excitare, qui in
errore versantur, est opus Magistratus, cum lege lata pœnam ijs,
qui Ecclesiæ & Pastori eius aduersantur, denunciat. Si malum fece-
ris, time: non enim sine causa gladium portat Magistratus. Dei enim Mi-
nister est, vindex in iram ei, qui malum agit. Roman. 13. Atque ma-
lum est, non obedire Sacerdotis imperio, ac propterea Deus ipse
morte affici iussit eum, qui Sacerdotis sententiam nollet reci-
pere, Deuteron. 17. Si quis superbierit nolens obedire Sacerdotis imperio,
moriatur homo ille, & auferes MALV M de Israel, cunctusque populus
audiens TIMEBIT, vt nullus deinceps intumescat superbia. Quod hoc lo-
co dicitur, de occulo illo, qui Sacerdoti contradicit, futu-
rum vt ceteri Timeant, id Salomon alijs verbis sic effert: Prouerb. 19.
Multato siue flagellato pestilente Stultus sapientior erit. Vt sciamus,
Timere esse primum gradum ad sapientiam. Nam virtus est
Vitium fugere, & sapientia prima Stultitia caruisse, ait Poëta. Atqui
per timorem declinat omnis à malo, Prouerb. 15. & stultitiam in corde
pueri colligatam, siue, qua cor veluti vinculo ligatum est, virga disciplina
fugat, Prouerb. 22. Nisi ergò Virga simul expediri queat ad fugendam
stultitiam, siue ad incutiendum timorem, nequaquam ei rationes &
argumēta verę sententię afferri debent, cuius cor stultitia ligauit, siue,

*Cupiditas dolo-
re aut metu ex-
pellenda.*

*Timor primus
ad sapientiam
gradus.*

*Magistratus
officium est Ti-
morem peccan-
tibus incutere.*

*Et timoris cau-
sa Hæreticos oc-
cidere.*

*Apud Hæresi-
cos, qui cogi ne-
queunt, ratio-
nibus non ven-
tendum,*

qui

qui vel auctoritate parentum ac magistrorum, à quibus multa perpe-
ram & falso de nobis ei persuasa sunt, vel affectibus & perturbationi-
bus animi, ne verum perspiciat, impeditur. *Δόξει τις ἀμαρτὴ σοφὰ λέ-
γων, ὃν οὐ λέγειν, ait Euripides, id est, non bene loqui videbitur, qui cum im-
perito sapienter loquitur. Vsu venire enim necesse est, quod prouerbio
dicitur.*

Οὐδ' ἄρας ἦκε, καὶ σάλπιγγ' ὤς.

Asinus hram, sus audiebat buccinam.

*Non recipit stultus verba prudentia (ait Salomon Prouer. 18.) nisi ea dixeris,
quæ versantur in corde eius. Sed ubi Virgam expediri videt, siue, cum
metuit, ne à magistratu ad pœnam rapiatur, maximè quod id alijs iam
factum fuerit, se ipse colligit, & stultitiam, siue errorem missum fa-
cit, utque Sacerdotibus pareat, animum inducit. Quamuis autem sæpe
contingat, Doctorem Hæreticum eiusque discipulos eodem vinculi
genere captiuos teneri, ac verbi gratia pariter ventris aut lucri gratia
in errore pertendere, plerumque tamen discipulos mortis timor ad
intendendas omnes vires ingenij, earumque beneficio consequenter ad
perspicientiam ipsius veri perducit (qui enim timet, velut ex Salomo-
ne modò dixi, nihil negligit, animaduertit, & quærit omnia, & quia quærit,
tandem inuenit.*

— quia grande doloris

Ingenium est, miserisque venit solertia rebus:

*Sed rarò ipsos
Hæreticos.*

Sicut è contrario, securus nihilque metuens oscitat, & alias
res agit, facileque in discernendo vero & falso, cui parùm intentus est,
fallitur. Sed Doctores Hæresios mortis metu ad verum conuerti
tam rarò vsu venit, ut id miraculi loco numerari possit: id quod etiam
Psalmo. 1. docemur, qui cum dissimilitudinem multiplicè, quæ est inter
Doctorem Veritatis & mendacij, recensuisset, tamquam quod verita-
tis Doctor. *Non abit in consilio impiorum*, siue, non recedit ab obedientia
Ecclesiæ ac summi Pastoris, quod Hæretici faciunt, qui *consilium ex-
munitiones* (2. Cor. 10.) eis opponunt, ut dirumpant vincula Pastorum,
& proiciant iugum ipsorum (Psal. 2.) *neque fiat in via peccatorum*, siue
non manet in Hæresi, sicut faciunt illi, qui semel ab Ecclesiæ obedi-
entia recesserunt: *nec denique sedet in cathedra pestilentia*, siue, non do-
cet Hæresin: sed attendit sibi ac lectioni, ut se ipsum saluum faciat &
auditores (1. Tim. 4.) estque *velut arbor fructuosa*, cuius profectus in-
operibus bonis & in pietate manifestus fit omnibus, *cuius etiam folia
siue verba, quæ prædicat, non defluunt, sed semper florent ac viridia
sunt,*

sunt, etiam in senecta (velut *Psalm. 91.* canit) Hæreticus contrā, vt ait Iudas, est arbor auctumnalis, infructuosa, bis mortua, eradicata vi venti, & velut puluis à vento iactatus, siue, vt 2. Pet. 2. *nebulae turbinibus agitatae.* Cum huiusmodi ergo dissimilitudinem Psalmus primus persecutus fuisset, ad extremum addit. *Non resurgunt impii in iudicio, neque peccatores in consilio iustorum,* quod perinde est ac si dicat: Cum doctrinæ talium Hæreticorum in Ecclesiæ iudicio examinata condemnatur, ipsi nihilominus eam pertinaciter retinent, neque veritati cedunt aut obediunt. Causam huius rei si ab Aristotele aliquo requiras, nempe inde id fieri respondebit, quod qui ex auaritia aut ventris causa Hæresin docet pluribus rebus delectatur, quam qui ex eadem causa ipsum Doctorem sequitur. Nam doctrinam suam amat, velut opus suum, & velut argumentum ac signum suæ exuperantiæ siue scientiæ, qua ceteris antecellat, tum etiam velut adiumentum, quo se ab ijs, quibus irascitur, quosque odit, vindicare, & ægrè facere aduersarijs possit: quæ omnia quantam ad suadendam pertinaciam vim habeant, pluribus supra ostendi. Sed qui Doctorem sequitur, vnam ferè voluptatem habet, quam ei vtilitas siue lucrum, aut luxuria, vel gula pollicetur: qui si arrogantia aut vindictæ simul tuendo errore suo seruiat, nihilominus, quam ipse Doctor, pertinax inuenietur, & vel mori, quam resipiscere præoptabit. Ex sacris verò literis hæc differentiæ reddiratio potest: quod qui Hæreticum ex auaritia sequitur, non tam malitia id faciat, quam infirmitate, quippe qui maturam ad diuitiarum cupiditatem magis propensam sortitus fuerit: sed Doctor Hæresios etiam Malitiam & summam improbitatem coniunctam habet, cum tanti faciat lucrum aut quodcumque suum commodum, vt dummodo eo potiatur veritatem oppugnare, Deum & Spiritum sanctum in Pastoribus loquentem blasphemare, & aliòs per dulces sermones & benedictiones in errorem perducere atque in æternum animi corporisque exilium præcipites agere nihil pensi ducat. Hanc tam diabolicam eius malitiam ita punit Deus, vt omnem ei gratiam suam adimat, & Satanæ potestati eum totum permittat. Ab hoc adeò in duratur & excecatur, vt quod ab initio falsum esse sciuit, nunc verissimum esse persuasum habeat, eique vel vitam impendere audeat: id quod supra ex his Deuter. 28. verbis docui: *Si audire nolueris vocem Domini Dei tui, vt facias omnia mandata eius* (in quibus hoc præcipuum est, vt obe-

Hæretici ab Ecclesia condemnati non resipiscunt.

Eius rei causa ex Aristotele.

Alia causa ex sacris literis.

Hæreticorum malitiam cecitate Deus punit.

Aaa

dias

dias Sacerdoti, neque superbiens ei contradicas, Deuteron. 17.) percutiet te Dominus amentia & cecitate ac furore mentis, ut palpes in meridie sicut palpare solet cæcus in tenebris, & non dirigas vias tuas. Id quod etiam Isai. 26. sic docemur: Cum feceris (ait Propheta Deo) iudicia tua in terra, iustitiam discant habitatores orbis. Misereamur impio, & non discet iustitiam: in terra enim sanctorum iniquè egit, & non videbit gloriam Domini. Domine exaltetur manus tua, ut non videant: videant & confundantur Zelantes populi, & ignis hostes tuos deuoret. Quasi dicat: cum Deus fecerit supplicium summi de impio Hæretico, qui malitiosè docet, quod falsum esse scit, eumque cecitare percusserit, ut gloriam Dei videre, & sacras literas intelligere nequeat, ac propterea sine misericordia igne comburatur: tum Zelantes populi ab eo in errorem abducti, confundentur & veram Religionem discant, metuentes, ne singulis idem eueniat, Domine, in angustia requisierunt te, in tribulatione murmuris (quæ facit eos clam conuerti, & ingemiscere) doctrina tua eis obtingit.

*Hæreticorum
combustio quā-
ta sit stultitatis.*

CAPVT CVIII.

QVAMVIS autem Deus ipse perspicuè doceat, Impios Hæreticos Sacerdoti superbè contradicentes, ad verum non conuerti, ac propterea morte affici debere: & ex illorum morte hanc ad ceteros vtilitatem redire, quod negligentiam eorum ac securitatem timor discutit (nam, ut Publius ait, *Metus cum venit, rarum habet somnus locum*) & adiumenta siue instrumenta veri à falso discernendi, quæ alioquin latent recondita, expromere, & rebus propositis accomodare docet, eoque pacto tandem ad veritatis cognitionem perducit: Sicut & Aristoteles homines metu ad consultandum excitari scribit: quamuis igitur hæc omnia Deus ipse tam planè nos doceat: adhuc tamen audet Thuanus, Parisiensis ille Præses, in *historiarum suarum præfatione*, hinc potissimum in Romanam Ecclesiam & in Hispanos inuidiam querere, quod Hæreticos Ecclesiæ contradicentes summo supplicio afficiant, & cum timorem illorum supplicio in discipulis excitatum, tum alia quoque pœnarum iisdem discipulis propositarum genera, magnas ad eos emendandos vires habere existimant. Hos Thuanus siue præpostero Religionis ardore, siue ambitione ac rerum salumniatur, nouandarum studio perperam consulere omni vi pugnatur. Tametsi autem eius

*Thuanus Eccle-
sia in puniendis
Hæreticis morè
salumniatur.*

eius improbitatem & mentiendi libidinem in Scaligero Hypobolimo à pag. 326. vsque ad pag. 336. ita detexi & conuici, vt omnium eorum iudicio, qui vel ingenui sanguinis guttam habent, improbissimum ac mendacissimum scriptorem videri oporteat: quia tamen multis se pro Catholico probat, & simulatione illa sua non modò Gallie suæ nocere studet, dum sententia sua libros, quibus Hæretici plurimum iugulantur, proscribit, itemque operam Societatis Iesu prætorie illius castrorum Dei cohortis, tot rebus præclare ac feliciter pro Ecclesia inclitæ calumniatur & infamat: sed etiam non minimum ad seditio- nes ac perduelliones illas, quæ vos Austriacos Principes tot iam an- nis exercent, momentum attulit, quandoquidem populis vestris ab Hæreticis in errorem abductis, Gallie Regis exemplum, & Thuani, velut hominis Catholici curieque Parisiensis præfidis disputatio (ve- lut ego in nonnullorum libellis legi, quos vobis obtulerunt) ipsis An- tonomiam, siue credendi, quicquid libeat potestatem, à vobis deberi vsque adeò persuasit, vt Vobis tamquam Tyrannis & libertatis suæ oppressoribus arma inferre, & inuitis, quicquid vellent, extorquere nequaquam religioni sibi duxerint: propter has ergo causas ope- ram minimè lusus videor, si hominis illius in mentiando impuden- tiam denuò breuiter ob oculos omnibus ponam. Ait igitur pri- mum omnium, veram & unicam rationem, qua Religionis dissidium sa- nari queat, esse, vt cum Hæreticis & cum exitialium doctrinarum auctoribus non minus, quam cum eorum discipulis, agatur potius docendo, quam iuben- do: magis monendo, quam minando, siue, vt doceantur & colloquia amiceque Collocutiones cum ipsis instituantur. Sed Spiritus sanctus, velut audiui- mus, vetat eiusmodi Porcis & Canibus sanctum dari, aut marga- ritas proijci, atque adeò nec Aue eis dici permittit, sed iubet eos deuitari, & eijci, tamquam homines pestilentes & conta- giosos, quorum sermo velut Cancer serpat, & qui monita ac sanam doctrinam neque audiant neque intelligant. Prouerb. 9. Noli arguere siue erudire derisorem, ne oderit te. Prouerb. 22. Eyce de- risorem & exibat cum eo iurgium. Prouerb. 13. Qui illusor est, non audit, cum arguitur. Prouerb. 23. In auribus insipientium ne loquaris, quia deficiunt doctrinam eloquii tui. Isai. 26. Etiam si misereamur impio, tamen non discet iustitiam, quia in terra sanctorum iniquè egit, propterea non videbit gloriam Domini. Psalm. 1. Impi non resur- gunt in Concilio iustorum, id est, non conuertuntur, etiam si iusti eos moneant, doceant & errorem eorum condemnent. Vter igitur men-

*Eius Hypocritis
& improbitas.*

*Idem seditionis
concitator.*

*Et pessimè de
Austriacis me-
ritum.*

*Primum Thua-
ni mendacium.*

*Spiritus san-
ctus vetat cum
Hæreticis dis-
putari.*

Aliud Thuanimendacium. titus videri debet, Spiritus Sanctus an Thuanus ? Deinde contendit, animaduerſionem, ſiue poenam Hæreticorum, eſſe crudelitatem & ex odio eorum proficiſci. Sed quanto aliter Seneca 1. de Ira cap. 15. Corrigi nequeunt (inquit) nihilque in illis ſpei bona capax eſt. Tollantur ergo cætu mortalium, facturi peiora, quæ contingunt, & quo uno modo poſſunt, deſinant eſſe mali. Sed hoc ſine odio. quid enim eſt, cur oderim eum, cui tum maxime proſum, cum illum ſibi eripio ? num quis membra ſua odit tunc, cum abſcindit ? non eſt illa ira, ſed miſera curatio. Non ira, ſed ratio eſt, à ſanis inutilia ſecernere. Sed etiam ſi ex odio iſtos Dei & Eccleſiæ hoſtes occidamus, num non eo ipſo laudem meremur ? An neſcit iuſſiſſe Deum Deuteron. 13. Si tibi perſuadere voluerit frater, filius, filia, aut vxor, aut amicus, quem diligis. vt animam tuam, vt Religionem mutes, non acquieſcas ei, nec audias, neque parcat ei oculus tuus, vt miſerearis & occultes eum, ſed ſtatim interficies eum, vt omnis Iſrael audiens timeat, & nequaquam ultra faciat quippiam huius rei ſimile. An vſque eò in Hiſtoria ſacra imperitus & hoſpes eſt, vt neſciat quid de pio Rege Aſa ſcriptum ſit 2. Par. 15. Intravit ex more ad corroborandum Fœdus, vt quæreret Dominum Deum PATRVM ſuorum in toto Corde & tota animæ ſua. Si quis autem, inquit, non queſierit Dominum Deum patrum ſuorum (id eſt, ſi à maiorum ſuorum religione veteri defecerit) moriatur à minimo vſque ad maximum, à viro vſque ad mulierem. Iuraueruntque Domino voce magna cum exſecratione : præſtititque eis Dominus requiem per circuitum. Non legit, quæ Deus Zach. 13. de ſtatu Eccleſiæ prædixit. Cum quis falſum prophetaverit, ſiue ſcripturas falſò interpretatus fuerit occident eum Pater & Mater eius, qui eum genuerunt. quod etiam Luc. 14. Chriſtus ita confirmat: Si quis venit ad me, & non odit Patrem ſuum, & Matrem & Vxorem, & Filios, & Fratres, & Sorores, non poteſt meus eſſe diſcipulus, ſi nimirum ab ijs impediatur Chriſti gloria ſeu vera Religio. Matth. 10. Veni ſeparare hominem aduerſus Patrem ſuum, & filiam aduerſus Matrem ſuam, vtque inimici hominis fiant, qui ſunt domeſtici eius. Non veni pacem mittere, ſed gladium. Vtrius ergo magis probari debet ratio, Thuanus, an ipſius Dei ? Hoc amplius affirmat Thuanus : Certè ſi verum amamus, neceſſe eſt ſateamur, in omnibus vetuſtus ſacræ antiquitatis monumentis nullum exſtare exemplum ſupplicij, de ſectatijs ſumpti ac probati, & Eccleſiam priſcam, à cruore fundendo ſemper abhoruiſſe. quod ſi quando accidit exitialis doctrina auctores occidi, id verè p̄ Ep̄iſcopi deteſtati ſunt, in primis ſanctus Auguſtinus, vir pio & miti ingenio, qui ſupplicijs Hæreticorum numquam ſubſcripſit

Aliud Thuanimendacium.

scripsit. Audiamus ergò S. Augustinum, cuius epist. XLVIII. ad Vincentium hæc sunt verba: &c.

Mea primitus sententia ERAT, neminem ad vnitatem Christi esse cogendum: verbo esse agendum, disputatione pugnandum, ratione vincendum, ne fictos Catholicos haberemus, quos apertos Hæreticos noueramus. Sed hæc opinio mea non contradicentiū verbis, sed demonstrantium superabatur exemplis. Nam primò mihi opponebatur ciuitas mea, quæ cùm tota esset in parte Donati, ad vnitatem Catholicam timore legum Imperialium conuersa est: quam nunc videmus ita huius vestræ animositatis perniciem detestari, vt in ea numquam fuisse credatur. Ita aliæ multæ, quæ mihi nominatim commemorabantur, vt ipsis rebus agnoscerem, etiam in hac causa rectè intelligi posse, quod scriptum est: Da sapienti occasionem, & sapientior erit.] *Hæc ille.* Alia eiusdem S. Patris verba afferre nihil attinet, cùm & ex *Hypobolimæo* peti possint, & hæc ipsa Thuanum plùs, quàm ipsius honori expediat, impudentissimi mendacij cōuincant, vt mirari satis nequeam qua fronte adhuc in curiā venire, & collegis suis, in quibus viros insigni virtute & eruditione præditos inueniri complures consentaneum est, os suum ostendere audeat. Apud nos quidem Germanos si quis calceolarius, sartor, pistor, faber ferrarius, aut quicumque opifex, in tam turpi mendacio imò falsi crimine drprehensus esset, ceteri eius congressum & conuictum statim aduersarentur, & ex communi corporatorum, siue eiusdem artificij opificum, sententia ipsi, velut infami, opere faciundo interdiceretur. An autem in Gallia Curiarum Præsides impune & saluo honore tam apertè mentiri, & mendacio suo non tantum Ecclesiæ Romanæ inuidiam conflare, sed etiam Imperatoris, Regis Catholici cæterorumq; Principum Austriacorum subditis rebellandi auctoritatem dare eosq; velut vocis suæ classico ad arma stimulare possint, id ego Collegis eius, senatorib. amplissimis, considerandum relinquo: quos vt patriæ amantes esse eiusque & vtilitati & gloriæ seruire adeò non molestè fero, vt etiam eo nomine commendare eos non dubitem, sic nec ab ipsis vitio mihi datum iri confido, quòd vt matris Ecclesiæ honori ne desim, & Augustis patronis meis fidelis Consiliarij ac ministri operam nauem, fraudem & imposturam Thuani detegendam suscepi.

*S. Augustinus
prius putabat
cum Hæreticis
agendū verbis.
Sed postea mu-
tauit sententiā*

*Quanti referat
Thuanus, ipsum
non esse Ger-
manum.*

Thuanus mendacium ex sacris literis refutatum.

Moses firmissimus.

Zelo religionis multa hominum millia occidit.

Idem zelus in Elia.

Et in Davide.

David Hæreticos statim interficiebat.

Thuanus sensu communi convincitur.

TAmetsi autem Thuanus nec Augustini, nec aliorum sanctorum Patrum, in primisq; eorum verbis, quos in *Hypobolimæo* testes citauit, conuinci posset, tamen vel solam S. Bibliorum auctoritatem merito, ne tam aperte mentiretur, reuereri debuit. quid enim? non fuit Moyses vir pio ac miti ingenio, de quo Num. 12. legimus, fuisse virum *mitissimum super omnes homines, qui morabantur in terra?* At enim hic vsq; eò Zelo & odio in Apostatas indulgit (quem Thuanus *præposterum Religionis ardorem* vocat) vt præciperet Leuitis: *Ponat vir gladium super femur suum & occidat unusquisq; fratrem & amicum & proximum suum, eisdemq; XXIII. hominum millibus occisis sic rem gestam gratularetur: Consecraſtis manus vestras domino; unusquisq; in filio & fratre suo, vt detur vobis benedictio, Exod. 32.* Sed etiam Eliam credibile non est, minori, quàm Thuanum, charitate & mansuetudine affectum fuisse. Istamen octingentos & quinquaginta Sacerdotes ac prophetas Baal gladio occidit. 3. Reg. 18. quod *ſatuitate sua deciperent populum Israel,* velut Ierem. 23. legimus. *David quoq; de cuius mansuetudine, quamquæ vel ab eorum, qui maiestatis imminutæ ac læsæ crimen commiserant, sanguine fundèdo abhorrerit, passim scriptura testatur, quanto eorum odio flagraret, qui à vera religione desciscissent non vno loco professus est. V. g. Psal. 25. Domine dilexi decorem domus tuæ, & locum habitationis gloriæ tuæ. Odiui Ecclesiam malignantium, & cum impijs non sedebo. Psal. 138. Nonne qui oderunt te domine oderam & super inimicos tuos tacebam? Perfecto odio oderam illos, & inimici facti sunt mihi Psal. 100. Facientes prauaricationes odiui. In matutino (id est, statim vt exorti fuerant) interficiebam omnes peccatores terræ (qui terram siue homines terræ, peccare faciunt in verbo, Ilai. 29. qui per dulces sermones & benedictiones seducunt corda innocentium, Rom. 16.) vt disperderem de ciuitate domini omnes operantes iniquitatem.* Sed vt nulla talis odij piorum erga eos, qui à vera pietate desciscunt, exempla extarent, sensus tamen communis, si quem modo habet Thuanus, eum docere poterat, fieri non posse, quin quo quisque est religiosior, eò peius impium, omninoque à religione sua, quam veram putat, alienum oderit, non modò quia natura fert, vt amemus eos, qui eadem quæ nos volunt, ac propterea res omnes, amicos & inimicos, multò autem magis Deos & genios tutelares nobiscum communes habent, studijsque ac vitæ genere, in primis autem religionis professione nobis sunt similes, odio autem habeamus, saltem non amemus, qui contraria volunt, vobiscum dissident, neque eorum quæ maximè vellemus, commune quicquam habere

bere volunt: sed etiam quia putant omnes rectè de Deo sentientibus, itaq; vt oportet eum colentibus, omnia prosperè cedere; illos autem qui vel in vtroq; vel in alterutro peccant, siue aut nullam aut falsam religionem sectantibus, Deum cum ipsis, tum alijs qui negotij quicquam cum ijs commiscunt, infestum reddere & mala multa arcescere persuasum habent. In quo quàm non fallantur, *consultatio mea de Germanie statu* cum ratione, tum sacrarum litterarum auctoritate plurib⁹ demonstrat. Et verò poterit Thuanus vel de se coniectura ducta, omnis huius rei veritatem nullo negotio, si velit, inuenire. Si enim ego Parisios nunc venirè, & ipse me à liberis si quos habet, ac propinquis suis honorificè accipi videret, non est dubium, quin se ab ijs negligi existimaturus, ac propterea non mediocriter stomachaturus sit, quod in eum beneuolè esse sustineant, cui se mendacissimum & improbissimum hominem videri, & ita palam libris editis describi & infamari non ignoret. *Irascimur*, ait Aristoteles, *etiam ijs, qui bono animo sunt*, siue qui nihil commouentur aut turbantur in rebus nostris aduersus. nam significationem dant se parui nos facere, quasi videlicet res friuola ac nullius momenti eis videatur, quod malè nobiscum agitur. Et quidem tanto magis ijs succensemus, quanto æquius videtur eos nobiscum condolescere & iniuria nobis facta commoueri, tanquam quos vel sanguinis propinquitate coniunctos habemus, vel beneficijs affecimus. nam ad propinquos honos & ignomina nostra pertingit, vt eos parui facere quam bene vel male audiamus, minimè omnium conueniat. Qui verò beneficia à nobis acceperunt, nisi tuendo honore nostro & odio habendis ijs, qui nos infamant, gratiam referre studeant, perinde se gerere videntur, (ait Aristoteles) quasi ab inferioribus acceperint, siue quasi nos debitum ipsis tribuerimus, neq; laudem aut gratiam eo nomine mereamur. Quid igitur? non irasci putabimus Deum, si nos in tanta, quam ipsi faciunt Hæretici, contumelia æquis animis esse, & inimicis eius familiariter vti videat? Ipse enim uerò est, qui se fortem, Zelotem esse, omniaq; ad suam gloriam referre proficitur. quomodo ergò non stomachetur, se pro mendaci, perfido & fœdifrago ab Hæreticis haberi? Ipse fœdus cum Ecclesia fecit, eamque sibi in sempiternum sponsauit (Osee 2.) iurauitq; suum Spiritum suamque verbum ab ore seminis Christi siue Episcoporum, in primis eius, cui⁹ fidem non defuturam dixit, in æternū non recessurū, velut paulò prius ipsa scripturæ verba, quibus id continetur, audiui⁹. Sed Hæretici Ecclesiam

In religione dissidentes non possunt mutuo se amare.

Thuanus suos inimicos propinquis suis suis exosos esse.

Quid ni ergo, velit Deus ut irascamur Hæreticis.

A quibus habetur pro mendaci.

Ecclesiam non in sempiternū sponsatam esse, adulteramq; factam & Pastores Ecclesiæ iam inde ab Apostolicis temporibus vsq; ad Lutheri Spiritu & verbo Dei caruisse dicunt, quemadmodum supra Lutheri verba de Concilio Nicæno primo retuli : *in eo non fuisse ullū Episcopum qui vel minimum de Spiritu sancto olfecerit.* Atqui vt Baptistes ait Ioan. 3, *Quem misit deus, verba Dei loquitur : qui autem accipit eius testimonium, signauit, quia Deus verax est.* Quasi dicat : Deus Isai. 59. Christo, quem missurus erat, promisit, se Spiritum & verbum suum ei daturum : *Cum venerit Sioni redemptor eius, hoc fædus meum cum eis : Spiritus meus, qui est in te, Christe, & verba mea, quæ posui in ore tuo, non recedent ab ore tuo vsq; in sempiternum.* Itaq; non est dubitandum, quin Christus qui iam venit, verbum Dei loquatur. Et qui ei credit, signauit, siue confirmauit ac velut consignatis tabulis siue chirographo suo ac sigillo testatus est, se Deum pro veraci habere. Ergo qui Christo nō credit, signauit, quod Deus sit mendax, neq; præstet, quod fædere factō promisit. At enim ibidem Deus promisit, etiam ab ore seminis Christi, siue Apostolorum, & ab ore seminis seminis Christi, siue Episcoporum Spiritum ac verborum suum in sempiternum non recesurum : quemadmodum etiam Christus Ioh. 14. eundem Spiritum ac verbum suum Apostolis daturum se promittit, *vt maneat in eis vsq; in æternum*, quibus etiam dixit Lucē 10. & Matth. 10. *Qui vos audit, me audit; qui vos spernit, me spernit non enim vos estis, qui loquimini, sed Spiritus patris vestri, qui loquitur in vobis.* Ergo qui credit Apostolis, semini Christi, & semini Apostolorum, siue Episcopis, signauit, quia Deus est verax; qui non credit (quod Hæretici faciunt) signauit Deum esse mendacem. Cui ergo iam verisimile fiat, Deum tanta contumelia non inflammari ad iram, vt faciat nobis, quod ipse minatur Ezech. 21. *Ecce ego eiciam gladium meum de vagina sua, & occidam in te iustum & impium?* quomodo etiam nobis non succenseat, si cum filij eius simus, nihil ignominia eius commoueamur, sed vltro etiam inimicis eius amici viuamus?

Qui amant Deum, oderunt hostes Dei. Viri mali, ait Salomon Prou. 28. *qui derelinquunt legem, non cogitant iudicium, vt blasphemantem scilicet impium iudicent, & in eum Zelo Dei accedantur, quemadmodum Iudas monet, vt Hæreticos arguamus indicatos. sed vltro etiam laudant impium : qui autem custodiunt legem, & inquirunt Dominum, animaduertunt omnia, siue, nihil ad contumeliam Dei pertinens negligunt, & succendantur contra impium.* Ita succensus fuit Phinees, qui arrepto pugione Principem tribus Simeon occidit, eaq; cæde manus suas Domino consecrauit, vt Deus Zelum hunc (præpositum

(*præposterum illum, ut Thuanus ait, Religionis ardorem*) ei ad iustitiam reputarit, & summo Sacerdotio remuneratus fuerit, Numer. 25. & Psalm. 105. Rex autem Iosaphat, quamvis ambularet in vijs David patris sui, & pergeret in præceptis Dei, faceretque rectum in conspectu Domini, & cor eius audacia sumpta propter vias Domini lucos de Iuda sustulisset, ac Sacerdotes & Levitas cum libro legis Domini in cunctas vrbes Iuda, ut populum docerent, misisset, siue, quamuis Lutheri & Caluini Hæresin ex regno suo proscripisset, & Iesuitis ac Monachis collegia ac monasteria & Ecclesias ædificasset (3. Reg. 22. & 2. Par. 17.) quia tamen cum hæretico siue Idololatræ Rege Israël fœdus eiusmodi fecit, quo eosdem amicos & inimicos vterque habere tenebatur, eiusque filiam hæreticam filio suo vxorem dedit, Deum irritauit, velut ei propheta nunciat. 2. Par. 19. *Impio præbes auxilium, & his qui oderunt dominum, amicitia iungeris: & iccirco iram quidem domini merebaris, sed bona opera inuenta sunt in te* (quasi dicat: sed es tamen bonus Catholicus, putasque bona opera tibi ad salutem esse necessaria, neque solam fidem sufficere) eo quod abstuleris lucos de Iuda, & præparaueris cor tuum, ut requireres Deum patrum tuorum, siue, ut veterem Religionem, quam maiores tui habuerunt, defenderes. Cum autem hac admonitione contempta denuò cum Ochizia Rege Calviniano, cuius opera fuerunt impiissima, amicitias inisset, ut classem ad petendum ex Ophix aurum communibus impensis instruerent, ex alio Propheta audiuit: *Quia habuisti fœdus cum Ochozia, percussit dominus opera tua, contritaque sunt naues, nec potuerunt ire in Ophix* 2. Par. 20. Quamuis autem ab hac postea regis Hæretici societate discesserit, neque denuò classem suam cum nauibus eius iungere voluerit (3. Reg. 22.) nequaquam tamen inter bonos siue perfectos Iudæ Reges numerari meruit. Præter David & Ezechiam & Iosiam omnes reges Iuda peccatum commiserunt: nam relinquerunt legem Altissimi, & contempserunt timorem Dei. Eccli. 49. Iosaphat enim non quidem altissimi legem reliquit, sed tamen timorem Dei contempsit, siue, non timuit Dei offensam, ex initio cum Hæreticis fœdere excipere. Hoc exemplo moniti rectissimè vos, Augusti Principes facitis, cum fœdus omne cum Hæreticis & infidelibus abominamini; ac ne inducias quidem pactumq; de damno mutuo non inferendo, nisi populorum vestrorum rationibus ita postulantibus, facere, potiusq; vestra ipsi vineta cedere, (quod quidem in vobis est) quàm gladium ab

*Iosaphat erat
quidē Rex pius*

*Tamē Hæreti-
cos non valde
oderat.*

*Itaq; Deus eum
punit.*

*Austriacoru er-
ga Hæreticos o-
dium.*

Bbb

exequendo

*Aliud Thuani
mendacium.*

exequendo Catholicæ religionis Zelo feriatum gestare animum inducitis. Felicitatem quam Gallia reges iam inde à *Francisco primo* ex suscepto aduersus vestros maiores Hæreticorum patrocinio, initoq; cum Turcis fœdere perceperunt, non est cur eis inuideatis. Faxit, Deus, vt hodierno Regi pupillo sanguis ille, quem per matrem. Reginam Christianissimam & religiosissimam, à vobis Austriacis traxit, vestram Apostolicæ sedis obseruantiam & Catholicæ fidei aduersus infideles & infidelibus longe execrabiliores Hæreticos, armis & legibus defendendæ ardorem excitet, neque quid Thuanus eique similes Apostatæ & relapsi Hæretici, Catholicos se professi, aliter consulant, in aures admittere libeat, quippe quos mendacij atque fraudis palam conuincere tam nullius sit negotij, velut etiam ex his eiusdem Thuani verbis constare potest: *Alia omnia pro arbitrio civilis magistratus atque adeo Principis sanciantur, sola religio non imperatur. ad eam cruciatus nihil valent. nam vbi quis religione ducitur, in eo nullum habet momentum vexatio & dolor. &c.* Deus. n. disertim & perspicuè contrarium affirmat. *Isai. 28. Tantummodo sola vexatio intellectum dabit auditui. Et Prou. 29. Virga & correctio tribuunt sapientiam. Prou. 26. Virga in dorso imprudentium. Prou. 22. Stultitia colligata est in corde pueri, & virga disciplina fugabit eam. Prou. 10. Virga in dorso eius qui indiget corde. Psalm. 77. Non crediderunt in mirabilib. eius. Itaque ira Dei ascendit super eos & occidit pingues eorum. Cum autem occideret eos, querebant eam, & reuertebantur, ad veram nempe religionem. Psalm. 82. Persequere eos in ira tua: imple facies eorum agnomina & quærent nomen tuum Domine.*

CAPVT CX.

*Qui sint illi,
qui neq; dolore
neq; metu con-
stantur.*

FIt quidem (fateor) vt nonnullis nihil virga, nihil flagella, nihil cruciatus prosint, quorum scilicet adulta & corroborata est malitia, qui non tantum laqueo consuetudinis, vel auctoritatis, aut alicuius siue cupiditatis, siue metus captiui tenentur, sed etiam sunt in felle amaritudinis & obligatione iniquitatis (vt Simon ille Magus *Act. 8.*) qui vt vel plus sapere videantur, & discipulos post se abducant, vel ventri suo seruiant, vel denique agrè faciant Pastoribus & Episcopis, dissensiones & offencicula facere, & *sectas perditionis blasphemantes non metuumt introducere.* (2. Petri 2.) quos etiam propterea Deus Satanæ excæcandos & indurandos tradit, vt non magis, quam

quam Pharaō, tot plagis affecti, respiscere queant. Nihilominus etiam hos occidi Deus iubet *Deuter. 17*, non vt ipsi bonam mentem capebant (*nec enim resurgunt tales impij in iudicio & consilio iustorum*, *Psal. 1.* & omnes qui sic ad Hæresin ingrediuntur, non reuertentur, nec apprehendent semitas vitæ, *Prou. 2.* Et si contuderis stultum in pila, quasi ptisanas, feriente de super pilo. Siue, si eum in mortario velut hordeum in pistillo pisaueris, non auferes ab eo stultitiam eius, *Prou. 27.*) Sed vt cunctus populus audiens timeat, & nullus deinceps intumescat superbia, siue, vt ne malum serpat, aliosque adhuc sanos inficiat (*Hæreticorum sermo*, ait *Paulus 2. Tim. 2.* velut cancer serpit) Siue, ne ferax lupus rapiat & dispergat oues, *Ioh. 10.* Perinde ergo facit *Thuanus*, ac si diceret: Membrum hoc cancro iam infectum est. Itaq; amputari non debet, nihil enim proficies, nec sanitatem ei restitues. Vel: lupus nunquam mutabit naturam, quin rapiat & dispergat oues, vbicunque potest. Itaq; nihil proficiet pastor persequendo, occidendo, & de medio tollendo lupo. quo ecquid tandem dici potest stultius? Deus *Ezech. 34.* disertim Ecclesiæ suæ tanquam ouibus gregis suæ ita pollicetur: *Faciā cum eis pacem, & cessare faciā bestias pessimas (Lupos) de terra, vt securi dormiant in saltibus, siue, vt sint in terra sua absq; timore. Non erunt ultra in rapinam, neq; bestie terra deuorabunt eos, sed habitabunt confidenter, absq; ullo terrore.* Sed *Christus Matth. 7.* *Paulus Act. 20. & 2. Tim. 3.* & *Petrus 2. Pet. 2.* multos lupos fore prædicunt rapaces, minime parcentes gregi, ac propterea Pastores iubent vigilare attendere, & consequenter facere cessare bestias illas pessimas. quomodo autem? Hoc *Dauidis* prophetia nouissima præmonstrat, cū Ecclesiæ Christi statum describit, *2. Reg. 23.* *Præuaticatores* (qui in dominum præuaticati sunt, quia filios alienos genuerunt, *Ose. 5.* siue, quia discipulos post se abduxerunt *Act. 20.*) quasi spina euellentur vniuersi, que non tolluntur manibus: & si quis tangere siue de medio auferre voluerit eas, armabitur ferro & ligno lanceato, igneque succensa comburentur ad nihilum. Sed etiam *Paulus* qui cancro, contagiosissimo malo, similes facit Hæreticos, quid aduersus eos suscipi debeat, satis manifestè demonstrat. *1. Cor. 5.* *Auferite malum ex vobis ipsis nescitis quia modicum fermentum totam massam corrumpit?* Fieri nimirum nequit, quin alios Hæretici suo fermento siue doctrina & hypocrisi (velut *Christus fermentum* interpretatur *Lucæ. 12.* & *Marci 16.*) aut etiam velut cancer cetera membra, inficiant & corrumpant. Itaq; auferendi sunt, ac velut mem-

Quare tales occidi Deus iussit.

Ne alij eorum sequantur exemplum.

Thuanus sollicitus.

Deus Ecclesiæ promittit fore ut Lupi de medio tollantur.

Hæretici autē sunt Lupi.

Itaq; tollendi.

Non manu: Sed ferro & igni.

Membra cancro infecta, aputanda.

brum iam infectum ferro recidendi. *In corpore* (ait Tullius) *si quid* eiusmodi est, quod reliquo corpori noceat, viri secariq. patimur, ut membrorum aliquod potius, quam totum corpus intereat. Sic in repub. corpore ut totum saluum sit, quicquid est pestiferum, amputetur. Dura vox. Multo ista durior: Salui sint improbi, scelerati, impij: deleantur innocentes, honesti, boni, tota respublica. Atque hoc ipsum Salomo dicit loco sapius laudato. Prou. 19. *Pestilente multato seu flagellato, stultus sapientior erit* tametsi ijs verbis non modò reliquos, sanos seruari, sed hoc amplius iam contagione aliquantum affectos persanari & restitui docemur, ut etiam Hæreticorum discipulos rectè atque vtiliter timore aut dolore ad Ecclesiam redigi seu compelli nequaquam sine impudentia aut inscientiæ nota *Thuanus* neget, cuius huiusmodi ferè est ratio: Oves iam longe à grege aberrarunt. Itaque frustra Pastor abit eas, quærere, & durus est, si inuentas in humeros imponat, & sua sponte siue suis pedibus redire ad gregem renitentes, reportet. *Vel*: Oves scabiosæ factæ sunt. Itaque frustra eas pastor à reliquo grege secludit & sanare conatur. *Vel*: Oves sublatae sunt à fure & latrone, qui non per ostium in ouile ingressus est, sed aliunde ascendit. Itaque nihil proficit Pastor, si eas vindicet, & à fure repetat. Quis autem non vel hinc videat, quid sit illud, quod *Thuanus* quærît, tametsi verbis id promere non audeat? Alterutrum quidem certè sentire se fateatur necesse est. Aut Protestantes non errare, non languere, non ægrotare, non scabiosos, nec furibus & larronibus in prædam ac rapinam esse, siue, Caluinum & Lutherum non esse, fures latrones, lupos, Hæreticos, & qui credunt illis, atque ab Ecclesia Catholica discesserunt, non errare, non perire. Aut boni Pastoris & Episcopi non esse quærere oves, quæ errarunt, neque inuentas, si sua sponte redire nolint, in humeros imponere, & reportare, nec ægras seu scabiosas sanare, nec raptas denique vindicare. Si prius sentit *Thuanus*, oportet ut sit in signis impudentiæ nebulo, qui se Catholicum profiteatur, & tamen Hæreticos errare neget. Sin posterius; stultissimus est, & dignior qui Abderitarum dictatorem agat, quàm qui Consilio Regio præsit. Nam quod dicat ille, interdum medicinam ægris non prodesse; quod quæritur non inueniri; quod furto ablatum est, non recuperari: num tandem propterea officio suo deesse Pastores debent? An ignorat quid Seneca respondeat argumento, quo à sanandis amici cuiusdam sui vitiis iam adultis deterre-ri poterat: *Respice atatem eius iam duram & intractabilem, non potest re-* *formari;*

Thuanus soliditas.

Thuanus in angustias redigitur.

Vel improbus, vel stultus & c. deri necesse habeat.

Etiam si quidam insanabiles, non tamen ideo negligenda medicina.

formari. tenera finguntur. An (inquit Seneca) profecturus sim nescio. malo
 successum mihi quam fidem deesse nec desperaueris, etiam diutinos egros posse sa-
 nari, si contra intemperantiam steteris, si multa inuitos & facere COEGE-
 RIS & pati. An etiam non legit, quæ S. Augustinus, quem tamen ipse
 auctorem sententiæ suæ habere se iactat, aduersus istam contradictio-
 nem disputet? At enim quibusdam pænæ ac molestiæ non profunt (sic enim
 sibi contradici fingit. & respondit:) Numquid ideo negligenda est medici-
 na, quia nonnullorum insanabilis est pestilentia? de quibus scriptum est, Ierem. 2.
 Frustra flagellauit filios vestros, disciplinam non receperunt. Et Ier. 5.
 Percussisti eos, & non doluerunt. Attriuisti eos, & renuerunt accipere
 disciplinam. Puto tamen quia amore, non odio flagellati sunt. non omnis, qui
 parit, amicus est, nec omnis, qui verberat, inimicus. Meliora sunt vulnera amici,
 quam voluntaria oscula inimici. Corripuntur negligentes Pastores, & dicitur eis
 Ezech. 34. Væ Pastoribus qui oves infirmas non consolidastis, ægrotas
 non sanastis, contractas non alligastis, abiectas non reduxistis, erran-
 tes non reuocastis, perditas, non quæsiuistis. Et vos, ô Donatistæ, oves Chri-
 sti estis, characterem Domini circumportatis in Sacramento quod accepistis. sed
 erratis & peritis. Non ideo vobis displicemus, quia reuocamus errantes, &
 querimus perditos. Melius enim facimus voluntatem Domini, monentis ut vos
 ad eius onile redire COGAMVS, quam consentiamus voluntati otium erran-
 tium, ut vos perire permittamus. Melius est quidem, (quis dubitat?) doctrina
 homines ad Deum colendum duci, quam pænæ timore vel dolore compelli: sed
 non quia isti meliores sunt, ideo illi, qui tales non sunt, negligendi sunt. Multis e-
 nim profuit (quod experimentis probauimus) prius timore vel dolore COGI, ut
 postea possint doceri, aut quod iam verbis didicere, opere sectari. Quod porro
 cotendit Thuanus vexatione, proscriptione, exilio, ferro & flammis
 siue cruciatu & dolore non modò nihil profici, sed animos quoque
 Hæreticorum magis irritari & obfirmari: id quàm verè dicat, partim
 ex istis, quæ iam in medium attuli, partim hinc quoque intelligi po-
 test, quòd perspicuè affirmat Deus, non pœnas & dolores, cur animis
 obfirmantur Hæretici, causam esse, sed quia illudunt, & ita, cur vin-
 cula ipsorum constringantur, siue, cur à gratia Dei deserti, à Satana
 magis vinciantur, mereant. Isai. 28. Et nunc nolite illudere, ne fortè constri-
 ngantur vincula vestra. Prou. 5. Iniquitates sue CAPIVNT Impium, & sumi-
 bus peccatorum suorum constringitur. Ipse morietur, quia non habuit disciplinam
 (quia pertinaciter in sententia mansit, & ex superbia noluit obedire
 Sacerdotis imperio, occidetur, Deut. 17.) & in multitudine stultitiæ suæ
 decipietur, nam stultitiæ impij supplantat gressus eius, Prou. 19. persuasio sci-
 licet

Hæreticorū di-
 scipuli sunt O-
 nes Christi, sed
 errantes.
 Itaque debent
 à Pastoribus
 requiri.

Experientia S.
 Augustini in
 cogendis Hære-
 ticis.
 Aliud Thuanū
 mendacium.

Quare Hæretici
 magis obduren-
 tur.

licet scientiæ, qua sibi sapientior videtur Episcopis & Doctoribus, nec eorum audit monita. Prou. 12. *Via stulti recta in oculis eius: qui autem sapiens est, audit consilia.* Huiusmodi ergo stultitiæ, siue stultæ persuasionis vis & multitudo, decipit Hæreticos, non virga, siue, pœna: Cuius Deus hanc esse vim testatur, vt fuget stultitiam, & velut gladius vinculum, quo Cor stulti obligatum est, dissoluat. Prou. 22. *Stultitia colligata est in corde Pueri, & virga disciplina fugabit eam.* Vtri ergo credi iam æquius putabimus, Deo an Thuano?

CAPVT CXI.

*Thuanus ex-
mentu consilia
iudicat.*

*Viri felicius re-
gerant, Galli an
Hispani.*

*Quid lucri Gal-
lia Rex fecerit
ex Hæreticorum
patrocinio.*

*Meum do exitu
Gallia Regis in-
discum.*

QVI quod postremò ad euentum prouocat, & ex eo, quòd vobis Austriacis, tibi præcipuè, Rex Catholice, negata Hæreticis *Autonomia* malè verterit, & prouincias aliquot à ditione & imperio vestro alienarit, male & imprudenter à vobis factū, contra regē Gallia, nuper certa *Francisci Rauasillaci* manu cēsum, in permittenda Caluinismi libertate multum vidisse, ex eoque feliciter & ex sententia rem gestisse cogit: haud sanè scio, num plus etiam, quàm in superioribus, insaniat. Si enim *Diuus Philippus* tuus, Rex Catholice, parens, propterea imprudenter fecisse, nulloque consilio vsus videri debet, quòd ob negatam Hæreticis impietatis ac perfidiæ suæ Libertatem, Hollandiam ac Selandiam amisit: quantam *Henrici Bourbonij* imprudentiam vel stoliditatem fuisse oportebit, cui susceptum Hæreticorum patrocinium non vnā alteramque prouinciam, non regnum, non Imperium, sed ipsam vitam, atque vtinam ne simul alterius vitæ spem omnem eripuit? Quis est qui tam inopinato tanti Regis ac bellatoris casu non attonitus statim Psalmi verbis exclamandum putarit? *Ecce homo, qui non posuit Deum adiutorem suum, sed sperauit in multitudine diuitiarum suarum, & præualuit in vanitate sua?* Soles quidem, ait Poëta, occidere & redire, similiterque prouinciæ amitti & recuperari, possunt, ac fortasse nouus aliquis iam Orbis, qui Bataurorum & Selandorum iacturam penset, enascitur, vt denuò Psaltæ verbis gloriari Philippe Rex possis: *Populus quem non cognoui seruiuit mihi: sed Burbonio postquam semel occidit breuis lux Nox est perpetua vna dormienda, neque quo iacturam soletur habet.* Viderunt Oculi eius interfectionem suam, & de furore omnipotentis bibit. Donec atteratur cælum, non euigilabit, nec consurget de somno suo. quæ tamen ita accipi velim, vt cum mala in hac vita accepisse, cumque occideretur, Deum quæsijsse

quæsiſſe nequaquam deſperandum putem : ipſi quidem ſingulari alioquin ætatis noſtrę ornamēto, ſic eueniſſe, ceteris verò exemplo eius doctiores fieri, neque committere, vt eorum obitu plus Hæretici, Turcæ & Athei, quàm Catholici fideles ac pij doleant, ex animo precor atque opto. Veruntamen vt longè plura etiam perdidifletis, neque eorum ſiue recuperandorum, ſiue longè luculentiore ſorte compenſandorum ſpem vllam haberetis: nondum tamen vos quicquam in eo quod Hæreticorum hoſtes vos profeſſi incrementis ipſorum reſtitiftis, à Prudentia alienum feciſſe inſimulari poteſtis, cum multæ aliæ cauſæ commemorari quæant, propter quas minùs ex ſententia res aduerſus Hæreticos, & rebelles veſtros ſubditos, proceſſerit. Quid enim, ſi non nemo veſtrum alias res egit, neque condignam rebus tanti momenti diligentiam & prouiſionem adhibuit, ac Miniſtrorum fidei nimis conſiſus fraudi eorum oportunum ſe præbuit, num tandem aliter multa cecidiſſe, neque quantum oportuit actum eſſe mirabimur? Dauidem optimum ac ſapientiſſimū Regem, qui *Pſal. 100.* ſic de ſe gloriatur: *Facientes prauaricationem odiui: detrahentem ſecreto proximo ſuo, hunc perſequabar*: Siba nihilominus ſeruus Miphiboſeth officiij ſpecie adeò circumuenit, vt omnia heri ſui bona ab eo dono acciperet. Et quamuis non multò poſt fraudem ac mendacium eius Dauid perſpexiſſet, non modò Crucem nequiſſimo mancipio non fixit, ſed etiam dimidium bonorum herilium ei reliquit. Et verò ſi benè calculum ponimus, ac politicè rem diſputamus, omnium calamitatum, quæ Dauidem exercuerunt vnquam, nimia eius lenitas, quodq; ſclera familiarium, propinquorum ac filiorum ſuorum propter nimiam facilitatem & intempetiſſimam clementiam vindicare non auderet, cauſa fuit, velut in *Conſultatione mea de Germania* ex hiſtoria ſacra luculenter demonſtraui. Quod ſi ergo nimia facilitas, & quædam diſciplinæ diſſolutio (quam ferè natura vobis Auſtriacis inſeuit) multa Miniſtros veſtros malè docet, & horum peccati impunitas, aliorum libidinem ad idem tentandum accendit, non eſt quod aut præter ſententiam multa vobis euenire miremur, aut cauſas mali longè arceſſamus. Quid autem? *Si anathema fuit in medio veſtri*, hoc eſt, ſi quid vobis inſcijs Miniſtri veſtri ſiue Iurium, ſiue bonorum Eccleſiæ inuaſerunt, ſequē vtilitati veſtræ vindicandis anathematis, ſiue rebus Deo conſecratis, bene cōſulere perperam exiſtimant: num tandem idem vobis, quod Ioſuæ fortiſſimo & ſanctiſſimo Imperatori; vſu venire mirum eſt, vt ſcilicet

Auſtriacorum mala ſinde reuera originem duxerint.

Negligentia nimia erga Miniſtros indulgentia.

Eadem Dauid laborare ſolent.

Graviſſimas eius penas dedit.

Auſtriacis facilitas & indulgentia ſua, noxia.

Miniſtri Principum Eccleſiarum ſenatores.

*Rerum Deo sa-
crarum viola-
tio quantum
Reipub. noceat.*

*Regum, rei ac
iura Ecclesia
violantium,
pena.*

*Caroli Magni
iudicium de iis,
qui Ecclesiis
molesti sunt.*

Scilicet exercitus vester etiam in causa iustissima ab inimicis Dei & Ecclesiæ superetur? Cùm enim vnus tantũ vir ex toto exercitu Israe-
litico in scijs ceteris aliquid spoliũ vrbis Iericho Deo consecra-
torum attigisset, iratus Deus pauorem & fugam in copias Israeliticis
immisit, & non paucos eorum ab hostibus, quamuis impijs, cædi fe-
cit. Querenti causam Iosue, respondit Deus: Peccauit Israel, & praua-
ricatus est pactum meum: tuleruntque de anathemate, & furati sunt atq; men-
titi, & absconderunt inter vasa sua. Nec poterit Israel stare ante hostes suos, eos-
que fugiet, quia pollutus est anathemate: non ero ultra vobiscũ, donec conteratis eũ
qui huius sceleris reus est, & combuseritis eum cũ liberis, iumentis & omni sub-
stantia sua. Et mox ad vniuersũ populũ proclamans: Anathema (inquit)
in medio tui est Israel: nõ poteris stare corã hostib⁹ tuis, donec deleatur ex te, q̃ hoc
contaminatus est scelere, Ios. 7. Simile mendacium ac furtum siue sacrile-
gium in Anania & Saphira subita morte Petrus puniuit. Act. 5. qui
tamen de eo, quod ipsi ad Apostolorum pedes deposituros se voue-
rant, non de aliena largitione, delibatam partem retinere, vt quã
ingentis se sceleris alligent illi, qui in res Ecclesiæ, quas alij Deo con-
secrarunt, inuolant, vel hoc solo exemplo moniti scire possint. Regi-
bus quidem ac Principibus, qui opus Ecclesiarum scilco vindicant,
vel etiam qui athei sunt, nec Deo de rebus nostris curæ esse credunt,
& velut veste peregrina induuntur, similiterque Palatinis eorum mi-
nistis & Consiliarijs, qui propter Ecclesiasticorum hominum con-
temptum ac superbiam, Dominis ac patronis suis occupandorum,
vel retinendorum bonorum Deo sacratorum auctores sunt, meritò
metuendum est, ne fidem Prophetiæ illius Soph. 1. suo maximo malo
impleant: Et erit in die illa, visitabo super Principes & super filios Regis, & su-
per omnes, qui induti sunt veste peregrina, & visitabo super omnem, qui arro-
ganter ingreditur super limen (qui in alienam domum, siue, in Ecclesiam
intrat eiusque bona attingit) qui complent domum Domini sui iniquitate &
dolo, qui dicunt in cordibus suis: Non faciet bene Dominus & non faciet malè. Et
erit fortitudo eorum in direptionem, & domus eorum in desertum: & adifica-
bunt domos, & non habitabunt: & plantabunt vineas, & non bibent vinum
earum.] Huiusmodi comminatio quantopere Regibus, Principibus ac
Regnis metuenda sit, testatur Carolus Magnus libro septimo Capitulorum
siue legum Ecclesiasticarum & ciuiliũ Parisijs anno 1588. editorum
cap. 104. & 105 & 188. Nouimus inquit, multa regna & Reges eorum
propterea cecidisse, quia Ecclesias spoliauerunt, resque earum vasta-
uerunt, abstulerunt, alienauerunt vel diripuerunt, Episcopisque &
Sacerdo-

Sacerdotibus, atque quod magis est, Ecclesijs eorum abstulerunt, & pugnantes, *sive militibus* loco stipendij dederunt. quapropter nec fortes in bello, nec in fide stabiles fuerunt, nec victores extiterunt, sed terga multi vulnerati & plures interfecti verterunt, regnaque & regiones, & quod peius est, regna cœlestia perdiderunt, atque proprijs hæreditatibus caruerunt & hæcenus carent, &c. Qualiter dominus talium criminum vltices pœnas per Saracenos & alios populos venire permisit, cunctis earum gesta legentibus liquet, & nisi nos ab his caueamus, similia nobis superuenire non dubitamus. Prohibemus ergo omnino *sub pœna sacrilegij* generaliter omnibus, cunctarum Ecclesiasticarum rerum inuisiones, vastationes, alienationes, Sacerdotumque & reliquorum seruorum Dei oppressiones, vexationes, atque cunctorum generum iniurias, &c. Si quis ex iure Ecclesiastico hæcenus nostra largitate aliquid possedit, si illa deinceps habere voluerit, præcipimus, ut ad proprios Episcopos veniat, & ab eis & à Præpositis Ecclesiarum, vnde esse videntur, quocumque modo iuste potuerit, eam impetrare satagat, & nihil ex eis aliter ambiat aut concupiscat, vel accipiat, ne cupidum sanctarum rerum ignis, qui in eis est fauilliosius exurant. Vnde & in sacris Canonibus, Spiritu Dei conditis, decretum habetur ita: *Si quis oblata dederit vel acceperit præter Episcopum, veleum, qui constitutus est ab eo ad dispensandam misericordiam pauperibus, & qui dat, & qui accipit, anathema sit.* Scimus autem Anathematos homines & in præsentis sæculo infames esse ac perditos, & à consortio fidelium in omnibus absque pane & aqua fieri alienos, atque si absque Ecclesiæ satisfactione de hac vita recesserint, à regno Dei fore extorres. Quam foueam cauere dissimulans vel recusans, nostra se sciat per omnia societate carere, quia non solum qui faciunt, sed & qui facientibus praua consentiunt, rei sunt. Satiùs enim nobis est regnum non habere terrenum, quam æternum, perdere. Plus vero me credo Deum posse per Sanctorum suorum merita adiuuare, quam omnem militiam sæcularem. Quapropter omnes scire cupimus, si super his, quibus fruimur, bonis, vniuersum mundum lucrari potuissimus, nostram vestrasque animas perdere noluissemus, nec se pro prædictis cupiditatibus perdere volentibus consentire, &c.] Hanc porro legem Carolum non modo assentiente ratamque habente, sed vltro etiam postulante vniuerso

Ccc

Germaniæ

Eiusdem sanctio de securitate & immunitate Ecclesiasticæ.

Eiusdem de Excommunicationis iudicium.

Carolus Magnus, pius Clericorum, quam Milium auxilio confusus.

*Comitiū Ger-
mania & Gal-
lia aduersus
Protestantes
Decretum.*

*Ad quem finem
Ecclesie funda-
ta fuerint.*

*Qui finem illū
impediunt, sunt
sacrilegi.*

Et infames,

*A Regibus res
Ecclesiasticas
impetrantes sunt
infames.*

*Audiant Pro-
testantes hunc
recessum impe-
rii.*

Germaniæ Galliæque populo ad Comititia Wormatiam anno 770^o congregato latam fuisse, ex eorundem Capitulorum libro 6. cap. 285, discimus. Ibi enim legitur *generalis totius populi supplicatio apud Principem pro Sacerdotum causa*, in qua etiam hæc sunt: Scimus res Ecclesiæ Deo esse sacratas, scimus eas esse oblationes fidelium & pretia peccatorum, quapropter si quis eas ab Ecclesiis, quibus à fidelibus collatæ Deoque sacratæ sunt, aufert, procul dubio sacrilegium committit. Offerunt enim illas Deo fideles pro remissione peccatorum suorum, ac parentum & filiorum, aut pro quocumque voluerint, ad seruiendum ex ijs Deo in sacrificijs, Missarumque solennijs, orationibus, luminarijs, pauperum ac Clericorum alimonijs, & ceteris diuinis cultibus & Ecclesiæ vtilitatibus. Qui ergo inde eas aufert, quid agit nisi sacrilegium? Talis autem in sacris Canonibus *Anathema* pronunciat. Scimus autem anathematos homines vel sacrilegos, non solum infames esse, sed etiam à regno Dei extorres fieri, si in talibus defecerint, non dubitamus. Et hoc vobis omnibusque fidelibus sanctæ Dei Ecclesiæ & nostris notum esse cupimus, quod cum his, qui absque voluntate aut consensu, vel datione rectoris illius Ecclesiæ, cui ipsæ res iuste esse debentur, & maximè proprii Episcopi res Ecclesiæ à Regibus petere, aut retentare, vel auferre, aut inuadere, vel vastare præsumperint, nec in hostem, nec ad pugnam ire, nec cibum sumere, nec ad Ecclesiam, vel ad palatium, aut in itinere pergere, nec etiam nostros homines cum eorum hominibus, aut caballos vel reliqua pecora nostra cum eorum pecoribus, aut ad pastum ire, aut simul habitare, vel manere, nec ullam participationem cum eis, nisi pro emendatione ante publicam emendationem & Ecclesiæ satisfactionem vnquam scienter, aut libenter habere debeamus, ne pro eorum iniquitatibus atque flagitijs, vna cum eis nos & nostri, quod absit, pereamus. Scimus enim quia perit iustus pro impio. Tales verò à nobis, si nos fideles habere vultis segregate, & in ergastulum sub publica poenitentia redigite, & postulata concedite. Vt ergo hæc omnia à vobis & à nobis, siue à successoribus vestris & nostris futuris temporibus absque vlla dissimulatione conferuentur, scriptis Ecclesiasticis inserere iubete, & inter vestra Capitula interpolare præcipite.] Et capite insequenti Carolus hoc eorum postulatam sibi æquissimum videri affirmat,

affirmat, seque quod petierint, lege lata mox sancire velle pollicetur.

CAPVT CXII.

ATQUE vtinam eadem nepotibus Carolimens mansisset! Fortasse staret adhuc imperium & regnum Carolingorum: Respublica quidem certè Christiana minus multis cladibus sepe affecta fuisset. *Carolus enim Calvus* Galliæ Rex cum multa Ecclesiasticorum prædia, præcipue Rhemensis Episcopatus villas Comitibus suis in beneficium dedisset, quod metueret, ne si quando à fratribus bellum sibi fieret, suorum ope destitueretur, quemadmodum ipsi facturos se minati fuerant, statim ultorem Deum expertus est, Nordmannis in Galliam inundantibus, eamque ferro & flamma passim infestantibus, quibus etiam Carolus bonam Galliæ partem cedere necesse habuit. Similiter *Carolus Crassus* quod thesauris Ecclesiæ Metensis pacem à Nordmannis redemisset, occulto Dei iudicio ita punitus fuit, vt sui eum repudiarent, & imperiali ac regia dignitate exuerent, ipseque vix panem ab Arnolpho Imper. fratris sui filio emendicare posset. Ipse quoque *Arnolphus* pediculari morbo consumptus miserè periit, quia ipso imperante Sacerdotes (vt Luitprandus auctor est) vincti trahebantur, nulla Ecclesiasticæ Iurisdictionis habitatione. Ad extremum, cum nihil tot exemplis profectum esset, & anno 990. *Caroli* Lotharingiæ ducis, Carolingorum vltimi milites Rhemensem ciuitatem proditione cepissent, totumque Episcopatum illum deprædatis essent, omniaque Principi suo etiam in locis sacris licere dicerent, fidem comminationi suæ supra prolatæ facturus Deus, vt Carolus ab Hugone Capeto caperetur, & cum ipso Carolingi extinguerentur permisit. Sapientiores his fuerunt illi ex Saxonibus Germaniæ Reges & Imperatores. *Henricus enim Auceps* prælium cum Hunnis commissurus tamen causam iustissimam tuebatur, quod tamen anathema in exercitu suo esse sciret, multis Laicis Imperatorum largitione res sacras possidentibus, ipsis quoque Ecclesiasticis Simoniæ palam obnoxiijs, votum Deo fecit de criminibus eiusmodi penitus recidendis, & ex regno suo proscribendis, si victoria potitus esset. In quo Deus ipsi annuit, vt eo conflictu xxxvi. m. Hunnorum cæsi fuerint. Eius filius *Otto Magnus* cum à fratre Henrico rebeli, ingenti exercitu vndiq; septus esset, pluri-

Pæna, qua Caroli M. posteri fuerunt affecti ob neglectum superius decretum.

*Discite Reges.
quid Ministris
sacrilegij aucto-
ribus respon-
deatis.*

mique eius milites ad hostem transfugerent, ac Germanus quidam Princeps, qui magna militum manu ei suppetias venerat, quod si-
bi ab eo in tantas redactis angustias nihil negatum iri persuasum ha-
beret, ea fiducia Abbatiam Lauresheimensem, ex cuius opibus
stipendium militi suo persolueret, donari petijisset: huiusmodi ora-
tione improbitatem eius coram vniuerso exercitu confutauit: *Obe-
dire Deo magis oportere, quam hominibus. Quis sapiens non videat te hac
non humilitate petitionis, sed communicationis auctoritate dixisse? Scri-
ptum est: Nolite sanctum dare Canibus. Itaque si vis cum ceteris In-
fidelibus ad hostes transfugere, quanto citius tanto melius.* Princeps er-
gò tanta Regis constantia perculsus & rubore perfusus, ad pedes
eius accidit, ac cassus culpam sibi veniam dari petijt. nec multò
post Duces Ottonis insignem de rebellibus victoriam retulere, ipso
interea in Ecclesia orante, suamque causam Deo commendante.
Cum autem quarto decimo post anno, sui malè memor in
gratiam coniugis suæ, socrum Bertam Abbatiam Merensteinensi do-
nasset, statim ei filius Luitholphus rebellis factus arma mo-
uit. Adeò verum esse constat, quod de se Deus profitetur:

*Austriaci si
Carolus &
Ottonem Ma-
gnos consulant.*

*Quid responsi
accepturi sint.*

*Hæreticorum
auxilio atq; o-
pera stantes ple-
ti mirum non
est.*

Glorificantes me glorificabo: qui autem me contemnuunt, contemnentur.
Itaque si Carolus Magnus & Otto Magnus cum cognatione sua
nunc in terras redeant, & à vobis Austriæ gentis Principibus con-
sulantur, quid esse causæ putent, quòd minus prospero successu
aduersus Infideles & Hæreticos rem geratis: equidem dubium
nullum habeo, quin statim anathema in medio vestri esse suspicentur,
vosque rebus relictis omni cura inuestigare moneant, vtrum Mini-
stri vestri, siue suæ vtilitatis causa, siue quòd se bene in rem vestram
consulere perperam existiment, rebus sacris manus admouerint
& Ecclesiæ hominibus molestiam exhibeant. Quòd si autem &
Hæreticorum & Hæreticis credentium atque A catholicorum, non
modo militum, sed & Ducum ac Tribunorum operâ vos vti, ac fi-
dei eorum primaria Christianitatis propugnacula credere audiant,
nempe vos pœnas eius rei dare nihil omnino mirentur: quippe
qui scriptum sciant Isai. 21. *Qui incredulus est, infideliter agit: & qui
depopulator est, vastat.* Et 1. Reg. 24. *Ab impijs egredietur impietas.*
Et Osee 4. *Populus tuus, sicut hi, qui contradicunt Sacerdoti, id est, ira
moratus est, quomodo eos oportet, qui Pontifici non obediunt. qua-
les porro sint eorum mores, ibidem sic declaratur: Non est veritas, &
non est misericordia, & non est scientia Dei in terra eorum.* (nam Sacerdo-
tis

tis labia custodiunt scientiam. *Mal. 2.* hanc autem repellunt isti, & Sacerdoti eos scientiam docenti contradicunt) *Maledictum*, siue vt est in Chaldæo, periurium, & mendacium & homicidium & adulterium inundaerunt, & sanguis sanguinem tetigit, siue vt habet Chald. & peccatum peccatis aggregant. *Peryt sanctus de terra eorum (Mich 7.) & rectus in hominibus non est.* Qui optimus in eis est, quasi palurus: & qui rectus, quasi spina de sepe. Nolite ergo credere amico, & nolite confidere in duce, qui nempe Sacerdoti contradicit. nam omnes in sanguine insidiantur, vir siue vnusquisq; eorum fratrem suum ad mortem venatur malum manuum suarum dicunt bonum. Propter hoc super adolescentulis eius populi non letabitur Dominus (*Isai. 9.*) & pupillorum eius & viduarum non miserebitur: quia omnis (non tantum caput & cauda, siue Magistratus & propheta docens mendacium populumq; seducens, sed etiam subditi tam paruuli quam adulti, tam viri quam mulieres, omnis deniq;) hypocrita est & nequam, & vniuersum os locutum est stultitiam, siue, mendacium. vt est in chaldæo. hoc est, ad tempus aliquod simulant quidem integritatem & candorem, sed occasionem nacti, aut cum tanti esse putant, fidem fallere nequaquam religioni sibi ducunt. nam malus est qui obedit lingua iniqua, & fallax, qui obtemperat labijs mendacibus, siue, qui falsum doctorem sequitur. *Prou. 17.* Quod si ergo, viuit Dominus, dixerint: & hoc falso iurabunt (*Ier. 5.*) neq; ij modò pauperes & stulti, ignorantes viam Domini, sed etiam optimates qui cognoscunt iudicium Dei sui, quorum domus plena dolo, unde magnificati sunt et ditati, inersati et impinguati, et praterierunt sermones Dei pessime. Omnes isti Principes declinantes (siue apostatæ à maiorū fide) abulantes fraudulenter, seu, proditorie, vt Lutheri interpretatur: quibus cum dixissem: state super vias, et videte, et interrogate de semitis antiquis, et ambulate in ijs, responderunt: Non ambulabimus, (*Ierem. 6.*) & misi eis prophetas, vt reuenterentur ad dominum: sed hos Protestantes illi audire noluerunt. 2. Paral. 24. Quam verò parum gratam Deo rem faciant Principes, qui auxilio hominum eiusmodi Sacerdoti contradicentium in bellis quauis iustissimis & ad coercendos infideles & rebelles susceptis vtuntur 2. Paral. 25. Amasie Regis Iudæ exemplo docemur. Is enim Edomitas rebelles suos armis ad officium redacturus, mercede conduxerat de Israel centum millia robustorum centum talentis argenti; Venit autem Propheta ad illum, & ait: O rex, ne egrediatur tecum exercitus Israel, n. n. est enim dominus cum Israel & cunctis filiis Ephraim (quia eiecerunt Sacerdotes domini, filios Aaron, atque Leuitas; & fecerunt Sacerdotes de nouissimis populi, qui non erant de filiis Leui, 3. Reg. 12. & 2. Paral. 13. suntq; absq;

Dei offendunt,
qui Hæreticorū
auxilijs stantur.

absq; Deo vero, & absq; Sacerdote doctore, & absq; lege. 2. Paral. 15.)
*Quod si autem putas in robore exercitus bella consistere, superari te Deus faciet
 ab hostibus. Dei quippe est adiuvare & in fugam convertere. Dixitq; Amasias
 ad hominem Dei: Quid ergo fiet de centum talentis, quæ dedi militibus Israel?
 Et respondit ei homo Dei: Habet Deus, unde dare tibi possit multo his plura. Se-
 paravit ergo siue dimisit Amasias exercitum Hæreticorum, & confidenter e-*

*Hæreticorum
 auxilium est
 auxilium Dia-
 boli*

*Caroli Magni
 sententia de si-
 de Hæreticorum
 & Sacerdotibus
 inobedientium*

*Hac nempe Ca-
 rolus V. magno
 malo suo vera
 esse sensit.*

*Intelligite Re-
 ges, & erudi-
 mini, qui iudica-
 tis terram.*

*Sacerdotibus
 Inobedientes
 declaratur Im-
 fames.*

*duxit populum suum, percussitq; Edomitas. Nimirum perinde facit qui causam
 Dei ope Hæreticorum tuetur, ac si Deo Diabolum adiutorem aduo-
 cet, quasi Deus suam gloriam aliter vindicare nequeat, nisi opem fe-
 rente Diabolo eiusque filijs. Quod si Carolum Magnum, quæ ipsi-
 us sit de fide Hæreticorum sententia, consulatis, ad septimum Capitulo-
 rum suorum librum vos, opinor, remittet, cuius Capitulo 401. hæc eius
 verba lego: Volumus atq; præcipimus, ut omnes suis Sacerdoti-
 bus, tam maioris ordinis, quam & inferioris à minimo vsq; ad maxi-
 mum, ut summo Deo, cuius vice in Ecclesia legatione funguntur,
 obediētes existant. Nam nullo pacto agnoscere possumus, qualiter no-
 bis fideles existere possint, qui Deo infideles & suis Sacerdotibus ino-
 bediētes apparuerint, aut qualiter nobis obediētes nostrisq; ministris
 ac legatis obtēperantes erūt, qui illis in Dei causis & Ecclesiarū utilita-
 tibus nō obtēperant. Potius namq; iuxta veritatis vocē, ille metuend⁹
 est, qui potest animam & corpus perdere in gehennam, quàm ille, qui
 corpus torquere, & honores temporales potest auferre. De illis di-
 ctum est: Qui vos audit, me audit: & qui vos spernit, me spernit. Et
 alibi: Qui vos tangit tangit pupillam Oculi mei. Et iterum: Qui vos recipit me
 recipit. Et multa alia horumque similia. His ergo fulti oraculis iube-
 mus ut omnes eis pro viribus ad eorum peragenda ministeria, & ad
 malos & peccatores atque negligentes homines distringendos (siue
 puniendos) summo opere obediētes existant. Qui enim in his, quod
 absit, aut negligentes eisq; inobediētes fuerint inuēti, sciant se nec
 in nostro imperio honores retinere, licet etiam filij nostri fuerint, nec in
 palatio locum, neque nobiscum, aut cum nostris Societate aut com-
 munionem ullam habere, sed magis sub magna districtione pœnas
 luere. In his namque omnium nostrorum fidelium volumus agno-
 scere fidem ac benevolentiam: quoniam si hæc fideliter & vtiliter
 impleuerint, tunc Deo & nobis fideles erunt. Si autem, quod ab-
 sit, secus egerint, tunc non solum Infideles, sed etiam infames atq; re-
 probi ac manifestè apparentes notabuntur, eorumque domus publi-
 cabuntur, & ipsi exiliabuntur.] Hæc Carolus ille Maximus. Ceterum
 quibus,*

quibus, & quantum, tutò credant Reges ac Principes (nec enim Hæretici & qui eis credunt eodem ordine habendi sunt, atque adeo nec discipulis falsorum Doctorum idem omnibus *īdōs* & ingenium esse solet, multiq; naturæ bonitate vincuntur, vt viuant melius quàm credant, quamq; uiui oportere existiment) partim ea quæ supra exposui significant, partim *consultatio mea de Germania statu*, quò propriè omnis hæc disputatio pertinet, distinctius exequitur. Hoc loco satis esse debet, quod eos qui Catholicos pro Antichristianis habent, eorumq; potentiam ac prosperitatem Deo ac veræ Religioni aduersari persuasum habent nisi sint ipforum Catholicorum Principum subditi, non satis tutò rebus gerendis adhiberi, multò minus autem præfici, & vel hac vna in re, cur sæpe spe vestra frustraremini, satis causæ fuisse ex Sacrarum literarum auctoritate, & prudentissimi, maximiq; Imperatoris sententia demonstrauit.

CAPVT CXIII.

Quid autem si hoc quoq; vsuuenit, vt siue vos, siue maiores vestri plus quàm par esset causæ, quam tuebamini, iustitia freti, ac viribus copijsq; vestris cōfisi, Hæreticos ac rebelles vestros ad pœnam expeteritis: num tandem videri nouum debet, minùs ex sententia vobis processisse? Quid enim refert causam iustam, atq; adeo ipsius Dei honorè armis vindicari, si Dei honos interea cum re creata quacumq; communicetur? quod ab illis fit, qui suas vires ad reportandam ab hoste victoriam solas sufficere existimant, aut certè Deo soli, nisi ipsi annitantur, non satis virium esse arbitrantur. Itaque exercitus Israeliticus *Iudic. 20.* quamuis causam iustissimam ipsius Dei mandato bello prosequerentur, bis nihilominus à Beniamitis cæsus & infugam versus fuit. *Erant enim in fortitudine ac numero confidentes*, ac dubium prorsùs nullum habebant, cum ipforū essent quadringenta millia, Beniamitarum verò nonnisi viginti quinque millia & septingenti, quin victores discederent. Quamuis ergo Dei oraculum priùs consulissent, quam pugnam inirent, non tamen quæsiuerunt, vtrum Dominus secum esse, siue victoriam tribuere ipsis vellet, (quippe quam exploratam ac domi conditam habere sibi videbantur) sed hoc modò, quamnam tribum principatum & summū Imperiū in eo bello obtinere vellet. Suo ergo malo docti sunt, *equum quidem parari ad diem belli, sed Dominum esse, qui salutem ac victoriam tribuat.*

Nimia fiducia in causa bonitate suisq; viribus quantum hominibus nocent.

*Fides in Deum
est, quæ bella
conficit.*

*Fides de omni-
potentia Dei
quam sit effi-
cax.*

*Etiā si cum
dubitatione de
voluntate Dei
coniuncta sit.*

tribuat. Prou. 21. Fortis nimirum Zelotes est Dominus, qui gloriam suam nequaquam dat alteri. Is. 48. ac propterea Gedeoni de XXXII. hominum millibus, quæ aduersus CXXXV. millia Madianitarum coegerat, non nisi trecentos permittit, quibus hostes conficeret: *Multus tecum est populus* (inquit Gedeon Iudic. 7.) *nec tradetur Madian in manus eius: ne gloriatur contra me Israel, & dicat: Meis viribus liberatus sum.*

Sed, si verum quærimus, nihil est, quod homines, etiam pios, pro iustissima causa propugnantes, in bello magis vel iuuat, vel victoria frustretur, quàm si vel multum, vel parum de Dei potentia & opis ferendæ facultate sibi polliceantur: *Fides tua saluam te fecit*, ait mulieri Christ^o, à qua tanta potentia affectus credebatur, vt vel contacta simbriavestimenti eius à morbo se liberatum iri nihil dubitaret. *Matth. 9.* Tanquam diceret Christus: Non tam mea omnipotentia, quam fides tua, quam me omnipotentem credidisti, te sanauit. nam si non credidisses, sanare te non potuissem. Sicut mox eodem capite, cum duo cæci visum sibi restitui petiissent, *Creditis* (inquit) *quia hoc possum vobis facere? Si creditis secundum fidem vestram fiat vobis.* Et Marci 9. viro illi, cuius filius à Spiritu muto vexabatur, cum dixisset, *si quid potes, adiuua nos misertus nostri.* Ex quibus dubitatio eius vel modica fides tam de eo quid posset, quam quid vellet Christus, perspicitur.

Sed de voluntate dubitare, culpa ferè caret. Itaq; Christus fidem tantum de sua omnipotentia requirens, *si potes* (inquit) *credere, omnia possibilia sunt credenti.* Et Marci 5. Iairo, cui obitus filię nunciabatur, ac simul ne Christo frustra molestus esset suadebatur: *Noli timere* (inquit) *tantummodo crede.* Sed Centurio ille itemque leprosus *Matt. 8.*

tametsi maximam de omnipotentia Christi fidē haberent, de voluntate tamen eius adhuc dubitabant: *Domine, si vis* (ait leprosus) *potes me mundare.* Chananæa verò mulier illa *Matth. 15.* cuius filia à dæmonio vexabatur, parem de voluntatē ac potentia Christi fidem habebat, itaque nec silentio, nec repulsæ Christi cessit, adeoque audire meruit: *O mulier, magna est fides tua fiat tibi sicut vis.* Petrus verò *Matt. 14.* iussus à Christo ambulare super aquas, cum videret ventum validum de potentia Christi dubitauit & in fide infirmus tactus fuit, ac propterea mergi cœpit. Similiter Moyses *Num. 20.* iussus à Deo virga petram percutere ad eliciendam aquam, de potētia Dei dubitans, semel frustra percussit, neq; nisi relictō fidei robore & ictu repetito aquas eduxit. Itaque negat eum Deus sibi credidisse, sed incredulum fuisse, neq; se coram multitudine sanctificasse. Tres autem viri illi *Dan. 3.* de potentia

tentia Dei maximam fidem habebant, quamuis de voluntate incer-
 ti essent. *Ecce Deus noster, quem colimus (inquiunt Regi) potest eri-
 pere nos de camino ignis ardentis, & de manibus tuis, o Rex, liberare.
 Quod si noluerit, tamen notum tibi fit, quia Deos tuos non colimus.* Hac
 autem tanta sua fide extinxerunt impetum ignis, velut Apostolus ait
Hebr. 11. quo loco etiam docet, *Fidem, ex qua iustus viuit, siue iustifi-
 cantem (de illa enim loqui illum ex clausula capitis decimi, & prin-
 cipio vndecimi satis manifestè perspicitur) etiam ad victoriam ar-
 mis parandam valere.* Deficiet me tempus (inquit) enarrantem de Ge-
 deon, Barac, Sampson, Iephth, David, Samuel, & prophetis, qui per fidem de-
 vicerunt regna, obturauerunt ora leonum, extinxerunt impetum ignis, effuge-
 runt aciem gladij, fortes facti sunt in bello, castra verterunt exterorum. Ne-
 que tamen non nisi sancti & pii homines fuerunt, qui per fidem,
 quam de Dei omnipotentia habebant, res tam ingentes patrarunt.
 nam eorum quoque habemus exempla qui quamuis vitam ac mores
 suos Deo minùs probarent, aut etiam grauissimis suis sceleribus eius
 iram in se commouissent, fidei tamen magnitudine admirandam ab
 hoste victoriam retulerunt. Exempli gratia. Abia Rex Iuda, de quo
 testatur scriptura 3. Reg. 15. ambulasse eum in in omnibus peccatis patris sui,
 qui dereliquerat legem Domini (2. Paral. 12.) nec fuisse cor eius perfectum
 cum Domino, ac tolerasse Sodomiam publicam & participem fuisse idololatriæ,
 passimq; esse, ut vxor sua Priapi Sacerdos esset eiusq; simulacrum turpissimum
 religiose coleret, hic ergo Rex per fidem exercitum Ieroboami Regis
 Hæretici, octingentis millibus electorum & ad bella fortissimorum
 militum constantem profligauit & quingenta millia ex ijs occidit.
 Cuius verba, quibus Israelitas hostes ante prælium compellauit, audi-
 re est operæ pretium. 2. Par. 13. Num ignoratis (inquit) quod Deus
 dederit regnum Dauid super Israel in sempiternum? Nunc ergo dicitis, quod
 resistere possitis regno Domini, quod possidet per filios Dauid: habetisque
 grandem populi multitudinem atque vitulos aureos, quos fecit vobis Ieroboam in
 Deos: & eiecistis Sacerdotes Domini filios Aaron atque Leuitas, & fecistis vo-
 bis ipsi Sacerdotes: Noster autem Dominus Deus est, quem non reliquimus:
 Sacerdotesq; ministrant domino de filijs Aaron, & Leuitæ sunt in ordine suo:
 holocausta quoq; offerunt Domino per singulos dies. Ergo in exercitu nostro Deus
 est & Sacerdotes eius, qui clangunt tubis & resonant contra vos. Nolite
 ergo pugnare contra Deum patrum vestrorum, quia non vobis expedit. Hæc
 magna profecto fides fuit, Regis, qui nihilo ipsis Israelitis & eo-
 rum rege Hæretico melior erat, nisi quod simul cum Hæresi, siue Ido-
 lolatria,

Etiam minus
 pii & impij per
 fidem de Po'en-
 tia Dei miracu-
 losas victorias
 obtinent.

D d d lolatria,

latria, veterem quoq; & Catholicam Religionē tolerauit, & Sacerdotes legitimē ordinatos secum habuit. Eius filius *Asa* quamuis longē patre melior, *Excelsa* tamen in *Israel* dereliquit. 2. Par. 15. (quod perinde ferē est, ac si hodie Catholicus quispiam Princeps ciues quidem & agricolas ad Ecclesię communionem redigat, Equestrem verò ordinem Regulosq; prouincię, quo minùs quod quisq; velit credat, non impediatur.) nihilominus per fidem quam de potentia Dei habebat, decies centena hostium millia aggredi nihil dubitauit. Domine (inquit in oratione sua) non est apud te vlla distantia, vtrum in paucis auxileris, an in pluribus. Adiuua nos Deus noster, in te enim & in tuo nomine habentes fiduciam venimus contra hanc multitudinem. Domine, Deus noster tu es: non pręualeat contra te homo. quasi dicat: Nos quidem neque ipsi hosti virib. pares, neque quorum causa miraculum facias, quibusq; victoriam tribuas, digni sumus: sed agitur hoc bello potiùs de nomine tuo quam de nobis. Si enim nos vincamur, scandalū accipiet cum hostes, tū alij, putabuntq; nostram religionē esse falsam, siue, te, quē colimus, non esse Deū omnipotentem. Potes ergo nos propter peccata nostra aliò tempore & modo punire: nunc autē existimationi & honori tuo consule. Hoc erat corde perfecto in Deum credere, & per fidem hostes vincere, velut Deus ipse per prophetam 2. Par. 16. Regi *Asa* testimonium perhibet. Quis autem Rege *Achab* magis impius & sceleratus commemorari potest? Is tamen cū credidisset Deo, siue, maximā de Dei potentia & auxiliij ferendi voluntate fidem habuisset, duabus vicibus ingentem Regis *Syrię* exercitum, in quo triginta duo Reges auxiliarij numerabantur paucis copijs, quasi duobus paruis gregibus caprarum (apparet fuisse tantū septem millia) vicit, profligauit, in fugam vertit, centum millia occidit, ipsum quoque *Syrię* Regem cepit. Ergo, dices etiam. Hæreticis nonnunquam victoriam Deus largitur quid nō? Sed nempe cū gloria Dei agitur, quēadmodū hoc bello erat. Rex enim *Syrię* infidelis, siue ethnicus erat, *Achab* verò Hæreticus quidē. sed tamen *Israelita*, qui claudicaret in duas partes, & tam Deum *Israelis*, quam Idolum *Baal* coleret. 3. Reg. 18. 21. Itaq; si vicisset Rex *Syrię*, non minus aduersus Deū *Israelis*, quam aduersus *Baal* gloriatus fuisset, quasi neuter Deus suis viribus resistere potuisset. Deus ergo nō propter *Achabū*, sed propter se ipsum & gloriam suam, vltione peccatorū *Achabi* in aliud tēpus prolata, victoriā *Israelitis* tribuit, velut ex scripturarū contextu manifestum est: Dixerunt *Syri*: *Dij monumentum sunt Dy Israelitarum, ideo superarunt nos* (id est, non ideo quod Deus *Israelitarum*

Hæreticis quando Deus victoriam tribuat.

Israelitarum sit potentior Deo nostro, nos in priore prælio succubui-
mus, sed quia montibus defensi vel audiuti fuerunt, ubi nos copias
nostras explicare non potuimus, aut etiam quia peculiares Deus ipso-
rum in montanis vires habet) *sed melius est, ut pugnemus contra eos in cam-
pestribus, & obtineamus eos. Accedens ergo propheta ad Regem Israel dixit :*
Hæc dicit Dominus, quia dixerunt Syri : Deus montium est Dominus & non
Deus vallium : dabo omnem multitudinem hanc grandem in manu tua, &
scietis quia ego sum Dominus.

CAPVT CXIV.

Est ergo hæc prima causa, cur Deus etiam ijs, qui non modò non
perfecti, sed etiam atrocibus sceleribus cooperti sunt, victoriam
aduersus infideles pugnantib⁹ impertiatur, ne scilicet opinio diuini-
tatis ac potentia suæ inter homines minuatur; quam causam etiam
*Deut. 32 legimus : Incrassatus est dilectus populus & recalcitranit, reces-
sit à Deo salutari suo (deseruit veterem religionem, si minùs totam
saltem magna ex parte,) Immolauerunt Djs, quos ignorabant, qui
noui recentesque venerunt, quos non coluerunt patres eorum. Vidit Domi-
nus & ad iracundiam concitatus est, & ait : Abscondam faciem me-
am ab eis : in gente stulta irritabo illos (id est, dabo victoriam ho-
stibus eorum, qui adhuc sunt stultiores ipsis.) foris vastabit eos
gladius & intus pauper. Sed propter iram inimicorum distuli ne forte superbi-
rent hostes eorum & dicerent : Manus nostra excelsa, & non Dominus
fecit hæc omnia. Et Isai 48. Audite hæc qui vocamini nomine Israel,
& de aquis Iuda existis : qui iuratis in nomine Domini non in veritate neque
in iustitia. De ciuitate. n. sancta vocati sunt, & super Deum Israel constabi-
liti sunt (quasi hodie quis dicat de Hæreticis : Vocantur no-
mine Christi & baptizati sunt ac profitentur Christum, sed pepe-
ram : nomen Ecclesiæ sibi vindicant seque super Christum fundatos
esse & in ipso fiduciam omnem habere vanè gloriantur) scio quia præ-
uaricans præuaricaberis siue præuaricari in fide soles, & transgressorem
ex utero vocauit te, quia adhuc puer Hæresin didicisti, adeoque pertinaci-
ter eam tueris. Nihilominus diligens te feci voluntatem tuam super Babylo-
nem, ut auferrem semen Chaldeorum (sic enim habent 70. Interpret. q. d.
Etiam si Hæreticus es, tamen quasi te diligere feci, quod voluisti,
ut Turcos scilicet prælio vinceret) Propter nomen meum longè faciam fir-
morem meum (non patiar te à Turcis superari) & laude mea infrenabo delib⁹ superari*

*Prima causa
cur Deus etiam
impijs victoriã
tribuat.*

*Ne infideles
Dei potentiam
contemnant.*

*Gloria sua De-
us consulit cum
impijs ab Infi-
de, non permittit.*

Ddd 2

te, ne intereas. Ecce excoquam te, sed non quasi argentum, eligam vel electum reddam te in camino paupertatis (quasi dicat: merebaris quidem vt te à Turcis superari & prorsus deleri permetterem: Sed quia Turcæ nomen meum blasphemarent, si Hæreticis quidem, tamen nomine saltem Christianis superiores extitissent, propterea tibi victoriam quidem tribuam, sed egestate tamen te puniam) Propter me, propter me faciam, vt non blasphemem, & gloriam meam alteri (Mahometo) non dabo. Nimirum quando siue impij Catholici, siue Hæretici armis se contra Infideles tuentur, habent cur bene de victoria sperent, neque quicquam aduersi timeant, quamuis etiam nulla Hæresios aut aliorum peccatorum penitentia ducantur. Attendite omnis Iuda & tu Rex Iosaphat (ait propheta 2. Par. 20.) Hæc dicit Dominus vobis. Noli te timere, nec paueatis hanc multitudinem (quamuis tu rex iram Domini merebaris, præbendo eius inimicis auxilium, & contrahendo cum Hæreticis amicitiam filioq; tuo Hæreticam vxorem dando. 2. Par. 19. & non auferendo excelsa. 3. Reg. 32. 44. quamuis etiam vos Iudæi adhuc sacrificetis in excelsis. 3. Reg. 32. ac nondum direxeritis cor vestrum ad Dominum Deum patrum vestrorum siue nondum ex Hæresi ad veterem religionem vos conuertere cogiteris. 2. Par. 20. 33. tamen non est, quod fidem de potetia Dei dimittatis & de victoria desperetis) non est enim vestra pugna sed Dei. adeoq; nec vos eritis qui dimicabitis, sed tantummodo confidenter state & videbitis auxilium Domini super vos. Alia causa, cur Deus etiam impijs & mediocriter tantum bonis victoriam largiatur, neque propter peccata eos in bello puniat, hæc est, quam Propheta reddit 2. Par. 19. Iram quidem domini merebaris, ô Iosaphat, sed bona opera inuenta sunt in te. Quæ autem? Primum ambulauit in vijs David primus, & non sperauit in Baalim sicut eius maiores aliquot fecerant. Deinde sumta audacia propter vias Domini, siue propter veram religionem animosior redditus, lucos sustulit, quod perinde est ac si Ecclesias Lutheranorum incendio consumpsisset. Præterea misit Sacerdotes cum libro Legis per cunctas vrbes suas, vt docerent populum, & ad Deum patrum suorum, siue ad veterem religionem reuocarent quibus etiam auctoritatis & securitatis causa Principes siue Magistratus sæculares adiunxit. Adhæc Tribunal supremum emendauit, & Proregem in Iurisdictionem Ecclesiasticam inuadere, ijsq; causis quæ ad Deum pertinent admiscere se vetuit. Summum verò consilij Præfidem, Pontificem constituit, & Sacerdotes ac Leuitas Consiliarios, siue Assessores, simul cum sæcularibus Laicis creauit, quemadmodum

Secunda causa
cur etiam impi-
is Deus Victori-
am tribuat.
Si habeant que-
dam bona ope-
ra,

1.
2.
3.

4.

modum Deus *Deut. 16, 18. & Deut. 17, 9. & 12. Deut. 19, 17.* præceperat. Postremo vt accepit nūcium de hostium aduentu, humiliavit se coram Deo, prædicando siue indicendo ieiunium vniuerso populo ac publice Deum orando, & virium suarum imbecillitatem confitendo. In nobis quidem (inquit) non est tanta fortitudo, vt possimus huic multitudini resistere. Sed cum ignoremus quid agere debeamus, hoc solum habemus residui, vt Oculos nostros dirigamus ad te. Huiusmodi ergo bona opera iram Dei, quam grauissimis illis peccatis suis, fecere nempe cum Hæretico rege inito, & data filio suo vxore Hæretica, excelsisque non sublati meruerat, mitigarunt. Fides autem de potentia Dei miraculosam victoriam obtinuit: Credite, inquit ad populum suum, in Domino Deo vestro, & securi eritis: credite Prophetis eius, & cuncta euenient prospera. Sed etiam vbi tot bona opera non sunt, sola humiliatio Deum placare & pœnam commertam amoliri potest, velut 2. Par. 12. legimus. Hec dicit Dominus: Vos reliquistis me, & ego reliqui vos in manu Regis Aegypti. Consternatique Principes & Rex dixerunt: Iustus est Dominus. Cumquem vidisset Dominus, quod humiliati essent, factus est sermo Domini ad Semeian: Quia humiliati sunt, non disperdam eos, daboque eis paulum auxilij. Et auersa est ab eis ira Domini, nec deleti sunt penitus: Siquidem in Iuda inuenta sunt opera bona. quæ nam? primum adhuc habebant secum Sacerdotes legitime vocatos, qui quotidie Deo sacra faciebant, quamuis etiam Idola colerent, & Sodomiam tolerarent. deinde, quia, quamuis pœnitentiam non agerent, delictum tamen suum cognitum fecerunt, & iniustitiam suam non absconderunt, siue, non defenderunt peccata sua, sed fassi sunt: quod humilitatis genus per se solum ac sine emendationis proposito ad auertendas huius vitæ calamitates satis efficax esse solet. quemadmodum etiam Achab. 3. Reg. 21. audita Dei comminatione ob cædem Naboth, scidit vestimenta sua, & operuit cilicio carnem suam, ieiunauitque, & dormiuit in sacco & ambulauit demisso capite: ac tamen si nullam Idololatriæ suæ pœnitentiam ageret, Deum nihilominus placauit, & ab eo temporalis pœnæ remissionem obtinuit. Factus est sermo Domini ad Eliam: Nonne vidisti humiliatum Achab, coram me? quia igitur humiliatus est mei causa, non inducam malum in diebus eius. Hinc discimus, si quando Rex quispiam aut Princeps Catholicus, pro Catholica Religione aduersus Infideles aut Hæreticos, maxime subditos suos, propugnans, iram Dei meruisse se recordatus, tantum fateatur, malè se fecisse, neque peccatum defendat, etiam si propositum ab eo peccato abstinendi non habeat, satis tamen esse causæ, cur Victoriæ sine omni prorsus dubitatione sibi respondeat.

Ddd 3

s.

Ira bonis operibus mitigatur.
Fide autem Victoria paratur.

Sola etiam humiliatio iram Dei mitigat.

Humiliatio externa, etiam non acta pœnitentia, Deum placat.

Catholici quomodo aduersus Hæreticos & Infideles Victores fieri possint.

*Primum sifa-
ciant, ut pugna
sit Dei, in ipsum
credendo.*

*Ezechias me-
ruerat ab Assy-
riis Vinc.*

*Nihilominus
Assyrii fuerunt
victi.*

*Propter Fidem
in Ezechia.
Et propter Ze-
lum gloria sua
ac Davidis a-
morem in Deo.*

*Alius modus
quo Catholici
Victoriam con-
ficere possunt.*

deat. nam primum pugna Dei est, nō ipsius: propter quam causam ex-
emplo Iosaphat nihil metuere debet, quāuis ab omnib⁹ belli subfi-
dijs turpiter imparatus, atq; etiā sua culpa neq; opibus neq; copijs satis
instructus sit, sed velut Achab cum paruulis suis gregibus caprarū ex aduer-
so proficiscatur, etiam si hostes repleant terrā (3. Reg. 20.) & sicut Iosaphat ste-
tantim confidenter & credat in Domino. Ezechias quidem sua culpa & ni-
mia credulitate, siue imprudentia, non solum quas in fisco suo habe-
bat pecunias, sed etiam omne argentum, q̄ repertum fuerat in domo
Dei, imo etiam ipsas valvas templi domini & laminas auri refixas regi
Assyriorū miserat, vt ab eo pacē redimeret, adeoq; ad summam rei nū-
maria difficultatem, vel potius egestatē redactus fuerat, nihilominus
quia in deo credidit, cuius causam in bello, q̄ ipsi Rex Assyriae infere-
bat, agi non ignorabat (saluos nos fac de manu hostis, ait ad deum, vt sciant o-
mnia regna terra, quia tu Dominus Deus es solus: & ad populum: Viriliter, in-
quit, agite, nec paucatis Regē Assyriorū cum vniuersa multitudine, quae est cū eo,
multo enim plures nobiscū sunt, q̄ cum illo. Cum illo enim est brachiū carneū: no-
biscū Dominus Deus noster, q̄ auxiliator est noster, pugnatq̄ pro nobis) p̄pterea
venit angelus domini, & percussit in castris Assyriorū centū octogin-
ta quinq; millia. Quae. a. res tam admirabilem victoriam peperit, siue,
ob q̄ causam Deus Ezechiae, qui merito imprudentiae suae, quodq; neces-
sarijs belli gerendi praesidijs atq; neruis, pecunijs videlicet, se ipse spo-
liasset, poenas luere debebat, aduersus hostes opē tulit? In Ezechia qui-
dē causa fuit fides de omnipotentia dei, velut modo ex verbis eius cō-
stitit: in deo verō Zelum glorię suae, & amor dauidis. Protegā civitatē istā,
vt saluē eam p̄pter me & p̄pter David serū meū. Despexit quidē & subsama-
uit te Rex Assyriorū, filia Sion: sed reuera mihi exprobrauit, me blasphemauit &
super me exaltauit vocē & leuaui altitudinē oculorū suorū. quali dicat: mea
hæc est pugna, non vestra. Itaq; nihil nunc attinet, considerare, vtrum
vos extraordinario & miraculoso auxilio digni sitis, qui ordinaria
media siue belli instrumenta imprudenter ē manibus dimisistis & ve-
lut intacta latera hosti obtulistis. Potestis alio quouis tempore ob er-
rorē istum plecti: nunc autem fieri nequit, vt ab hoste superemini, nisi
cum existimationis & glorię meę detrimento. nam videbor non po-
tuisse seruare q̄ dauidi p̄misi, neq; vos à rege Assyriorum liberare. Pro-
pter me igitur, p̄pter me faciā, vt non blasphemem, & gloriā meā alteri non dabo]
Aliā causam, Rex aut Princeps Catholicus, quamuis iram Dei peccatis
suis p̄meritus, & prorsus ab omnibus rebus imperat⁹ ex bello, in quo
gloria dei agitur, Victoriam sibi certissimo pollicendi, neq; quicq̄ Hæ-
reticos

reticos aut Infideles, eorumq; vires & copias pertimescendi hanc habet, q̃ in eo inueniuntur bona opera, & v. g. habet secū Sacerdotes & Leuitas, qui, licet minū innocentes, colunt Deū patrū suorum, clanguntq; tubis & resonant cōtra hæreticos, quæ res regi abix, vt supra dixi, victoriæ fiduciam præbuit: item peccata sua si minū palam confitetur, & emēdare constituit, saltem non excusat nec defendit. nam vel in hoc satis momenti esse ad differendam peccatorū pœnam, Robami exemplo iam didicimus. Sed nullum commemorari bonum opus potest, quod plus regi Catholico ad victoriā obtinendam suffragetur, quā maxima fides de potentia Dei, & prompta pro hōnore Dei depugnandi voluntas. Oculi enim Domini (ait Hanani Propheta 2. Par. 16.) contemplantur vniuersam terram, & præbent fortitudinem his qui corde perfecto credunt in eum. Hi in cruribus, & hi in equis (Psal. 19.) nos autem in nomine Dei nostri recordati sumus. Ipsi incuruati sunt & ceciderunt, nos autem surreximus & erecti sumus.

Fides omnium operum bonorū ad reportandā Victoriā efficacissima.

CAPVT CXV.

Hæc si bene didicissent illi, qui Carolo V. Cæsari à Consilijs fuerunt, aut quorum ille Consilijs plūs vti ferè necesse habuit (nam sanctissimas eius cogitationes aliena plerumq; cōturbauit ambitio, velut in consultatione de Germania demonstrauit) nē nos hodie vix vlla hæresis vestigia videremus, neq; vos, Augusti Principes, tot subditorum vestrorum rebelliones exercerent, atque à fide Christi inter Infideles propaganda retardarent. Si enim verum dicere velimus, Modica fides de Dei auxilio, siue Dissidentia aut Incredulitas omnium eorum, quæ à Carolo in Religionis tuendæ negotio peccata sunt, causa fuit. Nisi enim Consiliarij ac Ministri eius magnopere metuissent, ne vires eius tantæ non essent, quibus Dei gloriam & Catholicam religionem aduersus Germanorum Principum potentiam tueretur, omnium primum nequaquā incolumē Vormatia discedere Lutherum permisisset, sed velut Hæreticum conuictum & condemnatum vel propterea, q̃ is Witteberga Vormatiam iter faciens cōtra quā Cæsar in diplomate salui conductus edixerat, cum alibi, tum Erfurdia (teste Matthæo Dressero Erfurdienſi Lutheranō in Germaniæ urbibus pag. 247.) conuersiones habuerat, multosque in Hæresin suam pellexerat, summo supplicio affecisset: deinde non passus fuisset anno 1530. Confessionem Lutheranorum in Comitijs Augustanis palām recitari, neque

Causa omnium eorum, quæ Carolum V. in religionis negotio peccauit.

Menda aliquot siue errata a Carolo V.

2.

3. neque pertinaces Hæreticos incolumes inde abire, seque ad bellum
 4. ciuile comparare. tum anno 1531. non fecisset cum Lutheranis indu-
 5. cias, neque suspendisset executionem decreti Comitiorum aduersus
 6. ipsos facti: multò minùs anno 1532. edicto publico pacem Lutheranis
 7. Noribergæ dedisset, vt ab ijs aduersus Turcam auxilia impetraret:
 8. sed neque anno 1541. eundem ob finem priuatis literis Ecclesiæ & Ca-
 9. tholicorum Imperij ordinum Protestantibus prodi permisisset, sus-
 10. penso Augustanorum Comitiorum decreto, & admissis in Spirense
 11. Imperij Tribunal Hæreticis: neque anno 1542. copijs Imperij aduer-
 12. sus Turcam missis Ioachimum Electorem Brandenburgensem Lu-
 13. theranum, Ducem præfecisset: neque anno 1543. cum Angliæ Rege
 schismatico aduersus Gallum fœdus fecisset, nec etiam cum Bonnam
 venit, *Hedionem & Bucerum* Hæresin ibi docentes, incolumes dimitti
 passus esset: & anno 1544. nequaquam Ferdinandi fratris causa, vt is
 Rex Romanorum ab omnibus haberetur, eique auxilia aduersus Tur-
 cam decernerentur, publico decreto Lutheranis libertatē religionis,
 & ius vtendi raptis Ecclesiæ bonis locumque in Spirensi camera tri-
 buisset, cum præsertim Catholici ordines omnes vehementer con-
 tradicerent: neque anno 1546. bello Lutheranis illato negasset se per-
 tinaces Hæreticos & sacrilegos Ecclesiarum ac Monasteriorum præ-
 dones ad supplicium expetere, sed rebelles tantum & læsæ, non diui-
 næ, sed humanæ, siue Cæsareæ Maiestatis reos in ordinem velle redi-
 gere, neque Hæreticorum Principum auxilijs aduersus hostes vsus
 fuisset, ijsque suæ religionis, siue perfidiæ, liberum in castris suis exer-
 citium permisisset: neq; victoria postea potitus, rebelles, Sacrilegos &
 Hæreticos in gratiam recepisset, nec Wittebergæ & Lutheri sepulchro
 ibi pepercisset, quæ res quanto multis scandalo fuerit, ex his *Matth.*
Dresseri verbis in Wittebergæ descriptione apparet pag. 615. & seqq.
 Quid tam (*inquit*) mirum est, quàm victorem Cæsarem victæ vrbi, quæ
 omnium Hæresion sentina putabatur, adeo pepercisse, vt ne lapidem
 quidem loco mouerit? Hispani quidem in arcis templo in Lutheri
 sepulchrum insultarunt, sed effodere tamen illud ausi non sunt: Imò,
 cum Cæsar sepulchro Lutheri insisteret, & Hispani corporis effossio-
 nem atque concremationem impensè vrgerent, Carolus V. fide dignis
 testibus id referentibus, dixit: Sinite ipsum quiescere vsque ad diem
 resurrectionis iudicij omnium. Quòd verò Cæsar in tanta victoria
 hanc urbem lædere veritus est, id absque dubio fecit, motus quadam
 reuerentia erga domicilium Musarum, & religionis sacratissimum:
 quemadmo-

quemadmodum Alexander Magnus Iaddi Sacerdotis summi & Collegij sancti reuerentia adductus Hierosolymis olim pepercit.] In his verbis quæ de Caroli verbis narrat, non facile mihi persuaderi patior, qui penes me habeam nobilis cuiusdam Saxonici de Saxoniæ statu relationem ante hos XIII. annos scriptam, in qua & hæc sunt: Cognoui ex quodam mercatore Italo Semicatholico, witteberge commorante, Hispanū militem, qui cum Carolo V. wittebergam venit, quæsitum cadauer Lutheri in tumba non reperisse: ne tamē absque multa maneret infamis locus, erecto super eam quasi paruo patibulo ad ventris exonerationem simul accommodato ex eo publicam cloacam fecisse. Irridet etiamnum hic mercator Lutheranos, atque se meliùs scire, quid in tumba illa lateat, quàm ipsi. nam fuerat & ipse miles ea tempestate. Et reuera sub illo lapide non est Lutheri corpus, siue à suis sectatoribus aliò translatum, ne cremaretur ab Hispanis, ut Lutherani credunt, siue à Diabolo ablatum, quod est verisimilius.] Sed quidquid sit de Lutheri cadauere (nam nec ego, nec Michaël Archangelus cum diabolo eo nomine disputantes altercabimur) illud dubitationem nullam habet, ex eo quod witteberge pepercit Carolus, Hæreticos *ad ruinam ædificatos* (quemadmodum Tertullianus loquitur) siue in errore suo non mediocriter confirmatos fuisse, quasi Deus, in cuius manu cor Regis est, in hoc Euangelij sui domicilium non sequi Carolum permiserit. Sed etiam nisi Germanorum Principum offensam excipere metuisset, nequaquam *Mauritium Saxonem*, hominem versipellē, & ab ipsis Lutheranis, ut Sleidanus scribit, violatē fidei proditē religionis & summę ingratitudinis palam editis libellis insimulatū, Electori à se deuicto successorē dedisset, nec supremam totius Imperij dignitatē, & solo Cæsario fastigio humiliorē, cooptando Hæretico profanasset; multò minùs autē *translulisset terminos*, hoc est, in Pōtificis prouinciam inuasisset, religionis formulam, quæ INTERIM dum Conciliū Tridentinum finē caperet, ab omnibus in Germania obseruaretur præscribēdo: minimè verò omniū *Transactionē* illam *Passauicem* anno 1552. extorqueri sibi passus fuisset, qua Landgrauio, perduellī duci atq; auctori, libertas, Lutheranis assessoribus in supremo Imperij tribunali locus, sacrilegis Ecclesiarū occupatorib⁹ impunitas dabatur. Cū etiam eodē tempore *Augusta Vindelicorum* Reip. formam suo arbitratu constitueret, nequaquam Prædicantes, qui Hæresin docerent, ibi tolerasset, quod eum fecisse, & magnas ab Hæretico populo gratias inijsse his verbis Sleidanus commemorat: *Cæsar*

Ecc

dies

14.

15.

16.

17.

18.

dies aliquot *Augusta* commoratus priorem Reipubl. formam & senatum a se constitutum restituit, & è ministris Ecclesiæ tres remouet, alius autem, ut iuxta Confessionis *Augustanae* formulâ doceant & agant, permittit. Ea res pro concione recitata, magnam excitauit letitiam. Sed nulla ex re, quam parùm in Deum fiduciæ tum habuerit Carolus, æquè manifestè apparet, atque ex transactione illa, quam cum *Alberto Brandeburgico* tæterrima illa Germaniæ peste eodem anno fecit distinctius sciatur, operæ pretium fuerit, Sleidani de damnis, quæ Furia illa Ecclesiasticis, nullam aliam ob causam, nisi quia belli pro Lutheranismò aduersus Cæsarem suscepti participes esse nollent, intulit, narrantem audire: *Vicinus* (inquit) ex Nobilitate & aliis, iam ante, nisi parerent, bellum denuntiauerat, inprimis autē Episcopo *Bambergensi* & *Virzburgico*, quos etiam in hoc rerum statu ad grauissimas condiciones adegit. Et *Bambergensis* quidem, ut se suamque prouinciam periculo iam imminenti subduceret, pacem ab eo maximis iacturis redemit. nam suæ ditionis oppida & præfecturas ad viginti coactus fuit ei dare, consecutis ea de re literis, simulque clientelas & beneficiarios omnes ei permittit. *Virzburgicus* autem aureorum millia ducenta viginti dependit, & simileis debita, quorum erat summa circiter trecenta quinquaginta nummum aureorum millia, in se recipit & persolvere pollicetur. De hac transactione ut audiuit Cæsar, illam rescidit, & Episcopis ne seruarent mandauit, propterea quod esset malis res exempli, cogere aliquem Imperata facere propter officium Cæsari præstitum & Imperio. Sed cum postea *Albertus* cum Cæsare *Metim* obsidente aliter pacisci non vellet, nisi pactiones illæ inberentur esse firmæ, haberetque 50. signa peditum, & equitatum non paruum, Cæsar ut eum in suas partes perduceret, obsecundans tempori, culpam omnem ei condonat, & actionem in eum instituit belli causa vetat, & transactionem cum Episcopis factam confirmat. Veritus scilicet fuit Carolus, ne Deus satis virium non haberet ad tuendam causam suam, nisi ei Diabolus eiusque milites, nempe Hæretici opem ferrent. quare statim factum est ei secundum fidem suam, hoc est, nulla memorabili gesta, imò propè tertia exercitus sui parte desiderata, cum haud exigua honoris sui sugillatione *Metensem* obsidionem soluere necesse habuit. Quæ postea fuerunt consecuta, non tam ad Carolum iam de actorum pœnitentia meditantem, quàm ad fratrem & Collegam, vel potius successorem *Ferdinandum* pertinent, cuiusmodi est illa tantopere celebrata *Pax Religionis*, omnium tam Lutheranorum, quàm Catholicorum Imperij ordinum consensu, in Comitij *Augustanis* anno 1555. sancita, quæ non modò Hæresios professionem & retentionem Ecclesiasticorum bonorum sacrilegè raptorum

Caroli V. modica fides.

Ob eam pœnitentiam.

Egit pœnitentiam. Ferdinandi Cæsaris errata in negotia religionis.

raptorum liberam omnibus faceret, & Ecclesiasticis Hæresin amplexuris honorem saluum fore caueret, sed etiam omnem Iurisdictionem Episcopis in Lutheranos eriperet, hoc est, Pastores munere suo fungi & potestate à Deo accepta uti prohiberet. Neque verò dubium habeo, quin *Matthias Heldus* Cæsaris Caroli Consiliarius pro summo suo Catholicæ fidei Zelo & Hæresion odio, maturè officij Cæsarem admonuerit, & quanta in eiusmodi actionibus peccarentur, quamque parùm ex sententia propter Dei offensam res euasuræ essent, fideliter exposuerit. sed quia *Ferdinandus Rex Vngariæ* opem ferentibus Lutheranis tueri, & Imperium in se ac filium transferre iam diu imbiberat, adeoque multa Lutheranorum gratiæ danda iudicabat, perfecit *Granuellani* opera, ut Cæsar tam spectatæ fidei consiliarium à se dimitteret: qua de re *Sleidanus* audire satius fuerit: *Gliscibat* (inquit) inter *Granuellanum* & *Heldum* emulatio quedam atque similitudo, quæ tandem hunc exitum habuit, ut *Heldus* loco summotus curia decederet, ac vitam priuatam ageret. nam ille præstabat auctoritate, & *Heldum* in crimen odiumque vocabat, quod in consiliis & actione nimium esset vehemens, quod Cæsarem nihil tale cogitantem & inuitum propemodum in bellum pertraxisset. Cumque non obscuram suæ voluntatis daret significationem *Granuellanus*, quasi concordiam (cum Hæreticis, siue confociationem Iustitiæ & Iniquitatis, lucis & tenebrarum, Christi & Belial) & otium publicum amaret, interpellatus à Protestantibus ad pacis consilia Cæsarem inflexit. Postquam verò *Heldum* eliserat, *Ioannem Nannum Lucenburgium*, velut magis obsequentem suis moribus adsciuit, in eiusque locum substituit. Nimirum hoc illud est, quod *Diocletianus* aiebat, ab isto Ministrorum genere, bonum, cautum, optimum vendi Imperatorem, nam Caroli animum, alioquin egregiè ad pietatem factum, & gloriæ diuinæ Zelo inflammatum fuisse, & à mollibus id genus consilijs, quibus Hæreticorum vires ali & incrementa sumere non ignorabat, abhorruisse. cum multæ ipsius actiones, in primis sanctissima illa vitæ eius clausula satis declarat, tum inimicorum Hispanici & Austriaci nominis, præcipueque *Thuani* confessio luculenter testatur.

Heldi Catholica fidei Zelus.

Ferdinandus quare in Lutheranos fuerit indulgentior.

Heldus à Cæsare dimissus.

Ob Catholica religionis feruorem.

Granuellani πολιτευμα & Macchiavellismus.

Caroli Zelo Aulici illustrantur.

Ecc 2

CAP.

Carolū Thuanus insidiosè laudat.

Eundem Perinrij insimulat.

Et insuspicionē imprudentia seu stoliditatis eum vocat.

Caroli consiliū non fuit Imperium facere hereditarium.

QVONIAM verò idem *Thuanus* quædam de eodem *Carolo* scribit, quæ non modò virtutem ei ac prudentiam defuisse vincunt (in quo dolus, quo in laudando *Cæsare Carolo* usus est, deprehenditur) sed etiam ijs, quæ iam disputavi, magnopere contradicunt: non debeo cōmittere, vt silentio meo assentientis speciem præbeam. Scribit ergo *Thuanus* libro secundo: *Exorto Luthero distractis Principum & populorum animis, Carolus V. tot successibus elatus arridente fortuna occasionem arripuit Imperij sibi suisque proprio iure asserendi. id sibi tot victorias spondere, atque adeo sibi deberi tum confidebat, tum verò etiam rem tentare honorificum & quodammodo necessarium existimabat.*] His verbis perfidia seu Perinrij palàm *Carolū* insimulat. Is enim referente quoque *Sleidano* iusiurandum dederat, & tabulis consignatis promiserat, nullum sese consilium initurum, quo dignitatem Imperij suæ familiæ peculiarem & hereditariam faciat, sed liberam & integram permissurum septemviris eligendi facultatem iuxta *Caroli IV. legem & Iuris Pontificij præscriptum.* Quod verò imprudentissimus fuerit, cum se viribus suis Germaniam in fide sua ac familiæ tenere posse credit, libro IV. *Thuanus* ita commemorat: *Huius Victoria à Protestantibus reportata fortuna Cæsaris virtutem & prudentiam (militarem scilicet) adiuvante parte defuit animus, qui ea moderatè & SAPIENTER vti sciret. nam cum nec ea MENS Cæsaris esset, nec vires, vt tot vrbes, populos, Principes, quos insolita felicitate in ordinem coëgerat, vi & præsidio tenere, & Germaniæ Rempubicam in regnum hereditarium transformare posset, reliquum erat, vt humanitate & clementia maiestatem & existimationem tueretur.*] Sinon habuit eam mentem easque vires *Carolus*, quæ ad continendam in officio Germaniam necessariæ erant, certè imprudens & stolidus fuerit necesse est, qui rem tentare honorificum, & quodammodo necessarium putarit, neque moderatè & sapienter vti victoria sciuerit.

Τὸ γὰρ τοῦ μὲν ἀδύνατον, ἀνδρὸς ὅσοι.

Audere namque inconcessa haud sapientis est.

At enim turpiter *Thuanum* mentiri, hoc est, officium suum facere, cum *Carolū* occupandi & familiæ suæ vindicandi Imperij consilia agitasse & victoria intemperanter atque impotenter usum fuisse scribit, nemini, qui *Sleidanum*, cuius fidei tantum tribuit *Thuanus*, vel semel legerit, obscurum esse potest. nam victoria quomodo usus fuerit, ita palam est, vt verbis opus non habeat, quamvis enim extremo anno 1530: à septemviralibus Electo-

rum

rum Collegio, vno Saxone excepto, vt fratrem Ferdinandum Roma-
 norum Regem crearent, impetrarit, qua quidem re iusiurandum &
 datam Imperio fidem violari contendebant Lutherani Principes, ex
 quorum ad Cæsarem Epistola hæc Sleidanus verba recitat: Scire ip-
 sum, quam accuratè, quam sanctè, quibus verbis atque pactis imperio se deu-
 xerit & obligarit: quomodo fide data per iusiurandum promiserit seruare le-
 gem Carolinam: quomodo sponderit ne se quicquam esse contra facturum, nec
 alijs etiam, vt faciant, permissurum. Hæc nimirum pacta violari non posse, neq;
 rescindi aut mutari, nisi de communi omnium ordinum cōsilio ac voluntate & c.
 quia tamen idem Sleidanus narrat, id eum editis & allatis in medium ar-
 gumentis, Electorib. persuasisse, nec vllam in eo vim aut terrorem adhi-
 buisse, nemo nisi improbus quicquam eum contra fidem datam & iu-
 reiurando firmatam fecisse insimulare potest. quod enim Saxo si-
 bi creationem Regis tanquam vitiosam nequaquam probari protesta-
 tus est, quantum referat non video, quippe qui solus esset, & Hære-
 ticus, ac paulò priùs Decreto omnium Ordinum Imperij Dei ac Rei-
 pub. hostis declaratus. Sed si omninò Cæsar fratrem suum vel no-
 lentibus & inuitis, tam Catholicis, quam Hæreticis Imperij Princi-
 pibus atq; ordinibus Regem imponere tentasset, aut etiam opere ip-
 so imposuisset, nequaquam Consiliarijs & Theologis eius argumen-
 ta defuissent, quibus factum eius omni peccati & violatæ fidei crimi-
 ne carere speciosè ac probabiliter defenderent. Sic nempe disputare
 poterant. In iureiurando seu Sacramento illo, quo se Carolus Im-
 perio deuinxit, primum locum tenet Ecclesiæ ac Pontificis defensio:
 quemadmodum & Sleidanus scribit: Conditiones siue leges, quas Caro-
 li legati præscriptas ab Electoribus ratas habuerunt, & per iusiurandum proba-
 runt ipsius Caroli verbis atque nomine, literis etiam ea de re confectis, sunt eius-
 modi: Tueatur temp. Christianam, Pontificem & Ecclesiam Romanam, cu-
 ius ipse sit Aduocatus: ius æquabiliter administret ac paci consulat. Et rur-
 sum: Colonienfis Archiepiscopus electum Cæsarem latinis verbis rogat: an
 fidem Catholicam seruare, defendere Ecclesiam, administrare iustitiam, restaura-
 re Imperium, tueri viduas & pupillos & id genus calamitosos homines, an hono-
 rem debitum Romano Pontifici velit exhibere. Vbi annuit, ductus ad aram con-
 ceptis verbis iurat) Iam verò qui iurat se tutorem fore Ecclesiæ Roma-
 næ & auctoritatis Pontificiæ, idem simul iurat, se bona fide adhibi-
 turum omnia adiumenta seu Media, quæ ad tuendam Ecclesiæ ac
 Pontificis auctoritatem & incolumitatem pertinere vsuique fore ex
 animi sententia iudicarit. Aduocatus enim, qui prætermittit quic-
 quam

*Ferdinandi de-
 signatio in Re-
 gem Romano-
 rum.
 Eam Lutherani
 iusiurando
 Cæsaris aduer-
 sari contende-
 bant.*

*Sed in eo men-
 tiebantur.*

*Saxonis Prote-
 statio erat fri-
 uola.*

*Etiamsi Carolus
 Imperium vo-
 luisset facere
 hereditarium.*

*Potuisset speci-
 ois defendi.*

*Iurauerat enim
 se defensorem
 fore Pontificis
 & Ecclesiæ.*

*Putabat autem
ad id requiri.
Et imp. faceret
hereditarium.*

*Idque nihil ad-
uersari Liber-
tati Germania.
Quis sit Liber.*

*Germani non
videbantur es-
se liberi.*

*Cum haud pos-
sent vivere se-
cundum Leges.*

quam, quod ei, cui fidem ac patrocinium suum profiretur, vile fore existimat, prauaricatur ac perfidia se alligat. At enim Carolus Cæsar ex animi sententia ita iudicat, nunquam in tuto fore, sed semper grauissimè periclitaturam Catholicam in Germania fidem & Ecclesiæ ac Pontificis auctoritatem, nisi vniuersam Germaniam sibi obnoxiam reddiderit, suæque ditioni etiam in posteritatem subiecerit. quamdiu enim ista nimia libertate frui minime, neque vos Cæsari in ijs, quæ ad conseruandam religionem pertinent, dicto audientes estis, neque vobis alij obediunt, ut fiat quod Iudic. 21. scriptum est: *In diebus illis non erat Rex in Israel, sed unusquisque quod sibi rectum videbatur, hoc faciebat.* Itaque nisi Cæsar prauaricari ac fidei Sacramento firmatæ parum memor esse velit, non potest saluo officio facere, quin hoc conseruandæ Catholicæ religionis & tuendæ Ecclesiæ Romanæ medium prorsus necessariū arripiat, hoc est Licentiam istam vestram recidat atque in veram Libertatē conuertat. nam posse malum non libertas est, sed Licentia: cum Liber sit, qui potest vivere quemadmodum vult, non quemadmodum concupiscit: quorum illud est cum ratione, hoc præter rationem. Qui ergo illud expetit, quod rectæ rationi ac legibus est consentaneum, id est, quod nec vis nec ius prohibet (nam cupere quod non possis, dementis est: quod non debeas, improbi) is enim uero *velle* dicendus est, quemadmodum in Psalmo scriptum est: *In mandatis tuis uolet nimis.* Et qui potestatem habet viuendi secundum leges, siue faciendi, quod recta ratio iubet, is demum Liber est: non autem qui potest facere, cuique licet, quod ipsi libet, siue, quod non ratio, sed affectus & cupiditas suadet. Non ergo nunc liberi estis vos Germani, cum potestatem habeatis non parendi legibus. Nam exempli causa anno 1521. Wormatiæ in Comitibus Decretum Cæsar edidit cōmuni Principum ordinumque consilio, in quo damnatur ac proscribitur Lutherus, ut auctor schismaticus, ut manifestus ac pertinax hereticus, & potius Dæmon humana specie, quam homo, cuius immanitas atque rabies nullius oratione latis explicari queat, quippe in cuius libris nihil aliud quam seditiones, bella, discordiæ, incendia, cades ac rapina contineantur: mandaturque omnibus ut illum capiant & in potestatem suam reducant: eos vero quos quocumque modo faueant aut operam ei suam communicent, æquè proscribit: libros etiam Lutheri aboleri & cremari iubet: atque hoc suum decretum siue Edictū magno omnium Ordinum assensu promulgatum omnique abrogandi difficultate, imò ut ita dicam, impossibilitate septū, esse

esse sacrosanctum mandat. Quanta ergo hac vestra licentia est, cum anno 1524. simul omnes in Noribergensib. comitijs absente Cæsare, per Legatum tamen suum conquerente, quod Ediētum illud wormatiense communi vestro consilio ac volūtate factum, maximo Germaniæ detrimento, violaueritis, idq; in posterum magno studio seruari præcipiente, nouo decreto, in pontificem, Ecclesiam, & Cæsarem deniq; nimis contumelioso, prioris illius Exsecutionem sustulistis: quo etiam nomine mox à Cæsare literis ex Hispania datis grauius oburgati estis: quarum literarum argumentum Sleidanus lib. IV. sic exponit: Quod conuentum alium indixerint, in quo rationem inire velint constituendæ religionis ad tempus vsque Concilij, quod etiam delectis aliquot viris doctis & sacrorum peritis, iudicium de summa doctrinæ permittant, minimè omnium aut posse aut velle se concedere, sed pro suo munere, quandoquidem sit Ecclesiæ tutor atque patronus, modis omnibus Decretum hoc improbare, ne videlicet cum Dei, tum Pontificis iram aduersum se concitet: quid enim in Ecclesiam Christianam contumeliosius fieri posse, quam si reuerentia summæ potestati debita sic proiciatur? si Germania, quæ primam semper habuit pietatis & obsequentiæ laudem, tantam rem sola molliatur, quam nulli Principes, ne Pontifex quidem ipse Romanus audeat subire? videlicet vt eam Religionem, quæ tot sæculis valuit in orbe Christiano, repudient & aboleant? Orare se Deum, vt Germaniam benignè respiciat, neque se viuo tantum malum patiatur inundare. Pareant igitur Ediēto wormatiensi, nisi pœnam subire velint, & actionem omnem Religionis differant, dum & summi Pontificis, & suo etiam iussu Concilium habeatur, qui sint ipsorum supremi Magistratus.] Quoniam etiam in iisdem Noribergicis comitijs Cæsari respondistis, parituros vos Ediēto wormatiensi, *quantis se non esse liberos.* omnino facere possitis, rursumq; anno 1526. in Spirensibus comitijs Decreto sanxistis, ita se gerat quisq; in sua Prouincia, vt facti sui rationem Deo & Cæsari reddere queat: quo quidem Decreto deinceps Protestantes semper vsi sunt ad tuendam causam suam, quippe quo wormatiense Ediētum fuerit antiquatum. Certè vos potestatem non habere faciendi, quod iustum est legibusq; consentaneum, adeoq; nec liberos esse, satis apertè fertis. Itaque si faciat Cæsar, vt possitis omnino parere Ediēto wormatiensi, neque impediamini, quo minùs Ecclesiæ & Pontifici debitum honorem exhibeatis, eiusque hostem Lutherū ac libros eius de medio tollatis, hoc est, si vestro viras compescat, su-

Principes Germani fatentur se non esse liberos.

Rectè ergo Cæsar, vt possitis omnino parere Ediēto wormatiensi, neque impediamini, quo minùs Ecclesiæ & Pontifici debitum honorem exhibeatis, eiusque hostem Lutherū ac libros eius de medio tollatis, hoc est, si vestro viras compescat, su-

as

*Alia Caroli
Cæsaris excusa-
tio,*

as verò augeat, vosq; plusculum in ordinem redigat, cum optimè libertati vestræ consulat, tum adiumento ad tuendam fidem Catholicam, & Ecclesiæ auctoritatem vtilissimo, imò prorsus necessario v-
retur. Poterat etiam ab iisdem Cæsarianis defendi, quòd concep-
tis verbis iuravit Cæsari, *se velle Imperium restaurare*, hoc est, in pristinū
statum reducere. Itaque necesse esse, vt publica Imperii vectigalia
ambitu Caroli IV. aliorumq; Imp. probrosis largitionibus alienata,
vindictet, ac Principibus velut male fidei possessoribus eripiat. Hoc
autē, & multa alia consimilia ad instaurandum Imperium pertinentia
præstari ab Imperatore nequaquam posse, nisi totum Imperium suæ
ac posterorum ex familia sua ditioni subiiciat. Poterant in eandem
sententiam alia multa, vt Principum assentatoribus plausibiles id
genus rationes quantacumque cum iniustitia coniunctæ, nunquam
deesse solēt, ab iisdē disputari: quæ alio loco accuratius excutiam, mi-
hiq; Patriæ nostræ libertate nihil charius & antiquius esse planissi-
mum omnibus, Deo iuuante, faciam. nunc ad propositum me refero,
& ad ordinem disputationis reuertor.

CAPVT CXVII.

*Gladus Spiritus
sive Theolo-
gorum argumē-
ta, nō reducunt
ad officium eos,
qui ratione non
discuntur.*

*Si absit gladius
secularis.
Is tamen hodie
in Protestantes
non est strin-
gendus.
Quia fœdus cū
eis factum.
Quod fieri non
debut.*

GLADIUS ergò Spiritus, siue petita ex scripturis argumenta ra-
tionesque quamuis solidissimæ & inuictæ, nihil apud eos pro-
mouent ac proficiunt, qui non ratione ducuntur, sed vel aucto-
ritatem parentum, amicorum ac Magistrorum sequuntur, à quibus
eis plurima manifestè impia odioque digna de nostra fide nostrisque
moribus falsò persuasa sunt, vel affectibus suis, vt cupiditati, volupta-
ti, timori, odio, iræ ac similibus seruiunt. Huiuscemodi enim vincula
(velut Capite CXII. dicebam) aliter quàm gladio secularis potestatis
scindi soluique haudquaquam possunt. quod tamen non sic accipi
velim, quasi Catholicis auctor sim, vt arma sumant, & ancipiti ac pe-
riculoso bello cum Protestantibus collidantur. Cum enim maiores
maiores nostri Hæreticos delere quando poterant, noluerint, & ore
Domini non consulto fœdus cum eis, quos ad officium reductos, vel de
medio sublato oportebat, fecerint: merito nempe nobis nunc vsu
uenit, quod Israelitis comminatur DEUS Num. 33. & Ios. 23. *Si nolueri-
tis interficere habitatores terræ erunt vobis quasi clavi in oculis, & lanceæ in la-
teribus, & aduersabuntur vobis in terra habitationis vestræ, eruntque vobis in
foveam*

foueam ac laqueum, & offendiculum ex latere vestro. Plectimur ergo ob culpam auctorum nostrorum, neque magis nobis tutum est, Ecclesie rebelles armis ad officium redigere velle, quam Roboamo in decem tribus, quæ ab ipsius ditione recesserant, bellum moliri, qua de re 3. Regum 12. scriptum sic legimus: Congregauit Roboam centum octoginta millia electorum virorum & bellatorum, ut pugnarent contra domum Israel, & reducerent regnum filio Salomonis. Præcepit autem Deus Semeia Propheta dicens: loquere ad Roboam & omnem populum: Hæc dicit Dominus: Non ascendetis neque bellabitis contra fratres vestros filios Israel. Ame enim factum est verbum hoc. Audiuerunt ergo sermonem Domini, & reuersi sunt in domum suam, sicut præceperat eis Dominus. Quod si quis autem Zelo Catholice fidei inflammatus pacem Religionis, tanquam non probante Deo, nec sine grandi peccato Lutheranis datam, ac sæpius firmatam, nunc tantò post violandam, pœnasque Hæreticis diuino humanoque iure debitas, ab eis expetendas putet, ei vel exemplum Saulis, quod 2. Reg. 21. commemoratur aliam sententiam persuadere debet. Nam & Saul Zelo quasi pro filiis Israel commotus Gabaonitas interficere cæperat, propterea quod ij forent reliquæ Amorrhæorum, quos Deus omnes ad internecionem percuti, nec ulli animæ viuenti parci iusserat. Sed maiores eorum de terra longinqua venisse se mentiti, Iosue ac Principibus Israelitarum imposuerant, ut in fœdus ab ijs reciperentur, quemadmodum Ios. 9. legimus: Fecit Iosue cum Gabaonitis pacem, & in fœdere pollicitus est, ut non occiderentur: Principes quoque multitudinis iurauerunt eis. Os enim Domini non interrogauerunt. Post dies autem tres in fœderis, audierunt, quod in vicino habitarent, & inter eos futuri essent. Murmurauit itaque omne vulgus contra principes: qui responderunt eis: Iurauimus eis in nomine Domini, & idcirco non possumus eos contingere. Sed hæc faciemus eis: Reseruentur quidem, & uiuant ne contra nos ira Domini concitetur, si peierauerimus: sed sic uiuant, ut in usus vniuersæ multitudinis ligna cadant, aquasque compor- sent] Non est dubium, quin Gabaonitæ occidi potuerint, neque iurandum eos tueri debuerit, quandoquidem cum hac exceptione, si vicini non forent, ipsis iuratum fuerat. Nihilominus postquam ipsi Principes ratum habuerunt, quod iurarent, Deo, quemadmodum verosimile est, assentiente, non potuit certè sine maxima iniquitate, Gabaonitarum posteris, prætextu quamuis diuino de interficiendis Chamanæis mandato, negotium exhiberi. Itaque nec Sauli, nec populo cæcus suus Zelus, quo ad cædem Gabaonitarum accensi fuerant

Fff

Nunc quoniam
factum, & iolari
non debet.

Alioquin ma-
le nobis veritas.

Saul ex zelo
eos, quibus in-
columitas facta
erat occidit.

Ac propterea
ipse & populus
à Deo punitus
pro-
fuit.

prosperè processit Facta est. n. fames, trib^o annis iugiter, consultusq. Deus ex oraculo respondit, pter Saul & Domū sanguinū, id est, ppter crudelitātē, quā domus Saul occiderat Gabaonitas, id euenire, neg. prius terrā reppitiari voluit, quā Gabaonitis satis factū esset septē viris de domo Saul in crucem actis.

*Pax Religionis
seruanda.*

*Et aliis potius
rationibus,
quā bello,
Protestantes ad
Ecclesiam re-
ducendi.*

*Hoc tempore
Protestantes
maximē apti
ad conuersio-
nem.*

*Auctoritas e-
nim, quā te-
nentur, facili
minus potest.*

*Affectus etiam
non difficulter
ex animis eorū
euelli.*

Itaq; nequaquam vobis Catholicis Regibus ac Principibus committendum puto, vt quam diu protestantes pactis conuentis stare volūt, vos quantiscunq; virib^o vestris freti decantatam illam Religionis pacē, quamuis ore Domini non consulto & contra quā decuit, eis datam sēpius tamen renouatam ac tantū non sacramenti religionē firmatam rumpatis, sed auctor potius sum, atq; imprimis opto vt alias saluti protestantiū consulendi, ac præclarē Dei Ecclesiæ Deiq; gloriæ promerendi vias, quas hoc tempore optatissimas Deus ostendere videtur, insistere velitis. Vt enim cū sensus communis dicat, tū ego ex scripturis supra Cap. ciii. docui, non est, quōd populos ad Catholicæ fidei veritatē conuersum iri speremus, quamdiu Principū suorum laqueis captiui tenentur ipsi etiam Principes ab emendationis spe nūquam propiūs absunt quā cū impedimenta, quæ illos ne veritatem percipiant, remorantur & in errore detinent, quā minimō negotio tolli possunt: quod quidem ego, nisi omnia me fallunt, magis hoc tēpore, quā vnq; alias, nobis polliceri posse videor. Nam quibus aliena imponit Auctoritas, eis non, magno negotio nostri, si velint Principes demonstrare possunt, multis modis cū ipsos, tum eorum parentes fraude ac dolo Prædicantium suorum deceptos turpissimeque circumuentos esse. In Consultatione quidem mea de Germania statū tam illustria eius rei specimina exhibeo, vt iis cognitis nulla ratione videantur de hinc facturi Protestantes, quin ceterarum rerum fidem Impostoribus istiusmodi nullam adiungant, atque vt quicquid ab ipsis profectum constiterit, id fraudis, mendacii ac doli continuō suspectum habeant: parentum verō tam improbē deceptorum potius misereri, quā auctoritatem quicquam morari velint. Affectus autem, quibus animos eorum teneri Capite cv. dixi, tanto facilius eis euellentur, quod plerique etiam ex opulentioribus verum esse exemplo suo declararent illud poëtæ: Ingenuas didicisse fideliter artes Emollit mores, nec sinit esse feros, quodque alios res angusta domi, alios egestatis instantis metus solertiores reddit, & intelligentiam eorum exacuit: quibus si quis ea præditus auctoritate, quam supra Capite xcvi. & quinque consequentibus capitibus descripsi, vel saltem is, quem illi candidē secum agere, & vtilitatis

tatis ipsorum ex animo curam gerere persuasum habeant, rationē ostēdat, qua saluo Christiani hominis officio atq; integra conscientia, amplectenda Catholica fide cum rei, tum honori suo consulere, pristinumq; familiarum suarū splendore recuperare possint (sicut eius rei rationes nequaquam nobis deesse copiose in eadē Consultatione mea demonsttraui) nemini dubium esse debet, quin illi propediem suo ad pristinam maiorum suorū fidē reditu & diutini erroris pœnitentia gaudium Deo, angelis & hominibus pariant. Quamuis autē cūr eam nobis spē facere debeamus, nemini paulū modō intelligenti ex iis, quæ Capite ciii. in medium attuli, non facillimum sit iudicare (docui namq; ex scripturis, Principes, qui recesserunt, qui dominantur super populum, qui laqueus facti sunt, & populus vastant, diripiunt & captiuū tenent, qui Nazareis propinant vinū siue iis, qui Deo quid vouerunt, fidei violandæ auctores sunt, q̄ prophetis seu legitimè missis precipiūt ne doceant, aut certē ut loquantur, quæ ipsis placeant, auferantq; viam tritā & semitā antiquam, qui assumūt, transferuntq; terminū potestatis secularis à Deo fixū, diripiuntq; ac pascunt greges, & custodes Religionis seu doctores ponūt sibi metipsis. huiusmodi ergo Principes docui sola vexatione intellectū adipisci ac nomē Domini quærere, siue veritatis indagandæ cogitationē suscipere, cum scilicet non tantum in circuitu combusti seu leui damno rei familiaris affecti, sed etiam ita consummati & abbreviati fuerint, ut stratum ipsis nimis sit angustū ac palliū nimis breue, cūq; ignominia siue egestatis pudor facies eorū impleuerit nihilominus ut res tantō fiat euidentior, meq; nihil suadere pareat, q̄ carnis ac sæculi potiūs, quàm spiritus prudentia dignū sit, adducā hoc loco verba, quæ Osee 2. legūtur, quib. de Synagoga Iudaicæ Adulterio ab Reconciliatione, & vtriusq; rei causis, modis atq; instrumentis agitur. Fornicata est (inquit) mater eorū (Iudæorū) itaq; ipsa uxor non mea, & ego nō vir eius mei obliuiscabatur, & ibat post amatores suos. Nesciuit enim q̄ ego dedi ei frumentū & vinū & oleū & argentū multiplicāui ei & aurum, quæ fecerunt siue obtulerunt Baal (siue, quib⁹ vsa est ad honoranda Idola) Et dixit: Vadā post amatores meos, qui dant panes mihi, & aquas meas, lana meā & linum meum, oleum meū & potum meū] Atq; ista pertinet ad descriptionē Apostasie Iudæorū à Deo ad Baalim siue à vera religione ad falsam. Amatores sunt falsi doctores, aut vicini Iudææ populi, qui pudicitie Synagogæ infidias struebant, eamq; munusculis labefactabant atq; etiam expugnabant, ut fidē Deo, viro suo, datam violaret, velut 2. Paral. 28 Regis Achaz exemplū legimus: Immolauit Dñs Damasci victimas, percusserimus suis, & dixit. Dy regū Syriæ auxiliantur

Causa cum spei.

Synagoga adulterum siue apostasia à vera religione.

Amatores cum quib Synagoga fecit adulteriū.

xiliantur eis, quos ego placabo hostiis, & aderunt mihi: cum è contrario ipsi fuerint ruina ei & vniuerso Israel. Non intellexit scilicet, se eadem ipsa emolumenta atque etiam longè maiora à Deo, quàm ab amatoribus suis accipere. Amatores quippe offerrebant eis panem aquam, lanam, linum, oleum. Deus, vir eorum, præter frumentum, vinum, oleum, ficus, lanam, & linum, etiam aurum & argentum eis multiplicabat. Sed Synagoga, inprimisque *Protectores*, aut *Principes eius* (Oseæ 5. 18.) qui sibi sapientissimi videbantur, quod omnes vtilitatis comparandæ rationes callere se putarent, nequaquam intellexerunt, *Pietatem* seu veram religionem ad omnia utilem esse, *promissionem habere vitæ, quæ nunc est & futura* (1 Tim. 4.) adeoque non Deo, sed Idololatriæ magistris omnia sua bona accepta retulerunt. Sequitur iam de Synagogæ eiusdem reconciliatione: *Ecce ego sapiam viam eius spiritus, & sapiam eam maceria, & semitas suas non inueniet: & sequetur amatores suos, & non apprehendet eos, & quæret eos, & non inueniet.* id est, faciam vt se deceptam & spe sua frustratam sentiat, neque lucrum illud, quod ex falsa religione sperabat, faciat. quomodo? *Corrumparam vineam eius, & ficum eius, de quibus dixit: Mercedes hæc mea sunt, quas dederunt mihi amatores mei* (Ierem. 44. Dixerunt Iudæi ad Ieremiam: Quia sacrificauimus Reginæ cæli, siue Soli, saturati sumus panibus, & bene nobis erat, malumq; non vidimus) *Ponā vineam eorum in saltum, & comedet eam bestia agri.* id est bona illa externa, quæ occasione Idololatriæ seu falsæ religionis acquisierunt, malè ipsis vertet, & ipsi in paupertatem incident. *Summā frumentū meum & vinum meum in tempore suo* (siue, tum, quando maximè iis opus habebunt) *& liberabo lanam meā & linum meū, quæ operiebant ignominia eius* (quamdiu enim adhuc opibus locupletes erant, nondum resecta erat eorum stultitia, vulgoq; iudicabantur prudēter fecisse, qui tam lucrosam religionē amplexi fuissent: sed postquam dilapidatis bonis iis, quæ per falsam religionem lucrati sunt, egere cæperint, omnes stultè eos fecisse censebunt) *Et nunc reuelabo stultitiam eam in oculis amatorum eius, & cessare faciam omne gaudium eius &c.* Nimirum quoniam Affectibus ducuntur, pudore ac dolore animiq; ægritudine, quā ipsis egestas parit, animos eorū ad capiendam veritatis disciplinam imbuiere ac præparare oportet. Affectus enim nisi aliis affectibus expelli nequeunt. Iam sequitur de spe, qua sanè vtiliter ad reconciliationem alliciuntur. *Ecce ego lactabo eam* (siue vt habent 70. Interpp. *decipiam eam*, id est spe maioris emolumenti eos alliciam, hamo id escæ genus indam, quod pisci-

Nunuscula A-
matorem,

Synagogæ re-
conciliatio,

Prudenter fa-
tere videntur,
qui falsam re-
ligionem sibi lu-
crosum sequun-
tur.

Affectibus la-
borantes affe-
ctibus excitatis
sanantur.
Spereducuntur
grantes.

pisciculos appetituros scio) & ducam eam in solitudinem (vt minùs erubescat, cum vtilitatis spem sibi fieri audiuerit, quia non volet videri, se veritatem lucris causa amplecti, quod id humilis animi rectè videatur, adeoque alios habere conscios reformidabit) & loquar ad cor illius, siue, consolabor eam, ostendam ipsi, si ad me redeat, non solum nihil damni eam facturam, sed etiam multò plura, quam retinenda falsa religione lucraturam esse. Cuiusmodi verò hominum opera eam ad rem vtar? Dabo Vinitores eis ex eodem loco, & dabo vallem Achor ad aperendam spem, siue vt est apud 70. ad aperendam intelligentiam eius. id est, curabo eis diligenter in memoriam reuocari eorum exempla, quibus res sanctas polluisse & Deo consecratas rapuisse male verterit, sicut sacrilego illi Achan in valle Achor Jos. 7. euenit, qui propterea quod tulisset de anathemate, seu de spolijs vrbs Iericho Deo consecratis atque in thesauris eius reponi iussis, lapidatus fuit à populo, & vna cum liberis, iumentis, tabernaculo suo & cuncta suppellectile igne consumptus. Solitos autem Iudaici populi Reges ac Principes in res Deo sacratas inuadere, vel Achaz Regis exemplo docemur, de quo scriptum est 2. Paral. 28. Spoliata domo Domini dedit Regi Assyriorum munera direptis omnibus vasis domus Dei atque confractis, clausit ianuas templi. Id autem ab eo factum esse approbantibus Pseudopphetis & improbis Sacerdotibus, ex Ezech. 22. colligi potest: Prophetae animas deuorauerunt, opes & pretium acceperunt. Sacerdotes eius contempserunt legem meam, inter sanctum & profanum non habuerunt distantiam (sicut Protestantium Doctores inter Calices sacros & profanos nihil interesse docent) & coinquinabar in medio eorum. Principes eius quasi lupi rapientes prædam, ad perdendus animas, & auarè sectanda lucra. Et Sophon. 3. Propheta eius vesani, viri infideles: Sacerdotes eius polluerunt sanctum, docentes nihilo alijs rebus sanctiores esse res Deo consecratas. Principes eius, quasi leones rugientes, & quasi lupi vespere, non relinquentes in mane. His igitur cum raptas opes Synagoga pesti & exitio esse viderit, aperietur intelligentia eius, id est, timorem concipiet, qui est intellectus porta & initium sapientie (qui enim timet, nihil negligit, sed querit & animaduertit omnia, qui autem querit, inuenit, velut ex scripturis supra capite cvii. disputaui) Cum vero Vinitores ex eodem loco, hoc est, homines familiariter ipsis noti, grati & accepti, quibusque turò se credere censent, vno verbo, Auiditate præditi, eos ceu Vineam diu desertam foderint ac putauerint, vepresque ac spinas (Isai 5. exciderint aut combusserint, hoc est, cum cognoscendæ amplectendæque Veritatis impedimenta, nempe Af-

*Quorum opera
Deus citatur ad
conuertendos
errantes.*

*Reges ac Prin-
cipes Synagoga
occupabant bo-
na Ecclesiastica*

*Auctoribus &
applausoribus
Pseudopphetis
& Sacerdotibus
improbis.]*

*Sed rap'a illa
bona male eis
seriebant.*

*Hi omnibus au-
ditate præ-
diti Deus citatur ad conuer-
tendos erran-
tes.*

Conuersio Synagoga.

fectus, remouerint, animosq; culturę aptos reddiderint, tum faciet Synagoga, quod sequitur: *Et dicit: Vadam & reuertar ad virum meum priorem quia bene erat mihi tunc magis, quam nunc. Et vocabit me. Vir meus* (siue, mihi posthac Amatoribus valere iussis adherebit) *& auferam nomina Baalim de ore eius, & non recordabitur ultra nominis eorum, & non vocabit me ultra Baalim. Et canet* (70. humiliabitur, Aquilæ versio: *obediet*) *iuxta dies iuuentutis sue, & iuxta dies aduersionis sue de terra Ægypti, hoc est, humilis erit obediens Sacerdotibus, ipsos à falsa religione ad Deum reducentibus, sicut Moyssi olim & Aaroni Ægypto deferenda obediit.*

CAPVT CXVIII.

Vinitores impedimenta tantum remouent.

Pecentia Synagoga.

1. pronocabant ad textum scripturam.

Sed malè intellectum.

Sacerdotibus scilicet aut docendi modum prescribent.

CETERUM quoniam Vinitores nihil aliud quàm fodiunt ac putant Vineam, & presque ac spinas euellunt, hoc est, non nisi cognoscendę & recipiendę Veritatis impedimenta remouent, adhuc Nubium beneficium, vt super eam pluant, desideratur, quemadmodum Isai. 5. Deus docet, cum eadem imagine ad declarandam populi sui Apostasiam eiusque poenam vititur: *Vinea Domini est domus Israel* (inquit) *& domus Iuda. Expectaui, vt faceret vinas, & fecit labruscas, hoc est, expectaui, vt faceret iudicium & iustitiam, & ecce clamor & iniquitas. Cuiusmodi verò Labruscæ, siue iniquitates in cælum clamantes illæ fuerint, eodem capite toto exsequitur. Primùm enim abiciebant Legem Domini, & eloquium sancti Israel blasphemabant, sapientes in oculis suis & corā semet ipsis prudentes: non quod verba Legis contemnerent, sed quod nolent veram eorum sententiam à Prophetis & à Sacerdotibus ex posteris Sadoe discere, quos quidem, cum ceteri Sacerdotes & Leuitæ longè recessissent à Deo in errore filiorum Israel, factique eis essent in offendiculum iniquitatis, ceremonias Sanctuarij custodisse, Ezech. 44. discimus. Igitur ad textum quidem Legis prouocabunt Iudæi, sed eundem calumniabantur, seu perperam intelligebant. Isai. 30. *Reprobastis verbum hoc, & sperastis in calumnia. Ierem. 8. Quomodo dicitis: Sapientes nos sumus & lex Domini nobiscum est? Siue, vt Lutherus interpretatur: nos habemus Sacram scripturam pro nobis. Ceterum videntibus, siue Sacerdotibus, quorum labia custodiebant scientiam, vt ex ore eorum ceteri Legem requirerent (Malac. 2.) silentium imperabant. Isai. 30. Filij mēdaces* (mendaciter profitētes, se paratos esse audire Legē meam)*

filij

filij nolentes audire Legē Dei à Sacerdote declaratam : qui dicunt videntibus : Nolite videre. Atque hoc omnis quidem populus faciebat, sed maximè tamen Principes & optimates, qui etiam populo causam erroris ac peccati dederunt. Ierem. 5. Circuite vias Ierusalem, & considerate, & querite in plateis eius, an inueniatis virum quarentem Fidem, & propitius ero ei, (id est, cum secundum numerum viarum Ierusalem positæ sint aræ confusionis, in quibus alius alijs Dijs libat (Ierem. XI.) siue, cum tot tamque multiplices sint religiones eorum, qui soli Deo in templo suo sacrificare desierunt, nullus tamen est, qui fideliter agat ac sincere Legi meæ credat, quamuis omnes promittant, se cessuros si Lege conuincantur, dicantque Prophetis : Vbi est verbum Domini ? age veniat, Ierem. 17.) quod si etiam, viuit Dominus dixerint, & hoc falsò iurabunt, id est, etiam si iurent, se paratissimos esse ad credendum verbo Dei, tamen id non faciunt. Renuerunt enim accipere disciplinam, & noluerunt reuerti (id est, noluerunt à legitimè missis Doctoribus, quomodo verbum DEI intelligendum esset, discere, neque errorem deferere.) Ego autem dixi : Forsan pauperes sunt & stulti (viri isti in vijs & plateis inuenti, siue plebij) ignorantes viam Domini, iudicium DEI sui. Ibo igitur ad Optimates & loquar eis. Et ecce MAGIS hi confregerunt iugum, ruperunt vincula. id est, voluerunt libertatem obtinere intellectus ac voluntatis, vt ad præceptum alienum neque sapere in rebus diuinis, neque viuere cogerentur.

Deinde autem malum dicebant bonum, & bonum malum, ponebant tenebras lucem, & tenebras, amarum in dulce, & dulce in amarum, siue, faciebant populum imbui falsa doctrina, veram autem dedoceri. Isai. 30. Dicunt adspicientibus, Nolite nobis adspicere ea, quæ recta sunt, loquimini nobis placencia, videte nobis errores. Ezech. 44. Non seruastis præcepta sanctorum mei & posuistis custodes observationum mearum vobismetipsis, filios nempe alienos, incircumcisos corde & carne, vel etiam Leuitas, qui longè recesserunt à me in errore filiorum Israel.

Præterea iustificabant impium pro muneribus, & iustitiam iusti auferrebant ab eo, id est, omnia iura & leges contemnebant. Tum coniungebant domum ad domum, & agrum agro copulabant usque ad terminum loci, id est, quamdiu superesset, quod occupare possent, siue, alios opprimebant eisque sua per vim eripiebant. Adhuc potentes erant ad bibendum vinum & viri fortes ad miscendam ebrietatem perpotabant totos dies, citharæ & lyra, tympano ac tibia in conuiuio utebantur, neque quicquid de opere Dei

*Alterum Sy-
nagoge pecca-
tum.*

*Tertium.
Quartum.*

Quintum.

Sextum.

re Dei cogitabant. Tandem peccata sua cumulabant, irridendo Prophetas qui mala, quæ illis ex falsa religione & occupatione alienorum bonorum euentura essent, prædicebant.

*Quibus panis
Deus Synagogam
emendavit & ad
recipiendam di-
sciplinam præ-
parauit.*

Atque huiusmodi erant *Labrisca*, quas linea Domini, populus Iudaicus, faciebat: propter quas iratus Dominus sic se facturum ibidem comminatur: *Auferam sepem eius* (deponam populū protegere) & erit in direptionem (diripietur certatim à bestiis agri, *Ose. 2.* à vulpibus vineam demolientibus, *Cantic. 2.* hoc est, in varios errores à diuersis mendaciorum magistris induci eos permittam, de quibus *Ierem. 12.* scriptum: Pastores multi demoliti sunt vineam meam) Et ponam eam desertam: non putabitur, & non fodietur (non habebit magistratus seculares, qui peccata supplicij recidant) & adscendent vepres & spina (corda eorum affectibus opplebuntur, ut nullus apud eos rationi locus sit: nemo erit, qui orationis efficacia affectus eorum aliis affectibus expellat, ac velut igne accenso, seu maiorum bonorum tam spiritualium, quam secularium desiderio in animis eorum excitato, fruteta, rubos ac sentes comburatur, sicut *Ierem. 11.* legimus: A voce loquelæ grandis exarsit ignis in ea, & combusta sunt fruteta eius) & Nubibus mandabo non pluant super eam imbrem id est, Sacerdotibus ac Doctoribus verabo eis stillare doctrinam salutis. *Deut. 32.* Concresecat in pluuiam doctrina mea, fluat ut ros eloquium meum, quasi imber super herbam, & quasi stilla super gramina. *Amos 7.* Non prophetabis super Israel, & non stillabis super

*Deus non culti
ijs argumenta
vera fidei pro-
ponit, qui affe-
ctibus labrant.*

domum Idoli. Vbi stillare est prædicare. Nubibus ergo mandat Deus, ne pluant, siue, ne Sacerdotes doceant, ne veritatis argumenta ibi proferant, vbi omnia vepribus ac spinis plena sunt: quod ipsum alia parabola Christi verbis aliàs exposui, ne scilicet seminent Dei verbum in eo agro, qui sit spinis obsitus, hoc est, in animo voluptatibus vitæ, curis seculi & fallacia diuitiarum occupato. nisi enim prius nouale nouatum, agerque sentibus ac dumis seu frutetis expurgatus fuerit, inutiliter semen projicitur. *Ierem. 4.* Nouate vobis nouale, & nolite serere super spinas. *Osee 4.* Non est veritas, nec scientia Dei in terra. Verumtamen vnusquisque non indicet, & non arguatur vir (id est, ne propterea quis eos reprehendere ac veram religionem docere velit) Populus enim tuus sicut hi, qui contradicunt Sacerdoti (nolunt à Sacerdotibus verum Legis sensum discere, quia animos varijs vitij occupatos habent) Maledicentia, mendacium, homicidium, furtum, rerum maxime sacrarum inuitis Sacerdotibus factum & adulterium inundauerunt, & sanguis sanguinem tetigit. Quæ verò Deus adhuc modum generatim vineæ suæ, siue Synagogæ

nagogæ

nagogæ minatur, eadem distinctiùs sic ibidem declarat: *Multe domus grandes & pulchræ eorum, qui possessionum terminos per fas ac nefas proferre studuerunt, erunt deserta absque habitatore, & decem iugera vinearum, facient lagunculam unam, & triginta mody sementis facient modios tres. Nobiles etiam & sublimes gloriosique in populo, qui conuiuia sumptuosa facere ac perpotare vsque conlueuerant, fame interibunt & siti exarescent.* Verumtamen non in æternum irascetur Dominus, nec extendet iram suam à generatione in generationem (*Psal. 84.*) neque vineam suam faciet in consummationem, sed castigabit in iudicio populum suum, vt non videatur sibi innoxius (*Ierem. 30.*) hoc est, pœnas eo tantùm consilio infliget, vt liberetur populus ab intellectu sui impedimentis, quæ faciunt, vt Veritatem intelligere nequeat. *Virga enim & correptio tribuunt Sapientiam.* Prouer. 29. Et hoc est, quod apud Oseam ait, *daturum se vallem Achor*, siue facturum, vt res malè vertat illis, qui perinde atque Achan bona Deo consecrata sacrilegè rapiunt, *ad aperiendam intelligentiam eius.* qua quidem sic aperta, id est, calamitatibus eorum, qui ad falsam religionem utilitatis suæ causâ descuerunt, commonito populo, metuque similium aut grauiorum malorum ei incusso, & attentione eius excitata, dantur ei *Vinitores ex eodem loco*, id est, homines eiusdem loci atq; ordinis, qui quoniam apud illos, qui sunt in errore, habet opinionem virtutis & amicitie, siue, quoniam existimantur viri boni, candidi & optimè erga ipsos affecti, vepres & spinas excidunt, *ad vocem loquelæ grandis igne accenso* fruteta comburunt, tum vineam fodiunt & putant, hoc est, affectus illos, quibus adhuc impediuntur, ne veram religionem siue cognoscere, siue amplecti velint, magna verborum grauitate & efficacia ex animis eorum euellunt. Tandem mandat Deus *Nubibus, vt pluant super eam*, siue Sacerdotes eis mittit, à quibus veritatem, seu verum verbi diuini intellectum, doceantur.

Hæc qui accuratè considerauerit, nequaquam mirabitur, cur de Protestantium reconciliatione & ad Ecclesiam reditu optima spe teneat, modò Catholici Principes Vinitorum operam Deo locare, & ipsius loco Protestantes lactare, in solitudinem ducere, ad cor illorū loqui, ac voce loquelæ grandis ignem, quo fruteta, spinæ ac vepres comburantur, accēdere velint. Faxit Deus, vt eam curam patriæ tam non modò salutare, sed omnino necessariam se dignam iudicent. Propediè, faxo, fiat q̃ Synagoga Deus, quemadmodū supra audiuius, facturam prædixit: *Et dicit: Vadam & reuertar ad virum meum priore, quia benedixit Synagoga.*

G g g

erat

Sed pœna illa erat preparatio ad recipiendam doctrinam.

Siue ad aperiendam eorum intelligentiam.

De Protestantium conuersione bene sperandum.

Si sint Vinitores ex eodem loco, qui eos excolant.

Causa & effectus conuersionis Synagoga.

Protestantes
Christum Go-
cans Baal.

erat mihi tunc magis, quam nunc. Et auferam (addit Deus) nomina Baalim de ore eius, & non recordabitur ultra nominis eorum, & nō vocabit me ultra Baalim. Nunc quidem nihil magis in ore habent, quā sanctissimum Eucharistia sacramentum, hoc est, Deum ipsum, esse Idolum Baal, mis- sam sacrificium Baal, Sacerdotes seu Presbyteros, Sacerdotes Baal: quę nomina vt de ore eorum auferantur, ipsisque ad dies adolescentiæ suæ & ad virum priorem reuersis melius, quā nunc est, esse incipiat, quotidie Deum veneror, vtque id tanto fiat citius, nulli labori ac molestiæ parco, neque etiam stimulis ijs, ad quorum minus ea cura præcipue pertinet. eorum attentione à priuata sua suorumque vtilitate, aut à friuolis negotijs ad tanti rem momenti conuertendo offensa quantacumque excipere reformido. Memento mei Deus meus in bonum secundum omnia, qua facio patria mea, Amen.

CAPVT CXIX.

Vide supra cap.
107,

Heretici præs-
gurati per Edo-
mitas siue Esa-
uitas

Lutherani Sa-
cerdotum ingru-
excusserunt.

Heretici à pue-
ris Pastorum sus-
perandi,

ATQUE hæc de Gladio Fortium dictæ sint, quo grauis armaturæ milites in deuincenda Hæresi & expugnanda pertinacia, Ecclesię aduersaria vtuntur: reliquum est, vt quibus armis Velites, seu Rorarij, siue expediti milites rem gerant, consideremus. Id ex locis illis Scripturæ, quę supra Capite CVII. protuli, facile est colligere. Ieremiæ namque cap. 49. Scriptum est, Edomitas, qui figura sunt Hæretico- rum fratrum rebellium & infidelium (faciunt enim, quod Edomitas facturos prædictum fuerat Genes. 27. Fratri tuo seruias, in pinguedine terræ erit benedictio tua, viues in gladio, tempusque veniet cum excutias & sol- uas fratris de cernicibus tuis. nam & Hæretici prius seruiuerunt Catholi- cis, & quia benedictionem suam in pinguedine terræ, siue, sum- mum bonum in opibus terrenis ponunt, viuunt gladio, eiusque ope- ra iugum Catholicę Ecclesię à se abijciunt. Lutheri quidem secun- dus Tomus Lat. witt aliquot Vlrici Hutteni epistolas habet, quibus Germanos ab Ecclesię obedientia recedere, ac Lutherum Ducem se- qui hortatur, quam ad rem verbis illis vti nequaquam dubitauit: Di- rumpanus vincula eorum, & projiciamus à nobis iugum ipsorum. Sed etiam supra extremo Capite XVI. verba Lutheri retuli, quibus Principes, vt Ferro & igne Catholicos adorianur, & in sanguine ipsorum manus suas lauare velint, exstimulat. Huiusmodi ergo Edomitas prædicat Deus) à paruulis gregis, siue à Pastorum pueris deiectum, siue humi prostratum, & tabernaculum eorum simul cum ipsis dissipatum iri. Zachariæ vero nono

nono capite, prænunciatur fore, vt Ecclesia *Lapidibus funde filios Græcie subijciat*, siue, prosternat superbiam Hæreticorum, qui Græcos imitati (1. Cor. 1. & 2.) *sapientiam querunt & in humana sapientia doctis verbis gloriantur*, ac ferè poliori literatura inflati Episcopis tamquam indoctioribus parere indignum putant. Quo loco non debet cuiquam esse dubium, quin nobis ad Dauidis cum Philistæo congressum mysticè interpretandum digitus intendatur. Hæretici nempe sunt *Philistæi*, auribus & cordibus *in circumcisi*, exprobrantes exercitui Israel & gloriose quemuis Catholicum ad certamen prouocantes. Hos Ecclesiæ *Lapidibus funde* prosternit, pueri nempe inermis & militiæ insueti manu rotatis & contortis. nam id longè Deo & Ecclesiæ est gloriosius, quàm si quis eos vincat, qui fuerit bellator ab adolescentia sua, & in armis etatem exegerit: id quod etiam Psalm. 8. Sic significatur. *Ex ore infantium & lactentium perfecisti laudem propter inimicos tuos, vt destruas inimicum & ultorem.* Infantes eiusmodi sunt, qui adhuc sugunt vbera matris Ecclesiæ, quibus lacte opus est, non solido cibo, qui sunt imperfecti & imbecilles ad audiendum sermonem iustitiæ, neque discendis profundis Dei, siue, Theologiæ mysterijs idonei, de quo genere Apostolus loquitur Hebr. 5. *Imbecilles facti estis ad audiendum grandem sermonem, & indigetis vt doceamini, quæ sint elementa exordij sermonum Dei, & facti estis, quibus lacte opus sit, non solido cibo.* Omnis enim, qui lactus est particeps, expers est sermonis iustitiæ. paruulus enim est. Perfectorum autè est solidus cibus, qui consuetudine exercitatos habent sensus ad discretionem boni ac mali. Longè igitur ad Dei & Ecclesiæ laudè amplius est ab his Hæreticos superari, quàm Perfectorū, siue, Theologorum Gladio obtruncari: quemadmodum populo Israelitico longè fuit etiam inter Philistæos gloriosius, Goliathum à Davide, quàm à Saule Rege cæsum fuisse. Psalmus LXIII. idem Parabola non multum dissimili significauit. Cum enim ingenium & consilium *Inimici Ecclesiæ*, siue *conuentus malignantium & multitudinis operantium iniquitatem*, hoc est, Hæreticorum exposuisset, statim addit: *Exultabitur Deus*, siue gloria Dei illustrabitur quomodo? *Sagittæ paruulorum factæ sunt plagæ eorum, & infirmata sunt contra eos lingua eorum*, hoc est: Paruuli suis sagittis eos vulnerarunt, vt nihil firmè eis respondere, neque se tueri possent, quid autè fecerūt Auditores seu pugnæ illius Spectatores? *Canturbati sunt omnes, qui videbant eos, & timuit omnis homo. Et annunciauerunt opera Dei, & facta eius intellexerunt*, siue, *Luthero interprete*, deridebit, quicumq; viderit:

Ggg 2

& omnes

*Hæretici per
Philistæos figu-
rati.*

*Prosternuntur
à paruulis Ca-
tholicorum, siue
à Luce Theo-
logiam ignorā-
tibus.*

*Nam id Eccle-
sia est gloriosius,
quàm si
Theologi eos
superarent.*

*Laici Catholici
cum Hæreticis
pugnantes quid
observare de-
beant.*

*Primum fateri
debent se Theo-
logica nescire.*

*Deinde Funda-
lapides limpi-
dos in Hæreti-
cis iaculari.*

*Lapides illi
sunt clarissima
Scriptura loca.*

& omnes qui viderint, dicent: Hoc Dei est opus, & intelligent istud à Domino factum esse. Porro *sagittæ parvulorum*, idem significant, quod *Lapides limpidi*, de quibus mox dicam. Est autem operæpretium animaduvertere, quo animo, quoque habitu, quibusque armis David cum Gigante congressus victoriam retulerit, ut eius exemplum nostri parvuli gregis rectè imitari sciant. Primum cum Rex vestimentis suis eum induisset, galeamque æream super caput eius imposuisset, ac lorica vestitum gladio suo accinxisset, dixit Regi: *Non possum sic incedere, quia non usum habeo: & deposuit ea, & tulit baculum suum, quem semper habebat in manibus.* Similiter Laici cum Hæreticis congregientes, id quod res est, apertè ferre ac fateri debent, se non esse Theologos, nec usum armorum habere, aut solidis ex penitiori Theologia depromptis argumentis instructos esse. Ea enim re gloria Ecclesiæ magis illustratur, quod quando parvulos eius tanto inimicis superiores esse constiterit, quantum ipsorum Theologorum robur esse oporteat, statim omnes conijciant. Deinde *elegit sibi David quinque limpidissimos lapides de torrente, & misit eos in peram pastoralem, & Fundam manum tulit, cumque hostis contra eum appropinquaret, magno animo sessinavit & cucurrit ad pugnam ex adverso eius, & misit manum suam in peram, tulitque unum lapidem, & funda iecit, percussitque Philistæum in fronte, qui cecidit in faciem suam super terram.* Similiter Laici ex Torrente DEI, siue ex Sacra Scriptura (de qua Psalm. 35. *Torrente voluptatis tue potabis nos.* Et Ezech. 47. de eodem torrente verba faciens, ait *aquas eius ex templo egressas*, hoc est. Scripturas ab Ecclesia nobis traditas & commendatas, primum minimè profundas esse, seque per eas *vsque ad talos tractum fuisse*, mox verò *vsque ad genua, post vsque ad renes, tandem verò vsque eo intumuisse illas, ut transvadari Torrens ob profunditatē non posset*, quibus significatur, Scripturæ sensus alibi faciles ad intelligendum satisque perspicuos, alibi difficiliore & obscuriores, alibi denique inexplicabiles esse) ex hoc igitur Torrēte Dauides nostri, ubi minima est aquæ profunditas, siue minima Scripturæ obscuritas, eligunt sibi lapides aliquot limpidissimos, hoc est, loca Scripturæ maximè perspicua, cuiusmodi sunt illa, quæ de Ecclesiæ ac Pastorum eius auctoritate, deque Ouium Christi erga Pastores legitimè vocatos, & erga alienos, fures ac latrones, non per ostium in ouile ingressos, officio loquuntur, quorum Deus tantam esse perspicuitatē voluit, ut etiam Infideles, pagani & Turcæ, modò linguam Scripturæ didicerint, ea planè intelligant. Huiusmodi loca peram suam, ubi alioquin ientaculū aut meren-

merēdam seruant, recondunt, hoc est, pari diligētia memoriæ mandant, ac reliqua loca, quib⁹ spē alunt, fidemq; suam nutriunt. Et quando hostem insolenter in se inuehi vident, statim Locum eiusmodi Fronti eius impingunt, eumque prosterunt, vt in faciem cadat hoc est, Impudentiam eius expugnant, vt os suum Auditoribus ostendere vereatur. Pudor enim in fronte atque in oculis habitare dicitur, & quem non pudet, ei duram, ferream, aut nullam prorsus Frontem esse aiunt. Pudet ergo Hæreticos scientiæ ac literarum opinione inflatos, cum sibi etiam ab iis, qui sunt Catholicorum minimi, & Sacerdotum Theologorum infimæ classis discipuli, tam illustribus ac perspicuis Scripturæ verbis os ocludi sentiunt. Itaque nihil magis cauent, quàm ne Catholici de Ecclesiæ eiusque Antistitum auctoritate & ouium Christi erga eos officio disputandi occasionem habeant. Sicut. n. ipsa Ecclesia, ita & disputatio de Ecclesiæ auctoritate in monte sita est, cū qua cōparatæ de cæteris fidei capitib. disputationes, velut in plano & in campestribus institutæ vidētur, quare quiddam facere ac dicere Hæreticos putes, q; de Syris, cum ab Isralēitarū parua manu ingētes copiæ eorū victæ fuissent, 3. Reg. 20. legimus. *Dixerunt enim Regi suo, Dy montium, dy eorum, ideo superauerunt nos. Sed melius est, ut pugnemus contra eos in campestribus, & videbis, quod obtinebimus eos.* Porro ad descendendum de Montanis præliumque secum in campestribus conferendum dupliciter Hæretici Catholicos alliciunt. Nam aut quærunt vbi hoc aut illud scriptum sit: aut locum aliquem scripturæ ipsi in medium afferunt, quo Catholicos erroris conuincant. Iam vero rebus maxime necessariis suprā docui, neutro modo Catholicum ad pugnam descendere debere, cum id neque quicquam proffit, & plurimum quoque obesse possit. Cur nihil proffit, hoc loco ex parabola Campestris pugnæ satis intelligitur. Habet quippe Hæreticus in planitie copias suas dilatandi, ex quacumque parte velit impressionem faciendi, & quodcumque liceat, recedendi occasionem, quarum rerum omnium non eadem ipsi in montanis datur copia, hoc est: cum de Ecclesiæ auctoritate, quantamque omnes Episcopis, in primis S. Petri successor, obedientiam debeamus, disputatio instituitur, tum Hæreticus vno pedatu seu congressu euidenter ex toto, facileque vinci potest. Vbi enim planum factum fuerit Spiritum sanctum, siue donum, gratiam, aut charisma spiritus sancti ad interpretandas scripturas necessarium in Ecclesia perpetuo manere, neque ab ore Pontificis & Episcoporum recedere, ac pro

Hæretici subterfugunt disputationem de auctoritate Ecclesiæ.

Et conantur Catholicos ab ea & materia abducere

Sed id Catholicis committere non debent.

Nā ex ea materia Victoriā facilem, euidentem & perfectam Catholicis reportare possunt.

I. *Victoria per-*
fectio.
II. *Euidentiā.*

ethnics & publ canis habendos esse, qui spiritum illum per os Ecclesie loquentem audire nolunt, aliasque scripturae interpretationes vel ipsi cominiscuntur, vel ab aliis inuentas probant. nempe omnia Hæretici argumenta de quibuscumque Fidei articulis simul & semel sunt profligata. Quod id autem *Euidenter* à Catholico præstari queat hoc est, ita perspicue, vt quiuvis Auditor, etiam Hebræus, Turca, aut paganus, qui sensu saltem communi sit præditus, Hæreticum efficaciter reuictū agnoscat, ex iis, quæ passim hoc libro, præsertimq; capitib. 58. 59. 77. & 90. disserui nemini obscurum esse potest. Quod enim sententia quæquam scripturae testimoniis recte probetur, siue quod scripturae verba recte intelligantur, id (velut cap. 58. pag. 193. docui) exploratū habere nemo potest, præter ecclesiam, cuius capiti Spiritum veritatis à Deo datum esse, vt in eius ore perpetuò maneat ac loquatur, disertum in sacris literis perscriptum extat, & opere Dei siue, *verbis signorum Dei* palam confirmatur. Digitus enim Dei hic sit oportet, qui tot sæculis Ecclesiam à Tyrannorum vi atq; ab Hæreticorum fraude saluam & incolumem conseruauit alioquin eam sic perennare omnino impossibile fuisset, cum præsertim ipsi nonnunquam Pastores ac Sacerdotes partim Ecclesie salute suis cupiditatibus aut propinquorum charitati posthabita, *adificantes non in sanguinibus & Ierusalem in iniquitate*, partim impuritate vitæ morumque turpitudine infames, nisi maior vis ab alto intercessisset, omnes mortales à fidei suæ communione absterrere, & Ecclesiam vsque à fundamentis euertere debuerint. Recte ergo Psalmi 75. verbis *Euidentiā* victoriæ, quam Montes illi Catholico propugnatori præstant, sic descripsero. *Mirabiliter Deus illuminat à Montibus æternis. Ibi confregit potentias arcum, scutum, gladium & bellum.* Cur autem ex hoc capite de Ecclesia *facilis* confici victoria queat, hæc est causa: quia Parabolis multis ipse Spiritus sanctus ad explicandam eam rem nobis præiuit, quibus si quis recte vt nouerit, statim Hæreticus ita conuincetur, vt cuiusvis auditoris, sententia inferior sit discessurus. Sunt enim Parabolæ & Apologi ac Fabulæ sicut inuentu faciles, ita ad concionem seu populum mouendum aptissimæ velut in secundo Rhetoricorum auctor est Aristoteles. Et Seneca, *illi, qui simpliciter* (inquit) *& demonstranda rei causa eloquebantur, Parabolis referti sunt: quas existimo necessarias vt imbecillitatis nostræ adminicula sint, & vt discitem & audientem in rem præsentem adducat.* Atq; ista parabolarum perspicuitas & efficacia causa est cur iis Deus toties ad peccatores cum docendos, tum conuincendos

Parabolæ sunt perspicuæ & ad conuincendum efficaces.

cendos in Scripturis vti voluerit. Exemplum illustre est *Isai. 5.* Vbi cum domum Israel vineæ magno labore suo inutiliter & nequicquā cultę comparasset, vt Iudæos impietatis ingratiq; animi conuinceret, (frequenter enim in ore habebant, Deum pacti cum patribus fœderis oblitum esse, ac patrum se delicta luere & iniuria plecti, *Ierem. 2. Ezech. 18.*) Parabola euentia fretus, ipsos in sua quamuis causa iudices constituit: *Vineam feci, & sapui eam, & lapides eieci ex illa, & plantavi eam electam*, siue, optimæ notę vitibus eam conleui, & edificavi turrim in medio eius, & torcular exfluxi in ea, & expectavi vt faceret vinas, & feci labruscas. Nunc ergo viri Iuda iudicate inter me & vineam meam, id est, inter me & vos ipsos. Quid est quod debui ultra facere vinea mea, & non feci? Atque eadem ipsa Parabola Christus *Matth. 21.* Principes Sacerdotum & Phariseos eò adigit, vt ipsi sua sententia se condemnent: quo exemplo Nathan quoque proposita diuitis suam vicino pauperi ouiculam rapientis Parabola, Dauidi sententiam aduersus se ipsum extorquet, *2. Reg. 12.* sed longum omnino sit, omnia Christi & Apostolorum ac Prophetarum docendi conuincendique gratia Parabolis vrentium exempla recensere: quarum nonnullas maximè illustres in eo libro, quem *Fundam Dauidicam* inscripsi, oportuniùs reddidero,

CAPVT CXX.

Sic igitur paret, quàm facilè, quàm euidenter, ac perspicuè quamq; ex toto vinci Hæreticus queat, si de Ecclesię pastorūq; auctoritate agatur, quò etiam vocatio legitima Ministrorum Dei & officium Christianorum erga illos, qui Ecclesię aduersantur, pertinet. Sed si de quocumq; alio Fdei capite disputetur, vincet quidem Catholicus, sed neque facilis & expedita erit victoria, cum difficile sit vel Theologo tot scripturarum testimonia in memoria habere, quibus Hæretico vndelibet bellum mouenti occurrat, & pro Ecclesię sententia propugnet: neque vter vicerit recteque scripturis opinionem suam tutatus fuerit, siue auditori, siue ipsi etiā collocutori Hæretico euidenter constabit cū vel difficiliora sint scripturæ verba, de quib. ambigitur, vel i, qui iudiciū faciunt, aut ingenio minùs valeant, aut non satis in rē intenti sint, aut Dialecticē, hoc est, veri à falso discernendi artificium non æquè didicerint. Sicut aliis in rebus omnibus (ait Aristoteles *2. Sophistic. Elench. 1.*) celeritas & tarditas omnis pendet ab exercitatione, ita planè in disputationibus vsuuenit: vt tametsi res nobis cognita sit, sæpe tamen aparetur quia meditatio & exercitatio desit, expedire nos in tempore, & vt decet non possumus. Sæpe accidit, vt

Disputationes de ceteris articulis sunt Catholicis iniquiores. Vincunt enim, sed neque Facile.

Neque euidenter.

quod

*Neque perfectè,
sed tantum ex
parte.*

*Catholicum Ha-
reticum cogere
debet, ut secun-
de Ecclesie au-
thoritate dispu-
tet.*

*Quomodo id
facere possit.*

*Si Hæreticus
quærat, sibi scri-
ptum quid ei
respondendum*

*Scriptum nō pe-
esse in corde Ec-
clesie, quæ est
Christi Episto-
la.*

quod scimus, mutatis & traiectis verbis ignoremus. Postremò quamvis Catholicus disputator & facilè de quouis Fidei capite rationem red- dere ex scripturis possit, & Hæreticum euidenter vincat, nempe v- num modo Fidei caput defenderit, in cæteris Hæreticus sibi, ac for- san etiam auditori, adhuc inuictus videbitur. quod perinde est, ac si vna tantum hostilis cohors concisa foret, ceteræ verò integræ ad- huc salutæque sub signis habeantur. Itaque non committendum est Catholico, ut ex Montanis in campestria hostis astu pertrahatur, sed ipse potiùs hostem ad sese adscendere, eoque loco, quo neque omnes copias suas explicare possit, neque recipiendi se pedemque referen- di cum ei libuerit, copiam habeat, secum configere, hoc est, non de quo ipse velit articulo, sed de auctoritate Ecclesiæ, velit, nolit, dispu- tare coget. Id verò quibus modis facere queat, aliàs accuratè docebo: nunc breuiter atque in genere monuisse sat sit, Hæreticum, qui Catholico negotium exhibet, aut verba Scripturæ exigere, hoc est, vbi hæc aut alia sententia in sacris literis inueniatur, quærere: aut vl- tro locum aliquem, quo erroris crimen Catholicis impingat, è scri- pturis promere. Vtrouis modo rem gerat, non difficulter ad illam, quam tantopere deuitat, de Ecclesia controuersiam, quantumuis re- nitens pertrahi potest. Disputare namque gestienti quærentique ver- bi gratia, *Vbi scriptum est, quod sit Purgatorium, quod sancti sint inuocandi, quod sub una specie communicandum?* nequaquam scripturæ locum et- iam si multa impromptu habeam, recitabo (hoc enim esset de Mon- tanis in campestria, vbi omnia hostis magis secunda & ex vsu suo ha- beat, descendere, & oportunitates rerum ad perfectam, facilem ac perspicuam victoriam idonearum de manibus amittere) sed dicam, id quod ipse quærat, *scriptum esse non atramento, sed Spiritus Dei cala- mo, siue lingua ministrorum eius (Psalm. 44. Lingua mea calamo scri- bæ velociter scribentis. Quis autem ille sit scriba 2. Reg. 23. sic decla- rat: Spiritus Domini locutus est per me, & sermo eius per linguam meam) non in tabulis lapideis, neque in charta aut membrana, sed in ta- bulis cordis carnalibus Ecclesiæ, quæ est viuæ Dei epistola* (quemadmo- dum Paulus loquitur 2. Cor. 3. qui etiam Rom. 1. Legem Dei ait esse scriptam in cordibus Gentilium, & quod huc propriè facit, homines ea ea lege, quam Deus in cordibus scripsit, non minus teneri, quàm ea, quæ sit literis consignata, cum vtriusque transgressores pariter à Deo puniantur) siue, Legem aut præceptum ita credendi faciendiue in Ecclesia inueniri, & inde peti oportere. *De Sion enim exiit, Lex &* *verbum*

verbum Domini de Ierusalem, Isai. 2. Itaque ciuitas veritatis dicitur in monte sanctificato, Zach 8. & columna ac firmamentum veritatis, 1. Tim. 3. quippe cui promiserit Christus Spiritum veritatis, vt doceat eam omnem veritatem, siue verbum aut sermonem Dei. Nam Sermo tuus veritas est, ait Christus Iohan. 16. & 17. Itaque quod de B. virgine Luc 2. legitur, eam conseruasse omnia Christi verba in CORDE suo, rectissime de Ecclesia dicitur cui se Deus iam olim Spiritum suum in corde eius daturum, & legem siue verbum suum in corde eius scripturū promisit, Isai. 51. Audite me qui scitis iustum, populus meus: Lex mea in corde eorum. Non in cordibus, sed in corde. Nam multitudinis credentium est cor vñ, & anima, Act. 4. Ezech. 36. Effundā super vos aquā mundam, & dabo vobis cor nouū & Spiritum nouum ponā in medio vestri, siue in corde vestro Ier. 31. Hoc erit pactū, quod cum eis faciam: Dabo legem meā in visceribus eorū, & in CORDE eorum SCRIBAM eam: & ero eis in Deum, & ipsi erunt mihi in populum. Isai. 8. Signa legem in discipulis meis. id est, intellectum Legis quasi sigillum in cera, discipulorum meorum, siue Ecclesiæ cordi imprime vt planè legi possit, sicut etiam Cant. 8. Christus Ecclesiæ sponsæ suæ dicit: Pone me sicut signaculum super cor tuum, vt signaculum super brachium tuum, quibus verbis significat, se legis ac voluntatis suæ cognitionem Ecclesiæ dare, vt cum corde rectè intelligat, tum brachia rectè operetur. De simili sigillo Ecclesiæ cordi impresso loquitur Psalmus 4. Signatum est super nos lumen vultus tui Domine id est gratia luminis siue intellectus impressa est nobis.

Et quoniam os Ecclesiæ nihil à corde discrepat (Corde enim creditur ad iustitiam, ore fit confessio ad salutem, Rom. 10) propterea Deus alias in corde alias in ore Ecclesiæ Spiritum ac verbum suum daturum se promittit, Isai. 29. Hoc est fœdus meum cum sion, siue Ecclesiæ: Spiritus meus qui est in te, & VERBA mea quæ posui in ore tuo, non recedent ab ore tuo neque ab ore seminis seminis tui a modo vsque in sempiternum. Itaque non est quod quis speret se verbum, Dei inuenturum, nisi ab ore Christi & seminis siue filiorum, eius id requirat, Isai 8 Ecce ego (ait Christus, te iste Apostolo ad Hebr. 2) & filij mei, quos dedit mihi Dominus in signum & inportentum Israel à Domino, qui habitat in monte Sion. id est, Ego & mei discipuli, quos eis pastores dedi, in quibus Hæretici ab ecclesia, velut Israelitæ à domo Iuda separati scandalizabuntur, neque ab illis verbum Dei petere volent, sed ad fabulas conuertentur. Et cum dixerint ad nos Catholicos. Querite à Pythonibus & à diuinis qui strident in incantationibus suis, vos respondebitis: Numquid non populus à Deo suo requiret? pro

H h h

viii

Quicquid est in corde Ecclesiæ idem est in ore eius.

Ita Verbum Dei ex ore Ecclesiæ fect debet.

Non à prædicantibus Hæretici utique sunt arioli & incantatores.

viuis à mortuis? Ad legē magis & ad testimonium. Quod si non dixerint iuxta
 verbum hoc, non erit eis matutina lux: & transibit per eam, & corruet, & e-
 suriet.] Hæc verba Lutherus ita reddidit. Si autem dixerint vobis: O-
 portet vos diuinos, & ariolos consulere, qui multum garrunt & di-
 sputant, sibiq; prudētes videntur, & Ratione sua scripturam mode-
 rari volunt: tum respondete: Numquid non populus Deum suum
 consulat? Vtrum mortuos loco viuorum consulere oportet? Imo
 iuxta legem & testimonium. Si hoc non dixerint, non habebunt au-
 roram, sed in terra circumibunt contriti & famelici. *Sensus est:* Si Hæ-
 reticorum discipuli in Ministris meis scandalizati dixerint vobis, vt
 discatis ab ipsorum doctoribus, quod sit Dei verbum (illis enim ere-
 dunt, quod eorum disputationibus fascinati scripturas rectē ab illis
 intelligi persuasum habeant) tum vos respondete: Catholici homi-
 nis officium esse consulere Deum ipsum per os Sacerdotum loquen-
 tem, non Pythonas siue prædicantes, qui segregarunt semetipsos, animales,
 spiritum Christi non habentes, ac bis mortuos (quemadmodum in Iudæ
 epistola describuntur) per quos Diabolus, tamquam per ventrilo-
 quos loquitur, & est spiritus mendax in ore eorum, 3. Reg. 22. Faciendum
 esse, quod Lex præcipiat, vt lex scilicet, iudicii veritas & scientia à Sa-
 cerdote legitimo requiratur, velut Deut. 17 & Malach. 2 scriptum est.
 Sin autem isti Hæreticorum discipuli, vobis, in eo contradixerint, &
 mortuos potius Doctores suos, quam Ecclesiæ præpositos spiritum
 Dei viui in ipsis habentes consulendos & audiendos putarint, mane-
 bunt in tenebris errorum, neque vel tantillū lucis assequuntur, qua-
 le in crepusculo matutino esse solet, nedum ad perfectam diem &
 & meridianam lucē perueniant *Via impiorū, tenebrosa nesciūt ubi coaruant.*
Inflorū autē semita, quasi lux splendens, pcedit & crescit vsq; ad perfectā diem.
 Pro. 4. Sed nihil opus est hic omnia scripturæ loca, quæ hac de re pas-
 sim toto libro exposui, denuō in mediū afferri cū præsertim iam
 satis planū fecerim, quo pacto Hæreticus de articulis obscurioribus
 litigare quærens (nam qui male agit odit lucem, Ioh. 3. & Oculus adulteri
 obseruat caliginem, in qua latere & veritatem adulterare, seu verbum
 Dei intellectu difficiliter deprauare possit, quemadmodum Apostoli
 2. Cor. 4. & 2. Pet. 3. loquuntur) id hanc de Ecclesia quæstionem, om-
 nium illam clarissimam & apertissimam perducere possit.

Si autem ipse scripturæ locum quempiam proferat verbi gratia:
 scriptū est, *Bibite ex hoc omnes:* ex eoq; cogere conetur, peccare Catho-
 licos, qui sub vna tantū specie cōmunicent, ei dicam, quæadmodum
 Chri-

*Sūt enim mor-
 tui nec habent
 Spiritum.*

*Sed inde peti
 debet. Vnde lex
 iubet, id est à
 Sacerdotibus.*

*Aliter facien-
 tes nunquam
 ad lucē veritatis
 perueniunt.*

*Quare hæretici
 de Ecclesia au-
 ditoria eā in-
 auti disputent.*

*Hæretico scri-
 ptura Verba ci-
 tanti quod re-
 spondendum,*

Christus Saducæis. *Erratis nescientes scripturas*, Matth. 22. siue tu verba scripturæ perperam intelligis. Hoc autem duplici modo vincam, quorū vterq; ad pugna in Montanis mecū conferendā siue ad disputandū de Ecclesia eum adigat. Prior modus sic institui potest: Tu in verborum istorum intellectu eos sequeris Magistros, qui nō fuerunt Pastores, sed lupi, siue fures ac latrones. *Vel* Sensus iste, quem tu probas, est vox Alieni, non Pastoris. Itaq; veræ oues Christi eum sensum fugere debēt, cum haud possit nō esse falsus. Nā Pastores à Deo dati pascūt oues scientia ac doctrina, Ier. 3. à quibus qui dissentiunt, nec acquiescunt eorum doctrinæ sed aliter docēt, illi pascunt oues Insipientia & mendacio. Isa. 32. *Insipiens nō vocabitur ultra Princeps. nā fatua loquetur, ut vacuam faciat animā esuriētis & potū sitiēti auferat. Cogitauit cogitationes ad perdēdos mites in sermone mēdaci*, 1. Tim. 6. *Hec loquere, tu Pastor. Si quis aliter docet, & non acquiescit, superbus est, nihil sciens.* Esse autē Magistros tuos, Lupos, alienos, fures ac latrones, probo auctoritate Pastorum siue Episcoporū in Concilio Tridentino congregatorum, cuius iudicium est iudicium ipsius spiritus sancti. q̄ probari potest iisdē omnibus scripturæ locis, quorū modō mentionē feci. nam illa disertim clarissimeq; dicunt, *Spiritū veritatis, qui omnē veritatē docet, ab ore Pastorum in eternū non recedere*, omnesq; Episcopos gratiā spiritus sancti ad pascendum gregē & ad cognoscendos ac pellendos lupos necessariā per impositionem manum presbyterij accepisse. Potest idem aliter probari, si nempe dicam: Qui non intrat per ostium in ouile, siue, qui sine legitima vocatione, & potestate non accepta oues pascere audet, is alienus est, fur, latro lupus, Ioh. 10. Tui magistri à nemine legitime vocati, neq; potestate aliunde accepta pascere oues, siue hoc modo docere audent. Nam aut manus eius ab Episcopis non fuerunt impositæ, quocidē modo gratia siue donum spiritus ad Pascendum confertur (1. Tim. 4. & 2. Tim. 1.) aut qui manus eis imposuit, nullum eis hoc modo pascendi oues, siue, hoc modo interpretandi scripturas mandatum dedit. Docuerunt igitur à nemine ad id missi, suntque adeo Alieni, fures, latrones ac lupi. Possent multæ aliæ rationes ad conficiendam euidentissimē victoriam idoneæ in medium afferri, sed peculiaris id erit operæ ac libri, velut iam dixi.

Alter modus est iste, Tu verba hæc, *Bibite ex hoc omnes*, aliter accipis ac doceat spiritus sanctus per os Ecclesiæ, seu Pastorum loquens, Igitur ea perperam intelligis. Prius omnibus illis scripturæ locis doceri potest, quæ, velut dixi, Ecclesiæ ac Pastorum auctoritatem

Hhh 2 ca. II

Prior respon-
dendi modus.

Alter respon-
dendi modus.

*Funda, cuius
in inculandis
lapidibus usus
est.*

*Tertium quod
Laici cum He-
reticis pugnan-
tes facere debent
suo scilicet eos
gladio iugulare*

*Lutheri con-
fessio de aucto-
ritate Ecclesie.*

tam euidenter sanciant, vt id nemini neque Turcæ aut pagano ob-
scurum aut dubium esse possit. Atque isti sunt *limpidi illi Lapidex*
Torrente electi, quibus incircumcisorum Philistæorum frons oppu-
gnari, ipsique à paruulis gregis seu pastorum pueris percelli proster-
nique debent, dum tamen *Fundam* habeant, eaque lapides iaculari
sciant. *Funda* verò est eloquentia, siue verborum copia, aut dicendi-
facultas, etsi non magna cum scientia rerum coniuncta. Exemplo est
Appello ille Alexandrinus, *vir eloquens quidem & feruens Spiritu*, sed
qui parum admodum de Christo sciret. Itaq; aquila & vxor eius *Priscilla*
assumpserunt eum, & diligentius exposuerunt ei viam Domini, ac velut la-
pides limpidos ex torrente exceptos ei præbuerunt, quibus acceptis
contulit multum Ecclesie. Vehementer enim Iudeos reuincebat publice, osten-
dens per scripturas, Iesum esse Christum, Act. 18. Nunc videamus, quid

Gigante prostrato, Dauid porro fecerit.
Veritus ne viribus relictis hostis mox humo confurgeret, re-
pentè cucurrit, & stetit super eum. Et eduxit gladium de vagina ipsius
& interfecit eum. Similiter Dauides nostri Hæreticis euidenter
conuictis, ne mox frontem perfricent ac pudorem missum
faciant, instare, ac suo sibi gladio iugulare eos debent. Id faciet
exempli gratia, qui cum illustrissima scripturæ verba, quibus Eccle-
siæ commendatur & sancitur auctoritas, protulerit, ijsq; aduersari-
um apertè conuicerit, statim ipsius quoque Lutheri aut Caluini verba
eandem sententiam, probantia referat: cuiusmodi est locus hic in
Lutheri Postilla VVitteb. in concione de Natali Domini Luc. 2. Ecclesia Chri-
sti omnia Dei verba in corde suo conseruat, & cum inter se, tum col-
latione scripturarum expendit. Itaq; Christum inuenturus, Ecclesiam
prius inueniat necesse est. quo enim pacto sciatur, vbi sit Christus &
fides eius, nisi sciatur vbi sunt fideles eius? Et de Christo scire ali-
quid cupiens, nequaquam ipse sibi confidere, neq; rationis suæ opera pe-
culiarè sibi pontè, quo in cælum ascendat, fabricari, sed ad Eccle-
siam adire, eamq; visitare & consulere debet] Et tom. 7. Ger. VVitt. de
veteri Ecclesia fol. 561. Fateri coguntur, Ecclesiam esse Petram, cui por-
tæ inferorum non præualeant (Matth. 16. siue vt Paulus interpretatur,
columnam & firmamentum veritatis. Præterea in Symbolo quoq; di-
citur Ecclesia esse sancta, & Paulus 1. Cor. 3. Templum Dei sanctum
est, quod estis vos. Itaq; Ecclesia mendicium falsamque doctrinam
ferre nec vult, nec potest] Et mox Ecclesia non debet, neque po-
test mentiri aut falsum docere, ne in vnico quidè cap. Si vnum modo
menda-

mendacium doceat, iam ex toto falsum est, quod docet. quomodo
 verò res aliter habere se posset: cum Dei os sit os Ecclesiæ. Deus certè
 mētiri nō potest. Ergo nec Ecclesia. *Et hæc Caluini verba Institut. lib. 4. cap. 1. sect. 5.* Vnde sequitur, dignos esse, qui fame & inedia pereant,
 quicumque spiritualement animæ cibum per manus Ecclesiæ (*id est, per
 os Pastorum*) porrectum respuunt. *Et mox:* Sicut autem populum Iudaicum
 Deus non ablegauit ad Angelos. sed Doctores excitauit è terra,
 qui verè præstarent munus Angelicum (*Labia sacerdotis custodient scientiam,
 & Legem requirent ex ore eius, quia Angelus Domini est, id est, Legatus
 siue Nuncius, Malach. 2.*) ita & nos hodie humanitùs vult docere. **Ac**
 ficut olim non contentus fuit sola Lege, siue, sola Scriptura, sed Sacer-
 dotes addidit interpretes, ex quorum labijs populus requireret ve-
 rum illius sensum: ita hodie non tantum vult nos esse lectioni atten-
 tos, sed magistros etiam præficit, quorum opera adiuuemur. Cuius rei
 duplex est utilitas. nam ab vna parte optimo examine obedientiam
 nostram probat, vbi eius ministros non secus atque ipsum loquentes
 audimus: ex opposito, etiam nostræ infirmitati consulit, dum per in-
 terpretes humano more nos mauult alloqui, vt ad se alliciat, quàm
 tonando à se abigere. *Et Commentar. in illud Act. 15.* Visum est Spiri-
 tui sancto & nobis: Hoc, inquit, refellitur eorum improbitas, qui Fi-
 dem plenè buccis iactantes, Ecclesiæ ministerium impiè non minùs,
 quàm superbè contemnunt. Nam vt sacrilega esset partitio, si Fides
 vel in minimo articulo separatim ab homine penderet: sic ludibrio
 Deum palàm habent, qui præteritis ministris, per quos loquitur, il-
 lum se magistrum recipere simulant. *Similiter in Commentario Isai. 59.*
explanans verba illa: Spiritus meus, qui est in te & verba mea, quæ posui
 in ore tuo, non recedent ab ore tuo, & seminis tui vsque in sempiter-
 num, sic scribit: Ostendit Deum sic nos alloqui, vt hominum ministe-
 rio & opera vti velit. Posset quidem è cælo ipse loqui, aut angelos
 mittere: sed in eo magis nostri rationem habuit, quod per homines
 nostri similes nos conuenit, vt eorum voce & sermone omnia faci-
 liùs intelligamus. Hunc ergo ordinem in Ecclesia statuit, vt frustra ia-
 ctent, se Deo parere velle, qui eius ministros reiiciunt. Est autem eius-
 modi hæc promissio: Dominum sic affuturum Ecclesiæ, sicque eius
 curam habiturum, vt eam priuari doctrina numquam sinat, *id est, vt
 numquam desint Doctores in Ecclesia, in quorum ore sit Spiritus & verbum Dei:*
 Cum quibus conferri possunt hæc eiusdem Caluini verba in Comment.
Ezech. 13. Hodie videmus, vt Papistæ sibi Ecclesiæ nomen arrogant,

Et Caluini.

*Caluinus hic
 fatetur Eccle-
 siam numquā
 esse sine pura
 doctrina.*

H h h 3

quia

quia ab illis obtenditur perpetua successio. Et certè **COGIMUR** fateri, penes illos esse ordinarium ministerium.] Consequens igitur est, vt fateamini Spiritum & verbum Dei esse in ore horum Dei ministrorum, & Deum ipsum per os Episcoporum loqui, vt verè possint dicere: *Visum est spiritui sancto & nobis*, vt Deum ipsum rideat, qui ministros eius ridet.

CAPVT CXXI.

Caluini Confessio de legitima Pastorum Ecclesia vocatione.

Quem Caluinus putet esse verum Ecclesie Ministrum.

Cui scilicet manus sunt impositae.

Ab alijs Ministris similiter vocatis.

SIMILI ratione cùm illustrissima illa Scripturæ loca Catholicus Hæretico impeerit, quæ legitimos Pastores ac Doctores per impositionem manuum Presbyterij constitui, neque cuiquam gratiam Spiritus sancti ad munus illud necessarium aliter impertiri testantur, cui consequens est, vt Hæreticorum Magistri non sint Pastores, sed Lupi, fures ac latrones: statim ipsorummet Hæreticorum confessione aduersarium iugulabit. Cuiusmodi est hæc *Caluini Instituti. libr. 4. cap. 3. sect. 10.* Cùm ordine omnia & decenter in sacro cœtu gerenda sint, nihil est, in quo id seruari diligentius oporteat, quàm in constituenda Gubernatione: quia nusquam maius periculum est, siquid inordinatè geritur. Itaque ne homines inquieti ac turbulentii (quod aliàs futurum erat) temerè se ad docendum vel regendum ingererent, nominatim cautum est, ne quis sine vocatione publicum in Ecclesia munus sibi sumat. *Hebr. 5. Nemo sibi ipse sumit honorem, sed qui vocatus est, vt Aaron.* Ergò vt quis censeatur verus Ecclesie minister, primò **RITE** vocatus sit oportet: deinde, vt suæ vocationi respondeat, id est, **INIUNCTAS** sibi partes suscipiat & exsequatur] *hoc est*, permaneat in ijs, quæ didicit & quæ credita sunt ipsi, neq; conuertatur in vaniloquium, sed formam habeat sanorum verborum, quæ ab eo audiuit, à quo vocatus fuit, & custodiat depositum, deuotans profanas vocum nouitates & oppositiones *Hæresis* siue falsi nominis aut apparentis scientiæ, 1. Tim. 1. & 6. & 2. Tim. 1. & 3. Quid autem sit **RITE** vocari, sic *ibidem* Sect. 16. Caluinus declarat: Licet nullum exstet certum præceptum de Manuum impositione, quia tamen fuisse in perpetuo vsu Apostolis videmus, illa tam accurata eorum obseruatio præcepti vice nobis esse debet. *Et infra:* Hoc postremò habendum est, non vniuersam multitudinem manus imposuisse suis Ministris, sed solos Pastores, *sive Presbyteros, hoc est, Episcopos. 1. Tim. 4. Noli negligere Gratiam, quæ est in te, quæ data est tibi per imposi-*

impositionem manuum Presbyterij. Gratiam intellige Gubernandi seu regendi Ecclesiam (1. Cor. 12, 28. & Actor. 20, 28.) & alios Episcopos, Presbyteros ac Diaconos per impositionem manuum suarum constituend. 1. Tim. 5, 22. Tit. 1, 5. Actor. 14, 22. *Cum χειροτονήσας*, id est, impositis manibus constituissem illis per singulas Ecclesias Presbyteros & 1. Cor. 16. *Ne quis Timotheum spernat.* Opus enim Domini operatur, sicut & ego. id est, tam est Episcopus, quam ego. nam *Episcopatus est opus bonum*, 1. Timot. 3. cui qui præest, honore dignus est, etiam si minus laudabiliter præsint, neque sperni debet: sed si bene præsint, duplici honore dignus est, 1. Tim. 5, 17. Causa, cur Episcopus sperni non debeat, etiam si minus bene præsint, hæc est. quia est in illo Gratia Spiritus sancti, data ei per impositionem manuum: quæ quamvis ipsi nihil profit ad salutem, prodest tamen alijs, quos regit. Itaque sperni non potest, sine contemptu Spiritus sancti, cuius gratia propter gregis utilitatem data in ipso habitat. 2. Tim. 1. *Bonum depositum custodi per Spiritum sanctum, qui habitat in nobis* 1. Thess. 4. *Qui præcepta mea spernit, non hominem spernit, sed Deum, qui etiam dedit Spiritum suum sanctum in nobis*, nempe per impositionem manuum Presbyterij. quamvis enim Paulum Christus de cælo ad Apostolatam prius vocasset, voluit nihilominus ut ab Episcopis Antiochiæ consecratus per impositionem manuum ad opus suum, pascendi nempe oves Christi, Gratiam Spiritus sancti potestatemque acciperet, Act. 13. idque nullam aliam ob causam Calvinus factum ait. *quàm ut ordinaria Ecclesia Mysterio commendaretur*: qui Calvinus in illud Matth. 28. *Ecce ego vobiscum sum (cum docentibus & baptizantibus, siue, cum ordinarijs Pastoribus)* omnibus diebus usque ad consummationem sæculi, ita scribit: Notandum est, non solis Apostolis hoc esse dictum, quia non in vnam modò ætatem, sed usque ad finem mundi Dominus auxilium suum promittit. Negari ergo nequit, iam inde ab Apostolis nunquam vlla die Pastores rectè docentes ac baptizantes defuisse, adeoque Pastores non sunt, qui ab alijs Pastoribus Gratiam Spiritus per impositionem manuum non acceperunt. *Beza Tomo 1. tractat. Theolog. in de necessitate Confessione fidei bap. 5. de Ecclesia § 28. fol. 44.* Serio admonemus pios omnes, ut diligenter inquirent in eos, qui præterita legitima & ordinaria vocatione, quoties aliquis est ei locus (*sicut semper esse iam demonstratum est*) ultro ad Ministerij functionem accedunt. Certum enim est, eiusmodi homines cum non nisi à malo Spiritu impellantur, etiam si ad tempus simulent Pastorum vocem, tamen Lupinū ingenium tandem prodere, cum fera plerumque miserarū ouium poenitentia

Paulus per impositionem manuum factus Episcopus.

Beza confessio de necessitate legitima vocationis.

*Ecclesia defini-
tio auctore Be-
za.*

*Hæreticis, qui
dicunt se nihil
curare Luthe-
rum aut Calui-
num quid re-
spondendum.*

*Omnes Prote-
stæ es sunt Lu-
theri discipuli.*

*Interpretatio
vera Scriptura
est Lumen in
tenebris.*

*Falsa interpre-
tatio perdit in-
terpretæ Et eū
qui eam am-
plectitur.*

rentia. Idem Tomo 3. tract. Theol. epist. 5 fol. 202. Nisi te à Pastoribus legi-
timis doceri sustines, quo tandem iure potes inter oves Christi cen-
seri? Et epist. 24. fol. 235. Ecclesia Christi est cætus hominum Euange-
lium Christi profitentiū, in quo per ministros ad hoc vocatos, Evan-
gelij doctrina purè traditur & Sacramenta ex verbo Dei administran-
tur.] Lutheri verba, quibus eadem confitetur, nimis longum sit addu-
cere. Peter ea, qui vult, ex libro meo Germanico, quem *Humiliatio-
nem Protestantium* inscripti, à folio 41. vsque ad folium 48. & inueniet,
vel in illis solis ad iugulandos Protestantes, eosque tam Calvinianos,
quàm Lutheranos plus satis momenti inesse. Neque enim quicquam
refert, quod multos Prophetarum suorum Lutheri, Caluini, ac simi-
lium vsque eò pudet, vt sibi cum ijs quicquam negotij esse negent, se-
que vnus Scripturæ ductum sequi dicant, cui si quid sit analogon seu
conueniens, nihil se morari, à quo tandem id prius prolatum fuerit.
Sed per facile est, eiusmodi perditam friuolamque defensionem eis
extorquere. *Fides enim ex auditu est* (ait Apostolus Rom. 10.) *quomodo
namque credent, de quo non audierunt?* Itaque Isaias: *Domine, inquit, quis
credit auditui nostro?* Et Paulus 1. Thess. 2. Verbum Dei appellat *verbum
auditus Dei*. Ergò sententiam illam, quam veram credis, ex alio audiui-
sti. quis autem ille est, nisi vel pater, vel magister, vel quis alius notus
aut amicus? Is porro vnde audiuit? nempe ad Lutherum tandem refe-
raris necesse est. Itaque qui sunt candidioris animi & à callidis id ge-
nus dissimulationibus remoti, quemadmodum etiam illi, qui fron-
tem bene ac nauiter perfricuere, Lutheri se discipulos esse ingenue
confitentur. Exemplo sunt Germaniæ Electores, Principes, Reguli,
Ciuitates, cum suis Prædicantibus, qui sua *Concordiæ libro* nomina sub-
scripsere, quorum verba, simulque Caluini Lutherum pro magistro
ac Viæ Duce agnoscantis Confessionem supra cap. 102. pag. 139. posui.
quomodo verò non id fateantur, quod sine summæ siue stoliditatis,
siue impudentiæ nota negare nequeunt? Verbum namque Dei rectè
intellectum est *Lumen*, quod homines ex vmbra mortis & caligine ad
lucem perpetuam educit, Psal. 118. *Declaratio sermonum tuorum illumi-
nat. Lucerna pedibus meis verbum tuum*, rectè nempe declaratum. nam i-
dem perperam intellectum est *Mons caliginosus ad quem pedes offendant*
oportet, Ierem. 13. 16 Plurimum ergò cuiusque refert, quo Duce in te-
nebris vratur, siue, cuius Doctoris interpretationem Scripturarum in
rebus ad salutem necessarijs pro vera habeat. nam qui Scripturæ verba de-
prauat, est Dux cæcus, qui simul cum eo, quem ducit, cuique suam in-
ter pre-

interpretationem persuadet, in foueam cadit. 2. Petri 3. In Pauli epistolis sunt quedam difficilia intellectu, quæ indocti & instabiles deprauant, sicut & ceteras Scripturas, ad suam ipsorum perditionem. Hæc ergo præscientes, vos custodite, ne insipientium errore (siue falso Scripturæ intellectu) traducti excidatis à propria firmitate, crescite verò in gratia & cognitione Christi. Ergò qui non cauent, neque se custodiunt ab eo, qui perperam Scripturas interpretatur, ij excidunt gratia & cognitione Christi, ac simul cum Doctore suo perduntur. Hoc ipsum ex alia Parabola, qua Verbi Administratio cum Oeconomia confertur, planum fieri docerique potest. Verbum enim Dei rectè dispensatum, est Panis vite. Matth. 4. Non de solo pane viuit homo, sed de omni verbo, quod procedit de ore Dei. Non autem rectè dispensatur verbum nisi in domo Dei, siue in Ecclesia, à Pastoribus & Doctoribus, qui sunt Dispensatores mysteriorum Dei, 1. Cor. 4. rectè tractantes seu partientes verbum veritatis, 2. Tim. 2. Sed idem Dei verbum extra Ecclesiam, aut ab eo dispensatum, qui vel munus & officium Dispensatoris non accepit, vel ab Oeconomo illo, quem constituit, Dominus super omne famulitium (siue, super ceteros famulos ac dispensatores, ut det illis in tempore tritici mensuram, siue, ut metiatur vnicuique quo se ac suæ curæ commissos pascat, Luc. 12.) dispensatione abactus & ex domo eiectus fuit, est Panis mendacij: quia qui eum comedit, verbum Dei comedere se putat, sed reuera non magis comedit, quàm qui dormiens comedere se somniat. Pro. 23. Ne desideres de cibis eius, in quo est Panis mendacij Isai. 32. Fraudulenti vasa pessima sunt. Ipse enim cogitationes concinnauit ad perdendos mites siue credulos, in sermone mendacij, ut vacuam faciat animam esurientium. Isai. 29. sicut somniat esuriens, & comedit, cum autem fuerit expergesactus, vacua est anima eius: Sic pereunt, erit multitudo omnium gentium, quæ dimicauerunt contra montem Sion, siue Hæreticorum Ecclesiæ rebellium. Oseæ 9. Scitote Israel stultum Prophetam, insanum virum spiritualom. Propheta laqueus ruina factus est super omnes vias eius (populū falsa Scripturæ interpretatione irretuit & decipit, de quo vide supra cap. 22.) Area igitur & torcular non pascet eos, & vinum mentietur eis. Panis eorum non intrabit in domum Domini Oseæ 10. Arafis impietatem, iniquitatem messuistis, comedistis frugem mendacij, quia confisus es in viis tuis. Igitur palàm nugæ agunt, qui sua nihil interesse dunt, cuiusmodi Lutherus, Caluinus, alijque, quorum ipsi sententiam aduersus Ecclesiam tuentur, fuerint. Si enim non fuerunt fideles dispensatores Domini in domo eius, certè doctrina eorum est Panis mendacij: quam qui probant, ijs non est pars, neque sors in

Verbum Dei rectè intellectum est Panis vite.

Malè intellectum est Panis mendacij.

Quem qui comedunt, fame pereunt.

Falsi interprete sunt præstigiatores, qui faciunt homines.

sermone Domini, & quamuis à præstigiatoribus fascinati (quemadmodum Paulus loquitur Galat. 3. *Quis vos fascinauit, non obedire veritati?*) comedere se somnient ac verbo Domini pasci sibi videantur, reuera tamen fame contabescunt.

CAPVT. CXXII.

Alia ratio convincendi eos, qui negant se curare auctoritatem Doctorum suorum.

Haereticorum Servis discipulos eorum convincere est ipso gladio suo iugulatio.

Ex suo Spiritu loquentes nihil vident neque intelligunt in rebus divinis.

DENIQUE vt compendio quodam ingentem eorum stoliditatem declarē, qui cum in præcipuis Fidei capitibus eam tueantur ac veram credant sententiam, quam Lutherus, Caluinus & similes, ipsorum auis, parentibus, propinquis, cōcionatoribus aut Magistris ab Ecclesiæ cōmunionē alienatis persuaserunt, eorū tamen discipulos se videri nolunt: perinde faciunt ac si se dicant esse *cives* in ciuitate Dei, sed nulli magistratui Indiciq; subditos: *oues* gregis Christi, sed nulli Pastori creditas: *discipulos* in schola Christi, sed à nullo Præceptore discipulos: *miles* in castris Christi, sed nullius Imperatoris, Tribuni, aut Centurionis dicto audientes: *viatores* ad Christum proficiscentes, sed sine Duce, qui viam teneat, & commōnstret: *membra* corporis Christi, sed oculata, nec lumine oculi, qui est in capite, vtentia: *filios* matris Ecclesiæ, sed sine patre (qui per Euangelium eos Christo genuerit: *navitas*, siue *vectores* potiùs, in naui Christi, sed sine nauclero aut Gubernatore: *conuiuas* ad cenam magnam itantes, sed à nemine inuitatos: *arbores* frugiferas in Christi pomario, sed nullo hortulano rigante aut plantante: *lapides* in templo Christi, qui super fundamētum ædificentur, sed sine architecto: *piscēs* in sagena Christi, sed à nullo piscatore conclusos: *manipulos* frumenti, qui in area Christi triturentur, sed sine boue: *iumenta* clitellaria, iugum aut onus Christi ferentia, sed sine sagmario vel agasone aut mulione. Quæ omnia cum palam sint absurdissima, non possunt certè, quin se Lutheri, Caluini aut similitudinē discipulos esse fateantur. Itaque horum verba pro Catholica sententia aduersus discipulos proferre, nihil est aliud, quàm ipsos gladio suo iugulare & caput eis abscidere. Si enim in hoc Doctores eorum mentiti fuerunt, quod Catholicis largiuntur, non fuit Spiritus Veritatis per os eorum locutus, sed vel ipsi ex se id dixerunt, vel Satan fuit Spiritus mendax in ore eorum, vt eos vtrovis modo Pseudopphetas & Impostores fuisse oporteat. Si enim suum Spiritum secuti fuerunt, dixeruntq; quod eis libuit, nihil eos in rebus diuinis vidisse certum est. Ezech. 13. *Va Prophetis insipientibus, qui sequuntur Spiritum suum, & nihil*

& nihil vident, cum Dominus non miserit eos. Visionem cassam vident, & loquuntur mendacium. Deut. 18. Quod in nomine Domini Propheta prædixerit, & non euenerit, hoc Dominus non est locutus, sed per tumorem animi sui Propheta confinxit. 2. Pet. 1. Omnis prophetia Scripturæ propria interpretatione non fit (id est, nemo Scripturam proprium Spiritum sequens interpretari potest, sed dono Spiritus sancti ad id opus est) nec enim voluntate humana allata est prophetia, sed Spiritu sancto inspirati locuti sunt sancti Dei homines. 1. Corint. 2. Quæ sunt Dei, nemo cognouit, nisi Spiritus Dei. Animalis homo, qui Spiritus sancti peculiarem gratiam ad interpretandum sermones necessariam non accepit, non percipit ea quæ sunt Spiritus Dei, & non potest intelligere. Sin autem Satana inspirante ijdem Doctores eorum locuti fuere, cuiusmodi totam eorum doctrinam esse oporteat, facile quiuis collegerit. nam quod alternis vicibus Satan & Spiritus sanctus per os eorum docuerint, hic Veritatem, ille mendacium, sine multo maxima & compertissima impietate stultitiaque credi nequit. Si enim mendacium Satana inspirante locuti sunt, nempe membra corporis Christi non fuerunt, Ezech. 13. Prophetæ, qui vident vana, in concilio populi mei non erunt, & in Scriptura domus Israel non scribentur. Ezech. 14. Prophetæ cum errauerint, delebo eum de medio populi mei, siue, non erit membrum populi, adeoque nec eodem Spiritu præditus. Nam unum corpus est, & unus Spiritus. Ephes. 4. Itaque suo sibi gladio amputatum est caput Hæretico, cum eius verba, cuius ipse doctrinam sequitur, cuiusque velut Capitis sui oculo videt, pro causa nostra aduersus ipsum adhibentur.

Ex Spiritu Satana loquentes
mentium: vr.

Qui non manet in Ecclesia,
non habet Spiritum Dei.

CAPVT CXXIII.

NEQUE tamen is solus est modus, quo suo Hæreticos gladio Dauides nostri iugulare queat. Si enim pleraque omnia eorum adhibeant, quibus Hæretici alioquin ad conficiendam Victoriæ opinionem vtuntur, idem nempe operæ pretiū fecerint. Nam vt Aristoteles 2. Sophist. Elench. 2 scribit, sicut probabiles nonnunquam rationes ad rem probandam potius adhibenda sunt, quam veræ (si scilicet is, cui persuasum cupimus, veras perspicere nequeat, probabilibus autem facilius cedat) ita in respondendo interdum ad opinionem potius, quam ad Veritatem conferenda nobis sunt argumentorum dissolutiones. Cum hominibus enim contentiosis, qui quoquo modo vincere volunt, siue id gloriæ solius causa faciant, quos episcopus noster quædam Litigiosos & cõtentionis cupidos vocant,

Alij modi Hæreticos suo gladio iugulandi.

Argumentis & responsionibus personalibus siue ad hunc minem, siue ad eundem.

siue gloriam & scientiæ opinionem sui quæstus causa aucupentur, quod Sophistarum est (ἡ δὲ σοφιστικὴ ἐστὶ χρηματικὴ τις ἀπὸ σοφίας παίρω-
 vens, Est enim Sophistica ratio quæstus faciendi ex ea, quæ tantum vi-
 deatur, sapientia) Cum vtrisque ergo planè sic nobis pugnandum est,
 quasi cum ijs, qui videantur tantum convincere, sed reuera non conuincant.
 nec enim eos dicimus Syllogismo concludere, ac propterea curandum nobis est, ut
 neque videantur Syllogismo conclusisse. hoc est, quia reuera solidis ar-
 gumentis non vtuntur, sed ijs tantum, quæ solida videantur, nobis
 eodem modo laborandum est, ut videantur solidis argumentis vfi
 non esse, etiam si nos minimè solidis rationibus id doceamus, dum
 modo probare videamur. *Exempli gratia.* In Colloquio postremo
 Ratisbonensi Sessione XII, diu altercatum fuit, vtrum esset aliquid
 saluari cupientibus necessariò credendum, quod nec in Scriptura ex-
 pressè siue disertim dilucidè, verbisque perspicuis, exstaret, nec sine
 auctoritate Ecclesiæ euidenter ex sacris literis deduci posset. Nostro-
 rum hoc fuit argumentum:

*Exemplum ex
 Colloquio Ra-
 tisbonensi.*

Paruos esse baptizandos, necessariò tenendum est à fidelibus.

*Atqui hic articulus nec in Scriptura expressè exstat, nec ex ea euidenter
 deducitur, seposita auctoritate Ecclesiæ.*

*Ergo aliqui articuli, qui nec in Scriptura expressè exstant, nec ex ea eiden-
 ter deducuntur, necessariò ab omnibus obseruandi sunt.*

*Hæreticorū ar-
 gumenta falsa,
 sed non eiden-
 ter.*

*Catholicorum
 Theologorum in
 in Colloquio
 consilium.*

*Eristica Dispu-
 tationes Thee-
 logis fugienda.*

Hic Hæretici Assumptionem seu minorem propositionem negarunt,
 callideq; nostrorum permisso (quæ non vulgaris eius disputationis
 menda videri debet) partibus commutatis ex contradicentibus siue
 opponentibus respondentes facti, operosè id egerunt, ut Paruos
 baptizandos esse, etiam sine auctoritate Ecclesiæ, ex Scripturis pro-
 bari posse vincerent, vel potiùs, vincere viderentur. Eam ad rem ar-
 gumentis vfi sunt friuolis quidem illis ac falsis, sed quorum nonnulla
 auditori minùs acriter intelligēti, neq; magnum Scripturarū ac Theo-
 logiæ vsum habenti valdè verisimilia videri multisq; verborū ambagibus
 maiorē probabilitatis speciem accipere possent. Nimirū Theologi
 nostri inuicti Veritatis robore confisi, neq; quicq; à persona sua
 alienum facere volentes. hoc est, Veritatem argumentis probabilibus
 potiùs, quàm veris tueri indignum ducentes, Euidentem Victoriā
 de manibus amiserunt, hoc est, non ita vicerunt, ut ipsi auditores, et-
 iam Lutherani, perspicere ac tantum non manu palpare possent, eos
 Victoriā obtinere. Atq; hoc est, quod iam olim docere conor, *Eristi-
 cas* scilicet siue Contentiosas disputationes, quibus id vtriq; parti p-
 positum

posirum est, vt ne aduersarius vincere videatur (quales sunt omnes cum Hæreticis disputationes, cum illi non modo contentiosi, sed etiam sophistæ sint, hoc est, quæstui suo consulant, eiusque causa scientiæ ac victoriæ opinionem aucupentur. Nam nisi vincere, ac plus quam Catholici, in religionis negotio sapere videantur, actum iam de ipsis est, possuntque cum vxoribus ac liberis stipem vicatim & ostiatim corrogare ac mendicare) eiusmodi ergo Eristicas disputationes nequaquam Theologis ac Pastoribus conuenire. *Seruum enim Domini*, vt ex Paulo supra docui, *non oportet litigare, sed didactivum Docibilem esse*. hoc est, Pastorem ac Doctorem non decet Disputatione vti Eristica, sed *Didascalica*, id est ad docendum apta. Ea enim & finem habet propositum, & Mediis vtitur, quæ utraque Theologi persona ac grauitate digna sint. *Finis* enim proprius ac proximus est, vt alter doceatur, siue vt animus eius scientia veritatis imbuatur. *Media* sunt propria scientiæ cuiusque principia, quæ nequaquam ab eo vim habent quod alteri concedere & assentiri visum fuerit: cuiusmodi sunt in Theologia, sacrorum Bibliorum codices, Concilia à Pontificibus confirmata, Pontificum Decretales Epistolæ ac sanctorum Patrum consensus. *Sicut Turris David collum tuum* (ait Ecclesiæ Salomo Ecclesi 4.) *que edificata est cum propugnaculis, mille clipei pendent ex ea, omnis armatura fortium*, Theologia nempe est collum Ecclesiæ, de qua & Psalm. 149. *Exaltationes Dei in gutture eorum*. In hac Theologia est omnis armatura fortium solida nempe doctrina omnia Hæreticorum cõmentia neruosisime elidens & iugulans: qua tamen non nisi apud eos, qui digni sunt, vtendum esse supra docui, ne margaritæ ante porcos mittantur, aut sanctum canibus detur. Sed Eristicarum seu contentiosarum Disputationum *finis* proximus est opinio scientiæ seu victoriæ. Utraque enim pars propositum habet, vt plus scire, seu verius sentire seu vincere videatur, efficere. quod quidem minimè videtur viro graui conuenire, tametsi ad alium finem, probabilem illum ac honestum victoriæ ac scientiæ opinionem collineet. *Media* vero, quorum in eiusmodi Disputationibus ad assequendum finem vsus esse solet, multo etiam magis grauitatem Sacerdotis ac Theologi dedecent. Ac propterea noluerunt nostri in Ratisbonensi colloquio, quo maximè poterant, eo genere argumentorum vti, quod victoriam ipsis quamuis Euidẽtem, nequaquam tamen solidam conficeret. si enim Minorem illam suam propositionem argumento κατὰ

Iii ;

απορώτερον

Hæretici omnes contentiosi & sophistæ.

Theologi conueniunt disputationes Didascalica.

Earum disputationum Finis. Media.

Eristicarum disputationum Finis.

Media.

*Heretici Ratis-
bona argumēto
adhominem
potuissent cui-
dentis conuen-
ti.*

προσωπῶν, seu personali, siue, ad hominem & ab eo, quod aduersarius assen-
tiretur, vires habente probauissent omnium etiam sutorum sarto-
rumque Lutheranorum, si minus confessione tacita certè exi-
stimatione victores discessissent. Est autem argumentum eius-
modi:

*Quem Fidei articulum ex scripturis seposita Ecclesie auctoritate probare
nequit is qui ad articulos fidei rectè ex scripturis docendos instar Elie ac Iohan-
nis Baptiste, singularia & excellentissima Spiritus sancti dona accepit, is ar-
ticulus ex scripturis seposita Ecclesie auctoritate probari nequit.*

*Sed hunc articulum, Paruulos esse baptizandos, Lutherus seposita
Ecclesie auctoritate ex scripturis probare non potuit, qui tamen ad articulos
fidei rectè docendos & ex scripturis probandos, Elie ac Iohanni Baptista simi-
lis factus, excellentissimisque ac singularibus Spiritus sancti donis illumina-
tus fuit.*

*Ergò articulus hic, Paruulos esse Baptizandos, non potest ex Scri-
pturis probari seposita Ecclesie auctoritate.*

*Lutherus ex
scripturis Pa-
dobaptismum
probare non po-
tuit.*

Minor est bimembris. Prius membrum, quod articulum illum
ex scripturis probare Lutherus non potuerit, statim illis eius verbis
quæ supra extremo Capite LXXV 1. pag. 254. retuli planum fecissent,
rogatis ipsis Lutheranis Principibus, vt aliquem ex medio Luthe-
ranorum siue Sermocinatorum, siue Auditorum lectorem excita-
rent. Id enim ad Evidentiam victoriæ non minimum attulisset mo-
menti. Sic nempe secum Lutherani cogitassent: Hem tibi Luthe-
ri verba ex ipsius libro à nostræ fidei socio optima fide palàm recita-
ta, quibus Lutherus cum ex professo Baptismum paruulorum ad-
uersus Anabaptistas tueri contenderet, apertè tamen fatetur ex scri-
pturis articulum illum satis firmiter probari non posse vicerunt er-
gò Iesuitæ, nostrosque Prædicantes insignitè impudentes esse oport-
et, qui sic apertè ac pertinaciter non tam Iesuitis, quam Lutheri
contradicere audeant. Posterius membrum, quod Lutherus tam
insignis Propheta, tertius Elias & Spiritu sancto præ omnibus con-
sortibus suis vnctus fuerit, testimoniis omnium Imperij Principum
atque Ordinum Concordiæ libro subscriptorum, itemque Caluini
Bezæ, Ambrosii, quæ supra pag. 43. & 339. protuli, docuissent,
Sed enim indignum factum visum illis fuit, argumento vti minime
vero, quamuis ad victoriam facile atque euidenter consequendam,
& excludenda omnia Aduersariorum argumenta accommodatis-
simo

*Lutherus ha-
betur à suis
tertio Elie &c.*

*Catholici The-
ologi eiusmodi
argumento vti
noluerunt.*

fimo & efficacissimo. Neque vero iudicium eorum reprehendo, meritoque adeo Theologis Eristica disputatione supersedendum, & quoties Hæreticorum insolentius se iactantium proteruiam minui, ipsosque in ordinem redigi res postulat) quod alioquin periculum sit, ne nos qua Lutherani, qua infirmiores Catholici causæ nostræ diffidere existiment) paruulos gregis & Funditores, limpidissimis lapidibus ex torrente exceptis instructos, cum eis committendos puto. Nam Theologos, velut duplicatorios, & grauis armaturæ milites, sine gladio in hostem prodire nequaquam decet, ut autem gladium Spiritus, *armaturam Fortium*, hoc est, disputationem Didascalicam stringant, hostis non permittit indignitas, cuius vili sanguine gladium illum imbui non oportet. Reliquum ergo est ut suo sibi gladio hostis ab ipsis iuguletur, quod quàm à persona Theologi, Fortisque bellaotris alienum sit, iam ostensum est. Sed *paruuli gregis*, siue homines Laici, multa dicere ac facere, & quibus modis Hæretici scientiæ ac victoriæ opinionem conficere solent, eisdem cum venia aduersus ipsos uti possunt, cuius generis etiam hæc sunt, quæ Aristoteles commemorat. I. Multum loqui siue, longa oratione uti. multa enim simul providere aduersario difficile est. II. Celeritatem in loquendo adhibere, ut alter, præsertim tardior, festinantem consequi nequeat, nec quid dicat facile providere. III. Adversarium ad iram & contentionem provocare, aut palam se iniquum ipsi profitendo, aut maximam impudentiam præferendo. IV. Perturbatè seu confusè argumenta sua collocare. V. Id quod intendat quodque argumentatione concludere velit, occultare. VI. Occasionem aduersario præbere ut aliquid dicat repugnans, aut iis, quæ ipse dixit, aut eorum sententiæ, quorū orationē & actiones maximè probet ac sequatur. *ὁ μολογῇ καλῶς λέγειν ἢ πρᾶττειν*. Atq; hoc imprimis spectare omnes Sophistæ solēt, ut aduersariū faciant videri sibi metipsi cōtradicere: quo consilio Lutherani SS. Patrum testimoniis nonnunq̃ in causa utūtur. VII. Operam dare ut aliquid, dicat aduersarius, quod aduersetur opinioni eorum, qui vel reuera sapientes sunt, vel tales videntur, aut quod vel omnibus hominibus vel maximæ parti contradicat. VIII. aduersario vel nimis vrgente, vel acriter se defendente distinctionē aliquam cōminisci, ac si quid vno modo verum sit, altero nō item illo, non hoc modo sese accepisse dicere. Cuius artificii in n̄ Ratisbonensi colloquio non oblitī fuere Lutherani IX. supuacua in medium

Idque rectè.

Nō enim Theologorū grauitatem satis decessit.

Sed Laicum qui non sit Theologus, nimè dedecet. Variæ Hæreticorum artes. bus efficiunt ut victores videantur.

afferre

afferre, & quod controuersiam non habet ac patet, operosè probare, aut ea, quæ ab aduersario dici confinxerit, magno conatu refellere. id quod in Augustana confessione eiusque Apologia passim ac pœnè perpetuo factum videmus. X. aduersarii argumenta contemnere ac iocosè eleuare, tamquam indigna, quibus refellendis vel minimum opere tribuatur. XI. ipsum hominem siue, personam aduersarii in contemptum, odium aut inuidiam adducere. XII. disputationem ad alia traducere, & vel posterius oportuniore loco de re proposita dicturum se promittere, vel iam supra satis responsum esse dicere, Et in aduersarii oportunitatem eadem sepius iterare tempusque calumniis inutiliter terere contendenti inuehi. Istorum pleraque Philosophi grauitate aliena sunt, ac plerumque cum officio viri boni non satis conueniunt: quibus tamen aduersus Hæreticos iisdem armis veritatem oppugnantes laudabiliter vtendi copia est. nam vt ait poëta:

*Iisdem artibus
aduersus ipsos
ipso. Si fas est
ne Victores Vi-
dentur.*

Ποτὶ πονηρὸν ἐκ ἀχρεῖον ὄπλον ἡ πονηρία.

Improbum in virum improbitas telum haud sanè est inutile.

Loquor de illo Improbitalis genere, quod ἀδικομαχίαν ἐπισκην, quãdam in concertando iniquitatem Aristoteles vocat, qualis est in lucta, pugillatu, aliisque gymnasticis certaminibus, vbi velut ait Pindarus,

Χρὴ πᾶν ἐρεδοντ' ἀμαυρῶσαι τὸν ἐχθρόν.

Facere omnia oportet, vt cadat aduersarius.

*Sunt enim na-
tura sua indif-
ferentes.*

*Hæresi facien-
dum est, quic-
quid ipsa fecit.*

*Vt euidentes
vincantur.*

Sunt enim pleraque istorum natura sua indifferentia, quibus bene ac male pariter vt licet. Si quis gloriæ aut quæstus causa vtatur, mala sunt: bona vero, si quis iisdem, ne veritati Sophistæ fraus officiat, & in errorem alios inducat, effecerit. Sic enim Hæresi, Babylonis typo figuratæ, faciendum esse, ex Ierem. 51. discimus: *Reddite ei secundum opus suum: Omnia quæ fecit, facite illi, quia contra Dominum erecta est, aduersus sanctum israel. Ideo omnes viri bellatores eius conticescent, siue obmutescere cogentur. Omnes qui intenditis arcum (quasi dicat, omnes Laici eloquentiæ studiis exculti) debellate eam, non parcatis iaculis, quia Domino peccauit. Clamate aduersus eam (quasi dicat, ne illa quidem vana & inania belli, quæ non minimum ad victoriam faciunt, vobis indigna ducite. Cuiusmodi vero sint ea, supra Cap. 85. pag. 284. dixi) vbique dedit manum suam, id est euidenter victa est: ceciderunt fundamenta eius (denudata ac reuelata sunt. Habac. 3. & Ezech. 13. vt omnes iam perspiciant, quam falso locis scripturæ pro fundamento sententiæ suæ vsa fuerit*

fuerit) destructi sunt muri eius quoniam ultro Domini est. Posthæc à Quo facto locus
facie gladij columbe unusquisque ad populum suum conuertetur, & singuli ad est Disputatio-
terram suam fugient, quasi dicat: postquam sic euidenter à sagittariis siue ni Didascalia.
funditoribus Babylon siue Hæresis conuicta fuerit, tum populi, qui
in errore captiui fuerant, Gladio columbæ siue Spiritus sancti, hoc
est verbo Dei per Sacerdotes prædicato, singuli ad Diæcesin suam
atque ad obedientiam Episcopi sui redigentur.

CAPVT CXXIV.

ATque hinc illud simul discere possumus, ei qui Arcum non in-
tendit aut Funda iaculari nescit, hoc est, homini neque facundo, Indoliores Ca-
neque illustrioribus scripturæ locis ad Ecclesiæ Pastorumque aucto- tholici non de-
ritatem pertinentibus, instructo, committendum non esse, vt He- bent congrega-
resin debellare aut cum Hæreticis congregi ac disputare velit. Non cum Hæreticis
tali auxilio, nec defensoribus istis Tempus eget omninoque præclare se mu-
nere suo functum, qui talis est, existimare debet, si quotiescumque
ei religionis causa negotium exhibetur, eam fidei suæ rationem red-
dat, quæ & cum modestia sit coniuncta, neque in ambiguum ac pe-
riculosum cum callido aduersario certamen eum demittat: quod
quidem Apostolus monet 1. Pet. 3. Parati estote semper, ad satisfactio-
nem omni poscenti vos rationem de ea, quæ in vobis est, spe & fide, sed cum mo-
destia & Timore. Talis autem ratio, neque idiotis & illiteratis diffi-
cilis, vel ex Apostolorum Symbolo disci potest. Credimus namque
Sanctam Ecclesiam Catholicam & sanctorum communionem. Si Ecclesia
est Sancta, oportet vt fides eius sancta sit, siue, vt Ecclesia sanctifi-
cetur per verbum Dei prædicatum, ex cuius auditu fides nascitur,
& per Sacramenta, quemadmodum Paulus Ephes. 5. de Christo di-
cit, quod Sanctificarit Ecclesiam mundans eam Lauacro aquæ in verbo vitæ,
vt non habeat maculam, neque rugam. Et Christus ipse Iohan. 17. San-
ctifica eos inquit, in veritate. Verbum tuum veritas est. Si Catholica est, siue,
Vniuersalis (Germanicè, Allgemain, non, Christlich, quemadmodum
Lutherus callidè reddidit non potest multis sæculis sine prædica-
tione verbi diuini fuisse neque finibus vnus tantum Regni seu pro-
uinciæ contineri, sed oppottet, vt vniuersis temporibus durarit
& orbem vniuersum peruaferit Matth. 28. Euntes docete omnes
Kkk Gentes

Quomodo sue
fidei rationem
reddant

Ecclesia sancta.

*Relia doctrina
& rella sacra-
mentorum ad-
ministratio du-
rat omnibus
diebus.*

*Vera religio
omnibus popu-
lis & in omni-
bus linguis.
prædicanda.*

Gentes & baptizate eas: & ecce ego sum vobiscum (hoc est, cum iis, qui docent & baptizant) *omnibus diebus usque ad consumationem seculi* Psal. 86. qui loquitur de Ecclesia Christi Hierosolymis inchoanda & per vniuersum orbem in omnibus linguis propaganda (sic namque est in sumuario eius Psalmi, quod *Vitus Theodoricus* Noribergensium Pseudapostolus & Lutheri cooperatore composuit, velut in Lutheri Bibliis Francofurti anno 1606. editis legitur) eo igitur Psalmo hæc leguntur: *Fundamenta eius in montibus sanctis. Gloriosa dicta sunt de te, ciuitas Dei. Memor ero Raab & Babylonis scientium me. Ecce alienæ, & Tyrus, & popul^o Aethiopū, hi fuerunt illic. Nunquid Sion dicet, Homo, & hominatus est in ea: & ipse fundauit eā Altissim^o. Domin^{us} narrabit in scripturis populorū horū q̄ fuerunt in ea.* Lutherus hoc sensu in Germanicū ea cōuertit: *Firmiter fundata est (Ecclesia in montib^{us} sanctis. Gloriosa in te prædicantur, o Ciuitas Dei. Faciam prædicari Aegypto & Babylonī, vt me sciant. Ecce Philistæi, Tyrii atq; Aethiopes in ea nascētur. Dicetur Sioni, q̄ omniū gnerū homines in ea nascantur, q̄q; Altissim^o ipse eam ædificet. Dominus prædicari faciet in omnib^{us} linguis, vt illorū (qui nempe omnibus ex linguis sua quisque loquuntur) aliqui in ea nascantur.* Psalmo 71. quem Lutherus de regno Christi siue de Ecclesia loqui testatur *Adorabunt eum omnes Reges terræ, omnes gentes seruient ei: sit nomen eius benedictum in secula: ante solem permanet nomen eius: omnes gentes magnificabunt eum.* siue, Luthero interprete: *Nomen eius perpetuò manebit: donec sol durabit, nomen eius ad posteros propagabitur: Glossæ loco addit Lutherus: Semper & sine intermissione nomen eius prædicabitur, & quamuis seniores moriantur id tamen facient posterī. Qualis verò sit illa nominis Christi prædicatio, perpetuo durans, his eiusdem Psalmi verbis significatur: Et erit frumentum (Hieron ex Hebræo: Et erit memorabile triticum) in terra in summis montium, super extolletur super Libanon fructus eius: & florebut de ciuitate sicut sanum terræ: quæ verba sic interpretatur Lutherus: In terra in summitate montium spississimæ segetis erit frumentum, cuius fructus instar Libani motitabitur, & virescet in ciuitatibus, sicut gramen in terra. Et in glossa: sicut mons Libanus creber est arboribus & motitatur cum vento collisæ arbores sonant: tam crebra etiam erit seges Euangelii, id est, Euangelium & Christianismus vberriimè crescent & augebuntur. Psal. 101. quem idem Vitis ait Christi orationem esse: *Fili seruatorum tuorum habitabunt, & semen eorum in seculum dirigitur.* Serui sunt Episcopi seu Pastores, qui Christo per Euangeliū gignunt filios (1. Cor. 4.) de quibus eodem Psalmo: *Placuerunt ser-**

uis tuis lapides eius, nempe Ecclesiæ, quam ædificant Pastores (Ephes. 4. cum Gentiles conuertunt, ac velut lapides superædificant. Pet. 2. & 1. Cor. 3. Horum seruorum filii in æternum habitant & diriguntur. id est, Ecclesia nunquam deficit, semper dirigitur verbo Episcoporum, & semper à gentilibus videri cognosci que potest. Isai. 61. *Scietur in Gentibus semen Sacerdotum, & germen eorum in medio populorum: omnes qui viderint eos, cognoscent illos, quia isti sunt semen: cui benedixit Dominus.* quæ ergo fronte quis semen Episcoporum siue Ecclesiam defecisse aut videri nequiusse affirmet? Psalmi 92. hoc in iisdem Lutheri Bibliis argumentum Legitur. *Prophetia de regno Dei in orbe vniuerso per Euangelium propagando: verba Psalmi latina sunt: Dominus regnauit, decorem indutus est: indutus est Dominus fortitudinem & præcinxit se. Etenim firmavit orbem terræ qui non commouebitur. Parata sedes tua ex tunc: à sæculo tu es. Domum tuam decet sanctitudo Domine in longitudinem dierum.* Horum verborum Lutherus interpres hic est sensus: Dominus Rex est, & magnificè decoratus: decoratus est & Regnum inchoauit, quod latè orbis patet, itaque instituit, ut perpetuò duret: Ab eo tempore sedes tua (quæ est sedes sancta, Psal. 46. adeoque veritatis, non pestilentia) permanet stabilis, æternus tu es. Sanctitas exornat domum tuam in perpetuum. Sic Psal. 95. qui similiter Prophetiam de regno Christi continere in summario dicitur: *Dicite in gentibus, quia Dominus regnauit. Etenim correxit orbem terræ, qui non commouebitur iudicabit populos in equitate.* quæ verba sic reddidit Lutherus: *Dicite inter gentes, Dominum esse Regem, qui Regnum suum, quod orbis patet, pararit, ut sit durabile, quique populos iuste iudicet.* Sic igitur patet, cur Ecclesia dicatur sancta & Catholica, quia nimirum fructificans Dei verbum in ea sine errore prædicatur, sancta est: Catholica verò, quia Sanctitas illa in perpetuum siue, vniuersis temporibus eam exornat, & per vniuersum orbem omnium gentium linguis publicatur, ita ut omnium generum & linguarum homines sanctificentur, & per verbum à Dei ministris prædicatum perque Baptismum in Ecclesia renascantur, quæ de re insignis locus est Ezech. 37. *Scient gentes, quia ego Dominus sanctificator Israel, cum fuerit sanctificatio mea in medio eorum in perpetuum. Saluos eos faciam & emundabo eos, neque polluentur ultra in idolis suis, & abominationibus suis: in iudiciis meis ambulant & mandata mea custodient & facient ea.* Cum Paulus Ephes. 5. disertim doceat. Ecclesiam à Deo sanctificari seu mundari lauacro aquæ in verbo vitæ, siue ministerio verbi & sacramentorum, hoc autem loco promittat Deus, suam sanctificationem in medio Ecclesiæ futuram in perpetuum ut

Ecclesia perpetuo manet sancta.

Protestantes non sunt Ecclesia sancta Catholica.

munda sit ab Idolis & abominationibus, siue à falsa religione & impietate, ac iudicia & mandata Dei non modo custodiat, sed etiam faciat: cumque simul doceat, Gentiles hinc intellecturos, quod Ecclesia sit Dei populus, quia sanctificatio Dei in perpetuū apud eam fuerit, hoc est quia constanter ac perpetuo sine interruptione eadē Doctrina idēq; Sacramentorū vsus tot sæculis pduravit, q̄ sine vi quadam diuina fieri haud quaquam posse rectē iudicant: profectō aut stipes aut improbus ac nihilo quouis infideli melior, sit oportet, qui se Ecclesiam sanctam & Catholicam credere profiteatur, simul tamen veram doctrinam & legitimam sacramentorum administrationem villo tempore defecisse credat. Protestantium Synagoga alterutra saltem laude destitui ita palām est, vt ipsi velint, nolint, id fateri necesse habeant. si enim sancta est, siue, si per rectam verbi ac sacramentorum administrationem sanctificata, nondum tamen est Catholica: siquidem ante exortum Lutherum nullus vique in vniuerso orbe, saltem post Apostolorum ætatem, locus fuit, in quo verbum Dei sic doceretur & crederetur, quemadmodum apud Protestantes solet: & hodie quoque extra Septentrionales Europæ prouincias (in quibus ipsis tamen maxima est religionum turba ac varietas) nullus est populus, cuius eadem sit, quæ Protestantium, fides ac religio. Sin autem Ecclesiam suam dicant esse Catholicam, hoc est omnibus sæculis fuisse homines, hodie quoque passim per vniuersum orbem inueniri, qui eandem, quam ipsi, de Fidei fundamento sententiam habeant ac habuerint (sic enim iactare ipsis liber, tamen neque minimum eius rei dicere argumentum possunt) certē sanctitatis laudem ei tribui non posse fateantur oportet. Quomodo enim sit sancta, in qua Verbum & Sacramenta, sine quibus sanctificari non potest, nequaquam administrantur? Nam ante Lutherum in vniuerso Christiano orbe nusquam rectē prædicatum fuisse Euangelium, & omnes Ecclesiæ Doctores, qui ab anno Christi centesimo vsque ad ducentissimum, multo autem magis, qui ætatem illam exceperunt in tenebris & erroribus magnis fuisse, ac de Fundamento fidei Papisticè, non Lutheranè Ecclesias docuisse, neminemque in vniuerso Papatu fuisse, qui de Fide ceterisque capitibus ad salutem cognitu necessariis vel minimum sciret, supra Capite sexto, ipsorumet Lutheranorum testimoniis luculente probaui. An ergo fuisse sanctos dicent, qui cum in Christum rectē crederent (quod tamen Lutherus negat

*Si Sancta, non
Catholica*

*Si Catholica, non
Sancta*

*Ante Lutherū
fides Lutherana
non fuit
prædicata, ergo
nec credita.*

neque id malè, si Lutherana Fides vera est. *Fides enim ex auditu est.* nulus autem Doctor, qui ante Lutherum eam doceret, auditus fuit, velut ipsi quoque fatentur) Christi tamen fidem confessi non sunt, (quo solo nomine Sanctę Ecclesię appellationem ac simul ius regni cęlorum perdidit *Ore enim fit Confessio ad salutem, Rom. 10. & quę Christus ac verba eius non confitentur in generatione adultera & peccatrice, cum Christus quoque negabit coram patre suo, Matth. 10. & Marc. 8.*) non solum autem huius vitę desiderio Fidem veram confessi non sunt, sed etiam Papę ac Conciliorum vocem pro Christi ipsius voce habuerunt? quod quidem eos fecisse sic affirmat Lutherus in Postilla witteb. Domin octaua post Trinit. fol. 114. b. §. 3. Errarunt, inquit, Gregorius, Augustinus & multi alij sancti Patres, cum potestatem de Doctoribus iudicandi nobis ademerunt (hęc enim calamitas & miseria mature cępit) nosque Papę & Concilijs credere iusserunt. Igitur à mille trecentis annis vox Papę & Conciliorum pro Christi voce in Ecclesia audita fuit. Eam verò plurimum à sua doctrina differre, idem Lutherus fatetur, qui etiam Papam propterea Antichristum esse contendit, quòd suam vocem pro Christi voce haberi, neque à quoquam homine iudicari velit. Fuerunt igitur omnes, qui ante Lutherum in Papatu vixerunt, Adoratores, Antichristi, de quibus scriptum est Apocal. 13. nomina eorum non esse scripta in libro vitę. quis ergo iam Ecclesię Lutheranorum locus est relictus? Si enim in Papatu Antichristus tantum fuit auditus & adoratus, quo tandem docente Ecclesia, quam Protestantes veram & sanctam fuisse dicunt, Verbum Dei audire & credere, quò mysteria Dei dispensante corpore Christi pasci potuit? Vtrum è Sede Antichristi seu Papę Fidem & panem vitę petijt? Atqui Psalmo 93. quem in Lutheri Biblijs lego esse orationem pro Ecclesia Christi aduersus inimicos, scriptum est: Numquid adheret tibi sedes iniquitatis, qui fingit laborem in præcepto? hoc est, interprete Luthero: Tu certè numquam participas neque quicquam commune habes cum Sede pestilentię, quę Legem perperam interpretatur.] nam Verba Legis siue Scripturę proponere, eademque perperam interpretari, nihil est aliud, quàm verum panem furari & occultare, eiusque loco panem mendacij porrigere, quem qui comedit, nihilo plus manducat, quàm qui se comedere somniat, velut paulò priùs dixi. Perspicuum igitur est, Protestantium Ecclesiam, quę tot sæculis nō habuerit vnde veram Fidem audiret & crederet, ac sanctificaretur, neque Sanctam, neque Catholicam vllō modo dici posse, & quoniam *Sanctorum communionem in Ecclesia credere nos profiteamur,*

Kkk 3

merito

*Fuit autē prae-
dicata & cre-
dita Fides Pa-
pę & Concilio-
rum,*

*Si Papa Anti-
christus, nullus
in Papatu sal-
uari potuit.*

*Nam Panis vi-
ta à Papa acci-
pi non potuit.*

*Protestantium
Ecclesia non est
sancta.
Iaque cum ea
non est commu-
nicandum.*

meritò nos ab ipsorum communione abstinere. Atq; in istis si probè exerceatur homo Catholicus, velut nullo negotio fieri potest, atq; rebus relictis debet, etiam si literarum nihil admodum teneat, cur à cōmunione Protestantium abstineat, idoneam, probabilem ac denique prorsus inuictam rationem cuicumq; a deratio edere sciet.

CAPVT CXXV.

Doctiores Catholici cum quibus & quomodo de Religione agere debeant.

Non cum Illisforibus, qui sibi multum sapere videntur.

DOCTIORIBUS verò Catholicis priuata admonitione amicos officij subinde admonere, quos in errore nō alia res magis, quam consuetudo tenet, nulla est Lex, quæ prohibeat: modò is caueat, ne vel sibi ignominiam officio suo pariat, vel ipse salutem suam in periculum adducat. Vt enim multis supra docui, ab imprudentiæ reprehensione abesse non poterit, si quis homines *Illisfor*es, hoc est, qui sibi sapiunt, suoque emolumento & honore omnia posteriora ducunt, rationibus ad verum conuertere cōnatur. Prouerb. 9. *Qui erudit Derisorem, ipse iniuriam sibi facit: & qui arguit impium, sibi Maculam generat, noli arguere derisorem, ne oderit te*, Prouerb. 26. *Vidisti hominem sapientem sibi videri? magis illo spem habebit insipiens.* id est, melius de illo speres licet, qui cū indoctus sit, nullam sibi doctrinam arrogat, quàm qui sibi sapere videtur, idemque alijs persuasum cupit. nam vt ait Menander:

Οὐκ ἐς ἀνοίας ἔδεν τοι μῆρ' ὀτρερόν.

Insititia non quicquam est audacius.

Neque cum Auaris aut Ambitiosis.

Neq; cum iratis & cōmotis.

Prouerb. 13. *Qui Illisfor est, non audit cū arguitur.* Tales porrò esse Auaros & Ambitiosos hinc supra demonstravi. Luc. 16. *Audiebant hæc omnia Pharisei, qui erant Auari, & deridebant Iesum.* Iohan. 5. *Quomodo vos potestis credere, qui gloriam ab inuicem accipitis.* Etiam illis, qui irascuntur & in fermento sunt, imprudenter quis salutaria præcepta & argumenta proposuerit. Remedia namque in remissionibus morbi profunt, non in accessionibus, postquam scilicet relaxati fuerint, qui furebant, & mitigati obsequio, aut beneficio conciliati ad audiendum verum accommodatiores euaserint.

Ἐξω γὰρ ὁργῆς παῖς ἀνὴρ σοφώτερος.

Vir namque quiuis extra iram est sapientior.

τὸν κλύοντα γὰρ λαβὼν

ὁ μῦθος εὐρεῖν, ὃ μάλιστα ἀχθήσεται.

—nam haud frustra erit illa oratio,

Propitius cui sorte Auditor obtigit, ait Moschion.

Inquam sententiam etiam Eccles. 7. scriptum legimus: *Eslo mansuetus ad audiendum verbum Dei, ut intelligas.* quia scilicet ratio affectibus perturbata veritatem liquidò perspicere nequit. Quòd si autem is, cuius emendationi studetur, ingenio facundiaque polleat & Hæreticorum sophismata percalleet, magni res periculi est, ne non modò ex errore extrahi nequeat, sed vltro etiam auxiliarias sibi manus porrigentem trahat. Tametsi enim Hæresis reuera nihil est aliud, quàm Aranearum telæ siue casses, ex ipsis earum visceribus textæ, quibus muscæ quidem capiuntur, Vespæ verò, multò autem magis hominum digiti nullo negotio eas perrumpunt ac demoluntur. (Isai. 59, *Telas araneæ texuerunt: opera eorum opera inutilia.* Osee 8. *In aranearum telas erit vitulus Samariae, siue Hæresis. Artifex fecit illum, & non est Deus.*) nisi tamen Deus homines etiam doctissimos inque vera Fide confirmatos custodiat (quod nequaquam præstat illis, qui satis sibi confidunt parumque se humiliant) non aliter quàm Muscæ ad improbam & insidiosam illam Hæreticarum aranearum texturam adherescunt. Prouerb. 7. vbi Hæresis sub imagine Adulteræ iuuenem væcordem ac parùm cautum illaqueans describitur: *Iretinuit eum multis sermonibus & blanditijs labiorum protraxit illum* (Fausus enim stillans labia meretricis, & nitidius oleo guttur eius, Prouerb. 5. *hoc est interprete Paulo Roman. 16.* per dulces sermones & benedictiones seducit corda) *statim eam sequitur, velut avis ad laqueum, & nescit quod de periculo animæ illius agitur.* Multos vulneratos deiecit (ex alto scilicet, quia altum sapiebant, & quemadmodum Psalm. 130. legimus, *in magnis ambulabant, elatique erant oculi, & exaltatum cor eorum, nec se submittebant*) & Fortissimi quique interfecti sunt ab ea. Similiter Prouerb. 9. *Ignorauit væcors, quod apud eam pereant Gigantes, & in profundis inferni onuiue illius.* qui nimirum ita se ipsis ac viribus ingeniorum suorum confisi sunt, ut nihil ab Hæresi commoueri se posse crederent, parùm eius memores, quod est in Psalm. 23. *Gigas non saluabitur in multitudine virtutis suæ.* Ecce oculi Domini super me tuentes eum, ut eruat à morte, seu periculo animas eorum. Quanti autem periculi sit, nihil metuere, sed altum saper ac periculo superiorem sibi videri, discimus ex Psalm. 29. *Ego dixi in abundantia mea, Non timebor in æternum.* Et ecce Domine, auertisti faciem tuam à me & factus sum conturbatus.

Neque omnes ingenuos, sacros & Sophistas.

Etiam si doctissimi, nimirum se ipsis confisi, in Hæresin incidunt.

Nimirum securi ac superbi facile à Deo deseruntur, Et errorum incidunt.

conturbatus. quasi dicat: nihil propius factum est, quam ut me sic securum & in abundantia ingenij ac doctrinæ confidentem, moueret manus peccatoris, siue, *stilus mendax scribarum*, Ierem. 8. *qui vigilabant super iniquitatem* (id est, ut falsam doctrinam inducerent, ait, Lutherus) *qui- que peccare faciebant homines in verbo*, siue, per conciones suas, velut idem Lutherus interpretatur Isai. 29. quos propterea Dauid *peccatores terræ & operarios iniquitatis* vocat, Psal. 100. quia nempe scribendis libris ac lege perperam interpretanda homines terræ peccare faciebant, *ut ob- luescerentur nominis Dei sui propter somnia eorum*, Ierem. 23. Fuisse autem non paucos eiusmodi scribas stilo mendaci vti solitos, hæc etiam Ec- clesiastæ 12. verba significant: *Faciendi plures libros nullus est finis*. Porro manum huiusmodi Peccatorum, siue stilum mendacem scribarum, & securitatem seu superbiam viriumque suarum fiduciam, cur pleri- que in Hæresin incidant & ex Ecclesia expellantur. Psalmo 35. disci- mus: *Non veniat mihi pes superbiæ* (siue, superbus incessus) *& manus pec- catoris non moueat me*. Ibi ceciderunt, qui operantur iniquitatem: *expulsi sunt, nec potuerunt stare*. Itaque S. Petrus quamuis eos, qui *Scripturas de- prauant, indoctos & insipientes* esse dicat, nos nihilominus, ut diligenter ab ijs nos custodiamus, monet, *ne insipientium illorum errore traducti exci- damus à propria firmitate*, 2. Pet. 3. eandemque ob causam satisfactio- nem, siue, rationem fidei nostræ poscentibus eam reddi iubet cum modestia & Timore. *Modestia* quidem, ut illos nobis conciliemus, & ad fidem nostram amplectendam alliciamus, quemadmodum & Mulieribus ibidem præcipit, *ut viros, qui Verbo non credunt, per suam con- uersationem sine verbo lucrificent, ubi considerauerint viri in timore, quam sancta sit earum conuersatio*. Timore autem, ne ab illis in erroris societa- tem multis illis, quas habent illecebris, abducamur: quod quidem ijs vsuuenit, qui parum timent & securè ambulant, quasi doctiores sint, quam qui ab illa Hæresi decipi queant.

Et si autem hæc de hominis Catholici erga amicum in Hæreti- corum castris herentem officio satis dicta videri possunt, operam ta- men nequaquam lusus videor, si Senecæ verba in re non multum absimili, corollarij loco ac velut *παροισχυμα* adiecero. Sic igitur ad Lucillum ille scribit epist. XXIX.

De Marcellino nostro queris, & vis scire, quid agat. Rarò ad nos venit, nulla alia ex causa, quam quia audire verum timet: à quo peri- culo iam abest. nulli enim nisi audituro dicendum est. Ideò de Dioge- ne, nec minùs de alijs Cynicis, qui libertate promiscua vsi sunt, & ob- uios

*Dua causa, qua
faciunt homines
in Hæresin la-
bi.*

*Ab Hæreticis
quamuis indo-
ctis cauendum.*

*Non promiscue
cum omnibus
de religione a-
gendum.*

uios quosq; monuerunt, dubitari solet, an hoc facere debuerint. quid enim si quis surdos obiurget, aut natura morboque mutos? *Quare, in- nihil nobis quis, verbis parcam? Gratuita sunt. Non possum scire, an ei profuturus sim, consent.* quem admoneo. Illud scio, alicui me profuturum, si multos admonuero. Spargenda est manus, non potest fieri, ut non aliquando succedat, multa tentanti. Hoc, *Minuitur enim auctoritas ad- monitionis.* mi Lucilli, non existimo faciendum magno viro. Diluitur eius auctoritas, nec habet apud eos satis ponderis, quos posset minus obsolescentia corrigere. Sagittarius non aliquando ferire debet, sed aliquando deerrare. non est ars, quæ ad effectum casu venit. Sapientia ars est: certum petat, eligat profecturos: ab his, quos desperauit, recedat. non tamen citò relinquat, sed in ipsa desperatione extrema remedia tenter. Marcellinum nostrum ego nondum despero. Etiamnum seruari potest: sed si citò illi manus porrigitur. Est quidem periculum, ne porrigentem trahat. magna ingenij in illo vis est, sed iam tendentis in prauum. Nihilominus adibo hoc periculū, & audebo illi mala sua ostendere. Faciet, quod solet. aduocabit illas facetias, quæ risum euocare lugentibus possunt: & in se primū, deinde in nos iocabitur. omnia, quæ dicturus sum, occupabit. Scrutabitur scholas nostras, & obijciat Philosophis congiaria *sive opes, amicas, gulam.* Ostendet mihi alium in adulterio, alium in popina, alium in aula. Hos mihi circulatores, qui Philosophiam honestiùs neglexissent, quàm vendunt, in faciem ingeret. Constitui tamen contumelias perpeti. Moueat ille mihi risum: ego fortasse illi lacrimas mouebo: aut, si ridere perseverabit, gaudebo tamquam in malis, quòd illi genus insanix hilare contigerit. Propositum est aggredi illum, & ostendere, quanto pluris fuerit, cum multis minoris videretur. Vitia eius etiam si non excidero, inhihebo. non desinent, sed intermittentur: Fortasse autem & desinent, si intermittendi consuetudinem fecerint. non est hoc ipsum fastidiendum. quoniam quidem grauiter affectis sanitatis loco est bona remissio.]

Hæc Seneca.

CAPVT. CXXVI.

UT autem quæ adhuc de ingenio moribusq; Hæreticorū, deq; veteris eorundem ad officium redigendorum modis disputavi, tanto maiorem apud omnes Fidē & assensum inueniant (cur enim Hærefes auorū memoria primū exortæ, tanto mox incrementō auctæ integra regna prouinciasq; depopulatæ, innumeras penè animarū myriadas ac

LII

milliones

Hæreticorū ingenia non satis permonisse & vera remedia nescire quantū reipub. nocent.

milliones in perpetuum perdiderint ac deinceps quoque perditurē videantur, vera demū, & si min⁹ vnica, potissima quidē certe causa est, q̄ Diuum Carolum Cæsarem & Catholicos Imperij Principes, multo autē magis eiusdem Cæsaris Consiliarios ratio fugit, & cuiusmodi Hæresios ac Pertinaciæ esset ingeniū, & q̄ vtraq; res medicinam postularēt, plurimū fefellit) propterea nonnulla hic *Nicephori Callisti* loca subijciam, quibus illustria quædam continentur exempla, quæ disputationi meæ pondus non pœnitendum allatura confido. Ac primum quidem omnium referam verba, quibus *Alexander* Catholicæ cōfessionis Episcopos Alexandrinus Arianorū mores in epistola ad Episcopum Constantinopolitanū describit, q̄ *Nicephorus* li. 8. ca. 7. recitat:

Hæretici odio Catholicorum ethnicis & Iudeis gratificantur.

Veteres patres aq̄, ac recentes omnes pra se contemnunt.

Hæretici ad Vniuersi iudiciū pronocant & sic plures sibi concilians.

Hæretici dissimulantes Hæresin in muliercularum, aulicorum & Principum gratiam præcipiunt.

Impiam, inquit, Græcorum & Iudæorū de Christo opinionem corroborantes, laudē ab illis, quā maximē possunt, venantur omnia ea, quibus illis ludibrio sumus, subornantes atq; procurantes, seditio- nesq; & persecutiones quotidie contra nos excitantes: & cū iudicia aduersus nos, impudicis mulierculis, quas ipsi dolosē seduxerunt, interuenientibus instituentes, tum Christianismum ad obreccationem traducentes, ex eo, q̄ per plateas & vicos omnes, nouē eorū adulterata pietate res temerē vulgantur. Ex veteribus nullos esse dignos putant, qui cum eis conferantur: neq; eis æquari se patiūtur, quibus nos à puero præceptoribus vñ sumus: sed ex omnibus quidē, qui passim sunt, collegis & presbyteris, quemq̄ ipsis comparari volunt, solos se sapientes, possessionum contemptores, & dogmatum repertoires esse iactantes: vt quibus vnus reuelatum sit, quod nemini omnium, qui sub sole sunt, hominum in mentem uenerit.

De eadem Arianorum Hæresi libro 8. cap. 11. ita *Callistus* idem scribit: Hæresi hac per Ægyptum & alibi passim in Ecclesiis vulgata, dissidium vbiq; implacabile excitatum est. Et vulgus iudiciū earum rerum sibi sumebat. (*Arianis nempe ad populi iudiciū pronocantibus, quod cum nouitatis lenocinio illectum iri conijcerent, velut supra pag. 289. confitentem Lutherum audiuius*) Agebatur de his publicē in foro, aliis ad hanc, aliis ad illam partem animi affectione inclinantibus.

Quo artificio impietatem suam propagarint Ariani, eodem libro octauo cap. 47. hoc modo exponitur: Presbyter quidam, Arianus occultus, Constantiæ Constantini Magni sorori, familiaris & amicus, ab ipsa iam animam agente fratri commendatus velut eximie pius & orthodoxus, postquam sibi fidē haberi sensit, Imperatori Arium velut cum Nicæna Synodo sentientem commendauit, vtq; ab exilio reuocaretur.

uocaretur & Alexandriam remitteretur, ibiq; ab Athanasio in communionem recipi iuberetur perfecit. Huic Presbytero animam agens Constantinus (*velut Nicephorus lib. 9. cap. 2. scribit*) Testamentum suum credidit Constantio reddendum, qui Orientis Imperium, velut dudum optauerat, eo testamento inactus, Presbyterū illum in magno honore habuit, & libertatem ei multam, simulque apertum ad Imperialem aulam aditum dedit. quæ res notitiam ei apud omnes conciliarunt, & gratum vereque charum Imperatrici & Cubicularijs Imperatoris effecerunt, quorum Princeps tum fuit Eusebius, maximam quoque in tota Imperatoris domo potestatem obtinens. Hic ex Presbyteri illius institutione Arij rabie imbutus, acerrimus sectatorū eius laudator fuit, pluresq; in Aula Imperiali celeriter in sententiam suam adduxit. quin ipsam quoq; Imperatricem per mulierculas Gynæcei & per Presbyterum ipsum in impiam opinionem pertraxit. Et malum hoc paulatim per omnem serpēs Aulam, ad ipsum quoq; transijt Imperatorē. Et breui per aulæ interiora vagatū, extra quoq; aulam apertē progressum, omnem ubiq; percurrit urbem. Ibi tum *διαλεκτικῶς τῷ πῶλεμος* bellum quoddam disputatorium est exortum. Et in vicis, cōgregationibus, cauponis, conuentibusq; adeo omnibus mulieres quoque & pueri non aliud studio habuere, quàm de dogmatibus blaterare: his videlicet Arij opinioni velut honestæ & bonæ addictis, illis autem Decreta magis Nicēna complectentibus. Vnde rixæ, æmulationes & inimicitia excitatæ.

De Pertinaciæ causis, qua pleriq; in Arianismo perseuerabant, libro 9. cap. 13. ita differit: Orientalium Episcoporum plerique sententiam Nicæni dogmatis comprobabant, contentioni verò cupiditate deuincti, aduersus verbū, Homousios, impotentibus animis pugnant. Nonnulli quidem, q̄ iam inde ab initio cōtra id verbū steterant, & quemadmodū eiusmodi homines facere solent, ne victi esse, si cederent, viderentur, in sentētia propterea persistebant, & vocabulū id abolere studebant, probro sibi fore, si opinionē mutarent, arbitrati. Nonnulli autem, q̄ frequenter de his nugati essent, ita opinari ex animi sentētia malebant: & cū semel ab eo, q̄ dicebant, excidissent, opinionē suam firmiter retinebant. Erant, qui indecorū contendendi studiū secū ipsi perpendentes, ad gratiosiorē declinarent sententiam, vel propter gloriam aut timorē, vel propter vim & familiaritatē, plerumq; etiam propter amicitiam, & fortasse alias ob causas, quibus homines adducti, vt res tulit, etiam in his, quæ parū decēt, gratificantes

Hæretici per disputationes publicas errorem propagare student.

Cur pleriq; in Hæresi perseuerant.

1.

2.

3.

4.

alijs obsequuntur: denique quod nonnulli liberè & palàm, quæ ab aduersarijs obijcerentur, redarguere & refellere non possent. Non pauci verò eius temporis homines, ineptias prorsus & superfluas nugas esse existimantes de rebus eiusmodi conflictari, ab illorum consuetudine seiuncti, taciti secum Nicæna Decreta complectebantur & colebant.

Heretici ex Episcoporum odio & vindictæ cupiditate.

Homines magnis ingenijs præditi contemptus & iniuria impatientes.

Censura Fidei ac morum in Ecclesia cuiusmodi homines præficiendi.

Quomodo Vindictæ cupiditas & Episcoporum odium Hæresin pariat, gemino exemplo docet lib. 11. cap. 12. Vitalis Antiochenus Presbyter (*inquit*) vir illustri vitæ & morum sanctitate nemini cedens, & eorum, qui fidei eius commissi forent, curandorum perquam studiosus, eaque causa à populo egregiè cultus, quod se à Flauiano presbytero, post Episcopo Antiocheno despectum, ac ne familiariter cum Episcopo esse posset impeditum, eaque re deminutam famam suam putaret, more hominum dolore victus cum à Meletij cōmunionē discessisset, ad Apollinarim Hæreticum se contulit, & cum eo cōmunicauit, Sæctatoribusque eius Antiochæ præfuit, vitæ reuerentia non exiguam plebis partem sibi addictam habens, qui etiam Vitaliani sunt dicti &c. Georgius Laodicensis Episcopus Apollinarim propterea excommunicarat, quod cum Athanasio familiariter versatus esset, & quamuis ut in cōmunionem reciperetur deprecantem audire noluit. Ille ergo mœrore correptus Ecclesiam turbauit & Hæresin nouam induxit: cōpositis arte orationibus inimicum vlciscens, & quod se in sacrarum literarum doctrina illo præstantiorem exauctorasset, arguens. Ad hunc scilicet modum priuata Clericorum inimicitie maximo semper Ecclesiam detrimento affecere, & Religionem in sectas multas dissecuere. Id inde satis liquet. Si enim Georgius pœnitentem Apollinarim suscepisset, Hæresis, quæ ab eo nomen habet, ut ego quidem puto, non exstaret. Ingentia namque hominum si despici se videant, arrogantem audaciam concipiunt, & contendendi studio res nouas moliuntur. At si, quod equum est, consequuntur, ad moderationem se dant, & sorte sua contenti sunt.] Viderint ergo quàm prudenter faciant, qui officiis ad Ecclesiæ Censuram pertinentibus & seruandæ Fidei potissimum integritati destinatis ferè non nisi eos rectè præfici existimant, qui vultus truculentia, atrocitate vocis, morum denique rusticitate eos, quos siue opinione non sana suspectiores inspicere, siue ex errore in viam reducere debent, si humiliores sint, terrore suo pauefacere, sin autem paulò generosioris Spiritus, in contumaciam atque rabie efferrare possint. Sed videbor fortasse ἀγαν ἐλευθεροσομεῖν, hoc est, |ipsis,

ipsis, quos describo, interpretibus, *os in calum ponere*, ac tantum non diuinam maiestatem nefarie lædere, qui putem rectius eos facturos, si terrorem illum officii, quod gerunt, quodque reipub. Christianæ cum in primis salutare, tum omnino necessarium iudicantibus facile assentior, humanitate & benignitate condiant, & hominibus, non bellius manum se admouere meminerint: tametsi etiam Equi generosi atque nobiles melius facili freno reguntur. quos si crebris verberibus domandi magister exterreat, formidolosi & contumaces fiunt. Itaque popysmo seu tactu blandiente permulcentur. Idem facit Venator, qui instituit catulos vestigia sequi, quique iam exercitatus vitur ad excitandas vel persequendas feras. nec crebro illis minatur (contunditur enim animus, & quicquid est indolis, comminuitur trepidatione degeneri) nec licentiam vagandi passimque errandi concedit. Adiciantur his licet, tardiora agentes iumenta: quæ cum ad contumelias & misérias nata sint, nimia sæuitia coguntur iugum detrectare & onus excutere. Porro nullum est animal morosius, nullum maiore arte tractandum, quam Homo. remissius imperanti melius paret. natura contumax, & in contrarium atque arduum nitens, sequitur facilius quam ducitur, quemadmodum in libris de Ira Seneca disputat. sed hæc quamuis magnopere necessaria, hoc tamen loco aliena fortasse videantur. Itaque ad Nicephorum reuertor apud quem opere pretium est, quibus artibus veteres Hæretici uti fierent soliti, considerare.

Libro II. cap. 14. Massaliani, siue Euchetæ, siue Entusiastæ communicare cum cæteris diuersam fidem sequentibus pro Adiphoro habebant, quod S. Eucharistiam nihil vel prodesse vel obesse crederent: suæ etiam sectæ arcana dissimulabant, & difficulter deprehendebantur.

Libro 6. cap. 28. Postquam Episcopi Paulum Samosathenum priores promissiones & pacta conuenta pertinaciter inficiari viderunt (nam iureiurando interposito errori suo renunciarat) & accusatores eum conuicturi institerunt, concilium est coactum. Hic Malchion quidam, qui prius Antiochiæ Sophisticæ scholæ Græcarum disciplinarum præerat, & postea propter egregiam in Christum fidem singularemque virtutem Præbyter factus fuerat, cum eo in publico colloquio congressus, celeribus notariis, qui verba omnia chartis exciperent, dispositis illum conuicit, & rectum laten-

LII 3

temque

Bestia deprauatur nimia austeritate.

Multò igitur magis Homines.

Hæretici suam sententiam in loco dissimulant.

Hæretici suam hæresin insidiosè occultantes publicis colloquiis rectè conuincuntur.

temque eius sensum fraudulenta seductione plenum, ita in lucem protulit, vt eum alii quoque manifestò deprehenderent. Itaque aliena opinari & docere conuictus, & vt Hæresios Dux atque auctor à Catholica Ecclesia proscriptus est,] Habemus exemplum Colloquii publici cum Hæretico habiti, nequaquam tamen de vilo Fidei articulo, sed de ipsius Hæretici opinione, qualis nam illa foret: vtrum, quod ipse falsò iactabat, Catholicorum sententiæ conueniens, an, velut re patuit, noua & ab ipso demum inuenta. Itaque cum Augustana Confessio perinde atque hic Samosathenus Lutheranorum sententiam callidè dissimularet, eosque in nullo prorsus Fidei articulo ab Ecclesia Romana dissentire mentiretur, vocandi ad Colloquium fuere Confessionis eius architecti, non vt de articulis ipsis disputaretur, sed vt in totius Imperii confesso, fraus, dolus, ac mendacium eorum diluisceret, planumque fieret omnibus, totam Confessionem illam nihil aliud esse, quàm libellum famosum, ex perpetuis iisque apertissimis mendaciis concretum, ac flammis expiari dignissimum. quòd si quis hodiè Protestantium Principum id non æquè facilè demonstrari posse existimat, inuenerit complures ex Catholicis, qui vel ipsorum Principum iudicio id dilucidè docere ac probare vel condignas atrocissimæ iniuriæ pœnas dare sint paratissimi. Ego denique longè quouis Theologorum nostrorum inferior, quandocumque vos Augusti Principes, iusseritis, hoc ipsum ita planum facturum me recipio, vt nisi Protestantes ipsi agnoscant ac fateantur, se maioresque suos indignissimè à Doctoribus suis delusos & circumuentos esse, ipsumque librum Augustanæ confessionis cum Apologia sua totum ingentibus & impudentissimis mendaciis contexi, causæ nihil sit, quam mihi fiat, quod Luthero, Philippo & confessioni eorum factum oportuit, vt scilicet rogo luculento impositus *Herculem Oeteum* agam, & in concione viuus exurar: quòd tamen hac pacta lege recipio vt ipsi suam vobis fidem obligent, reuersuros se ad Ecclesiæ Romanæ complexum, vbi ego promissi mei fidem implevero.

Iam quo artificio auctoritatem sibi & pietatis probitatisque opinionem conciliare Hæretici solerent, ita Nicephorus commemorat. Lib. 9. cap. 47. Macedonius & ad stipulatores eius non minimam secum populi partem trahebant. Vita namque & moribus (quos potissimum multitudo spectare solet) probatis erant. In publicum cum grauitate quadam veneranda prodibant. Instituta eorum non multum

*Id debet fieri
ad relegendas
seculas Augu-
stianæ confes-
sionis fraudes.*

*Idem hodie fie-
ri potest, ac si
protestantes ue-
lunt fieri.*

*Hæretici au-
thoritate alios
in erroris socie-
tatem pelliciunt.
Vide sup. cap.
36. pag. 286.*

multum à monasticis aberant: & sermo affectata quadam sanctimonia mistus, vim ad persuadendum satis accommodatam præferebat: *Eodem libro cap. 16.* Bardesanes nominis sui Hæresin instituit, quam Harmonius filius eius amplexus, cum Græcis literis satis eruditus esset, eandem legitimis numeris lyricisque modulis inclusit, & ordine circulari eosdem cani instituit: quibus multi ex Syris propter verborum venustatem & sonorum numeros demulsi, paulatim opinionibus talibus recipiendis sunt aduēfacti. Ceterum S. Ephræm ea re cognita, quamvis Græcarum literarum rudis, Harmonij numeros moderatus est, atque eiusdem modulis carmina, Catholicam sententiam continentia Syris canenda dedit. nam divinos hymnos plurimos, quibus Deum in primis celebrat, & laudes præterea virorum, qui vitæ instituto Deo placere canit, ad Harmonii carminum leges composuit. *Et lib. 11. cap. 12.* Vitaliani præter receptas sacras cantilenas numerosa etiam carmina quædam ab Apolinari inuenta, decantare solebant. nam is præter eruditionem reliquam in poetica quoque varii generis versibus componendis excelluit. qua ille oblectatione multis, ut sibi adhærent, persuasit. Et viri in comotationibus manuumque laboribus, mulieres quoque, in lanificio suo carmina eius psallebant: Ad studii enim & laborum laxamentum, ad dies festos, & ad res alias, prout tempus fert, poemata elaboravit, quæ ad laudem Dei pertinent omnia.

Postremo quibus rationibus Hæretici coerceri & emēdaripossint, non vno loco idem scriptor significat. Ac publicas quidem Disputationes de difficilioribus fidei articulis, quos à populo planè sciri nulla exigit necessitas, his Constantini Magni verbis improbat *lib. 8. cap. 13.* Inhibenda est in talibus πολυλογία seu disputatio verbosior, ne quomodo, si vel naturæ nostræ imbecillitas, quod propositum sit, declarare non valeat, vel discipulorum auditorum hebetius ingenium id quod subtilius dictum est, assequi non possit, in alterius istorum, blasphemie scilicet aut schismatis atque dissidii necessitatem populus incidat. *De eodē scribit mox cap. 18.* Capitis poena sanxit Constantinus, si quis quicquam scriptorū Arii pressum occultasse, nec statim exussisse cōpertus esset. *Et eiusdem libri cap. 33.* narrat, quæ res Gentilium errorem paulatim extinxerint & Christianismi propagationē iuuerint, quarū quin idem aduersus Hæreses usus esse queat, nemo intelligens dubitauerit. Imperator igitur Edictis ppositis Idolorū templa statuasque diruit, cōminuit conflavit, & fanauit. Et populi metuentes, ne de rebus sibi charissimis in periculum

Catholici suis
armis Hæreticos
cadunt.

Hæretici suavis
bus cantilenis
opinionem doctrina
ac pietatis acquirunt.

Publicè de rebus
difficilibus
Hæreticis disputari non debet.

Hæreticorum
libri prohibendi.

Quibus modis
Gentium error
deletus &
Christianismus
propagatus sit.

*Hæreses inter-
eant, cum Hæ-
reticis exercitia
sua religionis
negantur.*

*Metu Hæreti-
cos conuertit.*

*Et quos eos Ma-
gistrorum suo-
rum pudet.*

lum venirent, in officio fuere Templorum custodes & sacerdotes, cum quod agerent, non haberent, res, quæ prius apud eos in honore fuerant, despexere. Et qui templa sic corruiere, iacere stipulaque & storea compleri videbant, ea contemnebant, maiorumque errorem reprehendebant. quidam nos sunt æmulati alii oportere se Principis mores & instituta colere existimabant, ut ab eo gratiam inirent, nonnulli ab Episcopis & Monachis edocti, satius esse Christianam suscipere religionem censuerunt. Nonnullas vrbes Cæsar ob susceptum Christianismum maximis priuilegiis affecit, easque nomine suo constantias vocauit. Et *infra capite 52. exemplis ostendit verum esse quod Epist. 94. scripsit Seneca*: Magna pars sanitatis est, hortatores insanix reliquisse, & ex isto cætu inuicem noxio procul abiisse. *Verba Nicephori sunt ista*: Ariti dogma quamuis à multis magno studio in sermonibus & disputationibus frequentaretur, sine nomine tamen etiam tum fuit, neque in corpus proprium coaluerat. nam præter Nouatianos, Phryges, Valetinianos, Marcionitas & Paulianos, omnes alii simul communicabant, & in vna coueniebant Ecclesia: quippe contra quos lege lata Imperator Oratoria eorum aboleri, eosque in Catholicis Ecclesiis cum aliis congregari iusserat: alibi verò neque priuatim, neque publicè conuentus agere licere, sed in vno communiter omnes loco conuenire voluit. Per quam legem quantum ego colligo, multæ Hæreses, memoria earum sublata diffuxere. Superioribus enim temporibus quicumque Christi appellatione censerentur, quamuis diuersarum essent, opinionum, eodem tamen apud gentiles loco erant, & cum ab illis affligerentur, de discrimine, si quod inter eos esset, curiosè ipsi inquirere supersederunt, communibus quippe calamitatibus expositi. quapropter facillimè conuenientes, contiones habebant, frequentiorique consuetudine cum pauci essent, in partes & factiones multas non discedebant. Constitutione autem ista promulgata, difficile eis fuit publicè seorsim conuenire, multò verò magis clandestinos cætus cogere, Episcopis loci cuiusque id obseruantibus. Proinde metu eo coerciti, Catholica Ecclesia sunt vniti. Quod si fortè aliqui in sua sententia persistere, decedentes nullos reliquere successores, cum neque conuentus eis agere permetteretur, neque liberè Hæresin docere possent. Ceterùm Hæreses aliæ vel propter auctorum improbitatem, vel propter dogmatum ineptias non ita multis sunt frequentatæ (*ubi enim homines cognouerunt improbitatem Magistrorum suorum & absurdas atque ineptas*

ineptas multas eorum opiniones, prouit eos diutius illorum discipulos perhiberi) Nouatiani autem, vt qui eadem cū Catholica Ecclesia de Christo patri Homoufio sentirent, diutissimè statum suū retinere, neque illis constitutio ea obfuit. Videtur verò & Imperator ipse non illibenter aliquid de rigore & seueritate remisisse, & terrere potius, quàm perdere subditos maluisse. Et Acesius, qui tum Nouatianorum Episcopus fuit, maximè Ecclesiæ suæ profuit, apud Imperatorem propter sanctiorem vitam graciosus.] Enimuerò hoc ipsum Constantino ac domui eius exitio fuit, quod in Dei gloria ab Hæreticorum iniuriis vindicanda parū fuit efficax, & in animaduertendo non tam clemens, quàm dissolutus. *Maledictus autem, qui facit opus Domini negligenter, & maledictus, qui prohibet gladium suum à sanguine*, Ierem. 48. At enim nihil (inquis) Principem magis decet quàm Misericordia. Fateor; sed non omnibus omne misericordiæ genus debere scio, neque prudens Medicus eandem per diuersa ægrotantibus medicinam imperat. Quidam longius iam processerunt, quàm vt possint verbis sanari, neq; ignominia continentur. duriora remedia, iam solida nequitia desiderat. Insanabilis eis animus est & sceleribus scelera contexens: perbiberunt nequitiam, & ita visceribus immiscuerunt, vt nisi cum ipsis exire non possint. Olim miseri mori quærunt. Bene de illis mereamur, & auferamus eis istam, qua vexantur, infamiam, & per sua alienaque voluntatis supplicia, id quod vnum bonum eis superest, repræsentemus, Mortem. Hic enim Misericordiæ genus est occidere, *Seneca 1. de ira cap. 16.*

Libro 11. cap. 14. quis disputationum de Fide ex scripturis coram populo institutarum euentus sperari queat, huiusmodi docet exemplo: Nouatus non admittebat ad misteria, qui post Baptismum mortale peccatum admisissent. Et alii quidem acerba & immanis Canonis eiusmodi visa est sententia: alii autem quod iustum, & ad vitam moresque corrigendos accommodatum esse censerent decretum susceperunt. Sed postea Cornelii Episcopi Romani superuenere literæ, gratiam delicti etiam illis annunciantes, qui post Baptismum peccassent. Ad hunc modum enim vtrique contraria inter se per epistolas scriberent, & quæ dicebant. diuinarum literarum oraculis firmarent, pro moribus quisque suis eam comprobabat sententiam, ad quam antea etiam inclinatus magis fuerat. qui enim delinquere & peccare libenter soliti erant, eiusmodi veniæ concessionem tum accepta, per reliquum deinde vitæ tempus ea in delictis

M m m

omnibus

*Constantinus
plus profecisset
si seuerior fuisset
in hæreticos.*

*Disputationes
ex scripturis
pro captu audientium
inuane ac nocent.*

*Quod cuiusque
natura congruit
id verissimiliter
ei videri solet*

omnibus vtebantur. Phryges autem & Paphlagonες velut aliis populis temperantiores ac moderatiores, quibus tamquam placulum est Fornicatio, Nouati decretum, vt moribus suis conueniens recipere.

Hæretici partim auctoritate, partim metu ad Verum conuertendi.

Eodem libro cap. 13. cur Apollinaristarum atque Eunomianorum Hæreses latius non serpsit, has recenset causas: Primum quia Basilium & Gregorium Nazianzenum aduersarios inuenire viros sanctitate, doctrina & eloquentia admirabiles. Deinde, quia Theodosii Magni Imperium mox secutum conatus eorum repressit, Ducibus Hæreticorum in sola loca & in insulas deportatis. Postremo, quia Monachi mordicus Nicenam Synodum tuebantur. Vulgus autem Monachorum virtutem & opera admiratum cum ipsos rectè sentire credidit, tum aliter opinantes propter suspicionem impuræ & adulterinæ doctrinæ auersatum est.] Hæc Nicephorus: ex quibus dilucescit, quod supra docui verissimum esse Hæreticorum scilicet discipulos partim metu, partim auctoritate & opinione, quam de hominum intelligentia & virtute habent, duci solere, maximumque illorum ad verum conuertendorum in eiusmodi rebus momentum esse.

CAPVT. CXXVII.

Qualem Gentiles in Hæreticis charitatē videre possint.

Quoniam igitur nullum diuinæ Charitatis Specimen in Hæreticis eorumque discipulis Gentiles videre posse demonstratum est (nam nec ad Gentiles accedere solent Hæretici, vt apud eos Christianæ fidei sanguine suo testimoniū perhibeant, & si quos Catholici morte afficiūt, eis voluptatē p̄tinaciæ causam esse apparet) Lutherus etiam loco Amoris diuini, Diabolicum odium in discipulis suis inueniri solere planissimè fatetur (Tomo 4. Ger. witteb. in comment. Iohan. 15. fol. 220. b. §. 6. & Tomo 7. Ger. Ien fol. 162. b. §. 3. *Tam Diabolica malitia & ODIVM in nullis vel Ethnicorum historiis inuenitur, qualis apud eos exoritur, quibus Christi Verbum predicatur: neque verò non ipsi etiam Nobiles, Cives & Agricole nostri tanta malitia affecti sunt, qui cum prius, in Papatu scilicet hominum multò modestiorum speciem gessissent, iam furore & vefania præcipites aguntur, non aliter quam si toti Diabolis pleni forent.*) Reliquum est, vt apud vtros

Nempe diabolicam, teste Luthero.

iidem

iidem Gentiles maiorem Sapientiam inuenire queant considerare. Nam supra Cap. LIX. Lumen, quo Ciuitas Dei in monte excelssissimo sita perpetuò collustratur, quodque in Gentilium quoque longè disiunctorum oculos incurrit, diuinam siue humana maiorem potestatem, diuinam charitatem, & diuinam Sapientiam esse dixi. Profligatis ergò duobus prioribus, restat vt tertium similiter explicemus. Est autem Sapientia Ecclesiæ non vniufmodi. Alia enim est *ab intus*, siue in mysterio recondita, quam nemo Principum huius seculi cognouit, neque potest intelligere 1. Cor. 2. alia foris est, siue, exposita, ac velut vestis splendida Ecclesiæ circumiecta. Psal. 44. *Omnis gloria filie Regis (Ecclesiæ) ab intus, in fimbrijs aureis, circumdata varietatibus*, siue, quemadmodum paulò priùs dixerat, *Adstitit Regina in vestitu deaurato, circumdata varietate*. Gloria Ecclesiæ, siue doctrina de fide Christi, aut vera Theologia, de qua sola gloriatur Ecclesia. sicut Ierem. 9. scriptum est: *In hoc gloriatur, qui gloriatur, scire & nosse me, quia ego sum Dominus*. Ioh. 17. *Hæc est vita æterna, siue e, Gloria, vt cognoscant te veris Deum, & quæ misisti Iesum Christum*. Hæc ergò Gloria Ecclesiæ est *ab intus*, id est, à nullo Gentili, Iudæo aut Hæretico, sed ab iis tantum, qui intus sunt, videri potest. *Quæ sunt hominum nemo scit, nisi spiritus hominis qui in ipso est: ita & quæ Dei sunt, nemo cognouit, nisi Spiritus Dei, quia omnia scrutatur etiam profunda Dei*. Animalis autem homo non percipit ea, quæ sunt Spiritus Dei. Stultitia enim est illi (si audiat gratia Spiritus sancti nondum accepta) & non potest intelligere 1. Cor. 2. Sed vestitus aureus Ecclesiæ, Polymathia, siue literarū scientiarūq; varietate distinctus & insignitus, etiam in Gentiliū, omniumq; eorū oculos, qui foris sunt, incurrit, eosque desiderio videndæ gloriæ, quæ intus est, seu cognoscendæ, & discendæ sapientiæ in mysterio reconditæ inflammat. Itaque ceteræ scientiæ omnes rectè Diuinæ seu Christianæ Sapientiæ pedissequæ atque ancillæ dicuntur. Prou. 9. *Sapientia edificauit sibi domum (Ecclesiam) excidit columnas septem (qui sunt sacri septem Ordines. eos enim dedit Christus in ædificationem corporis sui) immolauit victimas suas, miscuit vinum & proposuit vinum suum (instituit legitimam Diuini verbi & Sacramentorum administrationem) Misit Ancillas suas, vt vocarent ad arcem & ad mœnia ciuitatis, id est, postquam Ecclesia iam fuit ædificata, cæpit etiam humanarum literarum ac scientiarum opera ad alliciendos siue conuertendos Infideles vt. Hæresis contra velut mulier stulta & clamosa, plenaque illecebris, & nihil omninò sciens, sedit in foribus domus*

Mmm . 2

Diuina sapientia, quam in Ecclesia Gentiles sidera possunt.

Ecclesia sapientia quæ est ab intus

Sapientia quæ est foris.

*Vera Ecclesia
& falsa Hære-
ticorum Sapien-
tia quibus re-
bus differant.*

I.

II.

III.

*Specimen sa-
pientie, quam
in Ecclesia Gē-
tiles videre &
admirari pos-
sunt.*

*sine super sellam, & in excelsis urbis loco, ut vocaret transeuntes, per viam
& per gentes itinere suo]* Igitur in hoc primum vera & falsa sapien-
tia, siue, Catholica Religio, & Hæresis differunt, quod illa cum sa-
piens sit, non ipsa clamet, sed ancillarum, siue variarum scientiarum
opera ad alliciendos homines vtatur: hæc autem cum haud quic-
quam sciat, nisi Grammaticam & Rhetoricam, clamat ipsa, neque
vlla sapientia aut disciplina Gentilibus, se commendare possit. Al-
terum discrimen in eo situm est, quod Hæresis in foribus domus
sue sedet super sellam, & non nisi eos vocat, qui haud longè præ-
tergrediuntur, sed nequaquam tantum laboris aut molestiæ suscipere
audet, vt passim per vias & ad ostia singula vocem mittat, hoc est,
non nisi eos adiungere conatur, qui iam Christiani sunt, de Genti-
libus autem, Turcis ac Iudæis conuertendis nihil ei curæ est. Sed Sa-
pientia (ait Salomon Proverb. 8.) clamat & dat vocem suam, nempe
per ancillas suas, quas mittit, in summis excelsisque verticibus supra viam,
in medijs semitis stans, iuxta portas ciuitatis, siue in maxima frequentia, in
ipsis foribus singularum adium loquitur. Id est Catholicæ doctrinæ sonus
exit in omnem terram, siue, Romana fides annuntiatur in vniuerso mundo.
Rom. 1. sicut Isai. 42 prædictum fuerat, *De vertice montium clamabunt
& laudem meam in insulis nunciabunt.* Tertia dissimilitudo hoc con-
tinetur, quod sapientia, siue Catholica Religio, suas, non alienas, vi-
ctimas immolat, & suum panem suumque vinum inuitatis offert:
Venite comedite panem MEVM, & bibite VINVM, quod miscui vobis. Hære-
sis contra non vinum, sed Aquam, nec suum, sed furtiuum panem
præbet: *Pecordi enim (ait Salomo) locuta est: Aqua furtiua dulciores
sunt & panis absconditus suauior.* Similiter de Pseudopropheta affirmat
Deus Ierem. 23. *Furantur unusquisque verbum meum à proximo suo.*
Si quid nempe veri aliquando dicunt, non id eis à Deo reuelatum est,
sed ipsi aliunde mutuati sunt, quemadmodum supra capit. 6. pag. 21.
confitentem induxi Lutherum, quicquid in sua religione boni sit,
omne ex papatu ad se profluxisse.

Et si autem omnes artes ac scientiæ vsque adeò ab Ecclesiæ Ca-
tholicæ hominibus excultæ & absolutæ fuerunt, vt summa gentiles
admiratione obstupescere potuerint, quemadmodum etiam vsu-
uenisse nemo, qui *Boetium de signis Ecclesiæ* copiosè id demonstrantem
& Noui orbis historiam legerit, ignorare potest: haud tamen scio
an propter Moralem & Ciuilem siue Politicam Sapientiam
Ecclesia vel maximam omnium admirationem excitare queat.
Ac de

Ac de *Morali* quidem quamuis multis argumentis euidentissimè doceri posset, verum esse quod Psal. 18. legitur: *Lex Domini immaculata, conuertens animas.* Nam conuersio animarum, hoc est, admiranda morum in melius commutatio, in primisque Virginitas & Castitas, virtutes Gentilibus pænè ignotæ, sed in Ecclesiæ Catholicæ membris passim conspicuæ perfectionem Legis moralis satis testatam faciunt. Deinde ipsum genus præceptorum ita macula quacumque vacat, vt etiam sapientissimos Gentilium, *Socratem Epictetum*, & omnium, *Plutarcho* iudice, in morali Philosophia longè principē *Senecam* sui meritò pœniteat, si sua Decreta & Præcepta cum ijs, quibus Catholici Doctores nos erudiunt, comparari sentiant. nam ne laudis huius palam Protestantium Magistri controuersam faciant, nullum omnino est periculum, non modò quia ipsi vix decimum quemque, qui non perfidia ac dolo plenus sit, & in omnē lasciuiam solutissimè diffuset, in Ecclesiis suis inueniri fatentur (velut supra capite primo ex ipsorum verbis constitit) sed etiam quia fundamentū & totius Religionis eorū cardo eiusmodi est, vt eo honestatis ac virtutis scintillas omnes non modò sopiri, sed penitus exstingui & ex animis deleri oporteat, qua de re quoniam supra capp. 11. & 111. Satis multa dixi, inane ac superfluum fuerit, hic plura verba fieri, tantum addam *Nicolai Ambrosdorffij* (eius, quem *Lutherus* velut collegam omnium fidissimum *Naumburgensi* Episcopatu præfecerat) hodie quoque librum exstare, cuius index siue titulus promittat: *Bona opera ad salutem perniciofa esse* & *Saxonicos Theologos in Altenburgensi Colloquio totidem verbis contentiosissimè docuisse: Opera bona & nouam obedientiam non ad regnum Christi, sed ad mundum pertinere.* Item: *ad Satanam spectare Christianos cum bonis operibus.* Item: *adeo non necessaria esse opera bona, vt etiam ad salutem incommodent, sintq; perniciofa.*

Moralis Ecclesiæ sapientia.

Protestantium Moralis sapientia.

Cuiusmodi Mores apud Protestantes doceantur.

CAPVT CXXVIII.

IAM vtrubi Civilis sapientiæ siue Politices, illustriora exstent specimina, primùm ex ipsius *Lutheri* Confessione disci potest, quæ in Colloquijs *Isleb.* de verbo Dei fol. 6. §. 2. legitur. *Nobiles nostri rebus gerendis præesse & reipub. administrare volunt, cum tamen neque id possint, neque quicquam prorsus intelligant.* Papa verò non tantum, quomodo regnandum sit, intelligit sed factò ipso Regem & Gubernatorem præstat. Postremus quisque *Papistarum solus aptior est, regimini & administrande reipub. quam decem Nobiles*

Civilis seu Politica sapientia apud Protestantes documenta. Nobiles Protestantium cuiusmodi Lutherus esse dicat.

biles in aula Principis nostri: quod ipsorum siue bona, siue mala cum gratia dictum volo. Et Tomo 6. lat. witt. in coment. Genes. 27. fol. 627. vel Tomo xi. Ger. witt. fol. 275. Nostri Nobiles & Centauri domi militiaeque ad res gerendas inutiles sunt: dedunt se aut auaritia in exhausta, aut belluationibus, pericula vero & onera reipub. fugiunt, & in acie cauent sibi loco, dantque operam, ne primi hostibus opponantur. Et Tomo 2. Germ. Ienen. de scholis erigendis fol.

Cuiusmodi Prin-
cipes Protestan-
tium.

466. aut 476. Deberent quidem Evangelici nostri Principes ac proceres Euangelicarum scholarum erigendarum, & educandae iuventutis curam gerere. At enim ipsis non vacat, quippe quos traha siue slitta per niues animi causa circumuectari, COMPOSITARI, laruatosque concurrere oporteat, suntque acerrime occupati arduis & magni momenti negotijs ad culina, apotheca vinaria & Lecti, siue muliebris complexus procuracionem spectantibus.

Regnum Christi
quale sit inter
Papistas.

His addamus licet Andreae Musculi verba ex libro supra citato de die Nouissimo fol. 84. Christus tamen semper in Regno suo fideles seruos habuit, qui acceptum talentum fideliter collocarent, sicut res ipsa ante oculos est & loquitur in amplissimis illis Collegiorum, Ecclesiarum & Hospitalium fundationibus, ita ut hodie dolenter dicere soleamus, in Papatu adhuc fidem, opem & auxilium reperiri potuisse, nunc autem de omni fide & ope actum esse.

Quale inter
Protestantes:
vultur nemp
ex raplo.

Nunc nequam, infidelis & postremus (siue, Evangelicus) seruus economiam & familiae praefecturam solus omnem tenet. Nunc QVISQVE quod habet, retinet, ac praeterea res proximi corrudere & in rem suam conuertere dies noctesque meditatur. Praeteryt tempus illud, in quo fideles Dei serui (Papistae) dabant & distribuebant. Iam nihil nostris cordi est, quam RAPERERE CAPERERE. Proceres ac Magnates a bonis Ecclesiasticis inceperunt, ea sibi vindicarunt, neque tamen bene collocant, sed in priuata utilitatem conuertunt. Nobilitas porro reliquias, quae sunt, demetit. Ciues & Agricola mutuò se deglubunt & deglutunt. Cum quid dandum est, nemo quisquam habet. Sic ergò apparet, qualem esse Politiam apud eos oporteat, ubi nemo in commune consulit, sed suae quisque utilitati studet, eiusque causa neque a ceterorum ciuium bonis, neque ab ijs, quae Deo consecrata sunt & ad cultum eius conseruandum pertinent, rapacissimas ac sacrilegas manus continere potest: ut nihil dubitem, quin si reuiuiscat Aristoteles, auditis eiusmodi Lutheri ac Musculi de regno Christi, seu Protestantium Synagoga testimonijs, (quorum tamen veritatem praestare nolim) Philippi Regis Poneropolim, in quam nemo nisi improbus recipi poterat, apud Protestantes agnoscat.

Politia Prote-
stantium.

1.

2.

Deinde perspicuum est, non esse Protestantibus certas Leges, neque

que certos Præsides, velut mox euenturum iam eo ipso tempore, quo Augustana Confessio cudebatur, prænunciavit Melanchthon, cuius supra cap. 74. pag. 244. hæc verba recitavi: *Ut quod sentio dicam, utinam possim Administrationem restituere Episcoporum. Video enim qualem habituri simus Ecclesiam, dissoluta Politia Ecclesiastica. Video postea multo intolerabiliorem fore Tyrannidem, quam antea unquam fuit, Lutherum quidam nulla de causa amant, nisi quia beneficio eius sentiunt se Episcopos excusasse, & adeptos Libertatem minimè utilem ad posteritatem. qualis enim, cedo, futurus est status ad posteros in Ecclesiis, si omnes veteres mores sint aboliti, si nulli certi sint Præsides?* In his nihil mentitum esse Philippum, res ipsa ante oculos posita vociferatur. nam in Ecclesia Catholica nemini mortalium licet *mouere terminos antiquos, quos posuerunt patres nostri*: Si qua verò noua incidat controuersia, conueniunt Episcopi videre de verbo illo, & quicquid Spiritui sancto & ipsis visum fuerit, hoc est, quicquid ipsi à Spiritu sancto inspirati decreuerint (nam Spiritum sanctum per os Episcoporum legitimè congregatorum loqui eadem fide credimus, qua Deum esse conditorem cœli ac terræ) id omnes pro Dei iussu atque oraculo sine vlla retractatione aut dubitatione accipimus, eique volentibus animis paremus. Sed apud Protestantes nullus nouandi ac mutandi finis est. Cum quis enim nouam quampiam sententiam commentus est, & verbis Scripturæ cum probabilitate aliqua ad instituti sui rationem contortis Principi seculari persuasit, continuo commentum illud pro Lege Dei, siue, pto vera Fide omnes eius Principis subditos habere oportet. Eius rei bina tantum exempla hoc loco commemorare lubet. Augustanam Confessionem à Melanchthone ac socijs diocædes mutata fuisse in Herzbergenfi Colloquio anno 1578. falsus fuit Andreas Musculus, velut in Colloquij illius Relatione fol. 91. & 92. legimus. Mutata verò in ea fuisse non modò verba & orationis formam, sed etiam res magni momenti ac fidei articulos, de quibus acerrimè disputatur, Selneccerus & Smidlinus ibidem, & Saxonici Theologi in Colloquio Altenburgensi fol. 521. fatentur, idq; Marchio Badensis *Ernestus Fridericus* in libro, quo causas reddit, cur Concordiæ libro subscribere religioni habuerit, similiterq; frater eius germanus *Marchio Iacobus*, sanctæ memoriæ Princeps alio libro, quo quibus rationib⁹ impulsus relicto Lutheranismi Ecclesiæ Catholicæ se reddiderit exsequitur. ingesta oculis veritate, planissimè demonstrant Porro Electorales siue Witt. Theologi in eodè ipso Altēburgēsi Colloquio fol. 425. & 463. nō

ignorante

*Melanchthonis
Gauisium de
Principum Pro-
testantium in-
tolerabili Ty-
rannide.*

*In Ecclesia im-
perium magi-
stratum est im-
volentes & se-
cundum Leges.*

*Contra sit apud
Protestantes.*

*Veritas prophe-
cia Philippi e-
uentu compre-
batur.*

*Norma fidei
Protestantium
est regula Les-
bia.*

*Augustana Cō-
fessio falsata
confecto Lu-
thero.*

Et confisus Lutheranis Principibus.

ignorante aut invito, sed probante, immò hortante & mandante Lutero, uidentibus adhuc maxima ex parte Principibus, qui Confessionem Augustæ Caroli Cæsari obtulerant, mutatam siue corruptam sæpius exiisse: & fol. 498. publico Principum consilio editionem anni 1531. nequaquam ad Archetypum Augustæ exhibitum congruentem, quod ita fieri ad existimationem quoque Principum pertineret, adornatam fuisse affirmant: quemadmodum & fol. 530. de nouo reuisam & auctam Augustanam Confessionem, Augustæ tamen neque scriptam, neque exhibitam, neque à statibus Protestantium unquam approbatam (velut non modò Saxonici fol. 402. b. sed etiam ipsi fol. 494. apertè ferunt) pro Electoris Augusti mandato in Ecclesiis illarum regionum, velut sanæ doctrinæ nucleum, retentam fuisse gloriantur. Id porrò exemplar Smidlinus in Herzbergenfi Colloquio fol. 92. contendit astu Philippi in Caluinistarum gratiam ita mutatam fuisse, ut etiam ipsi amplecti eam potuerint. quod haud vanè ab illo dici hæc Caluini verba in vltima admonitione ad westfalum anno 1557. edita pag. 23. testantur: De Confessione Augustana sic respondeo, verbulum in ea (qualis Ratisbonæ edita fuit non exstare doctrinæ nostræ contrarium. si quæ in sensu ambiguitas incidat, nullum esse magis idoneum interpretem, quàm auctorem ipsum (Philippum) cui etiam id honoris pro suo merito facile pij omnes & eruditi deferent &c. Iam ergò dilucescit, mandato Electoris Augusti multis annis Calvinismum sub Augustanæ Confessionis à Philippo adulteratæ velo in Saxonici Ecclesijs latuisse, & animis populorum instillatum fuisse. Si quis scire iam desideret, sciens ne an imprudens idem Elector deprauatam illam & Calvinizantem Confessionem probarit ac promulgandam curarit, audiat, quid Smidlinus in Herzbergenfi Colloquio fol. 92. hac de re denarret: Naumburgi (inquit) quò Euangelici Principes concordia in religione sancienti causa conuenerant, nullum Confessionis exemplar cum altero concordauit, dixitque mihi Elector Augustus, Philippum Hassiæ Landgrauium cum Confessionis exemplar manu præferret, pectore suo percussò religiose sibi assenerasse, illud ipsum exemplar & nullum aliud esse, quod ipse simul cum alijs Augustæ anno 1530. verè & indubitatè Cæsari obtulerit. Eius verbis fidem se habuisse ac deprauato illi exemplari subscripsisse, quod alioquin profecto nullo modo facturus fuisset. Hæc Smidlinus.

Electo Saxo Ecclesijs suis adulteratam Confessionem obtrudit.

Caluinus Augustana Confessionis subscribit.

Electo Augustus suos subditos in errorem inducit.

ipse turpiter ab Hassiæ Landgrauio delusus.

Quis nunc est, qui satis pro rei indignitate miserrimam Protestantium conditionem verbis describere ac deplorare queat? quos quidem sui Principes partim fraude ac dolo (nisi Hassio iniuriam in eo Elector fecit) partim incientes ac simpliciter, ne dicam stolidè alijs fisci, ad normam Fidei, impostorum astu contortam ac deprauatam adigunt, in eamque

eamque provinciarum suarū Doctores, Ludimagistros & Concionatores iurare cogunt: eos autem, qui quod ex animo dissentiant, Normam eiusmodi nequaquam salua conscientia adhibere se posse intelligunt, pro hostibus habent, & non minùs, quàm Papistas in malam rem magnam facessere iubent. Sed id multo adhuc planius facit *Concordia liber*, anno 1580. Lipsiæ Latinè editus, in cuius Præfatione tres Electores vna cum ceteris Lutheranis Principibus, ordinibus & Ciuitatibus Imperialibus magnoperè affirmant, se ab Augustana Confessione ne latum quidem vnguem discedere, sed summa concordia in ea perseverare, & controuersias omnes ad illam veram normam examinare decreuisse: tum etiam persuasum omnibus volunt, eiusque rei causa suam, velut virorum Principum fidem interponunt, se Confessionis Augustanæ exemplar sincerum, germanum & incorruptum ac summa fide cum Prototypo, quod Carolo Cæsari oblatum Moguntia in archiuo Imperij seruetur, conferendum curasse, & sic collatum Concordiæ libro inseruisse. Sed hoc impudentissimum esse mendacium non Principum, sed Theologorum, qui credulitate Principum tam atrociter abuti non dubitarunt, ipse *Nicolaus Seneccerus*, vnus primarius libri Concordiæ architectus, ac velut credibile est, ipsius Latinæ præfationis scriptor, in secunda eiusdem libri Editione quæ Lipsiæ anno 1584. prodijt. fol. 745. totidem verbis fatetur:

Antea publicatus est liber Christianæ Concordiæ Latinè, sed priuato & festinanti instituto. Opus profectò fuerat circumspeditione & delectu, cum præsertim ad manus non esset exemplar Latinæ Confessionis Augustanæ, quod primum omnium anno 1531. in Quarto editum fuit: vbi necessitas coëgit præcipitantiam, vt alterū exemplar eiusdem Confessionis eodem anno in octauo non sine mutatione (fatendum enim est) publicatæ prelo subijceretur, cum hæc vna editio, & non prior, vt dictum est, in promptu esset. Etsi autem excusationem *προαίρεσις* ista suam meretur, tamen nonnullis non tantum Theologis, sed & alijs, politicis & prudentibus viris, Præfationem Electorum, Principum & statuum considerantibus, visum est, exemplar primò editum & non mutatum, in posteriore hac euulgatione & in omnibus alijs sequentibus editionibus, omnino & sanctè retinendum esse: id quod & hac ipsa iam fit publicatione, & deinceps per eos, qui fideliter Ecclesijs & scholis harum regionum seruiunt, diligenti & pio studio fieri curabitur. [*Hæc Seneccerus.*]

N n n

In his

Protestantes à Principibus suis ad errores fidei coguntur.

Principes Lutheranis profitentur se libro Concordiæ inseruisse incorruptam Confess. Augustanam.

Id falsissimum esse testatur Seneccerus.

Anno 1531. VVittebergæ Confessio adulterata exijt.

*In Concordiæ li-
bro deprauata
continetur Con-
fessio.*

*Malitia & im-
probitas Prote-
stantium Theo-
logorum.*

*Principes Pro-
testantes ab ijs
cauere sibi de-
bebant.*

*Concordia liber
hodie quoque
corruptam Co-
fessionem conti-
net.*

*Et tamen qui-
dam Principes
Lutherani cum
edesciant, nihil
mouentur.*

IN his porro Selnecceri verbis quatuor sunt, quæ animaduersionem merentur : I. quod Augustanam Confessionem anno 1531. Wittemberge in quarta folij forma, rursusque in octaua editam, sed hanc posteriorem mutatam siue deprauatam, neque bona fide ad archetypum expressam fuisse confitetur II. quod cum anno 1580. Concordiæ liber Lipsiæ imprimeretur, nullum exemplar editionis illius in Quarto ad manus fuisse, eaque causa alterius editionis, id est, deprauatæ exemplar in librum Concordiæ infedissee dicit. III. quod secunda libri Concordiæ editione exemplar Confessionis in Quarto editæ contineri affirmat. IV. quod crimen falsi ab ijs commissum, quos anno 1580. edendo Concordiæ libro Principes præfecerant, sic excusat, quod necessitas eos coegerit, vt corruptum Confessionis exemplar pro incorrupto venditarent ac Principum nomine lectoribus obtruderent, hoc est, ipsos Principes in Præfatione de incorrupto exemplari gloriantes, mendacij manifestò reos facerent. Sed quid fuit tandem, quod eos sic facere cogeret? Vtrum iussus Principum? Id verò ipse Selneccerus negat, cum priuato instituto priorem editionem ait exiisse. Fuit ergo ipsorum Theologorum malitia, qui ex natura Euangelij sui à mendacij patre Satana profecti, non dormiunt, nisi malefecerint, & rapitur somnus ab eis, nisi supplantauerint, Prouerb. 4. *Vigilant super iniquitate, & peccare faciunt homines in verbo*, Isai. 29. Itaque memores esse debebant Principes eius, quod de cauendis id genus hominibus, eodem loco Prouerb. 4. singulis præcipitur: *Ne delesteris in semitis impiorum, nec tibi placeat malorum via. Via impiorum tenebrosa, nesciunt ubi corruant. Fuge ab ea, nec transeas per illam: declina & desere eam. Comedunt enim panem impietatis, & vinum iniquitatis bibunt.* Sed tantum abest, vt ab huiusmodi ductorum via recedant ipsi, vt insuper alios eandem renere cogant. Quamuis enim Wittembergenfes Theologi in Altenburg. Colloquij fol. 494. disertissimè planissimeque fateantur, Confessionis editionem primam, quæ hodiè quoque, in Concordiæ libro, Selneccero teste, legitur, non minùs, quàm ceteras editiones, ab Archetypo Cæsari exhibito discrepare: quamuis etiam *Iacobus Marchio* Badensis eo, quem dixi, libro, ipsa auctore & allatis in medium locis in prima illa editione à Philippo corruptis luculentissimè demonstrarit, tamen vel illi Principes, qui se librum Marchionis Badensis nec semel legisse audientibus Catholicis gloriantur, adeoque ignorantia excusatio-

cusationem non habent, vt eiusmodi fraudes ac dolos sibi displicere ostendant, animum inducere nequeunt, neque quid alij, Principes de ipsis existiment, sua quicquam interesse censent. Eius mali causam sic reddit Apostolus 1. Iohan. 2. *Qui odit fratrem suum, in tenebris est, & in tenebris ambulat, & nescit, quò eat: quia tenebræ occæcauerunt oculos eius.* Oderunt nempe Catholicos, à quibus

Odio quippe Catholicorum excæcati.

vehementissimè cupiditati, & quemadmodum de Principibus nominatim loquitur Lutherus, *Bulimia suæ obsisti vident. Irascuntur* (ait Aristoteles) *quicumque impedimentum habent, siue, quibus quis obstat, in ijs præsertim, quæ vehementer concupiscunt, vt si quis sitiens bibere vetetur.* Cuiusmodi autem sit Principum istorum fames ac sitis, Psalm.

Catholici enim cupiditati exoriantur.

82. Sic exprimitur: *Principes eorum dixerunt: Hereditate possideamus sanctuarium Dei, hoc est, Ecclesiarum Collegia & Monasteria nobis posterisq; nostris hereditaria faciamus.* Atque hoc est, quod Psalm. 28. legimus: *Famem patientur vt Canes: si verò non fuerint saturati, murmurabunt.* Et Isai. 8. *Transibit per viam Pythonum & ventri loquorum, in qua non est matutina lux* (siue, quemadmodum supra cap. 120. interpretabar, falsorum Scripturæ interpretum fallacem doctrinam sequetur, sed in ea via) *Corruet, & esuriet: & cum esurierit, irascetur, & maledicet Regi suo & Deo suo.* Quis est Principum eiusmodi Rex, nisi tu, Sacratissime Imperator? quis eorundem Deus, nisi summus Pontifex quem Deus Pharaonum istorum Deum constituit? Quàm verò vtrique irasci ac maledicere soleant, esurientes isti famelique homines, manifestius est, quàm de quo fieri verba debeant.

Fames Protestantium.

Irascuntur Regi suo Casari, & maledicunt Deo suo Pontifici.

Verumtamen id adhuc ferri vtcumque posset, nisi hæc eorum Fames tot populos ad famem verbi diuini reijceret, ac panem mendacij victitare cogeret. quo modo enim Augustana Confessio non sit panis mendacij, quæ non iam dico tota ex impudentissimis mendacijs sit concreta (quod quidem quotiescumque Principibus Protestantium conditio, quam paulò prius eis tuli, placuerit, ostendere paratus sum) sed toties iam deprauata & adulterata populis proponatur, in eiusque verba Doctores ac Magistri publici iurare à Principibus cogantur? Et dubitabimus, quin iam euadant & impleantur, quæ de Tyrannide in Protestantium Ecclesiis ex sublatâ Episcoporum iurisdictione Philippus anno 1530. euentura prædixit? Iam enim vel vnius Saxonie exemplo id satis comprobatur: quæ ferè ad annum vsque 1525. etiam Wittenbergæ, sed Dresdæ & Lipsiæ ad 1539. Catholicos Sacerdotes ac Do-

Augustana Confessio est panis mendacij.

Quem subditos Protestantium Principes edere cogunt.

In Saxonia relictis sexies mensibus.

ctores retinuit, postea Lutheranismus ibi rerum potitus est, quoad Lutherus vixit, quamuis Philippus iam tum anno 1540. in primo suo congressu cum Caluino à Lutheri & Augustanæ Confessionis sententia defecerit, velut *Calvinus in vltima admonit. ad Wessalum pag. 25.* ipsius Philippi adhuc viuentis conscientiam appellans scribit. Postea idem Philippus vna cum Ebero, Maiore, ceterisque Philippistis per Confessionem Augustanam in gratiam Caluinistarum adulteratam Electoralis Saxonie Ecclesias Caluinismo infecerit, donec fraude detecta Augustus Elector Peucerum Philippi generum aliosque doli participes grauib. supplicijs affecit, & Lutheranismum cum Vbi-quitatis appendice postliminio in scholas & Ecclesias reduxit. Sed postquam Christianus ei filius successit, redierunt Caluinistæ, neque modò in Saxonia rerum potiti sunt, sed vtrò etiam de Lutheranismò simul cum Catholica religione ex vniuerso Imperio per vim & factionem extrudendo atrocissima consilia agitarunt. Electore verò in ipso rei aggrediendæ articulo oportune rebus humanis exempto, cœpit Caluinistarum fortuna ad pœnitentiam suam redire, vt nonnulli consiliorum suorum atrocitatem capite luere, alij, nisi Caluinismum eierarent, Saxonie saltem finibus excedere necesse habuerint. quid porrò futurum sit, *θεὸς ἐν γύνασι νέται.* Caluinistæ quidem Christiano II. nuper admodum sublato sibi gratulari & in magnam pristinorum successuum spem erigi denuò cœperunt. qua si non frustrati fuerint, ipsisque res ex sententia processerit, nempe intra LXXX. annos Saxonia primùm Catholicos, inde Lutheranos, postea Caluinistas, tum denuò Lutheranos, mox iterum Caluinistas, post rursum Lutheranos, tandem tertium Caluinistas in Ecclesiarum ac scholarum Cathedris habuisse verè prædicabitur, vt etiam hic locum habeat illud Ierem. 50. *Grex perditus factus est populus meus. Pastores siue Principes eorum seduxerunt eos, feceruntque vagari in montibus. De monte excelso Romanæ Ecclesiæ in Collem Lutheri transferunt: obliuisci sunt cubilis sui. Omnes, qui inuenerunt, comederunt eos, modò eos Lutherani, modò Caluinistæ, prædæ habuerunt. quod vtinam pariter mox locum in illis habeat, quod est ibi bidem: In diebus illis venient, ambulantes & flentes properabunt, & Dominum Deum suum quærent. In Sion interrogabunt viam, huc facies eorum. Venient & apponentur ad Dominum facere sempiterno, quod nulla obliuione delebitur.*

CAP.

IAm ad alterum Tyrannidis exemplum venio, quod Philippum minimè vanum augurem fuisse vincat cum perempta Episcoporum Iurisdictione & Politia Ecclesiastica dissoluta, multò intolerabiliorem in Ecclesiis Protestantium Tyrannidem fore prædixit: Cum anno 1546. Fridericus II. Palatinus Elector abrogata veteri & Catholica Lege, quæ panis in corpus Christi *Transsubstantiationem* iubet, *Consubstantiationem* eius loco credere præcepisset (Lutherani enim substantiam panis in Sacramento quidem manere, sed simul cum ea substantiam corporis Christi exhiberi credunt, tametsi Augustanæ Confessionis Germanicum exemplar non sub pane sed *sub specie panis*, siue sub eo, qui tantum videtur panis, Christi corpus dispensari dicit) duravit noua illa lex vsque ad annum 1559. quo Fridericus III. Elector Caluinismum induxit, & tam Trans:quàm Consubstantiationem abrogauit, populosq; suos, vt Christi corpus longius à Sacramento, quàm cælum à terra abesse crederent. docendos curauit. Ei successit filius Ludouicus anno 1576. qui relegatis Caluinismi doctoribus Consubstantiationis legem iterum fixit. Sed anno 1583. mortuus Caluinismo locum rursus cessit, cum ei frater Iohan. Casimirus Caluinista successisset. qui vt Friderico fratris filio cui tutorio nomine præerat, Caluinismum instillaret, quod eum nec minis, nec precibus ad discendum Caluinianæ perfidiæ Catechismum induci posse cernebat, mandauit hominibus suis, (velut Heidelbergæ ipse ex pluribus audiui) vt quibus puer rebus maximè caperetur, animus aduerterent. Et postquam eum didicit venatione plurimum delectari, cum eum aliquoties venatum eduxisset, eaque velut illecebra incautum inescasset, exinde domi vsque retineri eum iussit, donec pueris, qui simul educabantur, quoridiè venatu redeuntibus ac saluam ei mouentibus, desiderium venationis diutius ferre non sustinens, se Catechismum Caluinianum, modò venationi adhiberetur discere paratum esse professus est. Sic ergò in Caluinismo educatus *Consobstantiationem* postea vsque adeò exotam habuit, vt etiam Equestris ordinis hominis eam retinentes, propè ad nullam substantiam, & qui cum pane Christi corpus accipere se crederent, tantum non ad Panis egestatem redegerit: quod quidem si quis minùs nouit, vel in superiore Palatinatu id discat licet, vbi nullus ferè indigenis ad præfecturas & lucrosa munera aditus patet, eisque extranei Nobiles, Caluini decreta comprobantes præferuntur, & ex negata Consubstantiatione substantiam suam augment remque familiarem constabiliunt

Nnn 3

biliunt

*In Electoralibus
Palatinatu
Religio intra
annos 68. se-
pries variata.*

*Quo artificio
Caluinista Ele-
ctorem Palati-
num in partes
suas pertraxe-
runt.*

*Inter Protestan-
tes est Dyna-
stia siue Ty-
rannica Oli-
garchia, quan-
tum ad regi-
men spirituale.*

*Cuiusmodi le-
ges sint in rep.
Protestantium*

*Sapientia poli-
tica in Ecclesia
Catholica,*

*Ciuitatis defi-
nitio*

biliunt. Quod si nuper Palatinum Neoburgicum Electoralis Palati-
natus tutela potiri contigisset : rursus Consubstantiatio Caluinis-
mum pepulisset, ac mox quadriennio exacto, nisi quo artificio pu-
pillus Elector interea à paterna secta alienatus esset, Coloniam de-
nuò mutasset, eoque facto intra annos 68. publicam religionis Le-
gem ac professionem in ea prouincia Principum arbitrio septies va-
riatam vidissemus. Ecquæ tandem Tyrannis ista maior vel cogita-
ri possit? quis Gentilium ista videns non continuò *Dynastian* inter
Protestantes agnoscat, genus Oligarchiæ omnium vitiosissimum
ad deterrimum? in quo maximo censu præditi & imperium non
lege, sed hereditario iure possidentes, omnia suo arbitratu ac libidine
contemptis legibus administrant, siue, vt 4. *Polit.* 5. scribit Aristote-
les, vbi non Lex, sed Magistratus imperat, & quicquid ei de diui-
nis ac humanis rebus, deque perpetua animarum salute visum fue-
rit, id Legis vim obtinere oportet. Accedit, quòd cum Protestantes
sola fide homines æstimari, & nec bonis quenquam actionibus bo-
num nec malis malum censeri velint : tum etiam arbitrii libertatem
hominibus adimunt, omniaque Fato & certa lege atque absoluta &
immutabili necessitate euenire persuasum habeant, nisi tamen Do-
ctoribus suis Luthero & Caluino contentiosissimè sic docentibus
eumque articulum fidei omnium optimum ac rerum suarum sum-
mam Prædicantibus contradicunt : siue conuenienter huic Legi
remp. suam instituunt, siue aliter atque credunt, credi debere, factis
ipsis declarent (puniendo scilicet peccata, recteque factis laudem
præmiumque tribuendo, quod vanum esset, nisi vtraque essent vo-
luntaria) effugere nullo modo possunt, quin magnam Politia ipso-
rum mendam continere, atque adeò aut ridiculè & præposterè, aut
flagitiosè turpiterque descripta Gentilibus iure videatur. quod quo-
niam intelligentibus per se satis dilucet, verbum hic non addo, ac
potius quid Gentiles in Ecclesiæ Catholicæ Politia admirabile &
humana sapientia maius contueri queant, considero. Sed cum ea
tam multa, tantique sint momenti, vt proprio volumine explicari
mereantur, accuratiore eorum tractatione in aliud tempus dilata, sa-
tis iam habeo breuiter nonnulla attingere ac summa sequi fastigia
rerum.

CAPVT. CXXXI.

Ecclesiam igitur diximus esse ciuitatem, seu regnum, siue remp.
Christi

Christi: *Civitas* verò definitur *hominum eodem iure consociatorum multitudo*, rebus ad *usus vitæ necessariis satis instructa* siue *ἀντάξις*, quemadmodum de Ecclesia Psal. 121. scriptum est: *Ierusalem, quæ ædificatur ut Civitas, cuius participatio in idipsum*, hoc est, in qua omnes omnia participant, siue, communia habent iura, tam *Sacrum*, id est, ad religionem & cerimonias pertinens, quàm *Privatum*, in contractibus ac testamentis privatorum singulorum emolumentum, & *Publicum* denique vtilitatem communem in reip. legumque descriptione spectans.

Itaque eodem Psalmis subtextitur: *Illic ascenderunt tribus Domini, testimonium Israel ad confitendum nomini Domini* (hoc est, quamvis ciues eius multi sint, eadem tamen Religione Deum colunt) *Illic sederunt sedes in iudicio* (Chaldaus reddidit: *ad iudicium*. hoc est, illic ius redditur

in iudiciis publicis ac privatis ab hominibus idoneis ex quavis tribu delectis *Sedes super domum David*. id est, in Domo David regius thronus collocatus est. *Regate quæ ad pacem sunt Ierusalem, & abundantia diligentibus te*. *Fiat pax in virtute seu munitione tua, & abundantia in turrib seu palatiis tuis*, *Hic significatur ἀντάξις*, quæ est rerum *usus ad vitæ necessarium*, copia, de qua sermo est Isai. 33. *Respice Sion civitatem solennitatis nostræ: oculi tui videbunt Ierusalem habitationem opulentam*. Nimirum tanta est Ecclesiæ bonorum omnis generis abundantia & opulentia, ut

etiam foris pateat conspicique possit. Isai. 60. *Super te, Ierusalem, orientur Dominus & gloria eius in te videbitur. Domum maiestatis mee glorificabo dicit Dominus*. quo tandem modo? *Ponam te in superbiam sæculorum, & suges lac gentium, & mamilla Regum lactaberis: adducam filios tuos de longè: argentum eorum & aurum eorum cum eis. Gloria Libani ad te veniet, abies & buxus & pinus simul ad ornandum locum sanctificationis mee. Et veniet ad te curui filij eorum, qui humiliaverunt te, & adorabunt vestigia pedum tuorum omnes, qui detrahebant tibi, & vocabunt te Civitatem Domini, Sion sancti Israel. Aedificabunt filij peregrinorum muros tuos, & Reges eorum ministrabunt tibi. Gens enim, & Regnum, quod non servierit tibi, peribit (Sicut Græcia rebellis) & Gentes solitudine vastabuntur. Aggæi. 2. Movebo omnes Gentes (desiderium eis suscipiendi Christianismi excitabo) & implebo domum meam gloria, dicit Dominus. Meum est aurum, & meum est argentum. Maior erit gloria domus istius novissima, quam prima. id est, opulentior multo erit Ecclesia, quàm Synagoga. nam multo splendidiores erunt Sacerdotes Christiani secundum similitudinem Melchisedec, quàm Leuitici fuerunt. Isai. 61. *Vos Sacerdotes Domini vocabimini. Fortitudinem Gentium comedetis, & in GLORIA eorum**

superbietis

Ius sacrum, privatum & publicum.

In Ecclesia omnes idem ius participant.

Sub Uno Rege

Ecclesia est ἀντάξις

Abundantia Ecclesia etiam à Gentilibus conspicitur.

Gentes ad suscipiendum Christianismum movet Ecclesia abundantia.

*Specimen pru-
dentia Nomo-
tica in Ecclesia.*

*Eunomia qui-
bus rebus con-
tineatur.*

*Forma Imperii
in Ecclesia ad-
mirabilis.*

*Consilium sta-
tus quibus de
rebus tractet.*

*Iudicia seu
Tribunalia
quid tractent.
Magistratum
munus.*

superbietis. In terra vestra duplicia possidebitis. Sed de hac ἀνταρξία deque isto opulentiae genere satis multa parabola priore dixi. Videamus nunc, quod est huius loci proprium de *Prudentia Nomothetica*, quam prae se fert ciuitatis huius Eunomia, quamque Gentiles velut diuinam, maiorem quidem certè quàm pro humano modo, non possint non magnopere admirari. Est autem *Eunomia* bona reip. descriptio, qua cum forma ipsius reipub. tam iuris legumque ratio continetur. In Ecclesia igitur admirabilis primum est ipsa Reipub. forma, cum ex tribus rectis formis ita mista sit ac temperata, velut deprehender, qui penes quem sit τὸ πολίτευμα siue summa imperii considerarit, hoc est, quibus ad Senatum, Iudicium & Magistratum aditus pateat. his enim tribus imperii summa continetur. Et ea quidem, quae ad Senatum siue consilium publicum (vulgò *Status* vocant) pertinent sunt eiusmodi: Leges declarare cum auctoritate, qua ceteri teneantur (nam etiam priuati leges interpretari possunt, sed alios, ut assentiantur, non obligant) itemque supplere & corrigere tam eas, quae reipub. statum attingunt (quod fit *Psephismate* seu populi scito, edicto aut decreto) quàm quae de priuatorum rebus & causis latae sunt, quod fit *Aequo & bono*, ex quo Romae Ius praetorium ortum suum habuit, τὸ ἀντιστοδισαῖς seu stricti iuris laxamentum, cum summum ius summa iniuria rectè dicatur, ubi nimirum verba potius, quamuis ac sententia Legis, attenduntur, neque salutem populi supremam Legem esse in mentem venit. Est etiam consilii publici Leges nouas iubere aut rogare, veteres autem abrogare, quorum vtrumque propter humanarum rerum varietatem vel potius ἀπερίαν & infinitatem fieri necesse esse, nemo paulò humanior ignorare potest. Sunt autem & ista rerum deliberandarum capita: Magistratus designare in eosdem inquirere & reipub. gestae rationes ab ipsis reposcere, ius vitae ac necis exercere, in exilium mittere, bona publicare, vectigalia indicere siue Aerarium instituere, dilectum militum habere, Legatos mittere, hostem declarare, bellum indicere, societates & foedera inire, scholas instituere & disciplinam publicam ac priuatam τὴν κατ' ἐκαστον παιδείαν ordinare, & quod omnium maximi est momenti, de sacris & cerimoniis, siue de Religione statuere. Iudicia de contractibus, testamentis, aliisque priuatorum negotiis agunt ex legum quidem praescripto, sed quarum sententiam potius, quàm verba Iudex sequatur, cum id priuatorum utilitas postulat. *Magistratus* ea, quae tam in senatu, seu con-

cione

cione, seu Consilio, quàm in iudicio seu pro tribunali decreta fuerint, exsequitur. Et quoniam Magistratibus rerum siue omnium, siue plerarumque deliberandarum ac iudicandarum potestas ferè tribuitur, vt imperium & iurisdictionem partim ipsi exercere, partim, aliis mandare possint, eo fit, vt Magistratus reip. τὸ κρείον siue *Summa* existimetur, & ex Magistratuum dissimilitudine ipsa rerum-pub. genera distinguantur. Est igitur hoc in Ecclesia Politicum, quod ad Magistratus maiores, quibus nempe rerum nobiliorum procuratio commissa est. (cuiusmodi est potestas iudicandi, soluendi ac ligandi) promiscuè omnes tam pauperes, quàm diuites, tam plebei, quàm Nobiles admittuntur, modò virtute ad id munus necessaria sint instructi. Democraticum enim foret, omnes nulla virtutis habita ratione Magistratuum participes fieri. Aristocraticum verò est, quod qui virtute magis excellunt, ex ceteris Sacerdotibus delecti, Episcopatibus præficiuntur, qui partim in sua quisque Diœcesi, partim simul cum ceteris congregati maximarum quarumque rerum potestatem exerceant, dum ne quid sanciant statuuntque, quod summo Pontifici probare nequeant. Regium denique est, quod omnium optimus & Sapientissimus iudicatus vniuersæ Ecclesiæ præest, ac partim solus, partim cum Concilio, & vel ipse, vel per alios, quibus auctoritatem dederit, de omnibus rerum deliberandarum ac iudicandarum capitibus, quæ ad Senatum & iudicia siue tribunalia pertinere dixi, quicquid reipub. singulisque eius membris expedire visum fuerit, statuere potest. In legibus declarandis, supplendis, figendis ac refingendis siue abrogandis Prætoriam Regiamque potestatem exercet: Magistratus tam maiores, Episcopos scilicet ac Sacerdotes, quàm minores, siue rerum modò sæcularium & caducarum procuracione habentes, instituit aut ab aliis institutos confirmat, atque etiam si mereantur, amouet: in exilium mittit atque etiam occidit per excommunicationem: Vectigalia indicit, cùm certum ieiunii, orationis & eleemosynæ numerum ac modum præscribit, & Aerarium siue thesaurum Ecclesiæ ex eiusmodi bonis operibus conflatum dandis Indulgentiis dispensat: Dilectum militum agit, Religiosorum hominum sodalitates instituendo & reformando: Societates ac fœdera init, animabus in purgatorio suffragando, vt inde scilicet in cælum euectæ nos vicissim adiuuent & in æterna tabernacula recipiant: Legatos mittit Sacerdotes qui fidem Gentilibus prædicent ordinando: Scholas ac disciplinam publicam & priuatam ordinat, Cate-

Ooo

chismum

Mixtura formarum imperii in Ecclesia Quid in ea sit Politicum.

Quid Aristocraticum.

Quid Regium. Potestas Summi Pontificis.

chismum, quem puerilis ætas à parochis in Ecclesia, à ludī magistris in schola, à parentibus ac familiaribus domi cuiusque doceatur, præscribendo. Iudicat verò de omnibus omnium ciuium rebus, tam sæcularium, quàm Ecclesiasticorum, si quid in iis peccatum, siue aduersus fidem, spem aut charitatem commissum fuerit: ipse autem à nemine indicatur, estque *ἀνέμωτος*, neque à quoquam mortali repetundarum aut gesti magistratus rationes reposci potest. nam Christum Regem nostrum, qui solus est *Legifer & Iudex* eius, *ὁ τῶν ἐν δυνάμει ἡμῶν*, spiritum suum, qui nouit omnia, apud eum deposuisse credimus ut in nouis negotiis, quæ quotidie & repēte accidere solent, de Christi Regis voluntate certus esse, quodque utilitas subditorum priuata aut publica requirit, per decretum aut privilegium sine errore statuere possit. De quo depositi genere Paulus loquitur 2. Tim. 2. *Bonum depositum custodi per spiritum sanctum, qui habitat in nobis.* Est nempe Spiritus sanctus velut causa, qua Christi voluntas de iis, quæ quotidie subnasci & emergere possunt negotiis commentario comprehensa asseruatur. Itaque Ecclesiæ reipub. suæ, cui capsam illam reliquit, sic loquitur Isai. 62. *Vocaberis voluntas mea in ea.* Et Apostolis, eorumque successoribus Ioh. 16. *Cum venerit spiritus ille veritatis, deducet vos in omni veritate, quam nunc quidem de multis rebus dicere vobis haberem, sed non potestis portare modo* (propter negotiorum multitudinem ac penè infinitatē, quibus persequendis nec longissimum tempus suffecerit). *Non loquetur spiritus ille à semetipso, sed clarificabit me: quia de meo accipiet & annuntiabit vobis.* Pertinet igitur hoc ad Christi gloriā, ut ea, quæ spiritus hic Ecclesiæ relictus præcipit, nō minùs amplectamur, quàm quæ ipse Christus sanxit. Ac ppter ea Petrus depositariorū omnium coryphæus atq; Princeps, eum, qui sibi mendacium dixisset, negauit homini, sed spiritui sancto mentitum esse, Act. 5. Et Paulus de suis præceptis. *Qui hæc spernit, non hominem spernit, sed Deum, qui etiam dedit spiritum sanctum in nobis* 1. Thes. 5. Etiam si autem Gentilis, quæ nos de Spiritus sancti natura & officio dicimus, nō intelligit neq; credit, non tamē ignorat, ad reipub. nostræ incolumitatē non plus qualis sit Magistratus quàm qualis à nobis existimeretur, referre, cum quē q̄s plus sapere ac rectiùs cōsultare arbitratur, ei faciliè parere ac dicto audiēs esse soleat.

CAPVT CXXXII.

*Admirabilis in
Ecclesia iuris
ac legum descriptio.*

Neq; verò minorem admirabilitatem habet iuris ac legum huius reipub. descriptio, cum, quod Aristoteles ad Eunomiæ perfectionem

tionem requirit, & rectè latæ fuerint Leges, & vt rectè obseruentur prouisum. Rectè latæ dicuntur, primùm quidem quando reipub. sunt accommodatæ aliæ enim reipub. generi alias leges conuenire notum apud Politicos est negotium. Cùm porro nostræ reipub. forma ex tribus rectis vt dixi, formis mista sit, hinc rectè latæ leges eius demonstrantur, quod omnium saluti & incolumitati ex æquo consulunt, non iis magis, qui præsunt ac rerum potiuntur, quàm qui parent: quod quidem in vitiosis rebuspub. Tyrannide, Oligarchia & Democrazia contrà fieri solet. nam in nostra reipub. *ascenderunt tribus*, ait Plalmus, nempè *ad sedendum in sedibus ad indigium*, hoc est, cuius de populo pariter ac de summa & infima Nobilitate non modò ad Pontificatum, sed etiam ad Episcopatum atque adeò ad pontificatum adspirare licet, ac nulli cuiuscumque ordinis aditus ad honores per virtutis ac doctrinæ viam est præclusus: quæ res facit, vt omnes ordines pro se quisque ciuitatem velit in columen, quippe cuius statum mutari nemo, nisi improbus, ita interesse existimet. Deinde hinc etiam laudantur leges, si omnia maioris momenti negotia ipsæ definiant, minimumq; Magistratibus & iudicibus relinquunt. *Deinde pleraq; maioris momenti ipsa definiunt.* *ὁ γὰρ ἀνδρῶντος ἐκ ἀσφαλῆς κακῶν*, Nec enim homo satis tuta est Norma, ait Aristoteles: Adeoque rectiùs Legi, quàm arbitrio hominum creditur. *Qui Mentem quidem præesse & imperare iubet, is Deum & leges imperare iubet qui verò hominem iubet, adiungit & beluam.* Nam cum sit huiusmodi (ferina scilicet ac beluina, quæ homini innata est) cupiditas, tum iracundia eos, qui præsunt etiam viros, optimos, deprauat, quare Lex, Mens est cupiditate vacans. 3. Polit. 12. Verumtamen sunt quædam quorum potestas iis, qui præsunt necessario relinquitur. Res enim singulares atque ea, quæ quotidie emergunt omnia velle legibus cōprehendere, nihil est aliud, quàm Hydræ capita amputare, velut ex Platonis sententiâ supra dixi. *Posteaquā Lex accuratè & studiose homines de iis quæ faciendæ ac fugiendæ sint, erudit, aliqua iustissimæ magistratuum sententiâ iudicanda administrandaq; relinquit: tum etiā corrigere permittit, si qd rerū peritis & vfu edoctis scripta lege melius fuerit visum, ait ibidē Philosoph⁹.* Et in reb. quidem priuatam ciuium vtilitatē attingentibus, *Æquo bono locus est, quod τὸ ἀκριβοῦς* *ἀκριβὲς* summo ac stricto iuri, itemq; τῇ διαβολῇ Calumniæ opponitur. *Ἀκριβὲς οἱ νόμοι σφόδρ' εἰσὶν. ὁ δ' ὁρῶν τὰς νόμους* *ἀκρίβως, συκοφάντης φαίνεται* *Præclara res Lex est, sed exactè nimis* *Eam tuens, Calumniator existit*

Quia leges recte sunt latae.

Nam primùm sunt formæ ipsæ per se accommodatæ.

Deinde pleraq; maioris momenti ipsa definiunt.

Quædam tamen Magistratuum fidei ac prudentiæ relinquunt.

Æquitati & fidei in rebus priuatarum ad leges relaxandas.

*Eiusdem & sus
in publicis reb.*

*Salus populi est
regula inter-
pretanda legis*

*Nam ipse Le-
gislator eam
secutus fuit.*

*Sententia po-
tius, quam ver-
ba legis atten-
denda.*

Sic & summum ius summa iniuria rectè dicitur, cum videlicet quæ legibus definita sunt, odiosè substringuntur, ac verba earum usque eò sapiuntur, vt nullus Aequo & bono, quod *legis laxamentum* Cicero vocat, aditus relinquatur. Aequitas porro non in priuatorum modò negotiis, sed in iis etiàm, quæ summam reipub. attingunt, rectè adhibetur. Itaque cum lex esset Thebis, quæ morte multabat, si quis diutiùs, quàm lege præfinitum foret, imperium retinisset, Epaminondas Thebanorum Imperator eam legem reipub. seruandæ causæ latam intelligens, ad perniciem ciuitatis conferre noluit, quod fecisset, si imperio se abdicasset: sed imperium quatuor menses vltra tempus lege præscriptum retinendo, patriam ex Spartanorum seruitute in libertatem vindicauit. *salutem nempe populi supremam legem esse* rectè censuit, cui si tum in re præsentì adfuisset is, qui primus legem de imperio simul ac dies exiisset depouendo rogarat, non est dubium, quin se verba Legis non aliter, quam ex vtilitate reipub. foret, intelligi voluisse, dicturus fuerit, hancque Epaminondæ velut à regula Legis exceptionem, aut *ἐπαρρησµα* siue correctionem, qua Legis *ἐλλειµµα* seu defectus suppleretur, magnopere probarit. neque enim Legislator planè ac discretè Legi suæ, qua Imperium præscripto diutiùs retinenti, multam dicebat, addere debuit: *extra quam si reipub. vtilitas id postularit.* Id enim iam ex iure naturali perspicuum notumque est omnibus, propter vtilitatem publicam leges ciuiles ferri, adeoque omnia earum verba sic moderanda esse, vt in ciuium rem ac salutem futurum apparuerit. Itaque Dauidi summus Pontifex *panes Propositionis* manducandos dedit. 1. Reg. 21. tametsi Lex solis Sacerdotibus eum cibum permitteret. neque enim Legislatori Deo propositum fuerat, ea lege famis mortisque necessitatem iis, qui Sacerdotes non essent, imponere. quod non considerantes Hebræi illi, de quibus in Machabæorum historia scriptum est, verba Legis de feriando Sabbatho κατὰ τὸ ἀκριβοῦς ita strictè acceperunt, vt moriendum sibi potiùs, quam armis in hostes vtendum censerent. Sed Machabæi velut sapientiores consilium, finem ac scopum Legis non alium fuisse iudicantes, quàm vt cultui diuino, & iumentorum ipsorumque hominum continuis laboribus fractorum incolumitati consuleretur, *Aequitatis regula* vsi nihil aduersus Legem facere se statuerunt, si vel in Sabbatho necessaria in hoste arma expedirent, ac pro cultu Dei, suæque & suorum vita fortiter dimicaret.

sabbatum

Sabbatum enim propter hominem factum est, & non homo propter Sabbatum, ait ipse Legislator Christus, discipulos suos aduersus Phariseorum calumniam defendens *Luc. 6. Matth. 12. & Marc. 2.* nam Pharisei omne opus Sabbatho prohiberi, ac propterea legem migrasse seu peccasse Christi discipulos contendebant, cum Sabbatho transeuntes per sata spicas vellerent ac manducarent. Id autem nihil erat aliud, quam Calumniari, hoc est, Legis sententiam prætermittere & verborum insidijs fraudem struere. Legem enim Sabbathi à Deo benignissimo & indulgentissimo patre propter filiorum suorum vtilitatem latam esse constat. quis ergo voluisse eum credat, vt filij sui inedia potius contabescant, quam spicis vulsis vitam conferunt? Cum voluntas (ait Cicero) & consilium & sententia intelligitur, impudentia summa, aut stultitia singularis est in verborum errore versari. quo loco Impudentia Calumniam, stultitia verò τὸ ἀπισθοδixαιον siue summum ius significat. Vt autem verba Legis illius nequaquam, calumnianda, neque ita strictè intelligenda esse Christus euidentius doceat, scopum eius, ac velut Cicero loquitur, voluntatem & consilium ex Numer. 28, 9, declarat, vbi Sacerdotes singulis Sabbatis holocaustum offerre seu sacrificare iubentur. nam ex eo satis dilucescit, non ea opera verbis legis prohiberi, quæ ad cultum diuinum & hominum salutem pertinent. Non, inquit, legis in Lege, quia Sabbatis sacerdotes in templo Sabbatum violant, & sine crimine sunt siue ἀνεύθροτοι. Dico autē vobis, quia templo maior est hic (id est, hominis vitam seruari, ac sanitatem ei restitui, pluris refert, quam in templo sacrificium offerri) si autem sciretis, quid sit illud, quod Deus ait apud Oseam, Misericordiam volo, & non sacrificium: nunquam condemnassetis innocentes. hoc est, nequaquam iudicassetis discipulos meos spicis propter famem vellendis legem de sanctificando Sabbatho impiè violasse, sed Misericordia siue Clementia potius vsi, eos sententia vestra absoluissetis. Clementia (ait Seneca 2. de Clement. 7.) liberum arbitrium habet, siue, non est adstricta formulæ seu legem verbis (Arbiter æquitatem intuetur, ait Aristoteles) non sub formula, sed ex æquo & bono iudicat. Et absolueri illi licet, & quanti vult, æstimare litē. nihil ex his facit, tamq̃ iusto minus fecerit (sicut qui dat ei veniam qui hominem dolo malo occidit, quod est vsum legis tollere, non ipsam interpretari) sed tamquam id, quod constituit, iustissimum sit. aliquem verbis tantum admonebit, pœna non afficiet, etatem eius emendabilem intuens. Aliquem inuidia criminis manifestè laborantem iubebit esse incolumem, quia deceptus est, quia per vinum lapsus. Hostes dimittet saluos, aliquando etiam laudatos, si honestis causis, pro fide, pro fœdere, pro

*Pharisei Legem
Dei calumniaban-
tur.*

*Christus a quo
& bono in lege
interpretanda
sunt.*

Quomodo ex i-
pla lege scripta
equum & bo-
num hauria-
tur.

libertate in bellum accincti sunt. Hinc ergo, quemadmodum & ex alijs multis cum Christi, tum sanctorum hominum quâ verbis, quâ factis, non minùs in Lege Dei, quàm in hominum atque gentium legibus & institutis Aequo bono locum esse discimus, quoties nempe verba Legis sine iniuria siue omnium, hoc est, reipub. siue singulorum, sequi non licet: Quod autem Christus ait, *si sciretis, quid esset illud apud Oseam, nequaquam innocentes condemnassetis*: nihil aliud habet argumenti, quàm ipsam Legem Dei esse inueniendæ æquitatis magistrâ, si nempe rationem legis ac generalia præcepta cum cura consideremus ac diligenter inter se conferamus, quod ipsum Aristoteles huiusmodi verbis docuerat 3. polit. 12. Bene quisque Magistratus iudicat, à lege eruditus, qui nempe sciat & intelligat, quid sit illud, quod Legislatori fuit propositum, siue, quæ fuerit legis ferendæ ratio, quam quidem ipsa Lex alicubi aperire solet.

CAPVT CXXXIII.

Psephismatis in
rebus pub. neces-
saria.

Leges Christi de
iure privato &
publico.

PRÆTER Æquitatem verò & psephismatis seu Decretis, Edictis, sci-
tis, Rogationibus vel statutis in rebus. vsus est nam quibus de rebus
consultant homines, de ijs rebus lex ferri non potest, ait Aristoteles. hoc est,
necesse est, multa quotidie in rebus. emergere negotia, quæ legisla-
tor prospicere & lege comprehendere propter infinitatem partim
nequeat, partim non velit: sicut Christus satis habuit generalia Iuris
priuati, ad propriam cuiusque vtilitatem spectantis præcepta, de
Fide, spe & charitate Apostolis inculcare (Mandatum nouum do-
bis, ut diligatis inuicem. Creditis in Deum, & in me credite, saltem pro-
pter opera, quæ ego facio. Amen dico vobis, si quid petieritis Patrem in no-
mine meo dabit vobis. Petite, & accipietis.) quantum verò ad Ius publi-
cum pertinebat, de Magistratuum scili. et officio ac potestate: Iam
non multa loquar vobiscum, inquit: Adhuc multa quidem habeo vobis dice-
re, sed non potestis portare modo, quia nempe tam multa sunt. Spiritus
sanctus autem, vos docebit omnia, quaecumque dixerò vobis. non enim lo-
quetur à semetipso, sed de meo accipiet, & annuntiabit vobis. Ille in vobis
erit, & vobiscum manebit in æternum (id est, vsque ad finem mundi)
Arguet autem mundum de peccato, quia in me non credunt: de iustitia &
de iudicio. Vt autem vires ad executionem imperij vestri necessa-
rias habeatis, opera, quæ ego facio, & vos facietis, & maiora horum fa-
cietis. Videmus ergo Christum quoque sapientissimum Legislato-
rem

rem de rebus singularibus ac repente emergentibus negotijs nominatim lege sancire noluisse, sed ijs, quos Magistratus & Iudices in ciuitate sua constituit, consultandi ius statuendique ac decernendi potestatem *ἀνέδουρον* ac verè pontificium reliquisse, cuius iuris ac potestatis vsus in bello indicendo, fœdere sanciendo, legatis mittendis, legibus ferendis aut abrogandis, magistratibus creandis, subditorum quopiam legibus soluendo seu dando priuilegio ac dispensando, inq; ceteris rerum consultandarum capitibus, quæ prius enumerauimus, perspicitur. Huius generis Psephisma erat illud Apostolici Concilij *Act. 15.* quo Christianis ex Gentilitate ad fidem conuersis abstinendi à sanguine & suffocato necessitatem imposuit: quod simul ac scripto comprehensum fuit, parem ac Lex scripta auctoritatem habere cœpit. Itaque Apostoli edictum illud suum, *Onus* vocant ac *NECESSARIUM* esse dicunt: *Visum est Spiritui sancto & nobis* (id est, nos à Spiritu illo docti, quem Christus nobis ideo dedit, vt nobis suggeret illa, quæ prius portare non poteramus, ad tollendam illam de seruanda circumcissione, quæ modò emerfit, controuersiam, ita decernimus & hoc Psephismate statuimus) *nihil ultra imponere vobis oneris, quàm hæc necessaria, vt abstineatis vos ab immolatis simulacrum, à sanguine & suffocato & fornicatione, à quibus custodientes vos, bene agitis*: aliter autem facientes, peccabitis. Quoniam verò Apostoli Spiritus sancti in ipsorum ore positi ac loquentis fiducia huiusmodi onere seu præcepto Christianos obligare se testantur (velut supra pag. 130. pluribus demonstraui) nos autem eundem Spiritum in ore seminis Apostolorum, siue Episcoporum hodiè quoque positum esse, & in sempiternum inde non recessurum, Legi scriptæ id affirmanti credentes, persuasum habemus, propterea Psephismatis Episcoporum, siue multorum simul in concilio Congregatorum, siue vnius ceterorum apicis atque Principis, non minùs, quàm ijs, quæ nominatim ac dilucidè legibus definita sunt, obtemperandum putamus. Neq; in eo quicquam nostra refert, literis consignata sint, nec ne, quæ nostri Legumlatores ac Magistratus siue principio cùm respub. nostra conderetur, siue posteriùs nouis negotijs subinde emergentibus sanxerunt. Nam & Plato *ἀρχαία νόμιμα καὶ πατρὶς νόμος* leges non scriptas & patria instituta seu mores *θεσμὸς πατρὸς πολιτίης* omnium rerum pub. vincula vocat, & Aristoteles 3. Polit. 12. *Maiorem (inquit) auctoritatem habent Leges moribus recepta, & de rebus momenti maioris agunt, quàm leges scripta. Et Magistratus, qui legibus præst*

Exemplum Psephismatis scilicet Senatusconsulti.

Nos Catholici Conciliorum & Pontificum decretis pariter ac sacris literis obtemperamus.

Lex Dei in Ecclesia scripta & non scripta siue tradita.

Tradita leges scriptis ab Aristotele præferuntur.

*Non scripti,
quàm scripti
iuris regula est
certior.*

*Exemplum Ro-
mana respub.
Lex.*

*Aequitas.
Isephisma.*

*Non omnia de-
bent legibus co-
prehendi.*

*Sed ius dicenti
nonnullae com-
mittenda.*

*Pratorio iure le-
ges declaraban-
tur, suppleban-
tur & corrige-
bantur.*

*Iuris non scripti
seu Moris, vis
& auctoritas.*

præst(si nempe idem sit bonus ac prudens) minus ille labitur ac fallitur, quàm leges scriptæ, sed non quàm leges in moribus seu consuetudine positæ. Nam leges scriptas propter rã ἐν νόμῳ attributa, appêdices seu circumstantias rerum sæpe mutari contingit: sed lex non scripta, æquitas nimirum & communis lex, naturalis puta & apud omnes eadem, semper manet nec vnquam mutatur, velut idem in Rhetoricis Aristoteles docet. Itaque Magistratus æquum bonum, ius naturæ, & ius ciuile non scriptum, sed moribus receptum siue in iudicandis, siue in consultandis rebus sequens, numquam à recto & vero aberrabit: sin autem sola lege scripta pro regula seu norma vti velit, sæpissimè iniuste & aliter, quàm priuata publicaue subditorum vtilitas postulet, statuere cogetur: propterea quod vel aliquid in rerum attributionibus seu circumstantijs variari, vel negotia noua suboriri cōtingat, de quibus nihil sit lege sancitum. *Actas enim defecerit* (ait Aristoteles) *si quis ea enumerando persequi velit.* Itaque cūm Romæ XII. Tabularum leges perscriptæ ac latæ fuissent, vtilitas postea iusti propè mater & æqui, velut Horatius ait, earundem legum supplementum & correctionem atque uberiorem interpretationem induxit. Ac ius quidem Prætorium & Iurisconsultorum responsa calumniam strictumque ius exclusērunt, Aequi boni ratione habita: Psephismata verò, hoc est, Senatusconsulta & Plebiscita, de certis negotijs, verbi gratia, de bello gerendo, de legatione suscipienda, de magistratu alicui deferendo, de lege aliqua aut plebiscito abrogando, de supplicatione alicui, ouatione aut triumpho decernendo cōdita fuerunt. *Sed neque Leges* (ait Iulianus Iurisc. l. 1. o. & seq. ff. de legibus) *neque Senatusconsulta ita scribi possunt, ut omnes casus, qui quandoque inciderint, comprehendantur, sed sufficit ea, quæ plerumque accidunt, contineri.* Et ideò de his, quæ primò constituuntur, aut interpretatione, aut constitutione Principis certius statuendū est. Cum enim in aliquo casu sententia legis manifesta est, is, qui iurisdictioni præst, ad similia procedere, atque ita ius dicere debet. Quoties lege (ait Vlpianus l. 13. ff. eod.) aliquid vnum vel alterum introductum est: bona occasio est cetera, quæ tendunt ad eandem vtilitatem, vel interpretatione, vel certè iurisdictione suppleri. Ita Papi- nianus l. 7. ff. de iustit. Ius Prætorium definit, quod Prætores introduxerunt, adiuuandi seu magis explanandi, vel supplendi, vel corrigendi iuris ciuilis gratia propter vtilitatem publicam: ex quo à Marciano l. 8. ff. eod. *vina vox* iuris ciuilis dicitur. Quantam porrò in iure Romano vim Consuetudo habeat, quamque necessarius eius ad scriptas leges interpretandas vsus sit, hæc nobis Iuriscōsultorum verba aperiunt: *Sed & ea* (ait Hermogenes

mogenes l. 35. ibidem) quæ longa consuetudine comprobata sunt ac per annos plurimos observata, velut tacita Civium conventio, non minus, quàm ea, quæ scripta sunt iura, servantur. Immo magnæ auctoritatis hoc ius habetur (ait Paulus l. 36.) quod in tantum probatum est, ut non fuerit necesse scripto id comprehendere. De quibus causis (ait Iulianus ibidem l. 32.) Scriptis legibus non utimur, id custodiri oportet, quod moribus & consuetudine inductum est: & si qua in re hoc defecerit, tunc quod proximè & consequens ei est (id est, simile consuetudinem. sic si consuetudo sit, ut filius patri in feudo succedat, etiam matri successurum colligemus) si ne id quidem appareat, tunc ius, quo urbs Romana utitur, servari oportet. Inueterata consuetudo pro lege non immerito custoditur, & hoc est ius, quod dicitur moribus constitutum. Nam cum ipsæ leges nulla alia ex causa nos teneant, quàm quod iudicio populi receptæ sint: merito & ea, quæ sine ullo scripto populus probavit, tenebunt omnes. nam quid interest, suffragio populi voluntatē suam declaret, an rebus ipsis & factis? Si de interpretatione legis quaeratur (ait Paulus leg. 37.) in primis inspicendum est, quo iure civitas retrò in eiusmodi casibus usa fuerit. optima enim est legum interpretis consuetudo.

Quomodo ius non scriptum suppleatur & declaratur.

Scripti & non scripti iuris eadem erigo.

CAPVT. CXXXIV.

EODEM prorsus modo in civitate Dei nostri cum de interpretatione legis scriptæ, siue, sacrarum literarum queritur, in primis inspicuntur ij, qui Iurisdictioni præ sunt, Episcopi, quo iure Ecclesia retrò seu prioribus sæculis in eiusmodi casibus usa fuerit, consuetudinē pro optima legis interprete habentes. Sin autē tam cōsuetudo, quàm scripta lex defecerit, tum ad similia procedunt, ac simile de similibus iudiciū faciunt. quod si nec similis aliqua cōsuetudo, qua tota utatur Ecclesia, appareat, tūc ius, quo Ecclesia Romana utitur, observant, neque quin eam legē ab Apostolis Petro & Paulo sine scriptis acceperint, dubitant. Cum enim sacram Scripturam nullam aliam ob causam servemus, quàm quia à Deo seu Spiritu sancto, legislatore nostro, pfectam credimus: merito & ea, quæ sine scripto per os Pastorū Ecclesiæ, præcipueque S. Petri & successorū eius dictavit, servamus. nam quid interest, manu an lingua servorū suorum, siue Magistratū nostrorū, Spiritus S. utatur? *Lingua mea calamus scribe, velociter scribens*, ait David Psal. 44. quo loco scribam vocat Spiritū sanctū, de quo idem 2. Reg. 23. Spiritus Domini locutus est per me, & sermo eius per linguā meam. Habemus ergo scriptura Spiritus sancti, quicquid Apostoli, quicquid Pontifex Petri in Apostulatu successor, quicquid Episcopi in Spiritu S. congregati

Ius civile Ecclesiæ cum iure civili Romanorū comparatur.

Leges Ecclesiæ non uno calami genere perscriptæ. Spiritus sanctus Leges scribit lingua Pontificis.

PPP

consti-

*Ordo celebran-
da missæ lingua
non manu Pau-
li præscriptus.*

*Esse nobis hodie
SS. Eucharistia
utendū ex iure
non scripto dis-
dicimus.*

*Paulus Corin-
thijs non præce-
pit sacram Sy-
maxim.*

*Leges lata in
Ecclesia non-
numquam ab-
rogantur vel
desuetudine, vel
contraria lege.*

constituunt. Act. 15. *Vos scitis* (ait Petrus) *q̄ Deus per os meū elegerit Gentes audire verbis Euangelij.* quibus verbis significat, suam linguam esse cala-
mum scribæ illius Spiritus sancti. Ibidē Concilium Apostolorū & E-
piscoporū, *visum est Spiritui sancto & nobis:* quo docent, Decretū Conci-
lij Spiritus sancti scripturam esse. 1. Thes. 5. *Qui præcepta mea spernit* (ait
S. Paulus *non hominem spernit, sed Deum, qui dedit etiam Spiritu suum S. in*
nobis. Itaq; totum Missæ celebrandæ & Eucharistiæ tractandę ordinē,
quē Paulus Corinthijs corā præscripsit (velut hæc eius verba signi-
ficant 1. Cor. 11. *Cetera, cum venero, disponā*) nō min⁹ pro lege habemus,
quāvis planē ac perspicuē in eadē epistola perscriptus foret. Eum ve-
rō nobis consuetudo Ecclesię Romanę conseruauit, sine qua verā no-
bis præcipuē mulieribus, hodie sacram Synaxin celebrare, & siue v-
tramq; siue alterutram modō speciē sumere fas esset, exploratō scire
nequāq; possemus. nam in Euangelistis nihil nisi historia Cenę Domi-
ni, quomodo XII. Apostolis Christus corpus ac sanguinē suū sumen-
dum dederit, cōtinetur: ceterū idē ne nobis faciendū sit, inde scire
non possumus. Postea Paulū (Corinthijs quoq; Cenę dominicę insti-
tutionē tradidisse discimus, sed vtrum eis quicq; eius faciendū necessi-
tatē imposuerit, ex epistola eius non constat. Inde namq; colligi aliud
nequit, quā quales esse Apostolos illos velit, qui sint Domini cenam
participaturi. *Quotiescumq; manducabitis & bibetis, mortē Domini annuncia-
bitis.* Hic non præcipit, vt manducet ac bibant, sed vt, quando man-
ducant aut bibunt, mortē Domini annuncient. *Probet se ipsum homo, &*
sic de pane illo edat. Non hic edere iubet, sed eum, qui esurus sit, se pri⁹
comparare, id est, per examen conscientię ac peccatorū Confessionē
dignū, qui manducet, reddere. quemadmodū Exod. 12. legimus: *Omnis*
seruus emptiti⁹ circumcidetur, & sic de agno comedet. id est, non comedet,
nisi circumcisi⁹. q̄ verantis poti⁹, quā iubentis videtur. Sed neque
Christi ad Apostolos verba, quæ Paulus recitat, Calicis bibendi man-
datū continent: *Hoc facite, quotiescumq; biberitis, in meam commemorationē.*
Aliud enim est dicere, *Bibe:* aliud, *cum biberis, pro sanitate mea bibe.* Illud
enim bibere præcipit, siue imperat: hoc nec iubet, nec vetat. Vt autem
Apostolis à Christo, vt bibant, Corinthijs à Paulo, vt vtramq; speciem
sumant, præceptū fuisse fateamur, dubitare tamen adhuc liceret, num
nō id postea mutātū aut prorsus abrogātū fuerit. *Cetera,* inquit Paulus,
cum venero, disponam. qui ergo scimus, an nō cum venit, multa muuerit?
1. Cor. 8. permittit eis Idolothya siue carnes Idolis immolatas come-
dere, modō absit scandalī occasio. At enim postea Decreto Concilij
p̄mulgato, etiam citra scandalū Idolothytis vesci nefas fuit, quemad-

modū & Christiani sibi moriendū potius quā sanguine vescerētur, putarunt: id q̄ Ecclesiasticę historię peritis satis constat. quid, q̄ hoc ipsum Apostolorū Decretū, quamuis ab ipso Spiritu sancto p̄fectū, posterius desuetudine fuit abrogatū, ita vt S. Augustinus scribat, suo tempore paucos illos, qui decreto illi obtemperantes adhuc à sanguine aut suffocato abstinerēt, derideri solitos fuisse? Certē Christus lotis apostolorum pedibus, eiusmodi nobis legē tulit: *Si ego laui pedes vestros, Domin⁹ & Magister: & vos DEBETIS alter alterius lauare pedes. Exemplū enim dedi vobis, vt quemadmodū ego feci vobis, ita & vos faciatis. Si hac scitis, beati eritis, si feceritis ea*, Ioh. 13. quorū verborū clausula nō obscurē significat, nequāq̄ nos beatos fore, nisi hac lege vtamur, sicut & Paulus 1. Tim. 5. Viduam ad Ecclesię ministerium non admittit, *nisi sanctorū pedes lauerit*: vt Heroicis illis temporibus pedū lotionē exemplo Christi obseruari solitam fuisse appareat. Itaq; si min⁹ propter hoc, saltē propter superiora exempla fateantur tandem Hæretici, non aliam in hac nostra, quā in ceteris rebus pub. consuetudinis & desuetudinis vim esse, de qua Iulianus l. 32. ff. de legibus: *Religiosissime*, inquit, *etiam illud receptū est, vt leges non solum suffragio legislatoris, sed etiam tacito consensu omnium per desuetudinem abrogentur*. Agunt enim iura ciuilia de rebus adiaphoris, siue indifferentibus, quæ priusq̄ lege sanciantur, natura sua neq; bonæ sunt, neq; malæ, neq; iustæ, neq; iniustę. Huiusmodi enim ad ius naturæ pertinent, q̄ non opinio genuit, sed natura inseuit, adeoque perpetuum est eandemq; omnibus in locis vim ac potestatem habet, ac per se valet, non quia hic aut ille sic statuerit: sicut vicissim ciuilia iura nō aliter, quā poculentorum & esculentorum mensuræ, ac pretia rerū venaliū, ipsorumque adeo numerorum, alia alibi esse solent ac quotidie mutantur. Ciuitatibus enim & rebus pub. iura accommodata esse debent: ex quo fit, vt aliud in Democrazia, aliud in regno, aliud in Oligarchia, aliud in singularum formarū generibus, variē mistis ac temperatis, ius inueniatur. Et quoniam formæ rerum pub. varias mutationum causas habent (qua de re Politici philosophi consuli possunt) mutata forma, ius ciuile simul mutari necesse est; quod fit, iure ac more veteri vel noua lege lata abrogando, vel per desuetudinem paulatim abolendo. Itaque νόμος, hoc est, Legem Aristoteles παρὰ τὸ νόμιζεν, ab estimatione & opinione hominum dictam putat. Naturalia enim iura honestate seu iustitia, ciuilia verò utilitate Ciuium seu reipub. ponderantur, suntque κατὰ συνθήκην, id est, pacto & cōuentione hominū definiuntur, velut Philosophus 5. Eth. 6. & 7.

Ppp 2

disputat,

Vñ consuetudinis & desuetudinis in omnibus rebus pub.

Materia iuris ciuilis.

*Consuetudo, seu
ius non scriptū,
optima iuris
scripti inter-
pres.*

*Apostoli nō ac-
ceperant man-
datum scriben-
di leges.*

*Testati fuerūt,
se nolle scripto
ius totum Eccle-
siae comprehen-
dere.*

disputat, qui etiam 1. Sophist. Elench. 12. *Nihil aliud, inquit, Lex est, quā multitudinis opinio: sapientes verō, quod in rei natura est, & Veritatem sequuntur.* Itaq; nihil iam mirum est, legem illam de cauendo Idolothytorum, sanguinis ac suffocati esu, temporariae utilitatis causa latam, postquam utilitas illa desijt, in defuetudinem venisse. Vnde autem scimus, idemne Legi seu Mori illi ab Apostolo apud Corinthios instituto de celebranda sacra Synaxi, vsuenerit? Certē nisi nos Ecclesiae Romanae auctoritas verba Legis siue Scripturae, consuetudine, optima illa interprete adhibita sic intelligere doceret, quod eadē Dominica mensa vtendi Lege nos quoque teneamur, frustra sese omnes in probanda ex sacris literis tam sub vna, quā sub vtraque specie communicandi necessitate torquerent: Quod similiter de baptizandis paruulis Lutherum supra cap. 77. pag. 254. confitentem audiui-
mus. Idem verō de multis alijs capitibus verē affirmare possumus. Verbi gratia: Epistolam ad Romanos esse à S. Paulo scriptam, esse verbum Dei & librum Canonicum, totumque corpus librorum veteris ac noui Testamenti esse à Spiritu sancto dictatum, non nisi ex Ecclesiae testimonio nobis constar. Ita non Sabbatum, sed Dominicam feriari lege non scripta, sed ab Apostolis cōcepta & ad nos vsque per Episcoporum os propagata consuetudine solemus. nec enim ad scribendum, sed ad prādicandum missi fuerant Apostoli, ac propterea maior eorum pars nihil omnino scripsit, & ex illis ipsis, qui scripserunt, sunt qui testentur, suum in scribendo consilium non fuisse scripto Legem Dei complecti, sed eos tantū, ad quos scriberent, exhortari, consolari & eorum, quae coram docuerant, commonefacere, velut Rom. 15, 14. & 15. & 2. Pet. 1, 13. & 15. itemque 2. Pet. 3, 1. legimus. Et S. Iohannes disertim negat, se scripto, quae scriptione digna essent, comprehendere, potiusque coram viuā voce eadem explicare velle. Epist. 2. & 3. *Multa habui vobis scribere, sed nolui per atramentum & calamum scribere vobis: Spero autem protinus vos videre, & os ad os loqui.* Fuisse autem ista, quae coram potius docere, quā literis consignare voluit, ad Fidei legem pertinentia, ex his Pauli verbis intelligi potest 1. Thef. 3. *Nocte & die abundantius oro vt videam faciem vestram, & compleam ea, quae desunt fidei vestrae.* Solitos autem Apostolos, quae *μυσικώτερα* essent captumque discipulorum excederent, Episcopis committere & apud eos velut in tuto loco deponere, haec Pauli verba apertē satis indicant. 1. Tim. 6. *O Timothee depositum custodi, deuitans profanas vocum nouitates & eppositiones falsi nominis scientia.*
2. Tim

2. Tim. 1. *Que audiuiſti à me, hæc cõmenda filideibus hominibus, qui idonei erunt & alios docere* 2. Tim. 3. *Mali homines & ſeductores proficient in peius, errantes, & in errorem mittentes. Tu verò permane in iis, quæ didiciſti, & quæ credita ſunt tibi, ſciens à quo didiceris.* Eandem porro Legis non ſcriptæ, quàm ſcriptæ auctoritatem eſſe, ſupra cap. 90. pag. 296. ex hoc 2. Theſſ. 2. loco vici: *Non retinetis, quodcum eſſem vobiſcum, hæc dicebam vobis?* Itaq; ſtate & tenete Traditiones, quas didiciſtiſ ſive per ſermonem, ſive per Epistolam noſtram.

*Legi non ſcriptæ æqua pare-
re debemus ac
ſcriptæ.*

CAPVT CXXXV.

Atque hinc etiam ſatis planum fit, quod Ariſtotelem ſupra dicentem audiuiſmus, maiorem auctoritatem in eſſe legibus iis, quæ ſine ſcripto moribus ſunt receptæ, deque maioris momenti rebus eas agere, quàm quæ ſcriptæ ſunt, id de reipub. noſtræ legibus veriſſimum eſſe. Cùm enim vtriuſque generis Leges, tam depoſitæ apud Episcopos, quàm Prophetiſ & Apoſtoliſ libris comprehenſæ, ſint vox Spiritus ſancti, & parem à nobis fidem mereantur, noſ tamen ſcripturam ſacram pro verbo Dei nequaquam haberemus, niſi *verba ſignorum Dei* (de quibus eodem capite 90. diſſerui) ad fidem Eccleſiæ habendam, cùm ſcripturam illam Dei verbum eſſe teſtatur, nos impelleret. *Euangelio non crederem, inquit S. Auguſtinus, niſi Eccleſia me moueret auctoritas.* quippe quam ſpiritu veritatis præditam eſſe ex miraculoſa & viribus humanis longè maiore conſeruatiõne & propagatione colligam. Itaque tamen ſi res omnium maximæ in ſcripta Dei lege continentur, quia tamen plus in hoc eſt momenti vt ipſam ſcripturam Dei legem eſſe credamus (quod quidem nos ſine Lege Dei tradita nequaquam faceremus) maiorem Traditi, quam ſcripti verbi diuini auctoritatem eſſe, eoque res grauioreſ contineri perſpicuè apparet. neque tamen propterea Eccleſiæ ſiue hominibus plusquàm ipſi ſcripturæ vel Spiritui ſancto credimus, quia Eccleſiæ auctoritate, vt ſcripturæ credamus, adduci nos fatemur. nam & multi Samaritanorum crediderunt Ieſum eſſe Meſſiam propter verbum meretricis mulieris, quæ illum arcana ſua ſibi pronunciaſſe teſtata fuerat, Ioh. 4. quis autem inde cogere velit, plus eos mulieri, quàm ipſi Chriſto credidiſſe? Ita Iohannes venit, vt teſtimonium perhiberet de lumine, cumque Ieſum intento digito teſtatus fuiſſet eſſe Chriſtum, ſtatim duo eius diſcipuli Ieſum ſunt ſecuti, Iohan. 1. Et

*Vtriuſque Le-
gis ſcriptæ &
non ſcriptæ,
comparatiõ.*

*Non eſt apud
nos maior Ec-
cleſiæ, quàm
ſcriptura au-
thoritas.*

Christus Act. 1. ad Apostolos: *Eritis (inquit) mihi testes in Ierusalem usque ad ultimum terræ.* Quis ex eo efficiat , qui fide Iohanni & Apostolis habita Christum pro filio Dei receperunt , plus illis , quam Christo credidisse ? *Vos (ait Christus Iudæis Iohan. 5.) misistis ad Iohannem , & testimonium perhibuit veritati , neque Messiam esse testatus est. Ego autem non ab homine testimonium accipio , sed hæc dico ut vos salui sitis. Habeo testimonium maius Iohanne. Opera , quæ facio , testimonium perhibent de me , quia pater misit me.* quasi dicat : non indigeo quidem Iohannis testimonio , nihilominus si Iohanni crederitis de me testanti , salui fieretis. non quia Iohannes , velut homo , sic testatus fuit , sed quia Deus per miracula fidem testimonio Iohannis adiunxit. quæ miracula nisi vidissent Iudæi , non peccassent in eo , quod neque Christo , neque testi eius Iohanni crediderunt. sed quoniam viderant miracula , nullam eorum incredulitas excusationem inuenire potuit , quemadmodum ipse Christus *Ioh. 15.* apertissime affirmat. Similiter Ecclesia de Scriptura testatur , & nos Ecclesiæ testimonio credimus , non quia homines sint , qui sic testantur , neque quia Scriptura hominum testimonio indigeat , sed quia Deus ipse miraculis suis Ecclesiæ testimonium confirmat , cuiusmodi opera miraculosa sunt , de quibus iam olim disputo , diuina nempe potentia , diuina sapientia & diuina charitas. Ex illis enim Ecclesiam , Dei ciuitatem esse perspicimus , ac propterea quas illa Dei leges esse dicit , à Deo latas esse credimus. *Diuina hæc ferè sunt testimonia (ait Tullius in Topicis) primum orationis siue Oraculorum , in quibus inest diuina oratio : deinde rerum in quibus insunt quasi opera diuina quedam.* Inter opera verò *Portentia* quoque numerat , siue miracula : quibus quoniam confirmatur Ecclesiæ doctrina , ei quia sentitur , non hominibus potius quam ipsi Deo credere meritò censetur. Sicut qui numisma aureum vel argenteum , cum id probum esse dubitat , spectori Monetali exhibet , eiusque testimonio fidem habet : sin autem eo consulto sibi nequaquam opus paret , suoque ipsius vtatur iudicio , temerariè facit facileque monetam improbam & à parachaacta adulteratam recipit , vel etiam lectam & probam aspernatur ac repudiat , non sine Principis , cuius imagine signata est , iniuria : similiter nos Marte nostro veros ac germanos Dei libros ab vterinis ac subditiis discernere nescientes Ecclesiæ auctoritatem tutò sequimur , temerariorum & plus satis arrogantium esse rati , sibi ipsis discretionis spiritum adfiscere , quæ Ecclesiæ tamē nō relinquāt. Itaq; nihil est homini eiusmodi potius quam vt vel verè diuinos libros reiciat , cū atrocissima

erocissima S. sancti iniuria, vel ab iis, q̄ ambulant in astutia adulterantes
 verbum Dei (2. Cor. 4.) & siue per sermonē, siue per epistolā tanquam per A-
 postolos 2. Theſ. 2. aliis imponūt, in errorē inducatur. Nostra deniq; Ec-
 clesiæ auctoritatē sequentiū, & Hæreticorum suo iudicio atq; sensui
 indulgentiū quā disper sit ratio, sic breuiter declarari potest. Hære-
 tici hoc cū ipsi argumentantur, tum Gentiles & ex Christianis sim-
 plicissimū quemq; carbonariū, argumētari volūt: Hæc ciuitas guberna-
 tur secundū leges Dei, siue, Leges Dei in hac ciuitate obseruantur & valēt: si-
 ue: sacra scriptura rectē in ea traditur, dclatur & creditur, recteq; sacramēta
 administrātur. Ergo hæc est ciuitas Dei siue vera Ecclesia. Nos contra sic di-
 sputamus, & tam à gentilib⁹, quā ab idiotis & in doctis Christianis
 disputandū censemus: Hæc est ciuitas Dei, Ergo gubernatur secundum leges
 Dei: siue: Hæc est Ecclesia. Ergo in ea rectē docetur ac creditur, recteq; sacramēta
 administrantur. Itaiis enim disertim dicit, Gentiles ideò ad Ecclesiam
 currere, non quod in ea ligē Dei esse perspexerint, sed q̄ non perspe-
 xerint, & perspicere, siue, discere ibi demum velint: Fluunt ad eā omnes
 Gentes, & dicent, venite & ascendamus ad Domū Dei iacob, & docebit nos
 vias suas, & ambulabimus in semitis eius quia de sion exibat lex & verbum
 Domini de ierusalē, id est, quæ sit lex Dei, q̄ verbū Domini, id extra Ec-
 clesiam nō scitur sed ab Ecclesia demū discitur. Ecclesiam verò gen-
 tiles non ppter verbum Dei (q̄ adhuc nesciunt) sed propter opus Dei
 (q̄ vident) Dei ciuitatē esse credunt. Eodē modo Gentiles esurientes
 ac sitientes verbum Dei, sic ratiocinari dicimus: Hæc est domus Dei. Er-
 go panis vitæ ac veritatis ab Oeconomis Dei in ea distribuitur. Hæretici con-
 tendūt sic eos ratiocinari debere: In hac domo panis vitæ ac veritatis distri-
 buitur Ergo hæc est dom⁹ Dei. At enim nō est id Gentiliū inter Panē vitæ,
 & Panē mēdaci discernere, cū fraudulēti homines, q̄ se dispensa-
 tores mysteriorū Dei mētiūtur, ita fascinare homines soleant, vt co-
 medere se somniēt cū interea fame moriantur. Isa. 32. Fraudulēti vasa
 pessima sunt. ipse enim cogitationes cōcinnauit ad p̄dendos mites in sermone mē-
 dacy. Perficit simulationē seu p̄fectē simulat, vt vacuā faciat animā esuriētis.
 Itai. 29. Sicut somniat esuriēs & comedit, cū a. fuerit expergescēt⁹, vacua est
 anima ei⁹: sic erit multitudo omniū Gentiū, quæ dimicat cōtra mōtē sion. Prophe-
 tas & Principes, earū, q̄ vidēt visiones (siue, textū scripturæ legūt & rectē
 intelligere se putant) operiet Domin⁹, & oculos eorū claudet. Peribit Sapien-
 tia à Sapiētib⁹. & intellectus prudentiū abscondetur. Quod si hoc sapientib⁹
 ac prudentibus, q̄ scripturas legunt, & intelligere videntur, vsuuenit,
 vt se comedere somnient, quamuis fame enecentur: quomodo cete-
 ris, qui nec legere sciunt atque adeò Gentilib⁹ cautum erit, ne si-

Catholicorum
 & Hæreticorū
 dispar ratio.

Quid Hæreti-
 cos fides sua
 certos faciat.

Quid Catho-
 licos.

milititer deludantur? Ad eundem modum, cum Ecclesia sit Nauis Dei qua vectores ad æternæ salutis portum appelluntur, si Hæreticos audiant Gentiles, hanc habebunt rationem: *Hæc navis tenet rectum cursum & ad portum incolumis perueniet. Ergo ista est navis Dei.* Sed quemadmodum nos censemus, ita disputabunt: *Ista est navis Dei: Ergo tenebit rectum cursum & incolumis Vectores suos in portu cælesti saluos exponet.* Similiter cum Ecclesia sit schola Christi, cuius summum Præceptorem de Cathedra semper visum auditumque iri Isai. 30. prædictum legimus, rectè Gentiles hoc modo argumentari putamus: *Ista est schola Dei: Ergo de Cathedra rectè erudiuntur discipuli ac propterea nos quoque in ea doceri volumus.* Sed ex Hæreticorum sententia sic verè rationabuntur: *Hic discipuli rectè docentur. Ergo ista est schola Dei.* Vnde autem Gentiles iudicium facere possunt doctrinæ? Cum docere sit scripturam sacram, quemadmodum & Hæretici aiunt interpretari. Itaque si Turcarum Imperator aut Chinesium Monarcha huius scholæ discipuli siue Christiani fieri velint, prius diuersas ac pugnantes sacrarum literarum interpretationes inter se component, & apud quos rem acutatam verbaque scripturæ sine errore intellecta deprehenderint, ibi Christi scholam esse concludent. quod quanti furoris & insanix sit affirmare, neminem, qui non ipse insaniat ac sensu communi careat, perspicere existimo.

Altera comparatio Legis Dei scriptæ cum non scriptæ.

Lex Dei scripta magna ex parte perijt.

Est tamen adhuc alia ratio, cur etiam in hac Dei ciuitate maior sit Legum moribus receptarum, quàm illarum, quas primi Legislatores nostri scriptis complexi sunt auctoritas: quia nimirum bene magna pars scriptæ Legis interiit, velut in parte adhuc superstitè perscriptum legimus. Verbi gratia *Liber Enoch*, cuius in epistola Iudæ extat mentio. *Liber bellorum Domini*, Numer. 21. 14. *Liber iustorum Ios.* 10. 13. & 2. Reg. 1. 18. *Liber Samuelis de lege regni*, 1. Reg. 10. 25. *Libri Nathan Prophete & Gad Videntis*, 1. Par. 30. 29. *Libri Ahie Silonitis, & Visones Ado Videntis*, 2. Par. 9. 29. *Tria millia Parabolarum & quinque millia carminum Salomonis*, 3. Reg. 4. 32. *Liber verborum dierum Salomonis* 3. Reg. 11. 41. *Liber Isaie de sermonibus Ozia* 2. Par. 26. *Sermones Hozi*, 2. Par. 2. 33. 19. *Epistola Pauli ad Corinthios*, cuius 1. Cor. 5. ita meminit: *Scripti vobis in Epistola Vbi Calvinus*, ista inquit, *epistola hodie nō exstat. nec dubium, quin multæ aliæ exciderint. Sed satis est quod nobis supersint, quas sufficere Dominus prouidit.* Osee 10. *Sicut vastatus est Salmana à domo eius qui vindicauit Baal in die prælij, matre super filios allisa.* In quorum verborum glossa sic Lutherus scribit: *Hæc historia nusquam aliàs in scripturis*

pturis exstat, & similia multa euenerunt, quæ non sunt scripta, sicut illud quod Iudas habet in epistola de Michael eum Satana pro corpore Moysis altercante. Potuisset addere de Magis Aegypti, quibus Ianni & Mambri nomina fuisse Paulus non ex iis, quæ hodie habemus, scriptis refert 2. Tim. 3. Quis nunc tam sit impius, qui tam multa scripta, ac nominatim XIV. illos, quos iam recitauit libros superuacuos & minùs, quàm adhuc superstitēs, nobis necessarios dicere audeat? Cur enim spiritus sanctus eos laudasset nobisq; ad legendos illos velut digitū intendisset? Diuinitus quidem inspiratos fuisse nemo sine spiritus sancti contumelia negare potest. At enim omnis scriptura diuinitus inspirata utilis est ad docendum, ad arguendum, ad corrigendum, ad erudiendum in iustitia, ut perfectus sit homo Dei, siue Episcopus, ad omne opus bonum instructus, 2. Tim. 3. Quod si tam fuerunt vtilēs libri illi & nihilo tamen minùs perierunt, rectè inde effcimus, libros scripturæ quamuis in primis vtilēs, non tamen omnino & absolutè esse necessarios, quia scilicet verbum Dei in Episcoporum & Sacerdotum ore positum nunquam intereat 1. Pet. 1. Verbum Domini manet in æternum. Hoc est autem verbum, non utique quod in prophetarum & Apostolorum libris vnuquam perscriptum fuit (nam id magna ex parte iam interiit) sed quod Euangelizatum est in vobis. Nunquam enim promisit Deus verbum suum literis consignatum perpetuò mansurum, sed illud, quod velut bonum Depositum simul cum spiritu suo, verbi custode & interprete, in ore Christi, Apostolorum successorumque posuit 2. Tim. 1. Bonum depositum custodi per spiritum sanctum, qui habitat in nobis Malach. 2. Labia sacerdotis custodient scientiam, & legem requirunt ex ore eius, quia Angelus seu Legatus Domini est, Isai. 59. Hoc est fœdus meum cum eis. Spiritus meus, qui est in te, & verba mea, quæ posui in ore tuo, non recedent ab ore tuo, neque ab ore seminis tui, neque ab ore seminis seminis tui amodo dicit Dominus, usque in æternum. Sed hac de re copiosè supra disserui, & hoc loco non cum Hæreticis disputare, sed cuiusmodi ciuitatis nostræ Eunomia sit, admirationis excitandæ causa Gentilibus exponere constitutum habeo.

Lex Dei scripta non est absolutè necessaria.

Lex Dei non scripta manet in æternum.

CAPVT CXXXVI.

ITaque tertio loco Leges rectè latè videri solent, si quod ad ius publicum pertinet, Magistratuum, maxime maiorum renunciatio

Qqq

Tertia laus legum rectè lata nem

Si Magistratum creatio- nem rectè san- xerint- Trium Magistra- tus, requisita.

Qualis sit in Ecclesia Magi- stratum crea- tio,

Eunomia in creatione summi Ponti- ficis.

nem ita ordinauerint, vt penes eos sit τὸ πολιτευμα siue summa reipub. quos rebus præesse non tam ipsorum, quàm ciuium siue reipub. inter- sit. Tales ab Aristotele 5. polit. 9. describuntur, qui sint primùm stu- dio & amore erga remp. præditi, vt statum reip. saluum velint (atque hoc Arist. cum ibidem, tum aliis locis κοινον, elementum ac funda- mentum reip. facit, plus posse in rep. eos, qui statum reip. manere cu- piant) deinde vt habeant munus & officiorum magistratus fa- cultatem maximam, hoc est, vt optimè illa omnia didicerint, quæ ad maiorum magistratuum officium atque munus pertinent, quem- admodum Catonem Censorium Plutarchus narrat cum magistra- tum quempiam petere imbibisset, studiosè prius omne ius eius, par- tes atque officia perquirere & cognoscere solitum fuisse: postremò vt continentia sint præditi, qui animi impotentia non vincantur, ne- que ab eo, quod ex vfu reipub. esse intelligant, affectuum impetu transuersi agantur. nihil enim attinet ei ciues parere, qui ipse amori, iræ, odio, cupiditati, metui, voluptati seruiat. Legibus verò nostris Magistratus eiusmodi constitui, ignorare non potest qui sciat quæ in iis, quæ sacerdotes, multò autem magis qui Episcopi fieri volunt, ma- ximè verò omnium, quos summo Pontificatui præfectos volumus, requirantur. Et quoniam penes Pontificem τὸ κύριον seu principatum ac regimen totius nostræ reipub. esse constat, ceteris in præsens omis- sis ea tantùm quæ in Pontificiis comitiis animaduersionem meren- tur summatim & ex parte tantùm complectar. nam omnia subtiliùs persequi vix peculiari volumine bene magno possum.

Primùm igitur omnium hoc nomine laudem Leges nostræ me- rentur, quod Pontificatum non hæreditariū, sed optiuū fecerūt, qui Electorum arbitrio ac suffragio mandari debeat. quàm creandorum Magistratuum rationem, cum eius datur copia, longè ceteris Politici omnes præferunt. Deinde non potest se non magnopere intelligen- tibus probare, quæ in Electionis ipsius attributionibus, seu rebus cir- cumstantibus prudentia apparet. Eligitur namq; in Pontificem, qui sit de Sacerdotum ordine, idemq; cælebs, & senex, & ex supremo reip. nostræ senatu multorumq; annorū vfu perspectus ac probatus. Eligunt autem non milites, non populi fex, non promiscuè Laici aut Clerici, sed pauci ex optimatibus, quos virtutē ac doctrinā, reipub. quidē certè gerendæ scientia multum verisimile sit ceteris præstare. fit autem Electio in comitiis non nisi priore Pontifice reb^o humanis exemplo haberi solitis, neque viuo etiamnum Pontifici subrogandi successo-

successoris datur potestas. Quia deniq; Ponticem omnibus nationib; præesse oportet, ex quauis eum natione eligere fas est. *Tros Rutulusue fuit, nullo discrimine habetur.* Ex quo tamen tempore Hispanica Monarchia felicissimis auspiciis, nec maiore Hispanorum, quam Ecclesiæ bono emerfit, & in Gallis, qui velut Milesii *πάλαι ἦσαν ἄλκιμοι*, inuidiam commouit, ne si alter vtrius gentis Pontifex subrogaretur, factiones cum magno malo publico alerentur, vno Germano excepto (cuius tamen minimè faustū fuit imperium) non nisi Itali ad Pontificatum suffragiis Electorum conscenderunt. Præterquam enim quod Medii siue neutrales sunt Itali, tum etiam ingeniis ad humanitatē & ad reip. rectionē egregiè temperatis pollent, & cupiditates suas omninoq; affectus omnes melius quàm ceteræ gentes frenare atq; in potestate habere solēt: id quod omnes, qui cūm historiarum lectione, tum variorū populorum vsu peregrinationibus acquisito, ingenia moresq; hominum penitiùs cognouerūt, fateri scio, eaq; re subodiosam ceterorum cum Italis comparationē instituere nolo, ne mihi scilicet ii succenseant, qui vel Italiam nunquam adierunt, vel in ea non nisi cum cauponibus, mulionibus, meretricibus, nautis, minus historionibus omninoq; cum iis, qui artificio siue humili, siue ludicro quæstum faciunt, rationē & consuetudinē habuere, velut pleriq; omnes Hæreticos facere animaduerti, qui quemadmodum Milui ac vultures cadauera rancida tætrumque odorem afflantia persequuntur, corpora verò viua ac sana fugiunt, similiter ipsi familiaritatem virorum virtute doctrinaque illustrium, cuius generis in quouis ordine complures habet Italia, auersantur, quippè qui propter nostræ Religionis odium Catholicos omnes quàm nequissimos esse desiderant, si qui autem sunt quos honestè integreque viuere parum iuuat (sicut eorum hominum non tantum in Italia, sed vbicūque gentium, copiam inuenire licet. nam vt ait Epicharmus:

Οὐκ ἐστὶν οὐδὲν ἀποδεχόμενος τόπος,
 ὅς ἢ πονηρὸς πάντας, ἢ χρηστὸς ποιῇ.
*Non vllus v/quam definitus est locus,
 Vbi probi omnes, omnes aut sint improbi)*

Iis applicare sese Hæretici illi, & eorum familiaritate plurimum vti gaudent, ac post in patriam reuersi, quos in Italia maximè probant mores, eorum nomine sine vlla *ἀδιαφορία*

Q99 2

&

Itali ad gerendum Pontificatum ceteris nationibus a-pisiores.

Hæretici in Italiam venientes quibuscum se re conuersari soleant.

& indiscriminatim Italiam vniuersam in crimen inuidiamque rapere consueuerunt.

CAPVT CXXXVII.

*Quarta laus
legum rectè la-
tarum.*

*Descriptio iu-
ris priuati.*

*Tria iuris pri-
uati præcepta
in Ecclesia
Fides.*

Spes.

Charitas.

*Charitas supe-
riorum erga
subditos.*

*Charitas infe-
riorum erga
magistratus.*

*Excellentia le-
gis Christi de
charitate.*

Quarto Legum nostrarum bonitas ex priuati iuris descriptione, quod scilicet singulorum præcipuè utilitate spectat, perspicere facile potest, cum eius & pauca & cognitu facilia sint præcepta, neque quenquam omnium in fungendo munere effugere & in fraudem conicere queant. Præcipiunt nempe Leges tria hæc, *Credere sperare & diligere*, quæ sunt Fidei, spei & charitatis actiones. Fidei capita, quæ omnes ex æquo scire. & euoluto assensu expliciteque seu distinctè credere oportet, sunt XII. articuli in Apostolorum Symbolo comprehensi: ceterorum satis est inuoluta notitia ac fides implicita, hoc est, cetera à Legislatore nostro spiritu sancto partim in scripturis sacris, partim per os Pastorum, eius præcipuè, cuius fides non deficit, à quo ceteri in fide confirmantur, summi Pontificis, perpetuò loquente tradita seu tradenda credere paratum esse sufficit, quamuis cuiusmodi ea sint, non æque habeatur cognitum. Spes est expectatio vitæ æternæ propter Christi meritum per Media ad id instituta, hoc est, per Sacramentorum vsum & per preces ad Deum & sanctos cælites fufas consequendæ. Charitas omnia ad Dei velut Patris nostri gloriam, & ad salutem proximi pariter ac nostram referre docet, tamquam qui nos fratres, & communi omnium patri Deo æque Charos esse credamus. Itaq; superiores, siue, qui præfunt, nihil suæ priuatæ, omnia publicæ utilitatis causa faciunt, quam ob rē Christus Petrum toti ouili suo præfecturus, vtrum maiore, quàm ceteri charitate præditus esset, tertium rogare eum voluit, ei; mortē, quam pro gregis salute suscepturus esset, tamq̃ maximè charitatis opus prædixit. Inferiores autē, quod subditorū esse ex Aristotele supra cap. 87. pag. 290. docui, bonam de Magistratibus opinionē habēt neq; quin ii, quæ ad reipub. rationes pertinent, optimè perspiciunt, ac prouideant, quicquam dubitant, aut vllis aduersus eos suspicionibus indulgent. *Charitas patiens est, non agit perperam, non inflatur, non est ambitiosa, non querit quæ sua sunt (sed quæ in commune sunt utilia) non irritatur, non cogitat malum, omnia suffert, omnia credit, omnia sperat, omnia sustinet.* 1. Corinth. 13. ac propterea plenitudo, siue, impletio Legis, Rom. 13. dicitur. Neque cuiquam dubium esse potest, quin hoc præceptum. *Quicumque vultis ut vobis faciant homines*

¶ *us*

Et vos facite illis. hæc enim est Lex & Propheta: longè maius conferuandæ reipub. momentum faciat, quàm illud: *Quod tibi non vis fieri, alteri ne feceris.* nam hoc iniustitiam tantùm prohibet, illud charitatem aliorum præcipit. Non autem in eo sita est reipub. salus, vt ne quis ab altero iniuria afficiatur, sed vt eo quisque in ceteros animo sit, quo erga se ceteros esse vellet. nam illud reipub. non dissoluit, hoc verò insuper etiam continet & conferuat. Ac propterea magis de amicitia, concordia & charitate inter ciues fanciēda, quàm de Iustitia legumlatoribus curæ esse solet, velut principio octauæ Ethicorum Aristoteles scribit. *Si enim ciues sint amici* (inquit) *siue, si mutuè se diligant, iustitia opus non est* (nec enim quem quis diligit, iniuria affecerit) *sed etiam si iusti fuerint, amicitia insuper indigent.*

*Charitas longè
plus reipub. pro-
dest, quàm im-
iustitia*

CAPVT CXXXVIII.

SEd quoniam nihil refert rectè atque ordine, & plus quam huma-
na sapientia latas esse Leges, nisi eadem obseruentur, meliusque
cum ea ciuitate agitur, quæ legibus deterioribus illis quidem, sed fir-
mis & immutabilibus, quàm quæ melioribus & irritis vtitur: vt in re-
pub. nostra rectè legibus obtemperetur, non vno modo cautum esse
ac prouisum apparet. Nam primùm neque priuata, neque publica
παιδεία siue disciplina & institutio in ea deest, quæ hominum animos
legum scientia, quantam omnibus necessariam esse paulò priùs dixi,
imbuat, & ad earum obseruationem aduefaciat. Nam & in Ecclesijs
concionatores siue parochi, in scholis Magistri, quæ ad fidem, spem
& charitatem pertinent, ex legum præscripto inculcant, & in priuatis
domibus liberi à parentibus iam jundè à prima pueritia eadem doce-
tur, & quoniam *διὰ τὴν συγγένειαν καὶ τὰς ἐκπαγίας* propter cognatio-
nem & beneficia (ait Aristoteles) parentes amant & magnificiunt, fit
vt Reipublicæ leges etiam propter horum auctoritatem & amorem
tantò constantius in omnem vitam retineant. Quanti verò vtriusque
generis *παιδεία* siue disciplina momenti fit, extremo libro decimo
Ethic. Aristoteles multis docet, vbi negat homines affectibus labo-
rantes, neque bona institutione ad virtutem imbutos & excultos, ver-
bis moueri: vt autem rectè instituantur, legibus sancitum esse oportere docet. *In sola* (inquit) *Luca, demoniorum ciuitate, ac paucis alijs Legislato-
ri cura fuit educationis disciplinaque ratio. In plerisque hæc neglecta sunt omnia,
in quibus pro sua quisque libidine vitam agit, Cyclopumque more uxorem libe-*

*Altera Euno-
mia pari, et le-
ges rectè obser-
uentur.*

*Publica & pri-
uata institutio-
ne disciplina in
Ecclesia.*

*Disciplina in
reipub. ne-
cessitas.*

liberisq; regit eisq; quæ faciendæ censet præscribit. Sed omnium rerum nihil est melius ac præstantius, quam si recta disciplina publicè sanciat, q̄ omnes ex æquo sequi possint. Quod si neglecta fuerit publica illa educationis ratio, tum suis quæq; liberis & amicis ad virtutem adiumento esse par erit. Deinde quoniam, velut eodem loco docet Aristoteles, propter illos qui generosi non sunt, & voluptatis cupiditate incensi parere nolunt, pœnas & supplicia constituere oportet, ut tamq̄ iumenta malo coërceantur: institutum est à Christo tribunal cōscientiæ, ad q̄ singuli certo tempore accedere, & iudici hoc est Sacerdoti, quidquid cogitatione, verbo vel opere aduersus Fidei, spei aut charitatis legem admiserunt, exponere, quodq; frustra Plato in Repub. sua optare visus est, ipsi accusatores sui agere. & pœnam Iudicis sententia decretam, siuè ieiunium sit, siue oratio, siue eleemosyna, siue cilicij vsus, siue peregrinatio ad loca sacra, seu quodcumque aliud pium ac religiosum opus, quod voluptati, quibus fuerint dediti, maximè repugnet, suscipere & præstare necesse habent. Ut autem hinc fraus & dolus absit, illa, quam dixi, educationis & disciplinæ ratio præstat. Docentur enim omnes iam inde à pueris, ingens esse piaculum, quicquam in exomologesi seu Confessione peccatorum scientem reticere, cum iuravit Christus, nemini se peccata in cœlis remissurum, cui non Sacerdotes, prius in terris remisissent: cumque domi quoque parentes filios instituunt, & exemplo suo ad obeundam Confessionem assuefaciant, sincerè integreque præstant, quod alioquin factu prorsus impossibile videri queat, ut homini scilicet Sacerdoti, perinde ac Deo ipsi, omnia pectoria sui arcana humillimè reuelent, eiusque censuræ se subijciant.

*Tribunalium ac
penarum in re-
bus pub. necessi-
tas.*

*In Ecclesia est
Tribunal con-
scientiæ.*

*Quale Plato in
sua rep. frustra
optauit.*

*Pœna peccato-
rum, quæ Sa-
cerdotes insti-
gunt.*

*Tribunalia &
iudicia publica
Ecclesiæ.*

*Episcopalis au-
dientia.*

Tertiò cum, velut eodem ipso loco Platonem in Progora secutus Aristoteles docet, eos qui à peruersa vita detorqueri nullo modo possunt, ex corpore Reipublica omninò exterminari oporteat, quemadmodum & Plato 12. de Legibus, hominum eiusmodi solam mortem esse medicinam tradit: instituta sunt in Republica nostra Tribunalia publica, quorum alia quæ aduersus Fidem & spem peccantur, alia quæ contra charitatem delinquantur, cognoscunt & castigant, de quibus quoniam supra Cap. 107. & sequentibus satis multa dixi, merito nunc sum breuior: tantum Apostoli Pauli exemplo, cuius generis iudicia in Ecclesiæ tribunalibus publicis haberi soleant, attingam. 1. Tim. 5. Aduersus Presbyterum accusationem noli recipere, nisi sub duobus aut tribus testibus. Et 1. Corint. 5, repræhendit Corinthios, quod cum, qui novercam duxerat uxorem, de medio non sustulissent, & ipse sua sententia

sententia sic incestuosum condemnat: Ego iam iudicavi in nomine Domini nostri Iesu Christi. Congregatis vobis & meo Spiritu tradere huiusmodi hominem Satanae in interitum carnis (seu carnalis peccati aut luxurie) ut Spiritus saluus sit in iudicio Domini nostri Iesu Christi. Expurgate vetus fermentum: auferite malum ex vobis ipsis, & cum huiusmodi nec sumite cibum. Eidem incestuoso, cum acta poenitentia Corinthij poenam relaxandum, eumque ad communionem Ecclesiae rursus admittendum censuissent, Apostolus 2. Corinth. 2. sic indulget: Sufficit illi oburgatio hac, quae facta est à pluribus: ita ut è contrario magis donetis & consolemini, ne forte abundantiori seu nimia tristitia absorbeatur. Cui autem aliquid donatis, & ego, id est, ratam habebo absolutionem, & indulgentiam, quam ei impertiti fueritis. Att. 20. censuram, siue Inquisitionem in causa fidei, Episcopis hoc modo committit: Attendite vobis & universo gregi, in quo vos Spiritus sanctus posuit Episcopos regere Ecclesiam Dei. Ego scio quoniam intrabunt Lupi rapaces non parcentes gregi. Et ex vobis ipsis exsurgent viri loquentes perversa, ut abducant discipulos post se. Propter quod vigilate. Attentio & Vigilia, cognitionem & sententiam siue condemnationem significat. De cognitione loquitur Christus Matth. 7. Attendite vos Apostoli seu Pastores à falsis Prophetis, qui veniunt ad vos in vestimentis ovium, intrinsecus autem sunt Lupi rapaces, à fructibus eorum cognoscetis eos. De Condemnatione ibidem: Omnis arbor, quae non facit fructum bonum, excidetur, & in ignem mittetur. Igitur ex fructibus eorum cognoscetis eos. Nimirum postquam eos vestibis ovium, hoc est, professione Christianae fidei, & scripturarum verbis reectos, Lupos siue Haereticos esse cognouerint, amputant eos de communione fidelium, & in ignem mittunt, non modo aeternum, Diabolo & angulis eius paratum, (quod Paulus vocat tradere Satanae 1. Timot. 1.) sed etiam in ignem huius saeculi, quem praevicatoribus fidei, qui cum sint Apostoli Satanae, se Christi ministros fingunt, in Ecclesia novi Testamenti paratum fore ultima Davidis prophetia 2. Reg. 23. ita praenunciauit: Praevicatores quasi spine euellentur universi, quae non tolluntur manibus. Et si quis tangere siue euellere voluerit eas, armabitur ferro & ligno lanceato, igneque succense comburentur ad nihilum. Quo etiam pertinet locus Zahariae 12. In die illa ponam duces Iudas siue Episcopos) sicut caminum ignis in lignis, & devorabunt ad dextram & ad sinistram omnes populos in circuitu. Haeretici nempe sunt ligna infelicia, arbores infructuosae, bis mortuae, eradicatae, (quemadmodum eos Iudas describit) ac propterea rectè camino, siue iudicio Episcoporum comburantur. De Condemnatione quoque, siue sententia qua

Episcopi

Pena incestus.
so decret. a.Eadem relaxa-
ta.Censura siue
Tribunal In-
quisitionis Es-
dei.Episcopi habeat
Notionem.Et potestatem
condemnandi
Haereticos.Ad penam ignis
aeterni.

Et temporalis.

Haeretici sunt
ligna infelicia
Vulcano debita.

Episcopi & Reges in causa maiestatis sunt simul pars & iudices.

Sibi contradicentes tradunt Satanā.

Episcopus potestate habet corrigendi leges & creandi Magistratus.

Et iudicandi per duelles. Et coercendi subditos.

Habet omnem imperium siue summam potestatem.

Episcopi, qui in iudicio præsumunt, eos qui ipsis contradicunt, condemnant, est locus Isaie 54. supra capp. 22. & 23. excussus: *Omnem linguam resistentem tibi in iudicio iudicabis.* Hæc est hereditas seruorum Domini & iustitia eorum apud me, dicit Dominus. Et 1. Tim. 1. Reliqui te Ephesi, ut denunciares seu præciperes quibusdam ne aliter docerent, neque intenderent fabulis, hoc est, ne aurem falsis Scripturæ interpretibus accommodarent. Hy-menæus & Alexander conscientiam repellentes, circa fidem naufragauerunt, & volentes esse legis doctores, conuersi sunt in vaniloquium, & valde resistunt verbis meis, quos tradidi Satanæ, ut discant non blasphemare, siue, legitimis pastoribus contradicere. Tit. 4. Huius rei gratia reliqui te Cretæ, ut ea, quæ defunt. (in descriptione iuris publici ac priuati, suppleas, &) corrigas & constituas per ciuitates Presbyteros siue Episcopos, sicut & ego disposui tibi. Oportet Episcopum potentem esse, exhortari in doctrina sana, & eos, qui contradicunt, arguere. Sunt enim multi inobedientes, vaniloqui (falsò Scripturam interpretantes) & seductores, qui vniuersas domos subuertunt docentes, quæ non oportet, turpis lucris gratia quos oportet redargui. Quam ob causam tu velut Cretensium Episcopus increpa, illos dure, ut sani sint in fide, nõ intendentes Iudaicis fabulis & mandatis hominum auersantium se à veritate. id est, illos quidem, qui multa fabulantur ac nugantur de cerimonijs Mosaicis retinendis, & scripturis ad institutum suum contortis earum necessitatem probant, neque veritatem ex Episcoporum ore discere volunt, illos igitur redargue, siue obiurga, ac trade Satanæ: reliquos autem indoctiores coercere, ne sermones se doctorum & impostorum istorum audire, nec libros cognoscere velint. Tit. 2. Hæc loquere, & argue cum omni imperio, hoc est, velut is, penes quem in repub. ista, siue Ecclesia Cretæ, τὸ πολιτεύμα, τὸ κύριον, siue summum imperium, potestas summa tam cogendi, quàm dirigendi, ius vitæ ac necis residet. 2. Cor. 10. Ipse Paulus obsecro vos, qui in facie quidem humilis sum inter vos, absens autem confido in vobis. Rogo autem (nunc dum à vobis absum, non aliam ob causam, quàm) ne præsens audeam per eam confidentiam, quæ existimor audere in quosdam, qui arbitrantur nos tamquam secundum carnem ambulemus. In carne enim ambulantes, non secundum carnem militamus. Nam arma militiæ nostræ non carnalia sunt, sed potentia Deo ad destructionem munitio, consilia destruentes, & omnem altitudinem extollentem se aduersus scientiam Dei, & in captiuitatem redigentes omnem intellectum in obsequium Christi, & in promptu habentes vlisci omnem inobedientiam, cum impleta fuerit vestra obedientia. Quæ secundum faciem sunt, videtis? Si quis confidit sibi Christi se esse: hoc cogitet iterum apud se, quia sicut ipse Christi est, ita & nos, Nam.

Nam etsi amplius aliquid gloriatus fuero de potestate nostra, quam dedit nobis Dominus in edificationem, & non in destructionem vestram, non erubescam. Vt autem non existimer tamquam terrere vos per epistolas (quoniam quidem epistola, inquit, graues sunt & fortes, praesentia autem corporis infirma & sermo contemptibilis) hoc cogitet, qui eiusmodi est, quia quales sumus verbo per epistolas absentes, tales & praesentes in facto. Id est, amanter & paternè vos rogo ita vos geratis, ne cum ad vos venero, necesse habeam praesens eadem austeritate vos terrere, qua me Pseudapostoli per epistolas tantum uti calumniantur, praesentem verò timidum ac humilem, vel potius vilem & abiectum esse dicunt, quasi ego scilicet prudentia carnis ad vestram beneuolentiam mihi adiungendam & conseruandam uti cogitem. in quo tamen plurimum falluntur. nam etsi homo sum, & in carne ambulo, non tamen armis siue instrumentis in fungendo Pastoris munere vtor, quæ carni & sanguini conueniunt, cuiusmodi est prudentia seculi, simulare potissimum & dissimulare, alteriusque voluntati se callidè accommodare, interdum etiam commendare suas ingenij, eloquentiæ, scientiæ, nobilitatis ac similes dotes, eoque pacto auctoritatem sibi conciliare solita. Ista omnia carnalia sunt arma siue instrumenta, quibus ego Dux in castris Dei non vtor. Mea verò arma sunt diuina, siue à Deo mihi tributa, adeoque plusquam humana efficacia roboreque prædita, quibus possum destruere falsas opinioniones, multis Scripturæ locis perperam intellectis munitas, & dissipare consilia eorum, qui meum iugum à se proijcere conantur, cogere etiam superbos & alta sapientes, ut scientiam Dei ex meis labijs requirant, itaque, ut ego doceo, verba Scripturæ intelligant: quod si verò inobedientes maneant meque blasphemare ac detrachere de me non desinant, possum eos quodcumque velim vlcisci, & Satanæ tradere, ut discant non blasphemare. Possem sine vanitate gloriari, me adhuc maiorem potestatem à Christo accepisse (si quidem ex ijs, quæ secundum faciem sunt, & carnales hominum oculos percellunt, iudicium facere vultis, cuiusmodi sunt esse eloquentem, nobilem, grauem in oratione, professione quoque Christianam, & imperio Prælatum, Episcopum, atque adeo etiam Apostolum. nam hæc omnia sunt externa bona, ex quibus nequaquam hominem estimari oportet, sicut iam vobis priore epistola cap. 9. scripsi. Tamen quoniam vos soletis exteriora ista, multam speciem ac velut dignitatē habentia intueri, scire debetis, me ne istarum quidem rerum ullam Pseudapostolis meis reprehensoribus cōcedere, ac plus etiam,

Rrr

quàm

*Episcopi non
si debent carnis
prudentia.*

*Cum instructi
sint diuinis ar-
mis.*

*Potestate nem-
pe spirituali.*

Et secularis

*Paulus non Co-
lunt: Et omni
sua potestate.*

*Etiamsi pote-
statem maximam
haberet.*

*Itaq; alij calu-
mniandi occa-
sione inde sum-
pserunt.*

*Eos minis ter-
ret.*

*Episcopi pote-
statē haent du-
rum: subditos
erascendi.*

quàm ipsi, vel secundum carnem gloriari possum, 2. Cor. 11, 18. & qui-
dem gloriari possum me potestatem à Christo accepisse non modò
tradendi Satanæ siue excommunicandi eos, qui mihi inobedientes
sunt & contradicunt, sed etiam sæcularem gladium in vindictam ad-
uersus eos stringendi. Sed ego neque hac corporali, neq; illa spirituali
cæde adhuc afficere eos volui, quia nondum completa est vestra obe-
dientia, siue quia eratis adhuc imbecilles & paruuli in fide, facileque
scandalum accepissetis. Vobis ergò imperfectioribus parcens, il-
lis simul peperci, atque hæc causa est, cur in infirmitate & timore &
tremore multo apud vos fuerim, non in sublimitate sermonis aut sapientiæ (1.
Corint. 2.) neque durius vos tractarim, & cum possem vobis oneri esse, vt
Christi Apostoli, factus sum lenis in medio vestrum, tamquam si nutrix foveat
filios suos, neque gratis manducaui panem alicuius, sed in labore & in fatigatione
nocte & die operans ne quem vestrum grauare, non quasi non habuerim potesta-
tē, sed partim vt me darem vobis formam ad imitandum me, partim ne quod of-
fendiculum dem Euangelio ac plures lucrifaciam, (1. Corin. 9 & 1. Thes. 2. & 2.
Thes. 3.) Sed quod ego sic vestri amore feci, id Pseudapostoli &
inflati quidam sic interpretantur, quasi vel potestatem tantam
super vos non habeam, vel propter purpo-<sup>purpo-
sitionem</sup> siue infractionem & abiectionem animi ea vt præsens non audeam. Ipsi enim
in seruitutem vos redigunt, siue insultant vobis, deuorant vos, accipiunt, ex-
tolluntur vos contemnendo & in faciem vos cadunt: sed quoniam ego me
ipsum humiliavi, siue humiliter me gessi, vt vos exaltemini, & gratis Euan-
gelium vobis annunciam, cumque egerem, nulli vestrum onerosus fui (2. Cor.
11, 7. & 20,) propterea me ablentem contemnunt. Tamquam non ven-
turus sim ad vos, sic inflati sunt quidam. Veniam autem citò & cognoscam non
sermonem eorum, qui inflati sunt, sed virtutem quid vultis? in Virga veniam
ad vos, an in charitate & Spiritu mansuetudinis? 1. Corint. 4. Timeo ne forte
cum venero, non quales volo inueniam vos: & ego inueniar à vobis, qualem non
vultis, 2. Corint. 12. Ecce tertio venio ad vos. Prædixi & prædico, quoniam si
venero iterum, non parcam. Ideo absens hæc scribo, vt non præsens durius agam
secundum potestatem, quam Dominus dedit mihi in adificationem, non in de-
structionem, 2. Corint. 13. Sic igitur planum fit, Episcopos potestatem
habere durius agendi cum inflatis & refractariis, cum id ædificatio
Ecclesiæ, siue vtilitas Reipub. nostræ, requirit. quod autem ea po-
testas non in ligando tantum & soluendo, hoc est, in peccatis re-
tinendis & dimittendis consistat, sed etiam corpora fortunasque ho-
minum complectatur, copiosè priore parabola demonstratum est.

tameñ

tamet si etiam hæc ipsa Pauli disputatio non obscure significat, potuisse eum grauare siue onerare Corinthios aliosque, quibus Christum prædicabat, eisque solutionem decimarum siue alimentorum indicere. Sed quoniam plus ædificatum eos iri iudicauit, si potestate illa non vteretur, pepercit eis, ac de iure suo decessit. Sic 1. Corint. 6. præscribit eis institutionem forensium tribunalium, vetatque Christianos coram Ethnicis iudicibus disceptare: quæ res maximè secularis est & ad Principis & reipub. officium pertinet. Cur autem Ecclesiæ Prælati in principio seculari sua potestate minùs vsi fuerint, rationem supra Cap. 44. reddidi, non quia potestatem scilicet non habuerint, sed ne quod Euangelio darent offendiculum. Posterius verò simul ac plurium populorum completa fuit obedientia, & vsus gladij secularis plus ad ædificationem, quàm ad destructionem accommodatus esse cœpit, nulla fuit ratio, Ecclesiam eius potestatis vsu diutius abiudicare ac reiicere.

*Et grauandi eos
quanti ad cor-
pora & ad ex-
terna bona.*

*Ea potestate
tuntur ad ædi-
ficationem,*

CAPVT CXXXIX.

ATQUE ista sunt Eunomiæ specimina, quæ ex Gentilibus ij, quicquid uilis sapientiæ mysteria perspecta habent, in Rep. nostra admirari possunt. Cæteris, qui quæ secundum faciem sunt, vident & ex eventu de consilijs iudicare solent, varij nostrarum Legum effectus persuadere possunt, ut sine diuina quadam prudentia hæc talia geri non posse credant. Eorum effectuum duos hoc loco commemorare, satis fuerit: quorum prior est, quod Eunomia nostra omnibus totius orbis gentibus ac populis sit accommodata, quod quam sit incredibile & politicorum iudicio impossibile, neminem paulò humaniorem præterit. Ingens enim est ingeniorum pro natura cœli solique varietas, atque in vna eadem prouincia diuersæ imperiorum formæ reperiuntur. *Germani & Scythæ* (ait Seneca) omnes denique feritate libere gentes, leonum luporumque ritu, ut seruire non possunt, ita nec imperare. non enim humani vim ingenij, sed feri & intractabiles habent. nemo autem regere potest, nisi qui & regi. Ferè itaque imperia penes eos fuere populos, qui mitiore cælo utuntur. In frigora septentrionemque vergentibus immanis ingenia sunt, suoque simillima cælo. Asiaticos autem Agésilæus in libertate malos, si seruirent, bonos esse aiebat. Aristoteles similiter 7. Polit. 7. Quæ gentes (inquit) in locis

*Aliud specimē
prudentiæ Poli-
ticæ in Ecclesiæ.*

*Vis & Effectus
legum nostræ
Reipub.*

*Nostra Leges om-
nibus totius or-
bis populis sunt
accommodatæ.*

*Cum ita non in-
gens sit mo. um
& ingeniorum
dissimilitudo.*

*Europæi liber-
tatis rementes.*

Rrr 2

ingenio

ingenio verò & arte minus instructæ. quocirca libertatem quidem magis retinere solent, Respub. verò suas minus bene administrare, nec finitimis imperare possunt. quæ autem Asiam incolunt, mente sunt illæ quidem in cogitando, & in artibus inueniendis solertes & ingeniosæ, sed nullius animi. quocirca perpetuò parent ac seruiunt, id est, sub regum imperio viuunt, & Respublicas nullas habent. Quin etiam ipsos Græciæ populos plurimum ingenij ac moribus inter se discrepare, & alios quidem sapientia & ingenio, alios animo & fortitudine, alios vtraque re pariter excellere testatur.

Non obuius eadem Respub. forma locum habet.

Et diuersis reip. formis diuersæ leges conueniunt.

Mirabiles ergo sunt Ecclesiæ Leges.

Quæ omnibus totius Orbis populis conueniunt.

Alius Eunomia Christiana effectus, perpetuus seu duratio.

Iuris nostri priuati duratio.

Iuris publici duratio.

Iam verò non omnia ingenia neque loca omnia eandem Reipub. formam admittunt: & Leges pro administrandæ Reipublicæ rationibus ferri debent, quæ quoniam variæ sunt (plura enim Oligarchiæ, plura Democratiæ, similiterque reliquarum formarum genera Aristoteles enumerat) magnam hinc legum varietatem existere oportet. Admirabilitatem itaque maximam habent Ecclesiæ leges, quibus ex æquo omnes nationes totius orbis uti non modo possunt, sed etiam solent. quocumque enim quis deueniat, ubi Catholici inueniuntur, etiam apud Antipodas, iisdem eos Fidei, spei & charitatis legibus, quibus nos Europæi, teneri atque eiusdem summi Pontificis ditionem atque imperium agnoscere, neque idem alibi iniustum, alibi iniustum seu peccatum putari deprehendit.

Alter Eunomiæ nostræ effectus est, quod tot iam sæculis inuicta perstiterit, neque vlla siue intestina & domestica, siue externa & aduentitia causa, hoc est, neque Tyrannorum & Hæreticorum vi ac dolo, neque ipsorummet Episcoporum & Pontificum epicurismo labefactari, multo autem minus subuerti potuerit. quod quidem cum vel in alterutro causæ genere satis ad Rempublicam perfundendam momenti fuerit, diuina quadam prouisione cautum videatur necesse est. Cum autem Eunomia tam Reipubl. quam legum descriptionem, hoc est, tam publicum, quam priuatum ius contineat, facile nobis est de vtriusque stabilitate ac perpetua duratione etiam inimicorum nostrorum testimonio Gentilibus fidem facere. Ac de priuato quidem iure nostro, hoc est, de Fide, spe & charitate, omnes vel primi post Apostolorum ætatem sæculi Doctores eandem, quam nos hodie Catholicos, sententiam habuisse, siue ut politice loquar, iisdem quibus nos legibus vsos esse, satis supra capite sexto ipsius Lutheri, wigandi ac Magdeburgensium confessione docui. Quod ad ius publicum & descriptionem ordinis, siue ad magistratus & imperia pertinet, quomodo magistratus distributi sint, & quid sit

*Tertullianus
Montanista
quomodo con-
tra Papam
R. dispues.*

fornicationem lapsi essent, quamuis pœnitentiam egissent, ad communionem tamen Ecclesiæ admittendos non esse: & quoniam Catholici pœnitentibus communem non negabant, eos *Psychicos* siue animales, sicut Montanistas suos, *Spirituales* vocabat, illo etiam Romani Episcopi Edicto, quo pœnitentibus venia offerebatur, Christianismum perimi funditusque tolli criminabatur. Eiusdem libri cap. 21. cùm negasset alia potestate, quàm extraordinaria siue miraculosa, peccatum fornicationis dimitti posse, sic Episcopum Romanum prouocat: *Exhibe & nunc mihi, Apostolice, Prophetica exempla* (id est, fac aliquid simile Prophetis, & solo verbo alios excecā, alios occide) *& agnoscam Diuinitatem* (fatebor te habere extraordinariam potestatem, qua etiam fornicationis peccatum possis remittere) *& vindica tibi delictorum eiusmodi remittendorum potestatem, quod si disciplina solius officia sortitus es, nec imperio præsides, sed ministerio, quis aut quantus es indulgere?* Qui neque Prophetam nec Apostolum exhibens (non faciens miracula quæ Prophetæ & Apostoli) cares ea virtute, cuius est indulgere, extraordinaria scilicet. *Sed habet, inquis, Ecclesia potestatem delicta donandi?* *Quæro igitur unde hoc ius Ecclesiæ usurpes* (id est, si Ecclesiæ potestatem dimittendi peccata tributam dicis, unde tu Romanorum Episcopo eam accepisti?) *Si quia dixerit Petro Dominus, super hanc Petram ædificabo Ecclesiam meam, tibi dedi claves regni cælestis: Vel, Quæcunque alligaueris & solueris in terra, erunt alligata vel soluta in cælis, uicirco præsumis etiam ad Te (successorem Petri) deriuasse soluendi & alligandi potestatem, id est ad omnem Ecclesiam Petri propinquam, siue, ad totam Ecclesiam Romanam à Petro fundatam: qualis es eueruens atque commutans manifestam Domini Intentionem personaliter hoc Petro conferentem: Super te, inquit, ædificabo Ecclesiam meam, Et: Dabo Tibi claves, non Ecclesiæ. Et: quacunque solueris, vel alligaueris, non quæ soluerint vel alligauerint?*

*Tertullianus
Papam vocat
Apostolicum.
Fateatur eum
summam in
Ecclesiâ pote-
statem exercere*

*Quia se Petri
Personam su-
agere putet.*

*Sed errare eum
putat in sin-
dicando sibi ea
quæ personalia
fuerunt.*

Sic Ergo testatum habemus, quæ ante hos 1400. annos Catholica Ecclesiæ, quæque Montanistarum paucorum de Romani Pontificis potestate sententia fuerit. Vtrique fatebantur eum Petri successorem ac disciplinæ officia sortitum esse. Sed Catholici non tantum ministerio, sed & imperio præsidere eum credebant, ad quem omnis potestas, Petro data, deriuasset. Montanistæ
contrà,

contrà, quæ Petro dedisset Christus, personale priuilegium esse, neque ad successorem eius aut Ecclesiam Romanam pertinere pugnabant.

Audiamus iam quid Nicephorus, homo Græcus & ab Ecclesiæ Romanæ cum fide, tum communione alienus, in Constantinopolitanæ bibliothecæ monumentis de amplissima Romani Pontificis potestate antiquitus vsurpari solita inuenisse se fateatur. Libri noni capite quinto postquam de Arianorum Synodo Antiochiæ coacta conditoque Fidei Symbolo & Athanasio aliisque Catholicis Episcopis condemnatis ac proscriptis narrauit, ac extremum ista attexit: Sed neque Romanus Episcopus Iulius vel per se ipsum, vel per quempiam, qui locum eius obtineret, Synodo ei interfuit, cum quidem Ecclesiastico Canone (in concilio puta Nicæno) Sancitum sit, non oportere Ecclesias citra Romani Episcopi sententiam in Synodis quicquam statuere. Eiusdem libri capite octauo sic scribit: Cum Athanasius alique Orthodoxi Orientis Episcopi ab Arianis extorres facti Romam confugissent, Iulius eorum CAUSA COGNITA, communione eos est dignatus. Pro amplitudine autem sedis suæ ex VETERI priuilegio & prærogatiua persuasum habens, omnium VBIQUE Episcoporum curam & iudicium ad se pertinere datis, cuique liberrimè scriptis literis, suas eis Ecclesias reddidit, eosque in Orientem remisit, qui & Ecclesias suas receperunt. Præcepit etiam ut quidam ex Episcopis, qui hos condemnarant, ad diem constitutum Romæ præsto essent, qui condemnationis sententiam in Synodo Antiochena rectè latam probarent. Sin minùs, addidit minas, nisi à rebus nouandis desisterent, se ab eis sacras exacturum pœnas. Et capite XII. Occidentales Episcopos in Concilio Sardicensi Orientalibus respondisse narrat, numquam se Athanasii & reliquorum ab Antiocheno Concilio damnatorum Episcoporum communionem deuitasse, neque porro etiam vitaturos esse, cum Iulius Episcopus Romanus CAUSA eorum COGNITA iniquè eos insidiis circumuentos esse iudicaret.]

Libri etiam XII. capite XVII. Damasi Papæ Romani ad orientales Episcopos epistolam recitat, in qua sunt & ista: Quod

*Nicephori de
summa Papæ
& potestatis
seculare testimo-
nia.*

*Papæ super
Concilium.
Ad eum à Con-
cilio appellatur.*

*Eius senten-
tia in Oriente
obeditur.
Episcopos Ori-
entis ad suum
tribunal citat.*

*Omnes Episco-
pos vocat suos
filios.*

*Orientis Impe-
ratorem exci-
municat.*

Quod Apostolicae sedi charitas vestra debitam exhibet obseruan-
tiam, vobis ipsis plurimum & maxime Ecclesiae sanctae eo honore
tribuitis, filii reuerendissimi. In qua confidens sanctus Apostolus
docuit, quomodo nos quae suscepimus gubernacula, regere conue-
niat.]

Libri autem XIII. capite XXXIV. refert Epistolam Inno-
centii Papae ad Arcadium Imperatorem Orientis scriptam, in qua
est: Ego minimus & peccator, cui thronus magni Apostoli Petri cre-
ditus est, segrego & reiicio te & Imperatricem a perceptione imma-
culatorum mysteriorum Christi. Episcopum etiam omnem aut
Clericum, qui exhibere ea vobis ausus fuerit, ab ea hora, qua praes-
entes VINCVLI mei legeritis literas, dignitate sua excidisse
decerno.

CAPVT CXL.

*Brenu & sum-
maria de Notis
Ecclesiae repeti-
tio.*

Atque hoc modo compendiosè quidem, efficaciter nihilomi-
nus & perspicuè demonstraui, quid sit illud, cuius causa Gen-
tiles Christiani fieri, & in ciuitatem Dei recipi cupiant, diuini-
tas scilicet charitatis, sapientiae & potentiae quae sic in ea lucet,
vt radios suos vel in remotissima quaeque loca effundat, & ab
iis, qui longè sunt atque in caligine errorum, siue in paganismo
& infidelitate sedent, perspicere queat. Videntes nempe Gen-
tiles maiorem humana prudentiam in forma nostrae Reipub.
inque legum eius descriptione, maiorem quoque amorem in
nostris Sacerdotibus, martyrio pro finibus reipub. proferendis,
aliisque sub eius ditionem redigendis, tam prompto animo se
offerentibus maiorem denique potestatem, siue in patrandis iis,
quae naturae vires multum superant, siue in vincendis carnis cupi-
ditatibus, diaboli suggestionibus, & mundo, hoc est, peccatorum
occasionibus & illecebris, siue in subigendo animo, vt omnia re-
linquat, seque nutui & ditioni alterius totum subiiciat, peccata sua
omnia alteri, veluti ipsi Deo aperiat, eiusque arbitratu atque mo-
do ipse a sese poenas exigar: haec igitur atque alia videntes Gen-
tiles quadam religionis suspitione percutiuntur, & lucem istam
adorant, atque ex ingenti interuallo reptabundi sequuntur. Isai. 9.

Populus

Populus in tenebris vidit lucem magnam, habitantibus in regione umbrae mortis, lux orta est eis. Multipicasti gentem & magnificasti letitiam (id est, amplitudò Ecclesiæ & felicitas exterior mouit Gentiles, ut ad eam, velut ad Dei ciuitatem, contenderent, siquidem inde coniecturam duxerunt, Dei esse Ciuitatem, cuius tam prodigiosa sit multiplicatio & successuum prosperitas) Iugum enim oneris eius (Gentis tuæ siue Ecclesiæ) & virgam humeri eius, & sceptrum exactoris eius superasti seu confregisti (id est, quia Romanum Imperium Ecclesiæ subiecisti, eam à persecutionibus Imperatorum liberaſti. Isaia 52. Quam pulcri super montes pedes annunciantis & pradicantis pacem: annunciantis bonum, pradicantis salutem, dicentis ad Sion: Regnabit Deus tuus, siue, ut est in Chaldaeo: Reuelatum est regnum Dei tui. Vox speculatorum tuorum, leuauerunt vocem, (siue, ut est in 70. Vox speculatorum tuorum exaltata est supra Petram) simul laudabunt, quia oculo ad oculum videbunt, cum conuerterit Dominus Sion è captiuitate sua. Gaudete & laudate mul deserta Ierusalem, quia consolatus est Dominus populum suum, redemit Ierusalem parauit Dominus brachium suum in oculis omnium gentium, & viderunt omnes fines terræ salutare Dei nostri.] Annuncians super montes est Petrus velut ipse in Concilio Actorum XV. fidem facit. Hic promulgat regni Ius, quod Christus morte sua emit. non autem ipse tantum per se prædicat, sed & per speculatores, siue Episcopos & Sacerdotes, supra Petram exaltatos, hoc est, cum Romana Ecclesia communicantes, siue mandatum à Petra habentes. Romana namque Ecclesiæ Fides annunciat in vniuerso mundo. Rom. 1. nempe ab iis qui in Petra in vertice montium habitant, siue qui membra sunt Ecclesiæ Romanæ Isaia 42. Laudate habitatores Petra, de vertice montium clamabunt: ponent Dominum gloriam & laudem eius in insulis nunciabunt. Atque isti pedes annunciantis super montes siue in vertice montium, etiam Isaia XXVI. describuntur: Incurabit Dominus habitantes in excelsis (Hebraice. Marom siue Romæ, velut supra cap. LIII. docui) Ciuitatem illam sublimem humiliabit, conculcabit eam pes, pedes pauperis, gressus egenorum. Cum igitur hic super montes annuncians, cuius pedes Romam. Ciuitatem sublimem conculcant, voce speculatorum omnibus gentibus & Insulis promulga-uerit Regnum Christi, & pacem ac salutem prædicarit, credent

Sss

eius

*Gentiles Glo-
riam Dei in
Ecclesia vident
& timent.*

*Gloria Eccle-
sia duplex.*

*Gentiles non
Verbo Dei sed
opere Dei, Sicut
semper sancti-
tate à Carbo-
licis conuer-
santur.*

eius prædicationi omnes populi, visa diuina potentia permoti. Oculo enim ad oculum videbunt liberationem Ecclesiæ à Tyrannide Romanorum Caesarum. idque opus omnipotentia diuina esse intelligent. Psal. 129. *In conuertendo Dominus captiuitatem Sion, repletum est gaudis os nostrum. Tunc dicent inter gentes, magnificauit Dominus facere cū eis: Isai. 49. Sciet omnis caro, quia ego Dominus saluans te, & redemptor tuus fortis Iacob Isaiæ 55. Ecce gentes, quæ te non nouerunt, ad te current propter Dominum Deum tuum & sanctum Israel, quia glorificauit te. Vbi enim gloria Domini est, ibi Dominum ipsum esse rectè colligunt. Psal. 101. Timebunt Gentes nomen tuum Domine, & omnes Reges terræ gloriam tuam. Quia edificauit Dominus Sion, & videbitur in gloria sua, Mich. 7. Secundum dies egressionis tuæ de terra Aegypti ostendam ei mirabilia (id est, Ecclesiam tam miraculosè à tyrannide Pharaonis) videbunt Gentes & confundentur super omni fortitudine sua (pudebit eos suarum virium, si cum potentia diuina, quæ in Ecclesia lucet, comparentur) ponent manum super os (obmutescunt præ stupore. Isaiæ 53. super ipsum continebunt Reges os suum) aures eorum surde erunt (præ stupore, quia toti reddentur attoniti) Lingent puluerem sicut serpens velut reptilia terræ proturbabuntur de adibus suis (humiliabuntur coram Ecclesia, & ad eam adrepent. Matth. 3. Progenies viperarum quis demonstraui vobis fugere à ventura ira ?) Dominum Deum vestrum desiderabunt & timebunt te. Isaiæ 60. Tenebra operient terram & caligo populos, super te autem, ô Ecclesia, orietur Dominus, & gloria eius in te videbitur, & ambulabunt Gentes in lumine tuo, & Reges in splendore ortus tui. Isaiæ 66. Mittam ex eis qui saluati fuerint, ad omnes Gentes, ad Insulas longè ad eos, qui non audierunt de me. & non viderunt gloriam meam & annuntiabunt Gloriam meam Gentibus & venient omnes Gentes & lingua & videbunt Gloriam meam. Cū duplex sit Dei Gloria in Ecclesia alia ab intus, alia exposita & instar frontis, quam ostendit etiam transeuntibus (Psal. 44. Omnis gloria filie Regis ab intus, circumdata varietate) Gentiles varietate illa Gloriæ foris conspecta, diuinius quid intus esse rati, ad eam propius contuendam excitantur. Ita Apostolus 1. Petri 3. Mulieres iubet viris esse subditas: ut & si qui non credunt verbo, per mulierum conuersationem sine verbo lucrifiant, Considerantes in timore sanctam conuersationem mulierum. Verbum scilicet Dei credibile redditur per illa, quæ exterius*

terius apparent & ante oculos sunt exposita. Psal. 92. Testi-
monia tua credibilia facta sunt nimis. quibus rebus? Domum tuam
deceat sanctitudo Domine in longitudine dierum, siue, quemadmodum
Lutherus interpretatur, sanctitas exornat domum tuam perpetuo.
quibus verbis duo Ecclesiæ signa, siue notæ, continentur.
prius, sanctitas in conuersatione: deinde, perpetuitas siue dura-
tio, quæ diuinæ potentiae opus est. Itaque paulo prius dictum
fuerat: Indutus est Dominus fortitudinem & præcinxit se. Etenim
firmavit orbem terræ, qui non commouebitur: parata sedes sua ex tunc:
à seculo tu es. Siue, quemadmodum supra capite 124. ex Lu-
thero reddebam: Etenim Regnum inchoauit quàm latè Or-
bis patet, itaque illud instituit, vt perpetuo duret. Ab eo tem-
pore sedes tua permanet stabilis: æternus tu es. Eleuauerunt
flumina Domine, eleuauerunt flumina vocem suam: eleuauerunt
flumina fluctus suos à vocibus aquarum multarum. Mirabiles elatio-
nes maris. sed mirabilis in altis Dominus. Aquæ multæ sunt popu-
li multi. Apocalip. 17. hi partim vocibus, partim fluctibus suis, id
est, alii Hæresi, alii vi armorum & persecutionibus eleuati, & cum
moti sunt aduersus domum Dei, vt eam absorberent, & auerterent
Fecerunt flumina & flauerunt venti (qui sunt Hæreses Ephes. 4. Ne
circumferamur omni vento doctrinæ) & irruerunt in domum
illam, & non cecidit. Fundata enim erat supra Petram, Matth. 7. Ac
propter hanc firmitatem immobilitatemque sanctitatis deco-
re iunctam, testimonia Christi credibilia facta sunt nimis: quemad-
modum & Psalmo 67. docuit. Mirabilis Deus in sanctis suis. Quo-
modo? Deus israel ipse dabit virtutem & fortitudinem plebi suæ. Dis-
sipabit Gentes quæ bella volunt, siue, quæ Ecclesiam oppugnant.
Venient legati ex Aegypto, Æthiopia præueniet manus eius Deo. Regna terræ
cantabunt Deo.

Itaque Gentibus, quæ nihil de Deo audiuerunt, siue, quæ
nondum quicquam sciunt de verbo Dei aut sacra scriptura, Gloriam
Dei annuntiare (Isai. 66.) siue, opus Domini mirabile intuentium of-
ferre debemus, quemadmodum Christum Luc. 7. vt se Messiam
promissum esse probaret, non verbum Dei, siue aliquem scri-
pturæ locum, sed opus Dei Iohannis discipulis exhibuisse legi-
mus: Euntes renunciate Iohanni, quæ audistis & vidistis: quia cæci vident,
sæculi ambulant, leprosi mundantur, surdi audiunt, mortui resurgunt, &c.

Sss 2

Isai

Quid De Brinā
Ecclesia faciat
credibilem.

Isaia. 33. Audite, qui longè estis, quæ fecerim, & cognoscite vicini fortitudinem meam. Respicite Sion Cuius solennitatis nostræ: oculi vestri videbunt Ierusalem habitationem opulentam, tabernaculum quod nequaquam transferri poterit. Nimirum à Deo factum est istud, & est mirabile in oculis nostris (Psalm. 117.) Quod Ecclesia etiam externis bonis sic glorificata est (Agg. 2. Meum est aurum, meum est argentum, & implebo domum istam gloria Isai. 60. Adducam filios tuos de longè: argentum eorum & aurum eorum cum eis: & domum maiestatis meæ glorificabo (mirabile etiam illud atque à Domino factum, quod hoc Dei tabernaculum nulla vi transferri aut loco moueri potest, quamuis omnes gentes certatim illuc omnes vires suas conferant. Psalm. 45. Venite & videte opera Domini, quæ posuit prodigia super terram, auferens bella usque ad finem terræ. Hinc enim intelligetis quoniam Dominus virtutum nobiscum, quoniam susceptor noster sit Deus Iacob. Quam verò opere ipso impleta fuerint quæ tot istis vaticiniis, quorum similia multo plura in medium afferri possent, continentur, id nemini non ex historia Constantini Magni, qui modò eam legerit, constare potest. Verbi gratia scribit ipse apud Nicephorum in Epistola ad Eusebium Pamphili libro 8 cap. 27. Nunclibertate reddita, & serpente illo (Gentilismo) Dei prouidentia atque opera nostra à rerumpub. administratione depulso, satis in apertum productam esse arbitror apud omnes diuinam potentiam, eosque qui vel metu, vel incrudelitate, vel etiam peccato oppressi fuerant, eo qui verissimè constat Deo cognito ad verum rectumque vitæ statum tandem peruenisse.] Varias propagandi Christianismi & abolendæ Infidelitatis Gentilium occasiones supra cap. centesimo vigesimo sexto eiusdem Nicephori verbis exposui: quibus addi possunt quæ ibidem Nicephorus sic addit: Talibus incrementis cum Ecclesia augetetur, professio fidei etiam per barbaras nationes peragrans, omnem occupauit Orbem. Et mox: Vt verum dicam barbaris omnibus, ut Christianismum complecterentur, vna occasio fuit, inter Romanos & externos populos bellum subinde gestum sub Galieni Imperio & deinceps. Multitudo siquidem varia permixta in Orientem transiens, eam orbis partem prædabunda peragravit: atq; alii aliunde barbari idem facientes, infinitos excutrerunt Romanos, atq; ibi plurimam prædam agētes, multos quoque

Prophetia de
statu Ecclesia
Gentiliumque
conuersione
partim imple-
ta.

Diuina poten-
tia, quam Gen-
tiles in Eccle-
sia vident, eos
conuertit.

Ecclesia felici-
tati Gentiles
conuertit.

quoque ex Sacerdotibus captiuos abduxerunt. qui apud eas nationes cum morbos curarent, demonesque sola Christi inuocatione exigent, & integros prorsus atque irreprehensibiles vitæ mores exhiberent, barbari passim viros eos propter virtutem & admiranda opera veneratione prosequentes, quid eos facere deceret, ab eis cognouerunt, Deoque per illos conciliato, cultum Numinis meliorem sicuti sinceramque doctrinam complexi sunt, ac postremo Ecclesias quoque construxerunt.] Apud eundem lib. 8. c. 50. in Constantini M. epistola ad Episcopos Tyri congregatos: Et Barbari per me germanum Dei ministrum, Deum cognouerunt & metuere didicerunt, ipsumque me ubique tutari & rebus ipsis mihi prospicere senserunt. Vnde maximè Deum norunt, quem illi quidem propterea, quod nos metuant, colunt. Sed etiam ante Constantini Imperium respiratio Christianis, Maximini Imp. edicto, concessa quantum Gentiles commoti fuerint, Nicephorus idem lib. 7. c. 24. sic commemorat: Cum edicto Maximini Christianis reddita esset quies, statim ex altissimis tenebris ingentem lucem ortam esse homines viderunt. Ecclesiæ frequentabantur, conuentus numerosissimi cogebantur, & ex Gentibus hæc quisque cernens obstupescibat, mirificamque rerum mutationem admirabatur, solum Christianorum Deum magnum esse acclamans.] Eodem prorsus modo, qui res à *Ferdinando Cortesio*, diuinæ virtutis ac prudentiæ viro, in Mexicano Imperio, & à *Francisco Pizarro* in Peruano orbe gestas cognouerit (quarum quidem amplitudinem qui nihil Constantini M. aut Caroli M. gestis concedere, atque adeo non parum præstare dixerit, secundo id intelligentium virorum iudicio fecerit) eum mihi de sententia prophetiarum, quas supra capp. 38. 39. 49. & 43. executus fui, facile assensurum confido.

Quibus operibus Sacerdotes Gentium admirationem concitauerunt.

Persecutionum cessatio Gentiles admiratione impleuit.

In nouo orbe acquirendo pleraque prophetia impleta videntur.

CAPVT. CXLI.

IA M priusquam huic parabolæ finem impono, nonnullis eorum argumentis respondebo, qui summam Ecclesiæ potestatem ac ditionem in omnia totius orbis, etiam Infidelium regna, controversam facere contendunt. Ac primùm quidem negant Christum secularem Regem fuisse, quia homo fuit, adeoque nec seculare Regnum Ecclesiæ reliquisse cogunt. Sed eis copiosissimè priori parabola responsum est, cum docerem, Christum morte demum emisse omnia totius orbis regna, cumque ex hoc mundo excessurus esset, Legatos

Responso ad argumenta quibus secularis Ecclesiæ potestas oppugnatur.

quosdam constituisse, qui suum ius promulgarent, omnesque gentes ac populos sibi subijcerent & suis legibus vti cogerent: quam ad rem non tantum potestatem eis dedit *predicandi preceptum eius*, sed etiam *virga ferrea inobedientes regendi, & capita multorum conquassandi*. Atque hoc Christi regnum est æternum & vniuersale, quod omnes populos complectitur, tametsi non omnes simul eius legibus vtuntur, satis est ipso iure omnes Christo subiectos esse, & opere quoque, siue facto, aliquando fuisse. nam Legem eius *predicari* oportet *vniversa creatura*, Matth. 24. De *Insula* tamen nouoque orbe *predictum* est, fore vt *legem eius expectent*: & de alijs regnis ac gentibus, quæ ab obedientia eius desiscunt, fore vt intendant, eorumque loco alia substituantur, & ruina vnus alterius collo- catione impleatur. Isa. 51. *Me Insula expectabant, & brachium meum sustinebunt*. Isa. 60. *Me insula expectant, & naues maris, ut adducam filios tuos*. *Aperientur porta tue ingiter, ut affiratur ad te fortitudo gentium & Reges earum adducantur*. Gens enim & regnum quod non seruiet tibi, peribit. Psalm. 109. CHRISTUS confringet in die ira sua Reges, iudicabit in nationibus, implebit ruinas, conquassabit capita in terra multorum, *virga virtutis sue ex Sion emissa*, siue, potestate, quam Ecclesiæ suæ dedit, per quam ipse ad dexteram DEI sedens dominatur in medio inimicorum suorum, donec ponantur omnes scabellum pedum eius, hoc est interprete S. Paulo 1. Corint. 15. *donec euacuet omnem principatum & potestatem & uirtutem omniaque sub pedibus eius subijciantur*, non solum corda hominum sed etiam Oues & Bo- ues vniverse, *in super & pecora campi*, Psalm. 8. siue, aurum aut argen- tum, aut fortitudo gentium, velut docemur Isa. 60. alijsque lo- cis quæ supra in medium protuli. Deinde nullam Ecclesiæ siue Pontificis in Reges ac Principes Christianos sæcularem potestatem esse hinc efficere conantur, quod iusserit CHRISTUS dare, quæ Cæsaris sunt Cæsari, quæ Dei Deo. quodque Apostolus Roman. 13. ita præ- ceperit: *Omnis anima sublimioribus potestatibus subdita sit*. At enim omnia sunt Dei, neque dici potest DEUS diuifum cum Cæsare vl- lius rei Imperium habere. Est enim solus ille Rex & Legifer omnis creature. Cæsar cæterique Reges DEI loco præsumt ea lege, vt quem ille suæ Legis custodem & interpretem fecit, ac super gen- tes & regna constituit, vt euellat & destruat, & disperdat & dissipet, & adificet & plantet (quemadmodum Ierem. 1. dictum fuerat) ei propter DEUM seruiant, & vt ministri adstant, curui ad eum ve- niant,

Alind argu- mentum.

Omnia sunt Dei, nihil Cæsaris: nisi quod ei, Deus tribuit.

Pactis tamen legibus.

niant, & vestigia pedum eius adorent, aut si id facere recusent, seque exaltent & extollant, aduersus culmen illud potestatis ei data, pereat ac disperdatur, quemadmodum *Isai. 60. & 49.* futurum prænunciatur. Nec enim modò exaltationes Dei sunt in gutture Ecclesiæ, sed & glady ancipites in manibus eius ad faciendam vindictam in nationibus, ad alligendos Reges eorum in compedibus, *Psal. 149.* neque modò prædicat præcepta Dei, sed & pascit siue regit ac velut vas figuli confringit virga ferrea Reges, qui nolunt intelligere, & iudices terræ, qui nolunt erudiri, neque disciplinam apprehendere, sed vincula *PETRO* data dirumpere, & ab ipsis iugum eius projicere conantur, *Psal. 2.* Isergo dat, quæ sunt *DEI DEO*, quæ *Cæsaris Cæsari*, qui *PAPAM* pro summo Vicario agnoscit, & *Cæsarem* pro summo Ecclesiæ aduocato, quo nihil vlli Regum amplius & honorificentius tribui potest. *PAPA* caput est corporis *CHRISTI*, *Cæsar* ac Reges omninoque sæculares Magistratus sunt Brachia siue manus. Itaque insania est dicere, nullum capitis in brachia esse Imperium, in omnibus ijs quæ ad exercendum brachij munus pertinent. Caput Ecclesiæ, siue *PAPA*, (qui est vertex Ecclesiastici corporis,) Spiritus sancti nutu, siue inspiratione regitur, Brachia nihil facere possunt, nisi quod ad corporis totius ac singulorum membrorum victum, amictum, curam ac protectionem pertinet: quorum omnium regimen ac præscriptum quin penes caput sit, & inde ad Brachia deriuetur, dubitare *Paulus* vetat, cum *Colos. 2.* eos, qui sensu carnis suæ inflantur, negat tenere caput, ex quo totum corpus per nexum & coniunctiones subministratum & constructum crescit in augmentum Dei. Itaque si Reges non nutriant, neque vestiant corpus, neque membris affectis & ægris medicinam adhibeant, neque gladium pro tuendo corpore stringant, & noxam omnem ab eo defendant, certè manus aut Brachij munere non funguntur, neque tenent caput, adeoque velut membrum siue perniciosum & pestiferum, siue (quod ei male in tali membro non magno momento anteponi potest) inutile, capitis imperio amputantur, siquidem sanari nullo modo queant. Quamdiu enim salus eorum desperata non est, neque eos amputari corporis incolumitas postulat, non est periculum, ne in eos Caput, quod eiusdem corporis membrum est, & Spiritu charitatis cum eis colligatum, truculentè sequatur, ac non potius multa eis ignoscat & emendationem eorum

Quomodo denatur, quæ Dei, Deo: quæ Cæsaris, Cæsari.

Regimen totius corporis & causa salutis, est in capite.

Qui non tenent caput, à corpore amputantur.

Si corporis ita fieri inserit.

eorum magna cum mansuetudine exspectet. *Nemo enim unquam carnem suam odio habuit, sed nutrit & fouet eam, Ephes. 5. Et si quid patitur v-*

Summa Papa num membrum, compatiuntur omnia membra, nec potest caput dicere manibus potestas nihil aut pedibus, Non estis mihi necessarij, 1. Cor. 12. Quare non est, quod quis prorsus periculi offert Regibus.

metuat, ne Regibus, nisi qui sint omnino intolerabiles, ac regij præter nomen nihil habeant, huiusmodi sententia de capitis & Brachiorum in hoc mystico Christi corpore officio fraudem ac periculum pariat. Cum enim Spiritus huius corporis eadem fide, spe, & charitate membrorum omnium unitatem atque contextum contineat, facile quiuis collegerit, nullum membrum quantumuis exigui vsus, nedum vnum omnium, ubi à capite discesseris, præstantissimum, maximeq; necessarium, manum puta, vel brachium, recidi posse sine summo cæterorum membrorum omnium dolore, & nisi corporis totius ita fieri interfit. Itaque nullum ex omni memoria Regis aut Principis à Pontifice abacti, siue derei publicæ gubernaculis depulsi, ac velut amputati, commemorari exemplum potest, quin id perspicua populi salute (quæ suprema lex merito dicitur) quamuis fastidioso existimato-

Sed potius Regibus ac regibus lucrosa est.

ri probare se possit: neque parum cuiquam videri debet, quod Gallia, Germania & Hispania ex ista Pontificis in rebus sæcularibus potestate lucri fecit. Gallia enim pro Hilperico rege ignauo, ac nullam ad rem utili, Pipinum Regem, ac mox imperium Occidentis Papæ beneficio nacta est. Germania ius Imperatoris eligendi: Hispania Nauarræ regnum nullo alio titulo, nisi quia Capiti Ecclesiæ Pontifici sic visum fuerat, obtinuit, & hodie quoque possidet, neque te Rex Catholice, quanto tibi summa illa Pontificis, pro qua propugno potestas vsui sit atque emolumento, vnquam credo pœnitebit. At enim sublimibus potestatibus (inquiunt) omnem animam subditam esse oportet. Quis negat, ac non potius propter hoc ipsum omnes Reges ac Principes pontificis potestati tamquam sublimiori, subditos esse oportere equum censet? Quæ enim maior homini à Deo tribui potestas potuit, quam: *Pasce Oves meas. Quidquid tu ligaueris aut solueris in terra, erit ligatum aut solutum in cælis. Tu confirma fratres tuos? Nescitis (ait Paulus) quoniam Angelos iudicabimus: quanto magis secularia?* quid ita tandem? quia enim infinitò præstantior est vnus Spiritus omnibus alijs rebus creatis. Ergò qui testatem habet iudicandi id, quod est præstantius, multò magis iudicare poterit id, quod est inferius. Nonne autem anima plus est quàm esca, & corpus plus quàm vestimentum. Matth. 6. Quam enim dabit homo commutationem pro anima sua, & quid ei proderit. si vniuersum mundum lucretur,

anima

anime verò suæ detrimentum patiatur? Matth. 16. Si ergo Ecclesiā tantam super animarum hominum potestatem accepit, ut eas soluere & ligare, atq; etiam Sathanę tradere, queat: quanto magis eandem in corpora fortunatęque hominum, siue in exteriora seu secularia bona potestatem & iurisdictionem tenere oportet?

CAPVT. CXLII.

AT enim Christus (inquiunt) non eripit mortalia, qui regna dat cœlestia, id est, non aufert regna ijs, quorum erant, quia non venit destruere ea, quæ bene habebant, sed perficere. Itaq; cum Rex quispiam sit Christianus, non perdit Regnum terrenum, quod iure obtinebat, sed acquirit nouum ius ad regnū æternū, alioquin obesset Regibus, Christi beneficium, & gratia naturam destrueret. Sed primò falsum est, regna illorum fuisse. Omnes enim Reges ante Christi passionem non nisi vicario iure populis præerant. Christus enim erat Rex titulo creationis, & per eum Reges regnabant, & Principes iusta decernebant, Prouerb. 8. Deinde neque illud simpliciter verum est, regna secularia bene habuisse. Nam Christus Tyrannidem exercere Reges gentium, omniaq; ad suam, non ad subditorum vtilitatem referre & dominari, siue Despoticum aut Herile imperium, violentia nempe & terrore iunctum exercere, suæ quidem certè gloria, qui sint paulò tolerabiliore, seruire, & clementiæ ac bonitatis famam aucupari, & populares non tam esse, quàm videri cupere testatur: *Reges gentium, inquit, dominantur eorum, & qui maiores sunt, potestatem in eos exercent; & qui potestatem habent, Benefici vocantur: nō ita erit inter vos, sed quicumq; voluerit inter vos esse Maior, sit vester minister, & qui voluerit inter vos primus esse, erit vester Seruus.* quasi dicat: inter Christianos non erit vllum Despoticum imperium. nam qui præerunt, non dominabuntur, non asperè tractabunt subditos neque clementiæ specie gloriam potissimum aucupabuntur (sicut Cæsarem scribit Cicero non aliam ob causam moderatè vsum victoria & imperio, nisi quia clementiam populare esse sciret) sed seruiunt vtilitati publicæ, omnia ad salutem subditorum referentes. In eandē sententiam de suæ ætatis regnis Aristotelis scribit 5. Polit. 10. Non existunt amplius his temporibus regna. Monarchia sunt potius & Tyrannides. Regnum enim est imperium voluntarium, quodque magnis in rebus dominatur. Multi autem sunt pares, neque quisquam ita excellit, ut imperij magnitudinem & dignitatem exæquet. Itaq; propter hanc causam, homines sponte quidem sua regnum non sufferunt (nemo enim vo-

Aliud argumentum.

Regna Gentiliū non sunt. Regū, sed Christi. Neq; bene habent sed sunt Tyrannica.

Aristotelis tempore Six erat Sol lum legitimum regnum.

T t t

lens

*Quia nemo &
nisi uolentibus
imperabat.*

*Regis eligendi
requisita.*

lens ei subest, cui se virtute nihil putat cedere, sed parem esse.) quod si quis fraude, aut vi imperet, hoc iam videtur Tyrannis esse. quali dicat: regnum omne est in uolentes, Tyrannis in inuitos. at nemo imperat uolentibus, nisi qui multum virtute ceteros superet.

Multi uero sunt uirtute pares, neque reperitur, qui alios magnopere antecellat. Igitur inuitis imperatur per vim aut dolum. Itaque grauissimè DEVS Israelitis succensuit, quod Regem dari sibi petijissent, sicut uniuerse habebant nationes, neque ijs legibus deuinctum, quas DEVS Deuteron. 17. præscripserat: Eum constitues Regem, quem Dominus DEVS tuus elegerit de numero fratrum tuorum. Non poteris alterius gentis hominem Regem facere, qui non sit frater tuus. Cumque fuerit constitutus, non multiplicabit sibi equos, non reducet populum in Aegyptum equitatus numero subleuatus. Non habebit uxores plurimas, quæ alliciant animam eius, neque argenti & auri immensâ pondera. Postquam autem sederit in solio regni sui, describet sibi Deuteronomion legis huius in volumine accipiens exemplar à Sacerdotibus Leuiticis tribus & habebit secum, legetque illud omnibus diebus uitæ suæ, ut discat timere DOMINUM DEVM suum, & custodire uerba & ceremonias eius, quæ in lege præcepta sunt. Nec eleuetur cor eius in superbiam super fratres suos, neque declinet in partem dextram uel sinistram, ut longo tempore regnet ipse & filij eius super Israel.

- I. Voluit ergo DEVS. I. ut Rex à DEO esset electus, idque Auctoritatis causa, ne mox alij imperium eius aspernarentur, quod Sauli contigisse legimus.
- II. Ut esset de fratribus, idque propter duas causas: prius, ut populum diligeret, tum ne ad aliam religionem subditos inducere conaretur.
- III. ne multiplicaret sibi equos, & uirium suarum fiducia populum in Aegyptum, id est, in seruitutem reduceret. Rex enim eas habere uires debet, ut singulis quidem & uno ac pluribus sit maior ad custodiendas leges, puniendosque parum morigeros, multitudine uero, siue tota Republica, minor, uelut. 3. Polit. II. docet Aristoteles.
- IV. ne uisset multarum uxorū maritus, ne scilicet eueniret illi, quod Salomoni, quodque Regi illi, de quo Lilius: Non facile erat, circumfesso dies noctesque muliebribus blanditijs, liberare animum suum, & conuertere ad publicam priuatamque curam.
- V. ne multiplicaret aurum & argentum, siue, ne Theauris superfluis conceruandis subditos exhauriret.
- VI. ut librum Deuteronomij, siue legis, cum in solio collocaretur, & regno inauguraretur à Sacerdotibus Leuiticis acciperet (ueluti supra

supra Cap. 47. pag. 155. ex 2. Par. 23. Regis Ioas exemplo docui) vtque familiariorem sibi legem faceret, eam manu sua describeret. VII. vt ex lege DEVM suum timere, omniaque quæ in ea essent præcepta, custodire disceret, hoc est, vt in veteri maiorum suorum Religione perseveraret, neque nouam aliquam religionem contra legis præscriptum amplecteretur. VIII. ne superbi- ret super fratres suos, neuè in partem dexteram vel sinistram declinaret, hoc est, ne postularet se meliori esse conditione aut aliam viam ingredi vellet, quàm ceteri Iudæi, quibus eo ipso capite præscriptum fuerat, vt in omnibus causis ambiguis ad summum Sacerdotem appellarent, à quo nulli deinde pro- uocationi locum dari, sed eius sententiæ resistentes morte affici DEVS voluit: si difficile & ambiguum apud te iudicium esse perspexeris inter sanguinem & sanguinem, (id est, vtrius sanguis effundi, vter morte affici debeat) inter causam & causam (Hebraicè: inter litem & litem) lepram & non lepram (Hebr. plagam & non plagam, id est, vtri plagæ imponendæ sint) & iudicium inter portas tuas (id est, in singulis ciuitatibus) videris verba variari (& alios aliter censere, nec idem omnibus iustum videri) surge & ascende (ad supremum totius populi Tribunal) ad locum, quem elegerit Dominus Deus tuus (id est, vbi fue- rit sanctuarium Domini & Sacerdotum Consistorium summusque Pontifex) venies, ad Sacerdotes Leuitici generis, & ad Iudicem, qui fuerit illo tempore, quæresque ab eis (Sacerdotibus. nam labia Sacerdotis custo- dient scientiam & legem requirent ex ore eius, Malach. 2.) qui indi- cabunt tibi iudicij veritatem. Et facies quodcumque dixerint, qui PRÆ- SUNT loco, quem elegerit Dominus, & docuerint te iuxta legem eius (Hebr. Et facies iuxta os verbi, quod annunciabunt tibi è loco ipso, siue, è Cathedra aut è summo tribunali, & iuxta sermonem legis, quem te docuerint. hoc est, iuxta illum sensum, quem illi verum le- gis sensum esse dixerint) sequerisque sententiam eorum, nec declina- bis ad dextram, neque ad sinistram. Qui autem superbi- erit, nolens obedire Sa- cerdotis (summi) IMPERIO, qui eo tempore ministrat Domino Deo tuo, ex decreto Iudicis morietur homo ille, & auferes (Hebr. combures, igne depasces ac perdes) malum de Israel, cunctusque populus audiens time- bit, vt nullus deinceps intumescat superbia. Voluit ergò DEVS Re- gem non minùs, quàm populum IMPERIO, siue, quemadmodum Moses Eschacherus, Lutheranus Theologus, in Analyfi Biblica appel- lat, Ephoria Pontificis subiectum esse, quod minùs mirabitur,

Ttt 2

qui

VII.

VIII.

Summi Ponti-
fi is tribunal a-
pud Israelitas
erat omnium
supremum, nec
ab eo pronoca-
tio dabatur.

qui sciat Iosua ipsum Eleazaro inferiorem fuisse, velut ex his verbis Numer. 27. discimus: Respondit Moyses: Prouideat Dominus hominem, qui sit super multitudinem hanc, & possit exire & intrare ante eos, & educere eos & introducere, ne sit populus Domini, sicut Oues absque pastore. Dixitque Dominus ad eum: Tolle Iosue filium Nun, virum in quo est Spiritus Dei, & pone manum tuam super eum, qui stabit coram Eleazaro Sacerdote, & omni multitudine, & dabis ei praecepta cunctis videntibus, & partem gloriae tuae, ut audiat eum omnis Synagoga filiorum Israel. Pro hoc si quid agendum erit, Eleazar Sacerdos consulat Dominum. Ad verbum eius egredietur & ingredietur ipse & omnes filij Israel cum eo, & cetera multitudo. Fuit igitur Iosue Monarcha, & summus Pastor populi Iudaeorum, & tamen necesse habebat in causis ambiguis & difficilibus Sacerdotem consulere & imperio eius in egrediendo & ingrediendo, cum ipse, tum vniuersus populus parere. Rationem reddit Deus Malach. 2. Quia Sacerdos est Angelus Domini, siue, quia pro Deo Legatione fungitur non tantum ad populum, sed & ad ipsum Regem. Ac propterea Numer. 34. Deus Eleazarum priore loco post Iosua cum Principibus commemorat. Et ait DOMINVS ad Moysen: Haec sunt nomina virorum, qui terram vobis diuident: Eleazar Sacerdos, & Iosue filius Nun, & singuli Principes, de tribubus singulis. Et Ios. 21. Accesserunt Principes Familiarum Levi ad Eleazarum Sacerdotem, & Iosue filium Nun, & ad Duces cognationum per singulas tribus filiorum Israel. Sicut ergo Iosue mandatum habuit, ad verbum Sacerdotis, non minus ipse, quam totus populus egredi & ingredi, similiter Regem DEVS Sacerdotis imperio subiectum esse, neque super fratres suos in superbiam, siue Sacerdotis contemptum, eleuari, neque à verbo Sacerdotis ad dexteram vel ad sinistram declinare voluit. Postrema ac Nona lex Regi dicta vel potius comminatio fuit, ne aliter ius regni suis posteris hereditarium relinqueret, nisi superioribus legibus bona fide paruisset.

Eleazar Pontifex erat superior Iosua Rege.

Tamquam Legatus Dei & Mediator inter Deum & Iosua.

9. Regis requisitum.

CAPVT CXLIH.

MERITO ergo DEUS Israelitis postea succensuit, cum Regem non huiusmodi legibus deuinctum, se qualem cetera in circuitu haberent Nationes sibi constitui petierunt, sed quoniam multos incertos hac de re certare video, ac nuper adeo quidam Venetorum

Quale fuerit Israelitarum peccatum in petendo Rege.

Parasitaster

Parasitaster cū Oligarchiam Venetorum pro Aristocratiā venditare tum Regnum longe Aristocratiā postponere nihil dubitauit, paulō enucleatius ac distinctius quidnam illud reuera fuerit, quod rege petendo Israēlitæ peccarunt, explicabo. *Inuocabo* (ait Samuel ad populum 1. Reg. 12.) *Dominum, & dabit tonitrua, & pluuias, & scietis & videbitis, quia grande malum feceritis vobis in conspectu Domini, petentes super vos Regem.* Magnitudinem verò peccati attributa siue circumstantiæ petitionis eorum declarant. Nam primum petebant regem hoc fine, vt haberent, qui egrederetur ante ipsos & pugnaret pro ipsis bella ipsorum 1. Reg. 8. Hoc autem ad minuendam Dei gloriam pertinebat, cuius intererat hostes Israelitarū extraordinatio potius ac prodigioso modo, quā Regis auspicio atque ductu superari: Exemplum habemus 1. Reg. 7. *Cum timerent Israelitæ Philistæos aduersum se congregatos, factum est, samuele ad Dominum clamante & sacrificante, vt Philistæis prælium contra Israel ineuntibus, intoneret Dominus fragore magno, & exterreret eos. Cæsi ergo sunt ab Israelitis & humiliati, nec opposuerunt ultra, vt venirent in terminos Israel cunctis diebus Samuelis: reddiderunt quoque vrbes quas Israelitis prius abstulerant.* Volebat autem DEVS vt hic populo sibi peculiari curæ esse videretur quem declarandæ suæ gloriæ causa, sic prodigiosè ab hostibus defendere quā regis ductu, more cæterarum gentium gubernari præoptabat. Exodi 19. *Si audieritis vocem meam & custodieritis pactum meum, eritis mihi in peculium de cunctis populis: mea est enim omnis terra. Et vos eritis mihi in Regnum Sacerdotale, & gens sancta.* Itaque DEVS petito rege seipsum regno deiectum iudicabat. 1. Reg. 8. *Non te* (ait ad Samuelem) *abiecerunt, sed me, ne regnem super eos, quia scilicet malunt ordinario & consueto hominū more, ductu regis, quā meo miraculoso auxilio, sacerdotalibus precibus implorato in præliis iuuari, & sic materiam gloriæ meæ subtrahunt.* Et Samuel ad eosdem 1. Reg. 12. *Misit Dominus Gedeon & Samson & Barac, & Iephthæ, & Samuel, & eruit vos de manu inimicorum vestrorum, & habitastis confidenter. Videntes autem quod Naas Rex filiorum Ammon venisset aduersum vos, dixistis mihi, nequaquam, sed Rex imperabit nobis, cum Dominus Deus vester regnaret in vobis.* Atque hanc ob causam, contumeliæ scilicet sibi à populo factæ memor & insultabundus Deus Osæ 13. *Vbi est, inquit Rex tuus? maximè nunc saluet te in omnibus vrbibus tuis, & iudices tui, de quibus dixisti: Da mihi Regem & principes. Dedi tibi Regem in furore meo, & auferam in indignatione mea.*

Deinde petebant Regem cum summa Samuelis iniuria, cui nullam

Ttt 3

Primum faciebant Deo iniuriam.
Cuius ipsi erant peculiarius populus.
Ad hoc electi vt essent Regnum Sacerdotale.
Secundo faciebant iniuriam Samueli bene de suis merito.

abrogandi imperii causam habebant, quippe qui omnia laudatissimi magistratus munia cumulatissime semper impleuerat. Nam ab hostibus populum liberarat, & ciuitates à Philisthæis occupatas recuperarat, velut modo ex 1. Reg. 7. & 12. didicimus: tum ibat per singulos annos circuiens Bethel & Gargala, & Masphat, & iudicabat Israël in supra dictis locis, vbi tanquam comitia regni celebrabat, reuertebaturq; in Ramatha, ibi enim erat domus eius, & ibi iudicabat Israël 1. Reg. 7. Atq; ista omnia faciebat sine cuiusquam onere, neque tributum populo ad necessarias impensas suas imperabat, velut 1. Reg. 12. legimus. Quamuis autem filii eius, quos iam senior, optiones, ac velut collegas imperii fecerat, non eadem integritate & abstinencia in iudicandis litibus vterentur, non tamen æquum fuit Samuelem continuò imperio abigere. Nam & monere eum, ac rogare prius aliquoties, & si filios emendare neglexisset æquo adhuc animo incommodum non adeò magnum tolerare totq; prioribus eius beneficiis compensare debuissent. Quamdiu enim vtilitas, quam respub. ex magistratu suo siue percipit, siue percepit, aut deinceps perceptura videtur, maior est molestia aut iniuria, quæ eidem reipublicæ non dico iam singularibus hominibus priuatis, infertur, iniquissimum est, imperium ei abrogari, nec turpissimo ingrati crimine vacat: quæ causa est, cur neminem Regum ac Principum, nisi externæ reipublicæ necessitas postulet, ne ab ipso quidem Pontifice, summo legum præside, imperio exui posse credamus: siquidem potestas Pontifici data est in *adificationem* non in *destructionem* populorum, & quamuis munitiones & consilia nonnunquam destruere necesse habeat (velut supra ex 2. Cor. 10. didicimus) tamen in eo quoque *adificationem* suæ vtilitatem publicam velut scopum, ac finem habet propositum. quæ quidem sententia, quæ est omnium Catholicorum, satis Regum Principumque incolumitati cautum prouisumque esse neminem non perspicere arbitror, atque ad eam velut Regulam Theologorum verba, quæ à nonnullis inuidiam rapi solent, exigere debet, nisi quis improbè calumniari & sycophantam agere, quam quæ reipublicæ causa liberè fortiterque dicta sunt, commodè interpretari malit. Omnia Catholica Regna vnum corpus conficiunt, eodem fidei, spei, & charitatis vinculo velut vno Spiritu colligata ac deuincta. Ratio ergo postulat, nullum omnino membrum propter leuem aliquem morbum, qui præsertim eius membri vsum omnem non impediat, quodquæ præcedente tempore sanatum iri spes sit, medicina intempestina & cum

Peccata filiorum Samuelis non erant sufficiens causæ, cur imperium ei abrogaretur.

Papa quando Reges in priuatis ordinem possit redigere.

Quomodo se Papa gerat in medicandis Regum morbis.

& cum cæterorum membrorum periculo coniuncta curari, nedum statim vñsione ac lectione tentari. Legum præsidem, ciuitatisque rectorem (ait Seneca l. de Ira. 5.) decet quamdiu potest verbis, & his mollibus, ingenia curare, ut facienda suadeat, cupiditatemque honesti & æqui conciliet animis faciatq; vitiorum odium, pretium virtutum: Transeat deinde ad tristiores orationem, qua moneat adhuc & exprobet: nouissime ad penas, & has adhuc leues & renocabiles, decurrat: ultima supplicia sceleribus ultimis ponat ut nemo pereat, nisi quem perire etiam pereuntis interfit. Tardè sibi quis mēbra sua abscondat, etiam cum absiderit, reponere cupiat, & in abscondendo gemit cunctatus multum diuque. Prope enim est ut libenter damnet, qui cito. Prope, ut inique puniat qui nimis (1. Clement. 14.) morbus animi mollem medicinam desiderat, ipsumque medentem minime infestum agro Mali medici est desperare ne curet. Idem in his, quorum animus affectus est, facere debet, cui credita salus omnium est: non cito spem proicere, nec mortifera signa pronuciare, Luculetur cum vitis, resistat: alius morborum suum exprobet, quosdam molli curatione decipiat, citius meliusque sanaturus remediis fallentibus. Agat Princeps curam non tantum salutis, sed etiam honestæ cicatricis 1. Clement. 17. Cum igitur hanc caput inferioribus membris charitatem impendere debeat, quanto æquius fuerit cetera membra in capitis morbo mitè animi gerere & modicis erroribus æquum, cum præsertim non tantum ferè proffit, magistratus meliores constitui, quantum subditos ad amouendos eos, qui Reipub. præfunt, adfueri nocet. Propter quam causam Aristot. 2. poll. 6. Satiùs esse censet, quædam magistratuum vitia dissimulare, quam mutationem eorū, & inobedientiam inducere.

Sed est ista Aristotelis ratio ad utilitatem ipsorum subditorum, siue reip. relata qua longè videri debet efficacior, quam nos Christiani à charitatis officio, quod exhibere alii aliis debemus, petitam sequimur. Charitas enim patiens est benigna est non querit, quæ sua sunt, non cogitat malum 1. Cor. 13 pacifica est, modesta, suadibilis, plena misericordia & fructibus bonis, non iudicans, sine simulatione, Iacob 3. Hac non modo erga Samuelem Israelitæ vñs non sunt, sed simul etiam odium ei rependerunt pro dilectione, & contumeliam pro beneficiis suis. Itaq; DEVS eum consolabundus: iuxta omnia (inquit) opera sua, quæ fecerunt à die, quæ eduxi eos de Aegypto, usque ad diem hanc: Sicut dereliquerunt me, & seruiuerunt diis alienis, sic faciunt etiam tibi. Reg. 8. Atq; illud etiam summam eorum erga Samuelem ἀχαριστία ac beneficiorū obliuionē auexit, q̄ non tantum incerti, qualemnam magistratum in regno fortituri essent, Samueli abolere imperium voluerūt, sed etiam postquam

Quomodo se
subditi erga su-
periorum vitia
gerere debeant.

At si præsum-
ptia quadam
ferena & disc-
simulanda
Non tantum
propter ipsorum
subditorum &
utilitatem:
Sed etiam ex
Charitate.

Insignis Israeli-
tarum erga Sa-
muelem ingra-
titudine.

iam Dei mandato, quam miserranda ipsorum sub Regis imperio conditio futura esset, didicerunt. *Clamabitis à facie Regis vestri, quem elegistis vobis*, ait Samuel, & nō exaudiet vos Dominus in die illa. Nōlūt autē populus audire vocē Samuelis, sed dixerunt, nequaquam (propter mala illa, quæ Dei nomine prædixisti nobis euentura Rege carere volumus)

Etiam pessimo Regi, quam ipsi, se esse malebant.

Rex erit super nos, & erimus quoque sicut omnes gentes. & iudicabit nos Rex noster, & egredietur ante eos, & pugnabit bella nostra pro nobis. Quo tandem pacto maiorem Samueli contumeliam facere poterant, cuius imperii tantum præ se tædium ferunt, vt vel iniquissima Regis seruitute teneri, neque tolerabilius mancipiis tractari, quam diutius Samueli subesse ac parere malint.

Tertium Israelitarum in petendo Rege peccatum.

Postremo in eo peccauerunt Israelitæ, quod non quidem Monarchica imperii forma gubernari voluerunt (nam Samuel, Heli Iephete, Samson, Gedeon, Iosue, Moses, ceterique iudices, verè Reges populi fuerunt, sed perfectissimo ac prorsus paterno regni genere, cuius fere generis est, quod Heroicum ab Aristotele dicitur, nisi quod hi neque sibi nominis regii honorem neque emolumentum vllum ex tributis, aut vectigalibus publicis neque liberis ius in imperio succedendi vindicarunt. cuius rei illustre exemplum. *Judic. 8. 22.* legimus, Sed omnia ex diuinæ legis præscripto, & ad populi vtilitatem, tam pacis quam belli tempore, referentes gesserunt.) non igitur peccarunt, quod regnum, sed quod deterrimam, ac periculosissimam regni formam petierunt, *παμβασιλείαν* scilicet, hoc est, Regnum plenum, infinitum, ac legibus solutum, vbi manu Regia administrantur, ita vt haud multum à Tyrannide absit, nisi quod lege deferatur, & in volentes exerceatur, neque exterorum, seu ciuium, siue subditorum, militari custodia muniatur, quamuis id mox in apertam, veramque Tyrannidem abiturum, neque Regem, siue *παμβασιλέα* volentibus, sed inuitis, fatumque suum complorantibus imperaturum, Dei iussu contestabundus Samuel sic prænunciauit. Hoc erit ius Regis, qui imperaturus est vobis: (Si nempe talem vobis dem Regem, qualem petitis) Filios vestros tollet & ponet in curribus suis, facietque sibi equites & præcursores quadrigarum suarum, & constituet sibi tribunos & centuriones, & aratores agrorum suorum, & messores segetum, & fabros armorum & curruum suorum. Filias quoque vestras faciet sibi vnguentarias & focarias & panificas. Agros quoque vestros & vineas & oliueta optima tollet, & dabit seruis suis. Sed & segetes vestros & vinearum redditus addecimabit, vosq; eritis ei serui, & clamabitis à facie Regis vestri, quem elegistis vobis. Nōlūt autem populus

Qualis ea fuerit forma.

populus audire vocem Samuelis, sed dixerunt. Nequaquam. Rex erit enim super nos.] Atque hoc modo, quod Aristotelis auctoritate supra de Asia populis dixi, eos nullius esse animi, ac propterea perpetuo parere ac seruire, & sub Regum imperio viuere, nec respub. vllas habere, isto Iudaici populi exemplo quoque comprobatur, quos iam tum quando ex Aegypto exiere, homines ignauos, & accipiendo, ferendoque seruitutis iugo natos fuisse, Exod. 14. discimus. *Visis Aegyptiis conterriti dixerunt: Quare nos eduxisti ex Aegypto? multo enim melius erat seruire Aegyptijs, quam mori in solitudine.* Itaque maluerunt Tyrannico, siue seruili, quam paterno Sacerdotis imperio teneri, quod se scilicet ex splendore ac maiestate Regis sui pluris apud vicinos populos fore existimarent. Veruntamen noluit Deus noxiam illam ac pestiferam, quam postulabat regni formam, vel potius Tyrannidem eis largiri, sed quemadmodum Iupiter ille Homericus,

Israelita seruili animi populum,

*Stimauit
piu un polirone
vno, che cento
valent' huomini
morti,*

*Deus non dedit eis talem
Regem, qualem petierant.*

Τὸν δ' ἔτερον μὲν ἔδωκε πατὴρ ἔτερον δ' ἀνένευσε
His vnum dedit ille quidem, alterum & abnuuit idem.

Regem enim eis dedit in furore suo, siue iratus ob iniuriam sibi ac Samueli factam, Regem verò infinita solutaque legibus potestate præditum, cuius ius modò describi audiuius, non dedit; sed eum certis legibus sibi, ac populo deuinxit, velut 1. Reg. 10. docemur. Cum enim Saulem Samuel Regem vnxisset, simul eò hoc præceptum dedit: *Descendes in Galgala, ibi septem diebus expectabis donec veniam ad te, & ostendam tibi quid facias. siue leges, quas in regno administrando sequaris, tibi præscribam. Et infra: Cum Saulis electionem populus ratam habuisset, locutus est Samuel ad populum legem regni, & scripsit in libro, & reposuit coram Domino.* In eo libro fuisse oportet rationem exigendorum tributorum siue vectigalium, quæ cum Regis maiestas, tum populi defensio requirere videatur. Nam 1. Reg. 13. legimus eum cohortem prætoriam trium milliū militū de Israel electorū circa se habuisse. Et 1. Reg. 14. *Erat bellus potens aduersum Philisteos omnibus dieb. Saul. nā quæcūq; viderat Saul virū forte & aptrū ad præliū sociabat eum sibi.* Itaq; cum pecuniā populo imperare, tum militū delectū agere potuerit, necesse est. Et 1. Reg. 17. quærenti Dauidi, quidnam premii fufurum esset ei, qui Goliath Philistæum percussisset, responderetur *ditabit eum rex diuitijs magnis, & filiam suam dabit ei, & domum patris eius faciet absque tributo in Israel.* Ex quibus omnes Israelitas tributum Regi pendere solitos fuisse, ex iisque magnas opes Regem confecisse efficitur. Atqui nihil horum ex lege Moysis fieri poterat. In libro ergo, quem Samuel

Sed Regem certis legibus deuinctum.

*Samuelis liber
de officio iure
ac potestate
Regis*

Israelita tributum Regi pendere coacti.

*Saulque ad
populum Lege
Moyſis teneba-
tur.*

*Sacerdotis ius-
ſui non obtē-
perans regno in
perpetuum ex-
ciſit.*

de Lege regni compoſuerat, eam poteſtatem Regi datam fuiſſe oportet. Caterum fuiſſe Saulem omnibus illis, quas ſupra ex Deuter. 17. Regi futuro præſcriptas recitauimus, legibus deuinctum, hinc quoque fit perſpicuum, quòd tam ipſi, quam populo obtemperationem legis Dei graui addita comminatione palàm Samuel iniungit. *Time-
re Dominum, inquit & ſeruite ei in veritate ex toto corde veſtro. quod ſi perſeue-
raueritis in malitia, & vos & Rex veſter pariter peribitis.* Sed etiam euen-
tus mox docuit, ad eum pertinuiſſe, quod regi cominatus fuerat De⁹,
ſi nimirum non cuſtodiret præcepta Domini, fore, vt filii eius non
regnarent ſuper Iſrael. Nam 1. Regum 13. cum Samuelis præcepto
non obtemperaffet, & ipſe aduentu eius totos dies ſeptem non ex-
pectato, holocauſtum Deo obtuliſſet, audiit ex Samuele: *ſtultè egisti
nec cuſtodiſti mandata Dei tui, quæ præcepit tibi. Quod ſi non feciſſes, iam
nunc præparaſſet Deus regnum tuum ſuper Iſrael in ſempiternum, ſed, nequa-
quam regnum tuum ultra conſurget.*

CAPVT CXLIV.

*Chriſtus Gen-
tilib. regibus
non faceret in-
iuriam ſi regna-
re ad. meret.*

*Iſraeliſta debe-
bant eſſe ſacer-
dotale regnum.*

Sic igitur luculentè probatum arbitror, non ſatis veram eſſe eo-
rum rationem, qui regna Gentilium bene habuiſſe, ac proinde à
Chriſto non deſtrui debuiſſe, contendunt. Sed etiam ſi ſic eſſe largia-
mur, nullam tamen eis iniuriam faceret Chriſtus, ſi omne ipſis im-
perium abrogaret, non enim quicquam, quod ipſorum eſſet auferrer,
ſed quod ſuum eſſet à vicariis ſuis repeteret. Atqui licet illis præfe-
cturam ſuam obtinere, modò Chriſti Domini ſui legibus vtantur,
& quoniam regnum hoc, ex omnibus Chriſtianis regnis conflatum.
Chriſtus ſacerdotale eſſe iubet (quippe qui ſimul Rex ſit & Sacerdos
ſecundum ordinem Melchizedech) facere ne grauentur, quod Deus in Sa-
cerdotali Regno requirit, vt nimirum Summus Sacerdos, quem ipſe
ſuo loco paſtorè populo ſuo dedit vbi res difficilior, ac maioris mo-
menti in diſceptationem venerit, conſulatur, eiusque imperio pa-
reatur, inobedientes ex ipſorum decreto moriantur, & ad verbum
Sacerdotis egrediantur & ingrediantur cum ipſi Principes, tum eo-
rū populi. Propter hæc enim talia Regnum Iſraeliticum Deus Regnum
ſacerdotale nominauit, Exodi 19. ꝓ quoniam figura, fuit regni Chriſti
(omnia enim in figura contingebant illis, 1. Cor. 10. & euenta ipſorum fue-
runt vmbra futurorū & exemplaria verborū, Hebr. 9. & 10. Itaq; 1. Pet. 2.
Chriſtiani dicuntur eſſe gens illa ſancta & regnū ſacerdotale, ſiue Regale
ſacer-

Sacerdotium) multo maiorem in hoc regno Sacerdotis apud omnes auctoritatem esse oportet, utique cum hoc Regnū in melioribus re-
missionibus sancitum sit. nam si illud prius culpa vacasset, hoc est, si perfe-
 ctum fuisset, non utique secundi loci inquireretur, Hebr 8. Non igitur ob-
est Regibus Christi gratia, si ex gentibus Christiani fiant, etiam si Sa-
 cerdotis Summi quem totius regni sui Christus in terris vicarium
Regibus nihil nocet Papa sub-
 seu Proregem, *Deumq.* Pharaonum omnium constituit imperio subiici-
 antur & ad verbum eius cum populo quisque, suo egredi & ingredi
 necesse habeant: quin immo beneficium accipiunt maximum, cum
 à Sacerdote sic diriguntur, ut aliter, quam rectè atq; ordine, populis
 suis præesse nequeant, qui prius utilitati subditorum consulendi aut
 voluntate, aut facultate seu scientia destituebantur. Itaque Psal. 81. *Dua causa, cur*
 disertim habemus, Christum propterea hereditarium in omnibus genti-
Christus regib.
 bus, ut terram iudicet, omniaque fundamenta terræ, siue Reges ac Principes
regna eripiat.
 (velut declaravi cap. 24.) loco suo moueat, siue regno exuat, & velut
 plebeios ex alto dignitatis gradu præcipiter, quia vel iudicent iniqui-
 tatem ac facies peccatorum summant, hoc est, quia sint iniusti & tyranni.
 vel nesciant neque intelligant, & in tenebris ambulent, id est, subditos in
 via salutis æternæ ducere nesciant, veræ scilicet religionis ignari
 velut supra Cap. 54. pag. 177. vberius demonstraui. Sic & Psalm. 2. planè
 ac perspicuè comminatur Christus regibus ac principibus, nisi se iugo
 suo subiciant, & disciplinam apprehendant, atque erudiantur & intelligant,
 hoc est, nisi à Summo Sacerdote veram religionem discant, sibi que
 per os eius loquenti (Act. 15.) obediant, fore, ut pereant de via & non
 modo prædicatione præcepti sui, siue excommunicatione (dum ta-
 men sub iugo esse ceperint, nam qui nunquam fuerunt, nempe in-
 fidelès, excommunicari nequeunt. quis enim eum foras eiiciat
 qui iam foris est? quomodo verba illa 1. Cor. 5. intelligenda esse su-
 pra docui; quid ad me de his qui foris sunt iudicare?) sed etiam virga fer-
 rea de Sion emissa (Psal. 109) siue seculari potestate, aut materiali gla-
 dio, confringantur & conquiescant. quam pœnam cum ex æquo
 Deus omnibus, qui iugum Christi siue excutiunt, siue recipere
 nolunt, hoc est tam infidelibus, quàm hæreticis comminetur.
 (quemadmodum longè plurimis scripturarum locis priore pa-
 rabola planum fecimus) friuola eorum oportet esse argumenta
 qui Papæ nihil in prouincias infidelium iuris esse docent. Qui-
 bus vno verbo hic respondisse satis fuerit, nullum esse posse Re-
 gnum.

gnum legitimum, quod rectæ rationi, siue legi Christi aduerfetur
 siue lex illa in cordibus hominum modò scripta sit, siue etiam præ-
 conio vicarii sui promulgatum, eius dico quem *elegit Deus, ut per os eius*
audiant gentes verba Euangelij, & credant (hoc est, Petri & successoris
 eius. *Act. 15.*) Christus enim est Dei Patris Sapientia, fons omnis Ra-
 tionis atq; legis, caput omnis Principatus, & quemadmodum *Isai. 33.*
vocatur, Iudex, Legifer & Rex noster. Antequam ergò passus esset, ne-
 cesse erant omnes Reges ac Principes ex præscripto legis Christi cor-
 dibus inscriptæ imperare: q̃ nisi facerent, Tyranni erant, nullumque
 Imperi ius habebant. *Per me,* (inquit) *reges regnant, & principes iusta de-*
cernunt, quia meum est consilium (prudencia *συμβουλευτική*) *mea aequitas*
(prudencia δικαιοσύνη) *mea est prudentia* (rerum scilicet non singularum
 ut dñæ illæ iam commemoratæ sed vniuersarum, *νομοθετική*) *mea est*
fortitudo. quam scilicet legū custodia & executio postulat: Postquam
 verò passus fuit Christ⁹, nouoq; titulo regnum adept⁹ necesse est, oēs,
 q̃ habēt in alios imperiū, vel vt eius beneficiarii, eius legis præscripto
 vtantur, quam Petrus ac socii, Petrique Successores per vniuersum
 orbē promulgare iussi sunt. *Data est mihi omnis potestas in cælo & in ter-*
ra, Eunt ergo docete omnes Gentes seruire omnia quaecunque mandauī vobis.
Et Ecce ego vobiscum sum omnibus diebus diebus, vsq; ad consummationem sæ-
culi, (*Matth. 28.*) *Et quoniam tu Petre me diligis plus ceteris Apostolis, pasce*
oues meas & adduc illas oues, que nō sunt de hoc ovili, faciasq; vnum ovile, &
sis vnus Pastor. Rogauī pro te vt non deficiat fides tua, & nomē meum Petra te-
 cum comunicam, vt super te Ecclesiam meā edificarem. Tu ergò Petra fides fir-
 missima confirma fratres tuos. *Claues regni calorū tibi trađo, & quicquid in*
terris solueris aut ligaris, id in cælis ratum me habiturū promitto, *loh. 21. loh.*
10. Act. 15. Luc. 22. Matth. 16. loh. 1.

*Ante passionē
 Christi omnes
 Reges erant e-
 ius Vicarii.*

*Ab ipso enim
 erat omnis pru-
 dentia & legū
 executio.*

*Post passionem
 Christi Petrum
 summum suū
 Vicarium fecit*

*Aliud argu-
 mentum.*

Atq; istis probè obseruatis nullo negotio ceteris eorū argumētis
 responderetur, qui Ecclesiasticæ Iurisdictionis paulò citeriorē termi-
 nū ponunt, quam tamen Christus in omnib. mūdi finib. collocauit.
 Huiusmodi argumentū est: *Leo, Gregorius, Magni Pontifices, Imperatorem*
à Deo Imperium habere consitentur. Igitur aut potest id ei Papa eripere, aut non
 potest. Si potest, est maior Deo: si non potest, non habet potestatem regi maiorem,
 Quidni autem similiter ἀδολεχέιν siue arguari mihi liceat? Non est
 potestas nisi à Deo, *Rom. 13.* Itaque minimorum quoque magistratu-
 um in oppidis ac pagis à Deo postestatem esse oportet. Iam Princeps
 aut potest, infimo magistratui potestatem suam adimere aut non
 potest. Si potest, erit Deo maior, si nō pōt, nō habebit maiore infimo
 illo

illo potestatem. Similiter Vita homicidæ est à Deo. Aut igitur eam ipsi Rex adimere poterit, aut non poterit. Si potest, erit maior Deo. Sin autem; non habebit potestatem super homicidam. Quis tam ineptus esse potest, qui ex eo, quod Vicarius, Domini mandato, seu loco facit, id ad Vicarium potius, quàm Dominum ipsum pertinere contendat?

Disputatur etiam à nonnullis: Nicolaus Papa docet, fuisse quidem ante Christi aduentum eosdem Reges & Pontifices, sed Christum verum Regem & Pontificem ista distinxisse: Cum, (inquit) *ad verum ventum est, ultra sibi nec Imperator iura Pontificatus arripuit, nec Pontifex nomen Imperatoris usurpauit.* Respondent alij, Christum ad conseruandam humilitatē voluisse, vt Pōtifex Imperatoris defensione indigeret. Sed falsa est ista ratio, cum palàm sit, Christo magis conseruationem Maiestatis in eo fuisse propositam, à qua alienum foret, Pontificem, quilibet & rebus friuolis implicari, quemadmodum neq; Caput decenter gladium terreum ore teneat ad corpus tuendum, neque cibum ex disco aut patina labijs excipiat, cum id manuum ministerio rectè fiat. Quis autem propterea nullum capitis in manus imperium esse hinc efficiat, quod nec Manus officium capitis arripiat, neque Caput partes manuum inuadat? Similiter si dicam, Neque Prætor aut Consul ciuitatis iura Principis arripit, neque Princeps nomen Prætoris aut Consulis usurpat: quis ex eo nullam Principis in Prætorem ciuitatis sibi subiectæ potestatem habere cogat? Est autem sententia verborum Nicolai, Christum aboleuisse, quod Diabolus introduxerat, vt scilicet Principes Idololatrici simul Pontifices fierent, & sic idololatriam armis sancirent.

Quamuis autem idem Nicolaus Christum voluisse dicat, vt Pontifices pro cursu temporalium tantummodo rerum, imperialibus legibus uterentur, nequaquam tamen inde effici potest, Pontificem in temporalibus nō suprema potestate affectum esse. Vtitur enim legibus illis, nō quia Imperiales sint, sed quia rationi consentaneæ. Vtrum verò sint rationi consentaneæ, non tam ad Imperatoris, quàm ad Pontificis curam pertinet, cum Pontificem Christus rationis ac prudentiæ omnis auctor, cuius est consilium, Vicarium suum constituerit, qui populos & eorum Reges, quæ suæ legi consentanea essent, doceret, ac præceptum eius prædicaret.

Quod porro ex eiusdem Nicolai ad Imperatorem epistola, afferunt: *Nolite præiudicium Dei Ecclesia irrogare. Illa quippe nullum imperio ve-*

Aliud argumentum.

Aliud argumentum.

Aliud argumentum.

*Aliud argu-
mentum.* *Pro prauidicium infert :* non est illud argumentum à pari, sed à maio-
ri, quasi dicatur: Si Papa Imperatorem in suo munere nihil impedit,
cuius tamen potestas multò amplior est Imperatoris potestate, mul-
tò minùs Imperator Papam impedire debet.

Aliud. Contradicitur autem à quibusdam. *Gelasium Papam scripisse :* Duo
sunt, quibus principaliter mundus hic regitur. auctoritas sacra Pontificum,
& regalis potestas. Sed nihilo absurdus dixero, duo esse membra
corporis humani, quorum ope præcipuè vtatur, caput nempe
& manum. Num verò propterea Manus negatur capiti subesse, e-
iusque nutu munus suum exequi? nam illud perspicuè falsum est,
quod eandem singulorum Episcoporum in suis diæcesibus, quam
Pontificis in vniuersa Ecclesia potestatem esse dicunt, ac propterea
sicut Episcopi in oppidis suæ diæceseos supremam potestatem secu-
larem non habeant, sic neque Pontificem in vniuersali Ecclesia eam
habere affirmant. Sunt enim Episcopi velut regionum præfecti,
Pontifex verò tamquam totius ciuitatis præfectus siue Prorex: Epi-
scopi veluti legionum singularum Tribuni, Papa tamquam summus
totius exercitus Imperator.

CAPVT. CXLV.

*Aliud Argu-
mentum.*

*Simile non est
idem.* SED neque illud quidquam firmitatis habet, quod ex Innocenti
III. Papæ verbis opponunt, quibus in Ecclesia firmamento duo magna
luminaria, pontificalem auctoritatem & regalem potestatem à Deo institutam
dicit, quarum pontificia, velut diebus sol. præst spiritualibus, Regia verò tamquā
luna, carnalibus. Iam verò sicut sol. inquit, non est idem quod Luna, nec insti-
tuit Lunam: ite nec Pontificatus idem est, quod Imperium, nec unum ab alio ab-
solutè pendet. Atqui aliud est quòtòus seu similitudo, aliud tantòus siue
identitas, quam vulgò vocant. Similia, nō nisi genere quodam sunt ea-
dem, id est, in aliquibus, non in omnibus eadem illorum est ratio, siue
qualitas. Psal. 123. piorum animæ conferuntur cum passere, ratione li-
berationis à periculo, neq; tamen quia passeret sunt salacissimi, pro-
pterea animas piorum salaces esse oportet. Item hæretici similes sunt
Lupis. Et tamē fuerunt oues Christi, denuoq; oues, si Hæresin exuant,
fiunt, Episcopi sunt pastores gregem, sed sine dubio simul oues Chri-
sti. Bonus rex est Pater patriæ propter similitudinē non generationis,
sed amoris & procurationis. Christus est Leoni similis in robore, nō
in crudelitate, neq; in rationis orbatione seu defectu. Baptismus simi-
lis

lis est Arca Noë, quod extra baptismum, sicut extra Arcam nemo seruari queat. At enim erant in Arca animalia munda & immunda: neq; pari ratione baptismo tam mali, quàm boni seruantur. Christus erat caput Synagogæ, quippe *qui heri & hodie sit, idē & in secula*, Hebr. 13. Caput nempe omnis principatus & potestatis, Colof. 2. Et tamen Saul quoque Caput Synagogæ dicitur, 1. Reg. 15. & Reges sunt suorum regnorum capita, num propterea Synagogam fuisse bicipitem dicemus, & regna singula monstrofa esse, binis quippe capitibus prædita? quod Hæretici nobis exprobrare solent, quasi qui monstrum ex Ecclesia faciamus, cum eius caput simul Christum & Papam dicimus. Eiusdem generis infinita possent exempla, etiam ex scripturis adduci: sed hæc ad id, q. institui, sufficiunt, ut similitudinem scilicet illam, qua potestas, Papæ soli, Regia Lunæ cōparatur, nequaquam eò valere appareat, quo nonnulli volunt, satisq; sit, si quemadmodū Sol Lunæ præstat, sic Ecclesiasticam seculari potestati præstare inde discamus. Possunt tamen plures similitudinis rationes reddi: Verbi gratia Sicut Luna proprium lumen non habet, sed id à Sole mutuatur: Sic etiam sæculari potestati Spiritus potestas auctoritatem præbet, cum ei etiam propter conscientiam subditos esse iubet. Et sicut Luna videtur luminare magnū, cum tamen multis stellarum minor sit: Similiter sæcularis potestas amplissima videtur, cum tamē Sacerdotio longē sit inferior: quippe cui tantum adiutorij causa data dicatur, ut Ecclesiæ scilicet seruiat ac ministret, velut ex Isai. 60. supra docui, ac propterea Opitulationem Paulus 1. Cor. 12. sæcularem Magistratum videtur appellasse Presbyteri, qui bene præfunt, duplici honore digni habeantur, maxime qui laborant in verbo & doctrina, 1 Tim. 5. Qui enim ad iustitiam erudiunt multos, fulgebunt quasi stella in perpetuas æternitates, Daniel. 12.

Quod porro ex eodem Innocentio nobis obiicitur, Pontificē solum in patrimonio Ecclesiæ plenā habere in temporalibus potestatem, in alijs regionibus non item, id distinctione adhibita à nostra facit sententia. Fatemur enim non eandem esse Pontificis in Ecclesiæ patrimonio, qua in ceteris regionibus sæcularis potestatis plenitudinem. Patrimonio enim præest non tamquam Pontifex, sed velut quicquid alius minor Princeps, & velut Episcopi ceteri sæculati iurisdictione præditi. Itaque velut vrbis Romæ Episcopus etiam minoris momenti negotia, sæcularia, puta, curare potest, quod in ceteris regionibus, quibus non nisi tamquam Pontifex summus præest, nequaquā ex ipsius Maiestate foret: Sicut neq; Solis præstantiam doceret, cum tam maligno lumine, quàm Luna

Quomodo Spiritus potestas Soli, secularis Luna sit similitudo.

Aliud argumentum.

Sæcularis potestas Pontificis in terris Romana Ecclesia peculiaribus deuersa est ab illa potestate, quam habet in regibus principumque terris.

Luna solet, orbem hunc illustrare. Sic Papa Pœnitentiaro suo peccata humiliter confitetur, eiusque sententiæ velut iudicis paret, sed tamquam singularis homo priuatus, non tamquam Prorex, pro tribunali ius reddens. Quanto autem humilioris ministerij sit sæcularium rerum procuratio, si cum summa & absoluta illa in rebus ad salutem animarum attinentibus potestate ac *παρβασιλεία* comparatur, quam verbis, *Pasce, & Quicumq; ligaueris aut solueris, & Tibi dabo clauēs regni cælorum*, Pontifici Christus commisit: neminem præterire potest, qui vel vnus animæ salutem totius orbis lucro multo potius esse meminerit. Itaque habet quidem Pontifex summam omnium quoque sæcularium rerum potestatem (si enim Spiritus siue animas iudicat, quando magis sæcularia?) nequaquam tamen eum decet, intermissa nobilissima procuratione ad minuta ista descendere, nisi id eum facere animarum interfit. Sic Apostoli Act. 7. *Non est æquum, inquit, nos derelinquere verbum Dei, & ministrare mensis*, cum id præsertim per alios facere commodius queamus. Sic Paulus 1. Corin. 1. *Non misit me Dominus baptizare, sed euangelizare*. Et tamen Apostoli ius ac potestatem, imò mandatum baptizandi habebant, non minùs quàm euangelizandi. Matth. 28. *Euntes docete omnes gentes & baptizate eas*. Sed primaria ac præcipua eorum functio erat docere, alteram illam baptizandi alijs relinquere poterant. Et tamen non dubitauit Paulus etiam ipse homines baptizare, cum ita expedire ei visum esset.

Pontificem, & Pontificem, non decet minuta sæcularium cura implicari.

Alind argumētum.

Atque hinc paret, quomodo verba illa Alexandri Papæ III. accipienda sint: *Ad Regem pertinet, non ad Ecclesiam de talibus possessionibus iudicare*. Humiliora nempe sunt ista sæcularia negotia, quàm vt eorum cura Pontifices occupentur, eaque re minùs rerum maximarum procurationi vacare queant.

Postremò nec illa quidquam nobis negotij faceffunt, quæ nonnulli eiusdem Innocentij Papæ verba sententiæ huic opponunt, quod nimirum *is, qui alium in temporalibus superiorem agnoscit, sine illius FORSAN iniuria, nisi ipse assentiatur, Pontificis iurisdictioni se subycere non possit*: cum quo idem Alexander Papa facere videtur. qui rogatus an appellatio à Iudice sæculari ad Papam facta, rata sit, siue teneat, respondit: *Tenet quidem in his, qui sunt nostræ temporali iurisdictioni subiecti: in alijs verò secundum iuris rigorem credimus non tenere*. Nec enim Pontifices illi quidquam decernunt aut definiunt, sed suam coniecturam simpliciter aperiuunt, nemini dissentendi libertatem abrogantes. Itaque audiamus censco, quid de toto hoc Appellationum genere Magnis Imperatoribus

ribus Constantino & Carolo videatur, Carolus quidem suo & Constantini nomine in libro *Capitulum Regum Francie*, anno 1583. Lute-
tiæ edito lib. 6. cap. 281. hoc modo respondet:

Volumus atque præcipimus, vt omnes ditioni nostræ Deo au-
xilante, subiecti, tam Romani, quàm Franci, Alemanni, Baioarii, Sa-
xones, Turingi, Fresones, Galli, Burgundiones, Britones, Langobard,
Vascones, Boneuentani, Gothi, Hispani, ceterique nobis subiecti o-
mnes, hanc sententiam, quam ex X V I. Theodosij Imperatoris libro,
cap. XI. ad interrogata Ablauij Ducis, illi & omnibus rescriptam
sumpsimus, & inter nostra Capitula pro lege tenendam consultu
omnium fidelium nostrorum, tam clericorum, quàm Laicorum po-
suimus, lege cunctis perpetua tenendam, id est:

Quicumq; litem habens, siue possessor, siue petitor fuerit, vel
initio litis, vel decursis temporū curriculum, siue cū negotium pero-
ratur, siue cū inceptum promi sententia, si iudicium elegerit sacro-
sanctæ legis Antistitis: illicò sine aliqua dubitatione, etiam si alia
pars refragatur, ad Episcoporum iudicium cum sermone litigan-
tium dirigatur. Multa enim, quæ in iudicio captiosæ præscriptionis
vincula promi non patiuntur, inuestigat & promit sacrosanctæ re-
ligionis auctoritas. Omnes itaque causæ, quæ vel Prætorio iure,
vel ciuili tractantur, Episcoporum sententijs terminatæ, perpetuo
stabilitatis iure firmentur: nec liceat vltius tractari negotium,
quod Episcoporum sententijs deciderit. Testimonium etiam ab
vno licet Episcopo perhibitum, omnes iudices indubitanter acci-
pian: nec alius audiat, cū testimonium Episcopi à qualibet parte
fuerit repromissum. Illud est enim veritatis auctoritate firmatum, il-
lud incorruptum, quod à sacrosancto homine conf. ientia mentis
illibate protulerit. Hoc nos edicto salubri aliquando censuimus,
hoc perpetua lege firmamus, malitiosa litium semina comprimen-
tes, vt miseri homines longis ac pænè perpetuis actionum laqueis
impliciti ab improbis petitionibus, vel à cupiditate perpera maturo
fine discedant. Quidquid itaque de sententijs Episcoporum Clemen-
tia nostra censuerat, & hac iam sumus lege complexi, grauitatem tu-
am & ceteros pro vtilitate omnium in perpetuum obleruare conue-
niet.

*Constantini M.
& Caroli Ma-
gni de Appella-
tionibus ad E-
piscopos in cau-
sis secularibus
constitutio.*

*Lex Constani-
ni Magni.*

*Hoc iure suo E-
piscopi vti no-
luerunt, quod
non putarent
aquaum, se de-
relinquere Ver-
bum Dei & mi-
nistrare mensis.*

Xxx

Erat

*Ridiculus est
Rex Anglus,
qui sibi potius,
quam istis ma-
ximis Imp. o-
bedire Catho-
licos possulet.*

E At nunc disertissimus Angliæ Rex, & phaleratis suis dictis in suam illam rationem inducere vos laboret, ut nullam profus vllius Iurisdictionis partem Pontifici in regnis ac prouincijs vestris relinquatis, neque vos vlllo genere inferiores illo existimetis. Sed quemadmodum ipse Ieroboami Israelitici Regis exemplum secutus facit, se quisque supremum Ecclesiæ in regno suo caput promulgetis: Si tamen tantum in eloquentia sua præsidij collocat, ut quid par istud maximorum & felicissimorum Imperatorum non modò censuerit, sed lege quòque lata sanxerit, nihil vos moraturos, sed statim, rebus relictis, ipsius monitis obtemperaturos putet. qui si cuius exemplum recitare sciret, cui id genus contemptus erga summum Pontificem atque sacrilegij, quod vobis consuadet, equè feliciter atq; istis Sacerdotum reuerentiam successisse constaret, Deum immortalē! quomodo ille in eo se iactaret? quantum inde verbis suis pondus accessurum confideret? quomodo illud veræ pietatis præmium diuinitus tributum interpretaretur? In Edicto quidem, quod primo regni sui Anglici anno, si satis rectè memini, proposuit, Calvinismum Anglicum non alio magis argumento subditis suis commendauit, quàm quod continua tot annorum prosperitas, qua pessimā illa merx Elisabetha fuisset vsa, eum Deo placuisse luculenter testaretur quod nihilo sapientiùs dictum videtur, quàm si quis propter vnicam serenam diem hibernam, hieniem vniuersè apricam esse diceret. Verumtamen quæ est ista tam inuidiosa Elisabethæ felicitas, cuius causa ipsam potiùs in amplectenda tuendaque Hæresi, & compilanda Ecclesia, quàm Constantinum & Carolum Magnos Imperatores in Romanæ Ecclesiæ fide suscipienda ac propaganda, ditandoq; clero, & Episcoporum auctoritatem sacrosanctam legibus & edictis reddendo imitari debeatis? Considerate, si vobis libet, omnemque illius Furis fortunam, huiusmodi quibusdam casibus illustratam comperietis.

Eam itaque potius imitandam putat, quàm Imp. illos.

Specimina felicitatis Elisabethæ.

1.

2.

3.

4.

5.

6.

Primum fuit matris suæ soror, & aui sui filia, quod non cuius feminæ contingit. *Deinde* ex carcere ad regnum adspirauit, cum ad restim aut culeum fuisset æquius. *Præterea* cum sæpius peierasset, nihilominus qui ei crederent inuenit. *Adhæc* nunquam ei, quamuis iam vetulæ, quorumcumque vellet amatorum copia defuit. *Etiā* num piraticam classis eius feliciter exercuit, neque vquam cum Neptuno iniquius decidere necesse habuit. *Hoc amplius*, tot miserorum cædes, imò lanienas, tot excitatas in exterorum regum prouincijs sediones, tot denique sacrilegia impunè habuit,

buit, neque vel domesticis, & intestinis, vel aduentitijs & externis
causis regnum suum pulsari sensit. *Postremò*, quod omnem, quæ vel
voto concipi queat, felicitatem superat, cum sanctissimam omni-
busque animi, ingenij, corporisque dotibus præstantissimam *Ma-*
riam Scotia reginam (quam Caluianus Theologus Kekermannus,
incomparabilis quidem formæ, sed male naturæ Bestiam fuisse in Systemate
Politico scribit) solius Catholicæ religionis causa, capite cruncasset,
eius vnicum filium cum hereseos, Regniq; heredem, tum actionum
suarum prædicatorem, & encomiasten inuenit. Non est quidem ob-
scurum, quid vel Gentilis quispiam, qui sit paulum modo rerum hu-
manarum peritior, de isto successuum prosperorum genere iudicij
sit factururus, cum, vt exiguum eius rei specimen præteriens exhi-
beam, etiam Cretenses olim, pessimè alioquin Rempublicam suam
gerentes, & subindè tumultuari, alijque alios per vim & factionem
imperio deicere soliti, diu nihilominus Rempublicam incolumem
seruarint, quod Aristoteles tamen 2. Polit. §. nequaquam propter bo-
nam reipublicæ institutionem, sed ex euentu, siue *per accidens* factum
monet: primùm quidem ratione situs ac loci, quod Creta esset insula,
neq; ab externo hoste adiri facile posset: deinde quod communis me-
tus vel inimicissimos conciliaret ac coniungeret, atque ad patriam
consiliorum viriumq; confociatione ab hoste externo tuendam im-
pelleret, cuius generis conspiratio *Syncretismus* appellabatur, atque in
proverbium abiit, eamq; causam §. Pol. §. Aristoteles attingit. *Quam-*
uis autem eadem prorsus causæ Elisabethæ regnum tam diu incolu-
me, saluumque præstitit (nam penitus toto diuisos orbe Britan-
nos non temerè, quis, si ipsi nolint, adierit, & plerosque Anglicorum
procerum metus ille, ne sacrilegiorum atq; Heresios causa ad pœnam
à Catholicis expeterentur, ad Syncretismum induxit, ex eoque
tyrannis Iezabelæ domi forisque constabilita fuit) postulare ta-
men Rex Iacobus à suis subditis audet, vt id Reipublicæ lauda-
biliter, atque ex DEI sententia gestæ, veræque fidei ac religionis
argumentum certissimum atque inuictissimum esse credant, atque
hoc ampliùs vobis, Augusti Principes, vt abrogato ei imperio,
quem Christus loco suo *Regem super Sion montem sanctum suum constituit,*
ac prædicare præceptum eius, & Reges intelligere, atque erudiri, &
disciplinam eius apprehendere recusantes virga ferrea regere iussit, in
vnũ omnes secum conueniat, & Ecclesiæ thesauros sacrilegè in-
vadatis, eiusque carnes comedatis (sic enim tamquam famelicus ille lo-
quitur

XXX 2

7.

*Quid sapiens
quispiam Gen-
tius de ista feli-
citate iudica-
turus sit.*

*Regni Angliæ
cum Creta com-
paratio.*

*Consilij Regis
Angliæ stolidi-
tas & impiet-
as.*

*Vere Religionis
ad filios suos
moniti.*

quitur) ipsamq; igne comburatis, tamquam dicat, quod Prouer. i. Sapientia
cuicumq; filio suo dicturos Hereticos prænuntiat: Fili mi, si te lætaue-
rint peccatores, ne acquiescas eis. Si dixerint, Veni, nobiscum, insidemur sanguini,
abscondamus tendiculas contra insontem (iurisiurandi carmine captiosè
concepto incautos populos, in erroris nostri societate pertrahamus)
Omnem pretiosam substantiam reperiemus, implebimus domos nostras spolijs, sor-
tem mitte nobiscum, marsupium vnum sit omnium nostrum, Fili mi, ne ambules
cum eis, prohibe pedem tuum a semitis eorum. Ipsi enim contra suum quoq; san-
guinem insidiantur, & moluntur fraudes contra animas suas. Vsq; adeo semi-
ta omnis auari (bonis Ecclesiarum inhiantis) animas possidentium rapiunt,
& in seruitutem sibi addicunt, vt neque verbo, neque opere Dei inde
liberari possint, quemadmodum mox eosdem compellans Sapientia:
Vocauit, (inquit) nempe in capite turbarum, siue, per os eius quem consti-
tuit in caput gentium, Ouesq; meas scientia ac doctrina iussi pascere,
Vocaui verbo & renuistis. extendi manum meam (extento brachio mira-
bilia multa feci) & non fuit qui adspiceret. Despexistis omne consilium meum,
& increpationem meam neglexistis. Ego quoq; in interitu vestra ridebo, & sub-
fannabo, cum id, quod timebatis, aduenerit. Quid illud sit, quod Rex Angliæ
timet, ipse viderit: ego quidquid timet, nisi impietati suæ, alio timore
concepto, nuncium remiserit, indubitatè ei euenturum præsto. Quod
timet impius, veniet super eum, Prouerb. 10. Cæterum quàm sit nò modo
impium eius, quod vobis dedit, consiliũ, sed etiam singulari vesania
atq; amentia plenum, ac plusquam Abderiticum, id secunda hac para-
bola vsq; eò declaratum arbitror, vt id nemini, quantumuis hebeti &
obtuso, dubium aut obscurum esse possit. Quæ enim salus seruare re-
gnum illud possit, in quo nemo legibus & institutis patrijs, nisi quæ
scripto comprehensa sunt, obtemperet, scriptas porrò leges suo sin-
guli modo & arbitratu interpretentur, Magistratui ac Iudicibus neq;
psephismatis vllius, siue decreti aut edicti, pro necessitate rerum sub-
inde emergente, neq; æquitatis ad legum relaxatione necessariè po-
testatè relinquant, vno verbo sic se gerant omnes, quemadmodum in
Anglia, qui ei sit inimicissimus & extrema quæq; mala precetur, gere-
re se regis Iacobi subditos & optet & gaudeat? Quare satis vos excusa-
tos esse paret, qui consilio regis Angliæ tam insipienti, nequaquam v-
tamini. Sapientissimũ esse dicunt eum ait Cicero in Cluentiana) cui quod o-
pus sit factu, ipsi veniat in mentem: proximè accedere illum, qui alterius bene in-
uentis obtemperat. In stultitia contra est minus enim stultus est is, cui nihil in mē-
tem venit, quàm ille, qui quod stultè alteri venit in mentem, comprobatur.

PARA.

*Consilium Re-
gis Anglia om-
nium Politico-
rum iudicio ab-
surdissimũ es-
sederi oportet.*

PARABOLA TERTIA.

Hic autē rursū vobis, Augusti. Principes. in memoriam reuocatum velim, quod supra testatus fui, me stultitiam non huius mundi. in Britannia Rege notare (quippe cui nec ingenii, nec literaturæ pœnitendum putem) sed stultitiam, quam Deus propriè Principibus, qui vident visiones & Apocalypsin intelligere se credunt, Isai. 29. velut ostendi, comminatur. Atque haut scio an illa sæcularium literarum copia vel maxima tantæ cæcitatē Regi causa sit, ac propterea in illum cadat, quod Isai. 47. scriptum est: *Sapientia tua & scientia obiectam pnto. tua hæc decepit te.* Parum certè, si quis consideret, abesse videbitur, quin quæ Ezech. 28. in Tyri Regem dicta legimus, in hunc Insulanum Regem conueniunt: *Elevatum est cor tuum, & dixisti, Deus ego sum, & in Cathedra Dei sedi in corde maris (Ecclesiæ Anglicanæ caput) cum sis homo & non Deus (Ouis, & non Pastor) & dedisti cor tuum quasi cor Dei.* Ecce sapientior es tu Daniele: *omne secretum non est absconditum à te (vide opinionem. ris tibi alter Daniel, qui spiritum sanctorum Deorum habeas in te, & omne sacramentum non sit impossibile tibi, & scientia intelligentiaque & offensio secretorum ac solutio ligatorum in te inveniuntur velut in Daniele, quæ causa est, cur neminem ex omnibus sanctis Patribus ac Doctoribus Apocalypseoſ mysteria intellexisse, teque primum aut inprimis, quid iis significetur, perspexisse palam præ te ferre audeas) Elevatum est cor tuum in decore tuo: perdidisti sapientiam in decore tuo.* tanquam dicat: *regni splendore illo fortunaque dulci dementatus, ipsum quoque sensum communem in rebus sacris orbatum, sum communem in iis, quæ ad fidei negotium pertinent, intelligendis perdidisti. Et hæcenus quidem pulchrè vtrisque conuenit. Ipsius porro Regis nostri maximè interest, providere, ne longius contexti comparatio isthæc possit, neu quoniam moribus suis Regem illum Tyri reddit exitum quoque similem faciat, sibi quod ibidem legimus, prædictum esse serò intelligat: Producam ignem de medio tui, qui comedat te.*

Quantum porro in omni suo, quod vobis dedit consilio, ratio eum fugerit & ridiculum (si quis tamen in tanti re momenti risui locus est) effecerit. id mihi XX. aliis parabolis similiter ex sacra scriptura petitis in procliui esset docere: quarum et si supra cap. 51. 58.

XXX ;

&

*Alio libro re-
presentabun-
tur,*

*Ecclesia cum
Mandra as-
inorum compa-
ratio,*

*Hæretici qua-
le sint Asini
Cuiusmodi A-
sini simus nos
Catholici,*

*Muliones seu
Sectararii aut
Sectarii nostri*

& 12. 2. spem feci, cum tamen Francofurtensis mercatus propè instet, temporis exclusus angustiis promissi fidem implere iam nequeo. Fore nihilominus confido, ut alius liber, quem *Icones Ecclesie* inscripsi, quorum iam dissolutio differtur, foeneratò representet. Interea quoniam hoc libro non tam officii vos commonefacere (quos eiusmodi operæ non egere sciam) quam existimationem vestram tueri propositum habeo, vnam adhuc parabolam in medium afferam, qua si minùs pertinaciam & errorem Regis expugnabo, illud quidem certè, quemadmodum spero, conficiam, ut vos, quòd eius librum recipere nolulistis & consilium repudiastis, nihil neque pietate, neque prudentia vestra alienum fecisse, omnes, nisi palàm insanos, fateri oporteat.

Igitur hinc nobis parabola ducatur initium, quod Iob 12. scriptum extat. *Interroga iumenta, & docebunt te.* Cum enim nos Christiani, Dei iumenta, siue pecora, subiugalia simus, tanquam equi aut muli, siue Asini clitellarii, veterini, dosuarii, sarcinarii aut sagmarii, iumentorum exemplo, quid facere nos conveniat, commonefieri debemus, Frenos nempe pacienter accipere & sequi, iugum æquo animo sustinere, Onus aut sarcinam à Mulione aut Agasone impositam vehere aut portare, aduersus Muliones aut Iugarios stimulis nos instigantes non calcitrare neque aut frenos discutere aut iugo collum eripere, aut lorum siue vinculum, quo alligati sumus, abrumperè, aut onus excutere sarcinamque abiicere, aut procul à mulione profugere. Ista enim omnia faciunt *Onagri* seu filvestres asini, & effreni equi, aliaque iumenta effera & indomita, hoc est, Hæretici & Schismatici, qui *Pecora irrationabilia* 2. Petri 2. dicuntur iumenta scilicet quibus non est intellectus. Nos autem esse iumenta cum intellectu siue intelligentia & ratione uti oportet, omem humilitatem obedientiam & patientiam erga Episcopos præstando. Illi enim sunt Homines, siue Agasones, Muliones, Iugarii, illi nos frenant, nos loro alligant, nos agunt, nos stimulant, (*Verba enim Sapientum, sicut stimuli, quæ per Magistrorum Concilium data sunt à pastore uno, Eccles. 12.*) nobis iugum & onus imponunt, hoc est, quid credendum quidue faciendum sit, præscribunt. His qui propter superbiam esse dicto audiens recusat, est velut Asinus calcitrosus ac fugitiuus, quem Satan freno erroris, siue falsa scripturæ interpretatione frenat & per præcipitia perituum auertit.

Ierem.

Ierem. 31. Ecce dies veniunt, dicit Dominus, & seminabo domum Israel semine hominum, & semine lumentorum] Igitur in Ecclesia alii sunt velut *Homines* aut *Muliones*, nempe Pastores & Episcopi, quos *Homines Dei* Paulus vocat: alii sunt similes *lumentis*, sed intellectu præditis, hoc est, mansuetis & morigeris, quæ faciant, quod Hebr. 13. præceptum est: *Obedite Præpositis vestris & subiaceat eis.* Et Matth. 11. *Discite à me quia mitis sum & humilis corde. Tollite iugum meum super vos. Iugum enim meum suauis est, & onus meum leue.* Aliter qui faciunt, sunt iumenta sine intellectu, de quibus loquitur Psal. 31. *Intellectum tibi dabo & instruam te in via, qua gradieris* (nempe per *Homines* siue *Agasones* meos) *Nolite fieri sicut equus & mulus, qui- bus non est intellectus, qui non approximant ad te* (sed excusso freno & rupto vinculo atque onere abiecto fuga se proripere conantur. quorum propterea) *in chamo & freno maxillas constringere* (duro eos lupato, coercere &) *multa flagella peccatori infligere ac lumbos eius fuste ille- gno probe dedolare oportet* Isai. 1. *Cognouit bos possessorem suum, & asinus præsepe Domini sui.* Israel autem me non cognouit, & populus meus non intellexit. id est, factus est asinus sine intellectu refractarius, calcitrosus ac fugitiuus. Iob 11. *vir vanus in superbiam erigitur, & velut pul- lus Onagri se liberum natum putat.* Deuter. 32. *Impinguatus & incrassatus est dilectus, & recalcitruvit: dereliquit Deum & recessit ab eo.* Ierem. 2. *Confregisti iugum meum, rupisti vincula mea, & dixisti: Non seruiam.* Tales asini effreni, Reges ac Principes illi Psal. 2. describuntur, qui conspi- ratione aduersus Dominum & aduersus vinctum eius facta sic se mu- tuo cohortantur: *Dirumpamus vincula eorum, & proiciamus à nobis iugum ipsorum.* id est (velut ex posterioribus Psalmi verbis discimus) *ne apprehendamus disciplinam, ne erudiamur, ne intelligamus, siue, ne discamus* ab illis, quod sit *Præceptum Dei*, nec sic intelligamus scripturas, quemadmodum ipsi præcipiunt. Quid porro euenire soleat eiusmodi asinis, qui abrupto obedientiæ vinculo profugiant, neque intel- ligere aut à Sacerdotibus, hominibus Dei, disciplinam apprehen- dere volunt, id hæc comminatio ibidem significat: *Apprehendite disciplinam, nequando irascatur Dominus, & pereatis de via.* Fit nimirum, vt iumenta ptofuga à Prædone seu Diabolo in potestatem redacta, freno eius accepto, de via in auia loca ac præcipitia deducantur misereque intererant Frenum illud Diabo- li describitur Isai. 30. *Ecce nomen Domini venit de longinquo, ad perdendum frenum*

*Asini intelli-
gentis officium*

*Hæretici sunt
Asini sine in-
tellectu.*

*Asinitas Hære-
ticorum.*

*Regum &
Principum Hæ-
reticorum Asi-
nina consilia.*

*Eorum Consi-
liorum enca-
tus.*

frenum erroris, quod erat in maxillis popularum. Hoc verò frenum à Diabolo, spiritu erroris in os eis mitti ad consentiendum illi (velut Iacob 3. de equis loquitur) Paulus 2. Tim. 2. docet, ubi eos, qui resistunt Episcopis nec veritatem possunt cognoscere, à Diabolo laqueis ait captivos teneri ad eius voluntatem. Id quod & hæc Salomonis verba confirmant Prou. 5. quæ supra cap. 27. declaravi. *Quæ causa est, quod seduceris ab aliena & foueris in sinu alterius?* (siue, quod Diabolus frenum erroris aut Hæresin in os tuum immisit, teque nunc regit, agit & ducit, quocumque vult? Hæc eius rei causa est, quia) *respicit Dominus vias hominis & omnes gressus eius considerat* (si nempe nolit in ea via ingredi, in quam ab Episcopo & Doctore suo agitur aut dirigitur, eum à Diabolo inuadi & ligari abducique patitur) *iniquitates suæ capiunt* (siue, capi à Diabolo faciunt) *impium, & funibus peccatorum suorum constringitur. Ipse morietur, quia non habuit disciplinam, & in multitudine stultitiæ suæ decipietur.* id est, velut Asinus stultus & sine intellectu noluit discere ab Agasone suo, quæ ipsi via tenenda esset, se ipsum satis sapere nec Episcopi doctrina opus habere credidit, quæ est summa stultitia. Prou. 11. *Via stulti reuera in oculis eius: qui autem sapiens est* (saltem secundo sapientiæ genere) *audit consilia, nempe ab iis, qui Spiritum sanctum per impositionem manuum presbyterii acceperunt, ut Mulionis officio fungi, & cum consilium faciendi subiicere, tum quid credendum faciendumque sit præcipere, quod est quasi freno regere & onus imponere, cuius rei exemplo sunt Apostoli 1. Cor. 7. De virginibus præceptum non habeo consilium autem do. Beatior erit vidua, si celebs permanserit, secundum meum consilium. Puto autem, quod & ego spiritum Dei habeam. 1. Thes. 4. scitis quæ præcepta dederim vobis: quæ qui spernit, non hominem spernit, sed Deum, qui etiam dedit spiritum suum sanctum in nobis. Act. 15. Visum est spiritui sancto & nobis, nihil vltra imponere vobis ONERIS, quam hæc necessaria, ut abstineatis vos ab immolatis, sanguine & suffocato.*

Bona frugi & intelligens Asinus audit consilia & præcepta, siue directione sui Mulionis.

Asinitas Regis Angliæ.

Reges Catholici sunt Asini cum tintinabulo.

Apparet igitur quàm verè Asinus sine intellectu sit Angliæ Rex, qui neque frenum mordere neque vllum onus pati sibi imponi à Pontifice potest, & vobis insuper exemplo suo faciendi auctor est, ac, nisi fallor, non mediocriter luccenset, quod istam Asiniam suam Sapientiam tam pertinaciter auersemmini, neque perinde, ut ipse calces validos in Papam & Episcopos extollatis, longeque aliam, quàm illi velit viam cum ipsi insistatis, tum ceteros Asinos, qui sonitum tintinabuli de collo vestro pendentes persequuntur, ingredi faciatis. Sed enim Carolus Magnus haur paulò maior & sapientior Asinus fuit quàm

Rex noster: minime certe umbraticus, quamuis omnium ætatis suæ Græcè & Latinè, tam versa oratione, quàm soluta doctissimus, quo nolim tam valde sibi Rex Iacobus placeat, vt se doctiorem esse putet. Etsi etiam idem crura minimè imbecilla habebat, nunquam tamen in Pontificem, sed potius semper in hostes eius calcibus velitatus fuit, ac fortasse plures in prælio homines armatos, quàm Iacobus noster, inter venandum feras confecit. Is porrò Asinus tantus longissimè abest, vt illud Iacobi Regis carmen probet: *Dirumpamus vincula eorum, & proiciamus à nobis iugum ipsorum.* Sed potius quantà maxima potest voce & contentione vniuersæ Asinorum mandræ talis auctor est: *In memoriam B. Petri honoremus sanctam Romanam & Apostolicam sedem. Seruanda est cum mansuetudine humilitas, vt licet vix ferendum ab illa sancta sede imponatur IVGV M, tamen feramus & pia deuotione toleremus.* Ex quibus verbis verum Issachar agnoscas, de quo est Genes. 49. *Issachar asinus fortis, accubans inter terminos, non profugiens. Supposuit humerum suum ad portandum.* Itaque quamuis literarum laude Angliæ Regi pares non sitis, neque libris edolendis hominum de schola plausum clamoremque captetis, nequaquam tamen futurum dehinc videtur, vt vobis aliquanto plus Carolo Magno, quam Anglo, tribuisse, & illius potius, quam huius consilio vñs esse, insipientiæ ac stoliditatis notam inurat, ac non potius multum vos vidisse, ac summa ratione fecisse, iumentum denique bonæ frugi & intelligentis officio functos esse testatum apud omnes relinquat.

Carolus Magnus cuiusmodi Asinus fuerit.

Patientia Magni Asini

Catholici Reges potius Caroli Magni, quàm Angli consilium sequuntur.

CAPVT CXLVIII.

Sed hic nonnullos etiam ex Catholicis exaudire videor: Quid igitur? Si Homines illi, quos Deus in honore posuit, & Muliones, vel Agafones aut Iugarios constituit, etiam ipsi non intelligant, sintque similes iumentis, vel etiam insipientiores, quemadmodum Psal. 48. scriptum est: *Homo cum in honore esset, non intellexit, comparatus est iumentis insipientibus & similis factus est illis:* num tandem Iumentis vitio iure dabitur, si aduersus illos recalcitent, si frenos abruptant nec discussos reponi sibi patiantur, si iugum excutiant, si sarcina, effusa aut proiecta se proripiant? Opinor autem eos, qui prælatis propter ipsorum vitia debitam obedientiam negant, vt nihil aliud dicam, vel ex genere ac formula verborum, quibus rationem eorum complexus fui

Si Muliones ipsi sint nullius pretii, quales erga illos Asini esse debent.

Nos non sumus Asini Papa & Episcoporum,

Y y

*Sed Dei, cuius
& thesaurum
vehimus.*

*Sarcinæ quas
vehimus per-
tinent ad Dei
thesaurum.*

*Sarcinam ve-
here nihil est
aliud, quam
multa bona
opera facere.*

Onus nostrum.

*Onus ipsorum
Mulionum.*

fui, quam absurdè disputent, intellecturos. Pontifex & Episcopi nomini Domini nostri sunt, sed eiusdem heri homines siue serui, cuius & nos iumenta sumus: neque nos illorum, sed Dei sarcinas vehimus, hoc est, quicquid boni facimus, non propter ipsos, sed in Gloriam Dei facimus, tantoque Deo gratiores erimus, quanto maior cuiusque sarcina fuerit, hoc est, quo plus quisque bonorum operum fecerit. *Qui parce seminat, parce & metet: qui seminat in benedictionibus siue largè & liberaliter, de benedictionibus & metet,* 2. Corinth. 9. Itaque diuites monet Apostolus 1. Tim. 6. *diuites fieri in bonis operibus, facile tribuere, communicare, thesaurizare sibi fundamentum bonum in futurum, ut apprehendant veram vitam.* Est autem eiusmodi bonorum operum fide factorum thesaurus, non aliter noster, quam sicut lumentorum Regionum, Gazam Regis deuehentiū sarcinæ dicuntur, quas quæque portant, cum reuera oēs illæ sarcinæ ad Regis thesaurum pertineant. Itaque Paul. 1. Cor. 4. *Quid habes, inquit, quod non accepisti?* Et Philip. 2. *Deus est qui in nobis operatur & velle & perficere.* Et Christus Ioh. 15. *Sine me nihil potestis facere.* Et Ose 14. *Ex me fructus tuus inuentus est.* Et Isai. 26. *Omnia opera nostra, Domine, operatus es in nobis.* Nihil ergo mirandum est, opera nostra Deo grata & instar thesauri esse, cum ipse ea operetur, nobisque velut onus suum in via sua, hoc est, in veræ fidei & sacramentorum comunione deferenda imponat: Psal. 115. *Calicem salutaris accipiam* (id est, prompto animo sustinebo omnes calamitates, sicut Christus Matth. 20 *calicem meum bibetis, quem ego bibiturus sum, id est, patiemini persecutiones, sicut & ego*) & *nomen Domini inuocabo. Vta mea reddam Domino coram omni populo eius.* Pretiosa in conspectu Domini Mors sanctorum eius. id est, Deus mortificationes carnis, omniaque bona opera suorum seruorum grata & instar magni thesauri habet. Philip. 4. *Repletus sum Eleemosynis, quas misistis in odorem suauitatis, hostiam acceptam, placentem Deo.* Heb. 13. *Beneficentiæ & communionis nolite obliuisci.* talibus enim hostiis promeretur ac propitiatur Deus. Sic igitur manifestum est, *Onus*, quod nos Dei iumenta vehimus, esse *præcepta Dei* de Deo super omnia, & proximo propter Deum diligendo. Non minùs autem Muliones nostri quàm nos, suum onus portant, siue, non minùs legibus Dei tenentur, atque adeò hoc amplius tam de iumentorum sarcinis, quam de Domini Bulga, indulo aut pera ipsis commissâ & imposita rationes exiguntur. Itaque Paulus Episcopus & sibi, & gregi siue doctri-næ attendere iubet Act. 20. *Assédite vobis & uniuerso gregi, in quo vos* spi-

Spiritus sanctus posuit Episcopos regere Ecclesiam Dei. 1. Tim. 5. *Attende tibi doctrinae.* in illa seu persevera in illis. hoc enim faciens, & te ipsum saluum facies, & eos, qui te audiunt. Quod si autem doctrinae tantum siue Gregi, non etiam sub attendat Episcopus, hoc est, si recte quidem credat recteque doceat, charitate verò excidat, neque faciat, quæ facere alios docet, saluabuntur quidem qui eum audiunt eique obediunt, sed ipse reprobis efficietur. 1. Cor. 9. *Castigo corpus meum, & in servitutem redigo ne forte cum aliis predicaverim eosque vera fide imbutos & ad charitatis opera verbis meis impulsos saluaverim, ipse reprobis efficiar.* Eiusmodi namque Episcopus, qui recte quidem suos in fide & moribus instituit, ipse autem sibi parum attendit, neque doctrinae conuenienter viuit, similis est Mulioni, qui iumenta quidem fidei suæ commissa recte curat, & impositas eis sarcinas, quo Dominus iussit, saluas & incolumes peruehit, Bulgam verò Domini sui, quam ipse mulo Mariano, id est, tergo suo aptatam perferre iussus erat, propter pigritiam abiicit, aut ex negligentia & incuria amittit. quis huic curam iumentis impentiam prodesse credat, si patroni non minùs Bulgam Mulioni creditam, quam sarcinam cuiusque iumentis saluam esse interfit? *Quid prodest homini, si vel sibi vel Deo vniuersum mundum lucretur, anima vero suæ detrimentum faciat?* Matth. 16. *Si linguis hominum loquar & Angelorum,* ait Paulus 1. Cor. 13. *& si habuero omnem prophetiam, & nouerim mysteria omnia & omnem scientiam, & si habuero OMNEM Fidem, & si distribuero in cibos pauperum omnes facultates meas, & si tradidero corpus meum ut ardeam, Charitatem autem non habuero, nihil mihi prodest.* Charitas enim, siue impletio aut plenitudo Legis (qui enim diligit proximum, legem impleuit, Rom. 13.) est omnium charismatum siue donorum Spiritus sancti maximum, ac propterea, Spiritus Principalis inquit, quasi familiam ducens dicitur, de quo Davidi magis quam de Spiritu prophetiæ & Sapientiæ curæ erat. *Incerta & occulta sapientiæ tuæ manifestasti mihi,* inquit Psal. 50. At enim hæc, nisi charitatis Spiritum habuero, nihil mihi profunt. Itaque. *Cor mundum crea in me Deus, & spiritum rectum in noua in visceribus meis.* spiritu principali confirma me. Ita Balaam Spiritu Prophetiæ tam insigniter ornatus, erat, ut nullo sanctissimorum prophetarum inferior videri deberet. Numer. 28. vocatur auditor sermonum Dei, qui nouit doctrinam Altissimi, & visiones omnipotentis videt. Et Numer. 22. *Nem,* ait ei Rex Moab, quod benedictus sit cui bene dixeris, & maledictus, in quem maledicta

Muliones non tantum suos ornauerant, sed etiam ipsi onus portant.

Si suum onus non portant, nihil eis prodest Asinorum curam habuisse.

Charitas quam sit necessaria.

Donum charitatis est spiritus principalis.

Balaam habet spiritum prophetiæ sine spiritu charitatis.

Episcopus Ephesus spiritum scientie & doctrina habebat recteque suos pascibat.

Sed charitate exciderat.

In Pontifice charitas defecere potest, sed non Fides: illa quæ docet, quaque alios confirmat

Quia Deus qui ex ipsius ore Fidem requirit.

congefferis. Spiritum tamen charitatis simul non habebat, quippe qui dono illo prophetiæ gratis accepto ad quæstum abuteretur, & Idola coleret, tum lucri causa consilium Regi Moabitæ suggereret Israëlitas per mulieres Moabiticas in fraudē illiciendi. Exemplo etiam nobis est Episcopus Ephesus, ad quem sunt ista Christi verba Apocalip. 2. *Odisti facta Nicolaitarum, non potes sustinere malos, & tentasti eos, qui se dicunt Apostolos esse, & non sunt, & inuenisti eos mendaces, & patientiam habes, & sustinuisti propter nomen meum, & non defecisti.* Apparet eum Gregi & doctrinæ præclare attendisse, qui Hæreticis tam acriter resistit, quodque suos subditos ab illis deprauari prohibuisset, multa ab eisdem passus fuerit. Hoc erat fungi boni pastoris & boni Mulionis officio, non pati scilicet oues à lupis rapi & dispergi, neque iumenta sua à via abduci & ab aliis frenari. Idem tamen sibi ipsi parum attendebat, & Bulgam patroni sui per indigentiam amiserat: *Sed habeo aduersum te* (ait Christus) *quod Charitatem tuam primam reliquisti. Memor esto itaque unde excideris, & age penitentiam & prima opera fac.* Atque eandem ob rem Christus se pro Petro, non ut non deficeret Charitas eius, sed ut non deficeret fides eius, rogasse testatur, quod scilicet iumentorum non magnopere intersit Mulionem suum Bulgam sibi commissam non amittere, siue Pontificem summum Charitate non excidere (nam ipsius id refert maximè, neque sicut ille pro sarcinis iumentorum, sic iumenta pro Bulga Mulionis curam gerere necesse habent) sed Fides aut doctrina vera sine certissima subditorum peste ac pernicie in Pontifice deficere non potest. nam ab illo disciplinam accipere, legem, & scientiam ex ore illius requirere, ab eo scientia & doctrina pasci, & in fide confirmari, ei obedire ac subiacerere iussi sunt. *Vos scitis* (ait Petrus Act. 15.) *quoniam per os meum elegit Deus Gentes audire verbum Euangelii & credere.* Si ergo possit verbum Dei ab ore eius recedere, id est, si possit ille falsum docere, certè Gentes Mendacium credere cogerentur, & frenum erroris acciperent, atque à vera via abducerentur. Atqui est hoc fœdus Dei cum Ecclesia, ut spiritus veræ fidei, siue veritatis, qui per os Petri Gentes in omnem veritatem deducat, ab ore eius, & seminis siue successoris eius in sempiternum non auferatur, velut allatis in medium scripturæ verbis supra cap. 55. pag. 180. & seqq. docui. Atque hinc etiam perspicuū fit, quam verū sit, quod Paulus Heb. 8. scribit. *Novū hoc fœdus*

rum Ecclesia in melioribus repromissionibus sancitum esse, & quia vetus culpa non vacauerit, propterea inquisitum fuisse secundi locum: Cui etiam probando verba Ierem. 31. laudat: Feriam eis fœdus nouum, non secundum pactum, quod pepigi cum patribus eorum, cum educauerem eos ex Aegypto, pactum quod irritum fecerunt. In quam eandem sententiam multo plura prophetarum verba adduci potuissent. V.g. Ierem. 32. Feriam eis pactum sempiternum, & non desinam eis benefacere, & timorem dabo in corde eorum, ut non recedant à me, & plantabo eos in VERITATE in toto corde meo, & in tota anima mea. Zach. 8. Reuertar ad Sion & habitabo in medio Ierusalem: non iuxta dies priores ego faciam reliquiis populi huius, dicit Dominus: sed semen pacis erit. Ezech. 36. Replebo vos montes Israel hominibus & iumentis, & habitare vos faciam sicut à principio, bonisque donabo maioribus, quam habuistis ab initio. Aggæ. 2. Implebo domum istam gloria, & magna erit gloria domus istius nouissima plus quam prima. Quomodo verò irritum factum fuerit Fœdus antiquum cum Iudæis pactum, hinc discimus. Iohan. 5. ita Phariseis & scribis loquitur Christus: Quomodo vos potestis credere Scripturis de me testantibus, etiamsi eas scrutemini & vitam æternam in ipsis habere vos putetis, cum gloriam ab invicem accipiat, & gloriam, quæ à solo Deo est, non queratis? Quia Sacerdotes simul cum charitate donis fides & scientia amiserunt.

Cognoui vos, quia dilectionem Dei non habetis in vobis. Et Luc. 11. Tulistis, siue accepistis clauem scientiæ: ipsi nō introistis, & eos, qui alioquin introibant, prohibuistis. Id est, accepistis quidem gratiam docendi & scripturas interpretandi, adeoque me Messiam esse ex scripturis cognoscere & in me credere poteratis. Sed quoniam auaritiæ & ambitioni dediti estis, eoque nomine à me reprehensi maximum erga me odium concepistis, adeo vos excœcauit affectus vester, ut neque clarissimas prophetias, quæ de me loquuntur, intelligere queatis. Sic nō modò ipsi nō peruenistis in cognitionem mei, sed alij etiam, Scripturas falsò eis interpretando, ne me cognoscerent & in me crederent, impedimento fuistis. Act. 13. Principes habitantium in Ierusalem ignorauit Iesum & voces Prophetarum, quæ per omne Sabbatum leguntur. Hoc autem ita eis euenturum, olim Prophetæ prænuiciant. Ezech. 7. Quærent visionem de prophetis, & Lex peribit à sacerdote & Consilium à senioribus. Ierem. 10. Tabernaculum meum vastatum est, filij mei exierunt à me & non subsistunt, quia stultè egerunt Pastores, & Dominum non quæsiuerunt (dilectionem Dei in ipsis non habuerunt, sed quæsiuerunt gloriam ab hominibus & lucro inhiarunt) propterea non intellexerunt & grex eorum dispersus est. Sic ergo irritum factum fuit Fœdus, quod Deus cum Synagoga pepigerat: quia nimirum Consilium Sacerdotum, & ipse quoque summus Pontifex

Yyy 3

Pontifex, auaritia & ambitione excecati non videre neque intelligere Scripturas de Christo loquentes potuerunt, volentes diuites fieri & esse Legis Doctores, inciderunt in tentationem & laqueum Diaboli, bonamque conscientiam repellentes circa fidem naufragauerunt, 1. Tim. 1. & 6. illis etiam Diaboli laqueis capti, Veritatem non cognouerunt & resisterunt, 2. Tim. 2. Itaque Diabolus Luc. 22. Similibus laqueis, nominatim verò Ambitione illa queare Apostolos conatus fuit, ut idem scilicet mox Ecclesiæ, quod Synagoga vsueneret. *Facta est contentio inter eos quis eorum videretur esse maior, id est, quis esset caput ceterorum & Christi Vicarius* futurus postquam Christus è terris excessisset. Fore namq; prædixerat, ut posthac non biberet cum illis, donec regnum Dei venisset. Sperabat nimirum Satan excusso Episcopis charitatis Spiritu per rerum caducarum cupiditates, etiam de Fide illorum actum fore, ipsosq; similiter ut Leviticis Sacerdotes Veritatē non cognituros & naufragio circa fidem facto simul cum illis, quos ipsi, velut naucleri naue sua veherent, pessum ituros. Sed Christus precibus suis maiora dona Ecclesiæ suæ, maioremq; gloriam, quàm Synagoga habuisset, impetrauit, ut nimirum summi Pastoris Fides nullo vnquam tempore deficere, neque is nauem Ecclesiæ in erroris scopulos impingere queat, velut ibidē Christus confirmat: *Simon, Simon, ecce Satanas immissa contentione expetuit vos ut cribraret sicut triticum* (ut vos tentaret, si forte facere posset, ut excideretis, sicut Amos 9. *Concutiam domum Israel, sicut concutitur in cribro, & illi quidem, qui sunt improbi ac leues velut pulvis, excident, sed non cadet lapillus super terrā, siue, Granum, ut habent 70 nullū ex cribro, dum concutitur, excidet.*) *ego autem rogaui pro te, ut non deficiat Fides tua, & tu conuersus confirma fratres tuos.* id est, tu cōuerte curam tuam ad ceteros Christianos, in primis Pastores & Episcopos, eosque in fide cōfirma, ut cum subditi eorum scierint, eos à te, cuius Fides deficere nequit, cōfirmatos esse, facilius verbis eorū credant & obediant.

Diabolus sperauit se Ecclesiæ Prelatis cū charitate simul fidem crepturum.

Sed Christus precibus obtinuit, ut saltem Pontificis fides nunquam deficeret.

CAPVT CXLIX.

Ecclesiæ Episcopi quamuis Stitiosi in moribus, Fide tamē non propterea excidunt.

CVM igitur in tanto melioribus & amplioribus repromissionibus sancitū sit nouum Testamentum, & culpa illa vacet, qua non vacauit Vetus (illud enim Sacerdotes irritum fecerunt, & simul cum charitate Fidem quoque siue veram Scripturæ intelligentiam amiserunt, hoc vero irritum fieri non potest, cum summi Sacerdotis nostri Fides deficere nequeat, etiam si à Charitate exciderit) quanto magis ita

ita nos erga nostros Pastores gerere debemus, quemadmodum Christus turbas & discipulos suos erga scribas & Phariseos gerere se docuit? Matth. 23. *Super cathedram Moysi sederunt* (inquit) *scribae & Pharisei.* (id est, sunt successores Moysis, præsunt officio illi, q̄ Moyses Deut. 17. instituit, vt nimirum faciant omnes quod illi Sacerdotes Leuitici generis dicunt, & iuxta illum sensum Legis, quē docent, vtq; nolens eis obedire, moriatur) *Omnia ergo, quaecumq; dixerint vobis, seruare & facite:* secundum opera verò eorum nolite facere. Dicunt enim, & non faciunt. *Alligant onera graua & importabilia, & imponunt* (ipsi velut Muliones) *in humeros hominū: digito autē suo nolunt ea mouere* (id est, exactissimam Legis obseruantiam alijs præcipiunt, ipsi verò minimè omnium Legē seruant) *Omnia verò opera sua faciunt, vt videantur ab hominibus* (id est, si tamen aliquid boni quoq; faciunt, suæ gloriæ causā faciūt, vt p̄ sanctis habeantur.) *Comedunt domos viduarum, orationes longas orantes* (id est, auari sunt & quæstum ex pietate faciunt) *decimant mentam & anethum & cuminum* (id est, decimas olerū persolunt, q̄ tamen lege præceptū eis non est) *relinquunt autē, quæ grauiora sunt Leges, iudicium & misericordiam & fidem siue candorē & integritatē. Mundant quod de foris est calicis & paropsidis, intus autē pleni sunt rapina & immunditia, hypocrisis & iniquitate* (munditiam & sanctitatem in externis tantū rebus positam putant) *Aedificant & exornant sepulchra prophetarū, simulantq; sibi displicere, eos à patribus suis occisos esse, cū tamen reuera potius memorię patrū suorū, qui eos occiderunt, cōsulant, quibus gloriosum putant, si dicatur: Hoc est monumentū Zachariæ, quē patres nostri interfecerunt. Præterea nonnulla, quę Lege diuinę imò sensui cōmuni aduersentur, præcipiunt, cuiusmodi est, q̄ eum, qui per donaria & hostias, quæ in templo offerūtur, iuratus aliquid p̄miserit, teneri: illum autē, qui per templū aut altare iurauerit, non teneri docent: similiter alimenta, quibus parentibus debent, & peccare ac contaminari, qui cibos alioqui lege non vetitos sine crebra manuum lotionē comedunt, tanquam natura sua immundi forent. Huiusmodi verò eorum error & cæcitas in doctrina ex ambitione siue Hypocrisis & vanæ gloriæ aucupio, partim etiam ex avaritia ortum habet, estque Hypocrisis instar fermenti, quo multa eorū p̄cepta fermentantur & corrumpuntur. Cū ergo vobis p̄cipio, ne faciatis secundū opera, maximè Hypocrisin eorū simul vt hoc eorū fermentū, siue doctrinam hypocriticam, caueatis moneo. Mat. 16. Caute à fermento Phariseorū, id est, à doctrina, q̄ nempe moribus*

Plus ergo eis obediendum, quā Leuiticis Sacerdotibus olim debuit.

Cuiusmodi fuerint Sacerdotes tempore Christi.

Eorum errores in doctrina à moribus orti.

Pars doctrinæ eorum erat hypocrisis fermentata.

ribus

Et ceteris cauendo.

In ceteris obediendum eis erat quousque difficillima praeceptis.

Sententia, quae Christum condemnauit, sicut et fermentata.

*Fermento Inuidiae
Et Hypocrisis.*

Christi regno crescente regnum Pontificum Leviticorum decre- scere oportebat.

Et doctrinam eorum purgari.

ribus siue exemplo suo tradunt. Marc. 8. *Cauete à fermento Pharisaorum & à fermento Herodis.* id est, nolite eorum discipuli esse in hypocrisi & simulatione. Herodes enim non docebat verbis, sed moribus. *Erat vulpes & emolumenti sui causa religionem simulabat.* Luc. 12. *Attende à fermento Pharisaorum, quod est Hypocrisis.* Ceterum cum vobis non fermentum malitiæ & nequitiae, sed panes azymos sinceritatis & veritatis manducandos anteponunt, hoc est, cum vos docent ea, quæ nihil ex eorum moribus malitiæ trahunt (quod quidem obscurum esse non potest) quæcumque dicunt vobis facile, & onus, quod vobis imponunt, quantumuis graue, quis animis recipite & portate. Dicit hic quispiam: Summus Pontifex cum vniuersa Synodo non multo post hanc Christi cohortationem, doctrinam eius velut blasphemiam condemnauit, eumque morti addixit: *Blasphemaui, reus est mortis.* An igitur sententiam eius sequi turbæ debuere? Nequaquam. Constabat enim hanc sententiam esse fermentatam inuidia & hypocrisi, quemadmodum de ipso etiam Pilato Matth. 27. Scriptum est: *Sciebat, quod per inuidiam tradidissent eum. Quid faciemus?* (aiunt Pontifices & Pharisei in Concilio Ioh. 11.) *quia hic homo multa signa facit, adeo ut etiam mortuos suscitaret. si dimittimus eum sic, nec occidimus, omnes credent in eum.* Hic apparet inuidia. Verebantur enim, quoniam sibi suorum scelerum consciuerant, ne si omnes in eum crederent, ipsi in nullo deinceps pretio futuri essent. Hypocrisis verò inde elucet, quod odium prætexit vilitatis publicæ tegere ibidem conantur: *Si omnes in eum crediderint, venient Romani, & tollent nostrum locum & gentem.* Præterea iam tempus venerat, quo potestatem in Cathedra Moysis sedentium paulatim contrahi, minui tandemque penitus aboleri oportebat, in ijs scilicet, quæ ad legem ac prophetiam implendam, perficiendamque pertinerent. Sic enim Malachias Prophetarum ultimus futurum prædixerat: *Ecce ego mitto angelum meum (Iohannem Baptistam) & præparabit viam ante faciem meam. Et statim veniet ad templum suum Dominator (Christus) quem vos queritis. Et sedebit (in cathedra docens) confans & emundans argentum (doctrinam à corruptelis vindicans) & purgabit filios Levi (siue, Sacerdotes) & colabit siue liquificiet eos quasi aurum & quasi argentum, & erunt offerentes sacrificia Domino in iustitia, id est, sine hypocrisi & simulatione.* Quod ipsum etiam Isai. 1. Deus facturum se promiserat: *Argentum tuum versum est in scoriæ, vinum tuum mistum est aqua. Principes tui infideles, socij furum, omnes diligunt manera. Conuertam manum meam ad te, & excoquam ad purum scoriæ.*

riam

riam tuam, & auferam omne flammum tuum, & restituiam Indices tuos, & Consiliarios tuos sicut antiquitus. Posthac vocaberis ciuitas iusti, vrbs fidelis. Itaque cum Iohannes Christo viam parare inciperet, ita prædicauit: *Regnum Christi si inceptum cum prædicatione Iohannis.* Pœnitentiam agite: appropinquauit enim regnum celorum. Ego quidem baptizo vos in aqua: Christus autem vos baptizabit in Spiritu sancto & igni. Et ex eadem causa Christus ipse Luc. 16. Lex, inquit, & Propheta usque ad Iohannem: ex eo regnum Dei Euangelizatur, id est, simul cum prædicatione Iohannis cœpit regnum Messiae institui, impletis paulatim omnibus, quæ in lege & prophetis prædicta fuerant, usque dum per mortem eius omnia consummentur. Et quoniam adueniente in regnum Rege Proregis ius ac potestas imminuitur, aut etiam ex ipsius Regis arbitrio prorsus abrogatur, facile existimare turbæ potuerunt, cum Iesum Regem ac promissum Dominatorem esse cum Iohannis, tum Dei patris testimonium, siue miraculorum perpetratio fidem fecisset, penes ipsum esse Pontifici, Proregi suo, potestatem arbitratu suo minuere eumque in ordinem cogere. *Tum potestas Pontificum cœpit minui & commendari.* Quamuis autem Christus iure suo Pontificem ceterosque Sacerdotes & Scribas Cathedra Moysis penitus deijcere, & imperium omne abrogare eis potuisset, vt tamen quantam suis Vicarijs in nouo Testamento reuerentiam præstari vellet, exemplo suo declararet, satis habuit panem, siue doctrinam eorum à fermento expurgare, & argentum à scoria excoquere, siue, corruptelas, quas alij cauerent, indicare, ita vt neque verbulo Pontificis aut Sacerdotis mentionem usquam faceret, eisque turbas & discipulos suos dicto audientes esse, & oneri eorum humeros supponere iuberet. *Non fuit asperior in eos Christus ad sanciendum Sacerdotum honorem.*

Itaque non aliud hominum genus Regibus ac Principibus magis metuendum & certissima peste peius cauendum videtur, quam qui suum ipsis ingens studium professi, maximamque pro emolumento & auctoritate, seu maiestate, eorum sollicitudinem præferentes. contemnendorum Pontificum & Episcoporum ceterorumque Clericorum eis auctores sunt, similes Samaritanis illis, quorum i. Esdræ 4. hanc ad Artaxerxem Regem epistolam legimus: *Aulici ac Pseudopolitici Regis Principumque pestes.* Notum sit Regi, quia si ciuitas illa adificata fuerit, & muri eius instaurati, tributum & vectigal & annuos redditus non dabunt, & usque ad Reges hæc noxa perueniet. Nos autem memores salutis, quod in Palatio comedimus, & quia lesiones Regis videre nefas comedunt, ducimus: iccirco misimus & nunciavimus Regi, vt recenseas in libris historicarum, & inuenies scriptum in Commentarijs, quoniam Vrbs illa, Vrbs rebellis

Zzz

rebellis est, & nocens Regibus & prouinciis, & bella concitantur in ea ex diebus antiquis. Nunciamus nos Regi, quoniam si ciuitas illa ædificata fuerit, possessionem trans flumen non habebis. Similiter hodie inueniuntur, qui memores salis, quod in Aulis Principum comedunt, omni ope persuadere eis conantur, auctoritatem & amplitudinem Pontificis & Ecclesiasticorum (quæ quantum in ædificanda Ecclesia momentum faciat, supra cap. 106. attigi) vsque ad Regum & prouinciarum noxam peruenire, ac propterea, vt pennæ Ecclesiasticis accendantur, in rem videri: de quo genere hominum S. Bernardus alicubi ad Conradum Imperatorem ita scribit: *Non veniat anima mea in consilium eorum, qui dicunt, vel Imperio pacem & libertatem Ecclesiarum, vel Ecclesiis prosperitatem & exaltationem Imperij nocituram. non enim vtriusque institutor Deus in destructionem ea coniunxit, sed in ædificationem. Si quis aliud, quàm locutus sum tibi (quod non credimus) suadere conabitur, is profecto aut te non diligit, aut parum intelligit, quid Regiam deceat Maiestatem, aut certè quæ sua sunt, querit, & non valde, quæ vel Dei vel Regis, curare conuincitur.* De quo si qui S. Bernardo, vt homini Ecclesiastico, minùs fortasse assentiendum putauerit, ei vel illa, quæ ex Caroli Magni libro supra capp. 111. & 112. laudaui verba, vt de perpetua constantique tam ipsius, quàm Constantini Magni aliorumque Regum & Imp. erga Ecclesiasticos, in primisque Romanum Pontificem obseruantia & liberalitate taceam, meritò satisfacere debebat. Ac si me tempus Francofurtensi mercatu iam imminente non deficeret, ex ipsis ciuili scienciæ visceribus, vt etiam vera nō esset Catholica nostra Religio, Regibus tamen ad constabiliendum & amplificandum imperium suum nihil omnium rerum Ecclesiæ & Antistitum eius veneratione, cultu, obsequio & erga illos liberalitate vtilius excogitari posse demonstrarem, adeò vt si minùs Dei metus, explorata certè emolumenti proprii spes Ecclesiæ & Apostolicæ sedis reuerentiam in Regum maxime Principumque animis sancire debeat. qua de re aliàs vberius ac neruosiùs disputandi, quamque notæ istius Consiliarij nihil in ea, qua se venditant, Politica sciencia sapiant, rebus maximè necessarijs apertissimè vincendi spatium & oportunitatem mihi euenturam confido.

*Ecclesiasticis
pennas accendi
suadent.*

*Sunt vel mali-
tiosi, vel stolidi,
vel auari, vel
Athei.*

*Quos maximi
& felicissimi
quique Imp. ac
Reges consu-
tant.*

*Reges vel sui
eodemodi causa
Ecclesiasticorum
reuerentes esse
debent.*

SED quoniam omnibus ætatibus non defuerunt homines, quos alioqui minimè malos, vel dicam optimos & Ecclesiæ reique publicæ amantissimos, & acerrimos integritatis ac disciplinæ vindices & exactores, luxur, ambitio, auaritia, fastus, aliaque clerici ac præcipuè Episcoporum, Cardinalium & Pontificum vitia usque eò stomacho & indignatione incenderent, ut animi impotentia longius quàm charitas Christiana pateretur abrepti, hominum improborum odio ipsam tandem Veritatē odisse inciperent, & Zeli immoderatione ex amicis hostes euaderent: propterea pretium aliquod operæ facturum videor, si quod eiusmodi ancipiti ac periculoso malo remedium Spiritus sanctus in sacrorum voluminum narthecijs recondidit, publicæ utilitatis causa promam, eoque pacto cum institutæ Parabolæ de lumentis officio, tum ipsi libro extremam manum imponam. Psalmum igitur Davidis LXXII, quem ille Asapho, suo Phonasco seu chori Præcentori, ut in cithara prophetaret, dedit (1. Paral. 25.) nequaquam de Davidico sæculo (quo cultum diuinum Hierosolymæ floruisse, & in toto Israele homines palam impios ac nefarios, simulac exorti essent, de medio tolli consuevit, Psalmo centesimo docemur) sed quemadmodum & alios plures, de nouissimis temporibus deque statu Ecclesiæ Christi canere, faciliè quicquid legendo animaduertit, nec interpretum plerique dissidentur. Eum hoc loco integrum recitabo ac paucis declarare conabor.

Quam bonus (inquit) Israel Deus his, qui recto sunt corde?] id est, verè magno eos beneficio Deus afficit, quos in recta via retinet, neque Prælatorum vitij ac prosperitate perpetua plus iusto commoueri & à veritatis tramite auerti permittit.

Mei autem panem moti sunt pedes, penè effusi sunt gressus mei: quia Zelau super iniquos pacem peccatorum videns.] Nimia indignatio ex sceleratorum felicitate concepta poenè fecit, ut à vera religione desciscerem.

Quia non est respectus morti eorum, & firmamentum est in plaga eorum.] Non cogitant vnquam se morituros, Deoque villicationis rationem reddituros esse: tum si qua nonnunquam plaga eos attingat, habent quo sibi medeantur: non subuertuntur, sed stant usque firmiter.

In labore hominum non sunt, & cum hominibus non flagellabuntur seu flagellari solent.] Alij homines famis, frigoris, æstus alijsque id genus molestijs sunt obnoxij, isti autē omni cōmodorum genere abundant.

Idco tenuit eos superbia: aperti sunt iniquitate & impietate sua. Prodiit quasi ex adipe iniquitas eorum, transierunt in affectum cordis sui.] De Sacer-

Etiā bonos Prælatorum vitia sape scandalizant.

Ut eorum odio ab Ecclesiā obediencia recedant.

Ei malo remedium monstrat psalmus 72.

Maximo Dei beneficio afficitur, quem stridorum Prælatorum felicitas non scandalizat.

Opulentia Sacerdotum filia

ZZZ 2

*est pietatis. Hac
verò matrem
deuorare solet,*

dotibus Ecclesiæ Ierem. 31. sic loquitur Deus: *Inebriabo animam Sacerdotum pinguedine. Et ad eosdem Isai 61. Fortitudinem gentium comedetis, & in gloria earum superbiētis.* Hanc tantam felicitatem cum concoquere nequeunt, tentat cor eorum affectus superbiæ, vt iam nil nisi reges atque tetrarchas, omnia magna cogitent ac loquantur, sed & consequantur.

Cogitauerunt & locuti sunt nequitiam, iniquitatem in excelsis locuti sunt. Scitis, ait ille, quid tentare soleat humanam satietatem, nequitia scilicet ac luxuria. Itaque non tantum impudica cogitare, sed etiam cum stupri sequestris & conciliatoribus loqui audent, excelsi illius, quo à Deo positi sunt, loci parum memores, neque scandali metuentes.

Posuerunt in cælum os suum, & lingua eorum transiit in terra. Magna ac præclara & prorsus diuina tantum minantur, cum Sacerdotes ac Prælati fiunt. Domine, inquiunt, *labia mea aperies, & os meum annuntiabit laudem tuam.* Sed postea non ferè nisi rebus terrenis, v. g. litibus cognoscendis ac iudicandis occupantur, aut animi gratia de ijs, quæ passim terrarum geruntur, sermones conferunt ac veluti lingua errant, vagantur, ac peregrinantur. *γλώσσης ἡ περὶ πατὸς ἐστὶν ἀδόλεσχία. Est enim garrula confabulatio spatatio lingue.*

Ideo conuertetur populus meus huc, & dies pleni inuenientur in eis. Etiam Fideles non pauci eis se adiungunt & impietatem eorum imitantur, vt etiam ipsi longa prosperaque vita fruuntur: ad quos sermo est Prouer. 3. *Ne emuleris hominem iniustum, nec imiteris vias eius.*

Prælatorum improbitas facit homines partim Atheos, partim Hæreticos.

Et dixerunt: Quomodo scit Deus? Et, si est in scientia in excelsis? Hebraicè: *Si est scientia* MAROM. quod etiam valet, *Romæ, in Roma.* Iste Prælatorum & Sacerdotum Epicurismus duorum malorum causam multis præbuit, Atheismi scilicet & Hæresios. *Athei*, non credunt esse diuinam prouidentiam. Si enim curæ Deo esset de rebus humanis, (inquiunt) quomodo istam Sacerdotum, qui alios pietatē docere volūt, impietatem tam diu toleraret ac tanta prosperitate cumularer? *Hæretici* verò non credunt veram Dei scientiam, siue Catholicam fidem esse Romæ, vbi tam nulla Charitatis vestigia in Prælatorum factis appareant. Putant enim donum scientiæ non posse à dono Charitatis separatim obtineri. In quo eos falli paulo antè demonstraui, & hodie longè aliam Romæ rerum faciem esse, quàm ante Concilij Tridentini censuram fuerit, scio, & Hæreticos eò frequentes accedere, nostrorumque Prælatorum virtutes propiùs inspicere cupio.

Ecce

Ecce ipsi peccatores & abundantes in seculo obtinuerunt diuitias. Et dixi: Ergo sine causa iustificauit cor meum, & laui inter innocentes manus meas, Et fui flagellatus tota die, & castigatio mea in matutinis] Vt enim Mimusa ait: Cum vitia profunt, peccat qui recte facit.

Si dicebam, narrabo sic: ecce nationem filiorum tuorum reprobaui] Cum iam dubitare incepissem, venit mihi in mentem, me tot sanctos viros fatuitatis condemnare, qui tantopere munditiæ studuerunt, suamque carnem ieiuniis, ciliciis & flagellis mortificauerunt. id quod mihi de illis statuere religio fuit. Itaque ambiguus sententiæ adhuc fluctuaui.

Existimabam, ut cognoscerem. Sed hoc labor est ante me. Donec intrem in sanctuarium Dei, ut intelligam in nouissimis eorum] Conatus fui veritatem totius rei reperire, sed nō potui, donec mente à rebus terrenis abstracta contemplari iustitiam Dei cæpi, & finem, qui tam felices manet, consideraui.

Veruntamen propter dolos posuisti eis (Hebr. in lubrico posuisti eos) Prælatos improbos aeterna pœna manet.] deiecisti eos dum alleuarentur.] Vidi & inueni hanc breuem & fugacem felicitatem, qua decipiuntur, tanto grauioris casus eis causam esse. Stultorum exaltatio, ignominia, Prou 3:

Quomodo facti sunt in desolatione, subito defecerunt, perierunt propter iniquitatem suam. Velut somnium surgentium, Domine in ciuitate tua imaginem ipsorum ad nihilum rediges] Non tantum ipsis parum diuturna fuit sua felicitas, sed etiam illi mox deleti sunt, in quos magnas opes ad perpetuandam nominis ac generis sui memoriam congesserant, nihilque ad illos pertinet, quod Isai. 65. scriptum est: Semen benedictorum Domini est, & Nepotes eorum cum eis.

Quia inflāmatum est cor meū, & renes mei cōmutati sunt: & ego ad nihilum reductus sum, & nesciui. Vt iumentum factus sum apud te, & ego semper tecum] Fui quidem immoderato Zelo accensus & aliquandiu nimium erga scandalosos istos commotus, (concaluit in tra me cor meū, Psal. 38.) tandem ramen collegi, humiliarique me, tanquam qui nihil sim & nihil sciam, neque clauem scientiæ, quemadmodum ipsi, acceperim. Cogitaui me tuum esse iumentum, tuum asinum, qui non possim sine tuo damno à Mulione, cui me commisisti, profugere. Si enim ille tuam Bulgam abiicit, aut pecunias tuas dilapidat, quid illud ad me? an ego propterea etiam cum sarcina tua profugere, tibi que & partem gazæ tuæ mihi impositam, & me asinum tuum simul interuerrere debeo?

Neque temporali prosperitate ipsi & necessarii eorum diu perfruiuntur.

Qualcm se Sir bonus in Prælatorum scandalolo exhibere debeat.

Zzz 3

Tenuisti

Tenuisti manum dextram meam, & in voluntate tua deduxisti me, & cum gloria suscipies me] Agnosco singulari tuo beneficio factum esse, vt in tam lubrica via non caderem, neque propter Prælatorum flagitia ab Ecclesiæ obedientia recederem. Et quamuis hoc mihi per gratiam tuam contigerit, meam tamen obedientiæ perseuerantiam summa gloria mercedis loco à te affectum iri, meq; gratiam pro gratia accepturum confido.

*Deum tantum
speculare & ab
eo mercedem
expectare de-
bet.*

Quid enim mihi est in cælo? & à te quid volui super terram? Defecit caro mea & cor meum, Deus cordis mei, & pars mea Deus in æternum.] Cur ego iugum tuum non tollam & onus tuum non feram? cur propter Mulionis mei improbitatem & nequitiam ego Asinus tuus te possessorē meum non cognoscam, neque ad te cum onere tuo approxinem, cum tamen sciam, quanta me maneant gaudia & præmia, si sarcinam tuam saluam & incolumem ad te pertulero? Tu enim ipse Deus eris merces mea magna nimis: ad quem anhele, & cui quam primum præsens adesse contendo.

*Non à Deo in
Episcopis etiam
malis docere re-
cedere.*

Quia ecce, qui elongant se à te, peribunt: perdes omnes, qui fornicantur abs te] Væ illis, qui ab Ecclesiæ vnitatem propter Episcoporum & Pontificum peccata desciscunt, & cū Hæresi, siue adultera, hoc est, cum adulterina & deprauata Scripturæ interpretatione rem habent. Qui enim Ecclesiam non audit, nihilo melior est ethnico & publicano. *Qui vos spernit, me spernit*, ait Episcopis Christus. Igitur à Christo se elongant, quicumque ab illis alienantur.

*Sed eis adhere-
re & in commu-
nione Ecclesiæ
perseuerare.*

Mihi autem adherere Deo bonum est, ponere in Domino Deo spem meam, vt annunciem omnes prædicationes tuas in portis filia Sion] Scio quàm gloriosa & fructuosa mihi sit apud Deum futura hæc mea humilitas & obedientia, quod eius Legatis, qualescumq; sint, propter ipsius honorem adheresco, neq; illorum odio, quamuis iusto, Ecclesiæ communionem deserere sustineo, sed fidem eius simul cum ceteris profiteor. Nam & Ezech. 9. iussu Dei signantur illi, qui gemunt & dolent super cun-
*Quamni ge-
mens & dolens.* tis abominationibus, quæ sunt in media Ierusalem: non autē signantur, qui ex Ecclesia exeunt. Nam destruentes & dissipantes te, à te exibunt, ait Ecclesiæ Deus Isai. 49. Et Christus Matth. 12. *qui non est mecum, contra me est: & qui non congregat mecum, spargit.*

LAUS DEO ET BEATÆ MATRI
MARIE SEMPER VIRGINI.

LECTORI S.

PARTIM operarum Typographicarum festinatione, partim Correctorum oscitantia, partim denique Auctoris absentia factum est, ut complures menda in vniuersum hoc opus irrepperint: quarum quæ maximè sunt insignes, Indiculo completi visum fuit, cuius ductu antequam ad lectionem accederes, suo quasque loco, siue tuo ipse Marte, siue alio aliquo ei curæ allegato, corrigere posses. Et illa quidem, quæ in ipso opere errata fuere, mox subiicientur: quæ verò in Præfatione ac Summario corrigenda occurrunt, hic tibi repræsentamus.

a. 2. b. u. 8. animo affectis.
a. 3. b. v. 1. penitus inspecta.
a. 4. b. v. 32. nulla antegressa.
v. 36. nescientes amici:
b. 1. b. v. 23. quantacumque
b. 2. b. v. 8. Si eos calumnia.
v. 28. enim Faunos & vestra.
b. 3. a. v. 23. præseferant.
b. 3. b. v. 17. Brand. Principes.
c. 1. a. v. 5. deus, ait Aeschylus.
v. 17. posse videor.
c. 4. a. v. 17. malignitate abreptus.

c. 4. a. v. 18. Heroum illorum.
c. 3. b. v. 5. tibi cum libet.
v. 21. creuisse te.
d. 2. a. v. 14. procures regni.
v. 19. tamen in re longè.
v. 22. quib. reb. moueantur.
c. 1. b. v. 35. ex mea sententia.
v. 36. & nimis contum.
c. 3. a. v. 18. nihil Regibus.
v. 35. posteris suis.
v. 36. quod periculosissima.
v. 37. ex sua libidine.

ERRA-

ERRATA ECCLESIASTICI sic emendabuntur,

- P**A G. 17. vers. 23. Sacerdotibus data-
tam.
29. v. 35. ab eo denominari.
31. v. 18. Pacificatorio Edicto.
53. v. 26. dum siue impietatis, siue.
66. v. 26. paulo penitus.
68. v. 24. veram iudico.
74. v. 1. adhuc aliud.
87. v. 32. reuelationes habent, quibus
Deus reuelauit auriculam, 1. Reg.
15. De his 1. Cor. 14.
96. v. 4. nodus occurrerit.
103. v. 27. quo ipso
105. v. 3. Petri cum facto.
113. v. 31. nomen ei commutauit.
115. v. 22. in margine: suum Domini-
um cum hominibus communicet.
147. v. 3. peccato subiaceant.
154. v. 13. siue à Tyranno.
157. v. 30. arctissimo nodo d. h. a. colliga-
riq. constet.
164. v. 10. Dominio suo
167. v. 26. nondum se aut suos.
168. v. 31. nec se nec heredes.
173. v. 21. ab hoste securi sint.
174. v. 17. humiliauerant, sunt suc-
cessores.
184. v. 16. Spiritui sancto resistere.
189. v. 37. meque sacram scripturam.
209. v. 5. quadringentorum.
214. v. 30. Rom. 16.
v. 33. alicui alteri.
231. v. 14. anniuersaria indicit.
238. v. 19. ad fide Christi conuersario.
244. v. 12. Eundem enim a. h. p. qui
Lutheri.
249. v. 36. quam sese.
250. v. 27. cum & ipsa.
252. v. 2. ullius humanitatis.
255. v. 26. is cuius in oculos.
v. 32. morbus vexat.
259. v. 27. qui non vident, videant,
& qui vident.
261. v. 24. Superare contendentis.
262. v. 25. recitatur sua foria.
264. v. 32. Mimi Senarius.
266. v. 30. quo igitur tandem modo.
275. v. 33. & Solus radio scripta.
278. v. 3. similis pœne.
279. v. 33. in pœne communionem.
286. v. 20. cum humanis rebus agitur.
290. v. 5. prompto ac volenti.
v. 19. ipsa natura.
292. v. 29. apud Linium.
294. v. 33. quia generant.
295. vv. 12. πρὸς τὸν ἑσπέρωντα.
296. v. 16. Disputationis materia.
297. v. 36. supra cap. 77.
300. v. 19. Job 34.
303. v. 24. quod in ipso est.
307. v. 15. nisi quod Deus vult.
308. v. 29. controuersam dubiamq.
309. v. 9. aberrans.
310. v. 11. non audet.
v. 30. suffugia sunt infirmitatis.
312. v. 1. Idololatæ.
- v. 22. quod non à Deo acceperit.
- v. 23. longeque disiuncta cognoscen-
di Sanctis.
313. v. 2. hoc ad suam.
314. v. 23. atque ipse.

ERRATA.

315. v. 7. *errare nos esse.*
 319. v. 6. *animis offeruntur.*
 320. v. 30. *ipsa res.*
 323. v. 10. *diductu.*
 v. 37. *non magno negotio.*
 327. v. 8. *superumpendat ipse.*
 v. 15. *hac de abstinentia.*
 v. 21. *in hostilibus.*
 330. v. 7. *Et ager agro.*
 v. 20. *quam ipse s. v. a. s. credit.*
 331. v. 1. *cuius rei veritas.*
 v. 7. *vidit alterum.*
 v. 24. *in originali peccato concepta fuerit] Et si correctio non est necessaria, si textus probe consideretur.*
 332. v. 6. *in perfectiorem.*
 333. v. 3. *Erat quippe.*
 v. 7. *ignorantia eorum.*
 335. v. 1. *utcumq. tractabimus.*
 343. v. 34. *expenda auaritia.*
 344. v. 21. *argumentem.*
 345. v. 21. *adire turbam me pudet.*
 347. v. 22. *ad docendum missis.*
 348. v. 18. *A maiore quippe.*
 352. v. 32. *Lutheranum deserant.*
 357. v. 3. *sit hostis tectus.*
 359. v. 5. *Spiritus illius.*
 v. 14. *acceptum retinuerit.*
 361. v. 36. *sive verum Dei verbum.*
 v. 57. *et verbum Dei.*
 363. v. 20. *sine crimine et irrepr.*
 364. v. 10. *et munitiones.*
 367. v. 36. *ad fugandam stultitiam.*
 369. v. 7. *doctrina talium.*
 v. 24. *quippe qui naturam.*
 371. v. 8. *pro Ecclesia gestis inclita.*
 373. v. 23. *auerarentur.*
 374. v. 37. *nobiscum dissident.*
 375. v. 2. *illis autem.*
 v. 23. *nostra pertinet.*
 376. v. 18. *ac verbum suum.*
 377. v. 33. *ex inito.*
 384. v. 19. *opes Ecclesiarum.*
 388. v. 8. *comminationis auctoritate.*
 392. v. 5. *inquit Gedeoni.*
 v. 14. *qua me omnipot.*
 400. v. 6. *literis causam Ecclesie.*
 402. v. 7. *fecit. Quod ut tato distinctio.*
 407. v. 38. *si vestras vires.*
 409. *in margine v. 8. incolumitas pacta.*
 410. v. 11. *præclare de Ecclesia Dei gloria.*
 v. 33. *declarent illud Poeta.*
 411. v. 26. *adulterio ac Reconcil.*
 v. 38. *percussoribus suis.*
 414. v. 8. *humilis erit et obediens*
 415. v. 25. *et lucem tenebras.*
 416. v. 4. *quas Vineæ Domini.*
 v. 6. *desinam populum.*
 418. v. 9. *ad quorum munus e. c. p. p. eorumque.*
 v. 11. *conuertenda.*
 v. 24. *soluas iugum fratris.*
 419. v. 10. *Hos Ecclesia Lapidibus.*
 420. v. 38. *Huiusmodi loca in peram.*
 421. v. 29. *et quacumq. parte.*
 422. v. 10. *sententia quapiam.*
 425. v. 20. *brachis recte.*
 v. 37. *ad nos Catholicos.*
 428. v. 38. *ne in unico quidem capite.*
 432. v. 8. *Protest. inscripsi.*
 437. v. 11. *ad docendum.*
 v. 36. *quod maxime poterant.*
 438. v. 7. *is articulus.*
 439. v. 8. *velut duplicarios.*

- v. 21. in margine: artes quibus eff. v. v. videantur.
 v. 31. in causa sua utuntur.
 440. v. 10. aduersarij importunitate eade
 441. v. 1. quoniam ultio Domini.
 442. v. 9. Ecce alienigenae.
 v. 11. populorum & Principum horu.
 445. v. 28. Numquid adheret tibi
 450. v. 22. comparari nolunt.
 452. v. 35. siue de opinione
 453. v. 6. non bellui manum.
 458. v. 4. recepere.
 459. v. 33. proposuit mensam suam.
 464. v. 10. pio Electoris
 465. v. 15. seruetur, collatum Concordia
 libro inferendum curasse. Sed
 466. v. 36. corruptis idem luculentissime
 v. 37. Badensis non semel,
 468. v. 8. Caluinismo infecit.
 469. v. 32. homines eam ret.
 472. v. 9. formis mista sit
 v. 22 quam vis ac sententia.
 474. v. 15. velut capsam, qua
 475. v. 3. alij enim Reip.
 v. 24. iracundia eos
 477. v. 30. seu Legum verbis
 482. v. 35. multa mutauerit
 485. v. 1. commenda fidelibus
 489. v. 5. meq; Mesiam
 v. 26. Portenta quoq;
 v. 27. ei qui assentitur.
 v. 34. ab adulterinis.
 487. v. 6. hoc modo cum ipsi
 v. 15. in ea Legem Dei
 489. v. 34. Leges recte latae
 490. v. 18. is, qui Sacerdotes
 v. 38. rebus humanis exempto
 491. v. 1. Pontificem omnibus
 v. 19. nautis, mimis, histrionibus.
 492. v. 5. utilitatem spectat.
 493. v. 34. Lacedaemoniorum ciuitate.
 494. v. 25. pectoris sui
 v. 26. in Protagora
 496. v. 23. Sermones seductorum
 502. v. 3. communionem non negabans
 503. v. 11. ad extremum
 505. v. 31. Incuruabit
 507. v. 19. & euertent
 509. v. 6. meliorem secuis
 511. v. 32. ei malo
 516. v. 33. Sed qualem
 517. v. 18. ut hic populus
 518. v. 26. adificationem siue utilitatem
 v. 31. in inuidiam rapi
 v. 38. procedente tempore
 519. v. 2. vstione ac sectione
 v. 15. morbum suum exprobrat
 v. 35. 1. Reg. 8.
 520. v. 24. ubi omnia manu regia
 v. 26. exterorum, sed ciuium
 521. v. 16. alterum at abnuat
 v. 21. simul ei hoc
 v. 28. requirere videbatur
 v. 33. praemij futurum
 523. v. 13. hereditarium in omnibus
 524. v. 3. sui promulgata
 525. v. 32. regia maiorem
 v. 23. potestatem esse cogat.
 526. v. 33. sunt Pastores gregum
 528. v. 5. omnium secularium quoq; reru
 v. 12. quanto magis
 530. v. 38. seditiones
 536. v. 23. imponere possent, cuius
 537. v. 21. vfos esse
 538. v. 36. vidulo aut pera
 539. v. 4. etiam sibi attendat.

Z

2.6.243

005267069

2.6.26

555

2.6.243

